



# Juziñamui Ñuera Uai

Minica Huitoto New Testament

## Contents

SAN MATEO . . . . .	1
SAN MARCOS . . . . .	55
SAN LUCAS . . . . .	88
SAN JUAN . . . . .	144
LOS HECHOS . . . . .	181
ROMANOS . . . . .	228
1 CORINTIOS . . . . .	253
2 CORINTIOS . . . . .	275
GALATAS . . . . .	290
EFESIOS . . . . .	298
FILIPENSES . . . . .	306
COLOSENSES . . . . .	312
1 TESALONICENSES . . . . .	318
2 TESALONICENSES . . . . .	323
1 TIMOTEO . . . . .	326
2 TIMOTEO . . . . .	333
TITO . . . . .	338
FILEMÓN . . . . .	341
HEBREOS . . . . .	343
SANTIAGO . . . . .	364
1 PEDRO . . . . .	369
2 PEDRO . . . . .	376
1 JUAN . . . . .	380
2 JUAN . . . . .	385
3 JUAN . . . . .	386
JUDAS . . . . .	387
APOCALIPSIS . . . . .	389

## Juziñamui Ñuera Uai New Testament in Huitoto, Minica

copyright © 2011 Wycliffe Bible Translators, Inc.

© 2011, Wycliffe Bible Translators, Inc. All rights reserved.

Language: Minica Huitoto (Huitoto, Minica)

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright information.

You do not sell this work for a profit.

You do not change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

ISBN 978-1-5313-0289-4

---

PDF generated on 21 Sep 2016 from source files dated 21 Sep 2016

740f11a2-2e26-57f5-a3a7-5deb2d20bd24

---

This print-on-demand edition of Scripture is designed, produced, and provided at cost by the Digital Bible Society. This is made possible through partnerships with the Bible League of Canada, Open Doors International and other missions and translation agencies. We are deeply grateful for the sacrifices made in translating this edition of Scripture and the generosity of others in making this Bible available to you.

To order additional copies of this Bible or hundreds of translations like it or to learn more about our ministries and the mission of Scripture distribution in every language, we invite you to visit [www.DBS.org](http://www.DBS.org) (USA), [www.BibleLeague.ca](http://www.BibleLeague.ca) (Canada), and [www.OpenDoors.org](http://www.OpenDoors.org) (Europe). May God bless your work in sharing and teaching these Scriptures, until, as it is written, the earth is *“filled with the knowledge of the glory of the LORD, as the waters cover the sea.”* (Habakkuk 2:14)

---

## JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci*  
(Lc 3.23-38)

<sup>1</sup>Benomo cuega mámeciai Juzíñamui Jitó Jesucristo nánoramaci. Jesucristo jaiái illaíma David náiraimona comuídímie. Daje izóí afémie David nánoramie Abraham náiraimona comuídímie.

<sup>2</sup>Afe Abraham Isaac moo, íemo jiái Isaac Jacob moo. Iemo Jacob Judá ie ámatiaíri íaioi moo. <sup>3</sup>Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. <sup>4</sup>Iemo Aram Aminadab moo. Iemo jiái Aminadab Naasón moo. Iemo Naasón Salmón moo. <sup>5</sup>Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. <sup>6</sup>Iemo Isaí illaíma David moo. Iemo illaíma David, Urías tiilla mei Urías ai ote. Iemo David íaillinoi jitó Salomón.

<sup>7</sup>Iemo Salomón Roboam moo. Iemo Roboam Abías moo. Iemo Abías Asa moo. <sup>8</sup>Iemo Asa Josofat moo. Iemo Josofat Joram moo. Iemo Joram Uzías moo. <sup>9</sup>Iemo Uzías Jotam moo. Iemo Jotam Acáz moo. Iemo Acáz Ezequías moo. <sup>10</sup>Iemo Ezequías Manasés moo. Iemo Manasés Amón moo. Iemo Amón Josías moo. <sup>11</sup>Iemo Josías Jeconías naa ie ámatiaíri moo. Aféruillaído Israel nairai Babilonia éniemo lláviano uigáiaioi.

<sup>12</sup>Afe mei Jeconías Salatiel moo. Iemo Salatiel Zorobabel moo. <sup>13</sup>Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. <sup>14</sup>Iemo Azor Sadoc moo. Iemo Sadoc Aquim moo. Iemo Aquim Eliud moo. <sup>15</sup>Iemo Eliud Eleazar moo. Iemo Eleazar Matán moo. Iemo Matán Jacob moo. <sup>16</sup>Iemo Jacob José moo. Afe José, María ini. Aféngomona comuide Jesús. Afémie jiáiíci Cristo.

<sup>17</sup>Be daíí Abrahámona Davidmo itígima catorce méidigimaiaí. Daje izóí David il-lágimamona Israel nairai lláviano Babilonia éniemo uillágimamo catorce méidigimaiaí. Iemo jiái afénomona catorce jiáigima Cristo comuíllanomo.

*Jesucristo comuíllafue*  
(Lc 2.1-7)

<sup>18</sup>Jesucristo jocoina bie izóí joide. Ie ei María ja jicánogango Josemo iníreillena. Nai José diga íñena llezica, María Juzíñamui Ñuera Joreño ríinodo, ja úruereacade. <sup>19</sup>Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáifodo báinino buna onóñeno aféngona oni fiéacade. <sup>20</sup>Bíemo coméciilla llezica, ie ínia anado ángel dainámie, Juzíñamui abi ímie femo cícaide. Iena daide:

—José, David izíe ímie, meáíruiñeno o iri. María o aiza o oíri, mei afengo jocolle jitó Juzíñamui Ñuera Joreñodo comuúdeza. <sup>21</sup>Afengo jitó jócoite; ie mei Jesuna ie mámece jíitaitio. Afémie daíí mámeceireite, mei ie comínina íaioi fiénidifuemona jíllloiteza, —daide.

<sup>22</sup>Nana bie íficaide, jaiái Juzíñamui uai jino llóraíma dainana ñue ícoímo fúitallena. Afe uai llóraíma bie izóí daide:

<sup>23</sup>Nai iníñide jitaíngo úruereacade; íemona jitó cómuite.

Afémie mámece Emanuel daíille.

Afeci daííacade, Juzíñamui cai diga ite.

<sup>24</sup>José nicáírillamona cazíllano Juzíñamui abi ímie íemo ocuilla izóí finode. Maríana ie ai izóí ote. <sup>25</sup>Mei íadi María jitó jócuano, afe íaillinoi ua ini izóí inédiailinoi. Jócuano Jesuna ie mámece jíitade.

<sup>1</sup>Jesús Belén jófuemo jococa. Afe Belén Judea éniemo ite. Aféruillaido Herodes aféniemo illáimana ite. Iemo dáamací jitoma billáfene imaci Jerusalemo dúcidiaioi. Afémaci ucúduaido ráfuena baitáдино. <sup>2</sup>Dúciillano jicánotiaioi:

—¿Ninomo ite jococa Judúuai illaíma? Mei jitoma billáfenemo ie illano onótate ucúduna ciódicaíza. Afémie cáimadollena benomo biticai, —daídíaioi.

<sup>3</sup>Bífuena Herodes fídiamona, afémie comeci llícide. Daje izói jíái nana Jerusalén comini afemo comeci llícioidiaioi. <sup>4</sup>Iemona Herodes nana lletáriraini illaini, íemo ocuica uaillai llófuettino diga dáanomo jíirillano jicánote. ¿Mei nie jófuemo afe Cristo jéicille? <sup>5</sup>Jira íena daídíaioi:

—Afémie Belén jófuemo jéicille, mei jaii Juzíñamui uai llóraini bie izói dáideza:

<sup>6</sup>Belén jofue Judá éniemo ite.

Afe éniemo ite jamánomoide jófuemona afe Belén dinó dúeñeite;

mei afénomo cue nairai Israel úiñoite illaíma cómuíteza, —daí daídíaioi.

<sup>7</sup>Afe mei Herodes ucúduaido ráfuena baitáдинona báinino uáidote. Uáiduno íaioimo jicánote: “¿Niíe monado afe ucúduna ciódiomoi?” <sup>8</sup>Íaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báiaí, cuemo lluaíbiri, mei afézana cáimaduaiacadícue, —daide.

<sup>9</sup>Afe illaíma daí íaioina daína mei, ucúduaido ráfuena baitáдинo jáidiaioi. Ie mei jitoma billa dibénemona íaioi ciona ucudu, meine abido íaioina ífóicaide. Ífóicaillano afe úrue illánomo mózizaide. <sup>10</sup>Baitáдинo afe ucudu mózizaillana cióillano, iere cáimacaidiaioi.

<sup>11</sup>Iemo afeco eromo jaillano, afézana ie ei María diga cióidiaioi. Iemona afézamo cañici ana dújuillano, íena cáimadotiaioi. Afe mei íaioi atica raa túiñuano, afézamo fecáidiaioi. Ua oro, íemo uguci, íemo “mirra” daína ráifide ziórede raa, afézamo fecáidiaioi. <sup>12</sup>Afe méifomo, Juzíñamui nicáirillado íaioimo lloite; Herodes illánomo íaioi jáiñeillena íaioina daide. Afemona oni jíáie iodo íaioi éniemo jáidiaioi.

*Jesús moo íaillinoi Egíptomoto bótaja*

<sup>13</sup>Ucúduaido baitáдинo meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daiille dinó omoi iri. Mei Herodes bie úrue fállena jénoíteza, —daide.

<sup>14</sup>Mei jira José náidacaillano, úrue naa ie éioiri naio Egíptomoto botáidiaioi. <sup>15</sup>Afénomo ua Herodes tíille dinó itíaioi. Bie izói íficaide, Juzíñamui uai llóraini jaii daína uai ñue ícoimo fuitállena. Afe uai be niíe: “Egíptomona cue Jitó uáidotícue.”

*Herodes nana úruiaína fazítate*

<sup>16</sup>Iemo Herodes ucúduaido baitáдинo afémie jífánodoiana fidiillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitáдинo úrue jocóinana Heródesmo llua izói, mena fimona fuitade úruiaína fazítate. <sup>17</sup>Bie izói jaii Juzíñamui uai llóraini Jeremías lloga uai fuite. Be ñíuui:

<sup>18</sup>Rama jófuemo zúurede uai cácaíte; cáillicaiilli eia uai cácaíte.

Nairai uzuma Jacob ai Raquel báifene jica ia cómuítaga úruiairi éhena.

Aféngomona jica ia úruiaí cómuítatino eia jaca buna fíranide, mei afengo úruiaí fazílliaioíza, daí Jeremías daide.

<sup>19</sup>Mei afe Herodes tíilla méifodo Juzíñamui abi ímie nicai anado batí Egíptomoto Josemo cíocaide. Cíocaillano íena daide:

<sup>20</sup>—¡Náidacai! Náidacaillano úrue naa ie éioiri abido Israel éniemo omoi jairi, mei naui baie fáiacadino nana ja tíidiaioi, —daide.

<sup>21</sup> Afemona José afe úrue naa ie éioiri abido Israel éniemo jáidiaioi. <sup>22</sup> Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie afénomo jáíñeno Galilea éniemo jaide. <sup>23</sup> Afe Galiléamo dúcia méifodo, Nazaret jófuemo fiébizaide. Bifue bie izói joide, jaiai Juzíñamui uai llóraima daina uai ñue ícoimo fuitállena. Be ñíuui: “Jesús Nazaret ímie daiírena.”

## 3

*Juan Bautista táizicimo rafue jino llote*

(Mr 1.1-8; Lc 3.1-9, 15-17; Jn 1.19-28)

<sup>1</sup> Aféruído Juan Bautista Judea éniemo ite táizicimo lletámaizaibite. <sup>2</sup> Daide:

—Omoí comeci ífuiai mai méidori, mei monamo ite Juzíñamui illáimana illíruí ja íanori íteza, —daide.

<sup>3</sup> Bie Juan jaiai Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácacaide.

Afémie daide: “Juzíñamui bille io ñue fínua izói, omoí comeci ñue omoí finori.

Afémiemo io jaícina dénuu izói,

Omoí comeci íaífuiái omoí féitari,” —daide.

<sup>4</sup> Aféruíllaido Juan jítáigaroi camello itíraíai núnaroi. Ie ciraigi ife rille goí finoina. Afémie jaca fíuui rífirede. Daje izói cíjji jírofirede. <sup>5</sup> Jerusalén comini afémie úrillamo cacáreizaibitiaioi, daje izói nana Judea énie imaci, íemo jíái Jordán imani abi comini ie úrillamo cacáreizaibitiaioi. <sup>6</sup> Íaioimo ite fiénidífuiai jino íaioi llua méifomo afe Juan Jordamo íaioina báutizade.

<sup>7</sup> Mei íadi fariséuaimona, jíái saducéuaimona aillo comini Juan diné ie báutizajonomo bitiaioi. Afémaci bíllana Juan cóillano, íaioina daide:

—¡Titade jaióniaimona comuídino izóidiomoi! Ja ánozide duere zefuúllifuemona omoí botállena ¿bu omoí llua? <sup>8</sup> Omoí comeci ífue méidoiacanana ñúefuedo uáfodo jino ácatari.

<sup>9</sup> Dani ómoimona “Abrahámona comuídinodícaí cai íllamona Juzíñamui íena iticai,” afe izói daiíñeno iri, mei táinoza. Mei bie nofíciaimona, Juzíñamui jítáíadi Abraham comínina comútaredeza, daí ómoína daidícué.

<sup>10</sup> Fiénide amena tiéllena jata jicaida jóonia izói, fiénidino duere finoille jae ñue mameca. Nana figo llizíñede amena tíiano iraimo zocana uillano jobaica. (Tiéfirega zena izóidiomoi.) <sup>11</sup> Uáfúena bimaci comeci ífue íaioi méidua jira, jáínoido íaioina báutizadícué. Mei jíáífodo cue méifodo bíitimie, comínina Ñuera Joreño úcaitaite. Daje izói iraimo raa ñue zia izói afémie comínina íáinino ñue fínoite. Afémie iere cue baimo ríinorede, cue bie jamáimiedícuéza afémiena dama ñue jacíruiredícué. <sup>12</sup> Afe cue méifodo bíitimie arroz bíájidímie izói ja ie llocofe líícabite. Afémie arroz bíamona ícuai oni eneno ua izói, ñúemacimona fiénidínona oni eneno óite. Ñúemacina ie illánomo ñue ráiruite, mei jíáífodo fiénidícuai izóidínona jaca dúíñeite iraimo jóbaite, —dínori Juan úrite.

*Jesús báutizaina*

(Mr 1.9-11; Lc 3.21-22)

<sup>13</sup> Jesús Galiléamona imani Jordamo Juan illánomo bite, afe Juan ie báutizallena. <sup>14</sup> Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Níbaí mei cue dínena bitío? —daide.

<sup>15</sup> Jira Jesús íena daide:

—Dama daiítadeza, birui cue daina izói fíno, mei nana Juzíñamui jítaina izói fínóredicocosa. Afe coco finolle cócomo ñue jóbide, —daide.

Iemona Juan ja fairíote. <sup>16</sup> Afemona Juan Jesús báutizade. Báutiza mei Jesús jáinoimona jino bite. Afe llezica mona raire tújicaide. Afe dáaruido Jesús Ñuera Joreño fíiciri ana

billa izói bíllana ciode. Afémiemo ráinazaibite. <sup>17</sup> Mei íemona monámona daa úrilla uai cacacaide. Afe úrilla daide:

—Bie iere cue izíruiga Jitó. Afémiemo jamánomo ióbioidícue, —daide.

## 4

Taife Jesús facátate  
(Mr 1.12-13; Lc 4.1-13)

<sup>1</sup> Afe mei Ñuera Joreño Jesús táizicimo uite, afénomo Taife afémie fieni facátallena.

<sup>2</sup> Afénomo Jesús cuarenta dígarui güiñeno ite. Mona naio díga afénomo güiñeno ite. Afe mei afémie iere jamánomo jufínaite. <sup>3</sup> Ie jufínailla llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie nofíciai paana mei fino, —daide.

<sup>4</sup> Jira Jesús uai ote:

—Jaiái Juzíñamui Cuegáuai daide: “Fia güílleo come ínide, mei jíáifodo nana Juzíñamui lloga uaido írede,” —daide.

<sup>5</sup> Iemo Taife Jesuna ñuera Jerusalén jófue mo uite. Afénomo ite gairíraco emódomo caifo jica Jesuna uite. <sup>6</sup> Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

Iaiói ónoído ona mozíñoitiaíoi, o éiba nofíciaimo íziñeillena, —daide.

<sup>7</sup> Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátañeno,” —daide.

<sup>8</sup> Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredífuiairi. <sup>9</sup> Iemo nane íena daide:

—Cañícido cue anamo dújuano cuemo o caimátaíadi, nana bie omo ííticue, —daide.

<sup>10</sup> Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocuífíregamiéna o iri,” —daide.

<sup>11</sup> Afemona Taife Jesús fáicanocaillano oni jaide. Afe mei dáarie Juzíñamui abi ímiíai Jesuna cánuaibite.

Jesús Galilea éniemo como fueñe táijizaide  
(Mr 1.14-15; Lc 4.14-15)

<sup>12</sup> Jesús Juan Bautista llavéinana fidíillano, oni Galilea éniemo jaide. <sup>13</sup> Mei íadi Nazaremo fiebíñeno, Capernaum jófue mo jaide. Afe jofue Galilea jorai fuédamo ite. Iemo afe jofue Zabolón éniemo ite. Daje izói Naftalí énie áinomo ite. <sup>14</sup> Jaiái Juzíñamui uai llóraíma Isaías lloga uai ñue fuitállena, bie izói íficaide. Afe uai daide:

<sup>15</sup> Zabolón énie, Naftalí énie díga áillue jóraimo jóide io áinori ite.

Afénie Jordán ruicáfelle mo ite.

Afénie judíoñedinomo dúide Galilea daina énie.

<sup>16</sup> Aféniáimo ite comíni jíñinomo itino izói Juzíñamuina onóñediaíoi.

Mei íadi ja birui afémaci como aillo egáññotena ciódino izói, Juzíñamuina uáfodo onódiaíoi. Iemo jíái afe tíide izói Juzíñamuina ónoñedíno jae egáññogaíoi, Juzíñamui zíñona illífuena íaíoi maiñóllena.

<sup>17</sup> Afe mei Jesús jino comínimo ie llófuelle uai fueñe tainede. Daide:

—Omoí comeci ífuiaí méidori, mei monamo ite Juzíñamui illáimana illírui áinozideza, —daide.

Jesús cuatro dígamie facófiredino uáidote  
(Mr 1.16-20; Lc 5.1-11)

<sup>18</sup> Jesús Galilea jorai fuédado macádemo, mena ama íaillinoína baite. Dámie mámece Simón, afémie jíáifodo mameína Pedro. Jíáie baigámie mámece Andrés. Afe íaillinoí facórani. Afe llezica llóji jóraimo dotáiaillinoí. <sup>19</sup> Iemo Jesús íaillinoína daide:



—Mai cuedo bi, comini llófuellena íaiói jénoitimiena ómicoína jóoneitícue, —daide.

<sup>20</sup> Iaillinoi llóiji fiénocaillano afémiedo jáidiaillinoi.

<sup>21</sup> Nane afe báifenemo Jesús mena jíáie ama íaillinoína cíozaide. Afe íaillinoi Zebedeo jító Santiago Juan diga. Afe íaillinoi áillue nocaemo ie moo diga íaiói llóiji ñue finódiaioi. Jesús íaillinoi uáidote. <sup>22</sup> Afe llezica, áillue nocaemo íaillinoi moo fiénocaillano, Jesudo jáidiaillinoi.

*Jesús nágagobiaimo aillo comini llófuete*  
(Lc 6.17-19)

<sup>23</sup> Afe mei Jesús Galilea éniemo nágafenedo jaide. Nana Juzíñamui uai llófueriracuaimo llófuerite. Afémie Juzíñamui illáimana illirui ñúefuedo jino llócaide. Daje llezica nana jíáifodorie irárede comini jíllotate. <sup>24</sup> Nana Siria éniemo Jesús finoca ñúefuiaí jalleide. Iemona Jesumo jíáiforiede dúcuaimo duere zefuídino atídiaioi. Iemo jíáiforie izi cácadino, íemo fiénide jóríai uícaigamací, íemo chémemo raamo jírdino, íemo títzitaitino, nana bie izóidino Jesumo atídiaioi. Iemo nana afémacina Jesús jíllotate. <sup>25</sup> Iemona diga jíáinuiaimona bitíaiói Jesudo jáillena. Galilea éniemona bitíaiói, íemo Decapólis jófuaimona bitíaiói, íemo Jerusalén naa Judea éniemona bitíaiói. Daje izói imani Jordán ruicáfellemona Jesudo bitíaiói.

## 5

*Caifónedumona Jesús lloga are uai*

<sup>1</sup> Jesús afe aillo iedo jáidinoína cíoillano, caifónedumo ráinazaide. Iemona ie llófuegamací afémie abido ofídiaioi. <sup>2</sup> Afe mei Jesús bie izói como íaioína llófuete:

*Caimare íobidino*  
(Lc 6.20-23)

<sup>3</sup> “Comeci dinena dúeredicái” daífiredino íobidiaioi, mei monamo ite Juzíñamui illáimana illarui afémacimo dúideza.

<sup>4</sup> Comécina zúuredino caimare itíaiói, mei Juzíñamui íaiói fíraiteza.

<sup>5</sup> Comécina mánaidino caimare íobidiaioi, mei Juzíñamui jica ía íaioiena mameca énie máíñoitiaioiza.

<sup>6</sup> Júbiena méinegamie iere güíacana izói, Juzíñamui comeci jítaina izói iere íacadino caimare íobidiaioi, mei Juzíñamui afe íaiói íacanana izói íaiói íllena afémacina cánoiteza.

<sup>7</sup> Jíáimacimo dúecaifiredino caimare íobidiaioi, mei Juzíñamui íaíoimo dúecaiteza.

<sup>8</sup> Comécina íaínidino caimare íobidiaioi, mei Juzíñamuina cíoitiaioiza.

<sup>9</sup> Ícírufuena oni orédino caimare íobidiaioi, mei Juzíñamui afémacina “Cue jítódiomoi” dáíteza.

<sup>10</sup> Juzíñamui jítaina íaiói fínuari duere zefuídino caimare íobidiaioi, mei monamo ite Juzíñamui illáimana illarui íaíoimo dúideza.

<sup>11</sup> Comini omoi báíñua, omoi duere íaiói fínua caimare íobidiomoi. Daje izói cue ícoína taño uailai ómoimo íaiói nitáadi caimare íobidiomoi. <sup>12</sup> Afena náfueneño íobicana caimare omoi iri, mei monamo ite áillue ebíredífue jíridoitioimoiza. Mei jaiaí nai omoi íñena llezica ite Juzíñamui uai llóraíni daí duere finóllena racácaiaioi.

*Sal ñue fínua izói, afe izói comini ñue finódinona itíomoi; daje izói bínie egáíñotinodiomoi*

(Mr 9.50; Lc 14.34-35)

<sup>13</sup> Omoi, sal izói, bínie comini ñue finódinona itíomoi. Mei íadi sal ie ríino íñenia güíllena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráííñede. Comini zaizíllena macáranomo dotárega.

<sup>14</sup> Omoi finoca ñúefuiaí fínuaomona, bínie comini ñue íllena egáíñote raa izóidiomoi. Iemona caifónedumo ite uáfóri cíocaide jofue jaca retáidonina izói itíomoi. <sup>15</sup> Uneca mechera nogo eromo retáidollena unéñediomoi. Mei jíáífodo caifo uáfóri cíóidinomo

uneda ráinafirediomoí, jofu eromo itínomo ñue egáíñollena. <sup>16</sup> Afe izói ómoímo Juzíñamui comuítaga omoí finófirega ñúefuiái jino comini eróicana finócana omoí uiri. Daíí omoí ñue finócafuiaina ñue íaioí cóuilleza. Uáfori íaioímo cótari, monamo ite omoí Moomo ñúefuiái íaioí jónollena.

*Jesús Moisés ocuica uai dibénedo llófuete*

<sup>17</sup> “Moisés ocuica uai cáitajaibite,” daíí cuemo omoí comécíñeno iri. Daje izói jaiai Juzíñamui uai llóraima llófuía féitajaibiñedicue. Jaca afe uailái féitajaibiñedicue, mei jíáífodo afe uailái ñue ícoimo fúitaibiticue. <sup>18</sup> Uáfueña ómoína dáititue, mona naa énie díga nai fúíneille díno bie ocuica uáillaímona daa uai oni ónide. Nana áfemo lloga ífcaitífuiái nai zuíñena llezica, afe uailái jaca íite. <sup>19</sup> Ie jira afe ocuica uáillaímona daa uai iere duere íadí dáamie náfueñenia, monamo ite Juzíñamui illáimana illáruimo afémie jamáimiena jáite. Daje izói afémie náfueñena izói jíáímacina “Cai náfueñeilli” daííadí, iere jamáimiena jáite. Mei jíáífodo aféuailái náfuetinona íemo jíáímaci afe uaina náfuetadinona, “Bimaci Juzíñamui illáimana illáruimo jamánomoidinona,” daíílle. <sup>20</sup> Mei birui ómoína dáititue: Juzíñamui jíáimana ñue ícoimo fuitállena, ocuica uai llófuetino, fariséuai díga iere áfena nícidotíaoí. Mei íadí íaioí nícidoga baimo omoí fíñoñenia, monamo ite Juzíñamui illáimana illáruimo dúcíñeítíomoi.

*Jesús comini icírilla dibénedo llófuete*

*(Lc 12.57-59)*

<sup>21</sup> Omoí jaíáídigimaci dáinana cacádiomoi. Afe daina be ñie: “Jiáimana titáñeno iri, mei jíáima titáímie jícánvano duere finolle.” <sup>22</sup> Mei íadí afe emódomo nane dáititue. Ninó dáamie ie aino come díga icíría, afémie áferi jícánvano duere finolle. Daje izói ie ámana íaire daíímie Jamánomo Ríillaini afémiemo jícánvano duere finolle. Iemo jíái ie ámana “O abina onóñedímiedio,” daííadí afémie áferi jaca ninomo dúíñede iraimo orérede.

<sup>23</sup> Iemona Juzíñamuimo o úriacana llezica, daje izói afémiemo fia fecácaga raá o izájíacana llezica, o aino come díga o icírillamo o uibóicaiadí, <sup>24</sup> afe o izájíacaga raana izáiñeno iri. Fueñe afémie díga ñue o fínori, caímare uái ómicoí illena. Afe ñue ómicoí fínua méífomo, o izájíacaga raana fecáredio. Ja Juzíñamuimo úriredio. <sup>25</sup> Iemo jíáífuemo omoí cacai. Íaífue omo maméímie díga raire o úrizairi, afe íaífue záilleza. Jicánoracomó nai ona uíñena llezica, maí jino io anamo ñue ómicoí záítari, jícánoraímamo o ie úíñeilleza. Daíí o fíñoñenia, afe jícánoraíma fíénidíno llaitáfíredínomo ona izájite. Iemo afémaci ona llavéracomó íbaitíaoí. <sup>26</sup> Uafue ona dáititue, o llavétatímie jíaca úcube ie jícaja díeze o íbañenia, afécomona jaca jino bíñeítio, —daídícué.

*Jesús comini finoca jiruífue dibénedo llófuete*

<sup>27</sup> Jaiai daínáuái cacádiomoi. Afe be ñie uai. Jíáie ringo díga jiruídoñeno o iri. <sup>28</sup> Mei íadí ómoína daídícué: Omoímona dáamie ringomo eróicana fíeni comeci facáadi, afémie jae áfemo díga ie comécído jiruífue fínode.

<sup>29</sup> Mei o ciona raamo o éroíllamona fíénidífue mo ona baíítaia afémo eróíñeno o iri. Ua, o uíjí nabeji o fítajamona o eróinino o illa izói, afe izói o fíéniruitate raamo eróíñeno o iri. Afe uíjí júbene o fítañenia izói, fíénide raamo éroíllano o fáicanocaiñenia o abina nana iraimo dotátaite. Ie jira o abímona daa íeizi íñena izói, nana o abí táinocaille baimo iere ñuera. <sup>30</sup> Daje izói o finócanafuiái fíénidífue mo ona baíítaia, aféfuíái fínóñeno o iri. O onoi nabezi o jáítajamona aféfuíái o fínónino o illa izói, afe o fíéniruitate ráfuíaina o fáicanocairi. O jáítañenia izói, o fáicanocaiñenia, o abina nana iraimo dotátaite. Ie jira o abímona daa onoi íñenia izói, nana o abí táinocaille baimo iere ñue ite.

*Come ai dótafírena dibénedo Jesús llófuete*

*(Mt 19.9; Mr 10.11-12; Lc 16.18)*

<sup>31</sup> Daje izói jíáie jaiai daina uai bie izói joide: “Ninó daa come ie ai dotáadi, afe bie ringona benómona óñeítícué daínabe aféngomo írena.” <sup>32</sup> Mei íadí birui ómoína daídícué:

Dáamie ie ai dotáadi, afémie aféngona jiruífretaite. Mei íadi daa ráfuedo dotárede. Afefue be níie: Afengo inírede ia jíáie iima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juzíñamui eróicana, afengo nai fueñeidimie ai.

*Jesús táinona uafue daiñllena Juzíñamui mámece llíinuado llófuete*

<sup>33</sup>Daje izói omoi jaiáidigimamona cacádiomoi. Afe be níie uai: “Juzíñamui eróicana ie mámece o llíinuano o dáinana ñue ícoimo záitari.” <sup>34</sup>Mei íadi birui ómoína daidicue: Uafue daiñllena jaca mona mámece llíinonidiomoi. Mona Moo Juzíñamui illánoza, áfede iere uafue daiñeno iri. <sup>35</sup>Daje izói énie íbogido uafue daiñeno iri, mei aféniena Juzíñamuimo jaináideza; fia ie idai jóonera izóideza. Daje izói o llógana uafue daiñllena Jerusalén mámece llíinoñeno iri, mei afe jofue Nahíllaimamo, ua Juzíñamuimo dúideza. <sup>36</sup>Daje izói dama o ífócido uafue daiñeno iri, mei o ífótirai úzetiraina méidonidiomoiza, daje izói jítitiraina orénidiomoiza. <sup>37</sup>Iemona jíáie uaina nabáiñeno “jíi fñoitucue” daiíri. Mei jíáfodo “jíi fñoineitucue” daiírena. Uafue daiñllena bie izói o daina baimo jíáie uaina o nabáiadi afe uai Taífémona bite.

*Jíaimamo íba úado Jesús llófuete*

*(Lc 6.29-30)*

<sup>38</sup>Daje izói jíáie jaiái nanómona dáinana cacádiomoi. Afe daina be níie uai: “Dáamie jíáimie ui fitáadi afe íbana afémie ui fitárega. Daje izói dáamie jíáimie ízido ditáadi afe íbana afémie ízido ditárega.” <sup>39</sup>Mei íadi birui ómoína daidicue: Dáamie fiene omoi finóadi, íbana afémiemo riire úriñeno o iri. Mei jíáfodo dáamie o uieco putáadi daje llezica enéfene putari éna o daiíri. <sup>40</sup>Dáamie taino omo jíitajano, o caifóferoi bairóadi, afe llezica o jinófenemo jíitaroi caifóferoi diga naga afémiemo o fecari. <sup>41</sup>Daje izói dáamie mei policía izóidimie méerece raana daa kilómetro ríifuedo o abítaiadi, afe baimo mena kilómetros ícíríñeno o úíri. <sup>42</sup>Nane dáamie raa ómoimo jícáadi, afe íemo o fecari. Jíáimie “Nano íanori cuemo fia feca” daiíadi, afémiemona oni jííicaiñeno o iri.

*Cai ícírillamacina izíruiredicai*

*(Lc 6.27-28, 32-36)*

<sup>43</sup>Daje izói jaiái nanómona daina uaina cacádiomoi. Afe be níie uai: “Omo caimare úrífirnamiena izíruiri, íemo o ícírillamiéna éoiri.” <sup>44</sup>Mei íadi birui ómoína daidicue: Omoi ícírillamiéna omoi izíruiri. Omoi faidódimiéna caimare íemo omoi finori. Omoína éoidinona ñue omoi finori. Omoi báíñotino, íemo jíái ómoína fiene finóacadino diga afémaci éna Juzíñamuimo omoi jíicari. <sup>45</sup>Daií omoi íllemona monamo ite omoi Moo Juzíñamui jíitóiaina jíitíomoi. Mei afémie ñuémaci ie jíitómana egáiñotadeza, daje izói jíáie fiénidimaci éna egáiñotadeza. Íemo, comécina jáicina jóidino afémie nocina bíitate, daje izói comécina jáicina jóíñedino éna nocina bíitate. <sup>46</sup>Mei dani ómoína izíruitinona omoi izíruíadi, ¿áfemona mínica jíridoítíomoi? Jaca jíridoítíomoi. Omoi jámairuiga gobierno raiñoca úcube llíinofredino da afémaci izíruitinona izíruitíomoi. Afémaci baimo izíruiredíomoi. <sup>47</sup>Dama omoi ámatíai caimare omoi uáidoiadi, ¿níie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidoredíomoi. <sup>48</sup>Monamo ite omoi Moo Juzíñamui íaífuenide comécina fígomiéna illa izói, afe izói omoi iri.

## 6

*Jesús cai finófirega ñúefuiai díbenedo llófuete*

<sup>1</sup>Jesús nai úrite; daide: Omoi finófirega ñúefuiai comini eróicana afémaci ómoimo cáimacaillena omoi finóñeno iri. Daií omoi finóadi monamo ite omoi Moo Juzíñamui ómoína mínícana jíírodotañeite. <sup>2</sup>Ie jira dúeredino o cánua llezica nana comini lloñeno, uái daií omoi canori. Jino omoi macáraomo, daje izói Juzíñamui uai llófuerraco eromo

diga táinona abi íinotino bífirediaioi. Afémaci comeci figõñedimaci illa llezica jino fínócafuiaimona ñúemacina eróidiaioi. Iaiói fínua izói finóñeno omoi iri. Afémaci daií finófirediaioi jíáimaci íaioido ñue úrillena. Mei uafue ómoína dáititue: Comini íaioido caimare úrillado, íaioi jirídoacaga raana jae íaioi jirídoga. <sup>3</sup>Mei jíáfodo dúeredinomo daa raa o fecalle llezica o izíruga aino cómemo lloñeno uái daií o fecari. <sup>4</sup>O fínófrega ñúefue báinino o finori. Iemona o Moo Juzíñamui o báinino finoca raana cóiteza. Afemona óiena mameca raana o jirídotaitaiza.

*Jesús Juzíñamuimo úrillado llófuete*  
(Lc 11.2-4)

<sup>5</sup>Juzíñamuimo omoi úrilla llezica, abi diné ñue cóoidimaci fínua izói finóñeno omoi iri. Afémaci Juzíñamui uai lloraco eromo caifo naidáillano ficírede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioina cóillena. Uáfueña ómoína dáititue, afe bie comini íaioido ñue úrillado, íaioi jirídoacaga raana jae jirídotiaioi. <sup>6</sup>Mei jíáfodo Juzíñamuimo o úrilla llezica, o jofe eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiena mameca raana o jirídotaita.

<sup>7</sup>Juzíñamuimo o úrilla llezica, Juzíñamuina onóñedino fínua izói, taíno uaillaí diga icaíño lloñeno o iri. Afémaci bie izói comécidiaioi: “Are cue úrillado Juzíñamui níbai cuemo cacárite,” daidíaiói. <sup>8</sup>Afémaci izói íñeno o iri, mei nai o jitaille raa o jícañena llezica o Moo Juzíñamui úcodo onódeza. <sup>9</sup>Ie jira bie izói afémiemo omoi úrifíreiri: Cai Moo Juzíñamui, monamo itio; o mámeçido ñúefue nitácaza.

<sup>10</sup>O illáimana illírui raire bíteza.

Dinomo monamo o comeci jítaíllafue íaioi fínua izói, afe izói bie éniemo finótaibiteza.

<sup>11</sup>Cai nágarui jitaiga gülleníai, birui caímo fecari.

<sup>12</sup>Cai finoca fiénidífue íba caímo oñeno iri, mei afe izói jíáimaci fiéni caímo finódiaioi íadi, afémacimo íbana onédicai.

<sup>13</sup>Iaifuemo cai baíñíllena caína uíñori.

Iemo afe llezica nana fiénidífuiaimona caína jíllotari.

Mei bínie comini jaca o illáimana illa anamo itíaiói.

Afémaci illáimaillena ríino jaca omo ite.

Daje izói jamánomo ñue ébífue jaca omo ite.

Ja daiítadeza.

<sup>14</sup>Mei uafue, ómoimo fiéni finódino finoca fiénidífueña omoi féitaia, afe izói monamo ite o Moo o finoca fiénidífueña féitaite. <sup>15</sup>Mei íadi aféfuiai omoi féitañenia, omoi Moo omoi fiénidífuiaina féitañeite.

*Jesús comini fímairilla dibénedo llófuete*

<sup>16</sup>Iemo nane Jesús daide: Dama Juzíñamuimo izire omoi comeci facállena güllena güiñeno omoi fímairilla llezica, omoi uíeçona zuure finóñeno omoi iri. Jínofene ñue cóina mei íadi coméçina íáiredino daií finódiaioi. Iaiói fímairilla llezica abina iere zuure finódiaioi, comini íaioina cóillano “Baie fímairitino,” íaioi daiíllena. Uafue ona dáititue, afe izoide comini íaioina dáinado íaioi jirídoacaga raana jae jirídotiaioi. <sup>17</sup>Mei jíáfodo güiñeno o fímairilla llezica o uíeço ñue jocori; o ífo ñue júiri, <sup>18</sup>ona comini “Baie fímairitimie” dáiiñeillena. Iemona o diga ite báinidena cóífrede Juzíñamui, áfena dama cioille, íemona afémie áfena ona jirídotaita.

*Monamo cai jirídollena ofítaredicai*  
(Lc 12.33-34)

<sup>19</sup>Iemo nane Jesús daide: Biniemo aillo ráaniaína ofítañeno o iri, mei bíniemo diga raa ícuai güífíregaza, íemo jíaie raana ráataífredeza, íemo jíai meríírfiredino meríífredeza.

<sup>20</sup>Mei jíáfodo Moo Juzíñamui jítainana o finófireiri; caífo monamo íe illánomo ñúefuiai o ofítari, mei afénomo ite raana ícuai güiñeçeza, íemo jíai afeno raa zabíñede, íemo afénomo

merírifiredino merínidiaioi. <sup>21</sup> Mei uáfueza, o gaiga raa ofítajanomo dáanomo daje izói o comeci íteza.

Cai illafue ñue egáíñote raa

(Lc 11.34-36)

<sup>22</sup> Núefuemo o coméciilla omo ñue egáíñote raa izoide. Jira bobaie egáioinamona o uído ciónana o íóbitaja izói, afe izói núefuiai o jítaigana o comeci ífuena caimare itátaite. <sup>23</sup> Mei íadi núefuemo o coméciñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidífuedo o comécia nñ jamánomo jítifomo o illa izoide. ¡Ññ jamánomo jítirena!

Juzíñamuimo cai jainaina llezica úcubemo jaináinidicai

(Lc 16.13)

<sup>24</sup> Daje llezica mena ocuídímie anamo buna ínide, mei ménamiende anamo o íadi dáamie éoitio, íemo jíámie izírúitio. Daje izói dáamiemo ñue tájjiitio, mei íadi jíámiena jámairúitio. Afe izói Juzíñamuina abi o náamataja llezica úcubemo abina náamatanidío.

Juzíñamui ie úruiaína jáidinona ñue úíñote

(Lc 12.22-31)

<sup>25</sup> Jira ómoína dáititue, nágarui omoi jitaiga güille naa jirolle diga áfemo comeci faiñeno omoi iri. Daje izói daa o jitalle incuiromo comeci faiñeno omoi iri. Cai ñue illafue güille baímo ráífide. Daje izói cai caana abi iniroi baímo ráífide. <sup>26</sup> Mai monamo feede ófocuizaimo omoi coméciiri. Afémaci güilleniaína riñédiaioi. Daje izói llíziena jofu onédiaioi, íemo jíái güille ñue finórano o ofítañediaioi. Mei íadi monamo ite omoi Moo afémacina ecáífede. Omoi bie ófocuizai baímo iere ráífina. <sup>27</sup> Omoimona, comeci iere fáiamona ¿mei bu ie zairilla caifomo medio metro zairirena? Buna jaca daíí ínide. Dama Juzíñamui ona dínoiri o zairítaja. Afe izói o güillena ócuite, jira áfemo comeci faiñeno omoi iri.

<sup>28</sup> Iemo jíái ¿nibái mei incuiromo iere comeci fáífirediomoí? Jazícimo ite záfiamo omoi coméciiri. Raamo tájjiñediaioi, daje izói iníroina niñédiaioi. Mei íadi iere ebire cíoidiaioi. <sup>29</sup> Iemona ómoína dáititue jaii illaima Salomón iere ráarede íadi, bie záfia ebírena izói, ebíredíroina jítáñede. <sup>30</sup> Mei Juzíñamui ráitiaimo ebire cóitaiadi, afémie ómoímo jeruíñeno iníroina jítaite, mei afe ráitiai íanori ebire eróideza. Iemo afe jíáíruido ja jobáicaza.

<sup>31</sup> Iemona nana jíáie raamo comeci faiñeno omoi iri. “Cai güille inédeza, ¿mínica güíticai?” daíñeno omoi iri. Daje izói jíái “¿Mínica jíroiticai?” daíñeno omoi iri. Iemo jíái, “Iníroinidicaíza, ¿mínica jítaiticai?” daíñeno omoi iri. <sup>32</sup> Mei uafue, bíniemo ite Juzíñamuimo ínoñede comini bífuiaimo iere coméciidiaioi; mei íadi omoi Moo monamo ite. Afémie bie izoide raana omoi jítáillana onode. Jira ómoímo inéde raamo comeci fáinidíomoí.

<sup>33</sup> Mei íemona Juzíñamui illáimana illáruimo duide raamo raire úcodo járitafíreiri. Daje izói jíáie ie ocuáfue raire úcodo omo fínofíreiri. Afe mei nana bie omoi jitaiga raana óitíomoí. <sup>34</sup> Uire jiti cómutífuedo comeci faiñeno omoi iri, mei uire aferui dama ie comeci uille ráfueniai átiite. Nágaruillaido comuide comeci faille ráfuiaí ja figo báiteza, baímo nabáinide.

## 7

Jiáima jánana fiñi úriñeno o iri

(Lc 6.37-38, 41-42)

<sup>1</sup> Juzíñamui ómoímo izire jícanoñeillena, mai jíáima jánana fiñi úriñeno o iri. <sup>2</sup> Mei jíáima jánana riire o úrilla izói, afe izói Juzíñamui riire ómoímo jícanoite. Jíáimamo raana fácano omoi feca izói, afe izói afémie ómoímo fácano fécaite. <sup>3</sup> ¿Mei ññe izói o ama uimo ite jéenide ráaruaina códio, mei íadi afe dáaruído dama o uimo jéerie rarúnguái íllana

náfueñedio? (Afena dáiacade: Aillo fiénidifue omo illa llezica, ¿ñie izói due jiza oni nibéfodo baífimie jánana úriredio? Urinidio.) <sup>4</sup>Iemo afe jéerie rarúnguai dama o uimo íadi o ámana ¿ñie izói daífredio: “O uimo ite jéenide ráaruai cuena otátari?” Daíndio. <sup>5</sup>¡Abi ñue ñue cioide comécina íáiredimedio! Fueñe dama o uimo ite jéerie rarúnguai óri. Afe o ua mei, afe o ama uimo ite jéenide ráaruaina jino óredioza.

<sup>6</sup>Juzíñamui ñue finoca raa, Juzíñamuina íairuitinomo fecáñeno iri; fecádiomoiñadi áfena jámairuillano afémaci ómoína tíbítaitiaioi. Daje izói perla izoide ráifidifuiái meróniai izoide íaífuiáredinomo lloñeno iri; llotíomoiñadi meróniai ríriífírena izói bimaci ómoína uáitaíbitiaioi. Afe izoide núefuiai fiéni íacadinomo llónide.

*Juzíñamuimo cai jicalle bie izói jóide*

*(Lc 11.9-13; 6.31)*

<sup>7</sup>Mai omoi jicari, íemona Juzíñamui ómoimo fécaite. Mai omoi jenori; báitíomoiiza. Nazémoma caimare omoi uáidori; ómoimo tuizábiteza. <sup>8</sup>Mei jicádimie llínoteza. Daje izói jenódimie báiteza; íemo jái nazémoma caimare uáidotímiemo túgaza.

<sup>9</sup>Mei ómoimona dáamie ie jító pan jícaja llezica ¿meita nofcina írede? ¡Jaca íñide!

<sup>10</sup>Iemo afémie chamu jícaja llezica ¿meita jaiona írede? ¡ñide! <sup>11</sup>Mei fiénidinócaí íadi, ñuera raa cai úruiaimo fécajana onócaí. Mei íadi afe baímo monamo ite omoi Moo, afémiemo jicádinomo jamánomo ñuera raa fécajana onode.

<sup>12</sup>Mei íemona omoi jitailla jáímaci íaioi ómoimo finua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiai Juzíñamui uai lloraíni cueda uai afe izói jóideza.

*Rillírede monamo duide io rafue*

*(Lc 13.24)*

<sup>13</sup>Mei afe rillírede monamo duide iodo omoi jai. Niné táinocaitaitinomo jóide io iere áilloo. Daje izói áfeo boilla jamánomo áillue. Afeodo aillo comíni jailla. <sup>14</sup>Mei jáífodo zíñona cai cáailinomo jóide io jáicina jóide íadi rillírede. Daje izói áfeo boilla rillírede. Afeodo jáidino dúemaci.

*Naga amena ie llizílleo onórede*

*(Lc 6.43-44)*

<sup>15</sup>Diga comíni “Juzíñamui dibénedo úriticaí” daídíaioi, íadi taíno llotíaioi. Afe izoide comínimona abí omoi rairuiri. Afe bimaci ebire jíféidino izói ómoimo bitíaioi. Uáfueza, illáinide ovéjaiai izói ómoimo bitíaioi, mei íadi comeci ñue illáirede jánallari izóidino.

<sup>16</sup>Afémaci finócafuiaido íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliai óñegaza. <sup>17</sup>Mei daí nana ñuera amena ñue llizide. Daje izói nana fiénide amena fiénidíjiaína llizide. <sup>18</sup>Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. <sup>19</sup>Nana ñuera ráajiaína llizíñede amena tíano iraimo jobaica. <sup>20</sup>Bie izói baie ómoimo bitínona íaioi finócaígaíuedo uáfodo ónoitiomoi.

*Nana comíni monamo ite Juzíñamui illáimana illíruimo jáíñeítiaioi*

*(Lc 13.25-27)*

<sup>21</sup>Nana cuena “Ocuíraíma” daífíredino monamo ite Juzíñamui illáimana illánomo jofo jáíñeíte. Dani monamo ite cue Moo comeci jítaillana finóidino jofo jáírena.

<sup>22</sup>Aféruillaímo dúcia llezica, diga comíni cuena dáítiaioi, “Ocuíraíma, Ocuíraíma, o mámecido úrifíredicaí. Daje izói o mámecido fiénide joríaína jino orédicaí. Daje izói o mámecido cíorainina raana uaido comútticaí.” <sup>23</sup>Mei íadi afémacina dáíticue: “Jaca ómoína onóñedicue. Diga íaífuiái comúdíomoiiza, cúemona oni ii,” dáíticue.

*Ménade jofo nillino rafue*

*(Lc 6.47-49; Mr 1.22)*

<sup>24</sup> Mei afe bie izói joide. Cuena cacádimie íemo cue ocuícana finódimie jofo nílana baitádimie izoide. Afémie mairídinomo ie jofo nite. <sup>25</sup> Riire noci biide, íemo ille riire renaide, íemo riirede jairifo afécomo jaiñode; mei íadi afeco jainóñede, mei mairide éniemo nígaza. <sup>26</sup> Mei jíáifodo cuena cacádimie mei íadi cue ocuícana finóñedimie jofo nílana figo baitáñedimie izoide. Afémie ídiaidinomo ie jofo nite. <sup>27</sup> Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiíllano due fiebiñeno niné táino caide. Jesús dínorí úrite.

<sup>28</sup> Jesús úrilla méifomo, nana comini ie llófuemarillari caimare fáigacaidiaioi, <sup>29</sup> mei ríinoredimie izói íaioina llófue teza. Jai ai ocuica uai llófue fire dino ríinonide llófuia izói afémie llófueñede.

## 8

*Jesús chíunaitimie jíllotate*  
(Mr 1.40-45; Lc 5.12-16)

<sup>1</sup> Jesús caifónedumona ana billa llezica, diga comini afémiedo jáidiaioi. <sup>2</sup> Iemo irárede chíunaitimie Jesumo ánozide. Afémie Jesús anamo dújuillano daide:

—Ocuíraima, o jitáíadi bie dúícona cúemona oréredío. Cúemona oreri, —daide.

<sup>3</sup> Iemona Jesús ie ónoído afémiena jétano daide:

—Jii, ona jíllotaiacadícue. Benómona ja íainitioza, —daide.

Daí daina llezica ie iráretade chíie jacáibicaide. <sup>4</sup> Iemo Jesús éna daide:

—Cácarei, bifue bumo lloñeno iri. Dama lletáriraimamo o abi o ácatari. Afe llezica Moisés ocuica o abi ja íainide daítate raa afénomo mai o fecari. Afemona nana comini o chíie ja jacáillana ónoítiaioi, —daide.

*Romano illaíma ocuífíregamiena Jesús jíllotate*  
(Lc 7.1-10)

<sup>5</sup> Capernaum jófuego Jesús jailla llezica, Romano illaíma Jesumo billano izire jícade:

<sup>6</sup> —Ocuíraima, cue ócuífírega jíto come iere irárede. Batí jofomo biide. Afémie tíziri iere jamánomo izi cácade, —daide.

<sup>7</sup> Jira Jesús éna daide:

—O jofomo jaillano afémiena jíllotaitícue, —daide.

<sup>8</sup> Jira illaíma Jesús uai ote:

—Ocuíraima, cue jofomo o jáillena, cue iere jamáimiedícue. Jicana o uaido o ocuiri, afémie jílloilieza. <sup>9</sup> Mei dama cue jíáillaíma uai anamo itícue. Daje izói cue anamo cue úñoga fuíríraíni ite. Dáamiena “Bí” cue daía, afémie bírede. Jáímiena “Jai” cue daía afémie jaide. Daje izói cue ocuífíregamiena “Bie fino” cue daía, afémie áfena finode, —daide.

<sup>10</sup> Jesús áfena cacáillano, caimare fáigacaillano afémiedo jáidinona daide:

—Uáfena ómoina daidícue: Nana Israel náiraímo bie izói íñnote come jaca baiñédícue.

<sup>11</sup> Omoina daidícue, nágafeniamona aillo oni jícanemaci bíítiaioi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob díga gúítiaioi. <sup>12</sup> Mei íadi fueñe jáiredíno, jino jítnomo dotálliaioi. Afénomo afémaci iere énaicana murímurítiaioi, —daide.

<sup>13</sup> Iemona afe illáimana daide:

—Mai o jofomo jai. O íñnuaze ííteza, —daide.

Daí daina llezica afe irárede jíto come jíllode.

*Jesús Pedro jífaiño jíllotate*  
(Mr 1.29-31; Lc 4.38-39)

<sup>14</sup> Afe mei Jesús Pedro jofomo jaide. Afénomo Pedro jífaiño abi cuaríllari irare bíinana cóizaide. <sup>15</sup> Iemo Jesús afengo onoi líñua llezica ie abi cuarilla líñicaide. Afemona afengo náidacaillano afémaci jítailla bai atide.

*Jesús aillo iráredinuiai jállotate  
(Mr 1.32-34; Lc 4.40-41)*

<sup>16</sup> Aferui jítoma jímaicaidemo diga fiénide jóríai ogano Jesumo atídíaiói. Iemona daade uaido afe fiénide jóríai jino orede. Daje izói nane nana duícotaídinuiai afémie jállotate.

<sup>17</sup> Nana bie izói zúide, jaiái uai lloráima Isaías lloga uai fuitállena. Be afe uai: “Cai íraníai afémie uite. Daje izói cai duícuai afémie oni orede.” Daí Isaías lloté.

*Jesudo jáiacadino bie izói íredíaiói  
(Lc 9.57-62)*

Afe mei jorai fuédamo illa llezica, <sup>18</sup> diga comini Jesús abido nágafene gairíllana cíoilano, afémie “Mai jorai ruicáfenemo cai jai,” daide. <sup>19</sup> Iemo ocuica uai llófueráima Jesumo billano daide:

—Llófueráima, nana o jáiacana diné odo jáiacadicue, —daide.

<sup>20</sup> Jira Jesús ie uai ote:

—Nana jazici ríllenai uái ffireillino ite. Daje izói caifodo féedinuiai uái íaiói ráiillino ite. Mei íadi Nanoide fima Jitódicueza, dáanori uái cue illino íne, —daide.

<sup>21</sup> Iemo jíáie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tílle dinó cue ílleza, íemo íena ráiíacadicue; afe méifomo odo jáitícue, —daide.

<sup>22</sup> Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitímie afémaci ráilleza. O cuedo bi, —daide.

*Jesús jairifo naa jorai bagua diga llícaitate  
(Mr 4.35-41; Lc 8.22-25)*

<sup>23</sup> Ie mei Jesús naa ie llófuegamaci diga áillue nocaedo jáidíaiói. <sup>24</sup> Afe mei jorai ruicáfenemo jáidíaióimo, daa jamánomo rírede jairifo náidacailla. Afe jairífomona jorai bagua afecae acónillaina íbáiácade izoide. Mei íadi afe llezica Jesús ínide. <sup>25</sup> Iemona ie llófuegamaci ie cazítatíaiói. Cazítajano íena daidíaiói:

—¡Ocuíraima, cai jállota! ¡Ja buízaidícaiza! —daidíaiói.

<sup>26</sup> Jira afémie uai ote:

—¿Níbái mei íere jacínaitíomoi? ¡Omoi nai figo íñoñedíomoi! —daide.

Iemona afémie náidacaillano jairifo naa jorai diga lletade. Daí ie dáina llezica jorai bagóñeno uái ite. <sup>27</sup> Iemona afécaemo ítimíai cáimare fáigacaidíaiói. Fáigacaillano daidíaiói:

—Bie mei, ¿níie come? ¡Bímie dáina uaina jairifo naa jorai diga ínote! —daidíaiói.

*Gerasa éniemo ite fiénide jóríai úicaiga íaillínoi rafue  
(Mr 5.1-20; Lc 8.26-39)*

<sup>28</sup> Afe mei Jesús jorai enéfenemo Gerasa éniemo dúcidemo, mena íima raiáfuaímona Jesús diné bite. Afe íaillínoi fiénide jóríai úicaiga. Afe íaillínoi jamánomo jacire illáírede. Afedo jóide iodo buna jáinide. <sup>29</sup> Jesús afe íaillínoi lleta llezica caillíoidíaiillínoi:

—Jesús, Juzíñamui Jitódíoa. ¿Níbái mei cócomo jíricaidíoi? ¿Nai aferui dúcíñedemo benó coco duere fínuaíbitíoi? —daidíaiillínoi.

<sup>30</sup> Afe llezica afe áanori tóica meróníai güitíaiói. <sup>31</sup> Jira afe fiénide jóríai Jesumo izire jicádíaiói:

—Bie come íaillínoimona jino cai o oréadi, táinomo oréñeno baie meróníaimo cai oreri, —daidíaiói.

<sup>32</sup> Jira Jesús íaíoína daide:

—Mai afénomo omoi jai, —daide.

Afe fiénide jóríai afe íaillínoimona jino billano meróníaimo jaidé. Afe mei afe meróníai jorai arimo ite íconido jabida jóríaimo cocídíaiói. Afénomo coróbaizidíaiói.



<sup>33</sup> Iemona afe meróniai úiñotino jacínailano botádiaioi. Jófuemo dúciillano nana aféfuiai llotíaioi. Daje izói fiénide joríaí ucaiga íaillinoimo finócafue llotíaioi. <sup>34</sup> Iemona nana afe jofue comini Jesús illánomo jáidiaioi. Afémiena cíoilano, afe íaioi éniemona oni jáillena izire jicádiaioi.

## 9

*Jesús tízitaitimie jíllotate*  
(Mr 2.1-12; Lc 5.17-26)

<sup>1</sup> Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. <sup>2</sup> Afénomo tízitaitimie Jesumo atídiaioi, naa ie bírallu diga. Afémaci íñuana Jesús cíoilano, iráredimienna daide:

—Cue izíruigamie, mai caimare ii, mei omo ite fiénidifuijai jae dógaza, —daide.

<sup>3</sup> Jira ocuica uai llófuetinomona dáarie comeci anado daidíaioi: “Bímie baie jíáimie fiénidifuijai dóina dánado Juziñamuina icíritade.” <sup>4</sup> Jesús afémaci comécido dánana onóillano daide:

—¿Níbái mei fieni omoi comeci facádiomoi? <sup>5</sup> Mei daíí daína ménade uáimona ¿ñie uai iere llotáinina? Afe ménade uai be ñie: O fiénidifue muiñócaza. Iemo jíáie uai bie izói daína: Náidacaillano, maca. (liraie uai jamánomo llotáirede, mei omoi erócana íficaideza.) <sup>6</sup> Ie jira Nanoide ñima Jitódicueza, bíniemo cue illa llezica, comínimo ite fiénidifue cue muiñolle ríino jino ómoimo cíotaiticue, —daide.

Afemona afe tízitaitimienaa Jesús daide:

—Mai náidacai, náidacaillano o bírallu llínota o jofomo jai, —daide.

<sup>7</sup> Afemona tízitaitimie náidacaillano, ie jofomo jaide. <sup>8</sup> Nana comini áfena cíoilano iere jacínaitiaioi. Afemona Juziñamuimo ñúefuena nitádiaioi: “Mei Juziñamui áillue ríino bie cómemo fecádeza,” daidíaioi.

*Jesús Mateo uáidote*  
(Mr 2.13-17; Lc 5.27-32)

<sup>9</sup> Jesús afénomona oni jaide. Jaillano Mateo dainámienaa ciode. Afémie gobierno íbátaga úcube llíñoraíma. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

<sup>10</sup> Afe jíáiruidio Jesús naa ie llófuegamaciri jofo eromo íaioi güilla llezica, aillo jíáie úcube llíñofiredino naa jíáie fiénidino dánonomo güitíaioi. <sup>11</sup> Mei íadi Fariséuai áfena cíoilano afémie llófueganomo jicánotiaioi:

—¿Níbái mei omoi llófuetimie úcube llíñofiredino diga naa fiénidinori güite? —jicánotiaioi.

<sup>12</sup> Afena Jesús cacáillano, íaioina daide:

—Iocíredino íránidino daje izói manóriraímana jítañediaioi, mei jíáífodo iráredino manóriraímana jitailla. <sup>13</sup> Bie jaijai Juziñamui Cuegáuai dánana omoi onóizairi. Afe be ñíuui: “Conímana omoi duéruillena daje izói cuena omoi duéruillena jítaídicue. Mei íadi omoi fatá cuemo fia fecaca ríllenai jítaíñedicue,” daide. Ie jira dani ñúemacina abí mamédinona uáiduaibiñedicue, mei jíáífodo fiénidino íaioi comeci ífue méidollena biticue, —daide Jesús.

*Íaioi ímairillena Jesumo jicánotiaioi*  
(Mr 2.18-22; Lc 5.33-39)

<sup>14</sup> Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿ñibái ímairitagacai, mei íadi o llófuegamaci ímairíñediaioi? —daidíaioi.

<sup>15</sup> Jira Jesús uai ote:

—¿Airena rafue llezica áfemo uáidogano, meita zúurenari güínidiaioi? Daí inédeza; ringo otímie íaioi cígimo illa llezica caimare güitíaoi. Mei íadi ringo otímie íaioimona báruaibillíruí dúciite. Aféruido comeci zúurenari güíñeitiaioi. Ringo otímie izói birui cuedo jáicadino cígiri itícueza, —daide.

<sup>16</sup> Jesús nane jíáie onótatífue llote:

—Jaca ninomo dáamie tífoñegaroimona jaitada jácaie incuiromomo nitáñediaioi. Daí nitáadi afe cómoroi jácaroina fienu finode; mei nai jócoñega cómoroi jofo jainánuaomona jácaroimo ite cúaidínona aillo oni cuatácana jaide. <sup>17</sup> Daje izói comue vino jácara igorai finoína icíru zoide raamo totánide. Dámie daí totáadi afe comue vino afe jácara icíruna eroide raana cúataite. Afemona afe icíru naa vino díga táinomomo fáifite. Iemona comue vino comue igorai finoína icíruna eróidemo jónefírega. Iemona afe naga íue éenoga. (Afe bie dáinado Jesús ie comue llófueinafue, íemo íaioi jaiaí llófuegafue dáanomomo íñonide, dáanomomo náfuenide, íaioimo llófuete.)

*Jairo jiza íemo jíáingo Jesús iníroi jétaibítingo Jesús jíllotate*  
(Mr 5.21-43; Lc 8.40-56)

<sup>18</sup> Jesús bífuiaído úrilla llezica, judío illaíma Jesumo dúcide. Dúciillano, afémie anamo fueco díne bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaíbiri afengo jílloillega, —daide.

<sup>19</sup> Afe jira, Jesús náidacaillano afémie díne jaide naa ie llófuegamaciri. <sup>20</sup> Afémie iodo jailla llezica, jíáie iráredíngo afémiemo bite. Afengo afe irárenamona doce díga fímona dícotaita. Jesús comini cígido rillire jailla llezica, afengo Jesús jínoífene dínenana ie iníroi fueada jétaibite. <sup>21</sup> Mei afengo comécido daide: “Daa ie iníroi cue jetáadi jíllotícue,” daide.

<sup>22</sup> Iemona Jesús meine abido gírecaillano aféngona cíoillano daide:

—Ízfruíngango, caimare o iri. O íñnuamona ja jíllodioza, —daide.

Daí dáina llezica afengo jíllode. Afemona afengo ja íocírede.

<sup>23</sup> Jesús illaíma jofomo dúcia llezica, aillo comini come tíllari cáillicaiíli éediaioi. Afe llezica jíáimaci toticai zuure fúudiaioi. <sup>24</sup> Jesús aféna cíoillano daide:

—Benómoma oni omoi jai. Afeza tííñedeza fia ínide, —daide.

Afémie dáinari comini íemo zadáidiaioi. <sup>25</sup> Mei íadi Jesús afémacina jíno orede. Oriano jofo jaide. Jofo jaillano afe tídingo ónoído llínote. Llínua llezica afengo caífo náidacaide.

<sup>26</sup> Iemona Jesús finócafue nana afe éniemo itígobiaído jíca jalleide.

*Jesús mena únidímie jíllotate*

<sup>27</sup> Afénomona Jesús jáidemo, mena únidímie ie óodana caíllícana bite. Daidíaiíllinoi:

—Davidmoma comuídímie Juzíñamui oreca Mesía ímie, mai cócomo dúceai, —daídíaiíllinoi.

<sup>28</sup> Afe mei Jesús jofo eromo jáidemo, afe íaíllinoi Jesumo dúcide. Iemo Jesús íaíllinoína daide:

—Cuemo ómicoi jícácafueña finóredicueza ¿meita íñnotiomicoi? —daide.

Jira afe íaíllinoi daide:

—Ocuíraíma, jíí íñnoticoco, —daídíaiíllinoi.

<sup>29</sup> Iemona Jesús íaíllinoi ui jetánota daide:

—Ómicoi íñnua díeze, ómicoímo cómuíteza, —daide.

<sup>30</sup> Daí ie dáina llezica, íaíllinoi ui íue cíoide. Afe mei Jesús íaíllinoína ríire daide: “Bie ómicoímo cue finócafue bumomo llóñeno ómicoi iri,” daide.

<sup>31</sup> Afena afémie rairuíde íadi, afe íaíllinoi jíno bíllano, nana afénomomo Jesús ui mánuana llócadíaiíllinoi.

*Jesús uáinidímie jíllotate*

<sup>32</sup> Afe mei Jesús afénomona jáidemo, fiénide jóríai úcaiga uáinidímie, Jesumo atídíai. <sup>33</sup> Iemona Jesús afe fiénide jóríai jino orede. Afemona uáinidímie ja úrite. Aferi comini caimare fáigacaillano daidíai:

—Bie izóidífueña jaca Israel nairai cígimo ciónedicaí, —daidíai.

<sup>34</sup> Mei íadi fariséuai daidíai:

—Jesús dama fiénide jóríai illaíma ríinodo afe úcaigamie fiénide jóríaina jino orede, —daidíai.

*Jesús comínimo dúcaide*

<sup>35</sup> Afe mei Jesús nana aféníemo ite jófuaímo naa onífedo itícuaido llófuaiide. Afénuaímo ite Juzíñamui uai llófueriracuaido llófuete. Afémie Juzíñamui illáimana illarui ñuera rafue llocana uite. Iemo nana jáíforiedemo izi cácade iráredínona jíllotote. <sup>36</sup> Meita nana daí itínona cíollano, afémacimo Jesús dúcaide, mei úiñoñegano izóidíai. Ie jira oni ráide ovéjaíai izóidíai. Afémaci duere finócaíai, daje izóí duere zefuide buna ráiruñegano izóí itíai. <sup>37</sup> Afemona Jesús ie llófuegamacina daide:

—Uáfueza, jacáfaimo ite raa ailla llezica jofo óitino íñena izóí, birui Juzíñamui illáimana illánomo jofo órega comini aillo ite. Mei íadi afémaci jofo óitino figo íñede. (Afe jofo óitino jáímacimo ñúefue llóitino.) <sup>38</sup> Ie jira jacafai Naama izóidímíemo jáíe ñúefue llóitímacina omoi jicari, afémaci afémie oréllena.

## 10

*Jesús doce dígamie ie oni oréllino nizede*

(Mr 3.13-19; Lc 6.12-16)

<sup>1</sup> Afe mei Jesús doce dígade ie llófuegamaci uáidote. Uáiduano fiénide jóríai comínimona oni orelle ríino íaímo fecade. Daje izóí nana jáíforiede duico ogano jíllotalle ríino afémacimo fecade.

<sup>2</sup> Be afe doce dígadímaci oni oréllino mámeciaí: Nánoramie Simón, dáamiena Pedro daína, íemo ie ama Andrés, íemo Zebedeo jító faillinoí Santiago Juan díga, <sup>3</sup> íemo Felipe, íemo Bartolomé, íemo Tomás, íemo gobierno íbátaga úcube llíñoraíma Mateo, íemo Alfeo jító Santiago, íemo Lebeo dáamie mámeceí Tadeo, <sup>4</sup> íemo ñere Járídotímacimo jáinídímie Simón, íemo uire Jesús fécaítímie Judas Iscariote.

*Jesús ie llófuegamaci jáígoíaimo llófuellena orede*

(Mr 6.7-13; Lc 9.1-6)

<sup>5</sup> Jesús bie doce dígamíena ie oréacana llezica íaíoi táijille izóí llote. Daide:

—Judfoñedíno éniemo omoi jáíñeno iri. Daje izóí Samaria éniemo ite jófuaímo jáíñeno iri. <sup>6</sup> Mei jáífodo Israel náiraímo ovejai féirailla izóí féiraítinomo omoi jairi. <sup>7</sup> Monamo ite Juzíñamui illáimana illirui ánozállana llocana omoi uiri. <sup>8</sup> Iráredínuaí omoi jíllotairi. Tíidínuaí meine abido omoi cáatari. Daje izóí íaire chíñaitímíaina ñue omoi finori. Daje izóí comínimo ite fiénide jóríai jino oreri. Bie izóí omoi táijille ríinona raiñoñeno ómoímo fecadícue, íemona áfede jáímacina raiñoñeno omoi canori.

<sup>9</sup> Jabe omoi jaille llezica úcubena uíñeno iri. <sup>10</sup> Omoi cirítico uíñeno iri. Jaca daa o abimo jíidiroi díga jairi. Daje izóí ídai icona uíñeno iri, íemo jáí macara jigüida uíñeno iri. Mei jáímacina omoi cánua jira, áfemo táijiraíma jaca raiñoñeno écafiregaza.

<sup>11</sup> Omoi jáíllinomo ite comini jófuemo omoi dúcia llezica, ñue ínofíregamie illano omoi jeno. Afénomo nai oni omoi jáíñeille díno uái omoi iri. <sup>12</sup> Jofo jaillano, afémaci ñue daí uáidori. “Caimare uái omoi iri,” afémacina daíri. <sup>13</sup> Afe jofo comini caimare omoi llínoíadi, omoi afémaci ie ñue mameca uai afémacimo fiébiteza. Mei íadi omoi daína uaina afémaci náfueñenia, afémacimo omoi mameca ñue uai abido ómoímo bíteza.

<sup>14</sup> Mei íadi afémaci ómoína llínoacañenia, daje izóí omoi llógamo cacáreañenia, afe jófómoma, daje izóí afe jófuemona oni omoi jai. Omoi jailla llezica omoi éibamo ite íaie

afémacimo teténocairi. Afedo íaioi comécimo ite íaifue nai íaioimo íllana ónoitiaioi. <sup>15</sup> Mei ua ómoina dáitícue, íraicaíño riire jicánolliruimo dúcina llezica, bie ómoina ruifruite comini, Sodoma Gomorra diga jofue comini duere zefuilla baimo, iere duere finólliaioi.

*Cristo ícoinia duere cai zefuillífue*

<sup>16</sup> Omoi cacai. Ovejai illáirede jazici jico cígimo ória izói ómoina orédicue. Jaio abi rairuilla onona izói abi omoi onoiri. Mei íadi afe llezica fíiciri illáienina izói omoi iri. <sup>17</sup> Ñue abí omoi rairuiri, mei comini jabóidillainimo ómoina fécaitiaioiza. Juzíñamui uai llloraco eromo omoi fáitiaioiza. <sup>18</sup> Iemo ríllainimo, daje izói jamánomo ocuóidillainimo cue ícoinia ómoina uitíaoiza. Iemo afe omoi íaioi úilledo afe illáinimo cuedo úritiomoi. Daje izói afe judíoñedinomo cuedo úritiomoi. <sup>19</sup> Mei íadi illáicomínimo omoi íaioi uille llezica, “¿Ñie izói úriticai?” dáinamo comeci faíñeno iri; daje izói “¿Ñie uailai llóiticaí?” daíñeno iri. Mei omoi úrille llezica, Juzíñamui ómoina úritaiteza. <sup>20</sup> Afe llezica dani omoi comeci izói úriñeitiomoi. Moo Juzíñamui Ñuera Joreño ómoído úrilleza.

<sup>21</sup> Afe llezica comini dani íaioi nahí ámama Crístomo ínotimiena illa jira, jíáimacimo íena fállena fécaitiaioi. Daje izói móotiai dani íaioi Crístomo ínote jitótiai fállena fécaitiaioi. Iemo jíái jitótiai dani íaioi móotiaido éocana erótiaioi, íemo íaioina titáitiaoí. <sup>22</sup> Nana comini cue ícoinia ómoído éocana erótiaioi. Mei íadi fuillínomo fáicanocaiñeno ñue ínoicaitimie dama jíllote. <sup>23</sup> Daa jofue comini omoi duere finóadi, jíáie jófuego omoi jairi. Mei ua ómoina dáitícue, nana Israel jófuaído nai omoi jáiñenia uícodo raire dúcíticueza; mei Nanoide íma Jitó Crístodicue.

<sup>24</sup> Llófuegamacimona llófuetimie baimo jamánomoidimie íñede. Daje izói ocuífiegamie ie ocuódimie baimo ocuínide. <sup>25</sup> Llófuegamie ie llófuetimie illa izói írede. Daje izói ocuífiegamie ie ocuódimie illa izói írede. Jofo naama izóidicueza, Beelzebú daina Taife mámecei cuemo íaioi jitáadi, jofo ero úruiai mámeceina dájena jítaítiaoí. Iemo afe úruiaina cue baimo fieni úritiaoiza.

*¿Ñimiena jacíruiredicai?*

*(Lc 12.2-7)*

<sup>26</sup> Ie jira comínina jacíruíñeno iri. Mei nana báinino daina uailai jino uáfodo cíozite. Daje izói nana báinino itífuaína jino uáfodo onuille. <sup>27</sup> Birui jíitífomo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoina báinino cue daina uai, comini dáanomo uáidota fíicire lloiri. <sup>28</sup> Omoi íeizi titáitinona jacíruíñeno iri; mei omoi joréñona titánidiaioiza. Mei jíáifo boode iraimo cai íeizi naa cai joreño duere finótaitimiena omoi jacíruiri.

<sup>29</sup> Onódiomoiza mena duera ófocuizai duera úcubedo ibárega. Mei daí íaioi ráífiñede íadi, afémacimona omoi Moo Juzíñamui daíñenia dácuíño tiide izói ana báíñeite. <sup>30</sup> Mei uafue, omoi ífócimo ífótiraiai illa dígatirai facádoga. <sup>31</sup> Mei daítateza jacíruíñeno omoi iri. Omoi, aillo ófocuíñuai baimo ráifidiomoi.

*Comini eróicana Jesuna jíeruitino*

*(Lc 12.8-9)*

<sup>32</sup> Comini eróicana nana cuena jíeruitinona monamo ite cue Moo eróicana jíeruiticue. <sup>33</sup> Mei íadi comini eróicana cuena jáanotínona, afe izói monamo ite cue Moo uíecori afémacina jáanoiticue.

*Comini conímama ruifruitatallena biticue*

*(Lc 12.51-53; 14.26-27)*

<sup>34</sup> Comini dájena uái illífue bíniemo lluaíbiticueza daíñeno iri. Mei jíáfodo dájena uái illífue lluaíbiñeno, fuirilla izoide lluaíbiticue. <sup>35</sup> Cuemo ínuamona dáamie ie moo dínena íena ruifruicaite. Afe daí cue bíllamona dájena uái íñeitiaillínoí. Daje izói ei cuemo ínua jira afengo jiza dínena ruifruibicaite. Afe daí cue bíllamona dájena uái íñeitiaínguái, íemo jíái cuemo ínuamona mio ie jífaíño dínena ruifruibicaite. Afe daí cue bíllamona

dájena uái ñeitiainguai. <sup>36</sup> Iemona illa dígamié dama ie jofu ero comini ñinena éoigamiéna mámeitiaioi.

<sup>37</sup> Ninó daa come ie moo, ie eina cue baímo izíruiá, afémie cuemo dúinide. Daje izói ninó daa come ie jitona, ñibai ie jízana cue baímo ie izíruiá, afémie cuemo dúinide. <sup>38</sup> Iemo jiái, comini dama afémie titácanamo náfuano cuedo jáiacañedimie afémie cuemo dúinide. <sup>39</sup> Ie jira ie cáanano rairuíacadimie áfena táinomo fáifitaite. Mei jiáifodo cue ícoinia ie cáanano táinomo fáifitimie afe fáifidena baímo ziiño illínona máíñoite.

*Jirídua izóidifuiái*  
(Mr 9.41)

<sup>40</sup> Iemo Jesús nai úrillano daide: Omoína caímare uáidotino, daje izói cuena caímare uáidote. Iemo cuena caímare uáidotino daje izói cuena orédimiena caímare uáidote. <sup>41</sup> Juzíñamui uai jino llóraíma Juzíñamui dibénedo bíllado afémiena caímare uáidotimie, dájeze afémie jirídua izói jirídoite. Daje izói ñüemiena caímare uáidotimie afe jiáimie ñue illado, afémie jirídua izói jirídoite. <sup>42</sup> Daje izói ninó daa come cue llófuegamacimona jabóidimiemo daa due jiza mánaide jáinoína jirótaadi, afémie cuedo jailla jira, afe jirótatimie uáfueña íeiena mameca raana jirídoite, —ñinori Jesús ie oréllimacimo llófuete.

## 11

*Juan Bautista orécano*  
(Lc 7.18-35)

<sup>1</sup> Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaímo jaide, afénomo ite comini llófuellena.

<sup>2</sup> Aféruído Juan Bautista llavéracomo illa llezica afémie Jesús finócafuiaina fidide. Ie jira iedo jáidínomona dáarie Jesumo jicánuaitate. <sup>3</sup> Jesumo dúcillano jicánotiaioi:

—¿Meita o biite Cristo ñainámiedio? ¿Ñibai nai jiáie bíitimie úiñoredicai? —daidíaiioi.

<sup>4</sup> Jira Jesús afémacina daide:

—Omoí ciona, omoí cacana izói Juaamo omoí llujáiri. <sup>5</sup> Bífuiái afémiemo llujáiri: Uínidino ñue ciódiaioi, macáñedino macádiaioi, íaire chíñaitino íaioi chíiemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadínona jáidiaioi. Daje izói dúeredino jíllona uaina llogaíaioi. <sup>6</sup> Cuemo íinoñeilli uaina bainédimie íóbite.

<sup>7</sup> Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidiomoí? Ñibai dáamie ie ñaina uaina méidofredimiena cióizaidiomoí. <sup>8</sup> Afe izóidimiena omoí cíozaiñenia, ¿mei nie izóidena cióizaidiomoí? ¿Meita ñibai ñue cíoide ráifide iniroi jítáoidimie cióizaidiomoí? Onódiomoiza ráifide ñüecuiroi jítáoifredino jaca illaini jofomo ífirediaioi. <sup>9</sup> Mei írainomo ¿minícana cióizaidiomoí? ¿Ñibai Juzíñamui uai jino llóraímana cióizaidiomoí? Jii. Uáfueza. Juzíñamui uai llóraíma baímo jamánomoidimiena cióizaidiomoí. <sup>10</sup> Juan baie Cuegáuai ñainámie. Jaiai uícodo nai cue biñena llezica, aféuaimo Juzíñamui, afémie dibénedo cuena daide: O bille io ñue finóllena izói, comini íaioi comécido ñue omo jíeruillena, cue llujáitimie o uícodo orédicue.

<sup>11</sup> Uáfena ómoína dáitícue, nana comínimona ite Juzíñamui uai llórainimona Juan Bautista baímo jamánomoidimiena íñede. Mei jiáifodo Juzíñamui illáimana illánomona jabóidimie Juan baímo jamánomoide.

<sup>12</sup> Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo íere izire jofu jáiacadiaioi. Afe ríifuedo afénomo jofu jáiacadino bie izói comécidiaioi: “Afe illánona anáfenuano jofu jáitícaí,” ñaíí comeci facádiaioi. <sup>13</sup> Nana Juan uícodo ite Juzíñamui uai llóraini naa Moisés lloga ocuica uai díga Juzíñamui illáimana illáruído úritiaioi. Íaioi úrilla méifodo Juan bite. <sup>14</sup> Iemo jiáifue

ómoimo llóiticue. Omoi ñnoiacaniadi, bífuena ñnorediomo. Naui lloga bíte Elías be ññmie Juan; mei Juan Elías dainámiena bíteza. <sup>15</sup>Mai cacáreacadino, omoi cacai.

<sup>16</sup>Iemo Jesús nai úrillano daide: Biruillaido itínona, çññie izói íaioina mámeiticue? <sup>17</sup>Jofue cigi ibírimo jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado fíraacadiaioi, mei íadi daje izói áfemo cacáreicañediaioi. <sup>18</sup>Afe bie izói ómoimo ite. Mei Juan Bautista billa llezica afémie fímarillano figo güiñede, daje izói ríjji jiróñede. Ie jira “Fiénide jóríai úcaigamiedio” íena daidíomo. <sup>19</sup>Afe mei cue, afe Nanoide fima Jitó dainámiedicue biticue. Billano, jiáimaci izói güiticue, íemo jiródicue. Afemona nane bie izói cuena daidíomo: “Bímie iere güilláredímie, jéerie jírofredímie. Fiéndino nabáidímie. Daje izói gobierno íbátaga úcube líñnoraini nabáifiredímie.” Daíí cuedo úritiomo. Comini Juziñamui orécanona bie izói fieni daidíaoi íadi, Juziñamui baitácafue dama íe finócafuiaido jino cózite, —dinori Jesús daide.

*Jófuiamona dáarie Jesús uaina cacáreacañediaioi  
(Lc 10.13-15)*

<sup>20</sup>Iemona Jesús jiáie jófuiái comini íaioi ñnoñena jira fueñe lletade. Mei afémie uaido daína comuide ciórainina ráamona nabene afémaci cígimo finódeza. Mei íadi afeno comini íaioi comeci ífuena nai méidoñediaioi. Afémie daide:

<sup>21</sup>—¡Corazín jofue comini ñi dúerena! ¡Daje izói Betsaida jofue comini ñi duere zefuilla! Mei íaioi cígiri cue finoca ciórainina raa, áfena Tiro comini daje izói Sidón comini cígimo naui finódicuenia, ñibai raire jaiai úcodo íaioi comeci ífuena méidotiaioi. Uafue íaioi comeci ífuena méiduamona, ja diga fimona jaide. Afe llezica zúunaia jitáfírega jítiroi jitáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. <sup>22</sup>Mei jiáifodo ómoína dáitícue, íraicaíño riire jicánollruimo Tiro Sidón diga duere finóbina baimo Corazín íemo Betsaida comini duere finólliaioi, —daíí daide.

<sup>23</sup>Iemo Capernaum jofue comini Jesús lletade. Afémaci dibénedo daide:

—¿Meita íaioi ñnoga jofue monamo úirede? ¿Daíí comeci facádiaioi, ero ua? Mei jiáifodo íaioina daidícue, tíidino illánomo ana dotaca izói niné táinocaitalliaioi. Mei íaioi cígimo cue finoca ciórainina raa naui Sodoma jófuemo finódicuenia, afe jofue nai biruimo nia ite. <sup>24</sup>Mei íadi jiáifodo Capernaum comínina dáitícue, íraicaíño riire jicánollruimo Sodoma comini baimo jicánolliaioi, —aquíe izói Jesús íaioina lletade.

*Cuomo billano omoi ocózinairi  
(Lc 10.21-22)*

<sup>25</sup>Aféruillaido Jesús daide:

—Mona Ocuíraima Moo Juziñamui, omo ñúefue jóneiticue, mei Juziñamui dibénedo onóigafuiái úrue izoide, comécina ñífuenide jamai comínimo jino cótatíoza; mei íadi bínie ráfuena baitádinomona aféuiái o retáidoga. <sup>26</sup>Jii, Moo, mei o daíí jitáidíozá.

<sup>27</sup>Jesús nai úrioido: Cue Moo, nana uafue onóigafuiái ja cuemo llotio. Moo Juziñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jiái daje izói o Jitó onótaacagano ñue ona ónoitiaioi.

<sup>28</sup>Iemo comínina daide: Omoi ñúefuiái finóacanamona zefuínaitino cue diné omoi bi; íemo jiái fiénidífue ábiana méeruitino daje izói cue diné omoi bi. Omoína ocózinaitaiticueza. <sup>29</sup>Mai cue diga táijifirena izói ñúefuiaina finóllena omoi onoiri; mei omoi diga táijifredicueza. Afe dájena táijinana cúemona omoi onoiri. Mei comécina járidoñedicueza. Daje izói comécina mánaidicueza. Afemona omoi comeci uái ocózinailinona báitíomoiza. <sup>30</sup>Omoi diga cue táijinana féinide. Daje izói ómoimo cue ocuillafue jaca ómoína zéfuitañeite, —dinori úrite Jesús.

## 12

Jesús llófuegamaci ocózinairuimo trigo íímoiai dícoiano otá güitíaioi  
(Mr 2.23-28; Lc 6.1-5)

<sup>1</sup> Aféruído Jesús naa ie llófuegamaciri ocózinairuuido trigo ritino jacafai cígido macade. Afe llezica ie llófuegamaci iere juffinaillano, trigo íímoiai otá güitíaioi. <sup>2</sup> Afena fariséuai cíoiillano Jesuna daidíaioi:

—Ero, o llófuegamaci ocózinairuimo rairuírede táijinamo táijidiaioi.

<sup>3</sup> Mei íadi Jesús íaioina daide:

—¿Omoi íco jaiai illaíma David finócafue cúegana facádoñediomoi? Afémie naa ie nabáñiairi iere juffinaillano. <sup>4</sup> Afe llezica Juzíñamuimo gairíracomo jofo jaillano rairuica panes otá güitíaioi. Mei íadi afe páaniai afémiemona rairuírede, daje izói ie nabáñiaimona rairuírede. Afe pan dama lletáriraini güírede. <sup>5</sup> ¿Mei nane jíaie Moisés ocuica uai cúegana facádoñediomoi? Afénomo daina: Juzíñamui gairíracomo táijide lletáriraini, ocózinairuimo ocózinaiñediaioi, mei daí íaioi illa fiénidífueñede. <sup>6</sup> Mei ómoína dáitícue, birui benomo afe gairíraco baimo jamánomoidimie ite. <sup>7</sup> Bie jíaie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izruillena jitáidícue.” Búuaina omoi onóadi níufuena finóñedinona “Duere cai finótalli” dáíñeitiomoi. <sup>8</sup> Mei uáfueza, ocózinairuui Nanoide fima Jitó Cristo daínámie ocuilla uai anamo ite.

Onoina lliridímie rafue  
(Mr 3.1-6; Lc 6.6-11)

<sup>9</sup> Afe mei Jesús afénomona jaide. Jaillano Juzíñamui uai llorácomo jofo jaide. <sup>10</sup> Afeco eromo ónoína lliridímie ite. Afe comini Jesumo fiénidífue jitállena jenódiaioi. Iemona afémiena jícanodoidiaioi:

—¿Meita iráredímie ocózinairuimo jíllotarede? —daidíaioi.

<sup>11</sup> Jira Jesús afémaci uai ote:

—Omoimona daa cómemo oveja íadi, afe oveja ocózinairuimo ífomo baíadi ¿meita caifo ónega? <sup>12</sup> Mei uafue, daa come oveja baimo jamánomo ráífide. Afemona ñufuef fínuana ocózinairuimo rairuínega.

<sup>13</sup> Iemona Jesús afe iráredímiena daide:

—O onoi jino zúita, —daide.

Jira ie onoi zúitamona, enéfene izói ñuera. <sup>14</sup> Iemona fariséuai jino jaillano, Jesús fállena mamérizaidiaioi.

Jaiai uai llóraíma Jesudo daina uai como zuilla

<sup>15</sup> Aféfuena Jesús fidiíllano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate. <sup>16</sup> Afe llezica afémie íaioina llotátañede: “Cue bie izói íllana bumo lloñeno iri,” íaioina daide. <sup>17</sup> Bie izói zuide jaiai uai llóraíma Isaiás lloga uai ñue ícoimo fuitállena. Afe uai be ñie:

<sup>18</sup> Bímie nizeda cue oga ocuífíregamie.

Afémiena iere izíruítícue, femo afémieri iere íobidícue.

Cue Ñuera Joréñona afémie úicaitáitícue.

Afémie cue mameca jaícina jóidífuiaina náiraímo jino llóite.

<sup>19</sup> Afémie ríifuedo llóñeite.

Daje izói cáillicaiilli úriñeite.

Iemo jíai jofue cigi macáraodo ie uaina cácañeille.

<sup>20</sup> Comécina náinidinona ruiffíruíñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínote comini afémie fáicanocaiñeite. Fáicanocaiñeno ñue íaioina íñoñtaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

<sup>21</sup> Iemona nana náiraíai afémiemo ocúritiaioi.

Taife ríino Jesumo illa afémiemo jitádiaioi  
(Mr 3.19-30; Lc 11.14-23; 12.10)

<sup>22</sup> Afe mei uínidimie Jesús diné atádiaioi. Afémie fiénide jóríai ucaiga úrinidimie. Afémiena Jesús jillotate. Iemona afémie ja ciode, daje izói ñue úrite. <sup>23</sup> Ie jira nana comini áferi caimare fáigacallano daidíaioi:

—¿Meita afe be ñímie jaiái illaíma Davidmona comuítagamie? —daidíaioi.

<sup>24</sup> Fariséuai áfena cacáillano daidíaioi:

—Bímie fiénide jóríai illaíma Belzebú dainámie ríinodo afémacina jino oréfirede, — daidíaioi.

<sup>25</sup> Jesús daí íaioi comécido daínana onóillano íaioina daide:

—Ñinó daje náiraína ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíái daaco ero comini eneno ráidoiziadi, afémaci are íñeite. <sup>26</sup> Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íñeite. <sup>27</sup> Omoi cuena: “Belzebumo ite ríinodo fiénide jóríai jino oréadio,” daidíomoi. Afe omoi daina uáfuedenia, jíáfue ómoimo jicánoitícue. ¿Mei bu ómoído jáidino fiénide jóríai jino orelle ríino iga? Ie jira dani afémaci ñue onóñeno taino omoi llua jino cíotatiaioi. <sup>28</sup> Mei jíáfodo Juzíñamui Ñuera Joréñodo afe fiénide jóríaina jino orédicue. Iemo bifue bie izói daíacana: Juzíñamui illáimana illarui ja ómoimo dúcide.

<sup>29</sup> Mei uáfueza, riiredimiena fueñe o máíñenia, ¿ñie izói dáamie ie jofomo jaillano ie jofu ero ráaiena baíroredio? Baíronidío. Nano fueñe afémie máírede. Ie mei ie ráaiena baírorede. (Afe daí Cristo Taifena jaca anáfenorede.)

<sup>30</sup> Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jíáimaci cuena íñotañedeza.

<sup>31</sup> Ie jira ómoína dáitícue, naga come ie finoca fiénidífue, Juzíñamuimo jicáadi dórede; daje izói nana ie úrilla fiénidífue dórede. Mei íadi ninó dáamie Juzíñamui Ñuera Joréñona íaire dáíadi, afe uai jaca dónide. <sup>32</sup> Iemo jíái ninó dáamie Nanoide fima Jitó Crístona íaire dáíadi, afe afémiemo ie lloia dórede. Mei íadi Juzíñamui Ñuera Joreño jánana fiéni úritímie afe ie úrilla íaífue birui dónide. Daje izói uire jaca ninomo dónide.

*Naga amena ie llizíllajido onórena izói, daje izói naga come ie úrillafuíaído ónorede*  
(Lc 6.43-45)

<sup>33</sup> Ñuera aménamona ñuera ráajina llizide. Daje izói fiénide amena jaca fiéni llizide. Mei uáfueza naga amena ie llizíllado ónorede. <sup>34</sup> Jaio izóidinodíomoi. Ja fiénidinodíomoiza ¿ñie izói ñue úriredíomoi? Mei uáfueza, cai fue cai comécimo jebuide raado úrite. <sup>35</sup> Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidífue íllaza. <sup>36</sup> Iemo nane ómoína dáitícue, íraicaiño Juzíñamui caímo riire jicánollíruimo, nana ráiruíñega fiéni cai úrilla uai, daje izói abi cai rairuíñena úrilla uai diga, jáanoñeno “jíi” daííredicai. <sup>37</sup> Mei uafue, o úrilla díeze Juzíñamui omo izire jicánoiteza. Jáímiena “O ñífuenidímiedío” dáíte; ie mei jíáimiena “Dama o ícoína daí íto,” dáíte.

*Fiénide comini cíorainina raa finóllena Jesumo jicádiaioi*  
(Mr 8.12; Lc 11.29-32)

<sup>38</sup> Afe mei fariséuaímona dáamierie Jesuna daidíaioi, daje izói Ocuica Uai llófuefiredino díga:

—Llófueraíma, cíorainina raa o fínuana cíocadícací, —daidíaioi.

<sup>39</sup> Jira Jesús afémaci uai ote:

—Bigíma fiénidino botade jiruédíngo izoide ja Juzíñamuina zóofetiaioi. Iemo cíorainina raa cuemo jicádiaioi. Mei íadi nauí Juzíñamui uai llóraíma Jonás onótagafue baímo jíáífueña llóñeílliaioi. <sup>40</sup> Mei Jonás daaruíamani íemo daámani naío afe áíllue chamu eromo illa izói, afe izói Nanoide fima Jitó Cristo énie anamo daaruíamani íite, daje izói



daámani naio. <sup>41</sup>Jaiaí Nínive jófuemo ite comíni bigíma comínimo riire jicánolliruimo bimácimo fiénidífue jítaitiaioi. Mei Nínivemo ite comíni Jonás Juzíñamui uai íaioímo llua llezica íaioi comeci ífuena méidotiaioiza. Mei íadi birui benomo Jonás baímo jamánomoidímie ite. <sup>42</sup>Daje izói sur dibénemo jica ite nairai illaíngo, bigíma comínimo riire jicánolliruimo, bimácimo fiénidífue jítaitie, mei afengo jica énie fuédamona Salomón comeci onóigafuemo cacáreizaibiteza. Mei íadi birui benomo Salomón baímo jamánomo baitádimie illa.

*Jino oreca fiénide jóriaí meine dáamiemo bite  
(Lc 11.24-26)*

<sup>43</sup>Jesús nai llícaíñeno úrite: Fiénide jóriaí cómemona jino jáiaí, táiziciaido ie uái illino jenócana uite. Ie uái illino baiñénamona bie izói comeci facade: <sup>44</sup>“Meine abido cue billa cómemo jáitícue,” daide. Afe jóriaí meine afe cómemo bítemo, jofo taico izoide baizáibite. Daje izói rafode ñue finócaco izói baizáibite. <sup>45</sup>Iemona afémie siete díga jamánomo afémie baímo fiénide jóriaí uájide. Afémaci nana afe cómemo jofo jáidiaioi. Afemona afe come nauí ie fiénina baímo birui jamánomo fiénide. Afémiemo illa izói, afe izói ómoímo íficaite, mei bigíma fiénidígimaza.

*Jesús ei naa ie ámatiaíri  
(Mr 3.31-35; Lc 8.19-21)*

<sup>46</sup>Jesús nai comínimo úritemo, ie ei naa ie ámatiaíri dúcide. Afémaci jofo jinófecomó itíaioi. Afémie díga úriacadiaioi. <sup>47</sup>Afe llezica dáamie Jesuna daide:

—O ei, o ámatiaíri jino benomo itíaioi. Afémaci o díga úriacadiaioi, —daide.

<sup>48</sup>Mei íadi Jesús afe lluaíbitimiena daide:

—¿Mei bu cue eina? Daje izói ¿mei bu cue ámatiaína? —daide.

<sup>49</sup>Daíí dáinamona afémie llófuegamacina fueo uidánote. Uidánuno daide:

—Bimaci cue eina, daje izói bimaci cue ámatiaína. <sup>50</sup>Mei ninó dáamie monamo ite cue Moo comeci jitailla izói finódímie bie come cue ámana, daje izói cue miríngona, daje izói cue eina, —daíí Jesús afémacina daide.

## 13

*Afémaci onótaitie ríjifiredímie rafue  
(Mr 4.1-9; Lc 8.4-8)*

<sup>1</sup>Afe monado Jesús jofómoma jino jaillano, jorai fuédamo ráinazaide. <sup>2</sup>Iemo afémie illánomo aillo comíni ofilla jira, afémie bai nocaemo ráiizaide. Afe llezica nana comíni fuédamo fiébidiaioi. <sup>3</sup>Mei áfemona díga ráfuaína afémaci llófuete. Afémaci onoiğa izóidedo afémie íaioi llófuete. Daide:

—Jacáfaimo rífiredímie rizájilla. <sup>4</sup>Ricana ie uilla llezica, afe júdaica íjiaimona dáarie iomo baiide. Baiilla mei ofocuíñuái güizáibitiaioi. <sup>5</sup>Ie mei jáíjiaí énie figo íñena nofciaímo baiide. Aféjiaí raíre zicode, mei afe énie lláaideza. <sup>6</sup>Iemo jáinaonideza jítoma egáíñuamona, zafenaillano tíidiaioi. <sup>7</sup>Ie mei nane jáíjiaí éegiaí cígiri cocídino. Afe éegiaí móonaillamona aféjiaí íracotaillano tíidiaioi. <sup>8</sup>Mei íadi jáíjiaí ñuera éniemo baiide. Aféjiaí ñue ailla. Dáaride cien díga llizíllajiaí comuítate. Jáíri sesenta díga llizíllajiaí comuítate. Iemo jáírímo treinta dígaji comuide. <sup>9</sup>Bíemo cacáiacadino mai cacai.

*Ñibái mei bie comíni onoiğa izóidedo úrilla, Jesús jino llote  
(Mr 4.10-12; Lc 8.9-10)*

<sup>10</sup>Iemona ie llófuegamaci billano Jesumo jicánotiaioi:

—¿Ñibái mei comínimo íaioi onoiğa izóidedo úritio? —daidiaioi.

<sup>11</sup>Jira Jesús uai ote:

—Monamo Juzíñamui illáimana illirui uáfodo ónoñega ráfuaína, afémie ómoina onótate. Mei íadi baie comíni áfeniaína ónotanidiaioi. <sup>12</sup>Mei ua, Juzíñamuina íere onócadímie mo ite baítaja baímo jáiiena írede. Iemona afémiemo aillo íite. Mei íadi

Juzíñamui dibénedo onóacañedimimona íemo ite due jiza onónana bairórede. <sup>13</sup> Ie jira afémacimo íaioi onoiga izóidedo úriticue. Mei afémaci ñúefuena cíodíai, mei íadi nai cíoiñedino izóí itíai. Daje izóí cacádiai, mei íadi nai cacáñedino izóí itíai. <sup>14</sup> Mei áfemona Juzíñamui uai llóraima Isaías afémacina jícana daína uai ñue ícoimo fuilla. Be níuui:

Omoí uáfodo cácaitiomoi mei íadi afe dáinana ónoñeitiomoi.

<sup>15</sup> Mei bimaci comeci riiredinona abido jaide.

Daje izóí afémaci figo cacácañediai.

Afémaci ui íbaica izóí ite. Daí itíai íaioi úido cíoiñeillena, íemo jíai íaioi jefodo cácañeillena; daje izóí íaioi comécido ñúefuiai ónoñeillena.

Iemona íaioi cue jíllotallena abido cuemo bínidiai, daí Isaías daide.

<sup>16</sup> Mei íadi dani omoí úido omoí cíonamona, daje izóí dani omoí jefodo omoí cacánamona íobidinodiomoi. <sup>17</sup> Uáfueña ómoína dáititcue, diga Juzíñamui uai llóraini bie omoí cíonana cíocadiai, naa aillo jíai ñue comíniri. Mei íadi áfena cíóñediai. Daje izóí bie omoí cacánana cacácadiaí, mei íadi cacáñediai.

*Jesús ríjifredimie rigájai rafue ñue jino llote*

(Mr 4.13-20; Lc 8.11-15)

<sup>18</sup> Jira bíemo omoí cacáreiri. Rífredimie rafue bie izóí jino daide. <sup>19</sup> Monamo ite Juzíñamui illáimana illarui uaina dámie cacáadi, mei íadi afémie áfena íñoñeniadi, afémie comeci afe bie io izoide. Jíi, afe rigájai iomo baídino izoide. Afe izóí comécido jabo ie onoiga ñuera uaina Taife báruaíbite. <sup>20</sup> Afe rigájai níi afe noficiai emódomo cocídino jana, ñúefuina raire cacáillano caimare otino coméciai. <sup>21</sup> Mei íadi afémaci raire zicode raa riire jaináñena izóí, Juzíñamuimo afémaci figo jaináñenamona are íñediai. Mei íadi ñuera uai ícoina jacire facátafuiai, íemo duere finóllena rácafuiai afémacimo comuadi, ñúefuena fáicanocaitiai. <sup>22</sup> Afe éegiai illano jana Juzíñamui ñúefuena cacádiai ía, bínie ráaniaimo comécina fáifredino. Iere ráanaiacana afémacina jífue. Nana aféfuiai Juzíñamui ñúefuena íracotailla izóí ínotañede. Iemona afe uai afémiemo ñue áide izóí íñede. <sup>23</sup> Mei íadi afe rigájai níi afe ñuera éniemo baídino jana bie izóí ite. Bimaci Juzíñamui ñúefuena cacáillano afe uaina jeire otíai, mei áfena ñue onódiaí. Uamona iere aite rigájai izóí afémaci aillo ñúefuiai finófirediaí. Afémacimona dáarie jamánomo aillo ñúefue finódiaí, íemo jíaimaci aillo ñúefue finódiaí. Iemo nane jíai ía jabo aillo ñúefue finódiaí.

*Riga trigo cígimo fiénide raróciai zícua rafue*

<sup>24</sup> Iemo nane Jesús bie íaioi onoiga izóidífue llote:

—Monamo ite Juzíñamui illáimana illarui bie izoide. Dámie ñuera jíai íe jacáfaimo rite. (Aféruillaido comini diga ráaniai daane riñeno énenorie ritíai.) Bímie íe jacáfaimo jíaiena jaicuñeno daa trigo rite. <sup>25</sup> Mei íadi naama ínia mei íe diga ícítimie trigo cígimo fiénide raróciai rizáíbite. Rillano oni jaide. <sup>26</sup> Afe trigo móonailamona íñoiaí comuilla llezica riga fiénide raróciaí cíozite. <sup>27</sup> Afemona tájítafiregano jacafai náamamo llujide: “Ocuráima, o ritátaga caí ríaniai níbai ñuera. Mei afe cígimo fiénide ráitíai ¿inómoma comuide?” <sup>28</sup> Jira aféai naama daide: “Níbai níno cue diga ícítimie bie rizáibiga.” Mei jira afe tájítafiregamaci íena daide: “¿Afe fiénide ráitíai caí áruailleza meita airótatio?” <sup>29</sup> Mei afémie íaioina daide: “Dama íteza, aíñoñeno iri, mei afe fiénide ráitíai aíñoñomiaína naa trigo diga aíñoñomiaína. <sup>30</sup> Dama trigo diga daane móonateza, aíñoñegania ñuera. Afe mei jofo ollíruimo, cue tájítafiregano óreitcue fueñe afe fiénide ráitíai óllena. Afe uano afe ráitíai jobaille eneno icútuaina maitátaitcue. Afe mei cue trígona éenoracomó énotaitcue.”

*Mostaza daína riga raa íjai rafue*

(Mr 4.30-32; Lc 13.18-19)

<sup>31</sup> Iemo nane Jesús bie jíáie onótaitífue llote:

—Monamo ite Juzíñamui illáimana illarui mostaza dáina riga raa íjiai izoide. Dáamie afe íjiai ie jacáfaimo rite. <sup>32</sup> Uáfueza, afe íjiai nana jíáie rífiregajiai jofomo jéenide. Mei íadi móonaille llezica nana juzítofiai caifomo are zairide. Afe llezica caifo amena dínori aillo zairide. Afemona áfena ícairuaimo feede ófocuiñuai jillaina nizáibitiaioi, —daide. (Afe izói Juzíñamuimo ínotino dúemaci íadi, jamánomo allomacina jébuioicaitiaioi.)

*Levadura dáina pan fáitara rafue*

(Lc 13.20-21)

<sup>33</sup> Iemo nane Jesús bie jíáie onoiga izóidífue llote:

—Monamo ite Juzíñamui illáimana illarui pan aillo fáitate levadura izoide. Daa ringo daámami julleco harínana orútajano, áfemo due jiza levadúrana tamede. Temona nana afe iféllana mullétano oni aillo fáitate, —daide. (Afe izói díga jíáimaci Jesumo ínuamona, Juzíñamuimo jaináidino aillo jébutiaioi.)

*Jaii daínauai fuitállena Jesús íaioi onoiga izóidífuaído comínimo úrite*

(Mr 4.33-34)

<sup>34</sup> Nana bífuiaí Jesús íaioi onoiga izóidífuaído comínimo llote. Onótaitífue afémie llónenia comínina níie izói daíñede. <sup>35</sup> Jaii Juzíñamui uai llóraima dáina uai ñue ícoimo fuitállena, afémie daí llófuete. Afe be níuui: Onótatífuaído jino úriticue.

Juzíñamui énie fínua llezícamona figo ónoñegafuiaí jino llóiticue.

*Trigo cígimo comuide fiénide ráitíai ífue Jesús jino llote*

<sup>36</sup> Afe mei Jesús nana comíni jino fíiano jofe eromo jaide. Afécomo Jesús llófuegamaci afémiemo jícanuaibitiaioi:

—Jacáfaimo comuide fiénide ráitíai rafue caímo jino ñue llóiri, —daífaioi.

<sup>37</sup> Jira Jesús íaioina daide:

—Afe ñuera íjiai ritímie jana Nanoide Hima Jitó Cristo. <sup>38</sup> Afe jacafai jana bie énie. Afe ñuera rigájiai jana Juzíñamui illáimana illáruimo jaináidino. Afe fiénide ráitíai jana Taífemo jaináidino. <sup>39</sup> Afe fiénide ráitíai rizáibitímie dama Taife. Afe llizíllajiai jofe otá énuua jana énie fuillírui. Iemo afe llizíllajiai jofe otino jana Juzíñamui abí imaci.

<sup>40</sup> Ie mei afe fiénide ráitíai jobáillena oni eneno jóonia izói, afe izói énie fuillírui mo fiénidínomo zúite. <sup>41</sup> Aféruimo Nanoide Hima Jitó Cristo ie abí imaci óreite, jíáimana fiénidífue finótatino eneno óllena, naa fiénidífue finódnori. <sup>42</sup> Afémacina iraimo dótaite. Afénomo iere éenaitiaioi; iere izi cácaillamona murímurítiaioi. <sup>43</sup> Ie mei Juzíñamui jitailla izói finódnino íaioi Moo illáimana illáruimo jítoma uíeco meáire egáíñua izói íaioi maíñoa Juzíñamui ebíredífuaena jino cótaitiaioi. Omoí cacáacania, cacai.

*Retáidoga ráífide raa jino onótaitífue*

<sup>44</sup> Monamo ite Juzíñamui illáimaitagamacina íacadino bie izói fínoítiaioi. Enie anamo ónonino retáidoga ráífide raa jénua izói fínoítiaioi. Níie monado daa come afe retáidoga ráífide raa baite. Bailla mei, abído dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

*Perla dáina iere ráífide zíríji jino onótaitífue*

<sup>45</sup> Nane daje izói monamo ite Juzíñamui illáimaitagamacina íacadino perla jenoda fécafíredímie izói fínoítiaioi. Afémie jícado jenode. <sup>46</sup> Iere ráífide perla daa ie baía, nana íemo ite ráaniaí fécajano, ie ciona ráífidíji íbajide.

*Chamu ora llóji onótaitífue*

<sup>47</sup> Daje izói nane monamo ite Juzíñamui illáimana illarui, jóraimo dótafirega chamu ora llóji izoide. Afe llóji nana jíáíforiede chámuna ote. <sup>48</sup> Afe llóji oruilla llezica, facódnino

oni fuédamo jainácana uite. Afénomo raináillano, ñuera chamu diga nizédiaioi. Fiéndino oni dótano ñuera chamu íaioi cirígaimo iráidiaioi. <sup>49</sup> Afe izói énie fuillíruimo comínimo íite. Juzíñamui abi imaci billano ñüemaci fiéndimacimona oni eneno offtaite. <sup>50</sup> Iemo fiéndinona iraimo óreite. Afénomo iere éenaitiaioi. Izi cácanamona murímurtiaioi.

*Comue ráifide raa naa jácaie diga*

<sup>51</sup> Afe mei Jesús íaioina jicánote:

—¿Meita omoi nana bífuiaina onódiomoi? —daide.

Jira afémaci daidíiaioi:

—Jii, Ocuíraíma onódicai, —daidíiaioi.

<sup>52</sup> Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illíruu dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíáiruido jácara raa mei íadi nai ñuera raa, jino úana onode. Afe izói afe ñue llófuefiredimie nana ie onóigafuiaimona cue cómfue naa jaiái lloga jácafue diga jino llúana onode, —daide.

*Jesús Nazaret jófuego jaiide*

(Mr 6.1-6; Lc 4.16-30)

<sup>53</sup> Jesús nana bie jino ñue onótatífuiaí llua méifomo dama ie éniemo jaiide. <sup>54</sup> Dúcizaillano afénomo ite Juzíñamui uai llorácomo llófue. Aferi comini caimare fáigacaidiaioi. Daidíiaioi:

—Bímie çninómona diga ráfuiaina onode? Bie ciórainina raa çniie izói finode? <sup>55</sup> Bímie baie rabíciaimo táijifiredimie jító. Ie ei María. Daje izói afémie ámatiaí Santiago, José, Simón, Judas benomo cairi ite. <sup>56</sup> Daje izói ie miríngotiaí cai çígimo itíiaioi. ¿Mei ninómona nana bífuena onode? —daidíiaioi. <sup>57</sup> Iemona afémie llógamo náfueacañediaioi. Mei jira Jesús íaioina daide:

—Nana jíáimaciaí Juzíñamui uai llóraimana jíéruítiaioi, mei íadi dama ie comuíllano comini éna jámairuitiaioi, daje izói naa ie jofo ero comíniri, —daide.

<sup>58</sup> Ie jira afénomo ciórainina raana aillo finóñede, mei afémaci afémiemo íinoñediaioiza.

## 14

*Juan Bautista tiilla*

(Mr 6.14-29; Lc 9.7-9)

<sup>1</sup> Aféruillaído Galilea énie ocuídillaíma Herodes, Jesús jalléinana fidide. <sup>2</sup> Fídiano ie diga itínona daide:

—Bímie tiillamona meine abido cáadimie Juan Bautista. Iemona afémiemo ciórainina raa finolle ríino ite, —daide.

<sup>3</sup> Mei jaiái nano Herodes Juaana maitá llavéracomo uitátate. Mei nauí Herodes ie ama Felipe aí Herodías dainango aina ote. Ua mei, Juan Heródesna riire lletádeza. Ie lleta jira éna llavétate. <sup>4</sup> Juan dáina uai be niie:

—O bie ringo o aí izói uicainidío, —daide.

<sup>5</sup> Daí dáina jira Herodes Juaana fáiacade. Mei íadi comínina jacíruite, mei “Afe Juan Juzíñamui dibénedo úrifiredeza,” daidíiaioi. <sup>6</sup> Afe méifodo, Herodes ie jocóinamona jíáie fimona fuilláruimo dúcide. Aféruído ie cumpleaños rafue finua llezica, iráizillena llogano eróicana Herodías jiza bai zaizáijide. Afengo záillana Herodes iere ebíruite. <sup>7</sup> Afena iere gáinamona Herodes ríírede uaido daide:

—Ninó o jicáacanana rairuíñeno íredicue, —daide.

<sup>8</sup> Iemona afengo ei uícodo llua izói Heródena daide:

—Juan Bautista ifoci plátomo jóoneta cuemo atí, —daide.

<sup>9</sup> Aferi ocuídillaíma Herodes zúucaide. Mei íadi uícodo ríírede uaido dáinana nana iráizillena llogano cacádiaioi. Jira jíáifodo méidoñeno nano fueñe ie dáina izói ocuide.

<sup>10</sup> Iemona llavéracomo llaveca Juan ífócina jaitátate. <sup>11</sup> Afe mei jáitano plátomo jóoniano

aféngomo izájidiaioi. Afe méifodo afengo afe ifócina ie eimo ite, afengo Juan ua tíllana onóllena.

<sup>12</sup> Afe mei afe Juan diga jáicadino uillano ie abi ratájidiaioi. Afe mei Jesumo llúajidiaioi.

*Jesús cinco mil comini ecade  
(Mr 6.30-44; Lc 9.10-17; Jn 6.1-14)*

<sup>13</sup> Jesús Juan fáajana fidíllano dama ruica táinomo nocaedo jaide. Mei íadi comini ie jáillana fidíllano naga jófuiaimona ie illánomo arido jáidiaioi. <sup>14</sup> Iemo Jesús afe nocáemona ari jailla llezica, diga comini ofíllana ciode. Cíoillano íaioimo dúecaide. Afémiemo atica iráredinuaina jíllotate. <sup>15</sup> Ja nauzáilla llezica ie llófuegamaci afémiena daízaíbitiaioi:

—Ja nauide. Benomo buna íñede. Nana comínina mai jófuemo oreri, afe áinori ite dúegobiaimo íaioi güille íaioi íbajillena, —daidiaioi.

<sup>16</sup> Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

<sup>17</sup> Jira afémaci uai otíaioi:

—Cinco diga páaniai, íemo mena chamu afe baimo jáiiena caimo íñede, —daidiaioi.

<sup>18</sup> Jira Jesús íaioina daide:

—Mai áfena cuemo ati, —daide.

<sup>19</sup> Afe mei nana comínina daide: “Ráitíai emódomo ana omoi ráii,” daide. Afe llezica Jesús cinco diga páaniai mena chamu diga llíinota, monamo érocaillano Juzíñamuina “Figora” daide. Daíí daína méifodo Jesús afe pan díitada ie llófuegamacimo ite, afémaci nana comínimo fecállena. <sup>20</sup> Afe güillano nana comini ñue jeírediaioi. Íaioi güilla mei, güiiga állana ie llófuegamaci doce cirigai orúftatiaioi. <sup>21</sup> Afe güitino cinco mil diga íñiaí. Iemo afe baimo ringóniaí naa úruiairi fácadoñega.

*Jesús jainoi emódodo macade  
(Mr 6.45-52; Jn 6.16-21)*

<sup>22</sup> Afe mei Jesús ie llófuegamacina daide: “Mai ífódino ruica enéferaimo nocaedo omoi jairi. Afe llezica bie comini ráinoíticueza,” daide. <sup>23</sup> Comini ráinua mei Jesús caifónedumo dama Juzíñamuimo úrizaide. Nauzáilla llezica Jesús afénomo dama ite. <sup>24</sup> Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide. <sup>25</sup> Como monáioicaidemo Jesús jainoi emódodo afémaci diné macácana jaide. <sup>26</sup> Afe jainoi emódodo jáillana cíoillano, caillíoidiaioi. “Janaba billa,” daínano iere jacínaitiaioi.

<sup>27</sup> Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

<sup>28</sup> Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

<sup>29</sup> Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

<sup>30</sup> Mei íadi jairifo riire jáíñua cacáillano abi jácidote. Afe llezica afémie ja anábaiacade. Anábaioicailla llezica afémie caillide:

—¡Ocuíraima, íñédicueza, cue llíino! —daide.

<sup>31</sup> Daíí daína llezica, Jesús ónoido llíinota daide:

—¡Ñii o due íñua! ¿Ñibái mei o íinogafuena fáicanocaidio? —daide.

<sup>32</sup> Nocaemo caifo íaillinoi jailla llezica, afe jairifo llíicaide. <sup>33</sup> Iemona afécaemo itíno, Jesús anamo dújuillano íena daide:

—Uáfuena, Juzíñamui Jitódioza, —daidiaioi.

*Jesús Genesaret éniemo ite iráredino jíllotate  
(Mr 6.53-56)*

<sup>34</sup>Jorai ruica jáitajano Genesaret éniemo dúcidiaioi. (Afe énie jíáfodo mameina Galilea.)  
<sup>35</sup>Iemo afeno comini ñue afémiena onónamona, nana afénomo itígobiaimo conímána fidítatiaioi. Afemona afénomo ite iráredinuiaína Jesumo atídiaioi. <sup>36</sup>Daa afémie inícuiro fueda jetánollena izire jicádiaioi. Iemona nana ie inícuiro fueda jetádino jllodiaioi.

## 15

*Cómena iaire finode raa*

*(Mr 7.1-23)*

<sup>1</sup>Afe mei dáarie Jerusalémóna bite fariséuai naa ocuica uai llófuefiredinori Jesumo jicánuaibítiaioi:

<sup>2</sup>—¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidífue múiñua jana, nai guiiñena llezica onoi jócuana finóñediaioiza, —daidíai.

<sup>3</sup>Mei afe ibana Jesús íaioimo jicánote:

—¿Mei nibái omoi Juzíñamui riire ocuica uai oni caitáfirediomi dani omoi jaii daina uaimo náfuellena? <sup>4</sup>Mei Juzíñamui caina daide: “O moo o ei diga caimare omoi uícairi. Dámie ie mooná ie ei diga iáire dáia, afémie tíiteza,” daide. <sup>5</sup>Mei jíáfodo daífirediomi. Dámie ie mooná ie ei diga bie izói daífrena daífirediomi: “Moo, ona canónidícue, mei nana cuemo ite raa Juzíñamuimo fecállena cue mamécaza.” <sup>6</sup>Iemo ninó dáamie daí dáiaí, ie moo ie ei diga canolle afémiemo dúñede, daí daífirediomi. Daí omoi dánamona Juzíñamui ocuica uai jámairuitadiomi, dani omoi jaii daina uáillaimo náfuellena. <sup>7</sup>¿Comeci diné ráatailla mei, abina ñue cíoidinodiomi! Jaii Juzíñamui uai llóraima Isaías ie cuegánicomo omoi díbenedo uáfodo úrite. Be afe uai:

<sup>8</sup>Bie comini fia fuedo cuemo ñúefue mamédiaioi, mei íadi íaioi comecei diné iáiredeza, cuemo jaináñede.

<sup>9</sup>Diga ebírede ráfuiaido cuemo caimátadiaioi íadi, afe caimátaila ráiñede, mei afémaci jíáimaci llófuia jamai come ocuica uáillaiza.

Isaías Juzíñamui daináuai bie izói cuete.

<sup>10</sup>Afe mei comini uáidota Jesús íaioina daide:

—Cacáillano ñue omoi onoiri. <sup>11</sup>Come fuedo jofo jaide raa afémiena iáiretañede. Mei jíáfodo come fuémóna bite uai, afémiena iáiretate, —daide.

<sup>12</sup>Afe jira ie llófuegamaci Jesuna daíízaibítiaioi:

—¿Meita onódioza, o daina uáillaína cacáillano fariséuai icrítiaioi? —daidíai.

<sup>13</sup>Mei íadi Jesús jíáfodo uai ote:

—Naga Juzíñamuimo uáfuenta jaináñedimie monamo ite cue Moo ríñega raa izóidiaioi. Afémaci come gáñega riga raa naa jáinaori aiñólle izói táncocaitalliaioi. <sup>14</sup>Afe baie fariséuai dama daítadiaioiza; áfemo lloñeno. Mei afémaci únidino izóidino. Iemo afe llezica jíáie únidino ifódiaioi. Únidimie jíáie únidimie ifóadi, nágaillinoi dáafomo báitiaillinoi, —daide.

<sup>15</sup>Jira Pedro Jesuna daide:

—Bie uai jino caimo féinino llone, —daide.

<sup>16</sup>Jira Jesús jicánote:

—¿Omoi jíái nai onóñediomi? <sup>17</sup>¿Onóñediomoiza, fuedo jofo jaide raa jébeoimo jaide; afe mei abímona jino faiga? <sup>18</sup>Mei íadi come fuémóna jino bite uallai ana comécimona comuide. Afe bie uallai dama afémiena iáiruitade. <sup>19</sup>Mei diga íaífuiaí come comécimona comuide. Fieni comecei fácafuiaí comuide. Daje izói daje comécimona jíáima fáicanafuiaí comuide. Iemo jíáima ai diga íacanafue come comécimona comuide, naa jíáie iere jírúrenafuiaí. Iemo jíái merírillafuiaí come comécimona comuide. Daje izói támona úrilla uallai, naa jíáimana iáire daináuallai come comécimona comuide. <sup>20</sup>Afe bífuiaí cómena iere iáiruitanona orede. Mei íadi fiénidífue múiñua jana onoi jócuana finóñeno dáamie guíadi, áfena cómena íaífueredimiena oréñede, —daide.

Jicánemaci ringo Jesuna íinote  
(Mr 7.24-30)

<sup>21</sup> Afénomona Jesús oni jíáie éniemo jaide. Afénomo Tiro jofue Sidón jofue diga ite.

<sup>22</sup> Afénomo Canaán énie ingo Jesús diné caillícana bite:

—Cai ocuífiredede jaiaí illaíma David comuítagamie, cuemo dúecai. Cue jiza fiénide jóriaí uícaigaza, iere duere zefuide, —daide.

<sup>23</sup> Mei íadi Jesús aféngona ñie izóí daíñede. Mei jira ie llófuegamaci íemo izire jícaíbitiaíoi:

—Mai ie uai fáirio, mei cai méifodo duere caillícana biteza, —daidíaíoi.

<sup>24</sup> Jira Jesús daide:

—Juzíñamui dani Israel náiraimona oni féiraité ovejaí izóidino mamedá cuena orede, mei afémaci Juzíñamui lloga uailai jeire oñédiaíoi, —daide.

<sup>25</sup> Mei íadi afengo Jesús diné billano afémie anamo dújude. Dújuillano afémiemo jicade:

—¡Ocuíraíma, mai cue cano! —daide.

<sup>26</sup> Jira Jesús aféngona daide:

—Uruiaí izoide Judúaí ónoimona pan bairoda jicóniaí izoide jicánemacimo illa fiénide, —daide.

<sup>27</sup> Mei afengo jaca nai daide:

—Cai Ocuíraíma, jíi uáfueza, mei íadi jicóniaí naama güígamona ana baiide íruaina güífirediaíoi, —daide.

<sup>28</sup> Mei jira Jesús aféngona daide:

—O íco iere íinotioza. Cuemo o jícaze, daí íteza, —daide.

Daí dáina llezica afengo jiza jíllode.

*Jesús aillo iráredinuaí jíllotate*

<sup>29</sup> Afénomona Jesús oni jaillano Galilea jorai fuédado jaide. Afe mei caifónedu ícoimo ráíizaide. <sup>30</sup> Iemo afémie illánomo aillo comini gairilla. Afe jáidino diga jíáiforie iráredino uitíaíoi. Afémiemo ídainidino atídiaíoi, íemo uínidinuiaí, íemo uáinidino, íemo ónoinidinuiaí, íemo diga jíáie iráredino afémiemo atídiaíoi. Dieze átiano Jesús anamo jóonetiaíoi. Iemona afémie nana afémacina jíllotate. <sup>31</sup> Afe afémie ínuari comini caimare fáigacaidiaíoi, mei eróidiaíoi uáinidino úritiaíoi. Iemo ónoinidino ñue jíllodiaíoi. Iemo ídainidino ñue macádiaíoi. Iemo uínidino ñue ciódiaíoi. Iemona Israel nairaí Juzíñamuimo ñúefue nitádiaíoi.

*Jesús cuatro mil dígade comini ecade*

(Mr 8.1-10)

<sup>32</sup> Afe llezica Jesús ie llófuegamaci uáiduano daide:

—Bie comínimo dúecaidicue. Ja daruíamani benó cue diga itíaíoi. Iemo íaíoi güíllena ja íñede. Afémacina íaíoi jofomo ecáñeno oréacañedicue, ío anamo íaíoi zafénaíza daíi, —daide.

<sup>33</sup> Iemo ie llófuegamaci íena daidíaíoi:

—Mei benomo comini jofue íñédeza, bie aillo comini ecállena ¿ninómona óiticaí? —daidíaíoi.

<sup>34</sup> Jira Jesús afémacimo jicánote:

—¿Omoímo niga páaniaí ite? —daide.

Jira afémaci daidíaíoi:

—Siete diga pan ite íemo due chámuna ite, —daidíaíoi.

<sup>35</sup> Afe mei nana comínina: “Ana omoí ráii,” daide. <sup>36</sup> Daí dáina méifomo siete dígade panes naa chamu diga líinota, Juzíñamuina “Iere figora” daide. Afe mei ditada, íe llófuegamacimo ite, afémaci nana comínido fecállena. <sup>37</sup> Afena nana güítíaíoi. Iaíoi güílla mei nana ñue jeírediaíoi. Afe mei íaíoi güíga állana siete diga cirigaí oruíatíaíoi. <sup>38</sup> Afe

güitino cuatro mil dígdadimaci. Afe baimo ringóniai naa úruiairi fácadoñega. <sup>39</sup> Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

## 16

*Fariséuai naa saducéuai díga ciórainina raa finóllena jicádíaiói*

*(Mr 8.11-13; Lc 12.54-56)*

<sup>1</sup> Fariséuai naa saducéuai díga Jesumo eróizaidíaiói. Iemo afémie fienu facátallena monámóna comuide ciórainina raana finótaacadíaiói.

<sup>2</sup> Mei íadí afe llezica afémie jíáífodo uai ote:

—Nauácana llezica mona jíáirena uire jiti ñue mónaite daiífiredíomoi. <sup>3</sup> Iemo jíitramo dibénemo mona jíáire nairíadí, bie mona fiénite, daiífiredíomoi. ¡Comeci íáirena mei, jino abí diné ñue cíoidinodíomoi! Uire jíitramo ñue mona monaillote raana ñue onódiomoi. Mei íadí birui omoi cígimo cue finoca onótatífuiaina onóñediomoi. <sup>4</sup> Biruido ite íñoñede fiénidino ciórainina raana finóllena jicáfiredíaiói. Mei íadí naui Juzíñamui uai llóraíma Jonásmo zúidífue íaiói onótatífue. Afefue baimo jíáífueña llóñeílliaíói, —daide.

Daií daina mei, afémacina fáicanocaillano Jesús oni jíáínomo jaide.

*Fariséuai taino llófirenafue levadura daina pan aillo fáitate raa izoide*

*(Mr 8.14-21)*

<sup>5</sup> Jesús llófuegamaci jorai ruícafenemo jailla llezica, pan féideza uíñedíaiói. <sup>6</sup> Afe mei Jesús íaíoina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuiri, —daide.

<sup>7</sup> Mei jira llófuegamaci dani conímána daidíaiói:

—Ñibái pan caí atíñena jira afémie daií daide, —daidíaiói.

<sup>8</sup> Jesús áfena comécido onóíllano daide:

—¿Ñibái mei páanidicai daidíomoi? ¡Omoi ico nai figo íñoñediomoi! <sup>9</sup> ¿Naui cinco páaniai dítda cinco mil comini cue écamo jaca ubicaíñediomoi? ¿Nai áfena ñue onóñediomoi? Aféruido fiébidinona ¿niga cirígai oruítatiomoi? <sup>10</sup> Iemo daje izóí siete dígdade páaniai cuatro mil comínimo cue feca mei ¿niga cirígai fiébidinona iráidíomoi? ¿Afemo jíái daje izóí ubicaíñediomoi? <sup>11</sup> ¿Minícamo jíízidíomoi levadúrado cue úrillana nai onóñena? Naui fariséuai, naa saducéuaimo ite levadúramona abí omoi rairuiri cue daina uaina jamai paando úríñedicue; jíáífue llotícue.

<sup>12</sup> Afemona ie llófuegamaci ie dáinana ñue onódiáiói. Pan aillo fáitate levadúramona abí rairuíllana lloñédeza. Mei jíáífodo fariséuai naa saducéuai jino lloga taino llófuiamona abí rairuíredeza.

*Pedro Jesús Crístona jino jáícina llote*

*(Mr 8.27-30; Lc 9.18-21)*

<sup>13</sup> Afe mei Filípomo dúide Cesarea éniemo Jesús dúcina llezica, ie llófuegamacimo jíacánote:

—Cue Nanoide tíma jíitódicueza. Afe dibénena ¿niie izóí comini daidíaiói? —daide.

<sup>14</sup> Jira afémaci daidíaiói:

—Dámierie “Bie Juan Bautista” daidíaiói, jíáímaci “Bie Elías” daidíaiói, íemo nai jíáímaci “Ñibái Jeremías, ñibái jíáie Juzíñamui uai llóraíma,” —daidíaiói.

<sup>15</sup> Mei jira Jesús daide:

—Omoi ¿mei niie izóí cuena daidíomoi? —daide.

<sup>16</sup> Jira Simón Pedro uai ote:

—Juzíñamui nizeca Cristo dainámiedio. Daje izóí caade Juzíñamui jíitódio, —daide.

<sup>17</sup> Jira Jesús afémie uai ote:



—Jonás jító Simón, o iere ióbidio. Mei ailli o daina uai cómemona omo llónegaza. Mei jiáifodo monamo ite cue Moo Juzíñamui omo lloga. <sup>18</sup> Ona Pédrodio dáitícue. Mei jae cuena o daina uai rírede oni dotánide nofici izóideza. Iemona afe bie rírede nofici izóide uáitanide dáinamo cuemo íinotínona comuítaitícue. Iemona titáfírede ríino cuemo íinotínona anáfenóite. <sup>19</sup> Iemo jiái monamo ite Juzíñamui illáimana illano naze zuitáfírena llave izoide raa omo íitícue. Iemona bíniemo o rairuícafúena, daje izóí monamo ráiruíteza. Afe izóí bíniemo o ráiruínegafúena monamo ráiruínelle, —dinori Jesús daide.

<sup>20</sup> Afe mei Jesús ie llófuegamacina Crístona ie íllana bumó jino llotáñaede.

*Jesús ie tíille llote*  
(Mr 8.31-9.1; Lc 9.22-27)

<sup>21</sup> Aféruimona Jesús Jerusalemo ie jáizaillena ie llófuegamacimo jino uáfodo llote. Íaioina daide: “Jerusalemo cue dúciille mei ocuífírede éicomíni, naa lletáriraini illáiníri, íemo jiái ocuica uai llófuefíredínori nana iere cuena duere íínoítiaioi. Omoímo llotícueza cuena tíítaitiaioi, mei íadí daruíámani íllemona meine abido cáadímiena íitícue,” daide. <sup>22</sup> Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izóí gáíñede. ¡Aféfuiai jaca omo zúíñeíteza! —daide.

<sup>23</sup> Mei jira Jesús oni gírecaillano afémiena daide:

—Satanás uícaigaoza. Cúemona oni jai; cue llótáidotioza. Juzíñamui comeci faca izóí o comécina facáñedio. Jamai come comeci faca izóí o comécina facádio, —daide.

<sup>24</sup> Afe jira Jesús ie llófuegamacina daide:

—Nínó dáamie cuedo jáiacania dama ie comeci jítaíllana féítarede. Féítano cuedo jáírede. Afémie cuedo jailla ícoínia tíidena, afémie áfena izire ónide. <sup>25</sup> Mei ninó dáamie ie cáananona rairuíacadímie áfena táinomo fáífitáite. Mei jiáifodo cue ícoínia ie cáananona táinomo fáífitímie afe fáífidena abido máíñoite, jaca ninomo zúíñoia ie íllena. <sup>26</sup> Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maíñoa ráaniai afémiena jíllotañeite. Mei daa come ie comécina ¿nieze íbárede? <sup>27</sup> Mei uáfueza, Nanoide íma Jitódícueza. Cue Moomo ite ebíredínuiái naa ie abi ímáíri uire bíitícue. Iemona illa dígamie íaioi finócaza fécaítícue. <sup>28</sup> Uáfúena ómoína dáitícue, benó cue díga ítinomona dáarie nai tííneítiaioimo illáimana cue bíllana cíotítaioi, —daide.

## 17

*Jesús abi jiáifo méidoficaide*  
(Mr 9.2-13; Lc 9.28-36)

<sup>1</sup> Seis dígarui jailla mei, Jesús Pedro, Santiago, Juan díga uite. Dígamie dani eneno iere caífnedumo uite. <sup>2</sup> Afénomo íaioi eróicana ie abi jiáifo méidoficaide. Ie uíéco jítoima izóí queníreficaide. Daje llezica ie íncuíro jamánomo úzereficaide. Luz egáíña izóí úzere. <sup>3</sup> Afe llezica, Moisés, Elías, Jesús díga úrillana cíódiaioi. ¡Jira Pedro Jesuna daide:

—Cai Ocuíraima, níi cai benó caímare cai illa. O jítaíadi daámáni jofóchupi benó cai nílli; daa óochupi, jíáie Moisés ie, íemo jíáie Elías íchupi, —daí daide.

<sup>5</sup> Daí Pedro úrioína llezica, iere quenírede mona ero uíllie, íaioi ferínocaide. Afe uílliemona da uai cácaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

<sup>6</sup> Afe uaina cacáíllano ie llófuegamaci éniemo fueco diné bíjicaidiaioi. Afémaci iere jacínaitiaioi. <sup>7</sup> Afe méifomo Jesús íaioína jetánota daide:

—Jacíruiñeno caífo omoi náidacai, —daide.

<sup>8</sup> Afemona érocáidiaioimo, ja buna cíónena. Dama Jesús cíódiaioi.

<sup>9</sup> Afe íduaimona fei íaioi bílla llezica, Jesús afémaci ocuicide:

—Bie omoi ciona rafue bumo lloñeno iri. Nanoide hima Jitódicueza, tíillamona nai meine abido cue cáañeille dinó lloñeno omoi iri, —daide.

<sup>10</sup>Iemona ie llófuegamaci Jesumo jicánotiaioi:

—¿Nibái mei ocuilla uai llófuerañi Elías raire uícodo bírena, daiífirediaioi? — jicánotiaioi.

<sup>11</sup>Jira Jesús uai ote:

—Uáfueña Elías fueñe bille. Billano naga ráaniaina ñue fínoite. <sup>12</sup>Mei íadi: “Elías ja bite” ómoina daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide hima Jitódicueza, afe izói cuena duere zefuítaitiaioi, —daide.

<sup>13</sup>Iemona ie llófuegamaci, Jesús Juan Bautístado íaioimo úrite, comécido daidíaioi.

*Jesús fiénide jóríai uícaiga jitócomena jíllotate*

*(Mr 9.14-29; Lc 9.37-43)*

<sup>14</sup>Idumona ana comini illánomo bitíaioimo, dámie Jesús anamo dújuzaibite. Dújuzaibillano daide:

<sup>15</sup>—Cai Ocuíraima, mai cue jitomo dúecai. Fiénide jóríai íena naillítafirede. Aferi afémie iere duere zefuide. Afémie diga ícaño iraimo baiífiredi; jíáruído illemo baiífiredi.

<sup>16</sup>Benomo o llófuegamacimo cue atica, mei íadi afémaci afémiena jíllotanidiaioi, —daide.

<sup>17</sup>Jira Jesús uai ote:

—¡Aiii! ¡Ñiëna jamánomo íinofinidiomo! Ñúefuena jamairuitiomo. Omoi ñue cue rairuillena, ¿ñië dinó omoi cígimo íredicue? Afe jitócome cuemo ati, —daide.

<sup>18</sup>Atia mei, Jesús afémiemo ite fiénide jóríai izire rairuide. Rairuillano jino orede. Afe daí daina llezica, afe jitócome jíllobicaide.

<sup>19</sup>Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide jóríai orénidicai? —daidíaioi.

<sup>20</sup>Jira Jesús íaioina daide:

—Omoi nai figo ínoñediomoiza, afe fiénide jóríai nai jino orénidiomoiza. Uáfueña ómoina dáitícue, ua due omoi ínoiadi iere juáredífueña finórediomo. Omoi ínogafue mostaza íji jamánomo dúena izoide íadi, áfedo iere juáredífueña fínoitiomo. Bie áillue caifóneduna “Oni jai” o daííadi, afedu oni jíainomo jáite. Uáfueña omoi ínoiadi, jánaideza finónide raa ómoimo íñeite. <sup>21</sup>Mei íadi bie izoide fiénide jóríai dama cai güíllena güíñeno fímaírrillado íemo jíái Juzíñamuimo cai úrillado jino orérede.

*Jesús nane ie tíille dáanomo jino llote*

*(Mr 9.30-32; Lc 9.43-45)*

<sup>22</sup>Galilea éniëdo íaioi macácailla llezica, Jesús ie llófuegamacimo ie tíillífueña íaioimo llote; daide:

—Nanoide hima Jitódicueza, nairai duere finóllena uillícue. <sup>23</sup>Afe mei cuena tíitaitiaioi. Mei íadi daruíamani íllamona meine abido cáadimiena íitícue, —daide. Aféfuena cacáillano iere zúucaidiaioi.

*Juzíñamuimo gairíracomo dúide úcube Jesús íbade*

<sup>24</sup>Jesús naa ie llófuegamaciri Capernaum jófueño dúcidiaioi. Dúcina llezica, Juzíñamuimo gairíracomo dúide úcube jícaífiredino Pédroño jícánuatidiaioi:

—¿Omoi llófueraima afe raíñoica úcubena íbañete? —jicánotiaioi.

<sup>25</sup>Jira Pedro:

—Jii, íbaite, —daide. Afe mei Pedro jofo jailla llezica, Jesús fueñe Pédróna daide:

—Simón, ¿ómona ñië izói cóide? Bínie íllaini ¿ñië comínimo úcube jícaífirediaioi? ¿Meita daní ie comínimo? ¿Mei jíáifodo jícanemacimo? ¿Ñië comínimo? —daide.

<sup>26</sup>Jira Pedro:

—Jicánemacimo, —daide.

Iemo Jesús íena daide:

—Ie jira dani ie comini ibánidiaioi. Iemona afe ailli omo íaioi jicaca raiñoica úcube íbánidicue, ¿ero ua? Jii, íbánidicue. <sup>27</sup>Mei íadi bu cai íciñeillena, áfena íbaiticue. Ie jira jóraimo jaillano fácuai. Fueñe riáibite chamu o oíri. Otá ie fue eromo daa úcubetuni báitioza. Afe úcubetuni cócomo jicaca úcube záitaiteza. Afétuni uano afémacimo o ibari, —daide.

## 18

¿Niie come iere jamánomoina?

(Mr 9.33-37; Lc 9.46-48)

<sup>1</sup>Aféruído ie llófuegamaci dáanomo gairíllano Jesumo jicánotiaioi:

—Monamo ite Juzíñamui illáimana illáruimo ¿niie come iere jamánomoina? —daidíaioi.

<sup>2</sup>Afemona Jesús daa júza uáiduano íaioi cígiri naidánete. <sup>3</sup>Daíí ñiano daide:

—Uáfueña ómoína daidicue, omoi illafue jamai comécina mánairede úrue illa izói méidorediomoi. Afe izói omoi íñenia jaca monamo ite Juzíñamui illáimana illánomo jofo jáiñeitiomoi. <sup>4</sup>Mei íadi bie úrue izoide dama ie abi jacire maméñedimie monamo ite Juzíñamui illáimana illáruimo jamánomoidimie. Iemo daje izói bie nífuenide úrue illáfueña dama ie illáfueña méidotimie, afémie jamánomoina. <sup>5</sup>Daa come cue mámecido bie izoide dúeza llíñoiadi afémie ja dáaruído cuena llínote.

Fiénidífueño come baiílla iere jacírede

(Mr 9.42-48; Lc 17.1-2)

<sup>6</sup>Niie come daa bie izoide cuemo ínote dúeza fiénidífueño baiítaiadi, afémie jamánomo duere finórede. Monáillaji iere afóredinomo ie cimoiño áillue nofici cuinada dotalle baímo ñuera. <sup>7</sup>Jíáie comínina fiene finótaoicaidino ñii dúerena! Oni níbéfodo fiénidífueño baiítífuiaí jaca ífirede; mei íadi afémie afémaci fiénidífueño baiíta ícoína afémie ñii dúerena!

<sup>8</sup>Iemona, o finócafueño oni níbéfodo fiénidífueño o baiíadi, dama o onoi jáitaja izói, afefue fínuana fáicanocairi. Daje izói ninó o jáillado fiénidífueño o baiíadi, dama o idai jáitaja izói, afénomo jáillana fáicanocairi. Mei júbene onoi díga daje izói júbene idai díga izói o íllana ziiñona íllánomo o jáiadi iere ñuera, mei íadi nágafezi díga, comini duere finólliraimo o baiíadi iere figóñede. <sup>9</sup>Daje izói minícamo o eróillamona fiénidífueño o baiíadi, dama o uíji cuerónota oni jica dota izói, áfeniaímo eróillana fáicanocairi. Mei júbene uina fíidimie ziiñona íllánomo o jáiadi jamánomo ñuera. Mei íadi mena ui díga comini duere finólliraimo o dotábiadi iere figóñede.

Oveja oni féiraiílla izoide rafue

(Lc 15.3-7)

<sup>10</sup>Bie úruiaímona daaza jámairuíñeno omoi iri. Mei ómoína daidícueza, afémacimo uíñote Juzíñamui abi imaci, monamo ite cue Moo uíécomo jaca ífrediaíoiza. <sup>11</sup>Mei Nanoide íima Jitódicueza, oni níbéfodo féiraitino jíllotaíbiticue.

<sup>12</sup>Omoímona ¿niie izói comeci facádiomoi? Daa cómemo cien díga ovéjaíai ía, íemo afémacimona daa oveja féiraiadi, afémie afe noventa y nueve díga ovéjaíai íe chíñoracomo fiénocaité, afe féiraité oveja júnuaiíllena. <sup>13</sup>Afe féiraité oveja baiílla llezica, áferi afémie jamánomo íóbide. Ua nana jíáie noventa y nueve díga féiraiñede ovéjaíai baímo, afe baíga féiraitimieri jamánomo íóbide. <sup>14</sup>Afe izói monamo ite Moo Juzíñamui bie dúezaíamona jaca daa féiraitacañede.

Cai ámatiaímona dámie omo fiene íadi, afémiena caímare uáidorediomoi

(Lc 17.3)

<sup>15</sup>O ama omo fiene úriadi, uái daíí jaillano dama afémiemo úrizairi; afémie fiene illa afémiemo ñue lloiri. Afémie áfena náfueiadi, ja afémiema ñue cáimacaitadio. Afémie díga ñue nabáiritio. <sup>16</sup>Mei íadi afémie áfena náfueñeniadi o uai nábaítana mena come jíiriri. Afe

mei afémiemo úrizairi, mei afémiemo nana nitácafuiai mena come nıbai daámani come uai nabáifrenado záitarede. <sup>17</sup> Mei íadi afémie afémacimo cácareacañenia, Juziñamuina íinote aillo dáanomo gairírdinomo lloiri. Iemo afémie afémacina nai náfuñenia mai afémie Juziñamuimo íinoñedimiena omoi mameri. Daje izói gobierno raiñoça úcube íairede jicáfiredinona omoi jámairuia izói afémiena omoi jámairuigamiena mameri.

<sup>18</sup> Uáfuenta ómoina dáitucue, biniemo nana omoi féitañega jíaimaci fiénidifuijai, daje izói monamo féitañega. Iemo jíáfodo biniemo omoi féitaga jíaimaci fiénidifuijai, afe izói monamo féitaga.

<sup>19</sup> Nane dáanomo ómoina dáitucue, ómoimona ménamie bie éniemo dájena mameda Juziñamuimo jicáadi, monamo ite cue Moo ómicoi jica izói fínoiteza. <sup>20</sup> Mei mena come, nıbai daámani come cue mámeçido dáanomo gairíadi, afénomo afémaci cígimo itucue, —daide.

<sup>21</sup> Iemo Pedro Jesumo jicánote:

—Cai Ocuíraima, cue ama cuemo fienu ítena ¿nıgacaiño caimare íena uáidoredicue? ¿Meita siete dígacaiño caimare íena uáidoredicue? —daide. <sup>22</sup> Jira Jesús uai ote:

—Siete dígacaiño daíñedicue. Mei jíáfodo jamánomo aillo dígacaiño íena caimare uáidoredio. Uafue jaca nınomo o ámana caimare uáidoredio, —daide.

Caimare uáidoiacañede táijitafiregamie izoide rafue

<sup>23</sup> Jesús nai úriocaiçe; daide:

—Ie jira monamo ite Juziñamui illáimana illirui biniemo ite illaima fınócafue izoide. Aféllaima nana ie táijitafiregano íemo ibáacaga raana záitaiacade. <sup>24</sup> Afe záitalle táinia mei daa táijitafiregamie illáimamo atıdiaioi. Afémiemo jamánomo aillo iballe ite. <sup>25</sup> Mei íadi afémie úcubenide. Ie jira ie ocuídımie daide: “Mai bımie, ie ai naa ie úruıai riire ocuıfırellinona feca, cuemo dúide ie ibárega raa záitalleza,” —daide. <sup>26</sup> Iemona afe táijitafiregamie ie ocuıfıredımie anamo dújullano íemo izire jıcade: “Cue Ocuídımie, cuemo járitaño. Fıaicana nana omo íbaitucue,” daide. <sup>27</sup> Iemo afe ocuídımie afémiemo dúecaide. Dúecaillano afémie ibárega raa íbatañede. Afe llezica ja afémiena rairuıño macátate. <sup>28</sup> Mei íadi afe táijitafiregamie oni jailla llezica, jíaie afémie izói táijitafiregamie baızajıde. Afe táijitafiregamiemo fuéñeidimiemo íbállena due ite. Ie jira ie cimoi llıñota íena títaite izói fınode. Afe llezica daide: “Mai cuemo ibárega raa íba,” daide. <sup>29</sup> Iemona ie llaitáđımie anamo dújullano íemo izire jıcade: “Cuemo raıre járitaño. Fıaicana nana omo íbaitucue,” daide. <sup>30</sup> Mei íadi afémie áfena náfuñeno llavéracomo íena llavétate, ie íbárega íbañelle dıno. <sup>31</sup> Jıaie táijitagano áfena cíoillano, iere zúucaıdiaioi. Iemona nana afe llezica ífıcaıllafuena íaioi ocuídımie llujıdiaioi. <sup>32</sup> Iemona ocuídımie nanóđımiena jíıritade. Jııııllano íena daide: “Iere fienu táijitafiregamiedio. Mei izire cuemo jıcáđıoza, nana cuemo o íbárega raana dıno fıaicanoçaiducue. <sup>33</sup> Omo cue dúecaılla izói, daje izói o nabaimo dúecaıredio,” daide. <sup>34</sup> Afe jira afe ocuídımie iere rııcaide. Rııcaıllano ie nabaimo dúecaıñedımiena riire duere fınótate, nana ie íbárega íbañelle dıno.

<sup>35</sup> Bie izói dánado Jesús ie úrıllana záıtate. Daide:

—Illa dígamie coméçido ñue ie ámana uáidoñenia monamo ite cue Moo afe izói ómoina duere fınoite, —daide.

## 19

*İima ie ai dótajado Jesús lletade*

(Mr 10.1-12)

<sup>1</sup> Jesús bie uaido úrılla méifomo Galilea éniemona jaide. Jaıllano Jordán imani ruıcafellemo ite Judea éniemo dúçide. <sup>2</sup> Dıga comıni Jesudo jailla, íemo afénomo aillo iráredınuıaına jíllotate.

<sup>3</sup> Afe mei farıseuaimona dáımerie Jesús zanóllena facátaıbitıaioi. Afémiemo jıcánotıaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidíaioi.

<sup>4</sup>Jira Jesús uai ote:

—¿Jaiái Juzíñamui Cuegáuaina facádoñediomoi? Afénicomo bie izói llote. Fueñe comini comútatimie ringo iima diga finode. <sup>5</sup>Nane dáanomo daide: “Bie izóidemona dáamie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izói íite.” <sup>6</sup>Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

<sup>7</sup>Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

<sup>8</sup>Jira Jesús íaioina daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómona daíí mámeñega. <sup>9</sup>Cue ómoína dáititue, daa come ai jiruíreiñeniadi dotáadi, jíaie ringo óiadi afémie fiénide jiruifue finode. Daje izói oni dotácango otímie jiruifue finode, —daide.

<sup>10</sup>Iemona ie llófuegamaci íena daidíaioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaioi.

<sup>11</sup>Jira Jesús íaioina daide:

—Nana comini bífuena ónonidiaioi. Dama Juzíñamui onótallino bífuena ónoite. <sup>12</sup>Íñíaimona dáamierie áina ónidiaioi. Dáarie fiene jocóinamona áina ónidiaioi. Jíáimíiai comínimona finócarí áina ónidiaioi. Iemo jíáimíiai Juzíñamui illáimana uai llócaillena jaca áina onédiaioi. Bie uai jeire óredimie jeire óiteza, —dínori Jesús úrite.

*Jesús úruiai ñue íllena finode  
(Mr 10.13-16; Lc 18.15-17)*

<sup>13</sup>Afe mei úruiai Jesumo atídíaioi, ie onoi afézaimo bítano afémie Juzíñamuimo afémacido úrillena. Mei íadi ie llófuegamaci úruiai atídino rairuide. <sup>14</sup>Mei jíáfodo Jesús daide: —Dama úruiai cue díne bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

<sup>15</sup>Jesús afe úruiaimo onoi bítano íaioina ézicite. Eziciano oni jíáigobemo jaide.

*Ráarede jítócome Jesús diga úrilla  
(Mr 10.17-31; Lc 18.18-30)*

<sup>16</sup>Iemo jíáíruido daa jítócome Jesumo úrizabite. Dúciillano íemo jicánote:

—Ñuera Llófueraima, zíñona cue illino cue maiñóllena ¿nie ñúefue fínoiticue? —daide.

<sup>17</sup>Jesús íena daide:

—¿Níbái mei cuena ñúemiedio daidio? Dama Juzíñamui ñuena. Abi díne jíaie ñúemiena íñede. Mei jíáfodo zíñona illínomo o jáiacania, Juzíñamui cai ocuilla uai jeire o oíri, —daide.

<sup>18</sup>Jira afe jítócome íena daide:

—¿Nee mei aféuai? —daide.

Jira Jesús afémiena daide:

—Jíáimana titáñeno iri. Jiruíreiñeno iri. Meríriñeno iri. Jíaie cómemo taino lloñeno iri.

<sup>19</sup>O moo o ei diga caimare jacírui. O abina o izíruiilla izói, o jíaie cómena o izírui, —daide.

<sup>20</sup>Jira afe jítócome íena daide:

—Nana bífuiaina jízananomona jeire oticue. ¿Afe baimo ñifue nai cuemo fiébilla? —daide.

<sup>21</sup>Jira Jesús íena daide:

—Nífuenino comécina jáicina jóidimie o íacania, mai jaillano omo ite ráaniai o fecari. Fécano afe iba úcube dúredinodo fecari. Afemona monamo ite zíñona ráifide raa óiena íiteza. Afe nana o fecalle mei, mai cuedo bi, —daide.

<sup>22</sup> Mei íadi afe jitócome Jesús daí dánana cacáillano abido zuure jaide, mei afémie iere ráaredeza.

<sup>23</sup> Iemona Jesús ie llófuegamacina daide:

—Uáfueña ómoína daíticue, iere aillo ráaredimie mei íadi ie ráaniaina cue baímo afémie izíruiadi, iere féirede Juziñamui illáimana illíruiamo jáillena. <sup>24</sup> Nane dánomo daíticue, caméllona mameide áillue rille eedo úfodo enéfemo jailla juánide, mei jáífodo aillo ráaredimie Juziñamui illáimana illíruiamo jaille iere Juárezde, mei ie ráaniai cue baímo afémie izíruiateza, —daide.

<sup>25</sup> Ie llófuegamaci áfena cacáillano iere fáigacaidiaioi. Iemo dani jofo conímaiaimo jicánotiaioi:

—Iemona ¿níimie jíllorede? —daídaioi.

<sup>26</sup> Jesús íaioímo eróicana daide:

—Comínimona bie izóidífue finónide, mei íadi Juziñamuimona nana finórede.

<sup>27</sup> Iemona Pedro íena daide:

—Cai Ocuíraíma, caímo ite raana nana fiénocaillano odo ja jáidicai. Iemona mei ¿mínica máínoíticai? —daide.

<sup>28</sup> Jesús íaioína daide:

—Uáfueña daíticue, uire jáíruido naga ráfuiái cómofuiaina jáite. Aféruimo Nanoide íima Jitódicueza ebírede illaíma ráírano mo ráiíticue. Afe llezica omoí cue díga jáicana jira, doce dígade illaíma ráírano mo ráiítio mo. Afénamona doce dígade Israel náiraíai ñue jáicina jicánoitio mo. <sup>29</sup> Iemo cue ícoína naga jofona fiénocaidimie, daje izóí ámatiaí naa ie móotiaíri fiénocaidimie, daje izóí naa úruiaíri fiénocaidimie, femo jáí ie illano zóofenocaidimie, afémaci cien dígcacíño íbálliaioi. Daje llezica afémaci zíñona illínona máínoítiaioi. <sup>30</sup> Mei íadi birui aillo úfcocaidino aféruimo óodaficaite. Daje izóí birui aillo óodaficaidino úfcocaitiaioi.

## 20

Jírícóremo oreca táijiraini izoide rafue

<sup>1</sup> Monamo ite Juziñamui illáimana illírui jírícóre naama finoca izoide. Afémie jítramo raíre ie táijiramaci jénuaide, ie jíricue óllena. <sup>2</sup> Afémie ie táijiramaci íbállena afémacimo jáicina llote: “Daarui táijina íba díeze úcube illa dígamie mo íbaiticue,” daide. Daíí dainano ie jacáfai mo táijillena orede. <sup>3</sup> Afe mei jitoma nuévemo ítemo oni gairranomo jáíe táijitino jénuaide. Afe gairranomo dáarie táijíñeno ítino baite. <sup>4</sup> Íaioína daide: “Maí batí cue jacáfai mo táijizairi. Nauífe díbénemo ómoímo ñue íbaiticue,” daide. Iemo afémaci dinomo táijizaidiaioi. <sup>5</sup> Afe jacafai naama jítoma jáicíri ítemo meine nane jáíe táijitino jénuaide. Daje izóí nane nauífe díbénemo jénuaide. <sup>6</sup> Iemo nane ja nauízaidemo ocuidimie gairranomo jáíe táijitino jénuaide. Dínomo jáíe táijíñedino baizájide. Íaioína daide: “¿Nibái mei omoí nágarui táijíñeno benó ífiredio mo?” daide. <sup>7</sup> Jira afémaci íena daídaioi: “Mei bu caina táijitañede,” daídaioi. Iemona afémie íaioína daide: “Omoí daje izóí cue jacáfai mo táijizairi. Iemona ómoímo dúide díeze ñue íbaiticue,” daide. <sup>8</sup> Ja nauídemo, jacafai naama táijitagano úínotimiena daide: “Maí táijidino dánomo uáiduno íba. Íiraíno mo jáidino fueñe íbari, íemo nano fueñe jáidino méíodo íbari,” daide. <sup>9</sup> Iemona nauízaícademo jáidino dúcidiaioi. Afémacimona illa dígamie ñue íaioi táijina íba llínoítiaioi. Daá denario daína úcube illa dígamie llínoítiaioi. <sup>10</sup> Afe mei nano fueñe táijizaidino ducina llezica, “Jíáimaci baímo aillo úcubena llínoíticai,” daíí comécido facádiaioi. Mei íadi nana illa dígamie dájerize daarui táijina íba díeze úcube llínoítiaioi. <sup>11</sup> Úcube llínnua llezica, ocuidimie mo ríicaidiaioi. <sup>12</sup> Íena daídaioi: “Bie íraíno mo dúcidino daa hora táijidiaioi. Mei íadi daa cai o íbaze íaioína íbáidío. Cai náamonaze uzíredemo táijidicai,” daídaioi. <sup>13</sup> Mei íadi afe ocuidimie íaioína daide: “Omoí cacai. Omoímo fiéni ínédicue. Fueñe cai úrilla llezica ¿ómoímo dáaruina táijina íba díeze úcube íbaiticue

daifñedicue? Jii, daidicue. ¿Afe llezica áfena jieruñediomoi? Uáfueza, jieruitiomoi. <sup>14</sup>O táijina iba llíinota, mai jai. Bie úirainomo dúcidinona daa o cue íbaze íbacadicue. <sup>15</sup>¿Meita cue úcube cue dotácana dieze dotánidicue? ¿Meita jiáimie cue dúecaillano aillo cue fécarí úradoido? dinori ocuidimie úrite. <sup>16</sup>Afe izói fueñeidino óodaficaitiaoi, íemo jiái óodaidino uícoficaitiaoi. Mei uafue, jíriganano aillo ite, mei íadi nizécano dúemaci, —dinori Jesús daide.

*Jesús nane dáanomo ie táille llotte*  
(Mr 10.32-34; Lc 18.31-34)

<sup>17</sup>Jerusalén iodo Jesús jailla llezica, doce dígade ie llófuegamaci bai eneno uillano daide: <sup>18</sup>—Birui omoi ciona izói Jerusalemo jáidicai. Daje izói Nanoide íima Jitódicueza onódiomoi. Afénomo lletáriraini illaíma, naa ocuica uai llófueraini cue titállena mámeitiaoi. <sup>19</sup>Mámiano onínemacimo cuena fécaítiaoi, cue íaioi jifánodoillena. Daje izói ráziaido cuena fáitíaoi. Afe mei cuena cruzmo córaítiaoi. Mei íadi daruíamani íllemona meine abído cáadimiena jáitícue, —daide.

*Santiago Juan díga íaillinoi ei Jesús diné daa rafue jicánuaibite*  
(Mr 10.35-45)

<sup>20</sup>Afe mei Santiago Juan díga íaillinoi ei Jesuna daízaibite. “Mai cuemo dúecairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaibitíaoi. <sup>21</sup>Jira afémie aféngona jicánote:

—¿Minica óiacadio? —daide.

Jira afengo daide:

—Ílláimana o illíruimo dúciille llezica, cue jító íaillinoimona dáamie o nabézimo rainari, íemo jiáimie o jarífezimo rainari, —daide.

<sup>22</sup>Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuñediomicoi? Cue duere íaioi finolle izói ¿meita ocuñediomicoi? —daide.

Jira afe íaillinoi: —Jii, —daide.

<sup>23</sup>Iemona íaillinoina daide:

—Íere uáfueza. Duere cue zefuilla izói duere zéfuitiomicoi. Daje izói cue duere íaioi fínuua izói afe izói duere finóllimicoi. Mei íadi cue nabezi, cue jarífezimo óomicoi ráinaille cue daíñidicue. Dama cue Moo uícode mamécemie ráirena, —daide.

<sup>24</sup>Jiáie diez dígade ie llófuegamaci afe jicánuana cacáillano, afe íaillinoimo ríicaidiaoi.

<sup>25</sup>Iemona Jesús dáanomo nana íaioi uáiduano daide:

—Onódiomoiza náiraíai íllaini íaioi úiñoganona ocuíoifrediaoi. Íemo íaioimona íere ocuídillaini afémacimo ite ríinodo íere jacire ocuífrediaoi. <sup>26</sup>Mei íadi omoi cígiri daif íñeite. Mei jiáífodo ómoimona jamánomoidimiena íacadimie, omoi anamo táijidimie izói írede. <sup>27</sup>Daje izói ómoimona uícofiacadimie omoi ríire ocuícemie izói írede. <sup>28</sup>Afe izói Nanoide íima Jitó omoi cígimo ite. Mei jii, jiáimaci cuena canóllena bíñedicue, mei jiáífodo nana comini cánuaibitícue. Uafue aillo comini íaioimo ite fíenidifuíai oni dóllena tíizaibitícue, —dinori Jesús úrite.

*Jesús mena uínidimie jíllotate*  
(Mr 10.46-52; Lc 18.35-43)

<sup>29</sup>Jesús naa íe llófuegamaciri Jericó jófuemona jino jailla llezica, díga comini afémiedo jáidiaoi. <sup>30</sup>Jáidiaoimo afe ío abimo mena uínidimie ráiidiaillinoi. Ja Jesús afe íaillinoi abído jáizaillana cacádiaillinoi; cacáillano ríire daidíiaillinoi:

—Ocuíraíma, jaíai ílláima Davidmona comútagamie mai cócomo dúecai, —daidíiaillinoi.

<sup>31</sup>Jira comini íaillinoina rairuídiaoi. Afe íaillinoína, “Uríñeno, llíicai,” daidíiaoi. Mei íadi afe íaillinoi llíicaiñeno jamánomo caillíoidiaillinoi:

—Ocuíraíma, jaíai ílláima Davidmona comútagamie, mai cócomo dúecai, —daidíiaillinoi.

<sup>32</sup>Jira Jesús mózide. Mózillano afe fáillinoi jírillano jicánote:

—¿Nie izói jitáidiomicoi afe izói ómicoi cue finóllena? —daide.

<sup>33</sup>Jira afe fáillinoi uai ote:

—Ocufráima, cióacadicoco, —daidífaillinoi.

<sup>34</sup>Jira Jesús afe fáillinoimo dúceañllano, fáillinoi ui jetade. Jeta llezica ñue ciódiaillinoi. Afe mei Jesúsoiri jáidiaillinoi.

## 21

*Jesús Jerusalemo jofu jaide*

(Mr 11.1-11; Lc 19.28-40; Jn 12.12-19)

<sup>1</sup>Ja Jerusalemo áinozidiaioimo, Betfagé duera jófue mo dúcidiaioi. Afe jofue Olivo daina idu áinori ite. Afénomona Jesús ie llófuegamacimona ménamie orede. <sup>2</sup>Oriano fáillinoína daide:

—Baie ómicoi ucomo ite duera jófue mo ómicoi jai. Afénomo cuinaca búrrana cíoitomicoi, naa ie úrue diga. Afe zuitada cuemo atiri. <sup>3</sup>Afénomo comini jáifodo dáiiadi, “Cai Ocufráima jitáillano jicácaza; bie búrrana raire abido omo óreite,” daíri, —Jesús daide.

<sup>4</sup>Bífuiaí íficaide jaiaí Juzíñamui uai llóraini cuega uai ñue ícoimo fuitállena. Afe uai daide:

<sup>5</sup>Jerusalena mameide jofue comínina daíri:

“Ero, o illaíma comécina mánaidímie izói billa.

Burra emódomo rájicabite.

Afe méere de raa abífire de burra úrue emódodo bite,” —daide.

<sup>6</sup>Afe mei ie llófuega fáillinoi jaillano Jesús fáillinoi ocuilla izói finódiaillinoi. <sup>7</sup>Afe burra naa ie úrue atídiaillinoi. Atiano íaioi incuirona afe búrrana jobédiaioi. Afe mei Jesús afe emódomo ráinazaide. <sup>8</sup>Afe llezica aillo comini Jesús jáillao incuirona jobédiaioi. Jáíimaci rafóruai jáitajano íemo jobédiaioi. <sup>9</sup>Dáarie Jesús uícodo jáidiaioi; jáíimaci ódana jáidiaioi. Nana daje izói riire úritiaioi:

—Jaiaí illaíma Davidmona comuítagamie mo ñúefue mai cai daíilli. Juzíñamui mámecido bitímie caimare íteza. Juzíñamuimo ebíredí fue cai mamelli, —daidífaioi.

<sup>10</sup>Jesús Jerusalemo jofu jailla llezica afe jofue comini diga rafue júfidotiaioi. Diga comini afémie dibéneo jicánotiaioi:

—¿Bie bu? —daízitiaioi.

<sup>11</sup>Jira jáíimaci daidífaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidífaioi.

*Jesús Juzíñamuimo gairíracu ráfua izói ñue finode*

(Mr 11.15-19; Lc 19.45-48; Jn 2.13-22)

<sup>12</sup>Afe mei Jesús Juzíñamuimo gairíracu mo jofu jaillano, afeco eromo ite ráaniai fecáidino naa íbároidinori jino juide. Afénomo ite úcube méidofiredino tájijnabani Jesús oni cáicoide. Daje izói híicirillai fecáidino íaioi ráiracuai Jesús oni cáicoide. <sup>13</sup>Afémacina daide:

—Juzíñamui Cuegáuai daide: “Cue jofu daa cuemo úrifireracona íte.” Mei íadi bicona merírifiredino jofu izói finódiomoi, —daide.

<sup>14</sup>Afe Juzíñamuimo gairíracu mo Jesús illa llezica dáarie únidímiaí, naa ídainidino Jesumo bitífaioi. Afémie afémacina jíllotate. <sup>15</sup>Mei íadi lletáriraini illaini, naa ocuica uai llófuetinori Jesús uaido dáinamona comúdena cíoillano ríicaidiaioi. Daje izói afe gairíracu eromo ite úruiaí Juzíñamuimo caimátailla uai cacáillano bimaci íere ríicaidiaioi. Mei afe úruiaí daidífaioi: “Jaiaí illaíma Davidmona comuítagamie íere ebíredeza,” daidífaioiza. <sup>16</sup>Jira bimaci ríicaillano Jesuna daidífaioi:

—¿Baie úruiaí úrillana cacáñedio? —daidífaioi.

Jira Jesús íaioi uai ote:



—Cacádícue. ¿Bie rafue úrilla cúeina uaina facádoñediomoi? Afe jaii David daina uai Juziñamuina bie izói daide:  
 Uruiai ebire níuefuena óiena jae rotátatio, —afe  
 daií Jesús íaioimo llote.

<sup>17</sup> Afe mei ie jicánotinona fáicanocaillano Jesús oni Jerusalémona Betania jófuego íniaide.

*Jesús lliziñede higuera daina amena faidode*

*(Mr 11.12-14, 20-26)*

<sup>18</sup> Afe jítiramo Jesús meine Jerusalemó bítemo iere juffinaite. <sup>19</sup> Afe io abiri higuera daina aménana ciode. Jesús afénomo áinozide, afena llizilla riéllena. Mei íadi llizillajaiina ínédeza, daa ie íbaina ciode. Mei jira Jesús afe higuérana daide:

—Jaca benómona llíziñeítio, —daide.

Daií daina llezica afe higuera dúide. <sup>20</sup> Ie llófuegamaci afena cíoilano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —daiíiaioi.

<sup>21</sup> Jesús íaioi uai ote:

—Uáfua ómoína daiídícue, ua o íñoiadi daa bie aménamo cue fínua izói finórediomoi, íemo jíai afe baímo aillo finórediomoi. Bie caifóneduna “Caífo áijicaillano oni monáillaimo báizai” o dáiiadi, afe bie caifónedu o uai jeire uano, oni dínomo baízaita. <sup>22</sup> Juziñamuimo omoi úrilla llezica, ua o íñoia nana omoi jicácana ñue llínoítio, —daide.

*Illáicomini Jesús ocuífírena ríino jicánotiaioi*

*(Mr 11.27-33; Lc 20.1-8)*

<sup>23</sup> Afe mei Jesús Juziñamuimo gairíracomo jofa jaide. Jaillano afénomo llófuegarite. Afe llezica lletáriraini illaini naa judíuai eicomíniri Jesumo jicánuaídiaioi:

—¿Nie ríinodo o raana finófrédio? ¿Afe ríino bu mei omo fecaca? —daiíiaioi.

<sup>24</sup> Jira Jesús íaioi uai ote:

—Cuemo omoi jicánua izói, ómoímo daafue jicánóitícue. Cue jicánolle uai ñue omoi óiadi, bie raa cue fínua ríino ómoímo llóitícue. <sup>25</sup> Mei Juan ¿bu comini báutizallena ocuica? ¿Meita Juziñamui ocuica? ¿Mei níbai comini ocuica? —daide.

Mei íadi uai óeno, afena dani conímamo júfidotiaioi; daiíiaioi:

—Juziñamui ocuica cai daiíadi, Jesús caina dáíte: “¿Níbai mei afémiena íñoñediomoi?”

<sup>26</sup> Mei jíáfodo, comini ocuica, cai daiíadi, comínina jacíruticai; mei nana comini “Juan Juziñamui díbenedo úrifírede” daiíiaioiza.

<sup>27</sup> Iemona bie izói Jesuna daiíiaioi:

—O jicánoga jaca onóñedicai, —daiíiaioi.

Jira Jesús íaioina daide:

—Daje izói bie raa cue fínua ríino ómoímo llóñeítícue, —daide.

*Mena jító íaillínoí illa izoide rafue*

<sup>28</sup> Daií daina mei, Jesús íaioina daide:

—Bíena ¿nie izói daidíomoi? Daa íima mena jítórede. Íaillínoí moo dámiéna daide: “Cue jító, mai cue jíricore illánomo táijizairi,” daide. <sup>29</sup> Afe jító uai ote: “Jáicañedícue.” Mei íadi afe mei ie comeci jíáfodo fácano, afénomo táijizaide. <sup>30</sup> Afe mei afe moo jíáie jítomo úrizaide. Daje izói íena daide. Iemo bie jíáito íena daide: “Jí, táijizaitícue.” Mei íadi afémie táijizaíñede. <sup>31</sup> Meita bie ménailínoímona ¿ñie jító ie moo jítáinana fínua? —daide.

Jira íena daiíiaioi:

—Nanóidímie, —daiíiaioi.

Jira Jesús íaioina daide:

—Uáfua dáitícue, gobierno jicátáfirega úcube llínotino, naa ímamo jiruífírede ringóniairi naa jíáie afe izoide fíéndino Juziñamui illáimana illánomo raire omoi uícode

jáitiaoioi. <sup>32</sup> Mei nau Juan Bautista ñue omoi ñlana llófuiaibite, mei íadi áfena ñnoñediomoi. Mei jáífodo afe úcube llínoraini naa jiruředingotiairi ie dálnana ñnotiaoioi. Mei íadi omoi baimaci comeci ifue méiduana ciódiomoi íadi, afémiemo ñnollena omoi comeci itífuiaina méidoñediomoi, —daide.

Fiénide tájinamaci izoide rafue  
(Mr 12.1-12; Lc 20.9-19)

<sup>33</sup> Mai bie jáie ráfue mo omoi cácarei. Jacafai naama jírcojiai éroide úvaiai rillino finode. Fínuano afeno nágafene cirínote. Cirínuano afe úvaiai zaizíllico finode. Afe llezica caifo jica tígicaco nite nana afe rigániaimo ñue rairuñlana.

Afe mei afémie afécaie ie úiñotimacimo fecade, ie biñena dino. Afe dígamona íemo íbádiaioi. Daií fécano afémie jáie éniemo jai. <sup>34</sup> Afe mei úvaiai llizille llezica, ie ocufíregano orede, náamamo dúide dibene jicállena. <sup>35</sup> Mei íadi afe tájijidino jacafai naama orécano llaitádiaioi. Llaitano dáamierna rázido fatíaoi. Jáímierna titádiaioi, íemo jáímierna nófierna njídiaioi. <sup>36</sup> Ie mei jacafai naama nane jáie ocufíregano orede. Nano fueñe ória baimo orede. Mei íadi afénomo tájijidino daje izói nane nana afémacina fieni finódiaioi.

<sup>37</sup> Iirañommo afe jacafai naama ie jito orede. “Afémierna ñibai caimare náfueitiaoioi,” daide.

<sup>38</sup> Mei íadi naama jito bíllana cíollano afe tájijidino conímama daidíaoioi: “Bímie bie énie uire máiñoitimie. Mai cai falli. Afe mei bie énie dani cáieiteza,” daidíaoioi. <sup>39</sup> Afe mei afe jito llaitádiaioi. Llaitano jacafai baimo uillano íena titádiaioi.

<sup>40</sup> Mei jira Jesús jicánote:

—Afe jacafai naama billa llezica, afénomo tájijidinona ¿ñie izói ñibaite? —daide.

<sup>41</sup> Jira íena daidíaoioi:

—Afémie afe tájijitatinommo dúecañeno íaioina titáite. Afe mei jáie ñue tájijidinommo ie énie nano íanori fécaite, mei náamamo dúina dieze llizíllají raire afémiemo íazíjifireitiaoioza, —daidíaoioi.

<sup>42</sup> Jira Jesús daide:

—¿Cue dibénedo Juzíñamui Cuegáuaina jaca facadoñediomoi? Aféuai bie izói daide:

Jofu nírañi jámairuillano oni fádoica jáíllirai ja ñuera jáíllirai izóidena jai. (Bie daífacade comini jámairuillano ruifruigamie ja ñuera jica jalleide illámana jai.)

Bie cai Moo Juzíñamui finoca.

Afefue iere caimo ebire cacaide.

<sup>43</sup> Mei íadi ómoina dáitícue, Juzíñamui illámana ómoimona oni bairolle. Afe mei Juzíñamui mo duide dibene ízaifíredinommo ie illámana fécaite. <sup>44</sup> Iemo afe nofici daínámiemo éicitaitimie niné tibérotáite. Iemo afe nofici jáímiemo baiíadi jízefo izói afémierna finoite, —daide.

<sup>45</sup> Lletáriraini illaini naa fariséuairi Jesús afe izoide ráfuai llúana cacáillano daidíaoioi, “Afémie íco caido úrite,” daidíaoioi. <sup>46</sup> Iemona afe Jesuna llaitácadiaoioi, mei íadi comínina jacíruillano llaitáñediaioi. Mei nana comini, “Jesús Juzíñamui dibénedo úrite,” daidíaoioza.

## 22

Airena llezica finoca ráfue mo mameca uai

<sup>1</sup> Jesús nane dáanommo úrizai. Afémie jáífue mo mameca uaido úrizai. Íaioina daide:

<sup>2</sup> —Monamo ite Juzíñamui illámana illirui bie izoide. Illaíma ie jito áirena llezica rafue finua izoide. <sup>3</sup> Ie ocufíregano orede, nau uícode llogano jírillena. Mei íadi afe uáidogano bíacañediaioi. <sup>4</sup> Ie jira afémie jáie ocufíregano dáanommo orede. Uáidogana bie izói daíri daide: “Íráziñi güille ja nana ñue uédeza. Farede juráreto fatícueza. Ja nana ñue finócaza. Airena ráfue mo mai nana omoi biri.” <sup>5</sup> Mei íadi áfemo irázillena llogano náfueñediaioi. Afémacimona dáamie ie jacáfaimo jáizaide. Jáímie ie ráaie oni fécajide. <sup>6</sup> Jáímaci illaíma oreca jírízaidino llaitádiaioi. Llaitano íaioina duere finoda

titádiaioi. <sup>7</sup>Jira afe illaíma iere ríicaide. Ríicaillano ie úiñote fuirfraini orede, ie orécano fatino titállena; afe llezica afémaci jofue jobáillena. <sup>8</sup>Afe mei nane jíáie ie ocuífíreganona daide: “Airenafue nana ñue finoca. Mei íadi fueñe uáidogano fieni itíaoíza bínidiaioi. <sup>9</sup>Iemona jofue cígido macáraomo omoi jai. Afénomo nana o cíoillimacina iráizizaíbiri o daíri,” daide. <sup>10</sup>Iemona afe ocuífíregano jino macáraomo jáidiaioi. Jaillano nana íaioi ciónamacina: “Íráizizaíbiri,” daidiaioi. Fíenidino naa ñuemaciri nana dáanomo íaioina gairítate. Afemona iráizillico ja comínina oruide.

<sup>11</sup>Afe mei afe illaíma ie júriganona onóllena jofo jaide. Íaioimo eroilla llezica daa áirena ráfue mo jítáfíregaroi jítáoiñedimiena ciode. <sup>12</sup>Jira íena daide: “O áirena ráfue mo jítáfíregaroina jítáñeno ¿o nie izói jofo bitio?” daide. Mei íadi afémie uai ollíuui ñíede. <sup>13</sup>Te jira illaíma güirábanimo táijidinona daide: “Bímie riire omoi maíri; maíano afémie jino jítifomo dotari. Afénomo afémie duere éheiteza, daje izói izírenari murímuriteza,” daí afe illaíma ocuide. <sup>14</sup>Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

*Gobierno íbátaga úcube rafue  
(Mr 12.13-17; Lc 20.20-26)*

<sup>15</sup>Iemona fariséuai Jesús úrilla uai féitaiacadiaioi. Féitajano fíenidífue afémiemo jóoneacadiaioi. Afe izói finóllena dáanomo maméritiaioi. <sup>16</sup>Iemona afémacimo jaináidino, daje izói naa Heródesmo jaináidinori Jesuna daíllena orédiaioi:

—Llófueraima, onódicaíza ua rafue daíífíredio. Daje izói Juzíñamui diné cai jáillio uáfúena llófuefíredio. Afe llezica comini daináuaimo náfuefinidio. Iemo jino cíoidífuiaina comínimo riire jicánoñedio. <sup>17</sup>Te jira o comeci dainafue jino caimo lloiri: ¿Romano jamánomoidillaíma íbátaga úcube íbádicainia ñuera? ¿Níbai fíenide? —daidiaioi.

<sup>18</sup>Mei íadi Jesús afémaci facátamarillana onode. Jira íaioina daide:

—Comeci íáirena mei abina ñue cíoidinodíomoi. ¿Níbai mei cuena jíitaiacadiomoi? <sup>19</sup>Afe íbátáfírega úcubetuni cuemo ácata, —daide.

Iemona daa denario daina úcubetuni atídiaioi. <sup>20</sup>Afena cíoillano Jesús íaioimo jicánote: —Afétunimo ¿bu uieco jana illa? Iemo afétunimo ¿nie come mámece cúeina? —daide.

<sup>21</sup>Te uai otíaoi:

—Romano jamánomoidillaíma mámece illa, —daidiaioi.

Jira Jesús íaioina daide:

—Jamánomoidillaímamo dúide díga mai íemo fecari. Daje izói Juzíñamuimo dúide díga Juzíñamuimo fecari, —daide.

<sup>22</sup>Afena afémaci cacáillano iere fáigacadiaioi. Iena zóofiano oni jáidiaioi.

*Tíide comini meine abido cáallena jicánotiaioi  
(Mr 12.18-27; Lc 20.27-40)*

<sup>23</sup>Aféruido saducéuaimona dáarie Jesumo úrizaidiaioi. Saducéuai: “Tíidino meine abido cáaiñeite,” daíífírediaioi. Afe daí Jesumo jicánuaíbitiaioi:

<sup>24</sup>—Llófueraima, Moisés caimo cuetá fíécabemo daide: “Daa come tíia, afémie ama ie fecíngona órede, afémie úruíai ie tíide ama méifomo comúllena.” <sup>25</sup>Mei nauí cai cígimo siete díga ámaredimíiaina ite. Nanóidímie áireillano nai úruenidemo tíide. Tíillano ie méifoango ama afe fecingo ote. <sup>26</sup>Iemo daje izói afémieri íficaide. Afe mei nane jíáimie daango ote. Afémiemo daje izói íficaide. Daí fíebiñeno nana fuitiaioi. <sup>27</sup>Afémaci nana tíilla méifomo afengo nane tíide. <sup>28</sup>Iemona tíidino meine abido cáallíruimo, mei siete dígamie daango óteza, ¿afengo nie íima aina mámeite? —daidiaioi.

<sup>29</sup>Jira Jesús íaioi uai ote:

—Juzíñamui Cuegáuai naa afémiemo ite ríinori omoi onóñenamona fieni úritíomoi.

<sup>30</sup>Tíidino meine abido cáallano ánitiaioi. Daje izói jíáinomo íaioi jízanai ínfíreitañeítiaioi. Mei jíáífodo monamo ite Juzíñamui abí imaci ízoítiaioi. <sup>31</sup>Mei íadi tíidino meine abido

caana dibénedo ¿afe Juzíñamui ómoimo Cuegáuaina facádoñediomoi? Afémie bie izói daide: <sup>32</sup>“Dáaruído Abraham Juzíñamuidicue, naa Isaac, Jacob diga,” mei afémaci Juzíñamui illánomo cáadiaioiza. Mei uáfueza, Juzíñamui tíidino íeñede mei jíáifodo cáadino ie, —daide.

<sup>33</sup>Daíí Jesús dáinana cacáillano comini ie llófuemarillari fáigacaidiaioi.

*Iere jamánomo íinorega caimo ocuina uai  
(Mr 12.28-34)*

<sup>34</sup>Fariséuai Jesús saducéuai llíicaitajana cacáillano, dáanomo gairírdiaioi. <sup>35</sup>Afémacimona daa ocuica uai llófueraima Jesús facátaiacade. Jira íemo jíacánote:

<sup>36</sup>—Llófueraima, nana ocuica uáillaímona ¿ñíuaina jamánomoina? —daide.

<sup>37</sup>Jira Jesús daide:

—“O Juzíñamui nana o comécido izíruiri, naa o joréñori, íemo o ifoci úrillado.” <sup>38</sup>Aquíe uai nana ocuica uáillaímona jamánomoina. Afe uai raire úcodo íinorede. <sup>39</sup>Afe méifoide uai daje izoide. Aféuai daide: “Dama o abina o izíruilla izói, afe izói o jíáie cómena izíruiri.” <sup>40</sup>Bie ménade ocuilla uai nana Moisés ocuilla uailai jillaci. Daje izói Juzíñamui uai jino llóraini llócaiga uai bíemona comuide, —daide.

*¿Mei bu jíto Cristo?  
(Mr 12.35-37; Lc 20.41-44)*

<sup>41</sup>Afe fariséuai nai dáanomo itíaióimo, <sup>42</sup>Jesús íaióimo jíacánote:

—¿Cristomo nie izói comécido daidíomoi? Afémie nano ie comútatímie ¿mei bu? —daide.

Jira íena daidíaiói:

—Afémie Davidmona comútagamie, —daidíaiói.

<sup>43</sup>Iemona Jesús íaióina daide:

—Mei ¿nie izói David, Juzíñamui Ñuera Joreño llúado afémie jítóna “Cue Ocuíraima” daíírede? David daíí daina uai cúeina:

<sup>44</sup>Monamo ite cai Moo Juzíñamui cue Ocuíraimana daide:

“Bené cue nabézimo o ráíiri, o éoigamací cue anáfenolle dño.”

<sup>45</sup>Mei David afémiena “Cue Ocuíraima” dáíiadi, ¿nie izói Cristo Davidmona comúdíimiena maméirede? —daide.

<sup>46</sup>Daíí daina uai buna ónide. Iemo aféruimona jíáie facátalle jícánua uai maméñediaioi.

## 23

*Jesús fariséuaimo naa ocuica uai llófuetinori íaiói íiéndífue llofe  
(Mr 12.38-40; Lc 11.37-54; 20.45-47)*

<sup>1</sup>Afe jira Jesús nana comínina naa ie llófuegamaciri daide:

<sup>2</sup>—Ocuica uai llófuefiredino naa fariséuairi Moisés ocuica uai jino llóllena mamécaiaioi.

<sup>3</sup>Afemona afémaci llógana jeire omoi íiri. Daje izói nana afémaci ómoína dáinana náfuerei.

Mei íadi afémaci illa izói íñeno iri. Mei comínimo íaiói úrilla izói íñediaioiza. <sup>4</sup>Afémaci comínina íere ríire ocuide. Afe íaiói ocuica uaina comini finónide. Mei íadi dani afémaci afe ocuica uaina due jiza jetáacañediaioi. <sup>5</sup>Núemaci daííllena nana íaiói finócafuiái comini eróicana taino finófrediaioi. Daje izói núemaci daííllena Juzíñamui uai cúeina ozócimo jítajana gáidiaioi. Afe izói afe uai jíáimaci ie ónoimo maitá úcaillena gáidiaioi. Iemo jíái íaiói jíáfírega áreroi fuemo ite ebire cóillena jíáimaci baimo finórífrediaioi. <sup>6</sup>Iemo ráfuemo íaiói guízájadi afémaci ñuera ráíílinuai jenófrediaioi. Daje izói Juzíñamui uai llorácomo íaiói jáiadi illaini ráííranuai jenódiaioi. <sup>7</sup>Afe izói jino jofue cígimo ite macáraodo íaiói jáiadi, comini caimare íaiói uáiduana gáidiaioi. Daje izói “Cai Llófueraimadio” dáinana gáidiaioi.

<sup>8</sup>Mei íadi “Cai Llófueraimadio” daíí daíítañeno iri. Mei nana omoi ámatiaí; íemo jíái omoi Llófueraima jaca daade; afémie Cristo. <sup>9</sup>Afe izói bie éñiemo buna cue

Móodio daiñeno iri. Mei omoi Moo dáadeza. Afémie monamo ite. <sup>10</sup> Daje izói jiáimacina “O cai Illáimadio” daiñtañeno iri. Mei o Ocuídímie dáadeza. Afémie Cristo. <sup>11</sup> Omoimona jamánomoidimiena jiáimana canófiredímie. <sup>12</sup> Mei uáfueza, jamánomo abí jacire mamédímie jamáimiena jáite. Mei jiáifodo abí ñinoñeno jiba cómedicue daidímie jamánomoidimiena jáite.

<sup>13</sup> Ocuica uai llófuetino naa fariséuairi, comécina iáirena mei abina ñue cíoidiomoiza, jñii omoi dúerena! Mei comini jofo jáiñeillena, monamo ite Juziñamui illáimana illano nazena ibáifrediomoí. Mei diga Juziñamui ñue ocuífauiai lluano, aféfuaiaina abido ná-fueñediomoiza, dani o illafue ñue jáicina jóiñena jira. O lloga iodo uáfueña jáiñedioza. Afe llezica afénomo jofo omoi jáiacañediomoí. Daje izói afénomo jofo jáiacadino rairuídiomoí.

<sup>14</sup> Ocuica uai llófuetino naa fariséuairi, comécina iáirena mei abina ñue cíoidiomoiza, jñii omoi dúerena! Fecíngotiai jofóniai bairófirediomoí. Afe llezica ñuémaci daiñllena comini eróicana Juziñamuimo are úrifrediomoí. Ie jira omoi jiáimaci duere zefuille baimo duere finólliomoí.

<sup>15</sup> Ocuica uai llófuetino naa fariséuairi, comécina iáirena mei abina ñue cíoidiomoiza, jñii omoi dúerena! Nágagobiaido jáidiomoí daa come omoi ñinoga uai dibénemo omoi itátallena. Itata mei, afe come omoi baimo fiénidimiena orédiomoí. Iemona omoi afémieoiri, comini duere finolle iraimo zñiñona duere zefuñllena mamécaomoí.

<sup>16</sup> Uina cíoiñede io ifódino izóidiomoiza, jñii omoi dúerena! Comínina bie izói daiñfirediomoí: “Daa come iere uafue daiñllena, Juziñamui ico mámece llíinoiadi afefue ráañede. Mei íadi afémie afécomo nitaca oro mámece llíinoiadi ie daina uai jeire órede,” daidíomoí. <sup>17</sup> ¡Abina onóñede uínidino izóidiomoí! ¿Ñiie mei jamánomoina? ¿Meita afe jamai oro? Ieñedeza. Mei afe oro Juziñamui ico jóniamona ñuera raana jáideza. <sup>18</sup> Nane jiáifue daiñfirediomoí: “Daa come iere uafue daiñllena, altar daina Juziñamui íena rille fecárabani mámece llíinoiadi afefue ráañede. Mei íadi afémie afénomo fecaca raa mámece llíinoiadi ie daina uai jeire órede,” daidíomoí. <sup>19</sup> ¡Abina onóñede uínidino izóidiomoí! ¿Ñiie mei jamánomoina? ¿Meita afe fecaca rille? Ieñede. Afe Juziñamuimo fecárabani afénomo fecaca raana ñue finode. <sup>20</sup> Mei jii, Juziñamui íena rille fecárabani mámece llíinotímie daa afe ibani llíinoñede, mei jiáifodo nana afébanimo fecaca raana llíinote. <sup>21</sup> Daje izói Juziñamuimo gairíraco mámece llíinotímie daa afe gairíraco llíinoñede, mei jiáifodo afeco ite Juziñamui mámece llíinote. <sup>22</sup> Nane daje izói iere uafue daiñllena mona mámece llíinotímie, Juziñamui illáimana ráirano mámece llíinote. Daiñ llíinua llezica Juziñamui mámece llíinote, mei afe Juziñamui afénomo ráiideza.

<sup>23</sup> Ocuica uai llófuetino naa fariséuairi, comécina nai iáirena mei abina ñue cíoidiomoiza, jñii omoi dúerena! Nana omoi ríganiamona jamánomo jéenide rábiaina Juziñamui íena oni jónefirediomoí. Menta daina jéenide rábiai, naa anis daina dúebiai diga, íemo jiái comino daina rábiai facádoti oni eneno jónetiomoí. Mei íadi ocuica uáimona jamánomo jitáiredífuaiaina ná-fueñediomoí. Afe jitáiredíuui be ñiie: come comeci jáicina jóoinana, íemo jiáimaci dúecaifirena, íemo Juziñamuimo ñnofirena. Nai afe jiáifuiiai omoi zóofeñena llezica, afe búfuiiai raire fueñe jeire órediomoí. <sup>24</sup> Táino omoi llúamona uina cíoiñedino io ifódino izóidiomoí. Ráañede uáillaimo iere izire nícidofirediomoí, mei íadi jamánomoide ñuera uaimo ná-fueñediomoí.

<sup>25</sup> Ocuica uai llófuetino naa fariséuairi comécina nai iáirena mei abina ñue cíoidiomoiza, jñii omoi dúerena! Mei jiróraco naa plato diga jinófene ñue jocódiomoí, mei íadi afe ero dinena iáirede. Daje izói comini cíocana abi ñue finódiomoí, mei íadi omoi comeci dine merírilla, naa jiáie comini raa báiruamona ógana oruide. <sup>26</sup> Uina cíoiñede fariseo ímie: Mai jiróraco naa plato diga ero jócuia izói omoi illafue ñue méidori. Iemona omoi comeci

ñúefuiaiina oruíbicaite. Afemona afe jiróraco jinófene íáinina izói, afe izói omoi jinófene íáiniteza.

<sup>27</sup>Ocuica uai llófuetino naa fariséuairi, comécina nai íáirena mei abina ñue cíoidiomoiza, ñii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jáífoide íáiredinuai díga.

<sup>28</sup>Omoi comeci dine afe izóidiomoi. Comini eróicana jinófenena ñue cíoidinodiomoi. Mei íadi comeci dine jáímacina fieni jífuefirenana oruide, íemo jáíe fiénide uáillaina oruide.

<sup>29</sup>Ocuica uai llófuetino naa fariséuairi, comécina nai íáirena mei abina ñue cíoidiomoiza, ñii omoi dúerena! Mei jaiái Juziñamui uai jino llóraini raiafo ebire finófirediomoi. Daje izói jaiái ñue itino emódomo jónega nofíbicina ebire finódiomoi. <sup>30</sup>Daíí fínuano daiífirediomoi: “Cai jáiaigima illáruillaido itícaína, afe Juziñamui uai jino llórainina fatáañedicaí,” daiífirediomoi. <sup>31</sup>Daíí dáinado afe Juziñamui uai jino llóraini fatino erófene igímadicaí daiídiomoi, —daide. Jira Jesús afémaci díga ícírillano bie izói daina:

<sup>32</sup>—¡Omoi jáiaigima taineca fiénidífue ñue ícoimo omoi fuitari! —daide.

<sup>33</sup>Jesús nai afémacimo úrite:

—¡Jaióniaí izóidiomoi! ¡Omoi nairai titade jaizaí izoide! ¿Mei ñie izói duere finóbille iráimona jíllaitiomoi? <sup>34</sup>Afe jira Juziñamui uai llóraini, íemo iere baitáidino naa llófuefiredinori ómoimo óreiticue. Mei íadi afémacimona dámierie títaítiomoi. Daje izói jáímacina córaítiomoi. Íemo jáímacina Juziñamui uai lloraco eromo rázido fáitiomoi. Íemo jáímacina naga jófuiaido rácaítiomoi. <sup>35</sup>Daíí omoi íllamona nana jaiái ñúemaci títaífarena ícoiniadi ómoimo daíí íficaite. Uáfueza, jaiái Abel fáinamona benomo Berequías jíto Zacarías omoi faja llezica, nana afémaci ícoinia duere zéfuitiomoi. Juziñamuimo gairíraco íemo Juziñamuimo rille fecárabani dáafenedo afe Zacaríana fatíomoi. <sup>36</sup>Uáfueña ómoína daíitícue, nana bie fagano ícoinia birui itino duere zéfuitiaioi.

*Jerusalén jófueri Jesús eede*

*(Lc 13.34-35)*

<sup>37</sup>Jerusalén comínimo dúcaidícue. Juziñamui uai llórainina fáfirediaioi. Daje izói Juziñamui orécanona nófena níjdiaioi. Díga icaíño átava ie úruiaí íaícona bícu izói íaioína ríidoiacadícue. Mei íadi íaioí cue ríiduana gáíñediaioi. <sup>38</sup>Cacai, Juziñamui ómoína zóofeíteza. <sup>39</sup>Mei ómoína daidícue, meine abido cuena cíóñeítiomoi. “Juziñamui mámedido bitímie ñue finóbilleza,” omoi daíille díno cuena cíóñeítiomoi, —díno Jesús úrite.

## 24

*Juziñamuimo gairíraco júdaízille Jesús llote*

*(Mr 13.1-2; Lc 21.5-6)*

<sup>1</sup>Daíí daina mei Jesús Juziñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaioi. <sup>2</sup>Mei íadi Jesús íaioí uai ote:

—¿Bie nana cíódiomoi? Uáfueña ómoimo llóitícue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

*Enie fúiacana cai onuille rafue*

*(Mr 13.3-23; Lc 21.7-24; 17.22-24)*

<sup>3</sup>Iemona Olivo daina ídumo jáidiaioi. Afénomo Jesús ráinana mei ie llófuegamaci báinino íemo jíacánotiaioi:

—O daina jofue niné táinocaíllífue, ¿ñiíruído daíí zúite? Afena cai llone. O meine bíllena cai onótaite raa, ¿nie izói eroide? Daje izói énie fúíllena ¿nie izói onóiticaí? —daidíaioi.

<sup>4</sup>Jira Jesús íaioína daide:

—Comini omoi jífueiza abí rairuiri. <sup>5</sup> Mei diga comini cue mámeçido billano “Cris-todicue” dáititiaoí. Afémaci aillo comínina jífueititiaoí. <sup>6</sup> Aillo jobáirillana fídítio moi. Dáarie áinori cácaitiomoi, íemo jiáiena jica cácaitiomoi. Mei íadi áferi jacínaiñeno omoi iri, mei daí ífcáiredeza. Mei íadi énie fuillíruíñede. <sup>7</sup> Mei jii daa nairai jiáie nairai diga fúirite. Iemo daa énie jiáie énie comini diga jobáirititiaoí. Afe llezica aillo náiraiai júbietaititiaoí, íemo aillo dúicuai íite, íemo ñuizaingo diga ígobiaina ñúite. <sup>8</sup> Comini duere zefuñllemona nana bífuiai como tainéinafue.

<sup>9</sup> Afe llezica ómoína duere finóllena fécaititiaoí. Duere finoda ómoína títaititiaoí. Cue ícoína nana comini ómoína éoititiaoí. <sup>10</sup> Aféruillaído aillo comini Juzíñamuimo ínuana féitaititiaoí. Dani conímana éoititiaoí. Daje izói conímana fállena fécaititiaoí. <sup>11</sup> Afe llezica taino llotino iere íite. Afémaci: “Cai bie Juzíñamui dibénedo úriticai,” dáititiaoí. Afémaci aillo comínina jífuecana uite. <sup>12</sup> Aféruimo diga fiénidífuiai comuñllamona, aillo comini conímana izíruillana féitaititiaoí. <sup>13</sup> Mei íadi fuitállinomo ñue nífuenino íitimie jílloite. <sup>14</sup> Iemo afe bie Juzíñamui illáimana illano ñuera rafue nágagobiaído llóititiaoí, nana náiraiai áfena onóllena. Afe mei énie fuillíruimo dúciite.

<sup>15</sup> Jaiai Juzíñamui uai jino llóraíma Daniel, íraírui mo biite íaire fínuaibítimiedo úrite. Afe bíitimie diga ráaniaina tánocaitaite. Afe fiéni fínuaibítimie Juzíñamui gairíraco eromo ite rairuírede ñúenomo jáillana o cíoadi, jica botárediomoi. Bíuai facádotímie afe uaina ñue onoiri. Onóllano abi rairuiri. <sup>16</sup> Afemona Judea éniemo itino oni caifóneduaimo botárede. <sup>17</sup> Daje izói daa come ie jofo caifófebanimo íadi, ie jofo eromo ite raana jofo jaillano baíróneno afénomona bótaíteza. <sup>18</sup> Daje izói jacáfaimo íitimie abido ie jofomo ite íncuiruaina uáibiñeite. <sup>19</sup> Aféruillaído namócingotiaína, jñii dúerena! Daje izói monoi jirode úrue llíidíngotiaína, jñii dúerena! <sup>20</sup> Nocíruillaído jino o bótañeillena, Juzíñamuimo jicari. Daje izói ocózinaillarumo o bótañeillena o jicari. <sup>21</sup> Mei aféruimo iere aillo duere zefuñllífuiai ííteza. Énie comuñllanomona bené afe izóidena íñede. Iemo jiái afe méifomo afe izói íñeite. <sup>22</sup> Mei jii, aféruillai Juzíñamui due mozíñoñedenia buna jílloñena. Mei íadi ie nizécanona izíruillano, aféruillaina afémie nano íanori mozíñoite.

<sup>23</sup> Iemona dáamie ómoína: “Be Cristo,” daíadi, daje izói: “Cristo batí ite,” daíadi afémie mo íñoñoeno omoi iri. <sup>24</sup> Mei Crístona abi mamede jífueridino bííteza. Daje izói afémaci: “Cai bie Juzíñamui dibénedo úriticai,” dáititiaoí. Afémaci uaido dánamona áillue comuídena fínóititiaoí, naa fáigacaitade ráaniaíri. Afedo comínina jífueiacadiaioí. Dama Juzíñamui nizécanona jífuefillena facátaititiaoí, mei íadi jífueaíñeitiaioí. <sup>25</sup> Ja nana bífuiai uícodo ómoimo llotícueza. <sup>26</sup> Ie jira: “Ero bai batí táizicimo Cristo ite,” afémaci daíadi afénomo jáiñeno omoi iri. Daje izói: “Ero, bico eromo Cristo ite,” daíadi afémie mo íñoñoeno omoi iri. <sup>27</sup> Mei ameo fuiri llairilla llezica jica afáifene ícoimo cíocaila izói, afe izói cue billirui jica cíocazaíbite; Nanoide íima Jitódícueza. <sup>28</sup> Iemo inóniai gairizaíñenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfueña ónoitio moi.

*Nanoide íima Jitó Cristo billirui nie izoite  
(Mr 13.24-33; Lc 21.25-33; 17.26-30, 34-36)*

<sup>29</sup> Afe duere zefuñllirui záailla méifomo, jítoma dúite. Daje izói fiui égaiñoñeite, íemo jái ucúduai monámona ana cóciitiaoí. Afe llezica nana monamo ítinuiai riire mozíoide ráaniai niráírcaite. <sup>30</sup> Afe mei Nanoide íima Jitó Cristo bille jana monamo cíocaita. Afena cíóillano nana énie nairai éenaititiaoí. Nanoide íima Jitó Cristo ana bíllana cíoititiaoí. Afémie mona ero uílliedo bite, naa íemo ite ríino naa ebíredino diga. <sup>31</sup> Afe mei ie abi imaci óreite, afémaci riire bainada fúullemona nana Juzíñamui eneno nizécano nágafenaiñemona dánomoi jírillena. Iemona jica énie fuédaiaimona, íemo énie enéfeniaimona bíititiaoí.

<sup>32</sup> Higuera daína aménamo mamécáfueña omoi onoiri. Ie onócairo como fueñe zícua llezica, ja ímona ánozide, daídíomoi. Daje izói afe amena rábiai jino íiruilla llezica, ja

fimona áinozide daiífirediomoi. <sup>33</sup> Afe izói jítoma dúilla, femo afémonado nana jiáie zuide raa omoi cíoiadi, íirairui áinozillana ónoitiomoi. “Ja dúciacade,” daiírediomoi. <sup>34</sup> Uáfueña ómoimo lloticue, bigíma nai tíineille llezica nana bie raa jino zúite. <sup>35</sup> Mona énie diga fuite, mei fadi cue uailai jaca fúíneite. Cue lloga raa nana zúite.

<sup>36</sup> Mei fadi cue billirui ónoñega. Daje izói cue bille hora buna onóñena. Juzíñamui abí imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

<sup>37</sup> Noé illáigimamo comini fieni illa izói, afe izói Nanoide íima Jitó billíruimo comini daií íítiaioi. <sup>38</sup> Aféruillaído aillo noci nai bíñena úfcodo, comini Noé llogáuaimo náfueñeno daa güilla llotíai. Güillano jirófrediaioi. Afe llezica íaioi fieni illafue médoñeno, áireoidiaioi, femo íaioi jízanaí íñeitaoidiaioi. Jaca daií ítíai abina Noé áillue nocáe eromo jaide. <sup>39</sup> Íaioi duere zefufllemo due jiza comécíñediaioimo áillue noci íaioimo bíide; áferi coróbaizidiaioi. Nanoide íima Jitó billirui afe izói íite. <sup>40</sup> Aféruimo mena íima jacáfaimo illa llezica, afe faillínoimona dáamie Juzíñamuiimo íínotímie caífo monamo uille, ie mei jíámie íiébicaité. <sup>41</sup> Daje izói mena ringo trigo lláia llezica, daango caífo uiga, jíáingo íiébicaité.

<sup>42</sup> Caade izói abí omoi onoiri, mei caí Ocuíraíma billirui ónoñegaza. <sup>43</sup> Mei fadi bífueña onódiomozia; jofo naama merírizabitímie bíllana onóadi, afémie ie jofo rairuállano íníñeno cáaité. Daií afémie merírizabitímie ie jofona tuíñotañeite ie raa meríllena. <sup>44</sup> Te jira jica ía abí ñue omoi finori. Mei due jiza comeci fácañeítioimoimo, Nanoide íima Jitó bíteza.

Ínofírede ocuífregamie naa íínofínidímie diga

(Lc 12.41-48)

<sup>45</sup> Ínofírede ocuífregamie omoi comécíiri. Afémie ñúefue baitádimie. Ie ocuídimie nana jofo ero comíñina uíñotaite. Güille hóramo dúcia llezica afémie afémacina écaite.

<sup>46</sup> Naga ie naama ocuícana ñue fínófidímie afémie billíruimo caímare íte, mei íe ocuíca ñue fínuana cíoiabíteza. <sup>47</sup> Uáfueña ómoína dáíitícue. Afemona jofo naama nana íe jofo eromo íte ráaniaina afémiena uíñotaite. <sup>48</sup> Mei fadi ocuífregamie fíénidímiena jáiadi, femo afe llezica: “Cue ocuídimie are bíñeite,” comécido dáíiadi, afe ocuífregamie jaca íínofínide. <sup>49</sup> Daií daina mei afémie jíáie ócuífregano duere fínoite. Afe llezica afémie jífáidino diga güízájite. <sup>50</sup> Iemo íe ocuídimie billíruimo afémie comécíñeítemo, íe naama dúciite. Daje izói ocuífregamie ónoñega hóramo dúciite. <sup>51</sup> Dúciállano afémiena jamánomo duere fínoite. Afe mei comeci díne nai íáirena mei abina ñue cíoidino íere duere zefuilla izói, afe izói afémiena duere zefuítáite. Afemona afémie íere éite. Eiano ízírénari murímurite, —díñori Jesús úrite.

## 25

Diez dígade jítaíngomo mamécáfue

<sup>1</sup> Jesús nane jíáfue llote:

—Monamo íte Juzíñamui illáímana illíruui diez dígade jítaíngo izoide. Aféngotíai íníreille ráfueño jáidiaioi. Jáilla llezica íaioi mechéraiái uitíai. Ringo otímie íaioi uáidollena afénomo jáidiaioi. <sup>2</sup> Afénguaimona cinco dígango fínóbiñeno ebena jaide. Iemo jíáie cinco dígango ñue fínóbillano jáidiaioi. <sup>3</sup> Afe fínóbiñeno ebena jáídingotíai íaioi mechéraiái fuilla mei méidolle íjina uíñediaioi. <sup>4</sup> Mei jíáfodo afe ñue fínóbídingotíai íaioi méidolle íjina botéllado uitíai íaí íaioi mechéraiáiri. <sup>5</sup> Mei afe ringo otímie are bíñenamona, nana jítaíngotíai ía íníacadiaioi. Iemona ua íníaidiaioi. <sup>6</sup> Afe mei dáaferui llezica riire uáidua uai cácacaide: “Ringo otímie ía bíteza. Raíre afémie omoi uáiduíri,” daide. <sup>7</sup> Afemona nana afe jítaíngotíai náidacaíllano íaioi mechéraiái unédiaioi. <sup>8</sup> Afe llezica afe cinco diga fínóbiñeno ebena bítinguí, jíáie cinco diga ñue fínóbídingotíaina daide: “Caí mechéraiái ía bóoñedeza. Omoimo íte eneno atíca íjímoma caí íne,” daídíai. <sup>9</sup>



<sup>9</sup> Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomo daní júnuaidiomoinia ñuera.” Jira aféngotiai jáidiaioi. <sup>10</sup> Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofo jáidiaioi. Afe mei afémie naze ibaide. <sup>11</sup> Íbajilla mei aceite íbajidingotiai dúcidiaioi. Dúciillano daidíai: “Ocuíraíma, naze caimo tuiño,” daidíai. <sup>12</sup> Mei íadi afémie jofona uai ote: “Uáfuenta ómoína onóñedicue,” daide.

<sup>13</sup> Iemo Jesús nai úrillano daide: Nanoide íima Jitó Cristo billirui ónonideza, iníñeno abí omoi rairuiri. Ie bille mona ónonideza. Daje izói ie dúciille hora buna óñoñega, —daide.

*Talenta dáina ráifide úcubemo mamécáfue*

<sup>14</sup> Jesús nane jíáfue llote:

—Monamo ite Juzíñamui illáimana illarui bie izoide. Daa ocuífiredimie oni jíáigobemo jáiacana llezica, ie ócuífregano uáidota íemo ite úcube afémacina úiñotade.

<sup>15</sup> Ocuídímie afémacimona daa cómemo cinco mil úcubetuni fecade. Iemo jíáímiemo mena mil dígatuni fecade. Iemo nane jíáímiemo daa milna fecade. Afémacimona illa dígamie ie ífoci onona dieza fecade. Daí fécajano oni jíáie éniemo jaide. <sup>16</sup> Cinco mil dígatuni igámie, afe úcubena afémie níciduamona, afe baímo cinco mil áfemo baí nabaide.

<sup>17</sup> Daje izói mena mil dígatuni igámie afe baímo jíáie mena mil áfemo baí nabaide. <sup>18</sup> Mei íadi daa milna igámie ie ocuídímie úcube oni énie ífomo retáidote.

<sup>19</sup> Afe mei, are íllamona afe ocuídímie ocuífregamíai diné meine bite. Billano íaiói úiñoga úcube onóillena afémacimo jícanote. <sup>20</sup> Cinco milna igámie fueñe billa. Billano afe baímo ie nabaica jíáie cinco mil ie ocuídímie izáibite. Izájillano daide: “Cue Ocuídímie, o cuemo iga cinco milna baímo jíáie cinco milna nabáidicueza. Be o diez mil dígatuni,” daide. <sup>21</sup> Jira ie ocuídímie íena daide: “Cue ocuícana íere íñofiredio. Cue ñuera ocuícamedio. Due omo cue fecácana ñue ínotio. Afemona afe baímo jíáiena ona úiñotaiticue. Cue illáimana illánomo mai caimare coco jai,” daide. <sup>22</sup> Afe mei nane mena milna iga ocuífregamie dúcide. Afémie daide: “Cue Ocuídímie, mena milna cue itio. Afe baí nane jíáie mena milna nabáidicue. Be o cuatro mil dígatuni,” daide. <sup>23</sup> Jira ie ocuídímie íena daide: “Cue ocuícana íere íñofiredio. Cue ñuera ocuícamedio. Due omo cue fecácana ñue ínotio. Afemona afe baímo jíáiena ona úiñotaiticue. Cue illáimana illánomo mai caimare coco jai,” daide. <sup>24</sup> Mei íadi afe mei, daa mil dígatuni iga ocuífregamie dúciillano ie ocuídímie daide: “Cue Ocuídímie, o íere ríimienana onódicueza. O ríñeganomona jaca ófiredio. Daje izói trigo tuiránomo táijiñeno afénomona trigo ófiredio. <sup>25</sup> Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be níie,” daide. <sup>26</sup> Iemona ocuídímie íena daide: “Fíénde ocuífregamedio. Daje izói ráiraierede ocuífregamedio. Cue ríirenana onódio ía, ¿níbái mei bie izói itio? Cue ríñeganomona cue ófírenana onódio. Daje izói trigo tuiránomo táijiñeno, afénomona cue ófírenana onódio. <sup>27</sup> Afemona cue úcube jóoneranomo fecáredio. Iemo meine cue bíllemo afe úcubena naa jíáie baímo nabáicatuni diga llíñoredicue,” daide. <sup>28</sup> Iemona ocuídímie afénomona itínona daide: “Bímiemo ite mil dígatuni otá, afe diez mil dígatuni ofítatímie ine. <sup>29</sup> Igámie nane baímo írega. Afemona afémie baímo aillo íite. Mei íadi íñegamie due íemo ite meine bairórega. <sup>30</sup> Iemo bie ráífiñede ocuífregamie jino jítifomo dota. Afénomona éehteiza. Afe llezica izírenari murímuriteza,” daide. Daí daide Jesús.

*Nana náiraíaimo izire jícanollirui*

<sup>31</sup> Jesús nai úríoide: Mei Nanoide íima Jitó Crístodícueza, illáimana ana cue bille llezica, nana cue abí imáiciai diga bíiticue. Billano ebire finoca illaíma ráiiranomo ráiizaibiticue.

<sup>32</sup> Nana náiraí comini cue uómo gairtalliaioi. Afe íaiói bille llezica, ovejai úiñoraíma chívuaimona ovéjaíaina oni eneno nízia izói, afe izói Nahí Illáimana cue íllemona nana

náiraiaina oni enénorie jóoneiticue. <sup>33</sup> Cue nabézimo ovejai izóidino jóoneiticue. Iemo chívuai izóidino cue jarífezimo jóoneiticue. <sup>34</sup> Afe mei cue nabézimo itínona dáititicue: “Cue Moo ñue finócamaci, mai omoi bi. Juzíñamui énie comuitaja llezica ómoiena mameca illáimana illínomo jofo jai. <sup>35</sup> Mei cue juffruilla llezica, cuena ecádio. Daje izói cue jiróacana llezica cuena jirótatio. Iemo jiái jífocinino cue mácaja llezica cuena jofo inítatiomoi. <sup>36</sup> Iemo cue incuironina llezica cue itíomoi. Daje izói cue dúicotailla llezica cuena uáidotiomoi. Daje izói llavéracomo cue illa llezica, cuena méiñuaibitíomoi,” daide. <sup>37</sup> Iemona cue nabézimo ite nífuenidino cuena dáititiao: “Cai Ocuíraima, ¿mei níñruí o juffruillana cióillano ona ecádicai? Daje izói ¿mei níñruído o jiróacana llezica ona jirótaticai? <sup>38</sup> Iemo jiái, ¿mei níñruído o jífocinino o mácaja llezica ona inítaticai? Iemo jiái ¿níñruído o incuironina llezica o iticai? <sup>39</sup> Iemo jiái ¿níñruído o dúicotailla llezica o méiñuaidicai? Daje izói llavéracomo o illa llezica ¿níñruído o méiñuaidicai?” daidíai. <sup>40</sup> Jira Illaíma cue illamona uai óiticue: “Uáfueña ona dáititicue, nana afe bie comécina mánaide cue ámatiaímo omoi finócafuíai, aféfuíai ja cuemo finódiomoi,” dáititicue.

<sup>41</sup> Afe mei cue Illáimana cue ráirano ie jarífezimo itínona dáititicue: “Cúemona oni omoi jai. Omoi fiéni faidócanodiomoiza. Comini zíñona duere finolle iraimo omoi jai. Afe irai Taífe, nana ie abi imaci díga íena finoca. <sup>42</sup> Mei cue juffruilla llezica cuena ecáñediomoi. Cue jiróacana llezica cuena jirótañediomoi. <sup>43</sup> Afe izói jífocinino cue jáicana llezica cuena jofo inítañediomoi. Cue incuilo iñena llezica cuena inédiomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. <sup>44</sup> Jira afémaci cuena dáititiao: “Cai Ocuíraima, mei níñruí o juffruillana ciódicai, daje izói o jiróacanana, íemo jífocinino o macácana, íemo o incuilo inénana, íemo o irárenana, íemo llavéracomo o íllana, ¿mei níñruído daí o íllana ciódicai ia, ona canóñedicai?” dáititiao. <sup>45</sup> Iemona afe llezica íaioina dáititicue: “Uáfueña ómoína dáititicue, bie comécina mánaide cuemo jaináidinomona dáamiemo omoi fínoñegafuíaína, aféfuíaína ja cuemo finóñediomoi,” dáititicue. <sup>46</sup> Afe mei afémaci zíñona duere finolle iraimo jáititiao. Iemo Juzíñamui jóonega comécina níñfuenidino, cáimare zíñona cáallinomo jáititiao, —dínori Jesús úrite.

## 26

*Jesús llaitállena mamérititiaoí*  
(Mr 14.1-2; Lc 22.1-2; Jn 11.45-53)

<sup>1</sup> Jesús nana bífuíai llua méifodo, ie llófuegamacina daide:

<sup>2</sup> —Onódiomoíza benómona ménarui íllamona pascua rafue íteza. Aféruído Nanoide íima Jitó Crístodícueza cruzmo coráíllena cuena fécaítitiaoí, —daide.

<sup>3</sup> Afe llezica lletáriraini íllaini, daje izói ocuica uai llófuéraini, naa judíuái eicomíniri dáanomo gairídíai. Lletáriraini caifóidíllaima Caifás níñeco íbírimo gairídíai.

<sup>4</sup> Afénomo Jesús jífuiano llaitállena mamérititiaoí. Afe llezica afémie titállena mamérititiaoí.

<sup>5</sup> Mei íadi afémaci daidíai:

—Nana comini áferi fáíllifáíllinañeíllena, rafue ana íena lláitañeíticai, —daidíai.

*Ríngo zióredijina Jesús ífo jillaide*  
(Mr 14.3-9; Jn 12.1-8)

<sup>6</sup> Jesús Betania jófuemo ite. Afémie, chíñaitimíena maméidímie Simón jofomo ite. <sup>7</sup> Afe llezica, afénomo daa ríngo alabastro dáina nofici fínoína ícítirudo ziórediji uite. Afeji íere ráífide. Jesús güirábanimo ráína llezica, afengo afe ziórede cáirediji Jesús ífomo totade.

<sup>8</sup> Ie llófuegamaci aféna cióillano ríicaidíai. Dani conímána daidíai:

—¿Níbaí mei áfeji táinomo fáífitaga? <sup>9</sup> Afeji aillo úcube óllena fecárede. Afedo oga úcube, dúeredinomo írede, —daidíai.

<sup>10</sup> Jesús daí íaioi úrillana cacáíllano íaioína daide:

—¿Níbái mei bie ringo jifánodoidiomoi? Bie ringo cuemo finoca raa iere ñuera. <sup>11</sup> Omoi cígimo dúeredino jaca ifiredre, mei íadi omoi cígimo are ññeiticue. <sup>12</sup> Bie ringo cue abimo totaca ziórede cáiredijina, cue raillínomo dúide. Afedo afengo ñue cuena finode. <sup>13</sup> Uáfuenta ómoína dáititcúe, náganomo bie éniemo bie jilloille uai jino llóadi, bie ringo cuemo finócana jino llóitiaoiza, afémaci aféngomo ufbaicafireillena, —daide.

*Judas Jesuna ie éoidinomo fecade*  
(Mr 14.10-11; Lc 22.3-6)

<sup>14</sup> Afe mei doce dígade llófuegamacimona Judas Iscariote lletáriraini illáimamo úrizaide. Afémacina daide:

—Jesús ómoimo cue fecálla, ¿nieze cuemo íbaitiomoi? —daide.

Jira “cuatro fiui táijina iba dieze, omo íbaiticai” dainano, treinta diga ráifide úcubetu-nillai afémiemo fecádiaoi. <sup>16</sup> Iemo afemona afe Judas Jesús íaioimo ñue fecállino jenode.

*Jesús páscuamo íraicaiño güillafue*  
(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup> Afe rafue nanódiruimo fáitañega pan güífirediaoi. Afe llezica Jesús llófuegamaci billano jicánotiaoi:

—¿Pascua rafue llezica güillena, úcodo ninomo cai fínuaile? —daidiaoi.

Afémie íaioina daide:

—Bati jófuego jaillano, cue dainámie jofomo jai. Afémiena daíri: “Cai llófueraima ona daide: Cúeiena mamécaruimo ja dúciizaideza. Pascua rafue güífrenana o jofomo cue llófuegamaciri güíticue,” —daide.

<sup>19</sup> Iemona ie llófuegamaci ie ocuilla izói pascua ráfuego güillena fínuaidiaoi.

<sup>20</sup> Ja nauilla llezica, Jesús ie doce dígade llófuegamaciri afénomo güizájidiaoi. <sup>21</sup> Afénomo íaioi güilla llezica Jesús daide:

—Uáfuenta dáititcúeza, ómoimona dáamie cuena fécaite, —daide.

<sup>22</sup> Iemona afémaci iere zúucaidiaoi. Zúucaillano illa dígamierie Jesumo jicánotiaoi:

—Cai Ocuíraima, ¿meita cue? —daidiaoi.

<sup>23</sup> Jesús íaioi uai ote:

—Birui cue diga daje plátomona güitímie, nii cue fécaitimie. <sup>24</sup> Nanoide Hima Jitó Crístiticue; jaiai Juzíñamui Cúegáuaimo lloga iodo jáititcúe. Mei íadi cue fecádimie jñi dúerena! Afémie nanómoma jaca jécicñegania figura, —daide.

<sup>25</sup> Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

<sup>26</sup> Ie güilla llezica, Jesús pan llínota, Juzíñamuina “íere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

<sup>27</sup> Afe mei jiróraco llínota, Juzíñamuina “íere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. <sup>28</sup> Mei bie cue díeza. Cue die, dájemo Juzíñamui llínotoga comue uai uáfuenta daítate. Aillo comini íaifue muiñóllena cue die totale. <sup>29</sup> Mei íadi daánomo bie uva íjina meine jíroñeiticue. Cue Moo illáimana illirui nai dúciñeille dino aféjina jíroñeiticue. Afe bille llezica cómojina omoi diga jíroititcúe, —daide.

*Pedro Jesús jáanollena Jesús úcodo llote*  
(Mr 14.26-31; Lc 22.31-34; Jn 13.36-38)

<sup>30</sup> Juzíñamuiomo íaioi rua fuilla mei, jino Olivo daina ídumo jáidiaoi. <sup>31</sup> Afénomo Jesús íaioina daide:

—Bie naio cueri méaicaillano nana omoi cuena fíetiomi. Mei jaiai Juzíñamui Cúegáuaimo omoi díbenedo bie izói daide: “Ovejai úñoraíma cue fáititcúe, íemona afe

ovéjaiaí rainólliaioi,” daide. <sup>32</sup>Jesús nai úrite: Mei íadi meine abido cue cáaille mei omoi úcodo Galiléamo jáitícue, —daide.

<sup>33</sup>Jira Pedro uai ote:

—Nana comini ona fáicanocaitiaioi ia, cue ona fáicanocaiñeiticue, —daide.

<sup>34</sup>Jira Jesús afémiena daide:

—Uáfuenta ona dáitícueza. Bie naio átava nai úriñenia, daámani dígcaino cuena jáanoitioza, —daide.

<sup>35</sup>Pedro íena daide:

—O díga cue tiillena iere jitáirede ia, ona jáanoñeiticue, —daide.

Afe llezica nana llófuegamaci Pedro daina izói daidíaiioi.

*Getsemanímo Jesús Juziñamuimo úrite*

*(Mr 14.32-42; Lc 22.39-46)*

<sup>36</sup>Afe mei Jesús naa ie llófuegamaciri Getsemaní mámeceiredinomo dúcide. Afénomo íaioina daide:

—Bai batí Juziñamuimo cue úrizailla llezica benomo omoi ráiiri, —daide.

<sup>37</sup>Daí daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide. <sup>38</sup>Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

<sup>39</sup>Daí daina mei afe baimo íanori jaide. Afénomo éniemo fueco dine bíjicaillano Juziñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

<sup>40</sup>Afe mei daámani ie llófuegamaci illánomo meine bite. Inídiaioina cíozaibite. Iemo Pédrona daide:

—¿Nano íanori omoi cue díga iníñeno cáadino izói inídiomoi? <sup>41</sup>Fiénidifueмо omoi báiiñelleza, iníñeno abí omoi rairuiri. Daje izói Juziñamuimo comécido omoi úriri. Uáfuenta omoi joreño jíerezeza, mei íadi omoi abí nánide, —daide.

<sup>42</sup>Afe mei nane Jesús Juziñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

<sup>43</sup>Afe mei nane meine bite. Bítemo ie llófuegamaci inídena cíozaibite, mei íaioi uimo ínie iere íllaza. <sup>44</sup>Iemona nane afémacina fiénocailano bai Juziñamuimo úrizaide. Ja daámani dígcaino úrizaide. Ie mei nane daje uaido úrite. <sup>45</sup>Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hóramo dúcidez. <sup>46</sup>Omoi náidacai; jáiticaiza. Cue fécaitimie ja dúcidez, —daide.

*Jesús ja llaitada uitíaiioi*

*(Mr 14.43-50; Lc 22.47-53; Jn 18.2-11)*

<sup>47</sup>Daí Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini díga bite. Lloéfaiilai naa bigíniari atídiaioi. Afémaci lletáriraini illaini orécaiaioi. Daje izói judíuai íecomini orécaiaioi. <sup>48</sup>Fécaitimie Judas Jesús íaioi onóillena llaitalle uai úcodo íaioimo llote:

—Níimie cacai ñitaitícueza; afémie llaitada omoi uiri, —daide.

<sup>49</sup>Afemona Jesumo áinozillano daide:

—Llófueraima, caimare itio, —daide.

Afe emódomo Jesuna ñitade. <sup>50</sup>Jira Jesús ie uai ote:

—Cue nabai, ¿minícamo bitio? —daide.

Daí daina mei, comini billano Jesús llaitádiaioi. Llaitada llavéllena uitfaioi. <sup>51</sup> Afe llezica Jesús nabáñiaimona dáamie ie lloefai otá, lletáriraini illaíma ocuífíregamie jefo cotade. <sup>52</sup> Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido tíitiaioi.

<sup>53</sup> ¿Onóñedioza cue Móomona doce dígazie ríduaibitinona jicáredicue? Daí jicádicuena afémie biruimo raire cuemo orérede. ¿Afena onóñedio? <sup>54</sup> Mei íadi birui afémaci cue llaitáñediaioinia, ¿nie izóí Juzíñamui Cuegáuai daina ñue ícoimo zúite? Aféuai bie íficaidífuai ie zuílle llofe, —daide.

<sup>55</sup> Afe mei Jesús comínina daide:

—¿Ñibái mei merírífredímie izóí cue lláitaibitiomoi? Mei lloéfaillairi íemo bigíñiairi cuemo bitíomoiza. Nágaruillaído Juzíñamuimo gairíracomo ráicana ómoína lló-fuefíredicue. Afénomo jaca cuena llaitáñediomoi. <sup>56</sup> Mei íadi nana bie íficaide, jaiai Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

*Jesús jamánomoidillaini uícomo uitfaioi*

(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Afe Jesús llaitada oni uitino Caifás uícomo uitfaioi. Afémie lletáriraini caifóidíllaíma. Afénomo ocuica uai llófuefíredino naa eicomíniri dáanomo ofídíaoi. <sup>58</sup> Mei íadi afe llezica Pedro Jesús uilla ódana caifóidíllaíma jofo ibírimo jaide. Afénomo dúciillano jofo jaide. Jaillano afeco úiñotino diga ráiide. Afémie dinomo ráiide Jesús lláitaja ñue ícoimo fúillana cíollena.

<sup>59</sup> Lletáriraini naa eicomíniri, íemo nana jamánomoidillainiri Jesumo fienu jónellífue jenódiaioi. Uafue jónellífue íaoi báñenia “Táinofue nítaiticai,” daidíaoi, “áfedo afémie cai titátalleza.” Afe llezica aillo comini billano taino uaillai afémiemo jónetiaioi. <sup>60</sup> Mei íadi afémiemo íaoi jónellena bañédiaioi. Afe mei írainomo ménamie taino llófíredino íaillinoi dúcide. <sup>61</sup> Afe íaillinoi daide:

—Baie Jesús bie izóí daíífírede: “Juzíñamuimo gairíracona júdairedicue. Afe mei daaruíamani íllamona meine caífo níredicue,” —daidíaillinoi.

<sup>62</sup> Jira lletáriraini caifóidíllaíma náidacaillano Jesuna daide:

—¿Ñibái mei uai onéδιο? Bie omo íaoi jónegafue ¿nie izoide? —daide.

<sup>63</sup> Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámeçido o úritadicueza, uri. Uáfueña daíllena riire o ocuídícué. O, Juzíñamui Jitó Crístono o illa caimo lloiri, —daide.

<sup>64</sup> Jira Jesús daide:

—Jii, o daina izóí ñíimiedicue. Nane ómoína dáitícué, Nanoide íima Jitó Crístdícuéza, ríinorede Juzíñamui nabézimo cue ráiillana cíoitíomoi. Afe llezica mona uílliedo ana monámona cue bíllana cíoitíomoi, —daí daide.

<sup>65</sup> Afena cacáillano lletáriraini caifóidíllaíma jamánomo ríicaide. Daí ríicaillana ácatallena ie jitáoi garoi cuatade. Afe mei daide:

—Bie íima ie daina uaíllaído Juzíñamuina íaire úrite. ¿Ñibái mei nai jíaie uai nábitino jitáidícaí? Omoi dani ie fiénide dáinana cacádiomoi. <sup>66</sup> ¿Mínica afémiemo dúina? —daide.

Jira afémaci daidíaoi:

—Dama ie ícoína tíirede, —daidíaoi.

<sup>67</sup> Afe mei ie uíeçona tuádiaioi. Rázido íena fatíaoi. Jíáimaci ie uíeço púcoidiaioi. <sup>68</sup> Daí íñano íena daidíaoi:

—Mei Crístdídioza, ¿níimie o faja? Jino llone, —daidíaoi.

*Pedro Jesús onode íadi jáanote*

(Mr 14.66-72; Lc 22.56-62; Jn 18.15-18, 25-27)

<sup>69</sup> Afe llezica Pedro jinófeco ibírimo ráiide. Afénomo ie illa llezica ocuífíregango afémiemo billano daide:

—O daje izói Galilea ímie Jesús diga macáfiredio, —daide.

<sup>70</sup> Mei íadi Pedro comini eróicana afémiena jáanote; daide:

—O dáinana onóñedicue. ¿Minica llotio? —daide.

<sup>71</sup> Afe mei Pedro jofa nazemo jáidemo jáingo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

<sup>72</sup> Afengo daíí daina llezica, Pedro nane íena jáanote. Ríirede uaido daide:

—Afe íimana jaca onóñedicue, —daide.

<sup>73</sup> Afe mei íanori íllamona afénomo itino Pédromo áinozillano daidíaiói:

—Uáfueza, afémaci ímiedio, mei dama o úrillado onódicaiza, —daidíaiói.

<sup>74</sup> Afe jira Pedro uafue daííllena Juzíñamui mámece líínnota ríire daide:

—Afe báimiena jaca onóñedicue, —daide.

Daíí ie daina llezica íitava úrite. <sup>75</sup> Afemona Pedro Jesús uímodo íena dáinamo úbicaide. Afe be níuuai: “Atava nai úríñena llezica, daámani dígcacaiño cuena jáanoitioza.” Afemo úbicaillano Pedro jino iere zuure éecana jaide.

## 27

### *Pilátomo Jesús izájidiaíoi*

(Mr 15.1; Lc 23.1-2; Jn 18.28-32)

<sup>1</sup> Mona monáizaiilla llezica, nana lletáriraini íllaini, naa judíuai eicomíniri, dáonomo gairíllano Jesús titállena nana daje izói mamértiaíoi. <sup>2</sup> Afe mei Jesús maíáno, afe énie úíñote íllaima Poncio Pilátomo izájidiaíoi.

### *Judas tíillafue*

<sup>3</sup> Judas, Jesús fecádímie, Jesuna íaiói coráiaillana cíoillano comece ífue méidote. Iemona treinta diga úcubetuni meine lletáriraini ílláinimo izájide, ocuide eicomínimo diga. <sup>4</sup> Izájillano daide:

—Iere fiénidífue finódicue; nífuenidímie titállena fecádicueza, —daide.

Jira afémaci uai otíaiói:

—¿Afefue caimo mei nibái? Dama ófue, —daidíaiói.

<sup>5</sup> Ie jira Judas afe úcube gairacomo ana jutade. Afe mei afémie jaillano dama cimoi cúinajano aménamo ágüicaide. Daíí afémie tíide.

<sup>6</sup> Lletáriraini íllaini, afe jutaca úcube iráiano daidíaiói:

—Juzíñamuimo fia iga úcube jóoneracomo bie úcube jóonenidicai, mei come tíitaja úcubeza, —daidíaiói.

<sup>7</sup> Afe mei afémaci afe úcubedo énie íbállena dájena comécidiaíoi. Íaiói íbaca énie mámece Nógora Orano. Afébiri íbádiaíoi jicánemaci tííadi afénomo ráíllena. <sup>8</sup> Afe jira nai biruimo afébiri Díebirina daífrena. <sup>9</sup> Daíí íaiói fínuamona jaiái uai lóráima Jeremías lloga uai ñue ícoimo fuite. Be níuuai: “Israel nairai cue íaiói fécaja úcube abido líínotiaíoi. <sup>10</sup> Líínuano Nógora Orano íbádiaíoi. Daíí Juzíñamui cue ocuide.”

### *Jesús Pilato uíecomo jóonetiaíoi*

(Mr 15.2-5; Lc 23.3-5; Jn 18.33-38)

<sup>11</sup> Afe mei énie úíñotíillaima uícomo Jesús uitíaiói. Afénomo afémie Jesumo jicánote:

—¿O meita judíuai íllaima? —daide.

Jira Jesús daide:

—O daina izói níímiedicue, —daide.

<sup>12</sup> Iemo lletáriraini íllaini naa ocuide eicomíniri Jesumo fiénide uailai jóonia llezica, afémie jaca uai oñede. <sup>13</sup> Jira Pilato íena daide:

—¿Aquié omo íaiói jóonegafuiai cacáñedio? —daide.

<sup>14</sup> Mei íadi Jesús jaca afe llezica uai oñede. Iemona uai ie oñénari énie úíñotíillaima fáigacaide. Ie daíille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

<sup>15</sup> Aféruillaído afe rafue ana, llaveca fiénid̄nomona dáamie Pilato zuitáfiredē. Afémie com̄ini uaido zuitácamiē. <sup>16</sup> Mei afénomo ite mámecina jica jalleide fiénide maigámie. Afémie mámece Barrabás. <sup>17</sup> Illáicomini dáanomo gairilla llezica Pilato afémacimo jicánote:

—Biaillinoimona ¿níimie ómoimo jino zúitaiticue? ¿Barrabás, mei n̄bai Cristo daina Jesús? —daide.

<sup>18</sup> Mei Pilato, com̄ini úradoillamona Cristo íaioi fécajana ñue onode.

<sup>19</sup> Pilato, riire jicánofiredimie ráiiranomo ráina llezica, Pilato ai uai orede. Afe be níuui: “Afe jad̄imie nífuenid̄mieza afémie mo jírcañeno iri. Mei ja naio afémiena cue nicáirilla llezica iere duere zefuíd̄icue,” daide.

<sup>20</sup> Mei íadi lletáiraini illaini naa ocuide eicom̄in̄iri, nana jíáie com̄ini Pilátona daifliuui riire llotíaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi. <sup>21</sup> Afe énie úiñotillaime nane dáanomo jicánote:

—Biaillinoimona ¿níimiena cue zuitátatiomoi? —daide.

Jira: —Barrabás zuita, —daidíaioi.

<sup>22</sup> Iemo Pilato íaioimo jicánote:

—Iemona bie Crístona mámeciredimie Jesús ¿nie izóí n̄baiticue? —daide.

Jira nana uai otíaioi:

—¡Cruzmo corai! —daidíaioi.

<sup>23</sup> Iemona Pilato íaioina daide:

—¿N̄bái mei? ¿Nie fiénid̄ifue afémie finode? —daide.

Mei íadi com̄ini dáanomo riire daidíaioi:

—Cruzmo corai, —daidíaioi.

<sup>24</sup> Pilato ie uaina íaioi íñoñenana ciode. Daje izóí nana com̄ini aféfuiairi jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenid̄mie tiille cuemo jíñede. Dani ómoifueza, —daide.

<sup>25</sup> Iemona nana com̄ini uai otíaioi:

—Afémie tiille caimo jíite, daje izóí cai úruiaimo, —daidíaioi.

<sup>26</sup> Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina corátate.

<sup>27</sup> Afe mei énie úiñotillaime fuirraíni áillue gairíracomo Jesús uitíaioi. Afénomo nana jíáie fuirraíni afémie onifenedo gairdiaioi. <sup>28</sup> Afe mei ie iniroi dúiñuano, illaime jítáfírega jíaicuro afémie mo jítádiaioi. <sup>29</sup> Afe llezica ifo icuifoí eegi nínacuifoina afémie mo jítádiaioi. Iemo jíái illaime llíifírega bigina íena llíñotadiaioi. Daif ñiano afémie anamo dújudiaioi. Dújuillano jifánodoiano íena daidíaioi:

—Judfui illaime are íitioza, —daidíaioi.

<sup>30</sup> Afe llezica afémaci ie túallaitiaioi. Afe dáanomo ie llíiiga bigi báiruano, ie ifoci púcoidiaioi. <sup>31</sup> Daif ie íaioi jifánodoia mei, afémie mo íaioi jítaca jíaicuro dúiñuano, dama ie iníroina jítádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

<sup>32</sup> Jofue jinomo íaioi coráiailla llezica, Cirene énie ímie baitíaioi. Baillano Jesús uiga cruzna rocátatiaioi. <sup>33</sup> Daif Gólgata mámeciredinomo dúcidiaioi. Gólgata daina “come ifócorai illano.” <sup>34</sup> Afénomo eríredena jaicuica vínona Jesús jirótatiaioi. Mei íadi Jesús áfena due fácano, jiróacañede.

<sup>35</sup> Jesús ja íaioi coraia méifodo, fuirraíni Jesús iniroi illa dígamie íaioi máiñuana onóllena, onótaraji dotádiaioi. Daif jaiai uai llóraini lloga uai ñue ícoimo fuite. Afe be níuui: “Onótaraji dotájano, cue iniroi conímaiaimo fecádiaioi.” <sup>36</sup> Afe mei afémiedo éroillena afénomo ráiiediaioi. <sup>37</sup> Ie ifo acónimo cuezgábici netádiaioi. Afébcimo nífue

ícoinia duere finoca daina cúeina. Afébicimo cuega bie izói daide: “Bie Jesús, Judúuai illaima.”

<sup>38</sup> Afe llezica afénomo mena merírifredimie coráidiaioi. Dáamie Jesús nabézimo coráidiaioi. Jiáimie ie jarífezimo coráidiaioi. <sup>39</sup> Afe llezica áfeodo jaide comini Jesuna iáire úritiaioi. Uaido iere riire íena táigoidiaioi. <sup>40</sup> Daí fieni ie táigoiano íena daidíaiói:

—Juzíñamuimo gairíraco júdaiano daaruiámani ille mei meine níticue daífiredioza; mai, o abi jílloa. Daje izói Juzíñamui Jitona o íadi, jadíe cruzmona ana bi, —daidíaiói.

<sup>41</sup> Daje izói lletáriraini illaini, íemo ocuica uai llófuetino, íemo fariséuai naa ocuífiredie eicomíniri íena áfედუano conímána daidíaiói:

<sup>42</sup> —Diga jiámaciaina afémie jílloafiredie, mei íadi dama ie abina jílloatande. “Uafue Israel Illaima o ia, jadíe crúzmona ana bi, áfemona omo cai íinolleza,” íena daidíaiói. <sup>43</sup> Nai ie áfედუano íena úritiaioi:

—Mei afémie Juzíñamuimo ínoteza, mai mei birui Juzíñamui ie jílloa, Juzíñamui ie jílloaicania. Afémie caina “Juzíñamui Jitódicue” daide, —daidíaiói.

<sup>44</sup> Daje izói ie diga coraica merírifiredie íaillinoi íena iáire úritiaillinoi.

*Jesús tiilla*

(Mr 15.33-41; Lc 23.44-49; Jn 19.28-30)

<sup>45</sup> Afe llezica nániena jítireficaide. Jitoma jaíciri íllamona batí ana ítemo jítireficaide. <sup>46</sup> Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daíacana: “Cue Juzíñamui, cue Juzíñamui, ¿nibái mei cue zóofetio?”

<sup>47</sup> Afénomo itínomona dáarie áfena cacáillano daidíaiói:

—Bímie jaiaí Juzíñamui uai llóraima Elías jíirite, —daidíaiói.

<sup>48</sup> Daí daina llezica afémacimona dáamie aizida esponja daina fíllicide raa uájide. Erírede vínomo riáitano Jesús jiróllena caifo rázido ñuitáidiaioi. <sup>49</sup> Mei íadi jiámaci daidíaiói:

—Dama íteza. Jetáñeno, Elías ie jílloaibiadi, cai cíoilleza, —daidíaiói.

<sup>50</sup> Afe mei Jesús dáanomo riire caillide. Daí cáillia méifodo ja tíide. <sup>51</sup> Ie tiilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jiái jéerie nofíciái bócoizite. <sup>52</sup> Iemo daje llezica, comini raiaífuai túicoizite. Afe llezica aillo tíide Juzíñamuimo íinotinuiaí meine abido cáadimacina jáidiaioi. <sup>53</sup> Afe bimaci íaioi raiaífuaimona jino bitáioi. Iemo Jesús abido caana mei, ñuera Jerusalén jófuemo jáidiaioi. Afénomo aillo comini bie como meine abido cáadimacina cíóidiaioi.

<sup>54</sup> Iemona fuíríraini illaima naa afémie diga Jesús úiñotinori, énie docailla, naa jiáie comuídfuiaína cíoillano, iere jacínaitiaioi. Jacínailano daidíaiói:

—Uáfueza bie Juzíñamui Jitó, —daidíaiói.

<sup>55</sup> Afénomo diga ringóniaí jicana eróediaioi. Aféngotiaí Galiléamona Jesudo jáidiaioi. Aféngotiaí Jesuna canófirediaioi. <sup>56</sup> Aféngotiaí cígimo, Magdalena énie ingo María ite. Iemo jiáie María, Santiago José íaillinoi ei ite. Iemo jiái Zebedeo ai ite. Aféngo mena jítórede.

*Jesús raitíaiói*

(Mr 15.42-47; Lc 23.50-56; Jn 19.38-42)

<sup>57</sup> Ja nauilla llezica Arimatea énie ímie José bite. Afémie ráaredimie, íemo jiái afémie Jesudo jáicaifiredie. <sup>58</sup> Afe jira Pilátomo Jesús abi jícajide. Iemona Pilato Josemo afémiena ite. <sup>59</sup> Iemo José Jesús abi ana uano ñuera áilloroína junide. <sup>60</sup> Juníllano dama ie comue raiafomo jóonete. Afe raiafo nofícimo finoca. Raia mei áillue nofícina naze íbáillano jaide. <sup>61</sup> Afénomo Magdalena énie ingo María naa jiáie María diga raiafo úcori ráiidiainguai.

*Jesús raiafo úiñoitinona jóonetiaioi*



<sup>62</sup> Afe jiáiruideo, ocózinai llaruimo jitaica raa fínua mei, lletáriraini illaini, naa fariséuairi Pilátomo úrizaidiaioi: <sup>63</sup> —Ocuídimie, afe taino llóraima Jesús dánamo úbicaidicai. Afémie caana llezica, “Daruíamani ille mei, tñillanomona meine abido cáaitcúe,” daífírede. <sup>64</sup> Te jira afe raiafo daruíamani fidi riire o finori, ie llófuegamaci ie abi naio mériaibiñelleza. Mériano comínina “Ja Cristo tiide meine abido caade,” daíitiaioi. Te llófuegamaci daif finóadi, íaioi írainomona lloga táinofue, fueñe lloga táinofuiai baimo fiénite, —daif daidiaioi.

<sup>65</sup> Jira Pilato daide:

—Batí omoi úíñote fuiríraini ite. Afémacido afe raiafo omoi onona izói riire omoi finori, —daide.

<sup>66</sup> Iemona raiafomo jaillano, afénona riire finódiaioi. Afe mei afe raiafo emodo ibaila nofcimo túiñoñellena jana finódiaioi. Afe mei jónoneoide fuiríraini afénomo fñiano oni jáidiaioi.

## 28

*Jesús tñillanomona meine abido cáadimiena jaide*

*(Mr 16.1-8; Lc 24.1-12; Jn 20.1-10)*

<sup>1</sup> Ocózinai llaruimo jitaica raa fínua mei, lletáriraini illaini, naa fariséuairi Pilátomo úrizaidiaioi: <sup>2</sup> Afe llezica énie riire docáiricaide. Juzíñamui abi ímie ángel dainámie monámona ana billa énie níraida. Afémie Jesús raiafomo dúciillano afe ibaila nofici oni tuíñode. Tuíñuano afébicimo ráiide. <sup>3</sup> Afémie abi mona borilla izói quenire cioide. Iemo afémie iniroi jaíllici izói iere úzerede. <sup>4</sup> Afémiena cíóillano, jónete fuiríraini iere jacínaitiaioi. Cuidíridiaioi. Afe llezica tíidino izói jáidiaioi. <sup>5</sup> Afe mei Juzíñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitioi. <sup>6</sup> Afémie ja benó íñede. Omoina ie daina izói, ja meine abido caade. Te íaioi raiano eróizaibi. <sup>7</sup> Afe mei ie llófuegamacimo omoi llujáiri. Bie izói lloiri: “Ja afémie tiide íadi meine abido cáadimiena jáideza. Afémie ja omoi úicomo Galiléamo jaide. Afénomo íena cíoitioi.” Be ómoimo cue lloiacagafue, —daif daide.

<sup>8</sup> Iemona ringóniiai afe raiafomona raire abido jáidiaioi. Aféngotiai iere íóbicaidiaioi íadi, nai jacíruioidimaci.

<sup>9</sup> Iodo íaioi jailla llezica Jesús íaioimo cíocaide. Cíocaillano íaioina uáidote. Aféngotiai íemo áinozillano íemo cáimadotiaioi. Te ídai meníñotiaioi. <sup>10</sup> Jira íaioina daide:

—Omoi jacíruíñeno. Cue ámatiaimo llujáiri, Galiléamo raire íaioi jáilleza. Dínomo cuena cíoitiaioi, —daide.

*Raiafona úíñotaga fuiríraini llogafue*

<sup>11</sup> Ringóniiai jailla llezica, raiafo jónete fuirírainimona dáarie jófue mo jáidiaioi. Afénomo dúciillano lletáriraini illáinimo nana íaioi cíónana llotiaioi. <sup>12</sup> Aféllaini ocuide eicomínimo ñue íaioi onóillena llujáidiaioi. Te jira aillo úcubena afe fuirírainimo itiaioi. <sup>13</sup> Illano íaioina daide:

—Bie izói omoi daíri: “Naio cai ínia llezica ie llófuegamaci mériano ie abina uitiaioi.”

<sup>14</sup> Iemo énie úíñotillaime aféfuena fidíadi, omoi ñue íllena dani cai afémiemo úrizaiticai. Afemona afémie ómoina duere fínoñeite, —daif daidiaioi.

<sup>15</sup> Iemona afe fuiríraini úcube llíñotiaioi. Llíñota íaioina daina izói fínuaidiaioi. Iemona judúuai nai biruimo Jesús meine abido cáanana uáitadiaioi; uáitano bie izói daífírediaioi.

*Jesús ie orécamacimo jóonega uai*

*(Mr 16.14-18; Lc 24.36-49; Jn 20.19-23)*

<sup>16</sup> Afemona Jesús once dígade llófuegamaci Galiléamo jáidiaioi. Úcodo Jesús íaioimo lloga ídumo jáidiaioi. <sup>17</sup> Afénomo Jesuna íaioi cíóillano, afémiemo cáimadotiaioi. Mei íadi dáamierie nai figo íñoñede. <sup>18</sup> Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino diga ja cuemo fecaca. <sup>19</sup> Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina bautizari. <sup>20</sup> Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga íifireiticueza. Jaca omoi diga íiticuemo énie fuillíruimo dúciite. Daiítadeza; ja niie.

## JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

*Juan Bautista táizicimo lluaíbite  
(Mt 3.1-12; Lc 3.1-9, 15-17; Jn 1.19-28)*

<sup>1</sup>Juzíñamui Jitó Jesucristo lloga ñúefue bie izói tainede.

<sup>2</sup>Jaiái uícodo Juzíñamui uai jino llóraima Isaías cuete:

Mai cacai, o uicéodo cue rafue llotímie orédicue, o jáille io ñue ifóllena.

<sup>3</sup>Táizicimo caillídímie uai ñue cacaide; daide:

Mai omoi Ocuíraima jaille io ñue finori; ie macalle io jaícina tuiñori, —daide.

<sup>4</sup>Afe izói báutizaraíma Juan táizicimo cíocaizaíbite. Dinomo comini jitáirede báutizail-lena afémie ñue lluaíbite. Iaioina daide:

—Omoi comeci ifue ñúefuena méidorediomoi. Ie mei báutizarediomoi. Iemona Juzíñamui omoi comeci fiénidifuiái dóite, —daide. <sup>5</sup>Iemona nana Judea énie imaci, Jerusalem comini diga, Juan llógamo cacáreizaidiaioi. Cacáillano íaioi comécimo ite fiénidifuiái uáfodo jino llotíaioi. Daí íaioi llua méifomo imani Jordámo Juan báutizagaiaioi.

<sup>6</sup>Juan jítaca iniroi camello itíraiaí finoina. Ie ciraiigi llaitáinafe igorai finoina. Fúuai rite; jazií ie cíiji jirófiredo. <sup>7</sup>Comínimo llócaillano daide:

—Fui cue méifodo bíitímie, iere cue baímo riire ocuífireditímie. Iemona ie idai ico igai zuitánidicue, mei jofófene jamáimiedicueza. <sup>8</sup>Jae jáinoído ómoína báutizadicue, ñuera iodo omoi jáiacana jino llóllena; mei íadi afe bíitímie Ñuera Joreñodo ómoína uícaitaite, ñuera iodo éicitaiñeno ñue omoi jáillena, —daí daide Juan.

*Jesús báutizainafue  
(Mt 3.13-17; Lc 3.21-22)*

<sup>9</sup>Aféruillaido Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade. <sup>10</sup>Jáinoimona jino billa llezica Jesús mona tújicaillana cíode. Daje llezica Ñuera Joreño fíiciri izói Jesumo ana bíllana Jesús cíode. <sup>11</sup>Afe llezica monámoma uai cacacaide; daide:

—O iere cue izíruiga Jitódio. Ori iere caimare iticue, —daide.

*Taife Jesús facátate  
(Mt 4.1-11; Lc 4.1-13)*

<sup>12</sup>Afe méifodo raire Ñuera Joreño Jesuna táizicimo orede. <sup>13</sup>Dinomo tóñnega rílleniaí cígimo Jesús cuarenta dígarui ite. Afénomo Satanás (Taife jíáifodo mámeciredímie) Jesús facátate. Aféruillaido Juzíñamui abi imaci ángeles daínamací Jesús cánuai bitiaioi.

*Jesús Galiléamo llófuiafue táiniaide  
(Mt 4.12-17; Lc 4.14-15)*

<sup>14</sup>Ie mei illaíma Herodes Báutizaraíma Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujide. <sup>15</sup>Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziema caimare íllena gairítaibiteza. Iemona jíllonafue omoi ínuano, omoi comeci ífuiái méidori afémacimo dájena omoi jaináillena, —daide.

*Jesús cuatro dígamie facóraimaci uáidote  
(Mt 4.18-22; Lc 5.1-11)*

<sup>16</sup>Jesús Galilea jorai fuédado mácajide. Jaillano Simona cíode ie ama Andrés diga. Facóraíma faillinoi. Llójí jóraimo dotáfirediaillinoi. <sup>17</sup>Jesús faillinoína daide:

—Mai cuedo ómicoi bi. Chámuniaí ómicoi jenófirena izóí, afe izóí comini jenórainina ómicoína jóneitícue, —daide. <sup>18</sup> Raíre íemona íaillínoí llóiji ííanona, afémiedo jáidi-aillinoí. <sup>19</sup> Ie mei Jesús bai jabo jaillano Zebedeo jító, Santiágon ciode, ie ama Juan diga. Iaióí llóiji cúaidino, nocáe ero raícana niródiaillinoí. <sup>20</sup> Jesús íaillinoí júirite. Iaillinoí moo Zebedeo nocaemo fiénocaillano ie canóraimaci diga, Jesudo jáidiaillinoí.

*Capernaumo fiénide jóriairedimie Jesús jíllotaga*  
(Lc 4.31-37)

<sup>21</sup> Ja Capernaumo dúcidiaíoi. Ie mei ocózinairuimo Jesús Juzíñamui uai llófueracomó jofó llófuaide. <sup>22</sup> Afémie llogáfueri fáigacaidiaíoi. Ua nibai ríimie izóí ñue llófullofuede. Ocuácafue llófueraini afe daíí llófueñediaíoi. <sup>23</sup> Afe llezica Juzíñamui uai llófueracomó fiénidena jóriairedimie ite. <sup>24</sup> Afémie ja Jesumo caillide; daide:

—Nazaret ímie, Jesús, ¿ñífue cócomo illa? ¿Cai fatátaibitio? Ona onódicue. Juzíñamui íaifuenidimiedio; afémie rafue ñue lluáíbitimiedio, —daide.

<sup>25</sup> Iemo Jesús fiénide jóriaímo riire úrite; daide:

—¡Llícaí! Bímie fáicanocaillano oni jai, —daide.

<sup>26</sup> Iemo fiénide jóriaí afémiena izire docáitate. Ie mei jamánomo caillídemo afémiemona oni jaide. <sup>27</sup> Ie jira nana nairai jacínaitiaíoi. Jira conímamo jícanotiaíoi:

—¿Bie mínica? ¿Mínica bie como llófueinafue? Bie Jesumo riire ocuállafue ite, fiénide jóriaí orllena. Afe fiénide jóriaí afémiena ínofirediaíoi, —daidíaíoi.

<sup>28</sup> Ie jira Jesús mámece nana Galilea énie fuédado raire jica jalleide.

*Jesús Simón Pedro jífaiño jíllotate*  
(Mt 8.14-15; Lc 4.38-39)

<sup>29</sup> Juzíñamui uai llófueracomona jino billano, Jesús, Simón ie ama Andrés íaillinoí icomó jaide, Santiago, Juan diga. <sup>30</sup> Dinomo Simón jífaiño abí cuaríllamona ínranomo bíide. Afengo irárenana Jesumo llotíaíoi. <sup>31</sup> Iemona aféngomo ánozillano, Jesús afengo onoi llínotá, íena caífo naidánete. Afe llezica afengo abí cuarilla aféngomona lííicaide. Daje llezica jarire íaióí jitailla güille afengo bai íaioimo atide.

*Jesús aillo iráredino jíllotate*  
(Mt 8.16-17; Lc 4.40-41)

<sup>32</sup> Aféruído, jítoma ana zójicaidemo, ja nauíoicailla llezica, nana afénomo ite iráredino, fiénidena jóriairedino diga, Jesumo atídíaíoi. <sup>33</sup> Nana dino jofue nairai afeco naze fue íbírimo gairízitiaíoi. <sup>34</sup> Jesús aillo íaioimo ite diga ie duico jíllotate. Afe llezica aillo fiénide jóriaíai Jesús jino comínimona orede, mei íadi Jesús afe jóriaí úriñeillena íaioimona rairuide, mei afémiena onódiaioiza.

*Jesús Galiléamo llujáide*  
(Lc 4.42-44)

<sup>35</sup> Ja monáioicaidemo, nai jítireoidemo, Jesús cazíllano jino jófueimona oni tíi daidínomo jaide, dinomo Juzíñamuimo úrillena. <sup>36</sup> Afe mei Simón ie nabáñiaíri Jesús jénuaidiaíoi.

<sup>37</sup> Baillánona íena daidíaíoi:

—Nana o jenódiaíoi, —daidíaíoi.

<sup>38</sup> Iemo Jesús íaioína daide:

—Ainori itícuaímo mai cai jai, dinomo daje izóí ñúefue cai llujáíllena; mei afe jira jino bitícueza, —daide.

<sup>39</sup> Daíí Jesús nana Galiléado macade. Naga illánuaímo Juzíñamui uai llófueracomó llócaide. Afe llezica comínimona fiénide jóriaí jino orede.

*Chíinaite izóidimie Jesús jíllotate*  
(Mt 8.1-4; Lc 5.12-16)

<sup>40</sup> Jesumo chíinaite izóidimie ánozide. Ana dújuano daide:

—Cue o jllotaiacaniadi cuena jllotaredio, —daide.

<sup>41</sup> Ie jira Jesús afémiemo dúecaide. Jira ónoido jétano daide:

—Jii, ona jllotaiacadie. Mai o abi jácaiteza, —daide.

<sup>42</sup> Daií dánamona afe duico iráredimiemona cióbicañena. Jae ñúemie. <sup>43</sup> Iemo Jesús afémie orede. Daje llezica riire ocuillano daide:

<sup>44</sup> —¡Cacai! Bumo lloñeno iri. Dama lletáriraima sacerdote dainámiemo jaillano, o abi ácatari. Dáaruído Moisés jaiái ocuica abi duafue ráana, mai afémiemo izájiri. Iemona comini o abi jllotana fídiitiaioi, —daide.

<sup>45</sup> Mei íadi afémie jaillano nana comínimo afe ie jllonafue llujáide. Iemo aillo comini Jesumo izire gairíoidiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágaboiemona bizájidiaioi afémiena cíoilena.

## 2

*Jesús tízitaitimie jllotate*

*(Mt 9.1-8; Lc 5.17-26)*

<sup>1</sup> Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídídiaioi. <sup>2</sup> Iemo aillo nairai ie jofomo gairírdiaioi. Jofo comínina oruállamona iere rillírede; ja naze fuemo íaioi íllino íñede. Íaioimo Juzíñamui úrillafue Jesús jino llote. <sup>3</sup> Iemo cuatro dígamie tízitaitimie atídiaioi. <sup>4</sup> Iere comini íllaza, Jesús íllánomo dúcinide. Ie jira jofo emódomo caifo jaillano, Jesús illa llezicamo jofo emodo íbaícano cúcoidiaioi. Cúcoianona aféfodo tízitaitimie ana agúínetiaioi, naa afémie bírallu díga.

<sup>5</sup> Afémaci comeci ínuana cíoilano, Jesús tízitaitimiena daide:

—Jitó, o fiénidífue jae ñue dófide, —daide.

<sup>6</sup> Dáarie ocuicafue llófueraíni, dínomo ráiídino, íaioi comeci facáoidiaioi: <sup>7</sup> “¿Nibái mei bímie daií úrite? Juzíñamuina fiéni úrite. Dama Juzíñamui fiénidífueña dua. Abi díne bu Juzíñamui izói fiénidífueña doñena.” <sup>8</sup> Mei íadi dama Jesús ie comécido afémaci comeci úrillafueña onode. Jira daide:

—¿Nibái mei omoi comeci daií facádiomoi? <sup>9</sup> ¿Ñíe iere júanina iráredimiena daiíllena: “O fiénidífue dófite,” nibai jíáfodo daina: “Náidacai, o bíra líñnota ui, mai maca”? ¿Ñíe iere júanina? <sup>10</sup> Ie jira jíáfueña ómoimo fídítaiticue. Bíniemo comini fiénidífueña oni muiñóle ríino cuemo ite. Nanoide íima Jitódicueza, —daide. Iemo tízitaitimiena juare daináfueña daide:

<sup>11</sup> —Ona daidícue: Caifo náidacai. O bírallu líñnota mai o jofomo jairi, —daide.

<sup>12</sup> Ja iráredimie raire náidacaillano ie bírallu líñnote. Líñnuano dínomona jino jaide. Ie jáillana nana comini cíodiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíiaioi:

—Jaca daiítadífueña cíoraíndicai, Juzíñamui o iere jamánomoidimiedio. Mai Juzíñamuimo cai íóbilli, —daidíiaioi.

*Jesús Leví uáidote*

*(Mt 9.9-13; Lc 5.27-32)*

<sup>13</sup> Ie mei Jesús meine abido jorai fuédamo jaide. Nana comini íemo áínozidiaioimo, afémie íaioina llófue. <sup>14</sup> Jesús mácajilla llezica, Levína ciode. Leví Alfeo jitó. Afémie gobierno íbátaga úcube líñnoranomo ráiíde afe úcube líñnollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

<sup>15</sup> Afe méifomo Jesús Leví jofomo güüzájide. Dínomo aillo jíaie gobierno íbátaga úcube líñnoraimaci Jesús dáanomo güírabanimo ráiíediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráiíidiaioi. <sup>16</sup> Mei íadi dáarie ocuicafue llófueraíni fariséuai díga, Jesús nana afe fiénidimaci díga naa íáiruiga íbátaga úcube líñnoraimaciri dáanomo güíllana cíodiaioi. Iemona Jesús llófuegamacina daidíiaioi:

—¿Nibái mei omoi llófueraima afe íáiruiga íbátaga úcube llíinoraímaci diga güífiredé, jirófirede? Daje izói, ¿nibái mei jíáie fiénidino diga güífiredé? —daidíaiói.

<sup>17</sup> Aféfuena Jesús cacáíllanona duera ráfuedo íaioina daide, nie ícoinia mei íáiruigamaci diga ie güífrenana íaioi onóíllena. Be níifue:

—Íranídimaci manóriraimana jitáíñediaioi; dani duícotaidino da manóriraimana jí-taina. Mei núemacimo cue uáiduaíbiñedicue. Fiénidino uáiduaíbiticue afémaci jíllóíllena, —daide.

*Daa mona güíllena fímaírrillena Jesumo jicánotíaiói*

(Mt 9.14-17; Lc 5.33-39)

<sup>18</sup> Jíáíruido Báutizaraima Juaado jáidino fariséuáido jáidino diga nana güíñeno fímaírritíaiói. Aféruimo dámierie Jesumo jicánuaíbitíaiói:

—¿Nibái mei Juaado jáidino fariséuáido jáidino diga nana güíñeno fímaírritíaiói, mei íadi o llófuegamaci fímaírríñediaioi? —daidíaiói.

<sup>19</sup> Jesús uai uano ráfue mo mámano íaioi llófuede, afémiedo jáidino finócana jíámaci fíéino onótallena. Daide:

—Airenafue mo uáidogamaci ringo otímie íaioimo illa llezica ¿meita fímaírríñediaioi? ¿Nibái fímaírríñediaioi? Ringo otímie íaioimo illa llezica jaca fímaírríñediaioi. <sup>20</sup> Mei íadi ringo otímie íaioimona baíróbicaílluimo dúciite; aféruimo uáfue na fímaírritíaiói.

<sup>21</sup> Iemo daje izói ñue onótallena jíáie ráfue mo mámano íaioi llófuede; daide:

—Buna jaiáicuro inícuro cúaidinomo comue jofo gájicaiñede iniroi nitácapu dájemo jofo jíllíñede, mei comue gájicaiñede nitácapu afe jaiáicuirona oníñenedo nane ráataítade. Iemona cúaidino jae iere aillóite. <sup>22</sup> Daje izói comue vino jácara igorai ie finoina botéllamo jóoneride. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoina botella bójicaíllano meine finónide. Ie jira comue vino comue igorai finoina botéllamo jóonerede, —daide.

*Jesús llófuegamaci ocózinaílluimo trigo llizíllatíciái tícóidíaiói*

(Mt 12.1-8; Lc 6.1-5)

<sup>23</sup> Daa mona ocózinaílluimo Jesús ríganíai cígido mácajide ie llófuegamaci diga. Afénodo jaíllano ie llófuegamaci arrozna eroide trigo llizíllatíciái ja tícóidíaiói. <sup>24</sup> Iemo fariséuai íena daidíaiói:

—¡Erocaí! ¿Nibái mei o llófuegamaci rairuírede jetáíaiói? Afena ocózinaílluimo rairuírede, —daidíaiói.

<sup>25-26</sup> Mei íadi afémie íaioina daide:

—¿Jaca nibái David finócana facádoñediomói? Afémie naa ie nabáíñiaíri güille íñena llezica, júbietáíllano Juzíñamui jofomo jaide. Ua Abiatar lletárríraíni illáímana illáruído, David jofo jaide. Afe jofo eromo Juzíñamuimo eneno mameca rairuírede panes ite. Dani Juzíñamui lletárríraíni áfena güírena; jíáímacimona afe rairuírede. Afe panes David uánona güíte; ie mei ie nabáíñiaímo fecade.

<sup>27</sup> Iemo nane Jesús íaioina daide:

—Íma ocózinaíllu íena fínoñega, mei íadi ocózinaíllu íma íena mameca. <sup>28</sup> Jira Nanoide íma jítona cue íllamona, ocózinaílluina ocuíredicue. Aferui Náamadícue, —daide.

### 3

*Jesús ónoína llirídímie jíllotate*

(Mt 12.9-14; Lc 6.6-11)

<sup>1</sup> Jesús dáanomo Juzíñamui uai llófuériracomo jofo jaide. Afénomo ónoína llirídímie ite.

<sup>2</sup> Afénomo itínomona Jesumo iere eróioídiái, ocózinaílluimo Jesús bímiéna jíllotajana onóíllena, áfede Jesumo fiénidííue jíállena. <sup>3</sup> Ie jira ónoína llirídímie na Jesús daide:

—Náidacai; jofo bené cígimo bí, —daide.

<sup>4</sup>Dáanomo jiáimacimo jicánote:

—¿Minícana ocózinairuimo ómoiri finóredicue? ¿Nibai fiénidifue fínoiticue, nibai ñúefue fínoiticue? ¿Nibai omoi jllotaiticue, nibai omoi títaiticue? —daide Jesús.

Mei íadi afémaci ja uai oñédiaioi. <sup>5</sup>Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. <sup>6</sup>Afe mei fariséuai, naa Herodes imaci díga jino jaillano, Jesús fallifue raire mamédiaioi.

*Aillo nairai jorai fuédamo gairídiaioi*

<sup>7</sup>Jesús ie llófuegamaci díga, jorai fuédamo jaide. Iemo aillo nairai Galilea imaci, íedo jáidiaioi. <sup>8</sup>Mei áillue ráfuenta, afémie finócafuiaina, fidíillano aillo Judea énie imaci bite, Jerusalem imaci díga. Daje izói Idumea énie imaci bite; Jordán imani ruicáfelle imaci bite; Tiro, Sidón díga áinori itímaci bite. Nana dáanomo bitíaiioi; Jesús eróizaibitiaioi.

<sup>9</sup>Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena.

<sup>10</sup>Mei iere aillo nairai jllotate. Iemona nana jiáie iráredino rillire afémiemo gairídiaioi, ie jetánollena. <sup>11</sup>Iemo afénomo itínomona dáarie fieni jóriairediaioi. Afémiema cióllanona, afémie uíecomo ana dújudiaioi. Dújuillano caillíoicaidiaioi:

—O Juzínamui Jitódio, —daide.

<sup>12</sup>Mei íadi Jesús fiénide jóriaina izire rairuide; daide:

—Juzínamui Jitona cue íllana daííñoeno iri, —daide.

*Jesús doce dígamie nizede, oni íaioi óriano afémaci ie ñúefue llujállena*

*(Mt 10.1-4; Lc 6.12-16)*

<sup>13</sup>Ie mei Jesús ídumo caifo jaide. Dínomo jaillano Jesús comeci óiacagamie dígamie nizede. Afémiemo bitíaiioi. <sup>14</sup>Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitínona jáillena. <sup>15</sup>Dáanomo ríinona igáiaioi iráredino jllotallena, íemo jiái fiénide jóriai jino oréllena.

<sup>16</sup>Afe nizécamací doce dígamie. Afémaci mámeciai: Simón, níimiemo Jesús jiáie mámecina jítaca, Pedro; <sup>17</sup>ie mei Zebedeo jitó íaillinoi Santiago ie ama Juan díga. Afe íaillinoimo Jesús jiáie mámecí jítade, Boanerges. Afe mámecí daína: Iocimie íaillinoi.

<sup>18</sup>Ie emódomo jiáie nizécamací mámeciai: Andrés, Felipe, Bartolomé, Mateo, Tomás, Alfeo jitó Jacobo, Tadeo, íemo iere Járidotimacimo jaináidimie Simón, <sup>19</sup>ie mei Judas Iscariote. Afémie méifodo Jesús ie éoidinomo fécaitimie.

*Fiénide jóriai ríino Jesumo ite táinona daíífrediaioi*

*(Mt 12.22-32; Lc 11.14-23; 12.10)*

Afe méifomo Jesús ie llófuegamaci díga jofomo jofo jaide. <sup>20</sup>Nane dáanomo aillo nairai gairízitiaioi. Iemona Cristo ie nizécano díga ja güinidiaioi. <sup>21</sup>Afefue fidíillano ie onoiga nabáñiaí bitíaiioi ie oni uíllena, mei afémie uáiritaide daidíaiioi.

<sup>22</sup>Daje llezica Jerusalémona bite ocuicafue llófueraíni, bie izói feri úritiaioi; daidíaiioi:

—Bímie Beelzebumo jaináidimie. Afe Beelzebú fiénide jóriai illaíma, (jíaici ie mámecí Taife). Afe Beelzebú ríinodo fiénide jóriai afémie jino juide, —daidíaiioi.

<sup>23</sup>Ie jira Jesús íaioi jíirite. Jíirilla mei, onoiga ráfuiái íaioimo llote:

—¿Nie izói afe Taifedo Taife jíúrede? ¡Jiúnide! <sup>24</sup>Daa nairai énenorie jíáziena oni bójicaillano are íneitiaioi, mei nágazie conima díga fuirífrediaioíza. <sup>25</sup>Daje izói eneno daní jofóredino íaioi bójicaíadi, are íneitiaioi. <sup>26</sup>Mei jira Taife dama ie díga fuiríadi, íemona dama ie bójicaíadi, afémie are íneite. Ua áfedo fúbicaite.

<sup>27</sup>‘Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

<sup>28</sup> Uáfuena ómoimo lloticue. Comini fiénidifuiái nana dórede, daje izói nana íaiói fue bofue digá dórede. <sup>29</sup> Mei íadi Juzíñamui Ñuera Joréñomo fiéni úritimie ie fiénidifuiái jaca ua oni dónide. Dama ie íconia jaca íemo jíite, —daide.

<sup>30</sup> Daí daide, mei afémie fiénidena jóriarede daidíaiói.

*Jesús ei ie ámatiai digá Jesuna uáiduaíbitiaioi*

*(Mt 12.46-50; Lc 8.19-21)*

<sup>31</sup> Iemo Jesús ei ie ámatiai digá dúcidiaioi, mei íadi jino fiébidiaioi. Dinómona jofó gairídinona daidíaiói:

—Mai ie jíirizai, —daidíaiói. <sup>32</sup> Jesús abido ráiiedino íena daidíaiói:

—O ei, o ámatiai digá jino ite. O jénuaíbitiaioi, —daidíaiói.

<sup>33</sup> Mei afémie daide:

—¿Buoí cue eina? ¿Buoí cue ámatiaína? —daide. <sup>34</sup> Afe mei ie abido ráiiedinomo eróillano daide:

—Be mei cue éitiai. Be mei cue ámatiai. <sup>35</sup> Mei Juzíñamui ocuífafuena jeire otínona bie cue ama, bie cue miringo, bie cue ei, —daide.

## 4

*Rjíraíma ie ífue*

*(Mt 13.1-9; Lc 8.4-8)*

<sup>1</sup> Meine dáanomo jorai fuédamo Jesús llófuete. Ie illánomo aillo nairai gairídiaioi. Jamánomo aillo comini illa jira, Jesús jóraimo ite nocaemo ráiizaide. Nana comini guamáemo fiébicaidiaioi. <sup>2</sup> Iemo digá ráfuiái íaíoimo llófuete. Ua íaíoí onóigafuiaido lloste. Ie llogáuai daide:

<sup>3</sup> —Bíemo cácarei: Rjíraíma rjízaide. <sup>4</sup> Ricana jailla llezica dáarie rillájiai iodo cocide. Iemo ófocuzai áfena güizáíbitiaioi. <sup>5</sup> Jiáie rillájiai nófciaímo énie inénanomo cocide. Afe rigájiai raire zocade, mei afe énie figo inédeza. <sup>6</sup> Mei íadi jítoma billa llezica uzídiaioi. Jáinao inénamona dúidiaioi. <sup>7</sup> Jiáie rillájiai éegiai cígímo cocide. Afe éegiai zoca anamo itábicaídiaioi. Meita jaca llizíñediaioi. <sup>8</sup> Mei íadi jiáie rillájiai ñuera éniemo baíde. Zocádiaioi; ie mei ñue comúdiaioi. Mei ñue llizídiaioi. Daji rigamona zocano aillo llizide; jiájiai afe baimo llizide; jiájiai ie baimo ua aillo jamánomo llizide.

<sup>9</sup> Ie mei íaíoína daide:

—Omoímona cacácadino cacai, —daide.

*Afémie nibai íaíoí onóigafuiaí cígído llófuefírede*

*(Mt 13.10-17; Lc 8.9-10)*

<sup>10</sup> Afe mei Jesús dama fiébilla llezica, afémie áinori itino ie doce llófuegamaci digá íemo jíicánotiaioi:

—Bie onóigafue ¿nie izói daífacade? —daidíaiói. <sup>11</sup> Jira íaíoína daide:

—Juzíñamui ie uáfodo onóñega illáimana illírui rafue ómoimo llóiacade. Afedo ja lllóímoí. Mei íadi jino ite íemo jaináñedino jaca íaíoí onóigafuiaido llogáiaioi. <sup>12</sup> Daí cue llófuegaiaioi, íaíoí cíóillano nai uina cíóñedimaci izói íaíoí fiébicaíllena. Afe izói cácaítiaioi íadi ónoñeítiaioi. Daí llófuegaiaioi íaíoí comeci ífue méidoñeíllena; íemo jíai íaíoí comeci fiénidifuiái dófcáiñeíllena.

*Jesús afe rjíraíma onóigafue ja ua jino lloste*

*(Mt 13.18-23; Lc 8.11-15)*

<sup>13</sup> Dáanomo Jesús jíicánote:

—¿Omoí bie onóigafue onóñedíomoi? ¿Nie izói daí mei jíáiena ónoítíomoi? <sup>14</sup> Afe riraíma Juzíñamui ñuefue lloraíma izóidímie. <sup>15</sup> Dáarie comini afe iodo cocide rigájiai izóidiaioi. Afémaci afe cue llogáfueemo cacáreidiaioi. Mei íadi áfena cacáíllanona, Taífe íaíoí comécimo lloga ráfueña raire báíruaíbite. <sup>16</sup> Jiáie comini afe nófciaímo énie inénanomo cocide rigájiai izóidiaioi. Afe cue lloga uaina cacáíllano raire caímare



llínoitaiioi. <sup>17</sup> Mei íadi figo jáinaonide rigájíai izóidiaioiza, dama íanori íllado ñue itíaiioi. Afe mei lloga uai ícoínia facátafuíai bíadi, nibai duere íaiioi zefuíadi, íaiioi íínoñenamona íaiioimo lloga uaina raíre meine abído zóofetiaioi. <sup>18</sup> Jíáie comini afe éegíai cígiri cocide rigájíai izóidiaioi. Lloga uaina cacádiaioi, <sup>19</sup> mei íadi bie éniemo ite raamo coméciillano aféfuiaimo iere járitaitiaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofo comeci óiacaigafue íaiioimo lloga uaina niné féitate. Ja mei féitagaza; ja ie comécimo llizilla izóí íñede. <sup>20</sup> Mei íadi dámierie lloga uaina cacáillano áfena ñue jeire otíaiioi. Afémaci ñuera éniemo cocide rigájíai izóidiaioi. Afe izóí íaiioi íllamona, ñúefuiaina ñue aite izóí finódiaioi. Afémacimona dáarie afe daji rígamona zocano aillo llizilla izóidiaioi. Iaiioimona jíáimaci afe baímo llizilla izóidiaioi. Jíáimaci afe ie baímo aillo jamánomo llizilla izóidiaioi.

*Mechera iedo cai onóigafue*  
(Lc 8.16-18)

<sup>21</sup> Jesús nai úrite; íaioina daide:

—¿Nogo anamo jóonellena mechera meita atica? ¡Atíñega! ¿Daje izóí inírabani anamo rainállena mechera atícaza? ¡Atíñega! Naga mechera caífo jica raináfírega, ñue egáíñollena. <sup>22</sup> Mei ja nana báinino ite raa jino uáfodo cíocaitade. Daje izóí nana jáanoga rafue ñue onóigafuena jáite. <sup>23</sup> Omoimona cacáacadino cácarei.

<sup>24</sup> Afe emódomo íaioina daide:

—Omoí cacánafuena ñue omoí onoiri. Naga raa omoí faca izóí, afe izóí Juzíñamui íbana ómoimo fácaíteza. Ie mei afe baímo afémie jamánomo aillo ómoimo íite, mei ñue cacádiomoiza. <sup>25</sup> Mei íeredimie mo jíáiena ille; mei íadi íénidimie mona, íemo due ite raa meine bairolle.

*Eniemo rigají zócajamo mameca rafue*

<sup>26</sup> Nane dánomo daide Jesús:

—Juzíñamui illáimana illirui bie izoide. Daa iima éniemo rigájíai júdaia izoide. <sup>27</sup> Rillano afémie abina íniaide. Ie mei cazide. Naio mona díga jaide. Afe llezica rigájíai zocade; zócano ñue zairide, mei íadi nie izóí comuídeza afémie onóñede. <sup>28</sup> Mei ñuera éniemo rigájíai énie zocátaga. Nano fueñe ie ina jino billa, ie mei llizíllachecoí comuíde, ie mei afe llizíllachecoí íjiaína oruíde. <sup>29</sup> Ja ie jeia llezica, riraíma afe llizíllajiaína uájide. Mei afe jofo uáruimo ja dúcidez.

*Mostaza llizíllaji iedo onoíga rafue*  
(Mt 13.31-32; Lc 13.18-19)

<sup>30</sup> Jesús nane daide:

—Juzíñamui illáimana illarui, ¿níe izoide? ¿Ñie onóigafuedo daje izóí fácaíticai? <sup>31</sup> Juzíñamui illáimana illarui mostaza llizíllajíai rilla izoide. Afe íjiaí nana énie llizíllajiaimona da jaca iere jéjinide. <sup>32</sup> Mei íadi rígamona, nana raróciai ie baímo áillo nana jaide. Ie ícaíruai áarie. Iemona féedino ófocuízai ie ícaíruaímo ráimazaidiaioi. Afe jánamo uái ráúediaioi, —daí Jesús daide.

*Jesús jaca onoíga ráfuiaimo mámiano llófufírede*  
(Mt 13.34-35)

<sup>33</sup> Daí Jesús ie jino llóiacagafuíai aillo bie izóí onóigafuíaido jóonecana uite. Iaiioí onóíllinomo daí llócaide. <sup>34</sup> Onóigafue llóñeniadi, afémacina llófueñede. Mei íadi Jesús ie llófuegamaci díga oni eneno dani íaiioi illa llezica nana áfena jino íaioimo lloite.

*Jesús jairifo naa jorai bagua díga llícaítade*  
(Mt 8.23-27; Lc 8.22-25)

<sup>35</sup> Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

<sup>36</sup>Te mei comini fñiano, Jesús uitñiaioi. Afémie illácaedo jáidiaioi. Daje llezica jáícaeiaido afémiedo jáidiaioi. <sup>37</sup>Iemo iere riírede jairifo náidacaide. Iemona jorai bagua nocáe eromo cocide. Uafue, nocáe jáinoina oruñbicaide. <sup>38</sup>Afe llezica Jesús moñfecaemo ifo jobéracadamo bícana inide. Afémie cazítajano íena daidñiaioi:

—¡Llófueraima! ¿O caina ráiruñnedio? ¡Buízaidicai! —daidñiaioi.

<sup>39</sup>Iemo Jesús náidacaillano jairifo lletade. Lletajano jórainna daide:

—¡Llíicai! ¡Uái ii! —daide. Iemona jairifo llíicaide. Nana ñue jáfuericaide. <sup>40</sup>Te mei ie llófuegamacina daide:

—¿Ñibái mei iere jacíruiñtiomoi? ¿Ñibai nai Juzíñnamuimo íñoñnediomoi? —daide.

<sup>41</sup>Iadi jairifo ie llíicaitari iere jacínaitiaioi. Dani conímamo úritiaioi:

—¿Bie níimie? ¡Jairifo jorai diga, afémie uaina jeire ote! —daidñiaioi.

*Gerasa éniemo fiénidena jóriairedimie Jesús jíllotote  
(Mt 8.28-34; Lc 8.26-39)*

## 5

<sup>1</sup>Jae jorai ruicáfellemo ite Gadara éniemo dúcíaioi. <sup>2</sup>Jesús nocáemona jino jáidemo, raíáfuai illánomo ífirede fiénidena jóriairedimie Jesumo bite. <sup>3</sup>Afémie raíáfuai illánomo ífirede. Aféruillaído afémie jaca buna llójeodo cuinánide. <sup>4</sup>Diga ícaíño llójeodo ídai onoi diga íena cuinániaioi, mei íadi afémie afe llójeona titada jaca jéenino titúbite. Jaca buna afémiena anáfenonide. <sup>5</sup>Mona naio diga afémie afénomo macáfirede. Iduaido caillícana jaide naa raíáfuaido. Daje llezica noñcíaído ie abi bofécade. <sup>6</sup>Iadi Jesuna jicana ciode; cíoiillano, aizícana bite. Billano Jesús anamo afémie ie caíñícido ana dújude. <sup>7</sup>Jesumo riire lléjecaide:

—¿Ñibái cuemo jíricaidio? O Jesúsído; jamánomo caifoide Juzíñnamui Jitódio. Juzíñnamui mámedico omo jicádicue duere cue zéfuñnellena, —daide. <sup>8</sup>Daií lléjecaide, mei nano fueñe Jesús íena dáideza:

—¡Fiénide jóriai, bie íimamona oni jai! —daide. <sup>9</sup>Jesús íemo jicánote:

—¿O mei búdio? —daide. Uai ote:

—Cue mámedí Aillo Dáanomo íraícana, mei áillomacidicaiza, —daide.

<sup>10</sup>Iemo fiénide jóriai Jesumo izire jicade, afe éniemona jica íaioina oni óreñeillena. <sup>11</sup>Afe íduai áinomo aillo tóica meróniaí guífirede. <sup>12</sup>Ie jira fiénide jóriai Jesumo jicade:

—Afe meróniaímo cai oreri, dínomo cai ílleza, —daidñiaioi.

<sup>13</sup>Ie mei Jesús fairíote. Iemo fiénide jóriai íimamona jino meróniaímo jáidiaioi. Mena mil tóinai ite. Nana afe tóinai jorai ígodado aizida cocídiaioi. Iemona jóraímo coróbaitiaioi.

<sup>14</sup>Ie jira meróniaí úíñoraimaci jacínailano botádiaioi. Afe rafue íaioi jófuemo llujáidiaioi naa jínoidímaci diga. Ie jira afe finócafue moñni eróizaíbitiaioi. <sup>15</sup>Jesús illánomo dúciillano nauí fiénidena jóriairedimiena cíodiaioi. Mei íadi ja birui afémie ñue uái ráíide. Ja íncuirona jítáide. Ja ñue abina onode. Nana comini jacíruiñtiaioi. <sup>16</sup>Ie mei cíódino nauí fiénidena jóriairedimie finócafue llujáidiaioi. Daje izói meróniaímo finócafue llotñiaioi. <sup>17</sup>Ie mei Jesumo izire jícajidiaioi íaioi éniemona afémie oni jáíllena.

<sup>18</sup>Jesús meine nocáe eromo jaílla llezica, nauí fiénidena jóraína ogámie Jesús diga íllena izire jicade. <sup>19</sup>Mei íadi Jesús fairíonede. Afémiena daide:

—Mai o jofomo jai. O comínimo nana omo cue finócafue o llujáiri. O Ocuíraímadicueza. Omo cue dúceaillafue llujáiri, —daide Jesús.

<sup>20</sup>Ie jira afémie jaíllano nana Jesús afémie finócafue llujáide. Uafue nana Decápolis éniemo llujáide. Nana comini aféfuerei fáigacaidiaioi.

*Jairo jiza jíllotafue  
(Mt 9.18-26; Lc 8.40-56)*

<sup>21</sup>Jesús meine jorai ruícafenemo nocaedo jáidemo, aillo comini Jesús illánomo gairízaíbitiaioi. Afémie díno jorai fuédamo fiévide. <sup>22</sup>Iemo Juzíñnamui uai llófueriraco

illáinimona dámie dúcide. Afémie mámecei Jairo. Jesuna cióillano ie ídaímo bíjicaide.  
<sup>23</sup>Daje llezica izire jicade:

—Cue jiza tíiacade. O onoi cue jízamo bítaibi, ie jilloilleza, ie tíiñelleza, —daide.

<sup>24</sup>Iemona Jesús afémie diga jaide. Ie llezica aillo comini afémiedo rillire jáidiaioi.

<sup>25</sup>Afémaci cígimo daa ringo iráredingo ite. Doce diga fimona dícotaita. <sup>26</sup>Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. <sup>27</sup>Nauí jáímaci Jesudo úrillafuena cacáillano, afe ringo ódana comini cígido Jesumo áinozide. Iemo afémie inícuero jetánuaide. <sup>28</sup>Afe uícori afengo comeci anado daide; “Ie inícuero cue jetáadi jílloiticue,” daide. <sup>29</sup>Ie mei inícuero jetaa llezica afengo die tótaja líicaide. Afe llezica ie irárena jílloomona afengo abi ñue cataide. <sup>30</sup>Ie mei Jesús onóbicaide. Uafue, ie ríinodo da come jillotaga afémie raire fidide. Ie jira comini cígido jino éroicaillano jicánote:

—¿Mei bu cue inícuero jetaca? —daide. <sup>31</sup>Iemo ie llófuegamaci afémiena daide:

—¿Aillo comini rillire ínuana cióñedio? ¿Ñibái mei bu o inícuero jetaa jicánotio? —daidiaioi.

<sup>32</sup>Mei íadi Jesús nágafene erórifide afémie inícuero jetádingona cióillana. <sup>33</sup>Ie mei afengo jágieri cuidárite. Aféngomo finócafuena onóillano, Jesús uícomo ana bíjicaizaibite. Afengo rafue nana afémie mo uáfuena jino llote. <sup>34</sup>Jira Jesús daide:

—Eicango, o comécido ñue ínotio, jira jílloido. Mai jai. Jaillano uái o iri. O irárenamona ja jílloidoza, —daide.

<sup>35</sup>Jesús nai úritemo, dáarie comini illaima Jairo jofómona bitíaioi. Dúengo moomo lluaíbitiaioi:

—O jiza ja tíide. ¿Ñibái mei are llófueraíma ífoci daidódio? —daidiaioi. <sup>36</sup>Mei íadi Jesús íaioi uai jeire oñeno, llófuerriraco illaima Jáirona daide:

—Jacíruiñeno iri. Dama o comécido íñori, —daide.

<sup>37</sup>Iemo Jesús nana comini íedo jáíñellena rairuide. Dama Pedro, Santiago, ie ama Juan diga uite. <sup>38</sup>Llófuerriraco illaima jofomo dúciillano, Jesús aillo comini faillíñainana cacade; nana cáillicaii énaillana cacade. <sup>39</sup>Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éediomoi? Afeza tíiñedeza; fia inide, —daide.

<sup>40</sup>Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiaioi. <sup>41</sup>Jiza onoi llínuano daide:

—Talita, cumi—. Aféuai dobáicana llote: “Jiza, ona daidícue, náidacai.”

<sup>42</sup>Daí dainamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiaioi. <sup>43</sup>Mei íadi Jesús:

—Afefue bumo llóñeno iri, —daide. Daí ocuide. Afe llezica afe ringoza ecállena íaioina ocuide.

## 6

*Jesús Nazaremo jailla*

(Mt 13.53-58; Lc 4.16-30)

<sup>1</sup>Dinómona Jesús ie éniemo jaide. Ie llófuegamaci íedo jáidiaioi. <sup>2</sup>Ocózinaillaruimo dúciillanona Juzíñamui uai llófuerriracomo llófuiaide. Aillo comini íena cacáreidiaioi. Iemona íena jacíruiicana fágacaidiaioi. Daidíaioi:

—¿Ninómona bímie nana bie ráfuiai onode? ¿Mínica bie onónafue íemo ite? ¿Nie izói afémie bie aillo uaido dainamona comuítaga raa comuítarede? <sup>3</sup>Mei bímie afe aménado tájiraima, ¿ero ua? Afémie María jitoza onódicai, ¿ero ua? Daje izói afémie ámatiai Santiago, José, Judas, Simón dígadeza onódicai. Iemo ie miríngotiai nai cai cígimo íllana onódicai, —daidiaioi.

Iemona afémaci Jesús uaina náfueacañediaioi. <sup>4</sup>Iemo Jesús íaioina daide:

—Nana jáie comini, Juzíñamui uai jino llóraigmana ñue jíeruitiaioi. Mei íadi afe llóraigma énie imaci, íezie imaci diga, figo íena jíeruiñediaioi. Daje izói ie jofo imaci íena jíeruiñediaioi, —daide.

<sup>5</sup>Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotate. <sup>6</sup>Mei íadi nabémaci íñoñenari afémie fáigacaide. Ie mei Jesús áinori ite jófuedo llófuecana uite.

*Jesús ie doce dígamie oni jáinomo óriano llotátate  
(Mt 10.5-15; Lc 9.1-6)*

<sup>7</sup>Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo ie ríino iga, fiénide jóriai jino oréllena. <sup>8</sup>Ie llófuegamacina ocuide:

—Omoi jaille iodo ráiñuui jáie minícana uiñeno iri. Daa omoi jíguída diga jairi. Tura uiñeno iri. Pan úcube diga uiñeno iri. <sup>9</sup>Omoi idai ico jíxada jairi. Mena caifófecuiro uiñeno iri, dama o jítaoigacuiro uiri, —daide. <sup>10</sup>Iemo nane íaioina daide:

—Nicomio o jáiadi, dinó o fiébiri; ua afe éniemona jáinomo o jáiacana llezica dinó o fiébiri. <sup>11</sup>Jáicomo omoi jáiadi, ómoína íaioi llíñoñeniadi, afénomona jairi. Daje izói o uai cacáacañenomona jairi. Jaillano, o idai ico ite eníchoma jino íaioimo teténori, daí íaioi finócafueo o jíeruiñenana jino llóitio. Uáfuea omoi lloticue: Uire duere finóbillruimo dúcia llezica, ómoína llíñoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

<sup>12</sup>Iemo ie llófuegamaci jino jáidiaioi. Jaillano comini llotíaioi:

—Mai omoi comeci ífue meídori, —daidiaioi. <sup>13</sup>Daje llezica aillo fiénide jóriai jino orédiaioi. Iráredinomo cáredijina due jóonetiaioi; íemona jíllodiaioi.

*Juan Bautista tíllafue  
(Mt 14.1-12; Lc 9.7-9)*

<sup>14</sup>Íllaima Herodes aféfuiaína como fidide. Mei nana comini Jesús jalléinana onódiaioiza. Dáarie daidiaioi:

—Juan Bautista tíide íadi meine abido cáadimiena jaide. Iemona bie ríino afémiemo ite, —daidiaioi.

<sup>15</sup>Jáimaci daidiaioi:

—Bie Juzíñamui uai llóraigma Elías, —daidiaioi.

Nane jáimaci daidiaioi:

—Jaii Juzíñamui uai jino llóraigni izoide bímie jáie Juzíñamui uai llóraigma, —daidiaioi.

<sup>16</sup>Herodes áfena cacáillano daide:

—Bímie ífona cue jaitátagamie Juan. Ja birui tíllanomona meine abido caade, —daide.

<sup>17</sup>Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoína Herodes Juan jae llavétate. Afe llezica íena llavéracomo maitátate. <sup>18</sup>Mei naui Juan Heródemo llógaza:

—O ofaiño o aina ónidio; áfena rairuírede, —daide.

<sup>19</sup>Ie jira Herodías Juamo éoicana eroide. Iena fáiacade, íadi íena fánide. <sup>20</sup>Herodes afémie comécina jáicina ñue jóidimienana onode; íere núemienana onode. Núefuedo íena jacíruite. Ie jira afengo íena fiéni finótañede. Herodes Juan llogafue nai figo onóñede, íadi caimare íemo cacáreide. <sup>21</sup>Mei íadi Herodías jíáfueo ufbicaide. Herodes jocóinamona jáie fimona fuilláruimo dúcide. Jira aféruído Herodes cumpleaños rafue finode. Nana ie illaini, jabóllaini, Galilea ocuiraini diga afénomo gairrdiaioi, mei Herodes uáidogaiaioiza.

<sup>22</sup>Dinomo Herodías jiza jofo jaillano zaite. Afengo záillari Herodes íobide; daje izói nana ie diga güizáibitino íobidiaioi. Iemona illaima Herodes aféngona daide:

—O jícaacaiga raa cuemo jica. Omo íticue, —daide.

<sup>23</sup>Ríírede uaido nana afengo jícalte raa ie fecállena íaioi uíecomo llote: “Nana cuemo jainaide éniemona júbene o jitailla dieze omo llóiticue,” daide. <sup>24</sup>Afengo jaillano ie eina daide:

—¿Mínica jícaiticue? —daide.

Afengo daide:

—Mai, Juan Bautista ifoci jica, —daide.

<sup>25</sup> Afe ringoza jarire illaíma illánomo jofa jaide; íena daide:

—Raire plato eromo Juan Bautista ifoci jóoneta cuemo ine, —daide.

<sup>26</sup> Iemona illaíma iere zúureficaide. Mei ja riírede uaido llógaza afengo jíacana afémie jáanoiacañede. Daje llezica nana ie uáidogamací cacádiaioi. Ie jira jáanoiacañede. <sup>27</sup> Ie jira afe llezica ie abí úiñoraíma raire llavériracomo orede, Juan ifoci atíllena. <sup>28</sup> Afe abí úiñoraíma llavériracomo jaillano, Juan ifoci jáitano plátomo jóoneta atide. Afémie aféngomo izáibite. Iemo ie eimo afengo izájide.

<sup>29</sup> Juaado jáidino, fidíillano, ie abí uájidiaioi, ráillena.

*Jesús cinco mil dígade ífñiaí ecade*

*(Mt 14.13-21; Lc 9.10-17; Jn 6.1-14)*

<sup>30</sup> Afe mei Jesús nauí oni jino orécamací meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi. <sup>31</sup> Iemona Jesús íaioína daide:

—Mai bí, oni báníno cai ocózinailli, —daide.

Aillo comíni dúcioidiaioi, jáioidiaioi; ie jira Jesús ie imaci díga, güínidiaioi. <sup>32</sup> Ie mei Jesús ie imaci díga nocaedo oni eneno tíi daidínomo jáidiaioi. <sup>33</sup> Mei íadi aillo nairai íaioi jáillana ciode. Jesuna onóillano nana jófueмона batínomo aizícana jáidiaioi. Uafue, Jesús ie imaci díga uícomo dúcidiaioi. <sup>34</sup> Jesús dúcia mei nocáemona jino jaillano aillo comínina ciode. Cióillano afémacímó dúecaide. Iaioína izfruite nibai úiñoraímanide ovéjaíai izóí itíaioi. Ie jira díga ráfuaína íaioímo lloste. <sup>35</sup> Ja nauídemo ie llófuegamací afémiena daiízaíbitiaioi:

—Ja nauízai. Afe benomo comíni jofona íñede. <sup>36</sup> Mai comíni oni ore ánorí itícuaimo jíáie jofue díga, dínomo íaioi güílle íbajillena. Mei íaioi güíllena benomo íñédeza, —daidíaioi.

<sup>37</sup> Jira Jesús uai ote:

—Mai omoi íaioi eca, —daide.

Afémiena daidíaioi:

—¿Cai meita jaillano íbaredicai, doscientos dígabe fidi pan bimací ecállena? —daidíaioi.

<sup>38</sup> Jira Jesús daide:

—¿Níga pan ómoímo ite? Eroizai, —daide.

Afe fidíillano daidíaioi:

—Jubécuiro díga panes ite, mena chamu díga, —daidíaioi.

<sup>39</sup> Ie jira mócorede raitíremo Jesús comíni énenorie dázierie raizítate. <sup>40</sup> Iemona cincuenta íemo jíái cien dígamíerie raizídaitiaioi. <sup>41</sup> Iemona Jesús afe jubeba panes mena chamu díga llínote. Llínuano caífo monamo érocaillano:

—Iere figora, —daide. Daií dainano afe pan ditade. Dítajano ie llófuegamacímó fecade. Llófuegamací ja comínímo oni fecádiaioi. Daje izóí mena chamu nana comínído fecádiaioi.

<sup>42</sup> Nana comíni güitíaioi. Ua ñue jeírediaioi. <sup>43</sup> Güílla mei panes chamu díga fiebídinona doce dígagai cirígai oruítatiaioi. <sup>44</sup> Afe Jesús fecaca panes güitímací cinco mil dígamiái.

*Jesús jainoi emódodo macade*

*(Mt 14.22-27; Jn 6.16-21)*

<sup>45</sup> Raire méifodo Jesús ie llófuegamací nocaedo jorai ruícafenemo orede. Afe llezica íaioína ie uícomo Betsáídano orede. Dínomo íaioi jailla. Daií ñeta llezica mei Jesús nana comíni díga rainode. <sup>46</sup> Íaioi ráinua méifodo Jesús idu emódomo Juzíñamuimo úrizai.

<sup>47</sup> Ja naiómo nocáe jorai cígímo ite. Jesús dama éñíemo fiebícaide. <sup>48</sup> Jesús íaioi taino jáiana ciode. Taino jaitíaioi, mei jairífo meine íaioi fúuoideza. Iemo ja monázaidemo Jesús íaioímo ánozide. Jainoi emódodo macade. Ainozide, íadi jícado fíiaide izóí macade. <sup>49</sup> Ie jainoi emódodo mácajana íaioi cióillano comeci jacíruiocana facádiaioi: “¡Nibai janaba!”

daidíai. Jira caillíoidiaioi. <sup>50</sup>Nana áfena cióillano iere jacínaitiaioi. Mei íadi Jesús raire íaioimo úrite; daide:

—¡Abí omoi mame! ¡Cueza! ¡Jacíruíñeno omoi iril! —daide.

<sup>51</sup>Íaioimo itícaemo jofo jaide. Jofo jáidemo jairifo llíicaide. Iemo jacíruioicana áferi iere fáigacaidiaioi. <sup>52</sup>Ua afe daíí fáigacaidiaioi, mei afe duera pan fia uáimona jamánomo aillo comuítatena comécido onóñediaioiza; íaioi comeci nai ríirena jira.

*Genesaret éniemo ite iráredino Jesús jíllotata*  
(Mt 14.34-36)

<sup>53</sup>Jorai ruicáfellemo jáitanona Genesaret éniemo dúcidiaioi. Zíjiillano nocáe ari cuiná-diaioi. <sup>54</sup>Nocáemona jino jailla llezica, afénomo ite comini raire Jesuna onódiaioi. <sup>55</sup>Iemona afémaci nana afe éniemo raire aizícana llujídiaioi. Iemona Jesús illánona fidíillano, afe dínomo iráredimaci duera inírabanido atídiaioi. <sup>56</sup>Nágagobiaido ie jáiacana izói afe jofue cígimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoído ie jáiadi, daje izói iráredino iomo jóonetiaioi. Afe llezica Jesús inícuiro fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

## 7

*¿Mínica caina iaire finode?*  
(Mt 15.1-20)

<sup>1</sup>Iemo fariséuai Jesumo ánozidiaioi, dáarie ocuícáfue llófueraini diga. Afe llófueraini Jerusalémona bitíai. <sup>2</sup>Nana bimaci Jesús llófuegamacimona dámierie ciódiaioi. Afe llófuegamaci onoi jocóñeno güitíai, fariséuai afémacina daíí daide, mei bimaci onoi jócua ocuica níciduafuemo dúcitaiñediaioiza. Afe ícoinia íaioi jánana úrtiaioi. <sup>3</sup>Daíí daidíai mei fariséuai nana judíuai diga íaioi jaiáigima uai nai uícadiaioiza. Aféfuiai daide, comini nai bie izói íaioi onoi diga icaíño jócoñenia güinidiaioi. <sup>4</sup>Daje izói güille fecáracomona meine billano, onoi jócua ocuica níciduafue nai fuitáñenia güinidiaioi. Nai aillo ite afémaci jíaie uícaigafuiai. Uafue, íaioi jiróracuai diga icaíño jocóñediaioi. Daje izói íaioi ícruai, cadéruai, jamánomo diga icaíño jocódiaioi íaioi inírabanillai diga. <sup>5</sup>Iemona fariséuai, ocuícáfue llófueraini diga Jesumo jicánotiaioi:

—¿Níbái mei o llófuegamaci cai jaiáigima daináfuaí uícaíñediaioi? Daíí onoi íáirededo güitíai, —daidíai.

<sup>6</sup>Jesús uai ote:

—Juzíñamui uai lloraima Isaías ñue llote. Nana omoi abina ñuemaci, íadi comécina íáirediomoí. Te cuia llezica ómoimo llote:

Bie comini fuedo ñúefue cuemo jítdiaioi.

Mei íadi íaioi comeci cuemo jaináñede.

<sup>7</sup>Cue ñúefuedo úrillena cuemo gairífrediaioi, mei íadi íaioi úrillafue ráííñede.

Íaioi llófuega Juzíñamui daináuai, fia jamai comini ocuícáfuaí.

Juzíñamui uaiñede, daíí íaioi daina íadi, daide.

<sup>8</sup>Mei Juzíñamui ocuícáfue féitatiomoí, fia comini daináfuaí jeire omoi óllena. Aféfuiai daide: ícruai jocóllena, jiróracuai jocóllena, aillo jíaie afe izóidifuaí omoi finóllena.

<sup>9</sup>Iemo afe emódomo bie izói zanoda íaioina daide:

—Juzíñamui ocuícáuai iere ebire oni eneno omoi fáicanocaíga, dani omoi daináfuaí uícaillena. <sup>10</sup>Mei Moisés daide: “Ñue jacíruioicana o moo canorí, o ei diga. Ie ei ie moo diga fiénina úritimie uáfueña titáredeza,” daide. <sup>11</sup>Mei íadi jíáífodo daidíomoí:

—Dámie ie moo íaillinona bie daíírede, “Ona canónidícue, mei nana cuemo ite ráaie jae ‘Corbán’ itíaioiza”. (Afe uai dobáicana daina Juzíñamui fena mamécaza.) <sup>12</sup>Dámie daíí daííadi, ja mei ie ei ie moo diga canónide náfuetiomoí. <sup>13</sup>Afe ícoinia Juzíñamui ocuica uaina

jámairuitiomoi. Uafue, comini llocana jaide llogafue íinota ñúefuena jámairuitiomoi. Aillo afe izóidifuiyai finófirediomoi.

<sup>14</sup>Nane dáanomo Jesús comini jírrite; jírillano íaioina daide:

—Nana omoi cácarei, comeci onoiri. <sup>15</sup>Nana güíllemo comécina íáirenafue íñede. Mei íadi comécimona jino bitífue come comeci íáiretate. <sup>16</sup>Omoimona cacáreiacadino cacai, —daide.

<sup>17</sup>Jesús comini fíiano jofomo jaide. Dinomo ie llófuegamaci afe onóigafuedo íemo jicánotiaioi. <sup>18-19</sup>Iemo íaioina daide:

—¿Daíí jaca ónoñeitiomoi? Nana jinona güiga raa comécimo jáíñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daííacade nana güille ñuera. <sup>20</sup>Nane daide:

—Íima comécimona jino bitífue dama afémiena íáírruitade. <sup>21</sup>Mei afémie erómona, ua ie comécimona jino fieni uibíllafue bite; íemo jiruírenafue bite, naa jáíie jiruífuiyai diga; íemo jáíima méiniafue bite, <sup>22</sup>merííllafue diga; íemo jáíima raa bairócanafue bite, jáíie fíénidifuiyai diga; ie mei jáíima jífuiyai bite, nana íáiredifuiyai diga. Iemo úradoíllafue bite, naa táinona úrillafue diga. Iemo táinona abi ínuafue bite, naa abina onóñenafue diga.

<sup>23</sup>Nana bie figóñedifuiyai come erómona bite; billano cómena íaire finode.

Jíáízie ingo Jesumo íinote  
(Mt 15.21-28)

<sup>24</sup>Dinómona Jesús Tiro éniemo jaide, Sidón énie diga. Daa jofomo jaide. Buna ónoñellena báinino jaide. Mei íadi afémie retáirinide. <sup>25</sup>Iemo fíénidena jóriairedingo ei, ie íllana raire fidíde. Billano Jesús anamo dújude. <sup>26</sup>Afengo judío ingóñede; jíáízie ingo. Afengo énie mámecei Sirofenicia. Afengo jízamo ite fíénide jóriai óllena Jesumo jicade.

<sup>27</sup>Mei íadi Jesús daide:

—Juzíñamui úruyai raire nano fueñe güílleza. Juzíñamui úruyai güille bairoda tóica jico izoide comínimo ígadenia figóñede.

<sup>28</sup>Afengo uai ote:

—Uafue Ocuíraíma; mei íadi úruyai güíllamona, ana cocóídjíai, güirábani anamo ite jicóíturui güíírediaioi, —daide.

<sup>29</sup>Ie mei Jesús daide:

—Ua llotio. Iemona ja jáiredio, o jízamo ite fíénide jóriai jae oni jáideza, —daide.

<sup>30</sup>Afengo jofomo dúcina llezica, iníramo bíde jízana ciode. Fíénide jóriai ja ua aféngomona ñue oni jaide.

Jefona cacáíñede gogódimie Jesús jíllotate

<sup>31</sup>Nano íanori íllano Jesús ja Tiro éniemona billano, Sidón énie dibéñedo jaide. Afe mei Decápolis éniemo ite jófuiyai dinedo jaide. Aféniedo jaillano, meine abido Galilea jóraimo dúcide. <sup>32</sup>Afénomo jefona cacáíñede uaina jino figo baííñedimie Jesumo atídíai. Iemo izire jicádíai Jesús afémie mo onoi bitállena. <sup>33</sup>Ie jira Jesús náiraímona oni báinino íena uite. Dinomo Jesús dama ie onocai jefona cacáíñedimie jefomo dutade. Ie mei Jesús dama ie onócaimo tuánvano afe úríñedimie íife jetánote. <sup>34</sup>Afe mei Jesús monamo érocaillanona comeci zúrenamona zegóricade. Zegóricailano íena daide:

—¡Efata! —daide. Afe uai jino dobáíñuano daina: tújicaí.

<sup>35</sup>Afe llezica jefona cacáíñedimie jefo tújicaide; ie íife ñue jíllode. Iemona afémie ja ñue úrite. <sup>36</sup>Iemona Jesús íaioina rairuide:

—Jíáímacimo lloñoeno iri, —daide. Jesús afe daíí dígacaíño íaioina rairuide. Mei íadi Jesús íere rairuide íadi, áfena náfueñoeno aféfuena baímo jino llócaídiaioi. <sup>37</sup>Iemo nana comini íere jamánomo fáigacaidíai. Daidíai:

—Nana ñue finode. Afémie jefona cacáíñedimie cacáitate; uaina jino figo baííñedimiena ñue úritade, —daííai.

## 8

*Jesús cuatro mil diga comini ecade*

(Mt 15.32-39)

<sup>1</sup> Aféruillaído aillo comini meine dáanomo gairdíaioi. Iaioi güille ñede. Ie jira Jesús ie llófuegamaci jírita, íaioina daide:

<sup>2</sup> —Bie náirairi dúecaidicue. Ja daruíamani benó cue diga itíaioi. Iaioi güille jae ñede.

<sup>3</sup> Güiñeno íaioi jofomo orédicuenia, iodo báicana jáitiaioi. Dáarie jicana bitíaioi, —daide Jesús.

<sup>4</sup> Ie llófuegamaci uai otíaioi:

—Benó bu ñénanoza ¿minícana íaioi ecáredicai?

<sup>5</sup> Jesús íaioimo jicánote:

—¿Niga panes ómoimo ite? —daide.

Jira afémaci daidíaioi:

—Siete panes caimo ite, —daidíaioi.

<sup>6</sup> Ie jira nana comini ana éniemo ráiitate. Iemo Jesús afe siete panes llínuano, Juziñamuina “Figora” daide. Daina mei, afe panes ditade. Daí ñeta, ie llófuegamacimo ite. Afe mei llófuegamaci comínido oni fecadíaioi. <sup>7</sup> Afémacimo due jiza chamu ite. Jesús Juziñamuina “Figora” dainano afe chamu fecátate. <sup>8</sup> Nana güitíaioi. Iemona ñue jeírediaioi. Ie mei güillamona fiébidino siete diga cirigai iráidiaioi. <sup>9</sup> Afe güitino cuatro milmo áinoziacade. Afe mei Jesús nana íaioi rainode. <sup>10</sup> Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

*Fariséuai uai dánamona comuide onótate raa jicadíaioi*

(Mt 16.1-4; Lc 12.54-56)

<sup>11</sup> Iemona fariséuai Jesumo júfiduaibitiaioi. Ie facátaiacadiaioi. Iemona: “Monámona uaido comuide onótate raa caimo ácatari,” daidíaioi. <sup>12</sup> Iemo Jesús comeci zúurenamon a izire zegóricailano daide:

—¿Níbái mei bie nairai uáimona comuide onótate raa jicadíaioi? Uáfueña ómoimo lloticue, jaca onótate raana bu ómoimo fínoñeite, —daide.

<sup>13</sup> Jira Jesús íaioi fíiano meine nocaemo jaide. Iemo jorai enéfénemo jaide.

*Fariséuaimo ite pan aillo fáitate raa izóidifuedo Jesús llote*

(Mt 16.5-12)

<sup>14</sup> Jesús ie llófuegamaci diga íaioi jailla llezica, íaioi ráiñuái féitatiaioi. Dinó nocaemo fia daa pan íaioimo ite. <sup>15</sup> Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

<sup>16</sup> Iemo llófuegamaci dani conímamo llotíaioi:

—Níbái cai pan ñena jírari, Jesús caina daí riire daide, —daidíaioi.

<sup>17</sup> Jesús dani íaioi úrillana onóillano daide:

—¿Níbái mei, “caimo pan ñede” dani jofo conímamo daifírediomoi? ¿Nai fidínediomoi? ¿Nai omoi comécimo déñede? ¿Omoi comeci nai iere riírede? <sup>18</sup> ¿Omoi údo cióñnediomoi? ¿Omoi jefodo cacáñnediomoi? ¿Nai cue finócafueña onóñnediomoi? <sup>19</sup> Naui cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidíomoi? —daide.

Iemo daidíaioi:

—Doce dígagai cirigai, —daidíaioi.

<sup>20</sup> Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidíomoi? —daide.

Iemo daidíaioi:

—Siete dígagai cirigai, —daidíaioi.



<sup>21</sup> Iemo íaioina daide:

—¿Nai omoi comécimo jaca déiñede? —daide.

*Betsaida jófuemo ite uina cióñedimie Jesús jllotote*

<sup>22</sup> Ja Betsaida jófuemo dúcidiaioi. Iemo uina cióñedimie Jesumo comini atídiao. Iena jetánollena izire jicádiaioi. <sup>23</sup> Uina cióñedimie ónoído llíinota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cióide? —daide.

<sup>24</sup> Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiai izói cióidiaioi, —daide.

<sup>25</sup> Ie jira Jesús nane dáanomo ie uimo ie onoi jónete. Afe mei afémie riire eroide. Iemo ie ui ja jllode; ja afémie naga raana uáfodo ñue ciode. <sup>26</sup> Ie mei Jesús ie jofomo ie orede. Iena daide:

—Jófuemo jáiñeno iri. Afénomo ite comínimo, buna lloñeno iri, —daide.

*Pedro Jesús Crístona maméinafue jino ñue lloste*

*(Mt 16.13-20; Lc 9.18-21)*

<sup>27</sup> Afe mei Jesús ie llófuegamaci diga, Cesarea Filipino éniemo jaide. Afénomo ite jéenide jófuiái dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidíai? —daide.

<sup>28</sup> Afémaci uai otíai:

—Dámierie Juan Bautístadio daide. Jáimíiai Elíasdio daidíai. Ie jáimíiai jáie uai lloráimadio daidíai, —daí uai otíai.

<sup>29</sup> Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

<sup>30</sup> Iemo Jesús íaioina ocuide, aféfuena bummo llóñeilla.

*Jesús ie tíillifue fidítate*

*(Mt 16.21-28; Lc 9.22-27)*

<sup>31</sup> Iemo Jesús dama ie duere finóllifue como fueñe íaioimo lloste. Luano daide:

—Nanoide íima Jitódicueza íadi iere duere zefuítallíue. Eicomini cuena ruifruítiaioi. Daje izói lletáriraini illaini, ocuífue llófueraini diga cuena ruifruítiaioi. Omoína daidíue, afémaci cuena méineítiaioi. Mei íadi daruíamani íllamona tíllanomona meine abido caífo náidacaitíue. <sup>32</sup> Afefue íaioimo ñue jino lloste. Ie jira Pedro eneno oni Jesuna uite. Uillano Pedro Jesús íena lletade. <sup>33</sup> Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izódimiedioza. O comeci Juzíñamui mamécana ónoñede. Dama bie éniemo dúidino úrilla izói úrtio, —daide.

<sup>34</sup> Dáanomo nane Jesús ie llófuegamaci jírite, nana jáie comini diga. Íaioina daide:

—Cuedo jáiacadímie mai dama ie comeci jítaina féitari. Féitano cuedo biri. Daí cuedo bíllamona níbaí afémie tíadi afemo comeci fáinide; cuedo bírede. <sup>35</sup> Jaca ninomo íllena, dama ie abi rairuíacadímie dinó jaca raire llíicaite. Mei íadi cue ícoínia abi rairuíacañedímie meine jlluano llíicaiñeite; daje izói, cue lloga ñúefue ícoínia abi rairuíacañedímie zíñona íite. <sup>36</sup> Mei jáífodo nana éniemo ite raa caí óiadi, mei íadi afe llezica caí zíñona illíue niné féiadi, ¿nieze canócaci? ¡Canóñegacai! <sup>37</sup> ¿Níeze íbarede da come ie zíñona illafue abido óllena? Íbánide. <sup>38</sup> Mei jii, dáamie cuena meáruiaí, abido afémiena meáruítíue. Daje izói bie minícana ínoñede fiénidímaci uécomo cue lloga uaina meáruítímie, íena meáruítíue. Mei Nanoide íima Jitódicueza. Uire cue Moo aillo ñue máiriedo bíítíue. Nana ie ñuera abi imaci diga bíítíue. Aféruimo bie éniemo ite cuena meáruítinona, daje izói íaioina meáruítíue.

## 9

<sup>1</sup>Nane Jesús íaioina daide:

—Uáfuenta ómoimo lloticue. Benomo itímacimona dáarie nai íaioi tíñenia Juzíñamui aillo ie ríinodo ie illáimana fillana cíotiaioi, —daide.

*Jesús abi jíáfodo méidoficaide*

*(Mt 17.1-13; Lc 9.28-36)*

<sup>2</sup>Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi erócana afémie abi jíáfodo méidoficaide. <sup>3</sup>Ie íncuiro quenícuiirona jaide, ua iere úzerede jaillíci izói. Bie éniemo finódino íníroina afe izói úzeretanidiaioi. <sup>4</sup>Afe llezica Elías, Moisés diga Jesumo úrillana cíodiaioi. <sup>5</sup>Jira Pedro Jesuna daide:

—Llófueraima, nii cai benomo ñue illa. Daamani jofóchupi ómoiena cai finolli, daa óchupi, jíáie Moisés ichupi, jíáie Elías ichupi, —daide.

<sup>6</sup>Afe daáonomo ie llófuegamaci iere jacínaificaidiaioi; jacínaillano Pedro nie izói dáinana onñenano daí daide. <sup>7</sup>Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

<sup>8</sup>Afe llezica, nágafene eróroidiaioi íadi íaioi diga buna cíóñena, dama Jesús.

<sup>9</sup>Idumona ana bitíaoimo Jesús afe íaioimo cíónafue jíáímacimo llúana rairuide. Íaioina daide:

—Nanoide íima Jitódicue. Uire cue tíillinomona meine abido cáadimiena cue illíruimo afe omoi cíónafuenta llóreitíomoi, —daide. <sup>10</sup>Ie jira aféfuemo dani comécidiaioi. Mei íadi afémie tíillinomona abido cáadimiena illífuena jíacánofirediaioi:

—¿Mínícana íite? —conímana dani daídíaioi.

<sup>11</sup>Ie mei Jesumo jícanotiaioi:

—¿Nibái mei ocuífue llófueraíni daíífrediaioi, caína illáimaite Mesías dainámie uícodo Elías raire biite? —jícanotiaioi.

<sup>12</sup>Afémie uai ote:

—Iere uafue Elías raire cue uícodo bite. Ua billano nana meine ñue jácina fínuaíbite. Iemo, mei Nanoide íima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. <sup>13</sup>Mei íadi ómoína daídícue, Elías ja bite. Dani afémaci óiacana izói afémiemo finódiaioi. Mei Cuegáuai uícomo daina izói, afe izói ja afémiemo zuíde, —daide.

*Jesús fiénidena joríaírede dúemie jíllotate*

*(Mt 17.14-21; Lc 9.37-43)*

<sup>14</sup>Ie mei ja jíáie llófuegamaci íllánomo Jesús daamani caifónedumo uigámaci diga meine bitiaioi. Billano aillo comini íaioimo gairíllana cíodiaioi. Ocuica uai llófueraíni daáonomo íte. Afe llezica afémaci Jesús llófuegamacimo júfidotiaioi. <sup>15</sup>Ie mei Jesuna cíóillano iere fáigacaidiaioi. Afémiemo aizícana uáiduaidiaioi. <sup>16</sup>Ie jira Jesús ie llófuegamacimo jícanote:

—¿Mínica afe ocuica uai llófueraíni júfidotíomoi? —daide.

<sup>17</sup>Afénomo itímacimona daa uai ote:

—Llófueraima, benó omo cue jitó atídícue. Fiénide joríaí afémie uáinino fínode.

<sup>18</sup>Náganomo ie jáiadi afe joríaí ie uánona ana dotáfírede. Ja dinomo fuedo mulléírede; afe llezica ízie mutúricaide. Iemona ie abi iere naillíbicaide. O llófuegamacimo fiénide joríaí jino óllena jícadícue, íadi afémaci ónidiaioi, —daide.

<sup>19</sup>Jira Jesús uai ote:

—¡Aíii, Juzíñamuimo íínoñedímaci! ¿Nie dinó ómoiri íitícue? ¿Nie dinó ómoína mozóitícue? Bené dúemie ati, —daide.

<sup>20</sup>Jira atídíaioi. Afe joríaí Jesuna cíóillano, afe dúemie abi meine cuidítate. Cúdíamona afémie éniemo baíide. Dinomo jabíoicaide. Fuedo mulléioide. <sup>21</sup>Jira Jesús ie momo jícanote:

—¿Ja nié dino daií ite? —daide.

Jira moo daide:

—Jaca ie dúenamona. <sup>22</sup>Diga ícaíño fiénide jóríai afémie iraimo dotáfirede. Daje izóí illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

<sup>23</sup>Jesús íena daide:

—¿Nibái mei “O finóreniadi cai cano” cuena daidio? Daií daiñeno iri, mei Juzíñamuimo ñnotimiemo naga raa finóredeza, —daide.

<sup>24</sup>Ie jira afe úrue moo caillíoicaide:

—¡ñnoticue! Cue cano jamánomo cue íñolleza, —daide.

<sup>25</sup>Jesús aillo comini ofillana cióillano, fiénide jóríai riire lletade. Daide:

—Uáñitade jóríai, cacáitañede jóríai, o jino jáillena ja ocuádicueza, ¡jai! ¡Bie úrue fáinocai! Meine abido íena oñeno iri, —daide. <sup>26</sup>Iemona jóríai caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíde izóí finode. Jira aillo comini:

—Ja tíide, —daiáfaioi. <sup>27</sup>Mei íadi Jesús ónoído llíñota caifo dúemiena naidánete. Iemona afémie ñue jálloda náidacaide.

<sup>28</sup>Ie mei Jesús daa jofomo jofo jaide. Afe mei ie llófuegamaci eneno íemo jicánotiai:

—¿Nibái mei fiénide jóríaina ónidicai? —daiáfaioi.

<sup>29</sup>Jira Jesús daide:

—Bie izóí jóríai dama Juzíñamuimo úrillado, íemo íñmairillado jino orérede, —daide.

*Jesús ie tíillifue meine fidítate*

*(Mt 17.22-23; Lc 9.43-45)*

<sup>30</sup>Afénomona íaioi jaillano Galilea éñiedo jáidiaioi. Jesús báinino jáiacade bu óñoñeil-lena. <sup>31</sup>Mei aféruillaído Jesús ie llófuegamacimo llófullofuedeza. Afémiemo zúillifue íaioimo llote. Lluano íaioina daide:

—Nanoide íima Jitódicueza íadi uire náiraímo izájillicueza, cue íaioi fállena. Mei íadi daruíamani cue tíillanomona meine abido cáadimiena íitícue, —daide. <sup>32</sup>Mei íadi afémaci ie dánana onóñediaioi. Daje izóí íemo jicánuana jacíruítiaioi.

*¿Bu iere jamánomo áillomiena?*

*(Mt 18.1-5; Lc 9.46-48)*

<sup>33</sup>Iemo afémaci Capernaumo dúcidiaioi. Jofomo íaioi illa llezica, Jesús íaioimo jicánote:

—¿Minícáfue iomo júfidotiemoi? —daide.

<sup>34</sup>Mei íadi jaca uaina oñédiaioi. Mei jae iodo júfidotiaioi, ¿bu cáimona jamánomo áillomiena illa? <sup>35</sup>Ie jira Jesús ana ráinaillano, ie doce diga llófuegamaci jírrite; daide:

—Dámie raire uieécodo áillomiena jáiacaniadi, nano fueñe iere jamáimiena írede; daje izóí nana comini canóraimana írede, —daide.

<sup>36</sup>Iemona Jesús daa úrue llíñuano íaioi cígimo jóonete. Ie mei ie ónoído íena llirínuano comínina daide:

<sup>37</sup>—Bie úrue cue mámecido llíñotimie dájena cuena llíñote. Daje izóí cuena llíñotimie dama cue llíñoñede, mei íadi cue orédimiena cue abido llíñote, —daide.

*Caina éoñedimie cai dibénemo ite*

*(Mt 10.42; Lc 9.49-50)*

<sup>38</sup>Iemo Juan Jesuna daide:

—Llófueraíma, dámie ciódicai o mámecido fiénide jóríai jino orede. Mei íadi caido jáíñena jira íena rairuídicai.

<sup>39</sup>Mei Jesús daide:

—Rairuíñeno iri. Mei daií cue mámecido ciórainina raa finódimie ñúemie. Daií finódimie afe ínuva méifomo raire cuedo fiéni úrinide. <sup>40</sup>Mei caina éoñedimie ua cai

dibéfodo itímie. <sup>41</sup>Jiáie come cue mámeçido omoi jirótaadi, mei Crístomo omoi jainaina jira, afe jirótatimie uáfueña ie jiríðolle raa llíinoite, —daide.

Fiénidifuemo baiñllena iere jacírede  
(Mt 18.6-9; Lc 17.1-2)

<sup>42</sup>Jiáie come, bie cuena ínote dúemie fiénidifuemo baiñtaiadi, afe come fiénide. Baiñtatimiemona figura, cimoimo áillue nofícina cúinano monáillaimo dotárede. <sup>43</sup>Dama o onoi fiénidifuemo o baiñtaiadi, afe o jaitari. Júbezi onoi ðiga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaiaði, iere figóñede. Afénomo ite irai dúitanide. <sup>44</sup>Afénomo ite aigíroiái tíñediaoi; afe aigíroi, afeno itímacina ziiñona duere fínoitiaoi. Afe irai jaca dúíñede. <sup>45</sup>Daje izói o idai fiénidifuemo o baiñtaiadi, áfena jaita. Júbene íðainide o illa llezica ziiño ñue illafue Juzíñamuimona o maiñóadi, jamánomo ñuera. Mei jáifodo iraimo o dotábicaiaði ñue mena íðairedimie o íadi, iere figóñede. Afénomo ite irai dúitanide. <sup>46</sup>Afénomo ite aigíroiái tíñediaoi; afe aigíroi, afeno itímacina ziiñona duere fínoitiaoi. Afe irai jaca dúíñeiteza. <sup>47</sup>Daje izói o uiji ona íáidaitaiadi, mai afeji cuerónori. Ua júbene fíidimie Juzíñamui illáimana illánomo o jáiadi, jamánomo ñuera. Mei íadi nágaillinoi uñjeredimie o illa llezica, iraimo o dotábicaiaði iere figóñede. <sup>48</sup>Afénomo ite aigíroiái tíñeitiaoi; afe aigíroi afeno itímacina ziiñona duere fínoitiaoi. Afe irai jaca dúíñede.

<sup>49</sup>Mei nana fia fecaca Juzíñamui íóbitalle jobaica rílleniaimo salna jónefirediaoi, afe fecaca rille ñue íllena. Daje izói nana raamo cai jírínafuiaido ñue íredicaí. Aféfuiaí irai come uzilla izírena izói caína izi cácataite, Juzíñamui anamo ñue cai íllena. <sup>50</sup>Sal ñuera; mei íadi afe sal ie cámana féiadi, ¿minícado afe sal meine abido cámacaitarede? Mai dani conímaiaña caimátaillafue ðibénemo omoi iri. Afe llezica comeci caimare uái illáfueño dani conímaiaña ífireiri.

## 10

Jesús, naga come ie aina oni dótana rairuide  
(Mt 19.1-12; Lc 16.18)

<sup>1</sup>Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano ðinó meine abido gairízaibitiaoi. Iemona Jesús ie ífírena izói íaioina llófue. <sup>2</sup>Iemo fariséuaimona dáarie Jesuna fieni facátaibitiaoi. Jesumo jicánotiaoi:

—¿Mei nibai dáamie ie aina oni dótajana rairuírede, nibai ráiruñega? —daíðiaoi.

<sup>3</sup>Iemona Jesús uai ote:

—¿Ñiie izói Moisés ómoina ocuide? —daide.

<sup>4</sup>Jira íena daíðiaoi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúere. Ie mei daí oni dotárede, —daíðiaoi.

<sup>5</sup>Iemo Jesús íaioina daide:

—Moisés afe uaina ómoimo llote, mei omoi comeci ífue iere ríredeza. <sup>6</sup>Mei íadi nano fueñe, Juzíñamui nana ráaniaña comuítaja llezica, “afémie iima ðiga íaillínoina comuítate.” <sup>7</sup>“Ie jira naga iima, ie ai úamona, ie moo ei ðiga fiénocaillano, oni dáanomo ítiaillinoi. <sup>8</sup>Daí ie ai onónamona afe íaillinoi daa come izóidena jáitiaillinoi.” Ja mena cómeñeíiaillinoi, dama daa cómedeza. <sup>9</sup>Ie jira Juzíñamui dáanomo jónegaiaillíno, comini oni dotánide, —ðinori Jesús daide.

<sup>10</sup>Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaoi. <sup>11</sup>Jesús íaioina daide:

—Afe ai oni dotádimie jiáie ai óllena, dotaca ringo ðibénemo afémie jiruífue finode.

<sup>12</sup>Daje izói ini oni dotáðingo jiáimieño íñreíllena, afengo jiruífue finode.

*Jesús úruiaí ñue íllena ñnode*  
(Mt 19.13-15; Lc 18.15-17)

<sup>13</sup> Ie mei Jesumo úruiaí atídiaoí, íaioimo ie onoi bitállena. Mei íadi llófuegamaci atídinona rairuide, íaioi átíneíllena. <sup>14</sup> Jesús áfena cíóillano ríicaide; jira íaioina daide:

—Rairuíñeno iri. Fáinocai úruiaí cuemo bílleza. Íaioina llótaidoñeno iri. Juzíñamuimo jaináidino ua afe bie úruiaí izóí itíaioiza. <sup>15</sup> Uáfueña ómoina daidícue, Juzíñamui illáimana íllana jíeruiredicai. Uruiaí áfena jíeruilla izóí jíeruiredicai. Mei íadi nana afe izóí jíeruíñedinona Juzíñamui ie caimare illínomo jofo óreñeite.

<sup>16</sup> Iemo úruiaína llirínuano, ie onoi íaioimo bíitano íaioina ñue ñnode.

*Ráarede jítocome Jesús diga úrizaibite*  
(Mt 19.16-30; Lc 18.18-30)

<sup>17</sup> Jesús meine abido jáizaidemo, dáamie aizícana Jesús anamo dújuzaibite. Dújuillano jícanote:

—Ñue Llófueraima, ¿nie izóí íitícue zíñona cue illino cue óllena? —daide.

<sup>18</sup> Jira Jesús daide:

—¿Ñibái mei cuena fígomie daidío? Ímamona buna fígomierna íñede. Dama Juzíñamui fígomie. <sup>19</sup> Ocuícafuiaína onódio:

“Jiáíma ai diga íñeno iri;  
come fañeno iri;  
meríriñeno iri;  
bumo taino lloñeno iri;  
jíáíma jífueñeno iri;  
o moo, o ei diga ñue cacáreiri,” —Jesús daide.

<sup>20</sup> Afémie uai ote:

—Llófueraima, nana aféfuiaína cue jítocomenamona jeire ófiredícue.

<sup>21</sup> Jesús afémiemo éroicaillano íena izírúite; daide:

—O dafue nai jeire onédio. Mai nana omo ite raa fécajiri. Fécajano afe iba dúeredimacimo ine. Iemona jamánomo jíridolle izoide raa monamo omo iite. Daí o íinolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

<sup>22</sup> Mei íadi áfena cacáillano, afe íima zúucaide. Ua zuure oni jaide, aillo ie ráaniai illa jira.

<sup>23</sup> Ie mei Jesús abido comínimo éroicaillano, ie llófuegamacina daide:

—¡Nii féirena ráaredímie Juzíñamui illáimana illáruimo jofo jáillena! —daide.

<sup>24</sup> Jira llófuegamaci aféuairi íere fáigacaidiaoí. Jesús meine nane daide:

—¡Uruiaí, nii féirena úcubena íñotino Juzíñamui illáimana illáruimo jofo jáillena!

<sup>25</sup> Camello eedo uífodo jailla jamánomo juánide, mei íadi ráaredímie Juzíñamui illáimana illáruimo jailla íere juárede, —daide.

<sup>26</sup> Afena cacáillano, jacínaiífcaidiaoí. Dani conímamo jícanotiaoí:

—¿Mei bu jíllóille? —daidíaoí.

<sup>27</sup> Jesús íaioimo eróillano daide:

—Afena comínimo íinónide; mei íadi Juzíñamuimo íinórede. Juzíñamuimo íinónide raana íñede, —daide.

<sup>28</sup> Jira Pedro íena daide:

—Ocuíraima, nana caimo ite raana ííenocaidicai o diga cai jáillena, —daide.

<sup>29-30</sup> Jira Jesús uai ote:

—Uáfueña ómoina dáitícue, naga come cue ícoínia íemo cue lloga jíllonafue ícoínia diga, ie jofo, ie ámatiai, ie mirínguái, ie moo, ie ei, ie jíotíai, ie jacáfaiai díeze afémie ííenocaiadi, uáfueña meine llínoite. Ja bie éniemo cien dígacaiño afe baimo jofue, ámatiai, mirínguái, éítiai, jíotíai, jacáfaiai llínoite. Uafue, díeze llínoite duere zefuíllafue diga íadi. Ie mei monamo zíñona illino llínoite. <sup>31</sup> Aillo biruílláido nánoramaci uire

ódaidimacina jáitíai. Daje izói aillo biruállaido ódaidimaci uire nánoraimacina jáitíai, —daide.

*Dáanomo Jesús ie tíillífue lloste*  
(Mt 20.17-19; Lc 18.31-34)

<sup>32</sup> Ja Jerusalén iodo jáizaidíai. Jesús ie llófuegamaci úcodo jaide. Comeci iere facábicaidíai. Jáie íedo jáidino jacíruioicana afémiedo jáidíai. Jira Jesús doce diga llófuegamaci eno uáidote. Ianori íllamona íemo finóllífueña abido íaioimo lloste.  
<sup>33</sup> Daide:

—Mai omoi cacai. Nanoide íima Jitódícueza. Jerusalem jáizaidícai. Mei íadi dinomo lletáriraini ílláiníaimo izájíllícue. Daje llezica ocuica uai llófuerainímo izájíllícue. Temo afémaci cue titállena ócuítiaí. Onínemacimo cuena izájítiaí. <sup>34</sup> Cueri jífánodoítiaí. Cúena tícoítiaí. Cue túallaitiaí. Cue títaítiaí. Mei íadi daruíamani íllamona tíllanomona meine abido cáadimíena íítícue, —daide.

*Santiago Juan diga uire úcoinafue Jesumo jícadíallíno*  
(Mt 20.20-28)

<sup>35</sup> Afe mei Zebedeo jíto íaíllíno Santiago Juan diga, Jesumo jícajídíallíno; daídíallíno: —Llófueraima, coco jícalles jítaigafueña cócomo lloiri, —daídíallíno.

<sup>36</sup> Iemona Jesús íaíllínoína daide: —¿Mínica mei ómicoímo cue finóllena jítaídiomícoí? —daide.

<sup>37</sup> Iemo íena daídíallíno: —Uire o ebírede ílláimána íllíruido, cócomona dáamie o nabézimo, jíáimie o jaríféizimo cócona o ráinatari, —daídíallíno.

<sup>38</sup> Iemona Jesús íaíllínoína daide:

—Daí jícaídiomícoí íadi abina onóñediomícoí. Cue duere zéfuíllífue izói, ua erírede jírolle jírua izói, ¿zéfuirediomícoí? Daje izói cue izire tíizáíllífue izói, ¿tíizairediomícoí? —daide.

<sup>39</sup> Iemo uai otíaíllíno: —Íe mei! Afena ocuíredicoco, —daídíallíno.

Jira Jesús íaíllínoína daide:

—Uáfueña dáíítícue, cue duere zefuíllífue izói, duere zéfuitiomícoí. Cue izire tíille izói, tíítíomícoí. <sup>40</sup> Mei íadi cue nabéfenemo, cue jarífenemo ómicoí ráinallena, cúemona llónide. Afe ráinallíno dama Juzíñamui maméinamacimo dúide, —daide.

<sup>41</sup> Jáie diez diga llófuegamaci afefue cacáíllano, Santiago Juan dígamo ícírítiaí. <sup>42</sup> Iemo Jesús íaínoína jíírrillano, íaínoína daide:

—Onódiomoiza, náíraíaimo ílláimaífredíno riire ocuídílláini dani jáidíai, comínina náamatallena. Afélláini cígiri ite ríimaci, íaíno ríinona izire comínímo cácatatíai. <sup>43</sup> Mei íadi omoi cígiri afe daí íñeítíomí. Mei jíáífo do omoi díbénemo ílláimána íacadímie, omoi canóífredímíena jáirede. <sup>44</sup> Daje izói ómoimona ocuíacadímíena íacadímie, nana jíáímaci anamo íaíno íájítigamíena írede. <sup>45</sup> Mei jí, Juzíñamui oreca Nanoide íima Jitódícueza. Mei íadi jíáímaci cuena canóllena bíñédícue. Mei jíáífo do nana comínina cánuabítícue. Uafue áíllomaci íaíno ífíenídífuemona zuitalle izói, íaínoína cue jíllotallena tíizaíbítícue, —dínoiri Jesús lloste.

*Jesús únídímie Bartimeo jíllotate*  
(Mt 20.29-34; Lc 18.35-43)

<sup>46</sup> Jae Jericomo dúcídíai. Afe jófueмона Jesús jíno jáidemo ie llófuegamaci diga, naa aillo comíniri, únídímie ío fuemo ráíide. Afémie Tímeo jíto, Bartimeo. Díno afémie úcube jícáfírede. <sup>47</sup> Nazaret ímie Jesús áínozillano fídííllano, únídímie jííroicaide:

—Jesús, jáiaí ílláima David Jító, cuemo dúceai! —daide.

<sup>48</sup> Aillo comíní íena ráiruídíai íe líícaíllena; íadi jaca nai jamánomo jííroide:

—¡David Jitó, cuemo dúecai! —daide.

<sup>49</sup> Ie jira Jesús uái náidaiillano daide:

—Afémie uaido, —daide.

Jira uínidimie uáiduano íena daidíaioi:

—Abi mame. Náidacai. O uáidoteza, —daidíaioi.

<sup>50</sup> Jira ie emódoiroi duíñuano iere raire náidacaiillano Jesumo bite. <sup>51</sup> Jira Jesús íemo jicánote:

—¿Minica omo cue finóllena jitáidíoi? —daide.

Jira uínidimie uai ote:

—Llófueraima, cue úreacadícue, cue eróllena, —daide.

<sup>52</sup> Jesús íena daide:

—Mai o jairi. O íñuamona jae jíllodioza, —daide.

Afe llezica uínidimie ciode. Iemona Jesús jáillado afémie jaide.

## 11

*Jesús illáimana Jerusalemo jofo jaide*

(Mt 21.1-11; Lc 19.28-40; Jn 12.12-19)

<sup>1</sup> Jerusalemo áinozillamona, Jesús mena llófuega íaillínoi úcomo orede. Jae Betfagé jofue, íemo jíái Betania jofue diga áinomo itíaioi. Dáanori Olivo daina ídumo itíaioi. Íaillínoi óriano daide:

<sup>2</sup> —Úcomo ite duera jófuemo ómicoi jai. Omicoi dúcille llezica cuinaca duera búrrona íoitiomicoi. Nai áfedo buna ráiiñena. Zúitajano cuemo ati. <sup>3</sup> Bu ómicoimo jicánoiadí ¿nibái ómicoi zuitaca? íena dáitio: “Ocuíraima Jesús jitailla jira. Ie mei raire meine omo atille,” —daide.

<sup>4</sup> Afe íaillínoi jaillano jino naze fue iori cuinaca búrrona baizájidiaillínoi. Afe zuitadí-aillínoi. <sup>5</sup> Dáamie dño itínomona íaillínoína daide:

—¿Minica ñetiomicoi? ¿Níbái burro zuitádiomicoi? —daide.

<sup>6</sup> Jira uai otíaillínoi Jesús íaillínoína daina izói. Ie jira:

—Jii, mai ui, —daidíaioi.

<sup>7</sup> Iemona búrrona Jesumo izájidiaillínoi. Izájillano íaioi íncuirona burro emodo jobédiaíoi. Ie mei dínomo Jesús caifo ráinade. <sup>8</sup> Aillo comíni íaioi íniroi iomo jobédiaíoi. Jíáimaci íbiairede amena rábaillai otá iomo jóonetiaíoi. <sup>9</sup> Úcoídímaci ódaidímaci diga jíríioicaidiaíoi:

—¡Ebírede! ¡Juzíñamui mámedido bitímie caimáreficairi! <sup>10</sup> ¡Como íacade illáimana illíno caimare comuiri! ¡Ua cai jaiáigima comuídimie David illáimana illíno ñue móonairi! ¡Juzíñamui ebírede rafue daíri! —daidíaioi.

<sup>11</sup> Ja daí Jesús Jerusalemo jofo jaide. Jaillano Juzíñamuimo gairíracomo jaide. Ná-gafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

*Jesús llizíñede higuera daina amena faidode*

(Mt 21.18-19)

<sup>12</sup> Afe jíáiruideo Betániamona jino abido billano, Jesús jufíruite. <sup>13</sup> Macádiaíoi ñue íbiairede higuera aménana Jesús jicana ciode. Iemona dínomo jaide afénamona níbai ie llizíllajaina óllena. Mei íadi Jesús dúciillano, hígojiaina baiñede. Afe amena táinona fia íbiairede, mei aféruimo hígonino nai dúciñedeza. <sup>14</sup> Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajaina ríeñeiteza, —daide.

Daí íe daínana ie llófuegamaci cacádiaíoi.

*Juzíñamui gairíraco Jesús duano ñue finode*

(Mt 21.12-17; Lc 19.45-48; Jn 2.13-22)

<sup>15</sup> Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino ibárioidino diga jino júuaide. Ucube méidoraini ibani Jesús caitade, fíicirillai fecádino ráiiraniai diga. <sup>16</sup> Afe gairíracomo buna minicana úinellena afémie rairuide. <sup>17</sup> Iaioi llófujete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi merítino illano jae afénona finódiomoi, —daide.

<sup>18</sup> Lletáriraini illaini, ocuúcafue llófueraíni diga afe ie finócafuenta fidídíai. Iemona afémie fállena jenódíai. Iena jacírúitíai, afémie llófueinafuerei nana nairai iere fáigacaíza. <sup>19</sup> Ja nauízaidemo Jesús afe jófueмона jino jaide, naa ie llófuegamaciri.

*Naui ciona higuera amena jae zaférede dúraína jaide*

*(Mt 21.20-22)*

<sup>20</sup> Afe jíáíruido, jítiramo meine abído Jerusalemo íaioi billano, naui ciona higúerana abído ciódíai, mei íadi birui afe amena nana ie jáinauairi zaférede dúraína ja jaide. <sup>21</sup> Iemo Pedro comeci úbicaillano, Jesuna daide:

—¡Llófueraína, eró! O faidoca higúerana ja dúraína zaféreficaide, —daide.

<sup>22</sup> Jesús íaioimo uai ote:

—Juzíñamuimo mai omoi íinofireiri. <sup>23</sup> Uáfuenta ómoína dáitícue, dáamie jíjíñeno nana ie comécido ínuamona, bie caifóneduna ocuúcana daííadi, “Benómona oni ii; jóraimo dotábicaíri,” afe ie dáinana ua zúite; afémie jeire ua llezica, afefue daí afémiemo íficaite.

<sup>24</sup> Ie jira ómoína dáitícue, Juzíñamuimo omoi úrillano jícaaca raa, ja níbai o líínoga, áfena mai o íinofireiri. Iemona afe jícaaca raa óitíomoi. <sup>25</sup> Nágaruido Juzíñamuimo o úriadi, jíáimiena o éoiadi, mai íemo o comécimo ite íaífue féitari. Daí o finori, monamo ite omoi Moo Juzíñamui ómoimo ite íaífuaí dólle. <sup>26</sup> Iadi o abí ímie íba omoi óiadi, monamo ite omoi Moo Juzíñamui, ómoimo ite íaífuaína dóñeite.

*Jesumo ocuille uai ite*

*(Mt 21.23-27; Lc 20.1-8)*

<sup>27</sup> Iemo Jerusalemo abído bitíai. Jesús gairíracomo maca llezica, lletáriraini illaini íemo ánozídiaioi. Afe llezica ocuica uai llófuetino afémiemo gairídíai, éicomini diga. <sup>28</sup> Nana íemo jícanotíai:

—¿Bífuíai fínuana, bu o ocuilla? ¿Bu ríinodo bie raa finódio? —daíí daídíai.

<sup>29</sup> Jesús íaioi uai ote:

—Omoimo daa rafue jícanoitícue. Cuemo uafue omoi llóadi, bífuíai cue finoca ríino ómoimo llóitícue. <sup>30</sup> ¿Bu mei ocuica báutizallena Juan? ¿Juzíñamui níbai ocuica, níbai comini? Mai fáirio, —daide Jesús. <sup>31</sup> Ie mei afémaci dani júfidotíai; daídíai:

—Juzíñamui ocuica caí daííadi, Jesús caina fairíoite: “Iemona ¿níbai mei íemo íinoñediomoi?” <sup>32</sup> Mei íadi comini ocuica, daínidícaí, —daídíai.

Comínina jacírúillano daí úritíai. Ja onódíaióza, nana comini Juamo íue comécídíai: “Ua Juzíñamui uaido Juan úrite,” daídíai.

<sup>33</sup> Iemona Jesuna daídíai:

—Onóñedícaí, —daídíai.

Ie mei Jesús íaioína daide:

—Níe ríinodo bie raa finódícue, dajé izóí ómoimo llóñeítícue, —daide.

## 12

*Comini fáfirede tájídino jíáifuena caina onótate*

*(Mt 21.33-46; Lc 20.9-19)*

<sup>1</sup> Iemona Jesús íaioi onógafuaíaido íaioimo úrizaide; íaioína daide:

—Naui dáamie jíricónai izoide raa rizájide. (Afe jíricue izoide raa ríinano viñédona mameína.) Afémie afe rillano ie abí cirínora finode. Ie mei afe jíricóna eroide úvaíai



zaizáraco finode, afe llizilla iji íaiói óllena. Nane are caifo jacafai cigi úiñoraco afémie nite, afe rigano ñue úiñollena.

<sup>1</sup>Le mei afe énie naama dáarie táijitaganomo ie rigano fecade, áfena íaiói úiñollena. Afémie daíí fécano oni jica jíáie éniemo jaide. <sup>2</sup>Jíriconino llezica, ritímie ie ocuícamié afe táijitagamacimo orede, íeiena mameide llizíllajíai dieze óllena. <sup>3</sup>Mei íadi afe uáibitimiena llaitádiaioi; lláitano íaiói faga. Daíí ñeta ria íemo fecáñeno oni fena orédiaioi. <sup>4</sup>Ie jira afe naama nane jíáie ocuícamié orede. Mei íadi afe orécamiéna nófiedo níjidiaioi. Níjiano ie ifona íaiói bofeca. Iemo fieni fena úritiaioi. <sup>5</sup>Daje izói nane jíáimie orede. Afémie íaiói titaca tíide. Afe mei diga icaiño aillo jíáie ocuícamiéiáíi dinomo oréoié. Afe orécamacimona dámierie fia faga; jíáimaci tícoizitiaioi.

<sup>6</sup>“Nai dáamie naama dibénemo ite. Daa afe naama jitona fiébite; iere ie izíruigamie. Iiraicaíño ie jitó orede. Comecí facade: “Afémaci ñue íemo coméciillano fena ñue íñoitiaioi; ie dáina uaina jeire óitiaioi,” daide. <sup>7</sup>Mei íadi táijitagano dani afémaci úritiaioi: “Bímie nibai ie moo feci raa máíñoitimie. Mai ie cai faa, ie mei cai náamatallena.” <sup>8</sup>Ie jira íaiói llaitaca; íaiói titaca tíide. Ie mei ie abi raíñeno afénomona oni dotaca.

<sup>9</sup>Ie mei Jesús jícanote:

—¿Nie izói bie énie naama afe fiénidinona fínoite? Billano afe táijitaganona títaite. Ie mei afe jíricore izóidino jíáie úiñoraimacimo fécaite.

<sup>10</sup>“¿Jaiái Cuegáuaina nai facádoñediomoi? Afe uai bie izói daide:

Jofo níraíni oni fádoica nófie, ja ñuera jíailliraina jaide.

<sup>11</sup>Bie cai Ocuíraíma finoca.

Iere jamánomo ebire caimo cíoié.

Dinori Jesús úrite.

<sup>12</sup>Iemona Jesuna llaitáacadiaioi, llavéllena. Mei ja onódiaioiza, Jesús bie onóigafuedo íaioína uátate. Mei íadi comínina jacíruillano, Jesús jetáñeno fena fiédiaioi. Fíiano oni jíáinomo jáidiaioi.

*Gobierno íbátaga úcube cai íbállena Jesús llote*

*(Mt 22.15-22; Lc 20.20-26)*

<sup>13</sup>Afe mei fariseo illáicomíni afémacimona dáarie Jesumo orédiaioi. Daje izói Heródemo jaináidinomona orédiaioi, Jesuna úritallena, afe ie uaido taino íeri nitállena. <sup>14</sup>Bimaci billano fena daidíaioi:

—Llófueraíma, onódicaíza jíáimaci ie lloga uai íñoñeno, o jaca uáfuenta úrifiredio. Comíni jínofene cóna izói riire jícanoñedio. Mei jíáífodo Juzíñamui lloga cai ñue illafue jífueñeno jino llófuetio. ¿Mei iere riiredillaíma ocuica úcube íemo fecáredicaí, nibai fecánidicaí? ¿Afe cai fecállifue figora, nibai figóñede? —daidíaioi.

<sup>15</sup>Mei íadi Jesús íaiói uáfodo úriñenafuena onode. Ie jira íaioína daide:

—¿Nibái mei cue jánari táinona úritiomoi, cue llaitállena? Daa úcubetuni cuemo ati, cue eróllena, —daide.

<sup>16</sup>Afétuni atídiaioi. Afe eróillano Jesús íaioímo jícanote:

—Bie uieco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Rííredillaíma ie, —daidíaioi.

<sup>17</sup>Iemo Jesús íaioína daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comecei jíáífoficaidiaioi.

*Tíidino meine abido cáadena íllena jícanotiaioi*

*(Mt 22.23-33; Lc 20.27-40)*

<sup>18</sup>Ie mei saduceo imaci dáarie Jesumo úrizaidiaioi. Bimaci tíidino meine abido cáallena lloñediaioi. Ie jira bie taino lloga rafue Jesumo jícanotiaioi. Nai jícanoñenia fueñe daidíaioi:

<sup>19</sup>—Llófueraíma, Moisés jaiáimona caímo cuegáuai daide: Daa iima áiredímie ie úrue nai iñena llezica tíadi, ie ama afe ofaiño óite. Aféngomona daa jitó comuírede ie ama tíidímie fena. Daií daina mei jicánotiaioi:

<sup>20</sup>“Mei nauí siete dígade ámatiai cai cígimo ite. Nanóidímie áirede. Afémie jitónino tíide. <sup>21</sup>Nanóidímie emodo ímie ie ama fecingo ote. Daje izói jitónino tíide. Daje izói nanóidiaillinoi emodo ímie afe fecingo uano jitónino tíide. <sup>22</sup>Nana afe siete dígamiaí nanóidímie fecingo otfaioi. Afémacimona daa jítone comuírede. Afe ícoímo afe fecingo tíide. <sup>23</sup>Ie jira meine abido cáalliriuimo ¿bumo aféngó dúide? Mei siete dígamie daango otfaioiza, —daífaioi.

<sup>24</sup>Mei jira Jesús fairíote:

—Omoi onóñeno fieni comeci facádotíomoi, mei Juzíñamui Cuegáuaina onóñediomoiza. Daje izói ie ríinona onóñediomoiza. <sup>25</sup>Mei tíidino meine abido cáaille llezica aina óñeitiaioi. Afe izói íaioi jízaniaina iníretatañeitiaioi, mei monamo ite Juzíñamui abí imáciai izóitiaioiza. <sup>26</sup>Mei íadi tíidino meine abido cáallífue dibénedo llogáfuena ¿nai facádoñediomoi? Afefue Moisés cuegánicomo ite. Aféruimo Juzíñamui Moísemo boode raroci cígido úrite. Bie izói fena daide: “Dáanomo Abraham íinoga Juzíñamuidícue, Isaac, Jacob díga, mei biruí afémaci cue illánomo cue díga cáadiaoiza,” daií Juzíñamui daide. <sup>27</sup>Iemo Jesús nai daífoide: Mei ua inéidino Juzíñamuiñedeza; mei íadi jíáfodo cáadímaci ie Juzíñamui. Daií bífuena omoi baitáñenia iere féiraitiomoi, —Jesús ja dínomo daide.

*Iere jamánomo íinorede caímo ocuica uai*

(Mt 22.34-40)

<sup>28</sup>Afe dáaruído ocuica uai llófueraínimona dáamie Jesumo dúicide. Jesumo gairídino nana Jesús díga úrilla uaina afémie cacade. Daje izói Jesús ñue íaioi uaina fairúana afémie cacade. Afe uai fairúana fidiillano Jesumo jicánote:

—Nana ocuica uáimona, ¿nie iere jamánomo íinorena? —daide.

<sup>29</sup>Jesús ie uai ote:

—Nana ocuica uáimona bie iere íinorede nánora uai: “Israel, mai omoi cácarei. Cai Ocuíraíma Juzíñamui jaca daade. <sup>30</sup>Mei jira nana o comécido o Ocuíraíma Juzíñamuina izírui. Daje izói o comécimo ite joreño díga izírui. Daje izói nana o ifo úrilla uaido fena izírui. Daje izói nana omo ite ríinodo fena izírui.” Be ñie nánora ocuica uai. <sup>31</sup>Afe méifoide ocuica uai daje izói jóide. Afe uai daide: “Dama o abí o izíruiella izói, afe izói o aino ímiena mai izírui.” Jíáie ocuica uai izoide bie baímo íñede, —daide.

<sup>32</sup>Iemona Ocuica uai llófueraíma daide:

—¡Ie mei! Llófueraíma, ñue daidío. O daina uafue. Uáfuena Juzíñamui daade. Afémie baímo jíáimiena íñede. <sup>33</sup>Daje izói afémiena nana cai comécido izíruiella ñuera. Ie llezica nana cai ifoci úrilla uaido fena izíruiella ñuera. Ie llezica nana cai comécimo itífuiaido fena izíruiella ñuera. Ie llezica nana caímo ite ríinodo fena izíruiella ñuera. Daje izói cai abí ímiena daní cai abí izíruiella izói, afe izói fena izíruiella jíáirede. Bie izói cai izíruiella, aillo ráifide. Ua, nana fatá Juzíñamui fia fecaca ríllenai baímo ráifide, nana Juzíñamui íóbitallena jobaica ríllenai díga, —daide.

<sup>34</sup>Iemona baitádimie izói afémie ie fairúa uaina cacáillano, Jesús fena daide:

—Juzíñamuimo dúillena ímiena íanori itio, —daide.

Afe mei jacíruiellano buna jíáfueña Jesumo jicánoñediaioi.

*¿Bu jitó Cristo? Jesús dama jicánote*

(Mt 22.41-46; Lc 20.41-44)

<sup>35</sup>Jesús gairíracomo llófullofuena llezica, comínimo jicánote:

—Onódiomoiza ocuica uai llófueraíni “Cristo David jitó” daíífrediaioi. ¿Nie izói daífrede? <sup>36</sup>Mei dama David Juzíñamui Joreñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenolliruiamo,” daií David daide. <sup>37</sup> David Crístona “cue Ocuíraíma” daiíadi, ¿nie izói afe llezica Cristo ie jitona írede? —daide Jesús. (David emodo imácimona Cristo cómuide.)

Aféruído aillo comini, caimare Jesús úrilla cacáreizaibitiaioi.

*Ocuica uai llófueraini fieni illafue Jesús jino comínimo lloste*  
(Mt 23.1-36; Lc 11.37-54; 20.45-47)

<sup>38</sup> Jesús llófullofueña llezica íaioina daide:

—Ocuica uai llófuerainimona abí omoi rairuiri. Afémaci áreña ñuera inícuiro jíitano comini uíecomo mácafírenana gáidiaioi. Afe llezica íaioi anamo comini fecáracuaimo ñue jacíruiocana íaioi uáiduana gáidiaioi. (Daje izói comini íaioi daináuai jíeruillena gáidiaioi.) <sup>39</sup> Afémaci Juzíñamui uai llófueracomo ite ñuera ráiiranona raire jíáimaci uíecodo jenófridiaioi. Afe izói comini iráiziracomo iráiziadi, afémaci iere ñuera ráiirano uíecodo maiñófridiaioi. <sup>40</sup> Afémaci fecínguai jofue naa íaioi raari bairófridiaioi; mei íadi comínimo jíáfodo afémiai cóiillena, are Juzíñamuimo úrioidiaioi, comini éroilla llezica. Afémaci iere jamánomo duere finócamacina jáitiaioi, —daide Jesús.

*Dúerede fecingo fecaca úcube jamánomo ñuera*  
(Lc 21.1-4)

<sup>41</sup> Iemo Jesús Juzíñamuimo gairíracomo ráicana eroide. Ucube dotárano uícomo ráiide. Comini afénomo úcube dotájillamo eroide. Iere ráaredino aillo úcubena dotádiaioi. <sup>42</sup> Bie llezica fecingo dúeredingo mena úcubetuni dótaibite. Bituni íainguai ‘cobre’ ie; iere due ráifide centavo izoide. <sup>43</sup> Ie mei Jesús ie llófuegamaci jíirillano íaioina daide:

—Uáfueña ómoimo llotícue. Bie dúerede fecingo úcube jóneracojimo dotaca úcube, iere jamánomo jíáimaci afénomo dotaca úcube baímo jaiide. <sup>44</sup> Nana jíáimaci úcube fiebide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

## 13

*Gairíraco uire júdaillena Jesús ie llófuegamacimo lloste*  
(Mt 24.1-2; Lc 21.5-6)

<sup>1</sup> Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofó áilluemo eroi! —daide.

<sup>2</sup> Iemo Jesús uai ote:

—Mai bie áillue jófueño ñue omoi eroi. Benomo daje emódomo nófiéna fiebiñeite. Nana oni júdaille, —daide.

*Iirairui uíecodo íitífuiai*  
(Mt 24.3-28; Lc 21.7-24; 17.22-24)

<sup>3</sup> Afe mei Olívona mameide ídumo jáidiaioi. Gairíraco uíeco díbenemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

<sup>4</sup> —Nana bífuiai o daina júdaille zuíllaruina onóiacadicaí. Mai caímo llone. Nana bífuiai fúiacana ¿nie izói caína onótaite? —daidiaioi.

<sup>5</sup> Jesús uai ote:

—Bu omoi jífueñeillena, ñue abí omoi rairuiri. <sup>6</sup> Aillo cue mámecido imaci abí jíitano bíitiaioi. “Crístodícue” dainano bíitiaioi. Afémaci aillo comínina jífueitiaioi.

<sup>7</sup> Mei íadi aillo ánnori ite fuiríllafueña, íemo jica ite fuiríllafue diga omoi fidíadi, omoi jacínaiñeno íri, mei afe daií íredeza. Mei íadi nai íirairuñedeza. <sup>8</sup> Mei aféruimo daa nairai jíái náraímo fuirízaita. Afe llezica dáazie jíáziemo jobáirizaita. Aféruillaído diga illánomo énie riire dócaite. Dáaruído aillo júbie diga éniiaído iite. Be aféfuiai comini duere zefuille táinia raa.

<sup>9</sup> ‘Mei jira abí ñue omoi rairuiri, mei riire ocuidimaci gairíllanomo omoi uítiaioiza; Juzíñamui uai llófueriracomo ómoína fáziitiaioi. Cue ícoínia riíllaini uícomo ómoína óre-  
itiaioi, jamánomo riiredillaini diga. Afe daií cue dibénedo íaioimo úritiomoi. <sup>10</sup> Mei íraírui  
nai dúciñena llezica, cai jllonafue uai nana náiraimo jino llóredeza. <sup>11</sup> Rúredillainimo omoi  
oreille llezica, omoi úrillifue mo raire uícomo comécido facáñeno omoi iri. Daje izói omoi  
coméciíllifue mo raire uícomo uibíñoñeno iri. Aféruimo Juzíñamui omoi ífomo úrilla izói,  
mai omoi daiíri, mei dani omoi úriñeitiomoi; omoi comécimona Juzíñamui ie ñuera Joreño  
úrite. <sup>12</sup> Afe llezica dáamie nahí ie ámamo fiénidífue nítano jiáimiena ie fatátaite. Daje izói  
móotiai nahí ie jitótiaína fiénidífuedo izájitaitiaioi, íaioi titállena. Afe ibana íaioi jitótiai,  
nahí ie móotiaimo fiénidífue nítano íaioi fáite titállena. <sup>13</sup> Cue ícoínia, nana comíni ómoína  
éoilano iere íáruítiaioi. Mei íadi íraírui mo jaícina Juzíñamuimo iere féitañeno ínotimie  
jíllobicaite.

<sup>14</sup> ‘Jaii Juzíñamui uai jino llóraíma Daniel daa iere íáruuga raa dibénedo cuete.  
Afe íáruítaitae raa nabene jofue júdaitaite. Afe fiénidífue na oruide raa Juzíñamuimo  
gairíracomo ite jeruícacomo jóonia llezica, Judea éniemo itino, ápera íduaimo botáre-  
diaioi. (Bibe facádímie mai ñue onoiri.) <sup>15</sup> Aféruimo o jofo jinófene idamo omoi íadi,  
jofo eromo ite ráaniaína omoi uájñeno iri; raire botari. <sup>16</sup> Jacáfaimo tájijidímie abido  
jofomo biñeno iri, ie íncuiruai óllena. <sup>17</sup> Aféruimo ite ringóniai namóci redino iere duere  
zéfuitiaioi, aizíndiaioiza. Daje izói monoi jirode duera úrue llíidíngotiai duere zéfuitiaioi.  
<sup>18</sup> ‘E jira Juzíñamuimo omoi jicari, “Nóci ílláruíllaido caína botátañeno iri.” <sup>19</sup> Bie izói duere  
zefuúlliruina jaca jaii ífinide. Ua, Juzíñamui bñie fñuamona benomo afe izóidena íñede.  
Aféruíllai méifomo afe izói íñeite. <sup>20</sup> Juzíñamui afe zúuredíruí are jóoneadi buna jílloñeille.  
Mei íadi afémie nizécanona íziruillano íanori afe zúuredíruina afémie jóoneite. Are íñeite.

<sup>21</sup> ‘Iemona aféruimo dámie ómoína daiíadi: “¡Erocái, benomo ite Cristo!” áemo íñoñeno  
iri. Daje izói jiáimie daiíadi: “Eroi, batínomo ite Cristo,” áfena íñoñeno iri. <sup>22</sup> Mei  
uafue, aféruído aillo jífueritino bíitiaioi. “Cristodicue” dáíitiaioi. Daje izói “Juzíñamui  
dibénedo úriticái” daínano comínina jífueitiaioi. Afémaci cíórainina ráaniai fñoitiaioi,  
jiáie jacíredífuiai diga, comíni jífuellena. Uafue, daje izói dama Juzíñamui nizécanona  
jífueacadiaioi, afémaci daií jífuetareniaí. <sup>23</sup> Mei íadi mai ñue omoi comeci facáoiri; mei  
nana bífuiaína jae uícodo ómoimo llotícueza.

*Monámona bite Nanoide íma Jitó, Cristo meine bíllena Jesús lloite*  
(Mt 24.29-35, 42-44; Lc 21.25-36)

<sup>24</sup> ‘E mei aféruíllaido, zúuredíruíllai méifomo, jítoma duíbicaite. Fiui égaiñoñeite.

<sup>25</sup> Monamo ite úcuai cócítiaioi. Afe llezica mona eromo ite riíno mozídino, mairíñeno  
jaillano dócaítiaioi. <sup>26</sup> Iemo nauí monámona bite Nanoide íma Jitó Cristo meine abido  
cíocaite. Uíllie cígido biite; aillo riíno diga. Jamánomo ebírenafuedo biite. <sup>27</sup> Afe mei ie  
abi ímacína óreite, nana ie nizécamací nana mona fuédamona gairíllana. Ua jamánomo  
jica ite ígobiai ímacímoma nizécana nana dáanomo atílle. Daje izói énie fueda ímacímoma  
nizécana nana dáanomo atílliaioi.

Nai ie llófuegamacimo llófuiano, íaioína daide: <sup>28</sup> ‘Mai bie higuera amena rafue omoi  
onoiri. Afe higuera íbiai firuilla llezica fímona ánozillana onódiomoiza. <sup>29</sup> Daje izói nana  
bie zúuredíruíllai zuíllana omoi cíoiadi, íraírui ánozillana onóitiomoi. Jae iere íanori ite.  
<sup>30</sup> Uáfue na ómoína dáíticue, afe ílláruído itino comíni nai tíñiena, nana bífue zúite. <sup>31</sup> Nana  
mona énie diga fúite, mei íadi cue daína uai jaca ninomo méidonide. Cue llua izói zúite.

<sup>32</sup> ‘Mei íadi afe íllíruina buna onóñena. Daje izói Juzíñamui abi ímací onóñediaioi. Ua afe  
izói Juzíñamui Jitó aféruina onóñede. Dama cai Moo Juzíñamui onoga.

<sup>33</sup> ‘E jira, aferui dúcinana onóñediomoiza, mai ñue figo abina omoi onoiri. Afe llezica  
mai ñue omoi uíñori. Daje izói Juzíñamuimo úrifreiri. <sup>34</sup> Cue meine bíllifue dámie jica jailla  
izoide. Afémie nai jáíñena íemo tájijidinona ie jofo úínotade. Illa dígamie dáarie tájijillena

igáiaioi. Iemo naze uññoraíma jóoniano, íena riire ocuide, jofo uññollena. <sup>35</sup> Afe izói mai omoi abi onóicana uññori, mei jofo naama billirui óñoñegaza. Nibai nauóilla llezica biite, nibai dáaferuimo, óñoñega. Nibai atava úrilla llezica, nibai jítiramo afémie biite; óñoñega.

<sup>36</sup> Mai abi omoi onoiri, afémie raíre bíadi, omoi iníllena ie cíoñeíllena. <sup>37</sup> Omoina cue daína izói nana comínina daidícue:

—Cue bíllemo abi omoi onoiri, —daide Jesús.

## 14

Comini Jesús llaitállena maméritiaioi

(Mt 26.1-5; Lc 22.1-2; Jn 11.45-53)

<sup>1</sup> Nai ménarui ite pascua ráfuemo. Afe rafue llezica afénomo ite comini íaioi pan fáitara jóoneño gúñfirediaioi, mei aferuillai fáitañega pan gúñfrenafue. Lletáriraini illaini ocuúcafue llóraini díga Jesús jífuiado llaitállena jenódiaioi, ie titállena. <sup>2</sup> Iadi daidíaoi:

—Íraízie ana íena llaitánide; áfemo comini ficire júfidoñeílleza, —daidíaoi.

Ríngo zióredijido Jesús ifona jillaide

(Mt 26.6-13; Jn 12.1-8)

<sup>3</sup> Jesús Betániamo ite. Simón jofomo ite. Afe Simón chínaitimiena mameide. Gúirácomo íaioi ráina llezica, daa ríngo jamánomo ráífide ziórediji Jesumo jilláizaibite. Afe ziórediji duera alabastro daína nofíci finoina icítirumo ite. Afe ziórediji mámece nardo. Afeji jáiiena fáíñega. Afengo afe icítiru llaillano, Jesús ifomo áfeji totade. <sup>4</sup> Afénomo itínomona dámierie áferi ríicaidiaioi. Dani conímána riire daidíaoi:

—¿Nibái mei bie ziórediji táinomo dotade? <sup>5</sup> Afeji trescientos romano úcubetuni baimo fecárede, duéredimacina canóllena, —daidíaoi. Aféngomo ríicaillano íáiruitiaioi.

<sup>6</sup> Mei íemo Jesús daide:

—Mai aféngona fáicanocai. ¿Nibái mei aféngona áífedodiomoi? Bie cuemo afengo finócafue ñuera. <sup>7</sup> Mei jíi, duéredino jaca omoi cígimo íitiaioi. Omoi jítiaidi afémacina canórediomoi. Mei íadi cue omoi cígimo are íñeíticue. <sup>8</sup> Afengo ñue cuemo finórede raa cuemo finuaibite. Jáimaci cue raíajíñenia cue abímo zióredijina afengo cuemo jóoniaibite. <sup>9</sup> Uáfueña ómoina dáitícue, náganomo bie éniemo comini jílloille uai jino llóiaídi, bie ríngo cuemo finócafue jino llóitiaioiza, áfemona aféngomo uíbicaifíreíllena.

Judas Jesús íena éoidimacimo izáijide

(Mt 26.14-16; Lc 22.3-6)

<sup>10</sup> Ie mei Judas Iscariote lletáriraini illaini díne úrizaide, Jesús afémacimo izáijillena. Afe Judas, doce dígamie Jesús llófuega ímie. <sup>11</sup> Afe illaini Judas dáinana cacáillano, íobidiaioi. Afe jira íena daidíaoi: “Jesús caimo o atíadi, úcubena omo íbaiticai.” Iemona Judas nie izói Jesús íaioimo fecállena jenode.

Jesús íraífuena güíllafue

(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Fáitañega pan rafue nanódiruimo oveja jiza fáfirediaioi, pascua ráfuemo ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue uícodo cai finuaillena óiacadio, afénomo pascua ráfuemo mameide güílle cai güíllena? —daidíaoi.

<sup>13</sup> Ie jira íe llófuegamacimona ménailinoi óriano daide:

—Jófuemo jai. Dínomo jainoi icírudo uítimiena báitiomicoi. Iedo jairi. <sup>14</sup> Afémie jofo jáíllanomo, afeco náamana daíri: “Llófueraíma daide, ¿Ninomo ite cue güíllino cue llófuegamaci díga? Dínomo pascua rafue llezica güíticai daide.” <sup>15</sup> Jira afécona ómicoimo ácatajite, áílloco. Caifóidícomo iite. Ja fuífide. Dínomo cáiena finori, —daide.

<sup>16</sup> Jira llófuega íaíllinoi oni jaíllano jófuemo dúcidiaíllinoi. Dúciíllano uícodo Jesús íaíllinoína daína izói baizájdiaíllinoi. Pascua rafue ja finódiaíllinoi. <sup>17</sup> Nauízaiílla llezica,

Jesús doce diga ie llófuegamaciri dúcidiaioi. <sup>18</sup> Güirábanimo güitíaiñoimo Jesús íaiñoina daide:

—Uáfuenta ómoína dáititue, daa ómoimona, cue diga güitínomona cuena fécaite, —daide.

<sup>19</sup> Jira afémaci zúcaidiaioi. Afe llezica dáamierie Jesumo jicánotiaioi:

—¿Nibai cue? —daide.

Jiáimie daje izói daide:

—¿Nibai cue? —daide.

<sup>20</sup> Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona. <sup>21</sup> Nanoie íima Jitódicueza Cuegáuai lloga iodo jáidicue; ua cue tíillinomo jáidicue. Mei íadi cue fecádimie, ¡nii iere dúerena! Afe íima jócoñegana baímo ñue jaide, íadi jae comuide, —daide.

<sup>22</sup> Güitíaiñoimo, Jesús pan llíinota daide:

—Iere figura, —daide. Daina mei ditade. Ditada íaiñoimo fécajano daide:

—Mai omoi güi. Bie cue abi, —daide.

<sup>23</sup> Iemo Jesús jiróracuri llíinote. Afécuri vínona orútaga. Ie mei:

—Iere figura, —daiñano íaiñoimo ite. Nana afécurimona áfeji jiródiaioi. <sup>24</sup> Iemo daide:

—Bie cue die; áfedo comue dájemo llínoga uai uáfuenta daíllena. Aillo naiñai jíllollena cue die tóite. <sup>25</sup> Uáfuenta ómoína daidicue, ja biruímona afe uva rao llizilla iji jiroñeiticue. Ua nágaruillaido Juzíñamui illáimana illirui nai biñena llezica jiroñeiticue. Aféruimo comóicana áfeji nane meine daánomo jiroititue, —daide.

*Pedro Jesuna jánuana Jesús uícodo llote*

*(Mt 26.30-35; Lc 22.31-34; Jn 13.36-38)*

<sup>26</sup> Juzíñamui rua íaiñoi rua mei, jino Olivo dainádumo jáidiaioi. <sup>27</sup> Iemo Jesús daide:

—Bie naio, iomo come éicitaiilla izói, méaicailamona nana omoi cuena zófeitiomoi. Cuegáuai daide: “Ovejai úinoraímana fáititue; fállemona ovejai oni ráijicaitiaioi.” <sup>28</sup> Mei íadi cáadimiena meine abido cue ille méifodo, omoi uíecomo Galiléamo jáititue, —daide.

<sup>29</sup> Jira Pedro daide:

—Nana ona fáicanocaitiaioimo, jaca o fáicanocaiñeititue, —daide.

<sup>30</sup> Iemo Jesús uai ote:

—Uáfuenta dáititue, bie naio atava ménacaiño nai úriñeniadi dacaiñoámani cuena jáanoitio, —daide.

<sup>31</sup> Mei íadi afémie iere afe íeñede úricana daide:

—O diga cue tiillena jitáiadi, nai ona jáanoñeititue, —daide.

Nana daje izói daidiaioi.

*Jesús Getsemanimo Juzíñamuimo úrizaide*

*(Mt 26.36-46; Lc 22.39-46)*

<sup>32</sup> Iemo güirácomona jino billano Getsemaní ibírime dúcidiaioi. Dínomo Jesús ie llófuegamacina daide:

—Baí bené Juzíñamuimo cue úrizaiilla llezica, benó omoi ráiri, —daide.

<sup>33</sup> Iemo Pedro, Santiago, Juan diga uite. Jesús ja zuure cácaide; afémie aillo jaci cácade.

<sup>34</sup> Jira daide:

—Cue joreño iere zúurefcaide; afe zuufue tíilla izói cue orede. Benó omoi fiebi. Abí omoi onoiri, —daide.

<sup>35</sup> Iemo Jesús jabo baife jaide. Dínomo éniemo bíjicaillano Juzíñamuimo jicade:

—Nana bie cuemo júriacade raa cúemona oni o oréreadi, mai oni oreri, —daide. <sup>36</sup> Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jiáifodo o oíacana izói finori, —daide.

<sup>37</sup> Iemo daámani llófuegamaci díne jaide. Ínidiaioimo dúcide. Pédrona daide:

—Simón, ¿ja o inídió? ¿Jaca due jiza abí onóicana uñionidio? <sup>38</sup> Abí omoi uñiori. Juzíñamuimo úriri, fiénidifuemo omoi báiiñeillena. Uáfuenta o joreño iere jiérede, mei íadi o abi náinide, —daide.

<sup>39</sup> Iemona dáanomo nane, Juzíñamuimo úrizaide. Daje uáillaina daide. <sup>40</sup> Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cíozaibite, mei íaioi uíji ínie íbaícaza. Íaioi uai ollino íñede. <sup>41</sup> Ja dacaiñoámami Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide íima Jitódicueza, mei íadi fiénidímacimo cue itábicaillarui mo dúcide. <sup>42</sup> Náidacai. Mai cai jai. Cue fecádimie ja bite.

*Jesús llaitádiaioi*

(Mt 26.47-56; Lc 22.47-53; Jn 18.2-11)

<sup>43</sup> Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitáioi. Lloefai bigíniai diga bitáioi. Lletáriraini illáinimona bitáioi. Dáarie bie comini ocuífue llófueraimona éicomini diga bitáioi. <sup>44</sup> Fecádimie Judas bimácimo ónoitara nauí lloga. Daide:

—Cue ñitállimie nímieite. Ie llaitari. Ñue maiano, ui, —daide.

<sup>45</sup> Iemo Judas billano, Jesumo áinozillano uáidote:

—¡Llófueraima! ¡Llófueraima!

Daí dainano ñitade. <sup>46</sup> Iemo Jesús llaitada, maiano, bitino íena uitáioi. <sup>47</sup> Afe llezica dínomo itínomona dáamie lloefai otá daa bitímie jefo ñetade. Afe jefona ñetácami lletáriraini illaíma jaíénici. <sup>48</sup> Iemo Jesús comínina daide:

—¿Meita meríriraímadicue izóí lloéfaillari bigíniai diga cuena lláitaibitíomoi maiano cue uíllena? <sup>49</sup> Nágari uí ómoiri Juzíñamuimo gairíracomo llófuecana iticue; íadi jaca cuena llaitáñediomoi. Mei íadi bifue íficaide Cuegáuaillai fuitállena, —daide. <sup>50</sup> Iemona nana llófuegamaci íena fáicanocaillano botádiaioi.

*Da Jesudo jáicaide jitócome botade*

<sup>51</sup> Mei íadi da jitócome dama áillue iniroi jitada nai Jesús óodana jáicaide. Ie mei bitino íena llaitádiaioi. <sup>52</sup> Mei íadi afémie jarire duñuano aferoi íaioimo faínoicaide. Daí ñeta emúroma jarire botade.

*Jesús jicánodoillinomo uiga*

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Iemo judíuai lletáriraini caifóidillaímamo Jesús uitáioi. Afe llezica nana lletáriraini illaini, íemo éicomini, íemo ocuica uai llófueraíni diga, dáanomo gairídiaioi. <sup>54</sup> Pedro, afe jamánomoidillaíma jofo abi íbírimo, óodana jicado jaide. Dínomo llaíziraini diga ráiide; irai fuemo agaide abi uzíreillena. <sup>55</sup> Nana lletáriraini illaini jamánomo ocuídímaci diga Jesumo fiéni íaioi facátallena uai nabáidino jenódiaioi, áfedo íena titállena. Mei íadi áfena baíñediaioi. <sup>56</sup> Aillo íemo taino llotáioi. Íadi íaioi táinofuíai jaícina jóobiñede. <sup>57</sup> Iemo dáarie caífo náidacaillano, afémie mo taino fiénidífue nitádiaioi. Daidíaoi:

<sup>58</sup> —Afémie dáinana cacáicaí: “Bie comini finoca gairíracomo júdaíticue, íemo daruíamami íllemona jíái gairíracomo comini finóñegaco abido nííticue,” daide, —daidíaoi.

<sup>59</sup> Mei íadi nane íaioi lloga uai nabáillafuíai jaícina jóobiñede. <sup>60</sup> Iemo lletáriraini illaíma íaioi cígimona jino náidacaillano Jesumo jicánote:

—¿O uai óñeitío? ¿Mínica bie omo nitádiaioi? —daide.

<sup>61</sup> Mei íadi daa uai óñede. Iemona lletáriraini illaíma nane dáanomo jicánote:

—¿O Crístodío? ¿Afe cai ñúefuena nitaca Juzíñamui Jitódioza? —daide.

<sup>62</sup> Jira Jesús daide:

—Jii, ie mei. Nanoide fima Jitódicue. Uire uáfueña cuena cíoitíomoi. Ua riírede Juzíñamui nabézimo dínomo cue ráinaillana cíoitíomoi. Aféruillaído mona ero úilliedo cue bíllana cíoitíomoi, —daide.

<sup>63</sup>Lletáriraini illaíma jamánomo ríicaillano icírilla mona ie iníroi cúatajano daide:

—¿Nibái mei jíáie uai nabáiraima jítaítai? <sup>64</sup>Ja Jesús ie uáillaído Juzíñamui dibénemo fiñi úrilla cacádiomoi. ¿Omoi, nie izói fena daidíomoi? —daide.

Iemona nana fena titállena daidíai. <sup>65</sup>Iemo dámierie afémiemo túallaitíai. Afe llezica ie uiéco iníroina íbáillano, fena fatíai. Fájano daidíai:

—¡Mai bai! ¿Bu o faja? —daidíai.

Iemo llaitáđino ie uiéco túcoidiai.

*Pedro Jesús jáanote*

(Mt 26.69-75; Lc 22.56-62; Jn 18.15-18, 25-29)

<sup>66</sup>Pedro ana jofo íbírimo ite. Iemo daa lletáriraini illaíma canóraingo afénomo dúcide.

<sup>67</sup>Pedro irai fue agáillana cíóillano, aŕengo afémiemo riire eroide. Iemona daide:

—O daje izói Nazarena ímie Jesús díga macáfiredio, —daide.

<sup>68</sup>Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze femo jino jaide. Iemo íftava úrite.

<sup>69</sup>Iemona canóraingo fena nane cíóillano afénomo itínona daide:

—Afe iima Jesudo jáidimacimona, —daide.

<sup>70</sup>Mei íadi Pedro meine jáanote. Ja baido afénomo itino Pédróna nane daidíai:

—Uáfueña. O Jesús imaci iéđio. Galilea ímiedio. O úrilla afémaci úrilla izói jóoide, —daidíai.

<sup>71</sup>Ie jira Pedro: “Uáfueña cue llónenia Juzíñamui cue fáidoiteza,” daide. Dáanomo Pedro ie daina uai nabáillana Juzíñamui mámedio riire mámano daide:

—Afe omoi úrilla miena onóñedicue, —daide.

<sup>72</sup>Daí daina llezica atava dáanomo nane úrite. Iemona Jesús fena daináfueño Pedro ubicaide. Nano uícomo fena daide Jesús: “Atava ménacaiño nai úriñenia daciaiñoámani cuena jáanoitio.” Afemo comeci fácajano éeiaide.

## 15

*Jesús onínellaima Pilátomo uitíai*

(Mt 27.1-2, 11-14; Lc 23.1-5; Jn 18.28-38)

<sup>1</sup>Afe jítramo lletáriraini illaini íemo eicomíniri gairízaidíai, ocuica uai llófueraini díga; ie emódomo naa jíáie jamánomoidíllainiri. Gairíllano Jesumo íai. Finóllifueri daní úritíai. Maíga Jesús Pilátomo izájidiai. <sup>2</sup>Jira Pilato jícanote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

<sup>3</sup>Iemo lletáriraini illaini aillo fiénidíuiai afémiemo nitade. <sup>4</sup>Jira Pilato dáanomo jícanuano daide:

—¿O uai onéđio? ¡Cacai! Díga fiénidíuiai omo nitádiai, —daide.

<sup>5</sup>Mei íadi Jesús uaina onede. Afémie uai onénamona Pilato fáigacaide.

*Jesús ie tíllena uáfodo maméritíai*

(Mt 27.15-31; Lc 23.13-25; Jn 18.38-19.16)

<sup>6</sup>Afe rafue ana naga fimónado comínimona llogámie llaitácamiña Pilato zuitáfiredo.

<sup>7</sup>Come fatímie Barrabás jae llavéracomo ite, jíáie come fatímaci díga. Nano jíáiruideo illaíma dotátaruimo comíni fatíai. <sup>8</sup>Ja birui comíni Pilátomo jícaíbitíai. Billano Pilato íaioimo finófirena izói ie finóllena jícádiai. <sup>9</sup>Pilato uai ote:

—¿Judíuiai illaíma ómoimo cue zuitállena jítaidíomoi? —daide.



<sup>10</sup> Pilato ja lletáriraini illaini Jesús úradoillafuedo fécajana fídide. <sup>11</sup> Mei íadi lletáriraini illaini nana comini jeire otímaci. Iaiói úamona iere caillídímaci. Iaióina llófuetiaioi:

—Jesús ifomo mai Barrabás caimo zuitállena izire omoi jicari, —daidíaiói.

<sup>12</sup> Jira Pilato jicánote:

—¿Nie izói oíacadiomoi omoi mamécamié Judío lllaima cue finóllena? —daide.

<sup>13</sup> Iemo caillíoicana uai otíaiói:

—¡Cruzmo íena corai! —daidíaiói.

<sup>14</sup> Jira Pilato daide:

—¿Nibái mei? ¿Afémie nie fiénidífue finode? —daide.

Nane dáanomo baímo caillíoicana daidíaiói:

—¡Cruzmo íena corai! —daidíaiói.

<sup>15</sup> Iemona Pilato nairai uíecomo ñue íacanamona, Barrabás zuitada orede. Iemo Jesús zechétajano llaizáritinomo izájide íena coráillena.

<sup>16</sup> Ie mei afe onínellaíma áillocó jofo íbírimo íena uitíaiói. Afénomó nana fuíríraini gairítatíaiói. <sup>17</sup> Iemo ñue jáirede inícuro, illaima íena, afémiemo jítdíaiói. Aferói uállaima jítafiregarói. Afe llezica ifo icuífoi eegi nínacuífoina íemo jítdíaiói. <sup>18</sup> Jítajano janónaioicana riire íena uáidotíaiói; daidíaiói:

—¡Fígo o iri, Judíuai lllaima! —daidíaiói.

<sup>19</sup> Iemo rázido díga icaíño ie ifo butíaiói. Ie túállaitíaiói. Afémiemo caíñici ana dújullano jífánodoicana íena ebírúitíaiói. <sup>20</sup> Daí íe íaiói áfueda méifodo, afe illaíma jítdácarói íemona duíñódíaiói. Dúñuano dama íecuiróna ie jítdíaiói. Ie mei afénomona jino íaiói uiga íena coráillena.

#### *Jesús coráina*

(Mt 27.32-44; Lc 23.26-43; Jn 19.17-27)

<sup>21</sup> Jesuna coráiaidíaióimo Cirene ímie Simón jinona jófue mo bite. Afémie Alejandro Rufo íaillínoí moo. Bítemo Jesús coráillibícina rocátatíaiói.

<sup>22</sup> Iemo Jesús Gólgota maméidinomo uitíaiói. Afe Gólgota jíáimaci uaido ífócorai lllánona mameide. <sup>23</sup> Afénomó vino eríredjí díga jóonegana Jesús jírdátatíaiói. Mei íadi áfena afémie jírdóne. <sup>24</sup> Afe mei ja Jesuna coráidíaiói. Iemo fuíríraini onótárají dotáidíaiói, Jesús inícuro íaiói máíñuana onóillena. Iemona dájerize illa dígamie ie inícuro uite.

<sup>25</sup> Jae jíto ma caífo illa llezica Jesús coráidíaiói. <sup>26</sup> Jesús coráigabícimo jíáie uai llotíbícina netáidíaiói. Afébicimo nie íaífue ie fínua jíra coraica, daí íaiói cuega. Bíbícimo cuetíaiói: “Bímie Judíuai lllaima.” <sup>27</sup> Afémie díga mena meríriraíma íaillínoí coráidíaiói, dámie ie nabénemo, jíáimie ie jarífenemo. <sup>28</sup> Jaiái Cuegáuái daí fúbicaide. Aféuai daide: “Afémie fiénidímácimo jáináitaga.”

<sup>29</sup> Afe íodo jáidino Jesumo fiéní úrtíaiói. Fuena iere riire íena zanódíaiói. Daidíaiói:

—Mai, cacái. O Juzíñamui gairíracó ana júdaítímiedíoza. Daje izói daruíamáni íllado abído afeco níttímiedíoza. <sup>30</sup> ¡Mai dama o abí jíllota! ¡Cruzmona ana bí! —daidíaiói.

<sup>31</sup> Daí daje izói lletáriraini illaini, ocuica uai llófueraini díga, Jesuna janónaitíaiói. Dani conímána daidíaiói:

—Afémie jíáimaci jíllotote, íadi afémie dama ie abina jíllotanide. <sup>32</sup> Mei biruí Cristo, Israel lllaima ana crúzmona bíadi, áfena caí ciónamona afémie uaina ja uáfueña íinoíticái, —daidíaiói.

Daje izói afémie díga coráicaíallínoí fiéní Jesumo úrtíaiói.

#### *Jesús tíilla*

(Mt 27.45-56; Lc 23.44-49; Jn 19.28-30)

<sup>33</sup> Jáiciri illa llezica nana énie jírtífecaide. Dahoraámáni fídi monáíñede. <sup>34</sup> Afe llezica Jesús riire cáilliano daide:

—Eloí, Eloí, ¿lama sabachtaní? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zófetío? —daide.

<sup>35</sup> Dámierie afénomo itínomona áfena cacáillano daide:

—Cacarei, afémie Juzíñamui uai jino llóraima Elías jíirite, —daidíaiói.

<sup>36</sup> Iemona afémacimona dámie aizida fíllicide raa uájide. Erírede vínona riátano, áfena ragüizi ícoimo jóonete, áfedo Jesús jírotallena. Daíí ñeta, íemo ñuitade. Afe llezica jíáimaci íena daide:

—Ína jabe. Mai cai éroi, neca afémie Elías ana ólleza, —daide.

<sup>37</sup> Ie mei Jesús riire caillida tíide. <sup>38</sup> Afe llezica Juzíñamui gairíracomo zebica jédaciede iníroi, dáfenedo caifófenemona ana cuájicaide.

<sup>39</sup> Jesús anamo romano jabóidíllaíma uíeco díbénemo naidaide. Ie cáilliana cacade. Ie tíilla izóidena cíode. Cíuano daide:

—Uafue, bie íima Juzíñamui Jító, —daide.

<sup>40</sup> Dáonomo dáarie ringóníai jicana eróidíaiói. Íaiói cígimo ite Magdalena jofue ingo María, íemo Salomé, íemo jíáie María. Afengo Santiago José ei. Afe Santiago jofófene ímiena mameide. <sup>41</sup> Bie ringóníai Jesudo jáicadino. Naui Galiléamo íe illa llezica, afémaci íena canódíaiói. Mei íadí bimaci baímo aillo jíáingotiaina, Galilea ingóníai afémiedo Jerusalemo bitíaiói.

*Jesús abi raiáfomo jóoniaidíaiói*

*(Mt 27.57-61; Lc 23.50-56; Jn 19.38-42)*

<sup>42</sup> Ja nauízaide. Mei aferui ocózinaiilarui uócodirui íllaza, comini íaiói jítaílle raa fínófíredíaiói. <sup>43</sup> Jira José Pilátomo Jesús abi jícajide. Afe bie José Arimatea jofue ímie. Afémie caifóidíllaímaíaimo íere jaináideza, íe mámecci jica jalleide. Afémie Juzíñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dinomo Pilátomona Jesús abi jícade. <sup>44</sup> Pilato ja íe raire tíillari fáigacaide. Jira jabóidíllaíma uáidote íemo jícanollena meita uafue daíllena. <sup>45</sup> Jabóidíllaíma “Jíí” dáinamona Pilato fairírote Jesús abi José uíllena. <sup>46</sup> Jira José íere ñuera iníroi íbade. Iemo Jesús abi ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áíllue nofícina íbaide. <sup>47</sup> Magdalena ingo María, José ei María diga, afe raíánona cíodíanguai.

## 16

*Jesús tíidemona meine abído cáadímiena jaide*

*(Mt 28.1-10; Lc 24.1-12; Jn 20.1-10)*

<sup>1</sup> Ocózinaiilarui méífomo Magdalena énie ingo María, Santiago ei María, Salomé diga zóji íbáidíaiói, Jesús abi recuillena. <sup>2</sup> Jira semana nanóidíruí jííramo raiáfomo jáidíaiói. Afe llezica jítoima ja cíode. <sup>3</sup> Iemo ringóníai dúcíllano conímána daidíaiói:

—¿Bu mei raiáfo uíeco íbaina nofici caíri oni ñuitalle? mei afeci íere áíllueza, —daidíaiói.

<sup>4</sup> Mei íadí érocaillano raiáfo uíeco íbaina áíllue nofici oni jóoniana cíodíaiói. <sup>5</sup> Iemo raiáfo íco eromo íaiói jáíllanomo jítócome nabézimo ráiinana cíodíaiói. Afémie áreuiro úzerói jíítaíde. Íeri íere jacínaitíaiói. <sup>6</sup> Jira ringóníaina daide:

—Omoi jacínaiñeno íri. Omoi Jesús, Nazaret ímie naui coráícamié jenódíomoi. Mei íadí ja tíidemona meine abído cáadímiena jaide. Benomo íñede. Afémie íaiói jóoniano omoi éroi. <sup>7</sup> Ie mei Pédro mo naa jíáie llófuegamacíri llujíri. Afe bifue daííri: “Omoi uícomo Galiléamo jaide. Dinomo íe dáina izóí íena cíoitíomoi,” —daide.

<sup>8</sup> Jira ringóníai raiáfomona botáidíaiói. Fáigacaillano cuidíritíaiói. Íere íaiói jacíruíllamona bumó lloñédíaiói.

*Magdalena énie ingo Maríamo Jesús cíocaílla*

*(Jn 20.11-18)*

<sup>9</sup> Semana nanóidíruí monáíacana llezica, Jesús meine abído cáadímiena jaide. Afe mei fueñe Magdalena énie ingo Maríamo afémie cíocaide. Naui afémie aféngomona siete diga

fiénide jóríai oni orede. <sup>10</sup> Iena ciona mei, afengo Jesús diga nauí jáicadinomo llujáide; afémaci nai zuure éenaitiaioi. <sup>11</sup> Afe Jesús meine caade íllana María íaioimo llofe, mei íadi aféfuena cacáillano, áfena nai íñoñediaioi. Daje izói afengo “Iena ciódicue” daina uaina íñoñediaioi.

*Jesús llófuegamacimona ménailinoimo afémie cíocailla*  
(Lc 24.13-35)

<sup>12</sup> Bie mei, Jesús llófuegamacimona ménailinoi jofue onimo mácajjidiaillinoi. Mácajjilla llezica Jesús jáífodo íaillinomo cíocade. <sup>13</sup> Afe íaillinoi jíáie llófuegamacimo abido llujáidiaillinoi, mei íadi daje izói íaillinoína íñoñediaioi.

*Jesús ie uai oni llólleña orécamacimo ie uai jóonenocaide*  
(Mt 28.16-20; Lc 24.36-49; Jn 20.19-23)

<sup>14</sup> Afe jíáíruido once diga llófuegamaci íaioi güiránomo ráidiaioimo Jesús cíocade. Íaioi comeci ríirena jira, íaioína lletade. Dáanomo íaioi íñoñena jira, íaioína lletade, mei afe éna cióдино íaioimo llógana íñoñediaioiza. <sup>15</sup> Ie mei íaioína daide:

—Mai nágagobiaido bie jíllolle uai nana comínimo jino omoi llujáiri. <sup>16</sup> Afe uaina íñoitímie íemo báutizagamie jíllobicaite. Mei íadi afe uaina íñoñeitímie jíllóñeno duere fínócamiena jáite. <sup>17</sup> Cuemo íñoitino bie onótaraíuiai fínóitiaioi, afe lloga uai uafue daíllena. Cue mámevido fiénide jóríairedímie ite fiénide jóríai oni óreitíai. Uícode óñoñega jíáie uáillaído úritíai. <sup>18</sup> Daje izói titade jao íaioi llaítada íaioína ainíadi, tííñeitíai. Jucúredíji íaioi jíróadi, íránitañeite. Afe emódomo, íráredímacimo íaioi onoi bitáadi, afe íráredino jíllóitiaioi.

*Jesús monamo jailla*  
(Lc 24.50-53)

<sup>19</sup> Afémacimo úrilla mei, cai Ocuíraíma Jesús fíaicana caífo monamo uiga. Iemo Juzíñamui nabézimo ráinazaide. <sup>20</sup> Ie mei ie llófuegamaci nágagobiaimo comini jíllona uai llocana uitíai. Afe dáamie, cai Ocuíraíma, íaioína canode. Afe llezica afémie íaioi lloga uaina cíofinina íaioi fínócaíuíaído uáfueña daíítate; daje izói diga onótatífuíaído uáfueña daíítate. Jae níie.

## JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

### *Rafue uiećodo llogáuai*

<sup>1</sup> Cue ama izóidimie Teófilomo cuetćue. Diga comini caimo comuide ráfuiái ñue jaícina cúllena facádiaioi. <sup>2</sup> Afe comuídfuiái táiniamona, áfena ciódino caimo llua izói, cuetćiaioi. Afeniaina ciódino ñuefuiái jino llóllena canódiaioi. <sup>3</sup> Afe izói nana bífuiaina ñue jicánofredicue. Uáfueza, bífuiái táiniana iere jicánofredicue. Ie jira omo cuetćue. Iemona bífuiái jaícina omo cue cúllena cuedo ñue jaide, mei ñuefuiairedimie Teófilodioza. <sup>4</sup> Bífuiái omo cúeiacadicue, afémaci omo llogafue uáfueza o onóllena.

### *Juzíñamui abi ímie Juan Bautista jocoille lloste*

<sup>5</sup> Herodes Judea éniemo illáimana illa llezica, afénomo Zacaríasna mámećiredimie ite. Afémie Juzíñamuimo comini dibénedo úriraima. Afe Zacarías jaiái ímie Aarón jító, Abías iziemo dúidimie. Ie ai mámeći Elisabet. Afengo daje izói Aarón izíemona comuídingo. Afe Aarón nánora Juzíñamuimo úriraima. <sup>6</sup> Afe íaillinoi Juzíñamui eróicana ñue jaícina itífaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jítánidiaioi. <sup>7</sup> Mei íadi úruenidiaillinoi, mei Elisabet úrueninide. Iemo jíái jae iere jónaitiaillinoi.

<sup>8</sup> Iemo daarui Abías izíe táijinaruillaimo dúcina llezica, Zacarías Juzíñamuimo úriraimana íllena afémiemo dúcide. <sup>9</sup> Iemo afémaci ínofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofo jaide, afénomo uguci uillítallena. <sup>10</sup> Afémie uillítata llezica, nana comini jinófenemo Juzíñamuimo úritiaioi. <sup>11</sup> Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide. <sup>12</sup> Juzíñamui abi ímie cíoilano Zacarías iere jacinaillano ie finócaigana onóñede. <sup>13</sup> Iemo Juzíñamui abi ímie íena daide:

—Zacarías, jacíruíeno iri, mei Juzíñamuimo o jícafírenana afémie cacádeza. O ai Elisabet jítóreite. Afémie mámeći Juaana o jítalle. <sup>14</sup> O íóbitio, daje izói aillo comini o úrue jocolleri íóbitimaciza, <sup>15</sup> mei o jító Juzíñamui uiećomo iere uai ínotimiena mámeiteza. O jító comini jifáitaraji vino diga jaca jíroñeite. Afémie nai jócoñenia Juzíñamui Ñuera Joreño úicaite. <sup>16</sup> Afémie Israel náiraímona diga comini comeći ífuiái méidotaite, afémaci ócuifirede Juzíñamui uaimo meine ñue íaioi jíruillena. <sup>17</sup> Bie Juan Ocuíraíma Cristo uiećodo biite. Afémie jaiái Juzíñamui uai lloraima Elías coméćifirena izói coméćite. Daje izói Elías riire ocuilla izói riire ócuite, ie uaido móotiai íaioi úruiaí diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñuemacina íaioi íñoite, Ocuíraíma Jesús ñue llíñollena.

<sup>18</sup> Juzíñamui abi ímie úrilla llícailla mei Zacarías jicánote:

—¿Ñie izói bífuena uáfueza onóredicue? mei ja iere jónaitćue, cue ai diga.

<sup>19</sup> Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamiedicue omo úrillena, bie ñuefuiái omo llóllena. <sup>20</sup> Mei íadi birui omo cue dánana o íñoñenamona uáinitio. Benómona úriñeítio o jító jocolínomo. Bie Juzíñamui mamécaruimo zúite.

<sup>21</sup> Afe llezica comini jino itíaioi; Zacarías úiñotiaioi. Afémie are jino gairíracomona biñena jira jacinaioidiaioi. <sup>22</sup> Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izói nibai ciode daidíaioi. Afémie onoi níraídua izói afémacimo úrite, mei afémie úrinideza.

<sup>23</sup> Juzíñamui gairíracomo Zacarías táijinaruillai fúillamona, ie jofomo jaide. <sup>24</sup> Bie mei ie ai Elisabet ja úruereacade. Afengo jofómona cinco diga fíui uáfori jino cióñede.

Afengo comécido daide: <sup>25</sup> “Juzíñamui ja bie izói cuena úrueretade, femona comini cuena jámairuñeitiaioi,” daide.

*Juzíñamui abi ímie Jesús jocoille lloste*

<sup>26</sup> Ja seis diga fiui Juan comuillamona, Juzíñamui ie abi ímie Gabriel, Galilea éniemo ite Nazaret mámeçirede jófueo orede, daa ringo méiñollena. <sup>27</sup> Afengo nai inínde jitaingo. Ie mámeçi María. Afengo ja jicánogango Josemo iníreillena. Afe José illaima David izíemona comuídímie. <sup>28</sup> Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifrede Juzíñamui o diga ite. Nana ringóniai baimo Juzíñamui caimare omo eroide, —daide.

<sup>29</sup> Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Nibái cuena daíí uáidote?” <sup>30</sup> Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide. <sup>31</sup> Benómona úruereitio, femona o jító jócoitio. Afémie mámeçi Jesuna jítaítio. <sup>32</sup> Afémie ñúefuena iere jálleite. Afémie caífo monamo ite Juzíñamui Jitóite. Naui Juzíñamui bínie jaiáidígima David illáimana ória izói, bie Jesuna Juzíñamui illáimana óreite, <sup>33</sup> jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

<sup>34</sup> Ie jira María Juzíñamui abi ímiemo jicánote:

—¿Ñie izói bie mei ite, mei cue iima diga inédicueza? —daide.

<sup>35</sup> Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie ríinodo ona ráiruite. Ie jira o jocolle jító jaca Juzíñamui mamécamiéna ite. Iemona comini íena Juzíñamui Jitó dáíitíai.

<sup>36</sup> ‘Iemo jíái o onógango Elisabet úruereite, jamánomo ei ringo íadi. Ie jira úruenitíngo íaíoi daínango íadi, seis diga fiui íllamona ja úruereacade. <sup>37</sup> Juzíñamui mona jaca finónide raana íñede, —daide.

<sup>38</sup> Ie jira María daide:

—Juzíñamui ócuifiregangodicue. Mai mei Juzíñamui cuena ie daína izói cuemo fínoiteza, —daide.

Afemona Juzíñamui abi ímie oni jaide.

*María ie onógango Elisabet uáiduaide*

<sup>39</sup> Aféruillaido María Judea íduai cígiri ite jófueo raíre jaide. <sup>40</sup> Dúciillano Zacarías jofomo jaide. Daíí ñeta Elisabet uáidote. <sup>41</sup> Elisabet daíí uáidua cacáillano eromo ite úrué niráiricaide. Afe llezica afengo Juzíñamui Ñuera Joreñodo úcaíta. <sup>42</sup> Ie jira iere ficírede uaido úrite:

—Nana jíáingotíai baimo Juzíñamui iere caimare omo eroide, ñúefue omo finóllena. Daje izói o jítomo iere caimare eroide. <sup>43</sup> Iere jamáingodicue, mei íadi cue Ocuíraíma ei cue eróizaibite. <sup>44</sup> Mei ua, o cue uáidua cacáillano cue eromo ite jító iere íóbillano niráiricaide.

<sup>45</sup> Juzíñamui ona daína o íñuado iere íóbinangodio, mei Juzíñamui ona daína ñue zúíteza.

<sup>46</sup> Ie jira María daide:

—Cue joreñodo cai Ocuíraímamo ñúefue llotícue.

<sup>47</sup> Cue Jíllotaraíma Juzíñamui omei cue comeci íóbricaide.

<sup>48</sup> Mei Juzíñamui ie dúerede ocuíaingona uibóicaideza.

Biruímona nana uire íte comini “Iere Juzíñamui íóbitangangodio” cuena dáíitíai.

<sup>49</sup> Mei jamánomo ríinorede Juzíñamui iere ñúefuíai cuemo finódeza.

Afémie mámeçi ñúefuíaido jacíruieregaci.

<sup>50</sup> Nana íena ñue jacíruiínona afémie jaca dúecaite.

<sup>51</sup> Finónide ráfúiai afémie finode.

Fíénidena abi ínotínona afémie jae anáfenode.

<sup>52</sup> Rííllainína jamáimacína Juzíñamui finode.

Mei jiáifodo comécina mánaidino illáinina orede.

<sup>53</sup> Juffruitinona afémie ñúefuiaido imaci jeíritade.

Mei jiáifodo ráaredinona fia duere imácina orede.

<sup>54</sup> Ie ócuifiregamaci Israel nairai afémie canode.

Íaioina duéruillena féitañede.

<sup>55</sup> Naui cai móotiaina daina izói jaca duéruifireite.

Ua, Abrahana ie daina izói, femo ie náiraina daina izói afémie jaca caina duéruite.

Bie izói María úrilla fuite.

<sup>56</sup> María daámani diga fiui Elisabet diga ite. Afe mei meine ie jofomo jaide.

*Juan Bautista jocóinafue*

<sup>57</sup> Afe mei Elisabet úrue jocóllirumo dúcinamo, jító jocode. <sup>58</sup> Juzíñamui ñue aféngomo érocaillano fidíillano, afengo abi imaci naa onógamaciri afengo uáiduaidiaioi. <sup>59</sup> Ocho dígarui íllamona, judúuai fínofirena izói, gairíracomo jáidiaioi úrue bacano icoi quetállena. Afe llezica ie moo mámecina Zacaríasna jitáacadiaioi. <sup>60</sup> Mei íadi ie ie daide:

—Ieñeite. Afémie mámecí Juanaa jítalle, —daide.

<sup>61</sup> Aféngona daidíaiói:

—¿Ñibái mei? O comínimo afe bie mámecí iñede, —daidíaiói.

<sup>62</sup> Ie jira onoi níraiduado úrue moomo jicánotiaioi, nie izói mámecí jóoneacade. <sup>63</sup> Ie jira afémie daa cuerábici jicade afemo cúellena. Línuano cuete: “Ie mámecí Juan.” Aferi nana comíni jacínaitiaioi. <sup>64</sup> Afe cuia llezica Zacarías meine nane úrivede. Jira raire Juzíñamuimo ñúefuiaí lloste. <sup>65</sup> Bferi nana abi imaci jacínaioidiaioi. Iemo nana Judea íduai éniemo bifue llócadiaioi. <sup>66</sup> Nana áfena fidídino afemo iere comécidiaioi. Dani íaioi nabáitíai jicánotiaioi.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidíaiói.

*Zacarías ñue llocana daínafue*

<sup>67</sup> Iemo ie moo Zacarías Juzíñamui Ñuera Joreño úcaillamona úrite; Juzíñamui femo lloga uaido afémie daide:

<sup>68</sup> Israel nairai cai ócuifirede Juzíñamuimo ñúefue nitárede, mei afémie caimo éroizaibiteza.

Ja ie comínicai, femo afémie ja

cai jíllotaibiteza.

<sup>69</sup> Jaiai ie ocuifiregamie David izíemona, daa ríinorede cai jíllotaraima caimo orede.

<sup>70</sup> Jaiai ñúefuiaírede ie uai llórainido úcodo ie daina izói afémie cai jíllotaraimana orede.

<sup>71</sup> Afémie cai fairíconimona caína jíllotaite. Daje izói cai éoidimacimona cai jíllotaite.

<sup>72</sup> Cai nánoramacina duéruite, afe izói ie íaioina ñúefuiaírede daina uai féitañede.

<sup>73</sup> Jaiai cai uzuma Abrahana úcodo daina uai Juzíñamui uáfueña daina.

Afe uai bie izói daide:

<sup>74</sup> Juzíñamui cai fairíconimona caína báiroite, jacíruiñeno ie ócuifiregamacina cai maméil-lena,

<sup>75</sup> Iemo jíai ñúefuiaido ie jáicínaidimacina cai íllena, femo daje izói nana cai illáruillaído afémiemo ñue cai jáináíllena.

<sup>76</sup> Ie mei cue duera jító, caífo monamo ite Juzíñamui uai llórainana o mámeitiaioi, mei Ocuíraima úcodo jáitioza, ñuera uai llocana uíllena, comíni femo íinollena.

<sup>77</sup> Daje izói afémie bíllado ie comíni íaifuiái féitallena fidítaitioi.

Afémací fiénidifuiái féitalledo afémaci jíllotiaioi.

<sup>78</sup> Mei ua, cai Juzíñamui caína izíruillano caimo dúecaide.

Dúecaillano cáimaci jíáimaci femo íinollirui caimo ite.

<sup>79</sup> Afedo tíiacade jítinodo macádino Juzíñamuina onóitiaioi.

Daje izói comecí uái illáfuiaimo joide io afémie cai ífoite.

Benomo Zacarías úrilla fuite.

<sup>80</sup>Iemo afe úrue móonaicana jaide. Afe llezica joreño dibénedo onóicana jaide. Comini inénanomo ífrede. Israel náiraímo abí ie onónanomo afémie dínomo fiévide.

## 2

### *Jesús jocóinafue*

(Mt 1.18-25)

<sup>1</sup>Aféruillaído énie jamánomoidillaíma Agosto nana comini mámeciai cuiájillena ocuide. <sup>2</sup>Siria éniemo Cirenio illáimana illa llezica, bie nánora mámeciai cuiájillena ocuica. <sup>3</sup>Naga come ie móotiai illánomo ie mámecí cuiájirediaíoi. <sup>4</sup>Ie jira José Galilea éniemo ite Nazaret jófue mona jaide Judea éniemo. Afémie David izíemona comuúdeza, David jocóinanomo Belemo jaide. <sup>5</sup>Móotiai illánomo José María diga mámecina cuiájidiailinoi. Afengo jae jicánogango Josemo iníreillena, íemo ja úruereacade. <sup>6</sup>Iemo Belemo faillinoi illa llezica afengo úrue jocóllirumo dúcide. <sup>7</sup>Dínomo afengo nánora jító líide. Jócua mei iníroido ferínote. Iemo juráreto ecáranomo rallai jóbiano ie bitade, mei afe faillinoímo comini dúciranomo illino inédeza.

*Juzíñamui abi imaci ovejai úiñoraímacímo cíocaide*

<sup>8</sup>Belén jofue onimo dáarie ovéjaíai úiñoraíni naiona íaíoi ovéjaíai úiñofirediaíoi. <sup>9</sup>Uái daí ítaíoi mo raire Juzíñamui abi ímie ángel dainámie íaíoi mo cíocaide. Afe llezica Juzíñamui queníríe íaíoi ábiedo egáínozide. Aferi iere jacínaitiaíoi. <sup>10</sup>Mei íadi Juzíñamui abi ímie íaíoi na daide:

—Jacíruiñeno iri, mei ñuera rafue ómoímo lluaíbiticueza. Bie ráfuerei nana comini iere íóbitiaíoi. <sup>11</sup>Birui jaiái illaíma David jófue mo oí Jíllotaraíma jae jococa. Afémie caí Ocuíraíma Cristo. <sup>12</sup>Afémiena oímo onóillena afe úrue iníroido ferínoga, íemo juráreto ecáranomo bitaca báitímoí, —daide.

<sup>13</sup>Afe llezica Juzíñamui abi ímiemo aillo jíaíe mona imaci offoide. Afémaci Juzíñamuímo aillo ñúefuíaí llotíaíoi:

<sup>14</sup>—Caífoide Juzíñamuímo ite ebírenafuíaí oímoí lloiri.

Afe dáaruido afémie caímare eróinamacímo comécina uái illafue íteza, —daídaíoi.

<sup>15</sup>Iemona, Juzíñamui abi imaci abído monamo jailla mei, ovéjaíai úiñoraíni dani conímana daíztiaíoi:

—Maí mei Belemo caí jai; bie Juzíñamui caímo lloga ie jocóinafue maí caí méiñuai, —daídaíoi.

<sup>16</sup>Jira jaríe jáidiaíoi. María José diga cíodiaíoi. Iemo jíaí juráreto ecáranomo bitaca úruena cíodiaíoi. <sup>17</sup>Afena cíóillano, Juzíñamui abi imaci afe úrue ífuena íaíoi mo llúana jino llotíaíoi. <sup>18</sup>Nana afefue cacáđino afe dáinari iere caímare fágacaidiaíoi. <sup>19</sup>Mei íadi María nana aféfuíaí comécímo jóoniano áfemo uibóicaide. <sup>20</sup>Iemo ovéjaíai úiñoraíni dínena meíne abído jaide. Jailla llezica nana íaíoi cacana, íemo íaíoi cíónado Juzíñamuímo ñúefue llotíaíoi. Iemo dajé izóí ebírenafue Juzíñamuímo nitádiaíoi. Mei nana íaíoi mo daína izóí íteza.

*Dúemie Jesús Juzíñamui gairíracomo ácataga*

<sup>21</sup>Jócua mona ocho dígarui íllamona, dúemie bacano ícoí quetátatiaíoi. Afe llezica Jesuna ie mámecí jítádiaillinoi, mei afecí nano María naí úruenina llezica Juzíñamui abi ímie aféngomo llóteza.

<sup>22</sup>Iemo diga irui íllamona, Moisés ocuica uai llua izóí, María abí íainina daíllena nícdíuafue fúillamo, úruena Jerusalemo uítífaillinoi. Afénomo ite Juzíñamui gairíracomo úruena Juzíñamui íena íllena acátajidiaillinoi. <sup>23</sup>Daí fínódiaillinoi Juzíñamui ocuica uaimo daí cúdeina jira. Afe uai daide: “Nana nánora jococa íiza Juzíñamui íena mamérede.” <sup>24</sup>Jira jáidiaillinoi Juzíñamui daína fecalle raa fecállena. “Mena úcugi, níbai mena fúcíri fatá Juzíñamuímo oímoí fecari,” aféuai daí daide.

<sup>25</sup> Aféruillaido Jerusalemo Simeóna mámeçiredimie illa. Afémie iere ñúemie; Juzíñamuimo íñofirede. Israel nairai fairíconimona bairolle úiñote. Simeón Juzíñamui Ñuera Joreñodo úicaigamie. <sup>26</sup> Afe Ñuera Joreño, Simeón nai tíñenia Juzíñamui orelle Crístona cíote, daí ie fidítate. <sup>27</sup> Ie jira Jesús móotiai íaillinoi, gairíracomo Jesuna uilla úcodo, Juzíñamui Ñuera Joreño afe Simeón gairíracomo jáillena ifode. Iemona José María diga, jaiái ocuica fínofirena izói Jesuna íaillinoi fínuaibilla llezica, Simeón Jesús ie ónoimo llíñote. <sup>28</sup> Simeón íena llíñua llezica Juzíñamuimo ñúefue llocana daide:

<sup>29</sup> —Juzíñamui, mai birui caimare tíredicue, mei o ocuífregamedicue, o cuena daina izói nana ñue fuitádo.

<sup>30</sup> Dama cue údo cai Jllotaraimana cíodicue.

<sup>31</sup> Afémie jae nana comini eróicana o jóonegamie.

<sup>32</sup> Afémie judíuañedino ñúefuina onótaitimie.

Iemo jíái afémie o comini Israelmo ñúefuina nítaite, —daí daide Simeón.

<sup>33</sup> Jira José María diga Simeón úruena daí ie dáinari fáigacaidiaillinoi. <sup>34</sup> Ie jira Simeón uáillaido íaioina cáimacaitade. Iemo Mariana, Jesús eina daide:

—Eroi, bie úrue Juzíñamui mamécámie. Diga Israel comini íena ruífruillamona táñoficaitiaioi. Iemo jíái aillo comini íemo íñuamona ñúemacina jáitiaioi. Afémie onótate raa ízoite, íemo aillo comini íena íairuitaioi. <sup>35</sup> Afedo illa dígamie ie comeci ifue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

<sup>36</sup> Afénori daa ringo illa. Afengo Juzíñamuimona ie oga uai llófuefirede. Afengo mámeçi Ana; Fanuel jiza. Iemo jíái Aser náiraímona comúdingo. Afengo iere éirogi. Afengo jitáingona illa llezica ínrede. Afengo siete diga fimona afémie diga ite. Afe mei afengo fecíngona jaide. <sup>37</sup> Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífirede, mei afénomo mona naio diga Juzíñamui ocuífregangona ite. Afengo iere Juzíñamuimo úrifirede, íemo jíái iere fímairite Juzíñamui íóbitallena. <sup>38</sup> Simeón Jesudo úrilla llezica afengo afénomo bite. Iemo úrue díbéfodo Juzíñamuina “Figora” daina mei, afengo nana Jerusalemo ite jllollena uíñotínomo úrite. Dúemie Jesús ñúefuina afengo íaioimo llote.

#### *Nazaremo meine jáillafue*

<sup>39</sup> Iemona, nana Juzíñamui ocuica ualla íaioi fuita mei meine Galilea éniemo jáidiaioi. Afénomo dani íaioi jofue Nazaremo fiebizaide. <sup>40</sup> Afénomo afe úrue iere íocire móonaite, íemo jíái ráfuenta baitádimiena móonaite. Afe llezica Juzíñamui afézamo caimare eroide.

#### *Juzíñamui gairíracomo úrue Jesús fínócafue*

<sup>41</sup> Jesús moo íaillinoi naga fímónaiaido Jerusalemo pascua ráfue mo jáifirede. <sup>42</sup> Jesús doce diga fimona fuita mei, íaioi fínofirena izói afe ráfue mo nana jáidiaioi. <sup>43</sup> Afe rafue záillamona, jofomo meine íaioi jailla llezica, afe úrue Jesús Jerusalemo fiebicaide. Afeza fiebicaillana ie ei, José diga onóñediaillinoi. <sup>44</sup> Níbai cai onóigamací diga bite, daidíiaillinoi. Daa mona daí iodo comécidiaillinoi. Mei íadi íaillinoi onóigamací cígido jenódiaillinoimo <sup>45</sup> afézana cíónediaillinoi. Jira meine Jerusalemo íemo jénuaidiaillinoi.

<sup>46</sup> Afe mei daruíamani íllamona Juzíñamui gairíracomo eromo afézana baitíiaillinoi. Ocuica uai llófuetino cígimo ráiidena baizáidiaillinoi. Afeza afémaci úrillamo cacáreide. Afe llezica afeza afémacimo jicánofirede. <sup>47</sup> Nana afeza íaioi uallaí úana cacáidino fáigacaidiaioi; daje izói ie ráfuenta baitari. <sup>48</sup> Ie moo íaillinoi íena cíozaila llezica íaillinoina jacínaitade. Ie ei íena daide:

—Cue jító çñibái cócori bifue fínódio? Cue o moo diga iere coco comécina llícítatio, ona iere zuure jenódicocozá, —daide.

<sup>49</sup> Mei jira Jesús íaillinoi uai ote:



—¿Mei nibái cue jenódiomicoi? Cue Moo llogáfueмо cue járitaiticue; ¿áfena onóñediomicoi? —daide.

<sup>50</sup>Mei fadi afe íaillinoína afeza dáinana onóñediailinoi.

<sup>51</sup>Afe mei afeza ie moo íaillinoi diga abido Nazaremo jaide. Iemo íaillinoi ocuállana jeire ófirede. Ie ei nana bífuiaí comécimo jónete. <sup>52</sup>Afe llezica Jesús ñue zairfoicaide, íemo onócana jaca jaide. Afe llezica Juzíñamui naa comíniri afémiemo jíeruitaioi.

### 3

*Juan Bautista táizicimo rafue jino llote*

*(Mt 3.1-12; Mr 1.1-8; Jn 1.19-28)*

<sup>1</sup>Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. <sup>2</sup>Afe llezica Jerusalemo jamánomoide lletáiriraima íaillinoi Anás Caifás diga. Aféruillaído Juzíñamui Zacarías jitó Juaamo táizicimo úrite. <sup>3</sup>Iemona Jordán abi comini illágoibaído Juan llócaide. Afémacina bie izói daífcade: Omoi comeci ífuiaí méidori; áfemona omoi fiénidífuiaí dólleza. Iemona omoi báutizatari. <sup>4</sup>Jaiái uai lloiraíma Isafas úicodo cuega uai izói bífuiaí íficaide. Be afe uai:

Ficire úritimie uai táizicimo cácacaide. Afémie daide:

“Juzíñamui bille io ñue fínua izói omoi comeci ñue fino.

Afémiemo io jaícina dénuia izói, omoi comeci íaifuiaí féitari.

<sup>5</sup>Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica íñede io, daje llezica jóbite.

<sup>6</sup>Iemona nana nairai Juzíñamui caimo orelle jíllloillífuemo comécíidiaioi.”

<sup>7</sup>Comini Juan dine íaioi báutizailla llezica, afémie íaioína daide:

—¡Títade jaióniaimona comuídino izóidiomoi! Ja ánozide duere zefuillífuemona omoi botállena, ¿bu omoi llua? <sup>8</sup>Omoi comeci ífue méidoiacanana ñúfuedo uáfodo jino ácañari. Dani ómoimona táinona “Abrahámona comuídnodicaí” daíñeno iri. Mei bie noñiciaimona Juzíñamui jitáiaí, Abraham comínina comútaredeza, daí ómoína daidícue.

<sup>9</sup>Fiénide amena tiéllena jata jicaída jónona izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

<sup>10</sup>Jira comini afémiemo jícanotiaioi:

—¿Mei bie ñie izói íredicaí? —daídaíoi.

<sup>11</sup>Jira Juan uai ote:

—Mena caifóferoiredimie, caifófenidímiemo daa írede. Iemo gülleredimie güllenedímiemo güllena fecárede, —daide.

<sup>12</sup>Afénomo dáarie gobierno íbátaga úcube llíinoraini báutizaillena Juaamo jícaíbitiaioi. Afémiemo jícanotiaioi:

—Llófueraíma, ¿mei bie caí ñie izói íiticaí? —daídaíoi.

<sup>13</sup>Jira Juan íaioína daide:

—Ocuica uai dáina baímo dama raíñóñeno iri, —daide.

<sup>14</sup>Iemo dáarie “soldado” dáina nairai úíñotino Juaamo jícanuaíbitiaioi:

—¿Mei bie caí ñie izói íiticaí? —daídaíoi.

Jira Juan íaioi uai ote:

—Jácígota, jíáimamona mínícana baíróneno iri. Daje izói jácidoñeno jíáimamo ie fínoñegafue táinona íaioimo jítañeno iri. Nano omoi táijina íba díeze uái omoi iri, —daide.

<sup>15</sup>Nana comini Juaamo comécí idiaioi. “Nibai bímie Crístona,” comécido daídaíoi. <sup>16</sup>Mei fadi Juan nana afémacina daide: Mei uáfueza, cue jáinoína omoi báutizadicue.

—Mei jíámie ja bite. Afémie Juzíñamui Nuera Joréñodo ómoína úicaite. Daje izói iraimo raia ñue zia izói, afémie ómoína íáinino ñue fínoite. Afémie cue baímo ríinorede. Cue bie

jamáimiedicueza, afémiena dama jacíruiaredicue. <sup>17</sup>Jabe bítimie arroz bíaidimie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidínona oni eneno óite. Núemacina ie illánomo ñue éenoite. Mei jíáifodo fiénidicuai izóidino zíñona dúíñeite iraimo jóbaite, —daide Juan.

<sup>18</sup>Afe bíemona naa aillo jíáie llófuiado Juan ñúefuiai jino comínimo lloste. <sup>19</sup>Afe emódomo Juan illaima Heródesna riire lletade, mei ie ama Felipe ai Herodías ie aina ua jira. Daje llezica ie finoca fiénidifuiari Juan íena lletade. <sup>20</sup>Mei íadi Juan llétajana íñoñeno afe baímo jíáie íaifuena nabaide: Herodes Juan llavéracomo ibaide.

*Jesús báutizaga*

(Mt 3.13-17; Mr 1.9-11)

<sup>21</sup>Afe uícodo, Juan nana comini báutizaja llezica, Jesús jíái báutizaga. Afe Jesús báutizaja llezica afémie Juzíñamuimo úrite. Urilla llezica mona túijicaide. <sup>22</sup>Afemona Ñuera Joreño íiciri baizáibilla izói, afémiemo comini cíocana baizáibite. Afe llezica monámona daa úrilla cácaide. Afe úrilla daide:

—Cue izíruiga Jitódio. Ori iere íóbioidicue, —daide.

*Jesucristo uzútiái*

(Mr 1.1-17)

<sup>23</sup>Ja Jesús treinta fimona íllamona Jesús comínina canóllena ie táijina como táinede. Comini comécilla izói Jesús José jító.

Iemo afe José Elí jító.

<sup>24</sup>Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

<sup>25</sup>Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

<sup>26</sup>Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

<sup>27</sup>Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

<sup>28</sup>Iemo afe Neri Melqui jító.

Iemo afe Melqui Adi jító.

Iemo afe Adi Cosam jító.

Iemo afe Cosam Elmadam jító.

Iemo afe Elmadam Er jító.

<sup>29</sup>Iemo afe Er Josué jító.

Iemo afe Josué Eliezer jító.

Iemo afe Eliezer Jorim jító.

Iemo afe Jorim Matat jító.

<sup>30</sup>Iemo afe Matat Leví jító.

Iemo afe Leví Simeón jító.

Iemo afe Simeón Judá jító.  
 Iemo afe Judá José jító.  
 Iemo afe José Jonam jító.  
 Iemo afe Jonam Eliaquim jító.  
<sup>31</sup> Iemo afe Eliaquim Melea jító.  
 Iemo afe Melea Mena jító.  
 Iemo afe Mena Matata jító.  
 Iemo afe Matata Natán jító.  
<sup>32</sup> Iemo afe Natán David jító.  
 Iemo afe David Isaí jító.  
 Iemo afe Isaí Obed jító.  
 Iemo afe Obed Booz jító.  
 Iemo afe Booz Sala jító.  
 Iemo afe Sala Naasón jító.  
<sup>33</sup> Iemo afe Naasón Aminadab jító.  
 Iemo afe Aminadab Admin jító.  
 Iemo afe Admin Arni jító.  
 Iemo afe Arni Esrom jító.  
 Iemo afe Esrom Fares jító.  
 Iemo afe Fares Judá jító.  
<sup>34</sup> Iemo afe Judá Jacob jító.  
 Iemo afe Jacob Isaac jító.  
 Iemo afe Isaac Abraham jító.  
 Iemo afe Abraham Taré jító.  
 Iemo afe Taré Nacor jító.  
<sup>35</sup> Iemo afe Nacor Serug jító.  
 Iemo afe Serug Ragau jító.  
 Iemo afe Ragau Peleg jító.  
 Iemo afe Peleg Heber jító.  
 Iemo afe Heber Sala jító.  
<sup>36</sup> Iemo afe Sala Cainán jító.  
 Iemo afe Cainán Arfaxad jító.  
 Iemo afe Arfaxad Sem jító.  
 Iemo afe Sem Noé jító.  
 Iemo afe Noé Lamec jító.  
<sup>37</sup> Iemo afe Lamec Matusalén jító.  
 Iemo afe Matusalén Enoc jító.  
 Iemo afe Enoc Jared jító.  
 Iemo afe Jared Mahalaleel jító.  
 Iemo afe Mahalaleel Cainán jító.  
<sup>38</sup> Iemo afe Cainán Enós jító.  
 Iemo afe Enós Set jító.  
 Iemo afe Set Adán jító.  
 Iemo afe Adán Juziñamui jító;  
 ua, Juziñamui nano finócamie.

## 4

Taife Jesús facátate  
 (Mt 4.1-11; Mr 1.12-13)

<sup>1</sup> Jesús diga Ñuera Joreño uaido fllamona imani Jordámona oni jaide. Afe llezica Ñuera Joreño táizicimo ie uite. <sup>2</sup> Afénomo afémie cuarenta dígarui ite. Afe dinomo Taife íena

fieni facátate. Aféruillaído Jesús jaca due jiza güiñede. Afe mei iere jamánomo jufíñaite.

<sup>3</sup>Mei jira Taife éna daide:

—Ua Juzíñamui Jitona o íadi, bie nofíciai güíllena fino, —daide.

<sup>4</sup>Jira Jesús uai ote:

—Juzíñamui Cuegáuai daide: “Fia güílledo come ínide, mei jiáifodo nana Juzíñamui lloga uaido írede,” —daide.

<sup>5</sup>Afe mei Taife caifónedumo ie uite. Dínómona nana éniemo ite náiraiái dáaruido éna ácatate. <sup>6</sup>Iemo Taife éna daide:

—Nana bie náiraiái ríino naa ie ebíredinuiári omo íitícue. Mei nana bie cúeieza. Iemona cue fecácana dieze jiáimamo fredícueza. <sup>7</sup>Cue anamo o dújuillano cuemo o caimátaia nana bie óieiteza.

<sup>8</sup>Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamui o caimátairena. Dama afémie ocuífregamiéna o iri,” —daide.

<sup>9</sup>Nane afe mei Taife Jerusalén jófuego Jesús uite. Afénomo ite gairíracó emódomo caifo jica uite. Uillano éna daide:

—Ua Juzíñamui Jitona o íadi, mai benómona ana batí ticai, <sup>10</sup>mei Juzíñamui Cuegáuai bie izói dáideza:

Juzíñamui ie abí imácina ona uíñotaite.

<sup>11</sup>Iaioi ónoído ona moziñoitiaioi, o eiba nofíciaimo íziñeíllena.

<sup>12</sup>Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

<sup>13</sup>Ja Taife Jesuna jiáie facátaja raana baiñénamona nano íanori afémiemona fáicanocaillano oni jaide.

*Jesús Galilea éniemo fueñe tájizaide*

*(Mr 4.12-17; Mt 1.14-15)*

<sup>14</sup>Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fueñado afémiedo úritiaioi. <sup>15</sup>Nágagobiaimo ite Juzíñamui uai llorácuaido Jesús llófuecaide. Iemona nana comini ñúefuiai afémiemo mamédiaioi.

*Jesús Nazaremo mácajide*

*(Mt 13.53-58; Mr 6.1-6)*

<sup>16</sup>Mei íemo Jesús ie móonailla Nazaret jófuego abido mácajide. Iemo ocózinaiillaruimo Juzíñamui uai llorácomo ie fínofirena izói, jofo jaide. Jaillano Juzíñamui Cuegáuai facádollena caifo naidaide. <sup>17</sup>Iemona jaiái uai llóraima Isaías Cuegáuai illabe Jesumo itíiaioi.

Afémie afénico túiñuano afe bie uai illano baite. Afe be níuui:

<sup>18</sup>“Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécanona zuitalle uai llóllena orécacue.

Iemo jiái uina cíoiñedíno uina cíoitallena orécacue.

Iemo duere finócanona zuitállena orécacue.

<sup>19</sup>Daje izói Juzíñamui caimo jamánomo caimare érocaillíruí llóllena orécacue.”

<sup>20</sup>Iemona Jesús afénico íbáillano, Juzíñamui uai lloraco ero canófredímiemo abido ite. Afe mei Jesús ana ráinade. Iemo nana afe llorácomo itino Jesumo riire eróiediaioi.

<sup>21</sup>Iemona Jesús íaioina daide:

—Ja birui omoi erócana bie Cuegáuai ñue ícoimo fuite, —daide.

<sup>22</sup>Nana Jesudo ñue úritiaioi. Afémie íaioimo lloga ebírede uáillairi caimare fáigacaidiaioi. Mei jira jicánotiaioi:

—¿Mei bie afe José jítóñede? —daídiaioi.

<sup>23</sup>Jira Jesús íaioina daide:

—Uáfueza bie omoi daífíreña uai cuemo mámeitiomoi: “¡Íraredinona manóriacadié, fueñe dama o abina jíllota!” (Comini Jesús Juzíñamui oreca ua Crístona íaioi)

daifñenamona, Jesús bie izói daide. Mei afémie fia José jító fadi, jiáimana jíllotanideza.) Daje izói nibai cuena dáitiomoi: “Nauí cai cacana Capernaumo ebire o finócafue mai birui dama bie o jófuemo finori.”

<sup>24</sup>Iemo Jesús ie úrillana moziññoeno nai jiái uai lloste:

—Mei uáfueña ómoína daidicue, naga uai jino llórima dama ie comini cígiri jaca figo íñoñega. <sup>25</sup>Omoímo jino uáfodo llóiticue, nauí Elías illáruillaído Israel nairai cígimo diga fecíngotiai ite. Aféruillaído daámami fimona átuedo noci bíñede. Afemona afeno nairai jamánomo júbietaidiaioi. <sup>26</sup>Mei fadi Elías Israelmo ite aillo fecíngotiaimona daíngo mameda óreñega. Mei jiáifodo jica Sarepta jófuemo ite fecingo mameda Elías oreca daíngo canóllena. Afe Sarepta jofue Sidón jofue áinori ite. <sup>27</sup>Daje izói uai llórima Eliseo illáruillaído Israel náiraimo aillo chíinaitinuiái ite. Mei fadi afémacimona dáamie jaca jíllotañega. Mei jiáifodo jica Siria énie ímie Naamán jíllotaina, —daide.

<sup>28</sup>Afe uaina cacáillano nana llorácomo itino afe Jesumo iere riicaidiaioi. <sup>29</sup>Náidacaillano afe jófueмона jino ie jíúdiaioi. Afe mei afe jofue idu ícoímo íena uitfaioi, afénomona ana ie dotállena. <sup>30</sup>Mei fadi Jesús afedu ícoímona gírecaillano íaioi cígido abido jaide.

Fiénide jóriaí úicaigamie Jesús jíllotate  
(Mr 1.21-28)

<sup>31</sup>Afe mei Jesús Galilea éniemo ite Capernaum jófuemo jaide. Afénomo ocózinai llaruimo nane como comini llófuiaide. <sup>32</sup>Riire ocuilla uaido ie íaioi llófuiari caimare fáigacaidiaioi.

<sup>33</sup>Afe Juziñamui uai llófueraco eromo fiénide jóriaí úicaigamie ite. Afémie Jesuna cióillanona riire caillide:

<sup>34</sup>—Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaibitio? Ona ónodicue Juziñamui ñúefuiaido jacíruiregamiedio, —daide.

<sup>35</sup>Jira Jesús fiénide jóriaí uai ote:

—¡Uriñeno! ¡Bímie fáicanocai! —daide.

Mei afemona afe ímana fiénide jóriaí comini eróicana ana éniemo dotade. Daí finuano afe jóriaí afe ímana ízitañeno oni jáidiaioi. <sup>36</sup>Aferi nana jacinaillano jofo confmaiaína daidiaioi:

—¡Bímie uallai nii mei riñorena! Afe bímie riñrede uaido fiénide jóriaína orede. Iemo afémaci afemona jáidiaioi, —daidiaioi.

<sup>37</sup>Afe énie comini nágagobiaído Jesudo úritiaioi.

Jesús Simón Pedro jífaiño jíllotate  
(Mt 8.14-15; Mr 1.29-31)

<sup>38</sup>Afe mei Jesús Juziñamui uai llófueracomona jino billano, Simón jofomo jaide. Afénomo Simón jífaiño ie abi cuaríllari iere irárede. Jira afengo jíllotallena Jesumo izire jícadiaioi. <sup>39</sup>Iemo Jesús aféngomo ana ánozillano ie onoi llínote. Afe llezica ie abi cuarilla llícaide. Iemona afengo jíllobicaide. Daí daina llezica afengo náidacaillano afémaci jitaica raa bai atide.

Jesús diga iráredino jíllotate  
(Mt 8.16-17; Mr 1.32-34)

<sup>40</sup>Ja jítoma jímaicaidemo, diga jiáiforiede duico ogánuiaina Jesumo atidiaioi. Afémacimona illa dígamie Jesús ie onoi bitade. Bitajamona afémaci jíllozitiaioi. <sup>41</sup>Íaioi atica iráredinuiamona diga fiénide jóriaí jino jaide. Jaillano afémaci riire caillíoidiaioi:

—O Juziñamui jítdío, —daidiaioi. Mei fadi, como úrizaidiaioímo Jesús íaioína úri-  
tañede. Mei afémaci afémie Crístona íllana onódiaioiza.

Jesús Galilea éniemo uai jino lloste  
(Mr 1.35-39)

<sup>42</sup> Afe jítiramo Jesús jofue baimo buna inénanomo jaide. Mei íadi comini éna jenódiaioi; ie illánona baizájidiaioi. Afémaci afémiena iere jeruáfidiaioi oni jíáinomo afémie jáíneillena.

<sup>43</sup> Jira Jesús íaioina daide:

—Jíáie jófuaímo Juzíñamui illáimana illíruimo ja áinozideza áfena llujáiredicue, mei afe jira orécacueza, —daide.

<sup>44</sup> Afemona daí Jesús Galilea éniemo ite Juzíñamui uai llorácomo llófuecana uite.

## 5

*Jesús uaido dáinamona jamánomo aillo chamuniai oga*

(Mt 4.18-22; Mr 1.16-20)

<sup>1</sup> Afe mei jíáiruido Jesús Genesaret jorai fuédamo ite. (Afe jorai jíáifodo mameina Galilea.) Afénomo ie illa llezica díga comíniai afénomo dúcina. Afémiena jamánomo rillfretadiaioi, mei afémaci Juzíñamui uáillaímo iere cacáacadiaioiza. <sup>2</sup> Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaioi chamu ora llóiji jocódiaioiza. <sup>3</sup> Iemona Jesús Simón icaemo jaide. Afécaemo jáillano éna daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete. <sup>4</sup> Ie llófuia fúillamo, Simona daide:

—Bie nocáe bai batí afóredinomo ui. Afénomo chamu ólleza omoi llóiji dota, —daide.

<sup>5</sup> Jira Simón uai ote:

—Llófueraíma, jae naio náamonana facódicaiza, íadi jaca daa oñédicaí. Mei íadi o daina izói mei o ocuácaza llóiji dótaíticue, —daide.

<sup>6</sup> Daí dotádemo, jamánomo aillo chámuniai jíideza, llóijina cuatáacade. <sup>7</sup> Afe jira oni jíáicaemo ite íaioi nabáitíai ónoído jíritiaioi, ie íaioi cánuaibillena. Jira afémaci cánuaibítiaioi. Afe íaioi jíitaga chámuniai íaioi ménacae áillocaemo oruitatiaioi. Jamánomo oruállamona afe ménacae buíacade. <sup>8</sup> Afena Simón cóiillano Jesús ana dújullano daide:

—Cue Ocuíraíma, cúemona oni ii. Cue bie fiénidífue finódimiedicueza, —daide.

<sup>9</sup> Mei ua, afe aillo chamu jíillari Simón naa ie nabáíñiairi jacínaitiaioi. <sup>10</sup> Iemo jíáí Zebedeo jíto íaillinoi Santiago Juan díga, Simón nabai daje izói jacínaitiaioi. Mei íadi Jesús nane Simona daide:

—Jacíruiño. Benómona chamu fácuia izói comínina jénoítioza, cuemo íaioi íinollena, —daide.

<sup>11</sup> Iemona afe ménacae oni fuédamo zítajano, dinomo nana fíiano Jesudo jáidiaioi.

*Jesús chíñaitímie jíllotata*

(Mt 8.1-4; Mr 1.40-45)

<sup>12</sup> Iemo jíáiruido, Jesús jófueo illa llezica chíñaitímie Jesumo dúcide. Jesuna cóiillano ana dújuillano uíeco dinena ana éniemo bíjicaide. Daí ñiano Jesumo izire jícade:

—Cue Ocuíraíma o jítaíadi bie duícona cúemona oréredio. Cúemona oreri, —daide.

<sup>13</sup> Iemona Jesús ie ónoído jétano daide:

—Jíí, ona jíllotaiacadicue. Benómona ja íáinitioza, —daide.

Daí daina llezica ie irárena chíie jacáibicaide. <sup>14</sup> Afemona Jesús afémiena “Bie bumo lloñeno iri” daide. Afe emódomo nane daide:

—Mai lletáriraímamo o abí ácatari. Afe llezica Moisés ocuica o abí ja íáinide daítaite raa, mai fecari. Afemona nana comini o chíie ja jacáillana ónoítiaioi, —daide.

<sup>15</sup> Jesús izire éna rairuide íadi Jesús mámece jamánomo bai jica jalléicaide. Iemona aillo comini ie uaimo cacáreizaíbitiaioi. Daje izói íaioímo ite duícomona ie jíllotallena aillo bitíaioi. <sup>16</sup> Mei íadi Jesús bai comini inénanomo jaide, afénomo ie Moo Juzíñamuimo úrillena.

*Jesús tízitaitímie jíllotata*

(Mt 9.1-8; Mr 2.1-12)

<sup>17</sup> Nane afe jiáiruido Jesús llófuemaritemo, fariséuaimona dáarie afénomo ráiiede. Afe llezica oni jicana bite ocuica uai llófueraíni dáanomo ite. Dáarie Galilea ígobaiimona bitíaiói. Daje izói jiáimaci Judea éniemona, íemo Jerusalén dínena jiái bitíaiói. Aféruimo Juzíñamui ríino aillo iráredino jilluamona jino ácataga. <sup>18</sup> Afe dáaruido diga ímie tízitaitimie naa ie bíiralludo atídiaíói. Jofo Jesús úcomo ie uácadiaíói. <sup>19</sup> Mei íadi iere comínina oruídeza jofo íaiói jíillino íñede. Ie jira caífo jofo emódomo uitíaiói. Uillano afeno tuiñódiaíói. Afeno túiñuano afe iráredimie naa ie bíirallu diga ana comini cígimo Jesús úcomo aguínetiaíói. <sup>20</sup> Jesús ñue íaiói íñuana cóillano, iráredimiena daide:

—Mii, nana o fiénidifuiái ja muiñócaza, —daide.

<sup>21</sup> Iemona ocuica uai llófueraíni naa fariséuairi, como comeci anado daidíaiói:

—¿Mei bie bu? baie jiáimie fiénidifuiái dóficailla dáinado Juzíñamuina icíritaja. Jaca bu comini fiénidifue muiñóñena; dama Juzíñamui fiénidifueña muiñua, —daidíaiói.

<sup>22</sup> Mei íadi Jesús comeci íaiói fácajana onóillano daide:

—¿Nibái mei bie izói comeci facádiomoi? <sup>23</sup> Mei daíí daina ménade uáimona ¿nie uai iere llotáinina? Afe ménade uai be ñie: O fiénidifue muiñócaza. Iemo jiáie uai bie izói joide: Mai náidacaillano maca. Iiraie uai jamánomo llotáirede, mei omoi eróicana íteza.

<sup>24</sup> Mei jira, Nanoide íima Jitódicueza bíniemo cue illa llezica comínimo ite fiénidifue cue muiñolle ríino jino ómoimo cótaticue, —daide.

Mei jira Jesús tízitaitimiena daide:

—Ona dáitícue náidacai; náidacaillano o bíirallu llíinota o jofomo jai, —daide.

<sup>25</sup> Daíí daina llezica, afe tízitaitimie comini eróicana caífo náidacaide. Náidacaillano, ie bíirallu llíinota, Juzíñamuimo caimátaicana ie jofomo jaide. <sup>26</sup> Aferi nana comini caimare fáigacaidiaíói, íemo Juzíñamuimo caimátaidiaíói. Afe mei jacíruioicana daide:

—Ñii birui cai iere ebíredifuiaina ciona, —daidíaiói.

*Jesús Leví jíirite*

*(Mt 9.9-13; Mr 2.13-17)*

<sup>27</sup> Nane bie méifomo Jesús jofue cígido mácaja llezica, gobierno íbátaga úcube llíinoraímamo riire éroicaide. Afémie mámecei Leví. Afe úcube íbafirenanomo afémie ráiiede. Jesús íena daide:

—Mai cuedo bi, —daide.

<sup>28</sup> Iemona Leví náidacaillano nana ie táijina fáicanocaillano Jesudo jaide.

<sup>29</sup> Afe mei Leví áillue rafue ie jofomo Jesús íena finode. Afe Leví izoide aillo úcube llíinoraíni naa jiáimaciri güirabanimo ráiizaibitiaíói. <sup>30</sup> Mei íadi fariséuai naa ocuica uai llófuetinori Jesús llófuegamacimo como meine fiéni úritiaíói. Íaioina daide:

—¿Nibái mei baie úcube llíinofirede fiénidinori güitíomoi? —daidíaiói.

<sup>31</sup> Jira Jesús íaiói uai ote:

—Íociredimie mánuamo dúíñede. Íráredino manórena. <sup>32</sup> Dani ñúemacina abí mamédinona uáiduaíbiñedicue, mei jíáífodo fiénidifuiairedino comeci ífue méiduaíbiticue, —daide.

*Íaiói ímairillena Jesumo jícanotiaíói*

*(Mt 9.14-17; Mr 2.18-22)*

<sup>33</sup> Iemona afémaci Jesumo jícanotiaíói:

—¿Nibái mei Juan dibénedo jáidino, íemo jiái fariséodo jáidino, diga ícaíño riire ímaífrediaíói? Íaiói ímairilla llezica Juzíñamuimo jamánomo jícaífrediaíói. Mei jíáífodo o llófuegamaci jaca güífrediaíói, jírófrediaíói. ¿Nibái mei daíí itíaiói?

<sup>34</sup> Jira Jesús íaiói uai ote:

—Mai cuena omoi daíí: ¿Airena rafue llezica afemo uáidogano meita zúurenari güíndiaíói? Daííañede; ringo otímie íaiói cígimo illa llezica caimare güitíaiói. <sup>35</sup> Mei íadi

ringo otámie íaioimona báiruabi llíruimo dúciite. Aféruído comeci zúurenari güñeitiaioi. Ringo otámie izói birui cuedo jácaidino cígiri itícueza.

<sup>36</sup> Ie emódomo jíáie onótate rafue llote:

—Jaca nino dáamie comue ínoimona jáitano, jácaroimo nitáñede. Daíí nitáadi cómoroina fieni cóitate. Iemo jíái jácaroimo nitaca cómoroi figo cóiñede. <sup>37</sup> Iemo nane jíáifue llote. Daje izói comue vino jácara igorai fínoina icíru izoide raamo totánide. Dáamie daíí totáadi afe comue vino afe jácara icírúna eroide raana cuatade. Afemona afe icíru naa vino diga táinomo fáifite. <sup>38</sup> Iemona comue vino comue igorai fínoina icírúna eróidemo jónerede. Iemona afe naga ñue éenoga. <sup>39</sup> Daje izói jácara vino jiródimomona, buna cómójina jicáñena. Mei afémie “Jácaji jamánomo caimárena,” dáideza. (Afe bie dáinado Jesús ie comue llófueinafue íemo íaioi jaiái llófuegafue dáanomo ínonide íaioimo llote.)

## 6

*Jesús llófuegamaci ocózinaillaruimo trigo ímoiaí dícoiano otá güítiaioi*

(Mt 12.1-8; Mr 2.23-28)

<sup>1</sup> Daa ocózinaillaruído Jesús naa ie llófuegamaci jacáfaiaí cígido íaioi maca llezica, ie llófuegamaci trigo ímoiaí dícoiano otíaioi. Uano íaioi ónoído lléguano aféjiaína güítiaioi.

<sup>2</sup> Mei jira fariséuaímona dáamierie jicánotiaioi:

—¿Níbái mei ocózinaillaruimo rairuícamo tájjidiomoi? —daídaioi.

<sup>3</sup> Jira Jesús íaioi uai ote:

—¿Omoi jaiái illaíma David fínócafue cúeinana facádoñediomoi? Afémie naa ie nabáñiaíri jufínaitiaioi. <sup>4</sup> Afe llezica Juzíñamui jofomo jofo jaillano rairuica pániaí ote. Uano güíte. Afe mei afémiedo jáidinomo fecade. Mei íadi afe pan dani lletáriraini güiga. Abí ñine jamai comini güínide.

<sup>5</sup> Nane dáanomo íaioina daide:

—Nanoide íima Jitódicueza, ocózinaillarui, cue ocuille ríino ite, —daide.

*Onoína jofo naillídimie rafue*

(Mt 12.9-14; Mr 3.1-6)

<sup>6</sup> Nane jíáie ocózinaillaruimo Jesús Juzíñamui uai llorácomo jofo jaide. Jaillano llófue. Afécomo onoi nabézina jofo naillídimie ite. <sup>7</sup> Afe llezica ocuica uai llófuetino naa fariséuairi Jesumo báinino éroiediaioi, ocózinaillaruido afe ónoína jofo naillídimie jíllotajana cóillena. Afémie jíllotaja áfedo fiénidifue íemo jítaíticai, comeci anado daídaioi.

<sup>8</sup> Mei íadi Jesús íaioi comeci fácajana onode; jira ónoína jofo naillídimiena daide:

—Náidacaillano bai cai cígimo bi, —daide.

Iemona afémie náidacaillano bai náidazaide. <sup>9</sup> Afe mei Jesús jíáimacina daide:

—Omoímo dafue jicánoiticue. ¿Ocózinaillaruimo ñie tájjina rairuínina? ¿Cai finoca fiénidifue, mei níbai cai finoca ñúefue? ¿Cómena jíllotaiticai, mei níbai méneíticai? —daide.

<sup>10</sup> Iemona Jesús nana ie oníffenedo gairide comínimo eroide. Afemaci ie uai oñena jira, ónoína jofo naillídimiena daide:

—O onoi jino zuita, —daide.

Jira afémie zuitade. Zuitádemo ñue jíllode. <sup>11</sup> Mei íadi áfemona afe jíáimaci jamánomo rícaidiaioi. Dani jofo conímmamo jicánotiaioi, ¿Mei ñie izói baie Jesús uáitaredicai?

*Jesús doce diga oni oréllimacina nizede*

(Mt 10.1-4; Mr 3.13-19)

<sup>12</sup> Aféruillaído Jesús caifónedumo Moo Juzíñamuimo úrizaide. Afénomo afémie Juzíñamuimo úritemo monaide. <sup>13</sup> Ja monáidemona nana ie llófuegamaci jírite. Jírrillano afémacimona doce dígamie nizede. “Oni oréllino” íaioína mamede. <sup>14</sup> Afe be nímmaci: Simón, afémie jíáie mámece jítaína Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, <sup>15</sup> íemo Mateo, íemo Tomás, íemo Alfeo jíto Santiago,



íemo iere Járídotímácimo jaináidímie Simón, <sup>16</sup> íemo Santiago ama Judas, íemo uire Jesús fécaitimie Judas Iscariote.

*Jesús aillo nairai llófuete  
(Mt 4.23-25)*

<sup>17</sup> Jesús caifónedumona naa afémaciri ana bitíaiói. Billano ñúenomo nano íanori naidáiediaíói. Afénomo aillo jicánemaci Judea éniemona bitino gairídiaíói. Daje llezica Jerusalémona, íemo jíái Tiro, Sidón diga jica itíniemona bitíaiói. Bimaci nana Jesús úrillamo cacáreizaíbitiaíói. Daje izói afémaci íaíoi mo ite dúicomona Jesús jíllotallena bitíaiói. <sup>18</sup> Daje izói fiénide jóríai úcaigano jíllotagaíaiói. <sup>19</sup> Afe llezica nana comini Jesuna jetáacadiaíói, mei afémie íemo ite ríinodo nana íaíoi na jílloteza.

*Cáimafue zuufue diga  
(Mt 5.1-12)*

<sup>20</sup> Iemona Jesús ie llófuegamacimo érocaillano íaíoi na daide:  
—“Comeci dinena dúeredicai,” dáífiredino omoi íadi, dúerede íadi íobidiomoi; mei ómoimo Juzíñamui illáimana illano dúideza.

<sup>21</sup> Júbiena méinegamie iere guícana izói, Juzíñamui comeci jítaina izói iere íacadino omoi íadi, caimare íobidiomoi, mei Juzíñamui afe omoi íacana izói omoi íllena ómoína cánoiteza.

Birui duere éediomoi íadi caimare itíomoi, mei uire zádaitiomoi.

<sup>22</sup> Nanoide tima Jitódicueza cue ícoína comini ómoína éoína llezica caimare ítiomoi.

Daje izói cue ícoína ómoína jino íaíoi jíúadi íobitiomoi. Iemo jíái cue ícoína ómoína íaire íaíoi daííadi, daje izói o mámečina íáirede raa izói íaíoi jámaíruia, íobitiomoi.

<sup>23</sup> Aféruído iere omoi íobíocairi. Jamánomo caimare omoi iri, monamo áillue omoi jíridolle raa íteza. Mei afe izói bimaci nánoidígima Juzíñamui uai llórainina iere duere finódiaíói.

<sup>24</sup> Mei jíáífodo omoi ráanaitino nii dúerena, mei omoi caimátailla raana jae otíomoiza.

<sup>25</sup> Daje izói omoi jeírede izói itino nii dúerena, mei uire iere juffruitimoiza.

Afe izói birui ómoimona zadáidino nii dúerena, mei uire dúerenari éeitiomoiza.

<sup>26</sup> Daje izói nana comini ómoído ñue íaíoi úrilla llezica, nii omoi dúerena. Mei afe izói afémaci jaiáigima taino uai llórainimo caimare úritiaíoi.

*Caina éoidinona izíruiredicai  
(Mt 5.38-48; 7.12)*

<sup>27</sup> Mei íadi cue úrillamo cacáreidiomoina dáititcúe: Omoi bacáuai imaci izói dino, nii omoi diga ícírítinona mai omoi izíruiri. Daje izói omoi éoidinona mai ñue omoi finori.

<sup>28</sup> Omoi faidódinona mai omoi cáimadori. Daje izói ómoína fieni finócadino, ñue íaíoi ílleza, mai Juzíñamuimo omoi jicari. <sup>29</sup> Daa come o uieco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari. <sup>30</sup> Ninó dáamie raana omo jícadí mai afémiemo jeruñeno o fecari. Omona bairoca raana abído jícanoñeno o iri. <sup>31</sup> Jira jíáimacimo úcodo bie izói finórediomoi. Jíáima omo finóllena o óiacana dieze, áfeze afémiemo mai o finori.

<sup>32</sup> Daa ómoína izíruitinona omoi izíruia, ¿Mei ñie ñúefue finódiomoi? Mei fiénidino afe izói fínuaza. <sup>33</sup> Daje izói daa omoi ñue finódino ñue omoi finóadi, ¿neémei omoi finoca ñúefue? Mei fiénide comini afe izói fínuaza. <sup>34</sup> Afe izói daa “meine abído cue méidolle cue coméicillamiemo” o fecáadi, ¿neémei o finoca ñúefue? Mei afe izói, fiénidino jíáie fiénidinomo méidollena fecádiaíoi. <sup>35</sup> Mei íadi ómoína éoidinona izíruirediomoi. Abído méidollemo coméciñeno, fia fecárediomoi, afémacimo ñue finóllena. Afe izói omoi íllemona áillue ñúefuiai máínoítomoi. Afe llezica caífoide Juzíñamui jíttótiána jíáitíomoi. Mei afémie daje izói jeruífinidímie. Figura daíífinidinomo, daje izói fiénidinomo afémie jeruñeno dájerize fecade. <sup>36</sup> Omoi Moo comínimo dúecaífiredeza, afe dieze jíáimacimo mai omoi dúecaífireiri.

Jiáima jánana fiēni úriñeno iri  
(Mt 7.1-5)

<sup>37</sup>Jiáima jánana mai fiēni úriñeno omoi iri, áfemona Juziñamui riire ómoimo jicánoiza. Mai jiáimana duere finótañeno omoi iri, afe izói Juziñamui duere omoi fínoiza. Jiáima ómoimo finoca fiénidífue mai omoi féitari, afe izói Juziñamui omoi fiénidífue féitaiteza. <sup>38</sup>Jiáimamo mai omoi ífíreiri, íemona Juziñamui ómoimo ífíreiteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jíllóicíteza. Iemo jiái afégaina caífo jica ebena óruitaite. Afémie afegai jamánomo oruítajamona ana abido cóciite. Jiáimamo cai facáfírena izói Juziñamui caímo fácaite.

<sup>39</sup>Jesús bie onótatífue afémacimo llote:

¿Meita únidímie jiáie únidímie iodo ífórede? Nibai afe íaillínoí jáidiaillínoína ¿meita dáafomo báitíallínoí? <sup>40</sup>Llófuegamacimona dáamie ie llófuetímie baimo onóñede. Mei íadi ie llófueina fuilla mei ie llófuetímie illa izói iite.

<sup>41</sup>¿Mei ñie izói o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afeña daífacade: Aillo fiénidífue omo illa llezica; ¿ñie izói due jiza oni nibéfodo baídímie jánana úriredio? Urinidio.) <sup>42</sup>Mei o uimo ite jéerie rarúnguaina o náfueñenia, ¿ñie izói o ámana “o uimo ite jéenide ráaruaina cue otata,” dáitio? Daínidio. ¡Comeci díne íáirena mei jínofene ñue cóidímiedio! Fueñe o uimo ite áillue rarúnguái mai o oíri; afe mei o ama uimo ite jéenide ráaruái óllena ñue cóitioza.

Nana amena ie llíziedo ónorede  
(Mt 7.17-20; 12.34-35)

<sup>43</sup>Ñuera amena fiénide ráajaina llízínide. Daje izói fiénide amena ñuera ráajaina llízínide. <sup>44</sup>Mei naga amena ie llízíllajido onoi. Jaca jírede monáigimona jífcollina jofo óñenaza. Daje izói “zarza” daina íanoride rarócimona jírcue jofo óñega. <sup>45</sup>Ñuera come ñúfuedo úrite, mei ie comécimo ñúfue illaza. Daje izói fiénidímie fiēni úrite, mei ie comécimo fiénidífue illaza. Mei uáfueza o comécimo aillo jebuide raa o fuedo úrillaza.

Mena jofo nillino rafue  
(Mt 7.24-27)

<sup>46</sup>Cue dáinana ínoñediomoi ia ¿nibái mei, “cai Ocuíraima, cai Ocuíraima” daidíomoi? <sup>47</sup>Cuomo cacáreizaibitímie, íemo cue daina finófíredímie illa izói ómoimo llóitícue. <sup>48</sup>Afémie jofo nillana baitádímie izoide. Afe ñue nífredímie fueñe ana jica jáilliraina raite; ana mairídnomo jóonete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozóidíllirai mairídnomo jóideza. <sup>49</sup>Mei jiáifodo, cuemo cacáreizaibitímie mei íadi cue dáinana finóñedímie, bie jiáifo jofo nitímie izoide. Bímie riire llííñede éniemo jofo nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiébiñeno ñine táinoacide.

## 7

Romano illaíma ocuífíregamie Jesús jíllotade  
(Mt 8.5-13)

<sup>1</sup>Jesús comínimo úrilla fuilla mei Capernaumo jaide. <sup>2</sup>Afénomo daa romano illaíma ite. Afémie ie ocuífíregamiēna iere izíruite, mei íadi afe ocuífíregamie iere irárede, tíllanomo dúcide. <sup>3</sup>Afe illaíma comini Jesudo úrillana cacáillano, judíuaimona ocuífírede écomini orede, Jesumo izire jicállena, ie ocuífíregamie jíllotaibillena. <sup>4</sup>Afémaci Jesumo dúciállano iere izire jicádiaoi:

—Baie illaíma iere canórede, <sup>5</sup>mei afémie cai náiraímo caimare coméciífírede. Daa afémie cai Juziñamui uai lloraco nitátate, —daidíaioi.

<sup>6</sup>Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamiái Jesumo orede. Illaíma daina izói Jesuna daidíaioi:

—Ocuíraima, ona áifedoacañedicue. Cue jofomo o bíllena dúíñede, mei jamáimiedicue. <sup>7</sup> Ie jira dama omo úrzaibiñedicue. Jicana o uaido o daíri, áfemona cue ocuífregamie jílloteza. <sup>8</sup> Mei cue jíáie illaíma uai anamo iticue. Afe izói cue úíñoga fuíríraíni cue uai anamo ite. Afémacimona dáamiena “Mai jai” cue daííadi, afémie jaide. Iemo jíáimiena “Bi” cue daííadi, afémie bite. Cue ocuífregamiena “Bíemo o tájíjiri” cue daííadi, afémie áfena finode, —daide.

<sup>9</sup> Jesús áfena cacáillano, afémie dáinari caimare fáigacaide. Iemo Jesús afémiedo jáidínomo érocaillano daide:

—Uáfuenta ómoína dáititcúe: Nana Israel náiraímo bie izói íñote come jaca baiñédicue, —daide.

<sup>10</sup> Afe orécano meine jofomo jáidiaímo, afe irárede ocuífregamie ja jíllodena cíozaidiaíoi.

*Jesús daa fecingo jító tíilla abído cáadimiena jaitate*

<sup>11</sup> Bie méifomo Jesús Naína daína jófuego jaide. Ie llófuegamaci naa aillo jíáimaciri iedo jáidiaíoi. <sup>12</sup> Afe jófuego ja áinozidiaímo, Jesús tíidimie íaíoi raíájillana ciode. Afe tíidimie ie éimona daade jító. Afe llezica afengo jae fecingo. Aféruído afe jofue comínimona aillo aféngona nabáidiaíoi. <sup>13</sup> Ocuíraima Jesús aféngona cíollano femo dúecaide. Dúecaillano daide:

—Mai éeñeno, —daide.

<sup>14</sup> Afe llezica Jesús “ataúd” daína tíidimie illácojimo ánozillano afécoji jetade. Jira afécoji uitino mozíñotiaíoi. Iemona Jesús tíidimiena daide:

—Jitócome, mai náidacai ona daidicue, —daide.

<sup>15</sup> Mei daíí daína llezica, afe tíidimie raináicaillano úrite. Afe mei Jesús ie eina daide, “Be, o jító; mai ómicoi jai; uái ómicoi iri,” daide. <sup>16</sup> Nana comini áfena cíollano jacínaitiaíoi. Juzíñamuimo aillo núefue jóoniano daidíaíoi:

—Birui cai cígiri jamánomoide uai llóraíma cíocaila, —daidíaíoi.

Nane jíáifodo daidíaíoi:

—Juzíñamui ie nairai cánuaibilla, —daidíaíoi.

<sup>17</sup> Iemona afe bie Jesús finócafue jica jalleide; ua nana Judea éniemo naa afe onífenemo itígobiaído jalleide.

*Juan Bautista orécano*

*(Mt 11.2-19)*

<sup>18</sup> Juan nana afe Jesús finócano fídide, mei íedo jáidino afémiemo llógaza. <sup>19</sup> Mei íemona afémacimona ménamie uáidota Jesús dine orede. Oriano, bie meita ua bite Cristo dáinana ónoillena jicánotate. Daje izói, meita nibai nai jíáie bíitímie uíñoiticaí, afémie daíí jicánotate. <sup>20</sup> Afemona Juan orécano Jesumo dúciillano íena daidíaíoi:

—O meita ua bite Cristo daínámiedio áfena ñue onóillena Juan cai jicánotate. Daje izói meita nibai nai jíáie bíitímie uíñoiticaí daínana ónoillena cai jicánotate, —daidíallinoi.

<sup>21</sup> Afe íaillinoi dúcina llezica, Jesús díga comini íaíoi íraniaímona jíllotate; daje izói dáaruído íaíoi ote duícuaímona jíllotate. Daje izói fiénide jóriaí úicaigamacina jíllotate. Iemo jíái díga uínidíuiai uina cíoitate. <sup>22</sup> Afe llezica Jesús íaillinoína daide:

—Omícoi cíónafue, naa ómicoi cacánafue díga mai Juaamo llujáiri. Bie izói afémiemo llujáiri: Uínidino ui ja cíoide, íemo macáñedino ja macádeza, íemo chíñaitino ja núemacina jaide, íemo jefona cacáñedino ja ñue cacádiaíoi, íemo dáarie tíidino meine abído cáadiaíoi, íemo dúeredínomo jíllona uai llógaza. Nana bífuaíai mai afémiemo llujáiri.

<sup>23</sup> Cuemo íñoñeillíuaina baiñédimie íóbite.

<sup>24</sup> Juan orécano meine abído jailla mei, Jesús Juaado comínimo úrite; daide:

—¿Mei táizicimo minícana cíozaidímoí? Nibai dáamie ie daína uaina méidofredimiena cíozaidímoí. <sup>25</sup> Afe izóidena omoi cíozaiñenia, ¿mei minícana

cióizaidiomi? ¿Meita nibai ñue cioide ráifide iniroi jitáoidimiena cíozaidiomi? Onódiomoiza, ñúecuironi jitáoiñredino illaini jofomo íñrediaioi naa dani íaioi comeci jítaina izói itínori. <sup>26</sup> Mei firainomo, ¿minícana cíozaidiomi? ¿Nibai Juzíñamui uai jino llórainana cíozaidiomi? Jii, ua, Juzíñamui uai llórainna baímo jamánomoidimiena cíozaidiomi. <sup>27</sup> Juan baie Cuegáuai dainámie. Jaiái úicodo nai cue biñena llezica, afe uaimo Juzíñamui afémie dibenedo cuena daide: O bille io ñue finóllena izói, comini íaioi comécido ñue omo jieruillena cue llujitimie o uícodo óreiticue.

<sup>28</sup> Nana comínimona ite Juzíñamui uai llórainimona Juan Bautista baímo jamánomoidimiena iñede. Mei jiáifodo, Juzíñamui illáimana illánomona jabóidímie Juan baímo jamánomoide.

<sup>29</sup> Afena cacáillano, Juan báutizaga gobierno ibátaga úcube llínoraini, naa jiáie báuti-zaiganori, “Juzíñamui ñífuenidena finódimie,” daidíai. <sup>30</sup> Mei jiáifodo Juan báutizañega fariséuai naa báutizañega ocuica uai llófuetínori Juzíñamui íaioiena mameca ñúefuiai jámairuillano táinomo fáifitatiaioi. <sup>31</sup> Iemo Ocuíraima Jesús daide:

—Bie monado itínona ¿ñie izói íaioina mámeiticue? ¿Mei ñie izói cóitiaioi? <sup>32</sup> Jofue cigi ibírimo jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairfoñediaioi. Daje izói conímama zúurede rúado fráacadiaioi, mei íadi daje izói áfemo cacáreacañediaioi. Afémaci jaca caimátaitanidiaioi. <sup>33</sup> Afe bie izói ómoimo ite. Mei Juan Bautista billa llezica afémie fimairillano güilleniai figo güiñede, daje izói vónona jiróñede. Iemona “fiénide joríaí ucaigamedio” fena daidíomi. <sup>34</sup> Afe mei cue, afe Nanoide ima Jitó dainámiedicue biticue. Billano, jiáimaci izói güiticue, íemo jiródicue. Afemona bie izói nane cuena daidíomi: “Bímie iere güilláredímie; jéerie jiróñiredímie. Fiénidífuiairedino nabáidímie; daje izói gobierno ibátaga úcube llínoraini nabáñiredímie,” cuena dáñifiredíomi. <sup>35</sup> Comini Juzíñamui orécana fieni daidíai íadi, Juzíñamui baitaca rafue jieruitinodo jino comínimo ñue cíotaga.

*Fariseo Simón jofomo Jesús güizájide*

<sup>36</sup> Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. <sup>37</sup> Afe llezica, afe jófuego ite fiénide ringo, fariseo Simón Jesús güízaibillana fidíillano afécomo bite. Afengo “alabastro” daína nofici finoina duera iciru atide. Aferu ziore cáiredijina oruide. <sup>38</sup> Eebicaillano Jesús idai abímo ráinazaide. Afe llezica ie ui jémedo Jesús idai jocode. Afe mei ie ífótiido dote. Duano ñítade; ñítajano ie uiga ziore cáiredijina afémie ídaimo totade. <sup>39</sup> Afe Jesús güillena uáidote fariseo, afengo finócafuena cíoillano, comécido daide: “Bímie ua uai llórainana, bie ringo fiéninana ónoite. Afémie abina nibai aféngona jétatañeite. Mei afengo fiénidíngo illaza afémie aféngomona abí ráiruite,” dañí comeci facade. <sup>40</sup> Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraima, mei daini, —daide.

<sup>41</sup> Jira Jesús daide:

—Mena come uícodo íaillinoimo iga úcube daje izói meine fecádimiemo írediaillinoi. Dáamie quinientos dieze meine írede, íemo jiáimie cincuenta dieze meine írede. <sup>42</sup> Mei íadi nágaillinoi afe úcube fecádimiemo íaillinoi méidolle iñena jira, afe fecádimie afe íaillinoi abído írede úcubena féitate. Mei birui cuena daini, mei bíaillinoimona ¿ñímie fecádimiena jamánomo izíruirena? —daide.

<sup>43</sup> Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódió, —daide.

<sup>44</sup> Afe mei, Jesús ringomo érocaillano Simona daide:

—¿Bingona ciódió? O jofomo cue billa llezica, cue ídaina jocóñedio, mei jiáifodo bie ringo ie ui jémedo cue ídaina jocode. Jócuano ie ífótiido zafénaitade. <sup>45</sup> Iemo o jofomo biticue íadi cuena ñitáñedio, mei íadi afengo jofo cue billa llezica cue idai ñítajana jaca fáicanocaiñede. <sup>46</sup> Daje izói o jofomo cue dúcina mei cue ífomo cáiredijina totáñedio, mei jiáifodo afengo ziore cáiredijina cue ídaímo totade. <sup>47</sup> Te jira ona daidícue, bie ringo aillo cuena izíruillamona, afengo finoca aillo fiénidífue dóinana ácatate. Mei jiáifodo jabo cuena izíruitimie íemo ite íaífue jabo dogo.

<sup>48</sup> Mei afe mei Jesús aféngona daide:

—O finoca fiénidífue jae dófideza, —daide.

<sup>49</sup> Afénomo afémie díga ráiide daane güíllena uáidogano dani comímana daidífoi:

—Mei bie ¿ñie come; comínimo ite fiénidífuiaina dóteza? —daidífoi.

<sup>50</sup> Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

## 8

### *Jesús canófredingoniai*

<sup>1</sup> Bie méifodo, Jesús díga jófuiaido macácaide, naa due illánuiari. Afénuiaido Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. <sup>2</sup> Afe dáaruido dáarie dúicuaímona ie jíllotaga ringóniai afémiedo jáidiaioi. Iemo jíái dáarie íaioi uícaide fiénide jóriaímona jíllotaga ringóniai iedo jáidiaioi. Afémacimona Magdalena énie ingo Maríana mámeçiredingo ite. Aféngomona siete dígade fiénide jóriaí nauí jino oreca. <sup>3</sup> Iemo jíáie canódingo Cuza ai Juana. Afe Cuza illaíma Herodes jabóidillaíma. Iemo jíáingo Susana. Iemo jíái aillo jíáie ringóniai, íaioimo ite ráaniaina Jesús canódingotiai.

### *Ríjifredimie rafue*

(Mt 13.1-9; Mr 4.1-9)

<sup>4</sup> Afe jófuiamona aillo comini Jesuna cióillena bitífoi. Aillo comini dáanommo ofilla llezica, íaioi onóigafuedo Jesús jiáífue íaioimo llófuete. Íaioina daide:

<sup>5</sup> —Ríjifredimie ie rillíji rizájide. Rizájilla llezica, ie rigájiaímona dáarie iomo baíide. Afe iomo baídíjiaí zaizíbide; jíáijiaí ófocuízaí güíga. <sup>6</sup> Jíáie rigájiaí nofíciaí emódomo baíide. Aféjiaí zícua llezica jainoi íñénari dúizite. <sup>7</sup> Te mei jíáijiaí éegiaí cígimo baíide. Afe éegiaí jéerie zícuaímona aféjiaína írataítano tídade. <sup>8</sup> Mei íadi jíáie rigájiaí ñuera éniemo baíide. Ñue zícua mei, jamánomo aite. Dáajidemona cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

### *Cacáacaiñedino jánaillena Jesús comini onóigado úrite*

(Mt 13.10-17; Mr 4.10-12)

<sup>9</sup> Iemona ie llófuegamaci afémiemo jícanotiaioi:

—Afe llogafue ¿ñie izói daíacade? —daidífoi.

<sup>10</sup> Jira afémie íaioina daide:

—Juzíñamui ie illáimana illa rafue ónonidífuiái ómoína onótate. Mei íadi jíáimacimo afémaci jánaillena comini onóigado úriticue. Iemona uina cóñedino izói íitiaioi. Daje izói afe uai afémaci cacana llezica, onóñedino izói íitiaioi.

### *Ríjifredimie rafue Jesús jino uáfodo llote*

(Mt 13.18-23; Mr 4.13-20)

<sup>11</sup> Ríjifredimiedo lloga rafue bie izói daíacade: Afe rigájiaí daína Juzíñamui lloga ñuera uai. <sup>12</sup> Afe iomo baídíjiaí daína ñuera uaina cacáidino. Mei íadi cacana mei, Taife billano afe ñuera uaina comini íaioi comécimona féítate. Afémaci jílloneíllena, Taife afémaci afe uaina ínotañede. <sup>13</sup> Afe nofíciaímo baídíjiaí daína jíáfodo jóide ñuera uaina cacáidino.

Afe uaina cacáillano caimare otíai. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are inédiai. Nano íanori ínotiaí. Mei íadi izire íai. Facátallruimo dúcina llezica núefuena fáicanocaitiaí. <sup>14</sup> Iemo afe éegiaí cígimo baídjiaí daina, jíaie ñuera uai cacáino. Mei íadi cacana llezica dani íai. Comeci jítaina diné jáiacadiaí. Iemona afémaci comeci oni jáinomo uilláfuaído, nocáe builla izói féiraitiaí. Daje izói iere íai. Ráareiacanado, íemo jíai bíníemo ite caimare cai itáfuaído anáfenogai. Izóidiaí. Iemona figo llizíñede itíai. <sup>15</sup> Mei jíáfodo afe ñuera éniemo baídjiaí daina ñuera uaina cacáreacadino. Afémaci ñuera comécido cacáillano afe uaina ñue náfuetiaí. Iemona áfena fáicanocaiñeno ñue aite izói jáidiaí.

*Boode mechera jánaide izóidífue*  
(Mr 4.21-25)

<sup>16</sup> Buna boode mechera retáidoñede. Daje izói buna boode mechera bíira anamo raináñede. Mei íadi jíáfodo boode mechera caifo uáfori cíoidinomo raináfírega, jofó jáidino ñue cíollena. <sup>17</sup> Mei uáfueza, nana retáidoga ráaniaí uáfori jino cíotaí. Daje izói nana báinide ráfuaí jino uáfori llócaílleza.

<sup>18</sup> Aquíe izóideza ñue omoi cacáreiri: Íere Juzíñamuina onócadimíemo ie báitaja báimo jamánomo írede, mei íadi Juzíñamui dibénedo figo onócañedimíe, due ie onógafue féitalle.

*Jesús ei naa ie ámatiaíri*  
(Mt 12.46-50; Mr 3.31-35)

<sup>19</sup> Iemona Jesús ei naa ie ámatiaíri ie illánomo dúcidiaí. Afénomo aillo comini íllaza, afémíemo ánozinidiaí. <sup>20</sup> Jira dáamie Jesumo llujáide:

—O ei, naa o ámatiaíri jino benó itíai. O díga úriacadiaí, —daide.

<sup>21</sup> Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaína, —daide.

*Jesús jorai bagua naa jairifo díga llícaitate*  
(Mt 8.23-27; Mr 4.35-41)

<sup>22</sup> Afe mei jíáruído, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaí. <sup>23</sup> Ruica íai. Játaja llezica, Jesús inide. Afe llezica rírede jairifo jóraimo ónonino raire bite. Riire jáíñuamona afe nocáe buíacade. Afécaena jacire anábaitacade. <sup>24</sup> Mei jira Jesús cazítatiaí. Cazítajano íena daídíaí:

—Llófueraíma, Llófueraíma, ¡ja buízaidicaí! —daídíaí.

Iemona Jesús náidacaillano jairifo naa jorai bagua díga llícaitate. Afemona nana llícaide; níífuenino jorai uái ite.

<sup>25</sup> Afe mei Jesús ie llófuegamacina daide:

—¿Ico nai Juzíñamuimo íñoñedíomoi? —daide.

Mei íadi afémaci jacínaitiaí. Afémíemo caimare fáigacaillano conímamo jicánotiaí:

—¿Mei bie níie cómeita? Afémie jairífona ocuide, daje izói jáinoina ocuide. Iemo afémie uaina ínotiaí, —daídíaí.

*Gerasa éniemo ite fíenide jóriaí uícaigamie*  
(Mt 8.28-34; Mr 5.1-20)

<sup>26</sup> Jaílla ícoimo Gerasa éniemo dúcidiaí. Afémie Galilea énie ruícaferaimo ite. <sup>27</sup> Como ari afémíemo jáidiaímo, afe jófueмона dáamie Jesús diné bite. Ja díga fímónaí afémie fíenide jóriaí uícaiga. Afémie íncuiro jaca jítañede. Daje jofomo uái íñede, mei jíáfodo raíáfuaína jófórede. <sup>28</sup> Jesuna cíollano afémie anamo dújuzaíbite. Dújuzaíbillano fícre daide:

—Caifoide Juzíñamui Jitó Jesús, ¿níbái mei cuemo jíricaidio? Duere cue o fíñoñellena izire jícadícue, —daide.

<sup>29</sup> Afémie bie izói daide, mei Jesús afémiemo ite fiénide jóríai jino oréllena ocuícaza. Diga ícaíño afémiena fiénide jóríai riire úcade. Afe llezica comini afémie onoi idai diga llojéodo máifrediaíoi. Jiáimaci fiéni fiñoñeillena izire íena rairuídiaíoi. Mei íadi afémie afe maia llójeina titáfírede, ie mei afe ie úcaide fiénide jóríai afémiena táizicimo botátáfírede.

<sup>30</sup> Jira Jesús afémiemo jicánote:

—¿O mámeçi bu? —daide.

Jira afémie uai ote:

—Legiona mámeçiredicue, —daide. Afe “Legiona” daína uai, aillo comini, daífacana.

Afémie bie izói daide mei aillo fiénide jóríai íena úcaideza. <sup>31</sup> Afe bie fiénide jóríai íaí Jesumo izire jicádiaíoi duere finótalle íbárafomo afémaci óreiñellena. <sup>32</sup> Mei afe llezica afénomo ite íconido aillo meróníai güícaidiaíoi, fiénide jóríai afe meróníaimo jáillena Jesumo izire jicádiaíoi. Iemona Jesús áfena fairfote. <sup>33</sup> Iemona afe fiénide jóríai íaimamona jino billano meróníaimo jáidiaíoi. Afe mei afe meróníai áfera íconido jabícana jóraimo cocízitiaíoi. Dinomo coróbaitiaíoi.

<sup>34</sup> Meróníai úiñotino áfena cíoilano jacínaitiaíoi. Aferi jacínailano botádiaíoi. Iemona jófuemo llujídiaíoi; daje izói oni fuédamo itícuaímo llotíaíoi. <sup>35</sup> Iemona jofue comini afe comuíduemo acárizaidiaíoi. Jesús illánomo íaíoi dúcina llezica fiénide jóríai jino orécamié Jesús anari uái ráiinana cíozaidiaíoi. Afe iima ja iníroi jítáoi; daje izói ie abina ñue onode. Afena cíoilano iere jacíruitiaíoi. <sup>36</sup> Afena cíódino nauí fiénide jóríai úcaigamié jíllotaja oni jiáinomo llujídiaíoi. <sup>37</sup> Mei bíemona nana afe Gerasa énie comini, afénomona Jesús oni jiáinomo jáillena izire jicádiaíoi, mei áfena iere jacíruitiaíoi. Iemona Jesús ana áillocaemo jáizaide, ruica abido jáillena. <sup>38</sup> Afe llezica afe fiénide jóríai jino orécamié Jesús diga jáillena izire jicade. Mei íadi Jesús áfena fairfóñede; afémiena afénomo fiébitade. Iena daide:

<sup>39</sup> —Maí meine o jofomo jai. Jaillano nana Juzíñamui omo finócafuíai jino lloiri, —daide.

Iemona afémie jaillano, nana jofue comínimo Juzíñamui íemo finócafuíai jino llujíde.

*Jairo jiza íemo jiáingo Jesús ínícuro jétaíbitingo Jesús jíllotate*

*(Mt 9.18-26; Mr 5.21-43)*

<sup>40</sup> Jesús meine jorai ruicáfenemona dúcina llezica, comini afémiena iere caimare llínotiaíoi. Mei nana afémiemo ocuírídiaíoi. <sup>41</sup> Afe llezica Jáirona mámeçiredimie dúcide. Afémie Juzíñamui uai lloraco illaíma. Afémie Jesús anamo fueco díne ana bíjicaide. Bíjicaillamo izire daide, <sup>42</sup> “Cue jofomo biri; mei daide cue jiza tíizaideza,” daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaíoi.

<sup>43</sup> Afémaci cígimo íráredingo ite. Afengo doce fimona die dícotailari írárede. Nana aféngomo ite úcube manófredinomo fuite; mei íadi afémaci aféngona jíllotanidiaíoi. <sup>44</sup> Afe ríngo jinófene dímena Jesumo billano ie ínícuro fueda jetánote. Ie jetánua llezica afengo die llíicaide.

<sup>45</sup> Iemona Jesús jicánote:

—¿Mei bu cue ínícuro jetánoga? —daide.

Iemo nana comini jáanuano “Ona bu jetáñena,” daidíaíoi. Jira Pedro naa ie nabáíñiaíoi daide:

—Llófueraíma, nana comini rillírenari o ñuitádiaíoi. ¿Níbái mei, “Bu cue jeta,” daidio?

<sup>46</sup> Mei íadi Jesús daide:

—Ja onódicueza daa come cuena jetade. Mei cue ríino afe come jíllotajana onódicue, —daide.

<sup>47</sup> Afe jétaíbitingo ja ie báillana onóillano cuidíricana Jesús anamo dújuzaíbite. Iemona afengo jino nana comini eróicana jáanoñeno ie ínícuro jetáacana rafue llote. Iemo jiái afémie ínícuro jeta llezica ie jíllona llote. <sup>48</sup> Mei jira Jesús aféngona daide:

—Cue jiza, cuemo o ínnumona ja jíllodioza. Jaillano caimare uái o iri, —daide.

<sup>49</sup>Jesús nai úrioidemo, daa come Jairo jofómoma Jesús diné bite. Afe Jairo Juzíñamui uai lloraco illaíma. Afe llúaíbitimie Jáirona daide:

—O jiza ja tíideza. Mai Llófueraimana úridoñeno iri, —daide.

<sup>50</sup>Mei Jesús áfena cacáillano daide:

—O jacíruiñeno iri. Dama Juzíñamuimo ínnoñireiri. Afemona o jiza jílloteza, —daide.

<sup>51</sup>Afe jofomo íaioi dúcina llezica, nana comini afe jofo eromo afémie oréñede. Afe jiza moo, ei diga, íemo jíái: Pedro, Santiago, Juan diga jofo uite. <sup>52</sup>Nana comini afengo tíillari fíçirerie éenaitiaioi. Mei íadi Jesús íaioina daide:

—Omoi éeñeno. Afengo tíiñedeza, fia inide, —daide.

<sup>53</sup>Daí afémie dánari zadáidiaioi, mei afengo tíillana onódiaioiza. <sup>54</sup>Iemona Jesús afengo onoi llíinota fíçire daide:

—Jitaingo, mai náidacai, —daide.

<sup>55</sup>Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecarí” daide. <sup>56</sup>Afe llezica ie moo faillinoi iere caimare fáigacaidiaillinoi. Mei íadi Jesús íaillinoina afe ie finócafue bummo llotáñede.

## 9

*Jesús doce dígade ie llófuegamacina oni orede*

*(Mt 10.5-15; Mr 6.7-13)*

<sup>1</sup>Jesús doce dígade ie llófuegamacina dáanomo gairítate. Gairítanona afémiemo ite ríino íaioimo fecade, nana jíáiforiede fíenide joríaí jino oréllena. Daje izói nana iráredino jíllotalena ríino afémacimo fecade. <sup>2</sup>Iemo Juzíñamui illáimana illarui rafue íaioina oni llujítate. Daje izói iráredinona jíllotate. <sup>3</sup>Íaioina daide:

—Omoi jaille llezica minícana uñeno, fia omoi jairi. Macara jigüida uñeno iri, daje izói ciríticoi, íemo güíllena, íemo úcube uñeno iri. Mena caifóferoi uñeno, daa uiri. <sup>4</sup>Ninó daa jofomo omoi dúcia, afécomo uái iri, afénomona oni omoi jáíñeille dino. <sup>5</sup>Níie jofue comini ómoína llíinoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo illana onótaitíomoi.

<sup>6</sup>Afemona ja oni nana dúgobiaído jáidiaioi. Jaillano ñuera jíllona uai llocana uitíai. Daje izói iráredinona jíllotacana uitíai.

*Juan Bautista tíilla rafue*

*(Mt 14.1-12; Mr 6.14-29)*

<sup>7</sup>Ocuídillaíma Herodes nana Jesús finócafuiaina fíçide. Iemona Herodes comeci uibílliuai íñede, mei dáarie “Juan tíide meine abido cáadimierna jaide,” daidiaioi. <sup>8</sup>Jíáímaci, “Juzíñamui uai llóraíma Elías meine cíocaizaíbilla,” daidiaioi. Iemo jíáímaci, “Jaiaí ninomo tíide jíaie Juzíñamui uai llóraíma meine abido cáadimierna jaille,” —daí llotíai. <sup>9</sup>Mei jira Herodes daide:

—Nauí cue Juan ífoci jaitátaticue. Iemona ¿mei bie níimie? Afémiedo diga ráfuiái cacáfiredicue, —daide.

Afe llezica Herodes iere Jesuna cíóacade.

*Jesús cinco mil comini ecade*

*(Mt 14.13-21; Mr 6.30-44; Jn 6.1-14)*

<sup>10</sup>Ie orécana abido dúcina mei, nana íaioi finócafuiái Jesumo llotíai. Afe mei Jesús afémacina oni eneno Betsaida jofue áinomo uite. <sup>11</sup>Mei íadi áfena fídíillano comini afénomo jáidiaioi. Afénomo Jesús caimare afémaci llíinote. Juzíñamui illáimana illirui rafue íaioimo llote. Daje izói afénomo iráredinona jíllotate.

<sup>12</sup>Iemo ja nauzáilla llezica, doce dígamie orécana Jesumo billano daidiaioi:



—Mai, comini íaioi ocózinaillena oni ore, áinori ite jófuaioi güille íaioi jenólleza. Mei benomo cai illánomo güille inédeza, —daidíaoi.

<sup>13</sup> Mei jíáfodo Jesús íaioina daide:

—Afémaci omoi eca, —daide.

Jira ie uai otíaoi:

—Benomo caimo cinco pániai femo mena chamu ite. Afe baimo inédeza. ¿Meita nana bie comini ecállena íbajiredicai? —daidíaoi.

<sup>14</sup> Mei afénomo cinco mil comini gairídiaoiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

<sup>15</sup> Daií fínua méifodo nana ana raizídaitiaoi. <sup>16</sup> Afe llezica Jesús cinco dígade pániai, femo mena chamu lliinote. Llínuano monamo eróillanona Juzíñamuina afe güílleri “tere figura,” daide. Daií daina méifodo, afe ditada, ie llófuegamacimo fecade, afémaci comínimo fecállena. <sup>17</sup> Iemona nana áferi ñue jeírediaoi. Afe mei llófuegamaci güígamona fiebidino doce cirigai oruítatiaoi.

*Pedro Jesús Crístona uáfodo jino lloste*

*(Mt 16.13-19; Mr 8.27-29)*

<sup>18</sup> Afe mei jíáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini ñíe izói cuena daidíaoi?

<sup>19</sup> Jira uai otíaoi:

—Dámierie “Bie Juan Bautista,” daidíaoi, jíámaci “Bie Elías” daidíaoi, íemo nai jíámaci “Jaii Juzíñamui uai lloraima meine abido cáilla” daidíaoi.

<sup>20</sup> Jira Jesús jicánote:

¿Omoi ñíe izói cuena daidíomoi?

Jira Pedro daide:

—Juzíñamui nízeza Cristo dainámiedo, —daide.

*Jesús ie tíille rafue jino lloste*

*(Mt 16.20-28; Mr 8.30-9.1)*

<sup>21</sup> Iemo afe Pedro llógana afémie jíáie comínimo iere rairuillano ie llófuegamacina áfena bumo llotáñede. <sup>22</sup> Iaoina daide:

—Nanoide íma Jitó Crístodicueza, iere duere finóllieue. Ocuide éinamací cuena ruiffruitiaoi. Daje izói lletáriraini illaini cuena ruiffruitiaoi, femo jíái ocuica uai llófuefiredino cuena íáruitiaoi. Cuena títaitiaoi, mei íadi daaruíamani íllemona meine abido cáaiticue, —daide.

<sup>23</sup> Afe méifodo nana afémacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tídena afémie áfena izire ónide. <sup>24</sup> Mei ie caana rairuicadímie áfena táinomo fáifitaite. Mei jíáfodo cue ícoinia ie caana táinomo fáifitimie afe fáifidena baimo ziiño illínona máíñoite. <sup>25</sup> Mei daa come nana bíníe ráaniai aillo náamataadi, mei íadi afe llezica dama ie comeci afémie táinocaitiaadi, nana ie maíñoca ráaniai afémiena jíllotañeite. <sup>26</sup> Ninó daa come cuena meáiruia, daje izói cue uaina meáiruia, afe ibana uire illáimana ana cue billíruimo afémiena meáruiticue. Nanoide íma Jitódicueza, aféruimo Moo Juzíñamui ebírededo bíiticue naa ñífueniedo Juzíñamui abi imáciri. <sup>27</sup> Uáfueña ómoína dáititicue: Birui benó ítinomona, dáarie nai íaioi tííñena llezica Juzíñamui illáimana illarui cíoitiaoi, —daide.

*Jesús abi jíáfodo méidoficailla*

*(Mt 17.1-8; Mr 9.2-8)*

<sup>28</sup> Daií daina mei ocho dígarui jailla mei, Jesús Juzíñamuimo úrillaena caifónedumo jaide. Afémie Pedro, Santiago, Juan dígamie uite. <sup>29</sup> Nai Juzíñamuimo Jesús úrioína llezica, afémie uieco jíáfodo méidoficaide. Daje llezica ie íncuiro jamánomo úzere quenire jaide. <sup>30</sup> Afe

llezica mena come ie abímo cíocaide. Afe íaillinoi afémie diga úrite. Afe bíaillinoi Moisés Elías diga. <sup>31</sup> Daje llezica ñue ebire quenire cíoide raa afe íaillinoina onífenedo féricaide. Afe íaillinoi Jesús Jerusalemo duere zefuállano tíillífuedo úritiaioi. <sup>32</sup> Afe llezica Pedro naa ie nabáñiairi iere ínie méinegaiaioi ia, ocuádiaioi. Afémaci Jesumo ite ebire cíoidena cíodiaioi; daje izóí afémie diga itíiaillinoina cíodiaioi. <sup>33</sup> Afe íaillinoi Jesúmona oni jáioicailla llezica, Pedro daide:

—Llófueraima, ¡nii benomo caimare cai illa! Mai daámami jofóchupina cai nii. Daaco óie, jáico Moisés ie, íemo jáico Elías ie, —daide.

Mei íadi Pedro ie daífacana ónoñede. Jira comeci facáñeno ebena daíí daide. <sup>34</sup> Nai ie úrioina llezica, mona ero uíllie íaioina ferínocaide. Mona ero uíllie eromo íaioi íficailla llezica iere jacínaitiaioi. <sup>35</sup> Afe llezica afe uílliemona daa uaina cacádiaioi:

—Bie iere cue izíruiga Jitoza, afémiemo omoi cacáreiri, —daide.

<sup>36</sup> Daíí daina méifodo Jesumo érocaidiaioimo, ja dama ite. Afe mei afémaci afe íaioi ciónana bumo lloñediaioi.

*Jesús fiénide joríaí uícaiga jítócome jíllotate*

*(Mt 17.14-21; Mr 9.14-29)*

<sup>37</sup> Afe jáíruido afe ídumona ana íaioi billa llezica, aillo comíni io anamo Jesús úínotiaioi.

<sup>38</sup> Iemona comínimona dáamie ficire lléjecaide:

—Llófueraima, dúecaillano daade cue jítomo érocai. <sup>39</sup> Fiénide joríaí riire íena uícade.

Afe joríaí íena caillítacaide, afémiena nano íanori titáfiredede. Afe llezica ie fuémona múllecíai bífiredede. Iena duere finode; afémiena fáicanocaiñede. <sup>40</sup> O llófuegamacimo afe joríaí jino oréllena izire jicádicue, mei íadi orénidiaioi, —daide.

<sup>41</sup> Jira Jesús uai ote:

—¡Nii jamánomo ínofinidiomoi! Iemo daje izóí ñúefuena iere uáitafirediomoi. ¿Ñie dínó omoi cígimo íredicue omoi cue riidollena? O jító benomo atí, —daide.

<sup>42</sup> Mei íadi afe jítócome Jesumo ánozilla llezica, fiénide joríaí afémie ana éniemo dotade. Afe llezica afe jítócome íanori titade. Mei íadi Jesús afe fiénide joríaina riire dainano oni orede. Afemona Jesús afe jítócome jíllotate. Iemona jíllotano ie moomo abido ite.

<sup>43</sup> Iemona nana comíni Juzíñamuimo ite áillue ríinori caimare fáigacaidiaioi.

*Jesús ie tíille rafue meine nane llote*

*(Mt 17.22-23; Mr 9.30-32)*

Nana comíni Jesús finócarí caimare fáigacailla llezica, afémie ie llófuegamacina daide:

<sup>44</sup> Bíemo ñue omoi cácarei. Afena omoi féitañeno iri. Nanoide íima Jitódicueza, duere cue íaioi finóllena comínimo fécajillicue, —daide.

<sup>45</sup> Mei íadi ie llófuegamaci afe ie dainana ñue onóñediaioi. Mei afefue afémacimona rairuica. Iemo afe llezica afefue afémiemo jicánuana jacíruitiaioi.

*¿Mei ñie come jamánomoina?*

*(Mt 18.1-5; Mr 9.33-37)*

<sup>46</sup> Afe méifomo ie llofúegamací dani jofó eróicana conímána “cáimona níimie iere jamánomoina” daina júfidotiaioi. <sup>47</sup> Mei íadi Jesús íaioi comeci úrillana onode. Iemona daa úrue uáídotá ie abímo naidánete. <sup>48</sup> Daíí naidánjano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juzíñamui eróicana iere jamánomoidimie, —daide Jesús.

*Caina uáitañedimie cai díbenemo ite*

*(Mr 9.38-40)*

<sup>49</sup> Ie jira Juan Jesuna daide:

—Llófueraima nauí o mámecido fiénide joríaí orédimiena cíódicai. Afémie cai diga macáñena jira afémiena rairuidicai, —daide.

<sup>50</sup> Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo iteza, —daide.

*Jesús Sanatiago Juan diga lletade*

<sup>51</sup> Jesús monamo jáiacanarui áinozilla llezica, afémie Jerusalemo jáillena riire mamérite.

<sup>52</sup> Daií mamérellano uicodo raire uai llóitino orede. Afémaci Samaria éniemo ite duera jófuego jáidiaoi íaioi dúciillico raire báillena. <sup>53</sup> Mei íadi afeno itímaci Jesús naa uicodo orécanori Jerusalén diné íaioi jáiacana jira, íaioina llínoacañediaoi. <sup>54</sup> Ie llofúegamacimona Santiago, Juan diga áfena cióillano Jesuna daide:

—Ocuíraima, jaiai uai llóraima Elías fínua izói, bimaci fúilleza monámona iraina cai jíiriredicai ¿meita jitáidío? —daide.

<sup>55</sup> Iemona Jesús íaillinoimo éroillano llétajano daide:

—Omicoi jáinaina joréñona onóñediomicoi. <sup>56</sup> Mei uafue, Nanoide íima Jitódicueza comini niné táinocaitallena biñédicue, mei jíáfodo comínina jillotaibiticue, —daide.

Iemona oni jíáigobiamo jáidiaoi.

*Jesudo jáiacadino bie izói írediaoi*

(Mt 8.19-22)

<sup>57</sup> Iodo íaioi jailla llezica dáamie Jesuna daide:

—Ocuíraima, o jáiacana diné o diga jáiacadicue, —daide.

<sup>58</sup> Jira Jesús afémiena daide:

—Nana jazici ríllenai uái ífireillino ite. Daje izói caifodo féedinuai uái íaioi ráiillino ite. Mei íadi Nanoide íima Jitódicueza dánori uái cue illino íñede, —daide.

<sup>59</sup> Jesús jíáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaiticueza cue ore, —daide.

<sup>60</sup> Jira Jesús ie uai ote:

—Juzíñamuina jíeruñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illíruu llujíri, —daide.

<sup>61</sup> Afe mei jíámie Jesuna daide:

—Ocuíraima, odo bíadadicue, mei íadi fueñe cue jofo ero comini jáillena facáduaiticueza cue ore, —daide.

<sup>62</sup> Jira Jesús íena daide:

—Daa come ie táijina ja táinina mei, jíáinomo comeci fácaja fíenide. Ie jira bie izóidimie Juzíñamui illáimana illíruimo táijillena ráifiñede, —daide.

## 10

*Jesús setenta dígamie núefue llujíllena orede*

<sup>1</sup> Bie méifodo, Ocuíraima Jesús nane setenta dígamie nízedo. Níziano ménamierie ie uicodo orede. Nana ie jáiacanagobiamo íaioina orede. <sup>2</sup> Íaioina daide:

—Uáfueza, jacáfaimo ite raa ailla llezica jofo óitino íñena izói, birui Juzíñamui illáimana illíruimo jofo órede comini aillo ite. Mei íadi afémaci jofo óitino figo íñede. (Afe jofo óitino jíáimacimo núefue llóitino.) Ie jira cai Ocuíraimamo, jacafai Naama izóidimieo jíáie núefue llóitimacina omoi jíicari, afémacina afémie oréllena. <sup>3</sup> Jira omoi jai. Jaillano bie uaimo omoi coméiiri: illáirede jazici jíicóniai cígimo ovejai jiza ória izói, ómoina orédicue.

<sup>4</sup> Omoi jailla llezica cirítico uñeno iri, daje izói úcubena uñeno iri. O eiba icona uñeno iri. Io anamo jíáimaci diga are naidáicana úhuriñeno iri. <sup>5</sup> Ninó daa jofomo jofo o jáiadi afeco comínina fueñe bie izói omoi daíri: “Cáimare uái illífue bie jofomo íteza.” <sup>6</sup> Afécomo comécina cáimare uái itino ia, afe uai afémaci íaioieite. Mei íadi afe izoide comini afénomo íñenia, omoi daí uáidua uai abido ómoimo bíteza. <sup>7</sup> Oni omoi jáiñeille dinó dáacomo uái iri. Omoi íaioi ecálleze güítimoiza. Omoi jírotalleze jírori. Mei jíáimacina omoi cánua jira,

nana áfemo tájjiraima ie tájjinado íbáredeza. Ie jira naga jófuedo guíicaiñeno iri. <sup>8</sup> Ninó jófue omoi dúcia caimare omoi íaioi llínoia, güíllena omoi íaioi ecaa afe omoi güiri. <sup>9</sup> Daje izói afénomo iráredinuiaina omoi jllotari. Afe llezica afémacina daíri, “Juzíñamui illáimana illarui ómoimo ja ánozideza,” daíri. <sup>10</sup> Mei íadi jíáie jófue omoi dúcia afeno comini ómoína llínoiacañeniadi, jino jofue cígimo ite macáraodo jairi. Jaillano daíri: <sup>11</sup> “Cai eíbamo aífide omoi jofue íaie ómoimo teténoiticaí. Daíí finódicaí, fieni caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.” <sup>12</sup> Omoina dáititue, íraicaiño izire jicánolliruimo bie jofue comini Sodoma comini duere finóbina baímo duere finólliaioi.

*Náfuefnide jófuiái comini*  
(Mt 11.20-24)

<sup>13</sup> ¡Corazín jofue comini, nii dúerenal! ¡Daje izói Betsaida jofue comini nii dúerenal! Mei íaioi cígiri cue finoca ciórainina raa, áfena Tiro jofue comini naa Sidón jofue comini cígimo nauí finódicuenia nibai jaiaí uícodo íaioi comeci ífuena méidotiaioi. Uafue íaioi comeci ífuena méiduamona ja diga fimona jailla. Afe llezica zúunaia jítáfirega jítiroi jítáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. <sup>14</sup> Mei íadi íraicaiño izire jicánolliruimo Tiro Sidón diga duere finóbina baímo Corazín íemo Betsaida comini duere finólliaioi. <sup>15</sup> Daje izói Jesús Capernaum jofue comini lletade; íaioi dibénedo daide: ¿Meita íaioi ínoga jofue monamo úrede? ¿Daíí comeci facádiaioi, ero ua? Mei jíáfodo íaioína dáititue, tíidino illánomo ana dotaca izói niné táinocaitalliaioi.

<sup>16</sup> Iemo ie setenta nizécamacina daide:

—Omoina cacáreidímie cuemo cacáreide. Iemo jíái ómoína ruiffruitímie cuena ruiffruite. Daje izói cuena ruiffruitímie cue ana orédimiena ruiffruite, —daide.

*Oreca setenta dígadino abido dáanomo dúcina*

<sup>17</sup> Nauí oreca setenta dígadino meine abido caimare dúcidiaioi. Jesuna daidíaiói:

—Ocuíraima, nana cai llógamo cacáreidiaioi, ua daje izói fiénide jóríai o mámeçido daina uaimo cacáreidiaioi, —daidíaiói.

<sup>18</sup> Jira Jesús daide:

—Jíí, Satanás monamona ameo izói baiíllana ciódicue. <sup>19</sup> Daje izói jaióniaí naa acáiduaí ómoína izi cácatañelle ríino nauí ómoimo cue iga. Daíí nana cai bacáuai izóidímie Taífe ríinona izi cácañeno anáfenodiómoi. <sup>20</sup> Mei íadi fiénide jóríai jino ória ríino ómoimo illado figo comeciñeno iri. Mei jíáfodo omoi mámeçiaí monamo cúeinari omoi íóbiri, —daide.

*Dama Jesús cáimacailla*  
(Mt 11.25-27; 13.16-17)

<sup>21</sup> Afe llezica, Ñuera Joreño Jesuna íóbitade. Íóbicaillano Jesús daide:

—Cue Moo, mona énie diga Ocuíraimadio, omo núefue mámeititue, mei ráfuena baitádinomona o dibénedo retáidoga onóigafuiaí onótañedio. Mei jíáfodo comécina níifuenide úrue izoide jamai comínimo aféfuiaína jino ciótatio. Jíí, Moo, mei o daíí jítaidioza, —daide.

<sup>22</sup> Jesús nai úrioide: “Cue Moo, nana ráaniaí cuemo fecádio. Moo Juzíñamui, o Jitódicue, mei íadi buna uáfodo cuena ñue ónoñena. O cue Móodioza, dama o ñue cuena onona. Daje izói buna uáfodo ona ñue ónoñena. Cue, o Jitódicueza, dama cue ñue ona onona. Iemo jíái daje izói o Jitó onótaacagano ñue ona ónoitiaioi, —daide.

<sup>23</sup> Iemona ie llófuegamacimo érocaillano, daní íaioína daide:

—Omoi ciona raana ciónamona jñíí íóbirediómoi! <sup>24</sup> Mei ómoína daidicue, diga Juzíñamui uai llóraini naa illáimaiairi omoi ciona raana cióacadiaioi mei íadi jaca cióñediaioi. Daje izói omoi cacana uai cacáacadiaioi, mei íadi jaca cacáñediaioi, —daide.

*Samaria ímie rafue*

<sup>25</sup> Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraima; zíñona cue illena ¿ñie izói íredicue? —daide.

<sup>26</sup> Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

<sup>27</sup> Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juzíñamuina izírui. Daje izói nana o joréñodo, íemo nana o máiriedo, íemo nana o ifoci úrillado íena izírui. Afe llezica dama o abina o izíruilla izói afe izói o aino cómena izírui, —daide.

<sup>28</sup> Mei jira Jesús daide:

—Ñue fairfotio. Bie izói o finóadi nia are cáaitio, —daide.

<sup>29</sup> Mei íadi Ocuica Uai llófuefiredimie ie facátalle uai bainénamona, ñue jicánotimie daíllena jíaie uai Jesumo jicánote:

—¿Ñie come cue abi ímierna jóneiticue? —daide.

<sup>30</sup> Jira Jesús uai ote:

—Dáamie Jerusalémona oni Jericomo jaide. Ie jailla llezica merírifiredino afémie fatíai. Fájano ie ráaniai bairódiaiai naa incuiruaimo. Afémiena iere ízitatiaiai; jabo ie títano íena fiénocaidiaiai. <sup>31</sup> Afe méifodo lletárraíma ónonino daje llezica afe iodo jaide. Mei íadi fagámiena cóillano onido jaide. <sup>32</sup> Afe mei Leví nairai ímie afénomo dúcide. Daje izói afémiemo fia érocaillano onido jaide. <sup>33</sup> Afe méifodo Samaria ímie daje iodo jaide. Fagámiena cóillano afémiemo zúucaillano iere dúcaide. <sup>34</sup> Mei íemona fagámieo billano, cáirediji naa vino diga ie boáfiaí manode. Afe mei afe boáfiaí maite. Maia méifomo dama ie búrromo caifo rainada dúciracomo uite. Uillano afécomo afémiena uínote. <sup>35</sup> Afe jíáruído, afe Samaria ímie ja jáizailla llezica, mena úcube uano afeco naama íbade. Íbajano daide: “Bie iráredimie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide. <sup>36</sup> Mei íemona birui cuemo llone: Bie daámanidemona ¿ñimie ñue finoca bie merírifiredino fagámie aino come finófirena izói? —daide Jesús.

<sup>37</sup> Jira ocuica uai llófuefiredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie finua izói o finori, —daide.

*Jesús Marta María íainguai jofomo dúcide*

<sup>38</sup> Jesús iodo jaillano duera jófueo dúcide. Afénomo ite Marta dainango ie jofomo Jesuna caimare llínote. <sup>39</sup> Marta ebuño María Jesús anamo ráiizaibite ie dánana ñue cáaillena. <sup>40</sup> Mei íadi Marta diga jetáacaganiaimo comeci llícibite. Iemona Jesumo billano daide:

—Ocuíraima, cue ebuño nana táijina cuemo fiénocaidie, ¿aferi comécíñedio? Cue dine ore, afengo cue cánuaibilleza, —daide.

<sup>41</sup> Mei jíáifodo Jesús afengo uai ote:

—Marta, iere o jetáacaga raamo o comeci llícitaitio. Afe táijnamo iere duere zefuídio.

<sup>42</sup> Mei íadi daa jitárede raana nai omo íñede. Ie mei María afe baímo ñuera raa jae nizede. Afengo nizeda oga raa bu báiroñeite, —daide.

## 11

*Juzíñamuimo cai úrifireillena Jesús llote*

*(Mt 6.9-15; 7.7-11)*

<sup>1</sup> Afe mei jíáruído Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nau Juan ie llófuegamacimo ie llua izói, Juzíñamuimo cai úrillena cai llofue, —daide.

<sup>2</sup> Jira Jesús íaioina daide:

—Juzíñamuimo omoi úria bie izói daíri:

Cai Moo Juzíñamui, monamo itio; o mámevido ñúefue nitácaza.

O illáimana illirui raire bíteza.

Dinomo monamo o comeci jitáillafue íaioi fínua izói, afe izói bie éniemo finótaibiteza.

<sup>3</sup>Cai nágáruui jitailla gülleniai, birui caimo fecari.

<sup>4</sup>Cai finoca fiénidífue iba caimo oñeno iri, mei afe izói jíáimaci fiéni caimo finódiaioi íadi, afémacimo ibana oñédicai.

Íaífue mo cai báiiñellena caina úiñori.

Iemo afe llezica nana fiénidífuaímona caina jíllotari.

<sup>5</sup>Iemo nane Jesús daide:

—Bie fia cue daílle ráfue mo omoi coméciiri. Omoímona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, <sup>6</sup>mei cue onóigamie ailli cue jofomo dúcidez. Mei íadi afémie cue ecállena íñede,” daide. <sup>7</sup>Ie jira níbai jofona bie izói uai óredio. “Cue úrue díga inídícueza, cuena áifedoñeno iri. Naze íbácaza, o jicaca raa omo fecállena jino bínidícue.” <sup>8</sup>Mei íadi ómoína dáaiíticue, afe jícaíbitímie o nabaina jira fécaíñeítio, mei íadi afémie are ona áifedoñellena nana ie jitaica ráaniaina jeruñeno fécaítio. <sup>9</sup>Afe jira ómoína dáaiíticue: Juzíñamuimo jícarí, afémie fécaíte. Jenorí, báitioza. Nazémoma jíiriri, íemona afémie tuizáibiteza. <sup>10</sup>Mei uáfueza, jícadímie jaca llínote; jenódímie jaca baite; nazémoma uáidotímie naze tuiñoca.

<sup>11</sup>Omoímona úrueredímie ie jíto güllena jícaadi ¿meita nofícina iga? Jaca íniga. Daje izói chamu jícaadi, ¿meita jaona iga? Íniga. <sup>12</sup>Iemo jíái jígi jícaadi ¿meita acáidona iga? Íniga. <sup>13</sup>Mei fiénidíomoi íadi, ñuera ráaniaina omoi úruiaímo fécajana onódiomoi. Mei íadi afe baímo monamo ite omoi Moo afémie Ñuera Joréñona jícaítinomo fécaíte, —daide.

Fiénide jóríai ríino Jesumo illa afémiemo jítdiaioi

(Mt 12.22-30; Mr 3.20-27)

<sup>14</sup>Afe mei Jesús uáinidímie ite fiénide jóríai jino orede. Afe jáillamona afe uáinidímie ja ñue úrite. Aferi comíni caímare fáigacaidiaioi. <sup>15</sup>Mei íadi dáarie daídíaioi:

—Bímie Beelzebú dáina fiénide jóríai illaíma ríinodo, afe fiénide jóríaina jino orede, —daídíaioi.

<sup>16</sup>Jíáimaci ie facátallena, “Monámona uai dánamona comuide cíorainina raa fino,” daídíaioi. <sup>17</sup>Mei íadi Jesús afémaci comeci úrillana onóillano daide:

—Nínó daje náiraina ite comíni bozíetaillano conima díga fuíríadi, afe náirai níné táinocaíte. Daje izói daaco ero comíni bozíetaia, afémaci daje izói are íñeno níné táinocaitiaioi. <sup>18</sup>Afe izói, mei Satanás dama íemo jáináidinona, daní abina uáitaiadi, ¿mei níie izói ie ócuífiréna ríino are ite? Bie ómoímo llóitícue, mei cuena “Fiénide jóríaina Beelzebú ríinodo jino orédio,” daídíomoíza. <sup>19</sup>Mei íadi daíitadena, jíaiúaina ómoímo jícanotícue, Omoído jáidínomo ite fiénide jóríai orelle ríino, ¿bu mei fecaca? Ie jira daní afémaci ñue onóño taino omoi llua jino cíotatiaioi. <sup>20</sup>Mei jíáfodo uáfueza, Juzíñamui ríinodo fiénide jóríaina jino oréfíredícue. Iemo bifue bie izói ómoína dáiaicade: Juzíñamui illáimana illirui ja ómoímo dúcidez.

<sup>21</sup>Mei daa maíríde cómemo ie ñue fuírira raa ía, ie jofona ñue úiñofírede. Afedo ie uíñuamona buna ie raana baírónide. <sup>22</sup>Mei afémie baímo rííredímie bíadi, níbai íena anáfenoíte. Anáfenuano ie íinoga abí ríidua raana baíroíte. Afe mei afe báruaíbitímie nana íemo ite ráaniaina úíte.

<sup>23</sup>Cuena ruífruítmie cuena uáitate. Daje izói cue díga dájena táijíñedímie, cue ráaie oni jutádimie izoide, mei afémie jíáimaci cuemo íinotañeíza, —daide Jesús.

Jino oreca fiénide jóríai meine dáamiemo bite

(Mt 12.43-45)

<sup>24</sup>Jesús nai llícaíñeno úrite:

—Fiénide jóríai cómemona jino jáiadi, táiziciaido ie uái illino jenócana uite. Ie uái illino baíñenamona bie izói comeci facade. “Meine abido cue billa cómemo jáitícue,” daide.

<sup>25</sup> Afe jóriai meine afe cómemo bítemo, ñue rafoda finócaco izói baizáibite. <sup>26</sup> Iemona afémie baímo siete diga jamánomo fiénide jóriai uájide. Afémaci nana afe cómemo jofo jaillano itíai. Afemona afe come nauí ie fiénina baímo biruí jamánomo fiénide, —daide.

*Uáfueña ióbidino*

<sup>27</sup> Mei Jesús nai bífuiado úrioina llezica, comínimona daa ringo ficire Jesudo úrite: —O jocódingo ñi caimare érocaillangona. Daje izói o comútatango ñi caimare ióbillangona, —daide.

<sup>28</sup> Mei jira Jesús jíáfodo daide:

—Juzíñamui llógamo cacáfredino, daje izói áfena ñue íñotino o dainango baímo jamánomo caimare itíai, —daide.

Fiénide comini ciórainina raa finóllena Jesumo jícadiaí

(Mt 12.38-42; Mr 8.12)

<sup>29</sup> Comini Jesús onifenedo ofídiaí. Jesús íaíoina daide:

—Biruímo ite comini iere fiénidino. Afémaci ciórainina raana finóllena jícafírediaí, mei íadí nauí Juzíñamui uai llórainma Jonás onótagafue baímo jíáfueña llóñeílliaí. <sup>30</sup> Mei Nínive jófue mo ite comínimo Jonás Juzíñamui orécamiéna áio onóllena afémie jóonega raa izóidimie. Afémie illa izói, biruíllado ite comínimo Nanoide íima Jitó Cristo afe bie comini onóllena jónellimieña íite. <sup>31</sup> Íirairuímo bigímaíai izire jícanolle llezica sur dibénemo jica ite nairai illaingo bigímaíaimo fiénidífuíai nítaite. Mei afengo jica énie fuédamona Salomón comeci onóigafue cacárezaíbiteza. Mei íadí biruí benomo Salomón baímo baitádimie illa. <sup>32</sup> Daje izói bigímaíaimo íirairuímo izire jícanolle llezica, Nínivemo ite comini bimácimo fiénidífuíai nítaite. Mei Nínivemo ite comini Jonás Juzíñamui uai íaímo llua llezica, íaíoi comeci itífuéña méidotiaí. Mei íadí biruí benomo Jonás baímo jamánomoidimie ite.

Cai illafue ñue egáíñote raa

(Mt 5.15; 6.22-23)

<sup>33</sup> Uneca mechera bu báinino jóoneñede. Daje izói cajón anamo buna mechera retáidoñena. Mei jíáfodo uneda caífo jica rainaca, jofo eromo jáitino ñue cóillena. <sup>34</sup> Núefue mo o coméiílla omo ñue egáíñote raa izoide. Jira mechera egáioinamona o uído ciónana o ióbitaja izói, afe izói núefuíaí o jítaigana o comeci ífuéña caimare itátaite. Iemona núefue mo o coméiíllado nana o illafue jáicína ñue joide. Mei íadí núefue mo o coméiñeniadí, jítifodo mácaja izói itio; nana o comeci ífue zuure íteza. <sup>35</sup> Mei jira omo ite mechera egáioina izoide raa, dúide izói meídoñellena ñue rairuí. <sup>36</sup> Mei nágaruí núefuíaímo féitañeno o comécía, mechera egáíñuamo uáfori cóina izói, nana o illáfueña ñue uáfodo cóitio, —dinori Jesús úrite.

Fariséuaí daje izói ocuica uai llófuetinori imaci fiénidífué Jesús jino llote

(Mt 23.1-36; Mr 12.38-40; Lc 20.45-47)

<sup>37</sup> Jesús ie úrilla llícaillamona daa fariseo ímie ie diga güizájillena Jesumo llote. Jesús jofo jaillano güíránomo ráinazaide. <sup>38</sup> Afémie afémaci finofirena izói finóñede, mei afémie íaífué múñua joreño onoi jócua, finóñeno güíteza. Aferi afe Jesús uitímie fáigacaide. <sup>39</sup> Mei íadí Ocuíraíma Jesús íena daide:

—Omoí fariséuaí jíroraco naa plato diga jócua izói jinófene ñue jocódiomoi, mei íadí jofo erófenena jocóñedimoi. Afe izói nana omoí jinófenena ñue rairuídiomoi, mei íadí jofo comeci dína, merííllado omoí oga raa ite; daje izói fiéni omoí íllado omoí oga raa ite. <sup>40</sup> ¡Comécina úriñedinodiomoi! ¿Onóñediomoi za comini jinófene finódimie, íemo íaíoi ero díne comeci finódimie dáamie? <sup>41</sup> Núefuíaí comécido omoí onónamona ómoímo ite raana jeruíñeno dúeredinomo ía fecari. Afemona nana ráaniaí ja ómoímo íaínino íitiaíoi.

<sup>42</sup> Fariséuai, ¡nñi omoi dúerena! Omoi riga ráamona diez dígademona daa Juzíñamui mo dúide raana afémiemo ñue fecáfirediomoí. Omoímo ite “menta” daina rarócimona afémiemo fecáfirediomoí. Daje izói “ruda” daina rarócimona daa fecáfirediomoí. Iemo ¡jáí omoi poróto coduaimona due Juzíñamui íena máfirediomoí. Mei íadi comécina ¡aícina ¡óidífue mo naa Juzíñamuina izíruillana náfueñediomoí. Aquíe izói írediomoí. Afe llezica omoi ¡áiie finóacaigafuena féitañeno finori.

<sup>43</sup> Fariséuai, ¡nñi omoi dúerena! Juzíñamui uai lloraco eromo jamánomo ñue ráiraniaina ¡icáfirediomoí. Daje izói ¡ofue cígido macáraodo omoi ¡áia, comíni ¡acírede illaíma uáidua izói omoi ¡aíoi uáidollena íere gáidiomoí.

<sup>44</sup> Ocuica uai llófuefiredino naa fariséuairi, ¡nñi omoi dúerena! ¡ínofene díne ñue cóina mei ¡ofona comeci díne ráatatiomoí. Cíóñena énie anamo tíidino ráigano izóidiomoí. Comíni afe acónido ónonino macádiaíoi.

<sup>45</sup> Iemona ocuica uai llófuefiredinomona dáamie afe uai ote:

—Llófueraíma, ¡adé izói o daina nane caina ríicaitade, —daide.

<sup>46</sup> ¡Jira Jesús daide:

—Ocuica uai llófuétino, daje izói ¡nñi jamánomo omoi dúerena! Mei ocuínide méere de raa izoide ¡jáímamo ¡aca llonódacafirediomoíza. Aféfuíaina buna ocuínide. Afe omoi ríire ocuícana canófinidiomoí.

<sup>47</sup> ¡Nñi omoi dúerena! Mei ¡aíai omoi nánoragima faga Juzíñamui uai llóraini raíafu izoide tíidimie jóoniacona ébirerie finódiomoíza. <sup>48</sup> Daí omoi fínuado ¡aíai afémaci finócafue na ¡jéruítiomoí. Mei afémaci afe uai llóraini titádiaíoi, íemo birui afémaci raíafu izoide jóoniacona meine abido nitátatiomoí.

<sup>49</sup> ¡E ¡jira Juzíñamui nana ráfuíai onóillano, bie izói daide: “Afémacimo cue uai llórainina óreitícue. Daje izói ¡áiie cue nizécana íaíoi mo óreitícue. Afémacimona dáarie titáitaiíoi. ¡jáímacina duere finóllena rácaítaiíoi,” daide. <sup>50</sup> Mei uáfueza, birui itínomo, nana ¡aíai faga uai llóraini íbana óite. Uafue, énie fínuamona biruimo nana tíidino íbana óite. <sup>51</sup> Faga Abel ígímamona Zacarías tíillaruimo íbana óite. Afe Zacaríasna Juzíñamui gairíracu eromo ite altar áinori fatáíoi. ¡Jira ómoína dáíitícue, biruimo itínomo Juzíñamui afe titácana íbana óite.

<sup>52</sup> Ocuica uai llófuétino, ¡nñi omoi dúerena! Mei naui Juzíñamui ómoímo fecaca íe ñue báitaja uai íe illáimana illánomo ¡ofu omoi ¡áíllena, áfena ñue náfueñediomoíza. Iemo afe llezica onóiacadínomona áfena rairuídiomoíza, —dínoí Jesús úrite.

<sup>53</sup> Jesús bie izói íaíoi na daina llezica, ocuica uai llófuétino naa fariséuairi afémiemo jamánomo ríicaidiaíoi. Iemona díga ¡icánoiácaga uáíllaído afémiéna áífedodiaíoi. <sup>54</sup> ¡Irebaí izóidena afémié óllena ¡ifánodoidiaíoi. Daí finódiaíoi, íe daina uáíllaído fíenídífuíai afémiemo nitállena.

## 12

*Comécina íáirena mei ¡inófenena ñue cóidino Jesús lletade*

<sup>1</sup> Afe dáaruído díga náíraíai dáanomo íere gairíllamona conímaíaina zaízidiaíoi. Iemo Jesús íe llófuegamacina nano fueñe daide:

—Fariséuaimona díga comíni comécina íáirena mei abina ñue cóidino ite. Afémaci daíí íllamona abí omoi rairuíri, mei afe íaíoi mo ite íaíífué pan fáítara “levadura” izóideza. Due ¡jira jóonega ía, nana afe erona maíñode. <sup>2</sup> Nana báníno daina uai ¡jino uáfodo cóozite. Daje izói nana báníno retáidoga raa uáfomo báííte. <sup>3</sup> Mei íemona, nana ¡jítífomo omoi báníno úrilla uáíllaí ¡jino úzefomo cacáílle. Daje izói ¡ofu eromo báníno omoi daina uai comíni dáanomo uáídotu afémaci cacáicana fííre llole.

¿Níie cómena ¡acírúiredicái?

(Mt 10.28-31)



<sup>4</sup> Omoi cue nabáñiaidiomoi, jira bie izói ómoína dáititue. Fia abi íeizi titáfiredre comínina jacíruiñeno iri. Afe mei afémaci ómoimo íaiói finolle jíáifuena iñede. <sup>5</sup> Mei jíáifodo omoi jacíruiñimie llóititue. Abi íeizi titaja méifomo boode jóraimo comeci dotáfiredimiena omoi jacíruiñi.

<sup>6</sup> Onódiomoiza, cinco diga ófocuiño mena úcubetunido ibárede. Mei íadi afémacimona Juzíñamui dáamiena féitañede. <sup>7</sup> Iemo jíái ómoimo ite ífótirai illa dígatirai facádoga. Daiñtadeza jacíruiñeno iri. Mei omoi, aillo ófocuiñai baimo ráifidiomoiza.

Comini eróicana Jesuna jíeruitino  
(Mt 10.32-33; 12.32; 10.19-20)

<sup>8</sup> Ómoína dáititue: Nanoide fima Jitódicueza, comini eróicana nana cuena jíeruitinona afe izói Juzíñamui abi imaci eróicana jíeruititue. <sup>9</sup> Iemo daje izói comini eróicana cuena jáanoitnona, afe izói Juzíñamui abi imaci eróicana jáanoititue.

<sup>10</sup> Iemo nane jíáifue, ninó daa come Nanoide fima Jitona íaire dáia, afémie dáina íaifue dórede. Mei íadi ninó dáamie Ñuera Joréñona íaire dáia, afe jaca dónide.

<sup>11</sup> Iemo ninó jíáiruido Juzíñamui uai llorácomo afémaci omoi uíadi afemo comeci llícitaiñeno iri. Daje izói izire jicánofiredinomo, naa ocuídillaini diga, afémacimo omoi íaiói uia, omoi daiñcana uaimo comeci llícitaiñeno iri. <sup>12</sup> Mei omoi úriacanamo dúciille llezica, Juzíñamui Ñuera Joreño omoi daiñlifueña ómoimo llóiteza, —daide.

Comini ráarena jacírede

<sup>13</sup> Comínimona dáamie Jesuna daide:

—Llófueraima, cócomo fíebide feci ráamona, cuemo dúina dieze cue ama cuemo ílleza, o lloiri, —daide.

<sup>14</sup> Jira Jesús afémiena daide:

—Ebe, omoi cígimo izire jicánofireitimiena, daje izói fécafíreitimiena ¿bu cue jóonia? Jóoneñegacue, —daide.

<sup>15</sup> Jesús nane dáanomo daide:

—Nana úradoillafuaimona caade come izói, abí omoi rairuiri. Mei come ñue illafue, aillo ráarenamona óñega.

<sup>16</sup> Afe mei bie jino onótate raafue llote:

—Nauí iere ráaredimie ite. Afémie jacáfaiaí iere áillamona jofo olle llízíe iere ite.

<sup>17</sup> Afemona iere ráaredimie comeci facade: “¿Mei ñie izói íititue? Afe áillue llízíe éenollino iñede.”

<sup>18</sup> Nane dáanomo comeci facade: “Cue finóllemo ja úbicaiditue. Cuemo ite éenoracuai júdaiano jamánomo áillocuaina nitátaititue. Afécuaimo nana jofo cue olle llíziena éenoititue. Daje izói nana cuemo ite raana afécuaimo jóoneititue. <sup>19</sup> Afe mei dama cue abina dáititue, ‘Ja aillo raa jofo ofítatitue; áfedo diga fimona cáaititue. Nágarui táijíñeno fia gúititue. Iemona fia uái íititue. Aillo vino jíruano, áferi cáimare ífíreititue,’ ” daide.

<sup>20</sup> Mei íadi Juzíñamui íena daide: “Comécina onóñedimiedio. Fui naio tíitio. Afe mei o ofítaga ráaniaí ¿bu náamatalle?” daide. <sup>21</sup> Mei dama ie abi íena aillo raana ofítaitimie daí íteza, mei daí afémie ofítaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúeredimiena jaide, —Jesús daide.

Juzíñamui ie úruiaína ñue rairuide  
(Mt 6.25-34)

<sup>22</sup> Afe méifomo Jesús ie llófuegamacina daide:

—Jira ómoína dáititue, omoi gúíacaga gúillemo comeci omoi llícitaiñeno iri. Daje izói omoi jítaacaga ínquíromo comeci llícitaiñeno iri. <sup>23</sup> Cai ñue illafue cai gúille baimo ráifide. Iemo jíái cai abi cai ínquíro baimo ráifide. <sup>24</sup> Mai “cuervo” dáina cháafona eróidemo comécíiri. Afémaci jaca riñediaíoi; daje izói llizíllaniaí jofo onédiaíoi. Daje izói afémaci gúille éenoraco iñede, naa íaiói ofítaranori. Mei íadi Juzíñamui afémacina ecade. Ie mei

omoi afe ófocuzai baímo jamánomo ráifidiomoi. <sup>25</sup> Omoimona, comeci iere llíciamona, ¿mei bu ie zairilla dinori baímo mediio metro zairírena? <sup>26</sup> Mei duera raana finónidiomoi ia, ¿nibái mei jiáie raa fínuamo iere coméciidiomoi?

<sup>27</sup> Raroci záfia zerflamo omoi coméciiri. Afémaci táijiñediaioi; daje izói raana niñediaioi. Mei íadi jiáifodo ómoina dáitícue, jaii illaima Salomón ñue cíoide raana jamánomo ráarede íadi, bie záfia ebírena izói, ebírediroina jítáñede. <sup>28</sup> Mei Juzíñamui daíí raroci ebire cíotaiadi, afémie jeruíñeno ómoina iníroina jítaite, jabo ínnotinodiomoi íadi. <sup>29</sup> Afe jira benómona o guíacaga raa, o jirolle díga zuure jenóñeno iri; daa afemo comeci llícitaiñeno iri. <sup>30</sup> Mei binie comini daa afe izóidemo jaritaidiaioi. Mei íadi omoi Móorediomoi. Afe omoi Moo Juzíñamui nana afe ráaniaina omoi jítáillana onódeza. <sup>31</sup> Iemona Juzíñamui illáimana illáruimo dúide raamo raire afemo omoi comécioiri. Iemo afémie nana bie raana ómoimo fécaiteza.

*Monamo cai jirídollena offtaredicai  
(Mt 6.19-21)*

<sup>32</sup> Cue izíruiga ovejai izóidiomoiza, jacíruíñeno iri. Dúemacidiomoi íadi, o Moo ie illáimana illano ómoiena maméacade. <sup>33</sup> Omoimo ite raa fecari. Fécajano raana jítáidinomo ine. Daíí omoi finóadi, Moo Juzíñamui comeci jítainana fínóitiomoi. Iemona monamo ie illánomo ñúefuiai ofítaitiomoi. Daje izói jaca ninomo fúíñeite ñúefuiai ómoiena monamo ómoimo íte. Afénomo merírífiredimie jaca jáinide. Daje izói afénomo ícaui guíñeite. <sup>34</sup> Mei uáfueza, omoi offtaga raa illánomo, afénomo jiái o comeci íte.

*Nágarui ñue fínóbiredicai*

<sup>35</sup> Benómona jaca nágarui ñue omoi fínóbifireiri. Nauíllamona comini mechera unéfírena izói, abí omoi raruiri. <sup>36</sup> Jofo naama ocuífregano, áirena ráfueмона meine ie dúciacana uícomo íaioi afémiemo ocuírina izói, afe izói cue billíruimo omoi ocuíriri. Afémaci ñue ocuíridiaioi, afe jofo naama nazémoma uáidoia raire íemo túíñuabillena. <sup>37</sup> Afe izoide ocuífregano jaca iníñeno íaioi naama bíllemo ñue ocuíridiaioi. Daíí íaioi illa afémie cíozaiabilla llezica, afémaci ja ñue íaioi fínóbillari íóbicaidiaioi. Uáfueña ómoina dáitícue: Afe íaioi naama afémacina guíránomo ráinaite. Raina mei dama afémie íaioi guíllena bai ráiziite. <sup>38</sup> Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocuíridiaioi. Iemona afémaci íóbicaítiaioi. <sup>39</sup> Iemo jiáifue dibénedo bie izói omoi onoiri; jofo naama merírizaíbitimie bille monana onóia, afémie iníñeno ocuírite. Iemona jofo naama merírizaíbitinona ie jofona tuíñotañeite, ie raa íaioi mériñeillena. <sup>40</sup> Afe izói ñue omoi mamériri, mei Nanoide íima Jitó comini comécíneillíruimo ónonino déizaíbite, —daide Jesús.

*Raire ínnofirede ocuífregamie, íemo jiái ínnofinide ocuífregamie  
(Mt 24.45-51)*

<sup>41</sup> Mei jira Pedro Jesumo jicánote:

—Ocuíraima, bifueña, ¿ñie comínimo llotio? ¿Dani caimo, nibai nana comini íena llotio? —daide.

<sup>42</sup> Jira Ocuíraima daide:

—Mei daa jofo naama ie ocuífrega jabóidillaíma eneno mamede. Jofo naama jica jáiacana uícomo, ie jofo ero raana afe jabóidillaímamo llonódacaide. Afe llezica nana jofo ero táijidino ecállena afémiemo jóonenocaide. Daíí jóonega jabóidillaíma jaca nágarui ñue ínnofiregamiena írede. Daje izói afémie ñue onódimiena írede. <sup>43</sup> Afe izóidimie nana íemo llonódacaiga raa nágarui ñue finófirede. Ie jira jofo naama meine bille llezica, daíí ie íllana cíozaiabite. Iemona afe jabóidillaíma iere cáimacáite, mei nana ie ocuica raana ñue ícoimo fuitádeza. <sup>44</sup> Uáfueña ómoina daidícue, jofo naama afe ínnofirega ocuífregamiemo nana íemo ite raa, llonódacaite. <sup>45</sup> Mei jiáifodo, afe jabóidillaíma jofo naama are bíñeite

dainano, jiáie jofo eromo táijidinona duere finóadi, afe jabóidillaíma iere cacáfinidimiena jaide. Mei afe llezica afémie jofo ero táijitatingo fienu finódeza. Iemo aillo güíteza, aillo jiródeza. Jírua mei jifáitateza. <sup>46</sup> Daí ie illa llezica, afémie due jiza comécíneitemo jofo naama dénuaibite. Onóñeillirui mo dúciite. Dúciillano afe jabóidillaímana jofo naama jamánomo duere fínoite. Nana jiáie ínnofinidino duere zefuilla izói, afémie íena duere finótaite.

<sup>47</sup> Ninó daa ocuífíregamie ie naama comeci jitailla táijinana onode íadi, afemo jaca ñue finóbiñede, daje izói afemo cacáreacañede, afe ocuífíregamie duere finoda iere izi cácatalle.

<sup>48</sup> Mei jiáie ocuífíregamie ie naama jitaillana onóñede íadi, dama fienu ia, afémie jabo izi cácatalle. Bie jiáie uaimo omoi cácarei. Aillo igámie mona aillo jícaitiaioi. Daje izói ñue ínogamiemo diga ñúefue jónefirediaioi. Ie jira afe aillo jónefíregamiemo aillo ócutiaioi.

Comini énenorie ráinuaiticue  
(Mt 10.34-36)

<sup>49</sup> Cue bie éniemo irai izói bónuaiticue. Aferai raire bóollena iere oíacadicue. <sup>50</sup> Ja bautismo izoide, izi cácanafuedo facátallicue. Afénomo nai dúciñedemo raire uícomo aferui dúciñenari duere zéfuifíredicue. <sup>51</sup> ¿Nibai bíniemo caimare dájena uái illí fue atídío, cuena daidíomoi? Omoina dáititucue, afe izói biñédicueza; comini énenorie ráinuaiticue. <sup>52</sup> Mei benómoma dácomo ite cinco dígadimie cue ícoinia eneno ráidoizitiaioi. Afémacimona daámami cuemo ínnoitiaioi; íemo jadíe enéfenemo ménade ínnoñedimaci ráidoizillanona conima diga fúiritiaioi. <sup>53</sup> Cuemo ínnumona da jító ie moo dímena ruifruille. Daje izói jító ie moo cuemo ínua jira dájena uái íneno fena ruifruillano éoite. Iemo jiái, ei jiza cuemo ínnumona ei dímena ruifruille. Dájena uái ínneitiainguai. Daje izói jifaiño cuemo ínua jira mio dímena ruifruille. Afe ibana mio ie jifaiño diga dájena uái ínneitiainguai, —daide Jesús.

Irairuillai dúciacana onótaitaie raa  
(Mt 16.1-4; Mr 8.11-13)

<sup>54</sup> Afe mei nane comínina Jesús daide:

—Fuirina nairíadi “noci bíite” daidíomoi. Afe mei ua bíide. <sup>55</sup> Daje izói ñue mona monáillado “fímona baizájilla” daidíomoi. Iemona jaca fimónana jaide. <sup>56</sup> Omoi comécina íairena mei abina ñue cíodinodíomoi! Noci bíillana onódíomoi, íemo fimona baizájillana onódíomoi, mei íadi birui omoi cígímo cue finoca onótaitífuiaína onóñedíomoi.

O diga ícírítimie raire manánaitari  
(Mt 5.25-26)

<sup>57</sup> ¿Nibai mei comeci jáicina jóina izói, daní conímamo jícanoñedíomoi? <sup>58</sup> Daa come o llógídoiacania, ríimacimo ómicoi úrizaila llezica, nai ómicoi dúciñena llezica io anamo afefue ñue o záitari, riire jícanoraímamo o ie izájíñeilla. Izire jícanoraímamo o ie izájíadi, afe izire jícanoraíma fiénidino llaitáfíredíonomo o izájíte. Iemo afémaci ona llavéracomo íbaitiaioi. <sup>59</sup> Uafue ona dáititucue o llavétatímie jicaca úcube ie jícaja díeze o íbaíñenia afécomona jaca jino bíñeítio, —Jesús dínnori daide.

## 13

Cai comeci ífue íere raire méidoredícaí

<sup>1</sup> Aféruillaído comínimona dáarie Jesumo Pilato jíamaci fienu faaja lluaíbitiaioi. Naui Galilea ímacimona dáarie Juzíñamui íóbillena faga rille fécajilla llezica, Pilato afémacina fate. Fáajano íaioi díe íaioi fecaca rille díe diga Pilato tamede. Daí ie ínnuma níi íaire cíoina! <sup>2</sup> Jira Jesús daide:

—Omoi bie Galilea comínimo ¿ñie izói coméccidiomoi? ¿Meita afémaci jiáie Galilea comini baimo fiénidino, jira afémaci raamo jíridiaioi? <sup>3</sup> Afe izóinède, ómoina dáitícue. Mei jira omoi comeci ifue omoi méidoñenia, nana daje izói niné táincaitiomoi. <sup>4</sup> Iemo jiáifuemo omoi comécciri. Naui Jerusalemo iere caifo jica caifóidico ite. Afe iere caifóidico, Siloéna mámeçirede. Afeco díillamona dieciocho diga comini jítafidiaioi. ¿Meita afémaci Jerusalemo ite jiáimaci baimo fiénidino? ¿Meita jira daif zefuidiaioi? <sup>5</sup> Omoina daidécueza, afe izóinède. Mei jira omoi comeci ifue omoi méidoñenia nana omoi niné táincaitiomoi, —daide.

*Higuera daina llizínede amena rafue*

<sup>6</sup> Afe mei Jesús bie jiáie íaioi onóigafue afémacimo llote:

—Da come higuera daina amena ie jacáfaimo rite. Afe mei afena lliziadi daif eróizaide. Eróizaidemo jaca llizínede. <sup>7</sup> Ie jira afémie jacafai uíñotimiena daide: “Ero, daámani fimona bie amena lliziadi daif eróizaibifredicuemo jaca llizínede. Lliziñedeza, mai o tieri. Fia cue jacafai llótaidoteza.” <sup>8</sup> Jira afe jacafai uíñotimie uai ote: “Naama, bie fimónamo mai nai cai tieñeilli. Afe amena moi ñue fínvano júnaitícue. <sup>9</sup> Nibai áfemona llíziteza. Mei íadi áfemona lliziñenia tielle,” —daide.

*Jesús ocózinaiillaruimo abina ana jíicaidingona jíllotate*

<sup>10</sup> Jiáie ocózinaiillaruimo Jesús Juzíñamui uai llorácomo llófuete. <sup>11</sup> Afe llezica afénomo dieciocho fimónamo abina ana jíicaiillari iráredingona illa. Naui fiénide jóríai aféngona daif finoca. Afengo caifo jaícina jaca náidacainide. <sup>12</sup> Jesús aféngona cíoilano ie jíirite. Daide: —Ringo, o irárenamona ja jíilloitio, —daide.

<sup>13</sup> Daif dainano Jesús ie onoi aféngomo bitade. Bitá llezica afengo ñue jaícina náidacaide. Afe dáaruido afengo ñúefue Juzíñamuimo llote. <sup>14</sup> Mei íadi áferi Juzíñamui uai lloraco illaima ríicaide, ocózinaiillaruimo Jesús afengo jíllotaja jira. Afémie comínina daide:

—Seis diga mona tájjiredicai, aféruillaído omoi jíilloillena bírediomoi. Mei íadi ocózinaiillaruimo omoi abina jíllotaibiñeno iri, —daide.

<sup>15</sup> Jira Jesús ie uai ote:

—Comécina íáirena mei abina ñue cíoidinodiomoi. Omoi cuinaca burro, íemo juráreto ocózinaiillaruido ¿meita jainoi ie jíruaillena zuitáñediomoi? ¿Zuitáfirediomoi! <sup>16</sup> Afe izói bie Abrahámona comuídingo ie irárenamona ¿meita ocózinaiillaruido zuitánidicue? Mei aféngona Taife dieciocho diga fimona ja cuinaca izói duere finódeza, —daide.

<sup>17</sup> Jesús daif daina cacáillano, ie éoidino méaicaidiaioi. Mei íadi nana comini afe Jesús finoca áillue ñúefuíaíri íobidiaioi.

*Mostaza daina raroci jéenide íji rafue*

(Mt 13.31-32; Mr 4.30-32)

<sup>18</sup> Iemona Jesús daide:

—Juzíñamui illáimana illáruina omoi ónoillena ¿mei ñie izói jino cíotaitícue? ¿Ñie izói afénona mámeitícue? <sup>19</sup> Afe illarui mostaza daina raroci jéenide íjiai izoide. Daa come aféjjiaína ie jacáfaimo rite. Afe jéenide íjiai ríllamona afe jéejinide zícua caifo amena dinori aillo zairide. Afe ícairuaimo feede ófocuízai jillaina nitíiaioi.

*Levadura rafue*

(Mt 13.33)

<sup>20</sup> Nane Jesús daide:

—¿Ñie izói Juzíñamui illáimana illáruina mámeitícue? <sup>21</sup> Afe illáruina “levadura” daina pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe iféllana mulleda oni aillo móonaitade, —daide.

*Ríllfrede naze izoide rafue*

(Mt 7.13-14, 21-23)

<sup>22</sup> Jesús Jerusalem jalla llezica, áfemo ite jofue comínina llófuete, naa jéenedigobaiamo. <sup>23</sup> Afénomo dáamie Jesumo jicánote:

—Ocuíraima, ¿meita jilloitino dúemaci, ero ua? —daide.

Jira Jesús afémie uai ote:

<sup>24</sup> —Juziñamui illáimana illánomo jofu jáirao rillírede naze izoide. Afe rillírede naze izóidedo jofu omoi jáillena riire omoi mamériri. Mei ómoína dáitícueza, aillo comini afénomo jofu jáiacaitiaoi, mei íadi jáinitiaioiza. <sup>25</sup> Mei jofu naama náidacaillano naze íbaille mei, omoi ja jinófenemo fiébitiomoi. Afe llezica nazémoma jéjirritiomoi: “Ocuíraima, naze caimo tuiño” dáitiomoi. Afe llezica afémie jofona uai óite: “Omoi ninó comínidíomoi, ómoína onóñedicue,” dáite. <sup>26</sup> Iemona omoi bie izóí dáitiomoi: “Cai, o diga güitícaí, daje izóí o diga jiródicaí. Cai jofue cigí iomo caina llófuefiredo,” dáitiomoi. <sup>27</sup> Mei íadi nane afémie uai óite: “Jae ómoína daidícue, ninó comínidíomoi ómoína onóñedicue. Omoi nana fiénidífue finóñidíomoi cuémoma oni jai,” dáite. <sup>28</sup> Iemona afénomo jino éenaitiomoi. Daje izóí zúurenamona murímurítomoi. Mei Juziñamui illáimana illánomo Abraham, íemo Isaac, íemo Jacob jofu jáillana cóitíomoi, naa Juziñamui uai jino llórainíri. Mei íadi afe llezica omoi ja jino dotállíomoi. <sup>29</sup> Mei uáfueza, nágafeniaimona billano, diga ínotino Juziñamui illáimana illánomo jofu jáillano güizáíbitiaoi. <sup>30</sup> Mei afe llezica dámerie óodaficaídino uícoficaitiaoi. Daje izóí dáarie uícoficaidino óodaficaítiaoi, —daide Jesús

*Jesús Jerusalem comíniri eede*

*(Mt 23.37-39)*

<sup>31</sup> Aféruido fariséuaimona dámerie dúciillano Jesuna daidíaoi:

—Herodes o fáiacadeza, benómoma oni jairi, —daidíaoi.

<sup>32</sup> Jira Jesús uai ote:

—Mai afe iere abi ráiruide egai izoide Herodes omoi llujáiri: “Cacai. Bímonado íemo daje izóí uire jiti, fiénide jóríaiaina jino óreítícue. Daje izóí iráredínona jillótaitícue. Iemo bai íe uire áfemo cue tájina fúitaitícueza,” daíí omoi llujáiri. <sup>33</sup> Mei íadi birui bie cue bíllaodo nai jáiredícue. Daje izóí uire jiti nai jáiredícue, íemo bai íe uire nai jáiredícue. Mei Juziñamui uai llórainmadícueza, Jerusalén jinomo oni jica tínidícueza, —daide.

<sup>34</sup> Iemo Jesús éecana daide: “¡Jerusalén comini! ¡Níí íaiói dúerena! Juziñamui uai llórainina fáfiredíaoi. Daje izóí Juziñamui íaíoimo orea uai llujáitino nóñena níjífiredíaoi. ¡Diga ícaíño íaíoína átava íe átavachíngo íaico anamo bícuia izóí, íaíoína cue anamo bícóacacícue! Mei íadi áfena jíeruíñediaoi. <sup>35</sup> Ie jira omoi cacai, uire jíáíruido omoi jofue zóofegacona mámeite. Omoína daidícue, afénomona are cuena cóñeítomoi. Mei cuena “Juziñamui mámeído bitímie caimare íóbidímie” omoi dáííñelle díno cuena cóñeítomoi, —díno Jesús daide.

## 14

*Abi fáillari duere zefuídímie Jesús jllotata*

<sup>1</sup> Ie mei jíáie ocózinaiilaruimo Jesús fariséuai illaíma díne güizájide. Afe llezica jíáie fariséuai Jesumo janónaioicana eróidíaoi. <sup>2</sup> Afénomo Jesús uíecori daa abina fáillari duere zefuídímie illa. <sup>3</sup> Mei jira Jesús ocuica uai llófuefiredínomo jicánote naa fariséuári.

—Ocózinaiilaruido ¿meita iráredímie jllotarede? ¿Nííbai jllotanide? —daide.

<sup>4</sup> Mei íadi afémaci uai oñeno tí daíí ítíaoi. Iemona afe iráredímie bai uáídota jllotata. Jllotajano, “Mai o jairi,” daide. <sup>5</sup> Afe mei Jesús fariséuaina daide:

—Omoimona bu ocózinaiilaruimo íemo ite burro, níbai juráreto, ífomo baía ¿meita raíre naado óñega? ¡Ocózinaiilarui íadi jaca raíre caífo ófiredíomoi! —daide.

<sup>6</sup> Afemona afe uaina jaca ónidíaoi.

*Airena ráfueuo uáídoga comini*

<sup>7</sup> Afe güilláfuemo bite lloga comini illáicomini ráiira izóidino ráiillena izire jenódiaioi. Nana uícoficaiacadiaioi. Jesús áfena cíoilano bie izói íaioina llófuete:

<sup>8</sup>—Ninó dáamie árenafuemo omoi uáidoia, illaíma ráiiranomo ráiíñeno iri. Mei o baímo jamánomoidímie nibai dúciiteza. <sup>9</sup>Iemona omoi uáidote rafue naama omo lluáibite. “O ráiirano mai bíniemo feca,” ona dáite. Afemona íraie ráiiranomo meáire ráiizaitio. <sup>10</sup>Mei jíáfodo ninó dáamie iráizillena o jíiria, bai ícoimo ite ráiiranomo o ráiiri. Afe mei o uáidote rafue naama billa llezica, afémie ona dáite: “Cue onógamie, bai benó ñuera ráiiranomo bí,” dáite. Afe daí nana güiránomo o díga ráiiedino eróicana afe rafue naama ñúefue omo jóoneiteza. <sup>11</sup>Mei jira naga come dama ie abina jamánomoidena fínoitímie, jamáimiena óreite. Daje izói “Jiba cómedicue” daidímie, jamánomoidimiena jáitaita, —daide.

<sup>12</sup>Afe dáaruído, Jesús ie uáidotimiena daide:

—Güilla rafue o finoa o onógamaci uáidoñeno iri, naa o ámatiairi. Daje izói o comini uáidoñeno iri, naa o áinori ite ráanaitimaci. Mei afe íbana ona uáidoitiaioi. Afe daí íbaja izói máínoitio. <sup>13</sup>Mei jíáfodo güilla rafue o finoa dúeredino uáidori naa aidámaci. Daje izói júbene ídainidino uáidori naa uina cíoñedinori. <sup>14</sup>Afemona iere caimare ítíoza. Mei afémaci afe íbana omo finónidiaioi. Mei íadi tíide comécina jáicina jóidino nífunidino meine abido cáailirumo o íbaja ízoida raa máínoitioza.

*Aillue güilla ráfuedo jíáfueña ñue cai onótaita*

<sup>15</sup>Afe güilla ráfueño Jesús díga ráiiedinomona bífueña cacáillano dáamie Jesuna daide:

<sup>16</sup>—Juzíñamui illáimana illíruimo nabáiritímie caimare ite, —daide.

<sup>16</sup>Mei jira Jesús íena daide:

—Daa come áillue güilla rafue finode. Afe ráfueño gairíllena aillo comini jíiritade. <sup>17</sup>Ja rafue mámiarumo tájina ñue fuilla llezica, ie ocuífregamie ie uáidoganomo llujítate, bie izói daíllena: “Ja nana raa ñue finócaza, mai omoi biri.” <sup>18</sup>Mei íadi afe llezica illa dígamie: “Iere cue jétalle íllaza, bínidicue,” daide. Nanóidímie daide: “Como cue íbaca cue jacafai méiñuacadicueza; bínidicueza. Cuen a ícáñeno iri,” daide. <sup>19</sup>Iemo jíáimie daide: “Ja cinco díga juráreto naa íaioi nabai díga íbádicueza. Aféretuai fueñe fácajicadicueza. Bínidicueza, cuena ícáñeno iri,” daide. <sup>20</sup>Iemo nane jíáimie daide: “Como fueñe ringo otícueza, bínidicue. Eróíñeno iri.” <sup>21</sup>Iemona afe ocuífregamie meine jofomo jaillano ie orédímieño bie izói íaioi daízia llujíde. Aferi rafue naama iere ríicaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aidámaci díga bené atiri. Daje llezica júbene ídainidino naa uínidínori benomo atiri,” daide. <sup>22</sup>Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráiillinona ite,” daide. <sup>23</sup>Iemona afe naama ocuífregamiena daide: “Mai jofue jinómoma joide íuaido, áillue iodo naa dúeodo o jairi. Aféuaimona cue jofo íaioi oruítaibilleza ríire oreri. <sup>24</sup>Mei uáfueña ómoína dáitícue: Cue díga güizáibillena fueñe cue uáidogamona buna cue finoca güillena güíñeitiaioi,” daide.

*Crístodo cai jaille juárede*

<sup>25</sup>Aféruillaído díga comini Jesudo jáidiaioi. Afe llezica afémie meine gírecaillano íedo jáidínona daide:

<sup>26</sup>—Dámie cuedo jáiacana llezica, ie móotiaína cue baímo izíruiadi cue llófuegamiena ínide. Daje izói dáamie ie aina, ie úruiaína, ie ámatiaína, daje izói dama ie abina cue baímo izíruiadi, afémie cuedo bínde. <sup>27</sup>Daje izói dáamie cuedo jailla ícoína ie tíilla izire oía afémie cue llófuegamiena ínide. <sup>28</sup>Bífuemo comeci facari: ómoimona dáamie jofo níacana uícodo, fueñe comeci facade. Daí comeci fácarede ie ofítaga raa ñue nállana fuite dánana onóillena. <sup>29</sup>Dámie daí comeci fácañenia, jofo jáaillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaioi. <sup>30</sup>“Bímie

jofu níacade íadi fuitánide,” dáitíaiói. <sup>31</sup> Daje izói daa illaíma jóbairiacana uícodo fueñe começi ñue facárede. “¿Meita cuemo ite diez mil fuíríraíni, baie cai diga fuírízaíbite veinte mil fuíríraínina, nibai anáfenoredicai? ¿Nibai nai anáfenonidicai?” daí começi raire uícodo facárede. <sup>32</sup> Afémie ñue começi fácano: “Baie bitino anáfenonidicai” daííadi, afémie afe fuírízaíbitino nai dúciñena llezica, manánaillena llujítinona óreite, icíríñeno dájena illífue jicánollena. <sup>33</sup> Afe izói ómoimona ninó dáamie nana femo ite raana zófeacañenia, cue llófuegamiena jáinide.

*Sal ie rñino íñenia jaca ráifiñede*  
(Mt 5.13; Mr 9.50)

<sup>34</sup> Sal jaca ñuera, mei íadi ie rñino íñenia jaca jáíie raamo jóonenide. <sup>35</sup> Jacafai éniemo jóonegana canóñede. Daje izói riga raa junáillena fiénide. Jaca éenoñeno oni dotárede. Aqué izóideza cacáacadino mai omoi cacai, —daide.

## 15

*Oveja oni féirailla rafue*  
(Mt 18.10-14)

<sup>1</sup> Afe mei nana gobierno íbátaga úcube llíinoraimaci naa fiénidífuiaredinori Jesús úrillamo cacárezaíbitíaiói. <sup>2</sup> Iemona fariséuai naa ocuica uai llófuefiredino Jesús zanódíaiói; daídíaiói:

—Bímie fiénidífuiaredinona caimare uáidota afémaciri güite, —daídíaiói.

<sup>3</sup> Afemona Jesús bie onótatífue llote:

<sup>4</sup> —Ómoimona dáamie cien diga ovéjaíai ia, afe ovéjaíaimona daa féiraia, áfena riire jénoite. Mei uáfueza, afémiemo fiévide noventa y nueve ovéjaíai fíiano afe daa féiraitena afémie baille dinó riire jénoite. <sup>5</sup> Afe mei afe féiraitimie baillano caimare ie fecábemo bíitano jofomo uite. <sup>6</sup> Jofomo dúciillano ie onóigamacina naa ie aino comíniri dáanomo gairítajano íaíoina daíite: “Ja féiraite oveja cue báigaza. Mai cue diga caimare omoi iri.” <sup>7</sup> Mei jira ómoína daídíicue: “Afe daje izói daa fiénidífuiaredimie ie começi ífue méiduari monamo itino jamánomo íóbídiáiói. Mei íadi noventa y nueve diga começi ífue méidonide Juzíñamuimona oni nibéfedo jáíñedinori jofófemo íóbídiáiói.

*Ucubetuni niné baiilla rafue*

<sup>8</sup> Bie jáíie ñúefuemo omoi cacarei. Daa ringomo diez diga úcubetuni ite. Afemona dáatuni baíide. Afe jenóllena mechera unede. Afe llezica jofu ero rafode. Afe bie izóidedo afe úcubetuni jenócana uite ie baille dinó. <sup>9</sup> Afétuni ie báillamona ie onóigangotíai naa ie aino imáciri dáanomo íaíoi gairítano íaíoina daide: “Jae niné baíide úcubetuni ja cue báigaza, mai cue diga caimare omoi iri.” <sup>10</sup> Nane ómoína daítíicue: “Afe izói fiénidífuiaredimie ie começi ífue méiduari Juzíñamui abi imaci iere íóbídiáiói,” —daídíicue.

*Moo anámona oni botade jító rafue*

<sup>11</sup> Jesús nane jáífue llote:

—Daa come mena jítórede. <sup>12</sup> Afe íaillínoimona íraímie ie moona daide: “O fecalle ráamona cuemo duide díbene cuemo ine,” daide. Iemona afe íaillínoí moo femo ite ráaníaí íaillínoímo fecade. <sup>13</sup> Afe méifodo íañori íllamona íraímie íemo duide ráaníaí jíáímamo fecade. Fécajano afe íba úcube llíinota jica jáíie éniemo jaide. Afénomo afémie iere fieni illáfueño jaillano, nana ie llíinoga úcube táinomo dótajide. <sup>14</sup> Iemo ie uiga úcube fuite. Afe llezica afe éniemo aillo júbietaídímaci. Aféruillaído afémie iere juffruite. <sup>15</sup> Iemona afeno ítímíemo tájina jénuaide. Iemona afe énie ímie ie tóica meróníai uíñollena orede. <sup>16</sup> Afémie iere júbie méiniamona meróníai ecáinamona güíacade, íadi ninó buna ie ecáñena. <sup>17</sup> Afemona afénomo dama começi facade: “Cue moo jofomo ñue ecaca tájítajano ñni aillo illa! Íaíoi jeírillamona fiéíbifrede. ¡Cue nibai benomo júbieri tíítíicue! <sup>18</sup> Meine cue moo illánomo jáítíicue. Dúciillano íena daítíicue: Moo, omo fiénidífue

finódicue. Daje izói Juzíñamuimo fiénidífue finódicue. <sup>19</sup> Cuenca cue jító dáiiñeitioza. Fia o táijitagamiensa mai cue mameri, dáiiíticue,” afémie comeci facade. <sup>20</sup> Daíi ie comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jító dne aizícana jaide. Dúciillano ie jítóna iere caimare llíinote. Llínuano íena ñitade. <sup>21</sup> Afe mei jító ie moona daide: “Moo, Juzíñamuimo fiénidífue finódicue, daje izói omo finódicue. Cuenca nibai cue jító dáiiñeitioza,” daide. <sup>22</sup> Mei jíáifodo afémie moo ie ocuífiragamacina daide: “Mai raire jamánomo ñúecuiri jenoda atíri, afémie jítálleza. Daje izói ebírede onocai icuifoí jítari. Daje llezica ie eiba ico jítari. <sup>23</sup> Afe dáaruído farede juráreto jiza fatá atíri. Afe ritá cai iráizilleza. <sup>24</sup> Mei bie cue jító tíilla izóidinomona meine cáadeza. Daje izói ja niné féiraité baitícaiza,” daide. Afemona caimare irázitiaioi.

<sup>25</sup> Bie féiraitimie dúcina llezica, ie ama nánoramie jino jacáfaimo ite. Afénomona bítemo, jofo áinomo dúcidemo íaioi irázizilla naa íaioi rúaniai cacaina. <sup>26</sup> Ie jira jofómóna daa táijitafiregamie jítócome uáidota jicánote: ¿Mínica rafue finódiaioi? <sup>27</sup> Afe jítócome íena daide: “O ama dúcina. Afe jira o moo farede juráreto jiza fatátate, mei ie jító ñue íránino meine dúcina jira,” daide. <sup>28</sup> Mei áfena fidíillano ie ama nánoramie iere ríicaide. Ríicaillano jofo afénomóna jáiacañede. Afe jira ie moo afémie diné lluájide. Jofo bíllena caimare íena bifúiaide. <sup>29</sup> Afe llezica ie moona daide: “Onódioza diga fimona o diga ñue táijifiredicue. Jaca o uaina oni caitáfínicicue. Mei íadi jaca ninó daa duera cabrito cuemo fecáñedio, cue nabáñiairi cue irázizilla. <sup>30</sup> Mei íadi birui bie o úcube jiruíredingotiaimo dotádimie bíllamo afémie íena farede juráreto fatátatio,” daide. <sup>31</sup> Jira ie moo afémienca daide: “Cue jító, o jaca cue diga ífiredio. Cuemo ite raana nana omo dúideza. <sup>32</sup> Mei íadi bie ráfúena cai fínuaña ñue jáicína joide, caimare cai íllena, mei o ama tíilla izóidinomona meine bíteza. Daje izói ja niné féiraité baitícaiza,” daide.

## 16

*Aillue jofo jabóidillaíma izoide rafue*

<sup>1</sup> Jesús nane ie llófuegamacina daide:

—Daa aillo ráaredimie ite. Afémiemo ie táijirainina ócuífiredé jabóidillaíma ite. Jíáimaci afe ráaredimienca lluaíbítiaioi: “O jabóidillaíma omo ite ñuera ráaniaína táinomo dotádeza. Afémie figo ocuífíede,” daidíaioi. <sup>2</sup> Ie jira ráaredimie jabóidillaíma uáiduano daide: “O finócafúena cue cacana ¿ñie izói joide? Omo cue iga cue jofo rafue rábiai cuemo izáibiri, mei cue jabóidillaímana íñeitioza. Nana omo cue jóonegafue o záitalleza. <sup>3</sup> Iemona afe jabóidillaíma comeci facade: “Cue ocuídímie ja oni cue dotádeza ¿ñie izói fínocitue? Mairíñedicueza, jacafai tíédímienca ínidicue. Comínimo úcube fia jícana meáruiticue. <sup>4</sup> Cue táijina fuille mei jíáie comini cue íaioi llínollena, cue finóllífue ja onódicue.” <sup>5</sup> Ie jira nana ie ocuídímie mo ibáredena ítímiaí dámierie dáanomo jíirillano daide: “O ibáredena cue ocuídímie mo ¿nieze ite?” fuéñeidímie mo jicánote. <sup>6</sup> Afémie uai ote: “Cien diga látaniai cárediji afémiemo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráiillano, cincuéntana llotíbena cúeiri,” daide. <sup>7</sup> Afe mei jíáima uáiduano jicánote: “O íbállena ¿nieze ite?” daide. Jira afémie íena daide: “Cien diga costales trigo afémiemo cue íbáredena ite,” daide. Jira jabóidillaíma íena daide: “Benó o íbállibe ite. Cómobemo ochenta diga costales cúeiri,” daide. <sup>8</sup> Ocuídímie áfena fidíillano, afe íbállibe táinona méidotímie mo iere báitafue nitade. Iemona ja onógaza, bínie comini dani íaioi nícidogafúiaína Juzíñamuimo íínotíno baimo iere baitádiaioi.

<sup>9</sup> Bie izói omoi íllena llóitícue. Bie fiénide énie ráaniaido, mai omoi nabáñiaína maiñori, ráaniai fuilla méifodo ómoína jofo íaioi llínolleza. Mei ómoimo ite ráaniai ñue omoi uñuado omoi ñue íínofírenana jino comínimo ácataítimoiza. Afe izói Juzíñamuimo omoi ñue íínofírenamona Juzíñamui ie zíñona íllánomo ómoína llínoiteza.



<sup>10</sup>Due jiza ite raana ñue úiñoitimie daje izói aillo raa íemo íadi áfena afémie ñue úiñoite. Mei jíáífodo due jiza ite raana figo úiñoñedimie daje izói aillo raa íemo íadi afémie áfeniaí figo úiñoñeite. <sup>11</sup>Le jira bie fiénide éniemo ite ráaniaí figo omoi úiñoñenia, ¿bu mei zúñona ráfide ráaniaí ómoimo fecalle? <sup>12</sup>Daje izói jíáímacimo jainaide raana figo omoi úiñoñenia, ¿bu mei ómoimo dúide raa ómoimo fecalle?

<sup>13</sup>Dáaruido buna mena ocuúdimiemo jaináinide. Iaillinoimo o jaináiaí dáamiema éoitio, jíáimana izírúitio. Daje izói dáamie ñue ínoitio, jíáimana jámairúitio. Mei jira onóigaza: Juzíñamui o náamataja llezica úcubemo abimo náamatanidio, —dínó Jesús úrite. Daí Jesús úrilla llezica fariséuai ímíiaí cacáreidiaíoi.

<sup>14</sup>Afe fariséuai úcubena gáidino Jesús úrillana cacáillano uáitano íeri zadáidiaíoi. <sup>15</sup>Mei jira Jesús daide:

—Comini eróicana ñuemacina abi mamédiomoi, mei íadi omoi comeci ífuena Juzíñamui ñue onode. Mei jíi, comini mameca jamánomoidimíiaína Juzíñamui éoide.

*Juzíñamui illáimana illarui lua uai naa jiaí Moisés ocuica uai díga*

<sup>16</sup>Jaiáimona Juan Bautista illágimamo, comini Moisés ocuica uaimo dúidiaíoi. Daje izói Juzíñamui uai jino llóraini llógamo dúidiaíoi. Lemo aféruimona bené Juzíñamui illáimana illarui ñuera uai llócaiga. Lemo afénomo jofó íaíoi jáillena izire nícidotiaíoi.

<sup>17</sup>Mei bínie naa mona díga niné táinocaiadi, illa díga ocuica uallai táinomo faíñeno ñue ícoimo fuitárede.

*Jesús iima ie ai dótajado úrite*

*(Mt 19.1-12; Mr 10.1-12)*

<sup>18</sup>Daa come ie ai dotáadi, íemo dótano jíáie ringo óiaí, afémie ja jiruífue finode. Daje izói afe dotácango aina otímie ja jiruífue mo baííde.

*Aillo ráaredimie íemo Lázaronamámeciredimie díga*

<sup>19</sup>Daa iere ráaredimie ite. Afémie iere ñuecuiaruai jírófírede; illaíma jítaíoigarouilla jítaífírede. Afémie nágarui ñue finóbilla rafue finófírede. <sup>20</sup>Daje llezica afénomo dúeredimie Lázaronamámeciredimie ite. Afémie abi mallízaina oruide. Ráaredimie naze fuemo ráiizaífírede. <sup>21</sup>Bie dúeredimie ráaredimie güirábanimona dótáfírega güille alla güífírede. Ie ráiina llezica, jícóniaí ie mállie miáíbfírede.

<sup>22</sup>Afe mei díga irui íllamona dúeredimie tíide. Afémie Juzíñamui abi imaci monamo ite paraiso dáina ñúenomo uiga. Afeno afémie Abraham abimo ite. Afe mei jíáí, ráaredimie tíilla raitíaíoi. <sup>23</sup>Ráaredimie comini duere finólliraimo duere zefuilla llezica, caífo érocaide. Erocaide íadi Lázaro Abraham díga ráiinana jícana cíode. <sup>24</sup>Iemona afe ráaredimie caillide: “Cai jiaíai Moo Abraham, cuemo dúecaí. Lázaro bené ore, iere due jiza jáinoína cue jírótaíbillera, cue íife manánaitallena. Mei bie iraimo iere duere zefuídícuera,” daide. <sup>25</sup>Mei íadi Abraham íena daide: “Nauí o illáfue mo comeci faca. Aféruillaído iere ñue itio. Mei íadi aféruído bie Lázaro iere duere ite. Mei jíáífodo birui afémie benó iere caímare ite. Afe llezica o duere zefuídío. <sup>26</sup>Bie baímo, coco cígiri jíáie iere afóredino ite, jira benó itino jíiacade ía, jáinide. Daje izói o illánomo itino caífo benó bíacadiaíoi ía, bínidiaíoi.”

<sup>27</sup>Mei jira ráaredimie íena daide: “Cai jiaíai Moo Abraham, Lázaro batí cue moo jofomo o oréllena izire jícadícuera. <sup>28</sup>Cue cinco dígade ama benomo bie duere zefuíllanomo íaíoi bíñeíllena lotátari,” daide. <sup>29</sup>Mei íadi Abraham íena daide: “Afémacimo Moisés naa Juzíñamui uai llóraini díga cúegana ite. Afe uáillaímo náfueítiaíoi,” daide. <sup>30</sup>Jira afe ráaredimie uai ote: “Cai jiaíai Moo Abraham, jíi, mei íadi tíidínomona dáamie íaíoi mo llúájiaí, íaíoi comeci ífuena méidoítiaíoi,” daide. <sup>31</sup>Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izói tíidínomona jáidíno uaina íñoñeítiaíoi,” daide.

## 17

Fiénidifue como baiilla iere jacírede  
(Mt 18.6-7, 21-22; Mr 9.42)

<sup>1</sup>Jesús ie llófuegamacina daide:

—Jaca nágarui comini fiénidifue como baiítafue íteza. Jááimana fiénidifue como baiítatimie jñii dúerena! <sup>2</sup>Trigo llaiéra áillue nofcina afémie cimoimo ícoínota monáillaimo dotácana baimo ñuera; úrué izói como ínotinomona dáamie fiénidifue como báítañelleza. <sup>3</sup>Afe izóidemoná abí omoi rairuiri.

O ama omo fiénidifue finóadi, afémiena lletari. Afemona afémie illafue ie méidoia, caimare íena uáidori. <sup>4</sup>Mei dáaruído afémie siete dígcacaiño o fienu finóadi, íemo siete dígcacaiño ona “Ja daíí omo íneiticue” afémie daíízaibiadi, jaca ninomo íena caimare uáidoitio, —daide.

*Juzíñamuimo cai íñnuá ríñorede*

<sup>5</sup>Jesús orécana íaíoi Ocuíraimana daide:

—Jamánomo cai íñnotari, —daide.

<sup>6</sup>Mei jira afe Ocuíraíma íaíoína daide:

—Due uáfueña o íñnoiadi ríírede raana finóredio. O íñnogafue díójina eroide mostaza íjiaí jéénina izoide íadi, bie sicómoro dáina aménana bie izói daííredio: “Caifo áijicaillano monáillajimo zójozai,” daidíonia afe amena o uaina íñnoite.

*Táijitafíregamiemo dúidífue*

<sup>7</sup>Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráizaibi, o écaíticue” dáítio? <sup>8</sup>Daííñide. Mei jááfodo afémiena ñue dáítio: “Mai cue güille fñori. Güillano cue jiroille llezica nana cue jitailla raa díga bai atíllena, mamériri. Afe méifomo güillano jíroitioza.” <sup>9</sup>¿Meita nana afémiemo ocuállana íñnuana ocuídímie íena “Figora” daíírede? Daííñede. <sup>10</sup>Afe daje izói, nana Juzíñamui ómoimo ocuica omoi íñnuá fuilla mei, bie izói daíírediomoi: “Ñue táijiraimacíñedicaí. ‘Íere fígomaci’ caína daííñide. Mei dani caimo duide raa finódicaíza. Baimo jíáie finóñedicaí.”

*Jesús díez díga chífnaitino jíllotata*

<sup>11</sup>Jesús Jerusalemo jailla llezica, Galilea énie fuédamo ite duera jófue como dúcide. Afe jófue daje izói Samaria énie fuédamo ite. <sup>12</sup>Afe jófue como dúciacana llezica, díez díga chífnaitino jino bai Jesús díne bitíaíoi. Mei íadi afémaci Jesúsmona bai jica fiébidiaíoi.

<sup>13</sup>Afénomona ríire íena daidíaíoi:

—Llófueraíma Jesús, caímo dúecai, —daidíaíoi.

<sup>14</sup>Jesús afémacina cíoillano daide:

—Batí lletáiraimo omoi abí ácataji, —daide.

Afénomo íaíoi jailla llezica íaíoimo ite dúcuai jacáibicaide. <sup>15</sup>Iemo afémacimona dáamie íe abimo ite duico jacáillana cíoillano, Jesús díne abido bite. Billa llezica Juzíñamuimo ríire cáímadote. <sup>16</sup>Jesumo dúciillano afémie ana éniemo fueco díne bíjicaide, Jesuna figora daííllena. Afe bie izói daidímie Samaria ímie. <sup>17</sup>Jira Jesús daide:

—¿Afe dúicomona jíllotaga díez dígamieñede? ¿Néemei jíáie nueve dígamie? <sup>18</sup>¿Meita dama bie jícanemiena Juzíñamuina abido cáímaduaiBILLA? —daide.

<sup>19</sup>Iemona Jesús afe íñnuá daide:

—Náidacaillano mai jai. O íñnuamona o dúicomona ja jíllodioza, —daide.

*Juzíñamui illáimana illíruí bíllana nie izói ónoíticai*  
(Mt 24.23-28, 36-41)

<sup>20</sup>Fariséuai Jesumo jícanotiaíoi, “¿Níirui Juzíñamui illáimana illíruí bíite?” Afémie uai ote:

—Juzíñamui illáimana billirui jaca cíõñena. <sup>21</sup> Afena “Ba ñie” daíñide. Daje izói “Baí batí ite” daíñide. Mei Juzíñamui illáimana illino omoi cígimo ite, —daide.

<sup>22</sup> Afe mei ie llófuegamacina daide:

—Uire jíáiruido daa birui cue illa izóidiruina cíocaitiomoi, mei íadí cíõñeitiomoi. <sup>23</sup> Jáíamaci ómoína dáititiaoí, “Be ñie,” femo ñibai “Batí ite” dáititiaoí. Mei íadí afénomo jáíñeno iri. Daje izói afémacido jáíñeno iri. <sup>24</sup> Mei ameo llairilla mona enéfemona jica jáíñomo cíoina izói, Nanoide íima Jitó billirui afe izói cíocaizaíbite. <sup>25</sup> Mei íadí aferui nai dúciñeille llezica, afémie fueñe jamánomo duere zéfuite. Daje izói bigímaiaí íena ruiffruitiaoí. <sup>26</sup> Noé illágímamo comíni iere fieni illa izói, afe izói cue billíruimo comíni fieni ítiaoí. <sup>27</sup> Noé ie finoca áillue nocaemo jáíñena llezica, nana comíni ie lloga uaina náfuñeno fia güíoidiaoí. Güillano jirófirediaoí. Afe llezica íaíoi fieni illafue méidoñeno áireoidiaoí; íemo íaíoi jízanai íñireitaoí. Jaca daí ítiaoí abina Noé jofo áillue nocaemo jaide. Iemo aillo noci bíide. Jamánomo bíillamona nana afémaci coróbaítiaoí.

<sup>28</sup> Iemo Lot illágímamo afe izói ite. Juzíñamuimo coméñeno güíoidiaoí. Güillano jirófirediaoí; íbjano fécafirediaoí. Jacáfaiaina ritiaoí, íemo jofóniaina níoicaidiaoí.

<sup>29</sup> Mei íadí afe Lot Sodoma jófuemona jino bítemo, monámoma réicai noci bíilla izói cocide. Afe llezica iere uzire boode ‘azufre’ dáina raa cócia. Afemona nana tímádmaci. <sup>30</sup> Cue Nanoide íima Jitódicueza, cue cíocaizaíbillirui afe izoite.

<sup>31</sup> Aféruimo daa come ie jofo caifófecomo íadí, ie jofo eromo ite ráaniaina jofo jaillano báruainide, afénomona botádeza. Daje izói dáamie jino jacáfaimo íadí, abido ie jofomo bínde. <sup>32</sup> Lot aimo omoi úbicai. <sup>33</sup> Ie caana rairuicadímie afena afémiemona féite. Mei íadí ie cáanana lloñédimiemona afe féiraiñeno, áfena baímo ziño illónona máíñoite.

<sup>34</sup> Iemo nane ómoína dáititue, cue dúciille naio, mena come dájena ínia llezica, íaíllinoimona dáamie oni uille. Jáímie fiébicaite. <sup>35</sup> Daje izói mena ringo daane trigo lláia llezica, íaínguaimona dango oni uille, jíáingo fiébicaite. <sup>36</sup> Daje izói mena íima jino jacáfaimo tájina llezica, íaíllinoimona dáamie oni uille jíáimie fiébicaite, —daide.

<sup>37</sup> Daí ie dánana cacáillano, ie llófuegamaci íemo jicánotiaoí:

—Cai Ocuíraíma, ¿mei ninomo?

Jira afémie uai ote:

—Ínónai dáanomó gairizaifrenamona, rille rifáíllanona ñue onódiomoi. Afe izói fieni finóñino oni íaíoi úillemona daní íaíoi duere finóllinona uáfuenta onóigaza.

## 18

*Daa fecingo comínimo riire jicánoraímamo jícajifrede*

<sup>1</sup> Afe mei Jesús ie llófuegamacimo daa rafue mamede, nágaruillai fáicanocaiñeno Juzíñamuimo íaíoi jícafireillena. <sup>2</sup> Íaioina daide:

—Jófue mo daa Juzíñamuina náfueñide comínimo riire jicánoraíma ite. Daje izói jíáimacina lloñede. <sup>3</sup> Afe daje jófue mo daa fecingo ite. Afengo afe jicánoraímamo úrizaibite. “Cue diga ícíríacadímiena mai ñue jaícina jicánori,” daide. <sup>4</sup> Diga ícaíño afengo afémiemo jáídemo, afémie afengo uai jeire ñede. Mei íadí méifomo afémie comeci facade: “Juzíñamuina jacíruñedicuena, daje izói comíni uaina náfueñedicuena, <sup>5</sup> mei íadí bie fecingo diga ícaíño cuemo zefuire bíbideza, aféngona ríidoitue. Afemona afengo cue díne bíñeilleza. Daí afengo are cue zéfuínaitañeilleza,” daí comeci facade.

<sup>6</sup> Jira Ocuíraíma daide:

—Daí bie fiénide comínimo riire jicánoraíma daide. <sup>7</sup> ¿Meita Juzíñamui ie nizécanona, afe ie mona naio diga femo izire jicádinona ríidoñeite? ¿Raíre íaíoína ríidoiteza! ¿Meita “Fui ómoímo llóitícue” íaíoína dáíte? Dáíñeite. <sup>8</sup> Ómoína daídícue, afémie juare díbáñeno raíre íaíoína ríidoite. Mei íadí Nanoide íima Jitódicueza meine cue bíadí, ¿meita cuemo íñotino íite? ¿Meita íñeite?

*Fariseo, íemo gobierno íbátaga úcube llíinoraíma izoide rafue*

<sup>9</sup> Jesús nane jíáfue llote, abi ínuana jíáimaci jámairuitinona ñue llófuellena. Daide:

<sup>10</sup> —Mena íima íaillinoi Juzíñamui jofomo Juzíñamuimo úrizaide. Dáamie fariseo ímie; jíáíma gobierno íbátaga úcube llíinoraíma. <sup>11</sup> Fariseo ímie naidáicana bie izói Juzíñamuimo úrite. “Moo Juzíñamui, ona figora daidícue, mei cue bie jíáie fiénidino izóiñedicueza. Jaca merírifinidícue, jíáimaci jífuefinidícue, daje izói jíruínidícue. Afe baimo bie gobierno íbátaga úcube llíinoraíma izóiñedicue. <sup>12</sup> Naga semánamo ménacaiño güiñeno ífiredícue Juzíñamui íóbitallena. Nágáruí cue oga úcubemona, Juzíñamuimo dúide raamo afémiemo fecáfiredícue,” daide.

<sup>13</sup> “Mei íadi afe gobierno íbátaga úcube llíinoraíma monamo érocáiñeno oni jica fiébite. Dinó ie illa llezica, iere dúeredícue, dainano ie abi iere zuure finode. Fínuano daide: “Aíí, Juzíñamui mai cuemo dúecai. ¡tere fiénidífuiairedímiedícueza!” daide. <sup>14</sup> Omoina dáitícue, afe úcube llíinoraíma Juzíñamui anamo ñue illano jofomo jaide, mei íadi afe fariseo ímie ñue fínoñega jailla. Mei uáfueza, abi ínota jamánomoíacadímie anáfeficaide. Mei íadi abí ínoñeno comécina mánaidímie daidímie jamánomoidímiena jailla, —daide.

*Jesús úruiaí ñue íllena finode*

*(Mt 19.13-15; Mr 10.13-16)*

<sup>15</sup> Afe llezica comini íaiói jézainidino Jesumo atídíaiói, afémacimo onoi bitállena. Mei íadi áfena ie llófuegamaci cíoillano afe atídínona rairuídiaíoi. <sup>16</sup> Mei jíáfodo Jesús ie llófuegamaci uáiduano daide:

—Afe úruiaí dama cue diné bitáioiza. Afémacina rairuíñeno iri. Mei Juzíñamui illáimana illíruimo jáitino bie úruiaí izóidíaiói. <sup>17</sup> Uáfueña ómoina dáitícue, fia comécina mánaide úrue izóiñedímie Juzíñamui illáimana illíruimo jaca jofo jáiñeite, —daide.

*Ráarede jítócome Jesús díga úrilla*

*(Mt 19.16-30; Mr 10.17-31)*

<sup>18</sup> Illáicomínimona dáamie Jesumo jícanote:

—Ñuera Llófueraíma, zínóna cue íllena ¿nie izói íredícue? —daide.

<sup>19</sup> Jesús íena daide:

—¿Níbái mei cuena “Fígomiedio” daidío? Abi dine jíáie ñúemiena íñede. Dama Juzíñamui ñuena. <sup>20</sup> Cai ocuúina uáillaína cacádíoza: “Jírúífuena finóñeno iri, jíáimana fañeno iri, meríríñeno iri, jíáimamo taino lloñeno iri, o moo o ei díga ñue jacírui,” —daide.

<sup>21</sup> Jira afémie Jesuna daide:

—Bíuailaína cue dúemieniadi jaca nai biruido jeire ófiredícue, —daide.

<sup>22</sup> Afena cacáillano Jesús daide:

—Mei íadi omo nai daafue fiébide. Nana omo ite ráaniai fécano, afe íba dúeredinomo ine. Afemona monamo ite zínóna ráifide raa óiena íteza. Afe o ráaniai fecalle mei, mai cuedo bi, —daide.

<sup>23</sup> Mei íadi áfena cacáillano iere zúucaide, mei afémie iere ráaredeza.

<sup>24</sup> Jesús ie zúucaillana cíoillano daide:

—Iere ráaredímie mei íadi ie ráaniaína cue baimo afémie ízruiadi, Juzíñamui illáimana illíruimo jofo jáillena ¡níí juárena! <sup>25</sup> Camello mámecirede áillue rille eedo uífodo enéfenemo jailla juánide, mei jíáfodo iere ráaredímie Juzíñamui illáimana illíruimo jaillie iere juárede, —daide.

<sup>26</sup> Aféfuena cacádino íena daidíaiói:

—Íemona ¿níimie jíllóille? —daidíaiói.

<sup>27</sup> Jira Jesús íaíoína daide:

—Comínimona finónide raa Juzíñamui finórede, —daide.

<sup>28</sup> Afe mei Pedro íena daide:

—Ocuíraíma, odo billena caímo ite raana fiénocaidícaí, —daide.

<sup>29</sup>Jira afémie uai ote:

—Uáfuenta ómoína dáititue, Juzíñamui illáimana illano ícoínia jofu fiénocaitimie, daje izói ie móotiai naa ie ámatiairi fiénocaitimie, daje izói ie ai naa úruiairi fiénocaitimie <sup>30</sup>naí bñiemo ie illa llezica aillo baímo llínoite. Afe mei monamo zññona illino máinoite, —daide.

*Jesús nane dáanomo ie tíllifue lloste*  
(Mt 20.17-19; Mr 10.32-34)

<sup>31</sup>Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiái Juzíñamui uai llóraini Nanoide fima Jitó cuega uai jino zúilleza. Nanoide fima Jitódicueza. <sup>32</sup>Afeno jicánemacimo cue fécaítiaí, femo cuena jifánodoítiaí, femo cuena báinoítiaí, femo cuena túallaitiaí.

<sup>33</sup>Jemo cuena rázido fáitíai. Afe mei cuena títaitiaí. Mei íadí daaruíamani illemona tíidinomona meine abido cáadimiena íitue.

<sup>34</sup>Afe bífuiaína afémaci jaca onóñediaí. Daje izói nímiedo úriteza onóñediaí, mei aféfuiaí afémaci baitánide.

*Jesús Jericó ímie únidimie jllotate*  
(Mt 20.29-34; Mr 10.46-52)

<sup>35</sup>Jesús Jericó jófuemo ánozilla llezica daa únidimie io fuemo ráide. Afémie fia úcube jicáfírede. <sup>36</sup>Aillo comíniai jáillana cacáillano afémie, “¿Níifue comuilla?” daide. <sup>37</sup>Jira afémiemo llotíai, “Nazaret ímie bíedo jailla,” daidíai. <sup>38</sup>Jira afémie jírroicaide:

—Davidmona comúdimie Jesús, Mesía dainámie mai cuemo dúecai, —daide.

<sup>39</sup>Úicodo jáidino afémiena “Uríñeno llícai,” daidíai. Mei íadí afémie nai ríire caillide:

—Davidmona comúdimie, Mesía ímie mai cuemo dúecai, —daide.

<sup>40</sup>Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

<sup>41</sup>¿Minícana jítaidio, omo cue finólleza?

Jira únidimie uai ote:

—Ocuíraíma, meine úido ciócadicue, —daide.

<sup>42</sup>Jira Jesús fena daide:

—Mai érocai. O íinua ícoínia ja jllodio, —daide.

<sup>43</sup>Daí daina llezica, únidimie ñue ciode. Afe mei afémie Juzíñamuimo caimátaicana Jesudo jaide. Daje izói nana afe únidimie jllonana ciódino Juzíñamuimo caimátaoidiaí.

## 19

*Jesús Zaqueo uáiduaide*

<sup>1</sup>Afe mei Jesús Jericó jófuemo dúciillano, afe jofue cígido jaide. <sup>2</sup>Afénomo daa ráaredimie ite. Afémie mámece Zaqueo. Afémie gobierno íbátaga úcube llínoraimaci illaíma. <sup>3</sup>Bie Zaqueo Jesuna cióicade ie ónoillena. Ua Jesuna cióicade mei íadí fena ciónide, aillo comini íllaza, femo jíái afémie iere íámieza. <sup>4</sup>Ie jira Jesús uícomo aizícaillano, sicómoro daina aménamo caífo llíode Jesuna cíoillena. Afe amena Jesús jáillino áinori ite.

<sup>5</sup>Jesús áfede jailla llezica, caífo femo érocaide. Iena daide:

—Zaqueo, raíre ana bí. Birui o jofomo fiébiticueza, —daide.

<sup>6</sup>Ie mei Zaqueo raíre ana billano Jesuna caímare llínote. Ua Zaqueo jofomo jáidiaillinoi.

<sup>7</sup>Comini áfena cíoillano, nana áferi úrizidiaí. Daidíai:

—Jesús fiénidimie jofomo fiébizaide.

<sup>8</sup>Iemo Zaqueo náidacaillano Jesuna daide:

—¡Ocuíraíma, ero! Cuemo ite ráaniaimona dúeredimacimo átuedo fécaítue. Daa come jífuiano nau merídícuenia áfena afémiemo meine abido izájitue. Nane afe emódomo dacaiñoámani afémiemo íitue, —daide.

<sup>9</sup>Jira Jesús fena daide:

—Daií o fínua mona Juzíñamui lloga jíllonafue birui jeire o úana ja onódicai. Naui féiraitio, mei íadi birui ja jíllotagao. Ja Abraham comufatagamiedio. <sup>10</sup> Mei jíi, o izoide ja oni baífzaidino jenoda jíllotaibiticue. Nanoide fima Jitódicueza, —daide.

*Diez dígade úcubetunimo mameca rafue*

<sup>11</sup> Jesús bífuiaido úrillana comini cacana llezica, afémie daa rafue íaioimo llote. Mei Jerusalemo afémie áinozioicaidemo, afémaci comécido “Juzíñamui illáimana illírui ja raire dúciacade,” daidíaoiza. <sup>12</sup> Jira Jesús íaioina daide:

—Daa íima núemacimona comuídimie. Afémie oni jica jíáiniemo jaide, afémaci illáimana afémie íaioi jóoneacadiaoiza. Afe mei afémie nane abido biite. <sup>13</sup> Nai ie jíáinena llezica, ie táijitaganomona diez dígamie uáidote. Uáiduano illa dígamiemo daa iere ráifide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai ofiri. Ua mei, afe fécamo aillo úcubena oni jóoneri,” daide. <sup>14</sup> Mei íadi dama ie illano comini afémiena éoidiaioi. Eoillano afémie óodana llóitino orédiaioi. Llotíaoi: “Cai illáimana o íllena jítaíñedicai,” daidíaoi. <sup>15</sup> Mei íadi afémie illáimana jóonega. Jóonia mei dama ie éniemo jaide. Dúciillano úcubetunillaina igámíai bai uáidote. Uáiduano illa dígamiemo jícanote: “¿Ja nieze úcubena ofitatio?” daide. <sup>16</sup> Nano jíirigamie íena daide: “Ocuíraima, o úcubemona diez díga baimo óiena nabáidicue,” daide. <sup>17</sup> Ie jira aféllaíma uai ote: “Iere figora. Ñuera ocuífregamiedio. Omo due cue ígari ñue ínotioza, diez dígade comini jofue illáimana o jóoneiticue,” daide. <sup>18</sup> Afe mei nane jíáimie jíirite. Afémie billano daide: “Ocuíraima, o úcubemona cinco díga baimo óiena nabáidicue,” daide. <sup>19</sup> Nane daje izói bímiemo uai ote: “O cinco dígade comini jofue lláimana o jóoneiticue,” daide. <sup>20</sup> Afe mei nane jíáimie jíirite. Afémie daide: “Ocuíraima, be o úcubetuni. Ñue jacíruiocana cue éenogaza. <sup>21</sup> Mei iere ríimiedioza, ona jacíruiticue. O jóoneñegamona jaca ófiredio. Daje izói o ríñeganomona jaca ófiredio,” daide. <sup>22</sup> Afe jira aféllaíma íena daide: “Fíenide cue ocuífregamiedio. Dama o daina uaido riire omo jícanoiticue. Cue ríirenana onódio íadi, ¿níbái mei cue úcube baimo nabáíñedio? Daje izói cue jóoneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, <sup>23</sup> ¿níbái mei cue úcube jíáie úcube íranomo jóoneñedio, abido cue jofomo cue billa llezica afe úcube íemo afe baimo jíáie úcube díga cue llínnollena?” <sup>24</sup> Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. <sup>25</sup> Mei íadi afémaci aféllaímana daide: “Íllaíma ero, bímiemo ja diez dígatuni ite. ¿Níbái mei jíáie úcubena iga?” daide. <sup>26</sup> Jira afe illaíma uai ote: “Mei uáfueza ómoína dáititcue, igámíemo baimo aillo írede. Mei íadi íñegamiemo due ite bairórede. <sup>27</sup> Iemo afe baie cue illaíma íllana óiacañedino, mai bai bené ati. Atiano cue eróicana afémaci tita,” daide.

*Jesús Jerusalén jófue mo jofu jaide*

*(Mt 21.1-11; Mr 11.1-11; Jn 12.12-19)*

<sup>28</sup> Bie izói daina méifodo Jesús nai Jerusalén diné jaide. <sup>29</sup> Ja Betfagé jófue mo, íemo Betania jofue díga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Íaillínoína daide:

<sup>30</sup> —Batí áinori ite duera jófue mo ómicoi jai. Dúciillano afénomo cuinaca búrrona cóitiomicoi. Afe búrromo nai buna ráíñena. Zuítano cuemo atíri. <sup>31</sup> Daa come ómicoimo jícanoína “Níbái mei uiga” daííadi, “Cai Ocuíraíma jítaíllano jícala” ómicoi daírri, —daide.

<sup>32</sup> Afe llófuegamaci íaillínoi jaillano nana Jesús íaillínoína daina izói cóizaidiaillínoi. <sup>33</sup> Afe burro íaillínoi zúitaja llezica burro naama jícanote:

—¿Níbái mei búrrona zuitádiomicoi? —daide.

<sup>34</sup> Jira afe íaillínoi uai ote:

—Cai Ocuíraíma jítaílla, —daide.

<sup>35</sup> Afe mei ja Jesumo uitíaillínoi. Dúciillano afe burro emodo íaioi ínroína jobédiaioi. Jóbiano afe emódomo Jesús rainádiaioi. <sup>36</sup> Afe búrrodo Jesús jaílla llezica, ie jaíllao

comini íaioi iníroillaina jobédiaioi. <sup>37</sup> Olivo daina ídumona ana íaioi jailla llezica, nana afémiedo jaide Juziñamuimo ínotino ióbillano caillíoidiaioi. Daje llezica Juziñamuimo iere caimátaidiaioi, mei diga Jesús uaido daina comúdena nauí uícodo ciódiaioza.

<sup>38</sup> Daidíaioi:

—Ocuíraima mámeçido bite illaíma caimare iri. Caimare uái illafue monamo íteza. Daje izói Juziñamuimo ebire ñúfeuaína nitáfíreiri, —daidíaioi.

<sup>39</sup> Iemo afénomo ite comini cígimo fariseo ímíiaina ite. Afémaci Jesuna daidíaioi:

—Llófueraima, odo jáidinona “Uriñeno” o daíri, —daidíaioi.

<sup>40</sup> Mei íadi Jesús uai ote:

—Omoína daíitícue, bimaci úriñenia nofíciái riire úrille, —daide.

<sup>41</sup> Afe mei afe Jerusalemo ánozilla llezica, afe jófuena cíollano Jesús eede. <sup>42</sup> Eiano cómemo úrilla izói afe jófuena daide:

—Nífuenino uái o illífuena iere o onótaacadícue. Birui ñue o illarui. Mei birui afefue ómoímona báinino íteza, aféfuena onónidiomoi. <sup>43</sup> Mei uáfueza fiénidíruillai ómoímo biite. Aféruimo omoi éoidimaci omoi illa onido nágafeniai nofíbanillaina izói ómoína círínoítiaioi. Afe mei ómoiri riire fúiritiaioi. <sup>44</sup> Iemo ana éniemo ona dótaítiaioi. Dótano afe jófue mo ite comínina fáitíaioi. Afe llezica nana afe jófue fínoína nofíciái ana dócoítiaioi; mei Juziñamui ómoína caimare uáiduaíbillarui onóñediomoíza, —daide.

*Jesús Juziñamuimo gairíraco ráfua izói ñue fínode*

*(Mt 21.12-17; Mr 11.15-19; Jn 2.13-22)*

<sup>45</sup> Jerusalemo ie jofo jailla méifomo, Jesús Juziñamuimo gairíracomo jofo jáillano afeco eromo ite ráaniai fecadino naa íbaríoidinori jino jiude. <sup>46</sup> Íaioína daide:

—Jaiái Cuegáuaimo daide: “Cue jofo cuemo úrifíreillico.” Mei íadi afécona merírífíredino jofo izói fínódiomoi, —daide.

<sup>47</sup> Nágaruillai Jesús afécomo llófuefírede. Mei íadi afe llezica lletáriraini illaini, daje izói ocuica uai llófuetino, naa jófue illáiniri ie íaioi fallino jenódiaioi. <sup>48</sup> Mei íadi afémie fállena baíñediaioi, mei nana comini afémie uai iere cacáreidiaioza.

## 20

*Illáicomini Jesús ócuífírena ríino jicánotiaioi*

*(Mt 21.23-27; Mr 11.27-33)*

<sup>1</sup> Afe mei jáíruido Jesús Juziñamuimo gairíracomo comini llófuete. Afe llezica ñuera jíllona uai afémacimo llote. Daí llua llezica lletáriraini illaini, femo ocuica uai llófuetino, naa ocuide eicomíniri, afénomo dúcidiaioi. <sup>2</sup> Dúciillano Jesuna daidíaioi:

—Nie ríinodo bie ráaniaína fínódío áfena cai lloiri. Afe omo ite ríino ¿bu mei omo fecaca? —daidíaioi.

<sup>3</sup> Jira Jesús íaioína daide:

—Cuemo omoi jicánua izói ómoímo daafue jicánóitícue. Nee mei cue uai omoi ólleza.

<sup>4</sup> Mei Juan ¿bu comini báutizallena ocuica? ¿Meita Juziñamui ocuica? ¿Mei nibai comini ocuica? —daide.

<sup>5</sup> Mei íadi uai oñeno, áfena dani conímamo júfidotiaioi; daidíaioi:

—¿Nie izói mei daíticái? “Juziñamui ocuica” cai daííadi, Jesús cai uai óite, “¿Níbái mei aféniemo ínoñediomoi?” “Mei jíáfodo “Comínimona ocuica” cai daííadi, nana comini nófiena cai níjítiaioi. Mei afémaci “Juan Juziñamui dibénedo úrifírede” jaca daífírediaioi.

<sup>7</sup> Iemona afe illáicomini Jesuna daidíaioi:

—Juan báutizaibillena ocuídímiena onóñedícai, —daidíaioi. <sup>8</sup> Afe jira Jesús íaioína daide:

—Daje izói bie ráaniai cue fínofírena ríino ómoímo llóñeítícue, —daide.

*Fiénide tájídino rafue*

*(Mt 21.33-44; Mr 12.1-11)*

<sup>9</sup> Afe mei Jesús comínimo úrilla llezica bifue íaioímo llote:

—Daa come jírícuaena eroide úvaiai rillino finode. Afe mei áfemo tájjiitino nano íanori iba llíinollena fecade. Fécano oni jíáinomo are íllena jaide. <sup>10</sup> Afe úvaiai llizilla llezica, ie ocuífregamie orede, náamamo dúide dibene afénomo tájjidinomona jicállena. Mei íadi afémiemo íñeno fájano ie orédiaioi. <sup>11</sup> Ie jira jacafai naama nane jíái ocuífregamie orede. Mei íadi nane afémiena icida fatíaioi. Fájano íñeno fia meine orédiaioi. <sup>12</sup> Nane afe mei jacafai naama jíáimie orede, mei íadi afe tájjidino afémiena bófiano jino orédiaioi.

<sup>13</sup> Iirainomo jacafai naama daide: “¿Níie izói fínoitice? Cue izíruga jitó óreitice. Afémaci afémiena cíoilano, nibai afémiena caimare jacíruiítiaioi,” daide. <sup>14</sup> Mei íadi tájjidino afémiena cíoilano, jofo conímaiana daidíaioi: “Bímie uire bie énie máínoitimie. Mai cai falli. Afe mei bínie cáiena jáiteza,” daidíaioi. <sup>15</sup> Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿níie izói fínoite? <sup>16</sup> Afémie billano afémacimo dúecaiñeno títaite. Afe mei afénie jíáimacimo fécaite, —daide.

Afena cacáillano daidíaioi:

—¿Afe izói cai ílleza Juzíñamui rairuirí! —daidíaioi.

<sup>17</sup> Mei íadi Jesús íaioimo érocaillano daide:

—Íemona, afe Juzíñamui Cugáuaina ¿níie izói llóiacade? Afe uai bie izói daide:

Jofo níraini jámairuillano oni fádoica jáillirai ja nahí jáilliraina jaide. Bie dáina daífacade, comini jámairuillano ruifíruigamie ja ñuera jica jalleide illáimana jaide.

<sup>18</sup> Afe jámairuiga nofici maméidímiemo éicitaitimie níne tibérotaitie. Iemo jíái afe nofici anamo jíitafitino jízefo izói jíaitiaioi, —daí Jesús daide.

*Gobierno íbátaga úcube rafue*

*(Mt 21.45-46; 22.15-22; Mr 12.12-17)*

<sup>19</sup> Afe llezica lletáiriraini íllaini naa ocuica uai llófueraíniri Jesuna llaitaacadiaioi, mei afémacido bie rafue afémie llúana onódiaioiza. Mei íadi afémaci comínina jacíruiítiaioi. <sup>20</sup> Ie jira núemaci izói macádino Jesumo báinino orédiaioi. Jesuna comeci féillamona fieni úritallena orécaiaioi. Afe fieni ie úrillana cacáillano afémie romano caifóidíllaimamo fécaite. <sup>21</sup> Jira afémaci Jesumo bie izói jícanotiaioi:

—Llófueraíma, onódicaíza jaca ñue íllííue llófuefiredio. Daje izói jáicína ñue úrifiredio. Iemo jino cíoidífuiaido izire jicánoñedio. Mei jíáífofo Juzíñamuimo cai jáíllíodo uáfuena úrifiredio. <sup>22</sup> Caimo llone: ¿Romano jamánomoidíllaima íbátaga úcube íbádicainia ñuera? ¿Níbai fíénide? —daidíaioi.

<sup>23</sup> Mei íadi íaioi ie facátaacanana Jesús onode. Jira íaioina daide:

—¿Níbaí mei jíitaja izói cue finódiomoi? <sup>24</sup> Daa úcubetuni cuemo ácataíbi. Afétunimo ite uieco jana ¿bu íe? Iemo afétunimo ¿nie come mámecí cúeina? —daide.

Jira íe uai otíaioi:

—Romano jamánomoidíllaima uieco illa, naa íe mámecí díga, —daidíaioi.

<sup>25</sup> Jira Jesús íaioina daide:

—Mei íemona romano jamánomoidíllaimamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

<sup>26</sup> Nana afémaci comini cacáicana dáina uáílláido ja Jesuna jaca jíitanidiaioi. Mei jíáífofo íe uai úana cacáillano fáigacaidiaioi. Afe mei íaioi uai ollííue íñédeza úríñediaioi.

*Tíide comini meine abido cáaille jicánotiaioi*

*(Mt 22.23-33; Mr 12.18-27)*

<sup>27</sup> Afe mei saduceo ímíiai Jesús díne jaide. Afe saducéuai tíidino meine abido cááñeite daífirediaioi. Jira bimaci Jesuna bie izói daidíaioi:

<sup>28</sup> —Llófueraíma, Moisés caimo cuetá fíécabemo daide: Daa come íe ai naí úruenide abina tíia, afémie ama íe fecíngona órede, afémie úruiai íe tíide ama méífofo comúllena.

<sup>29</sup> Mei nauí cai cígimo siete díga ámaredímiaina íte. Nanóidímie áreíllano naí úruenino



táide. <sup>30</sup> Afe méifoidímie afe fecingo ote. Ie mei afémie daje izói úruenino tíide. <sup>31</sup> Afe mei nane jiáimie daango ote. Uano nai úruenino tíide. Daje izói nana afémie ámatiai daango uano úruenino tíidiaioi. <sup>32</sup> Iiraíno mo ja afengo tíilla. <sup>33</sup> Iemona comini tíillano meine abido cáailiruimo, mei siete dígamie afengo óteza, afengo ¿nie iima aina mámeite? —daidiaioi.

<sup>34</sup> Ie jira Jesús uai ote:

—Bie éniemo híñiai áirediaioi. Daje izói ringóniai inírediaioi. <sup>35</sup> Mei íadi uire monamo jáitena mamécano, daje izói tíidinomona meine abido cáaitena mamécano jaca ánitiaioi. Daje izói afénomo íaioi jízatiaína jiáimamo iníreitañeitiaioi. <sup>36</sup> Mei afénomo buna tíinideza. Iemona afémaci Juziñamui abi imáciai izóidiaioi. Tíillanomona meine abido cáailledo Juziñamui jítótiaína ja mamécaiaioi. <sup>37</sup> Jaiai Moisés illafue cuegánicomo Juziñamui tíidino meine abido cáailana caina onótate. Moisés boode rarócina ciona llezica afe bóodemona Juziñamui daide: “Dáaruído Abraham Juziñamuidicue naa Isaac Jacob díga,” mei afémaci Juziñamui illánomo cáadiaioiza. <sup>38</sup> Mei uáfueza, Juziñamui tíidino íeñede, mei jiáifodo cáadino ie. Mei uáfueza, Juziñamui eróicana nana cáadiaioiza, —daide.

<sup>39</sup> Iemona ocuica uai llófuerainimona dáarie daidiaioi:

—Llófueraima, ¡ñue daidio! —daidiaioi.

<sup>40</sup> Afe baímo Jesús facátalle uaina baíñediaioi.

*Cristo ie nano comuídímie ¿bu?*

*(Mt 22.41-46; Mr 12.35-37)*

<sup>41</sup> Afe mei Jesús íaioina daide:

—¿Níbái mei Crístona David jító dáíifirena? <sup>42</sup> Mei afe David Salmos rabénicomo dáideza: Monamo ite cai Moo Juziñamui cue Ocuíraimana daide:

“Bené cue nabézimo ráii;

<sup>43</sup> ona éoidino cue anáfenolle dino.”

<sup>44</sup> ¿Mei nie izói Cristo David jító? Mei afe David afémiena ie Ocuífiredimiena mamédeza, —daide.

*Jesús ocuica uai llófuefiredinomo fiénidifue nitade*

*(Mt 23.1-36; Mr 12.38-40; Lc 11.37-54)*

<sup>45</sup> Nana comini cacáicana Jesús ie llófuegamacina daide:

<sup>46</sup> —Ocuica uai llófuefiredinomona abí omoi rairuiri. Afémaci “jácimacídicaí” daíillena áreroi jítáfirediaioi. Afémaci gairíranomo jáiadi, iere caímare uáiduana gáidiaioi. Afe izói Juziñamuimo llófueriracomo ñuera ráíiranuai jénofirediaioi. Daje izói irázillafue fínua llezica jénofirediaioi. <sup>47</sup> Daje llezica fecíngotiai jofona báirofirediaioi. Afémaci comini cíocana ñúemacina daíillena, are Juziñamuimo úrifirediaioi. Afémaci jiáimaci duere finolle baímo duere finólliaioi, —daide.

## 21

*Dúerede fecingo Juziñamuimo úcube fecade*

*(Mr 12.41-44)*

<sup>1</sup> Jesús Juziñamuimo gairíracomo illa llezica, aillo ráaredino Juziñamuimo dúide úcube jóneranomo úcube dótana ciode. <sup>2</sup> Afe llezica dúerede fecingo cobre finoína mena úcubetuni dótajana Jesús ciode. <sup>3</sup> Cíoilano daide:

—Uáfuenta ómoína dáííticue, bie dúerede fecingo nana jiáimaci baímo dotade. <sup>4</sup> Mei nana afémaci íaioimo fiévide úcubemona dotádiaioi. Mei íadi bie fecingo dúerede íadi nana aféngomo ite güille iballe úcube dotade, —daide.

*Jesús Juziñamuimo gairíraco niné táinocaite, daide*

*(Mt 24.1-2; Mr 13.1-2)*

<sup>5</sup> Comínimona dáarie Juziñamuimo gairíraco ero ebire cíoina llotíaioi. Daje izói afécomo ite nofíciái finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

<sup>6</sup>—Nana bie omoi ciona ebire eróid̄inuiái uire dáaruído niné táinoficaite. Bico ero ñuera nofítotíai illa dígatofíai oni eneno júdaizite, —daide.

*Enie fúiacana cai onóillena lloga uai*

*(Mt 24.3-28; Mr 13.3-23)*

<sup>7</sup>Jira Jesumo jicánotíai:

—Llófueraima, o lloga bífuíai ¿ñiñruído íite? Bifue zúille uícodo cai onuille raa, ¿nie izóí íite? —daidíai.

<sup>8</sup>Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodícue” dáitino bíitíai. Afe izóí “Ja birui aferuí” dáitíai. Mei íadi afémaci llógamo íñoñeno iri. <sup>9</sup>Comini jóbairillana omoi cacáíadi aferi jacínaiñeno iri. Daje izóí jíai comini íaiói illaíma uáitano jíámiena méidoíacanari jacínaiñeno iri. Mei uícodo daí íredeza, mei íadi íirairui nai dúciñedeza.

<sup>10</sup>Iemo Jesús nai úriocáide:

—Daa nairai jíai nairai díga fúiritíai. Daje izóí daa zie jíai díga jóbairítíai. <sup>11</sup>Afe llezica díga ígobíaido énie iere riire docáirite. Daje izóí aillo nairai júbietítíai, íemo jíai aillo comini dáagoberiedo dúcotítíai. Aféruído monamo aillo cai jacínaitaite raa cíocáite, naa énie fuille joréñuairi.

<sup>12</sup>Mei íadi nana bífuíai jino déiacana uícodo, fiene finóllena ómoína lláitítíai. Daje izóí ómoína rácaítíai. Iemo Juzíñamui uai llorácomo ómoína uillano riire jicánodoítíai. Iemo ómoína lláverácomo íbaitíai. Afe llezica cuemo omoi jainaina jira, jamánomoidíllaini naa jabóidíllaini uícodo ómoína úitíai. <sup>13</sup>Daí omoi íaiói uilla llezica cuedo afémacimo ñue úritíai. <sup>14</sup>Abí omoi ríidolle uaimo uícodo omoi comécíllena riire maméíñeno iri; <sup>15</sup>mei aféruído afémaci uallai omoi olle uaina ómoimo llóitícueza. Afe llezica ómoína ráfuena ñue baitátítíai. Afemona omoi éoidino ómoína jaca uáitanidíai.

<sup>16</sup>Mei íadi aféruído omoi onóígamaci Crístomo omoi íñua jira ómoína duere finóllena jíámacimo izájítíai. Daje izóí omoi ámatíai Crístomo omoi íñua jira ómoína fécaítíai, íemo omoi móotíai dáafuedo ómoína fécaítíai, daje izóí jíai omoi nabáíñai dáafuedo ómoína fécaítíai. Omoímona dáarie títaítíai. <sup>17</sup>Aféruído nana nairai cue ícoíadi ómoína éoitíai. <sup>18</sup>Mei íadi omoi ífótíraíaimona, daa táinomo báííñeite. <sup>19</sup>Iemo fáicanocáñeno omoi íñoiadi, zííñona cáallinona máíñoítíai.

<sup>20</sup>Jerusalén jofue fuíríraini nágafene afeno cirínoia, áfena cíoilano, áfedo raire táinocáillena ónoítíai. <sup>21</sup>Afe jira afe llezica Judea éniemo itínuíai caifóneduaimo botáredíai. Daje llezica Jerusalemo itínuíai afénomona oni jica jáiredíai. Iemo jacáfaimo itíno meine abido afe jófueño jáinidíai. <sup>22</sup>Mei afe comini duere finóllíruído ja dúcidez. Aféruíllaido nana jaiái Juzíñamui Cugáuái ícoimo ñue fuitárede. <sup>23</sup>Afe llezica namócíredíngotíaina ¡Ñí dúerena! Daje izóí monoi jírode úruena llíídingotíaina ¡Ñí dúerena! Mei aféruíllaido afénomo aillo izi cácaítíai. Afe énie comini jamánomo duere finóllíai. <sup>24</sup>Afémacimona jíámaci jóbairillanomo tíitíai. Iemo jíámaci nana nairai illánomo íaoina llavétítíai. Juzíñamui mamécaruillai díeze, jicánemaci Jerusalén anáfenuano júdaitíai. Afe mamécaruillai fuille díno afe jófuena fiene fínoítíai.

*Nanoide íima Jitó Cristo billíruí níie izoite*

*(Mt 24.29-35, 42-44; Mr 13.24-37)*

<sup>25</sup>Afe mei jítoímamo, fuímo, naa úcuairi jacírede raa jánanaí cíocáite. Afe llezica náraíai comeci faca mamérilla uallai niné féite. Iemo monáillaji fíciere báguari jacínaitíai. <sup>26</sup>Bníemo comuízade raamo comécíllano iere jacínaitíai. Ie jacínailmona tíidino izóí ífcáítíai. Mei afe llezica nana monamo itínuíai riire mozóide ránaíai nírírícaiteza. <sup>27</sup>Afe mei Nanoide íima Jitó Crístona cíoitíai. Afémie íemo ite ríino

naa dama íemo ite ebíredifuiairi uílliedo ana bite. <sup>28</sup> Bífuiái jino zuílle llezica, ñue omoi maméiriri; íocire omoi érocairi. Mei íanori íllamona omoi jíllotalliomoi, —daide.

<sup>29</sup> Daje izói nane bie aménamo mamécáfue Jesús íaioimo llote:

—Higuera dáina aménamo comeci omoi facari. Daje izói nana jíáie aménamo omoi comécíiri. <sup>30</sup> Íaioi íbiai firuúllana omoi ciónia, “Ja fimona áinozide” daífirediomoi. <sup>31</sup> Afe izói bífuiái zuíllana omoi ciónamona, “Juzíñamui ílláimana billirui ja áinozide,” daífirediomoi.

<sup>32</sup> Uáfueña ómoína dáitícue, bigímaiaí nai tííñeille llezica nana bie raa jino zúite. <sup>33</sup> Mona énie díga fúite, mei íadi cue uailíai jaca fúíñeite. Cue lloga raa nana zúite.

<sup>34</sup> Omoi comeci ríirelleza abí omoi rairuiri. Mei iere aillo güíacanamona come comeci ríire jíate, daje izói jífáíñenamona. Daje izói dani omoi abí ífue níciduamona come comeci ríire jíate. Jira cue billíruimo omoi jácinaiñelleza áfena abí omoi rairuiri. <sup>35</sup> Mei rille jíitafirena raa ónonino jíitaja izói, afe izói aferui nana énie comínina jíitaiteza. <sup>36</sup> Jica ía mai ñue omoi finóbiri. Jaca fáicanocaiñeno Juzíñamuimo omoi úrifíreiri, afe nana bie zúitífuiáimona omoi jíllóillena. Daje izói Nanoide íma Jító uícomo meáiruiñeno omoi náidáillena, jaca Juzíñamuimo úrifíreillano, jíca ía ñue omoi finóbiri, —daide.

<sup>37</sup> Jesús monari Juzíñamuimo gairíracomo llófuefírede. Afe mei naio, Olivos dáina ídumo íniaífírede. <sup>38</sup> Nana comini afémie llófuiana cacáreillena nágarui raire jíitiramo bífrediaioi.

## 22

*Jesús llaitállena maméritiaioi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Fáitañeno pan güífírena rafue ja áinozide. Afe rafue jíáfodo mameina pascua rafue. <sup>2</sup> Iemo lletáriraini íllaini naa ocuica uai llófuetinori Jesús fállena jenódiaioi, mei afe llezica comínina jacáruítaioiza.

<sup>3</sup> Iemo aféruído Taife Judas Iscariótemo jofo jaide. Afe Judas doce dígade Jesús orécamacimona dáamie. <sup>4</sup> Afe bímie lletáriraini ílláinimo naa gairíraco ocuídínomo Jesús íaioimo fecállena llujáide. <sup>5</sup> Afena cacáíllano íobidiaioi. Iemona, “Ucubena o íbaitícaí” daídíaioi. <sup>6</sup> Iemona íe íaioi íbaja úcube llíínote. Iemo Judas aféruimona comini fígo íñena llezica Jesús íaioimo izájíllena jenode.

*Cai Ocuíraima íraicaíño güíllafue*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Ja fáitañega pan güílláruimo dúcide. Afe llezica aféruimo pascua íena ovejaí fáfírega.

<sup>8</sup> Jira Jesús Pedro, Juan íaíllinoína ocuicide; daide:

—Mai pascuamo güífírena izói uícomo ómicoi finori, —daide.

<sup>9</sup> Jira afémieimo jícanotiaíllinoi:

—Afena ¿nínomo fínuaítcoco? ¿Nínomo áfena güíacadio? —daide.

<sup>10</sup> Jesús íaíllinoína daide:

—Batí jófuemo ómicoi jaille llezica, ícírudo jainoi uitímie cíoítiomicoi. Afémiedo jairi. Afe mei afémie jofo jáíllícomo jofo ómicoi jai. <sup>11</sup> Afénomo afe jofo náamana ómicoi daíiri, “Cai Ocuíraima ona daide: Cue güíllíco ¿nínomo ite? Afécomo cue llófuegamaciri páscuamo güífírena izói güítícue.” <sup>12</sup> Afe mei afémie caifóidíbanimo ite áillocona ácatate. Afeco ero ja ñue finóbide, afécomo cai güílle finori, —daide.

<sup>13</sup> Iemona afe íaíllinoi jaíllano, nana Jesús íaíllinoína dáina cíoizaidiaíllinoi. Iemona afénomo pascua rafue ana güífírena izói, güílle finódiaíllinoi.

<sup>14</sup> Ja nauízaidemo güízájílla llezica Jesús naa íe oréllinori dáanomo ráizítiaioi. <sup>15</sup> Afe llezica Jesús íaioína daide:

—Nai cue tííñena llezica bie pascua ana güífírena izói omoi díga íere güíacadio. <sup>16</sup> Mei ómoína dáitícue, bie íe rafue dáanomo meine güíñeítícue. Bie rafue Juzíñamui ílláimana íllíruimo bíñeille díno güíñeítícue, —daide.

<sup>17</sup> Dái daina mei jiróraco llínnota Juzíñamuina “tere figura” daide. Afe mei íaioina daide: —Bie llínnota, conímamo omoi fecari, <sup>18</sup> mei ómoína dáititcúe, Juzíñamui illáimana illirui nai dúciñena dino, nane dáanomo uva fjina jaca jfroñeiticue, —daide.

<sup>19</sup> Afe mei pan llínnota, Juzíñamuina “tere figura” daide. Dái dainano afe pan ditade. Pan díitano afémacido feçade. Afe llezica daide:

—Bie cue abiza. Tíillinomo fecállitcúe omoi ñue íllena. Cuemo omoi uíbicaifireillena bie izói omoi finófireiri.

<sup>20</sup> Daje izói güilla fuilla mei jiróraco llínnota, íaioimo fécajano daide:

—Bie jiróraco eromo ite jji Juzíñamui ómoiena mameca cómue uai ómoína onótaite. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

<sup>21</sup> Mei íadi cue fécaitimie birui benó cue diga güite. <sup>22</sup> Mei jii, Nanoide fima Jitó Crístodícúeza, jaiái uícodo cuemo mameca iodo jáitcúe. Mei íadi cue fécaitimie, jñii dúerena! —daide.

<sup>23</sup> Afe jira conímama daidíaiói:

—¿Cáimona bu mei ie fecalle? —daidíaiói.

*Conímamo jamánomoidimie júfidotiaíoi*

<sup>24</sup> Afe mei dani afémaci cígimona ñímie jamánomoidimiena daina júfidotiaíoi. <sup>25</sup> Mei íadi Jesús íaioina daide:

—Nairai illaini íaíoi anamo itínona riire ocufírediaíoi. Daje izói íaíoi ocuídina, jíaimaci “Omoi ñue finódino” daifírediaíoi. <sup>26</sup> Mei íadi omoi afe izói ineno iri. Mei jíáfodo omoi cígimo ite jamánomoidimie, afémie jíaimaci baimo jamáimiena írede. Daje izói ómoimona ocufíredimie jíáimacina canófredimiena írede. <sup>27</sup> Bífueo omoi coméciiri. Dáamie güirábanimo güíllena ráina llezica, jíaimie güille bai atífírede. Afe íaillinoimona ¿bu mei iere jamánomoina? Mei uáfueza, güirábanimo ráiidimie jamánomoina. Mei íadi cue omoi cígiri ocufírega táijifíredimie izói iticue.

<sup>28</sup> Comini fieni cue facátafirena llezica jaca cue diga ffírediomoi. <sup>29</sup> Ie jira cue Moo illáimana illánona cuemo illa izói, afe izói ómoimo íitcúe. <sup>30</sup> Afena ómoimo íitcúe, cue illáimana illánomo cue diga omoi güíllena. Daje izói afe llezica afénomo illaíma ráiiranomo ómoína ráinaitcúe, doce dígade Israel náiraímo izire omoi jicánollena, —daide.

*Jesús Pedro ie jáanollena uícodo llote  
(Mt 26.31-35; Mr 14.27-31; Jn 13.36-38)*

<sup>31</sup> Ocuíraíma Jesús nane daide:

—Simón cácarei. Taife ona facátaiacade. Comini magari ízilla izói ona ízicade. <sup>32</sup> Mei íadi Juzíñamuimo ja jicádícúe Juzíñamuimo o íñua féitañeillena. Iemo afe facátainamona abído o bille méifodo, o amatíai canori, íaíoi íñogafuena íaíoi fáicanocaiñeillena, —daide.

<sup>33</sup> Iemona Simón Jesuna daide:

—Cue Ocuíraíma, llavéramo o diga cue jáillena ja finóbidícúe. Daje izói afénomo o diga cue tíillena ja mamériticúe, —daide.

<sup>34</sup> Jira Jesús íena daide:

—Pedro, birui ona dáititcúe, átava nai úriñena llezica daacaiñoámami, cuena jáanoitio, —daide.

*Jesús facátalle hora ja áinozide*

<sup>35</sup> Afe mei Jesús ie llófuegamacimo jicánote:

—Nauí ómoína cue óría llezica, ipécona uiñeno, daje izói úcubena uiñeno, íemo jíái eiba icona uiñeno, ía omoi jairi, daidícúe. Aféruimo ¿minica ómoimo nai íñena? —daide.

Jira afémaci daidíaiói:

—Aféruimo ja nana ñue ite, —daidíaiói.

<sup>36</sup> Iemona Jesús íaioina daide:

—Mei birui jiáifodo daidicue. Ipécoredímie mai áfena ui. Daje izói úcuberedímie úcubena ui. Iemo jiái lloéfainidímie íemo ite iniroi fécajano afe íbado lloefai oíri. <sup>37</sup> Mei Juziñamui Cuegáuaimo lloga cuemo ñue ícoimo fuitáredeza. Be ñíuui: “Fiénidímaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

<sup>38</sup> Iemona afémaci daidíaioi:

—Cai Ocuíraima, caimo mena lloefai ite, —daidíaioi.

Afémie uai ote:

—Jadie ja figo baite, —daide.

*Jesús Getsemanímo Juziñamuimo úrite*

(Mt 26.36-46; Mr 14.32-42)

<sup>39</sup> Afe mei Jesús oni jaide. Ie jiáifirena izói Olivos ídumo jaide. Afe llezica ie llófuegamaci afémie diga jáidiaioi. <sup>40</sup> Ie jáillanomo dúciillano daide:

—Fiénidífueмо omoi báiiñelleza Juziñamuimo úrifireiri, —daide.

<sup>41</sup> Afe mei Jesús comíni nofici bai nitáfirena dño afémacimona oni jaide. Afénomo Juziñamuimo jicállena ana dújude. <sup>42</sup> Daide:

—Moo, o comeci jitáidi, bie duere cue zefuflifuemona cue jíllotari. Mei íadi cue comeci jítaina izói finóñeno iri, mei jiáifodo o comeci daína izói finori, —daide.

<sup>43</sup> Afe llezica Juziñamui abí ímie monámona Jesumo cíocaide; afémie Jesuna maírítaibite. <sup>44</sup> Iemo Jesús ie comeci jamánomo zúurena llezica, afémie Juziñamuimo iere riire jicade. Afemona iere uzínaila izói ie abí úllie iere jino bite. Afe jino bite úllie ie die izoide. Afeji ana éniemo llocode.

<sup>45</sup> Juziñamuimo ie jícaja fuilla mei, afémie ie llófuegamaci diné jaide. Inídiaioina cíoizaibite, mei zuufue inítagaiaioi. <sup>46</sup> Jira íaioina daide:

—¿Nibái mei inídiomoi? Fiénidífueмо omoi báiiñelleza cazíllano Juziñamuimo úrifireiri, —daide.

*Jesús llaitada uitíaioi*

(Mt 26.47-56; Mr 14.43-50; Jn 18.2-11)

<sup>47</sup> Jesús nai úroidemo aillo comíni dúcidiaioi. Afe doce dígadimonona Júdasna mámeccredímie bitino ífode. Ainozillano afémie Jesús ñítade. <sup>48</sup> Jira Jesús afémiena daide:

—Judas, ¿Nanoide tima Jitó o ñítafuedo fécaibitio? —daide.

<sup>49</sup> Jesús abímo itino áfena cíóillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

<sup>50</sup> Afe llezica afémacimona dáamie lletáriraini caifóidillaíma ocufiregamie bofede. Ie jefo nabefo ñetade. <sup>51</sup> Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate. <sup>52</sup> Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírifredímiedicue izói lloéfaillairi, naa bigíniairi cuena lláitaibitioimoi?

<sup>53</sup> Naui nágaruillaído Juziñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comíni íbailla izói, ja birui Taife bínie náamatade, —daide.

*Pedro Jesuna jáanote*

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup> Iemona Jesús llaitada, lletáriraini caifóidillaíma jofomo uitíaioi. Afe llezica Pedro bai jicado jaide. <sup>55</sup> Afénomo afeco cigi íbírímo irai bonódiaioi. Aféramo agáidiaioi. Iemo Pedro afémaci cígimo agáizaide. <sup>56</sup> Iemo afénomo ite ocuifiregango irai fueмо Pedro ráinana ciode. Afe mei afengo daide:

—Bímie jaca Jesús diga ífirede, —daide.

<sup>57</sup> Mei íadi Pedro jáanuano daide:

—Afémiena onóñedicue, —daide.

<sup>58</sup> Afe mei íanori íllamona jíáimie íena cíóillano daide:

—O bie afémaci iédio, —daide.

Mei íadi Pedro daide:

—Ieñede; cue bie afémaci ímieñedicue, —daide.

<sup>59</sup> Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

<sup>60</sup> Jira Pedro daide:

—O úrillana onóñedicue. ¿Mínica llotio? —daide.

Ja Pedro úrioidemo átava úrite. <sup>61</sup> Iemona Jesús Pédro mo érocaide. Afe llezica Pedro afémiena daínáfue mo uíbicaide. Be níuui: “Atava nai úriñena llezica dacaiñoámani cuena jáanoitio.” <sup>62</sup> Afemona Pedro jino jaillano zuure eede.

*Jesús jífánodoídiaoi*

(Mt 26.67-68; Mr 14.65)

<sup>63</sup> Jesús llaítada úínotino afémiena jífánodoíano razido íena fatíai. <sup>64</sup> Daje llezica ie ui íbaíllano, ie uíeco fátano daidíai:

—¿Bu o faaja? ¡Onóillano jino llone! —daidíai.

<sup>65</sup> Afe llezica diga jíáífuaíado íena báínotiaoi.

*Dáonomo gairide illáicomini uícomo Jesús uitíai*

(Mt 26.59-66; Mr 14.55-64; Jn 18.19-24)

<sup>66</sup> Ja mona monáidemo judíuai éicomini, naa lletáriraini illáini, naa ocuica uai lló-fuetinori dáonomo gairidiaoi. Afe gairítaga illáicomini “Junta Suprema” daínámaci. Afénomo Jesús uillano, jícánotiaoi:

<sup>67</sup> —Caimo llone, ¿o meita Crístodio? —daidíai.

Jira afémie uai ote:

—Afená jíi daidícuena, cuemo íñoñeitiomoi. <sup>68</sup> Daje izói jíáífue ómoimo cue jícánoia, íbana uai óñeitiomoi. Afe izói cuena zúitañeitiomoi. <sup>69</sup> Mei íadi benómona Nanoide hima Jitó Cristo jamánomo riinorede Juzíñamui nabézimo ráinaite, —daide.

<sup>70</sup> Afe mei nane afémiemo jícánotiaoi:

—¿Meita o Juzíñamui Jitódio? —daidíai.

Jira Jesús íai. uai ote:

—Jíi, dani omoi daína izói níimiedicue, —daide.

<sup>71</sup> Iemona afémaci daidíai:

—Ja jíáie uai nábatinona jítaíñedicai. Cai bie dama ie fuémoma ie fieni úrillana cacádicai, —daidíai.

## 23

*Pilato uícomo Jesús uitíai*

(Mt 27.1-2, 11-14; Mr 15.1-5; Jn 18.28-38)

<sup>1</sup> Iemona nana náidacaillano Jesús Pilátomo uitíai. <sup>2</sup> Afénomo diga fiénidífuiai fémo jóonetiaoi. Daidíai:

—Bímie cai comínimo ícrafue comútajana cíódicai. Iemona comini áferi faíllíñaicaidíai. Afémie “Romano jamánomoidillaíma íbátaga úcube íbanidicai,” daide. Afe llezica afémie “Íllaíma Crístodicue” daíífireda, —daidíai.

<sup>3</sup> Jira Pilato afémiemo jícánote:

—¿Meita o judíuai ílláimana? —daide.

Jira Jesús uai ote:

—O daína izói, jíi níimiedicue, —daide.

<sup>4</sup> Iemona Pilato lletáriraini illáinina, naa comíniri daide:

—Bie cómemo fiénidífuena baíñedicue, —daide.

<sup>5</sup> Mei íadi dáonomo riire daidíai:

—Nana Judea comínimo ie llófueinafuiaido icírafue íaioimo comúitate. Fueñe Galilea éniemo daíí finode, íemo birui cai éniemo náagobiaido daje izóí finode, —daidíaiói.

*Herodes uícomo Jesús uitíaiói*

<sup>6</sup>Jesús nauí Galiléamo llófueoinafuena Pilato cacáillano, jicánote:

—¿Bie iima Galilea ímie? —daide.

<sup>7</sup>Comini daíí daidíaióimo, Heródesmo íena orede, mei afémie Galilea illáimana. Aféruillaído Herodes Jerusalemo ite. <sup>8</sup>Herodes Jesuna cióillano iere ióbicaide. Jaiái ninomo íena cióiacade. Comini Jesudo dáinana Herodes cacáfírede. Iemona Jesús daa ciórainina raa fínuana Herodes cióacade. <sup>9</sup>Iemo Herodes diga icaíño diga ráfuiái íemo jicájicanode. Mei íadi Jesús jaca uaina oñede. <sup>10</sup>Dáanomo lletáríraini illaini ocúicafue llófúrainiri itíaiói. Bimací Jesumo fiénidífuíai riire jóonetiaíói. <sup>11</sup>Iemona Herodes ie fuíríraini diga Jesuna ja jámairuitiaíói; iere íena áifedotiaíói. Afe mei ebírede illaima iníroina íemo jítádiaíói; jítamona daíí afémie jifánodoiaíói. Afe mei meífomo Herodes dáanomo Jesuna Pilátomo orede. <sup>12</sup>Aféruído Pilato Herodes diga daje nabaina mameide. Jaiái uícomo are conímana éoidiaillinoi.

*Jesús titállena mamédiaíói*

(Mt 27.15-26; Mr 15.6-15; Jn 18.39-19.16)

<sup>13</sup>Afe jira Pilato lletáríraini illaini, íemo ríimací naa comini dáanomo gairítano daide:

<sup>14</sup>—Bie omoi lloga comínimo icírafue comúitatimie. Mei íadi omoi cacáicana izire íena jicánoticue. Jicánuamona ie fieni finócafueña baiñédicue. Afena cacádiomoi. Daje izóí afémiemo omoi nitaca fiénidífuíai cióñedicue. <sup>15</sup>Daje izóí Herodes níífueña cióñenano afémie abido cuemo orede. Ja ciódiomoiza, bímie titállena íñede. <sup>16</sup>Afémiena zechétaiticue. Afe mei afémiena zuitada jino óreiticue, —daide.

<sup>17</sup>Afe rafue ana comini cáimacaitallena, Pilato daa llavécamierna zuitáfírede. <sup>18</sup>Mei íadi nana comini dájena riire daidíaiói:

—Bie Cristo oni jica titálleza. Barrabás caimo zuitari, —daidíaiói.

<sup>19</sup>Nauí afe Barrabás llavéracomo llavédiaíói, mei afémie jofue comini uáitajano jíaie illaima jóonecade. Afe llezica afémie jíáimana ie tita ícoinia llavédiaíói. <sup>20</sup>Pilato Jesuna zuitáacade. Iemona dane dáanomo íaioimo úrite. <sup>21</sup>Mei íadi afémací riire daidíaiói:

—¡Cruzmo ie corai! ¡Cruzmo ie corai! —daidíaiói.

<sup>22</sup>Ja dacaiñoámani Pilato íaioina daide:

—¿Nibái mei ie titáitice? ¿Afémie níé fiénidífué finode? Ie cue titalle fiénidífuena íemo baiñédicue. Afémiena zechétaiticue. Afe mei afémiena zuitada jino óreiticue, —daide.

<sup>23</sup>Mei íadi afémací Jesús coráillena ríirerie jicádiaíói. Jamánomo ríirerie íaíói jícajama, íaíói jitaica otíaíói. <sup>24</sup>Iaíói jícajana are illa ícoinia Pilato fairíote. <sup>25</sup>Afe jira nana llavécanuiaímoña afe nizeca Barrabás Pilato zuitade. Afe Barrabás illaima uáitano jíáillaima jóoneacana ícoinia íena llavédiaíói. Afe izóí jíáima ie tita ícoinia, llavédiaíói. Mei íadi Pilato afe comini jitailla izóí Jesuna fecade.

*Jesús cruzmo coráidiaíói*

(Mt 27.32-44; Mr 15.21-32; Jn 19.17-27)

<sup>26</sup>Jesús íaíói coráiailla llezica Cirene énie ímie Simona llaitádiaíói; Jesús uiga cruz íena uitátatiaíói. Afémie jino jacáfaimona jófuemo bite. Jira Jesús rocaca cruz Jesús óodana uitátatiaíói.

<sup>27</sup>Afe llezica diga comini afémie óodana jáidiaíói. Daje izóí diga ringóniai afémieri zúucaillano éecana jáidiaíói. <sup>28</sup>Mei íadi Jesús aféngotiaímo érocaillano daide:

—Jerusalén ringóniai, mai cueri éeñeno iri. Mei jíáífodo dani omoi abiri eeri. Daje izóí dani omoi úruiaímo eeri. <sup>29</sup>Mei jamánomo zúuredíruillaímo dúciitiaímoiza. Aféruimo bie izóí dáititiaíói: “Uruena comúitañedingotiai, ¡nii caimare illa! Daje izóí úruenidingotiai, ¡nii caimare illa! Afe izóí úrué mónoina jirótañedingotiai, nii caimare itíaiói.” <sup>30</sup>Aféruimo comini caifóneduaina dáititiaíói: “Cai emódomo jaiíri,” dáititiaíói. Afe izóí duera íduaina

dáitiao: “Cai retáidori” dáitiao. <sup>31</sup> Mei birui nífuenidimieducue ia bie izói duere cuena finódiao. Iemona jáíruido fiénidino cue duere zefuilla baimo duere finólliao, —daide.

<sup>32</sup> Afe llezica mena come, comini fáfiredino Jesús diga daane coráillena uitiao. <sup>33</sup> Calavera maméidinomo dúciillano Jesús coráidiao. Daje llezica afe mena fiénidimie faillinoi, dáamie Jesús nabézimo, jáámie ie jarífizemo coráidiao. <sup>34</sup> Ie íaioi coraina llezica Jesús daide:

—Moo, íaioi fienu finócafue iba oñeno iri; abina onóñediaioi daí níaza, —daide.

Afe mei fuiriraini onótaraji dotádiaioi Jesús iniroi áfedo dani íaioi maiñóllena.

<sup>35</sup> Afénomo ite comini acáritiao. Afémaci naa nairai imaci illáicomini afémie áfeduano daidiao:

—Jiáimana jíllotafiredioza, ua o Cristo o íadi, daje izói Juzíñamui nizécamienu o íadi, daje izói Juzíñamui mai o abi jíllota, —daidiao.

<sup>36</sup> Daje izói fuiriraini íena áfedodiaioi. Ainozillano rochíredijina, figóñede vino íena jirótatiao. <sup>37</sup> Jirótano daidiao:

—Judíuai Illaíma o íadi o abi jíllota, —daidiao.

<sup>38</sup> Ie ifo acónimo cuezábici jae jónega. Afébici dazieámani uai cúeina: griego, íemo latín, íemo hebreo diga. Afébicimo daide:

“Bímie Judíuai Illaíma.”

<sup>39</sup> Coraica fiénide faillinoimona dáamie Jesús uáitano daide:

—Crístona o íadi, mai o abi jíllota coco diga, —daide.

<sup>40</sup> Mei íadi jáámie ie nabámie llétajano daide:

—¿Níbái mei Juzíñamuina o jacíruiñedio? Daje duere finóinafue anamo itíoza. <sup>41</sup> Coco aillo finócafue ite. Jira dúere finóbicococo. Coco finoca fiénidifue iba ua otíaoi. Mei íadi bie íima fiénidifueña finóñede. <sup>42</sup> Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

<sup>43</sup> Jira Jesús uai ote:

—Uáfueña ona dáitucue, ja birui cue diga ñue ebíredinomo íitio, —daide.

*Jesús tíilla*

(Mt 27.45-56; Mr 15.33-41; Jn 19.28-30)

<sup>44</sup> Ja jitoma jaíciri illa llezica nánienu nauíbicaide. Afe nauilla are ite. Ua jitoma arífemona ana ítemo llícaide. <sup>45</sup> Afe llezica jitoma ui duide. Jítreficaide. Daje llezica gairíracomo fetácaroi caifona ana erócana dáafenedo daingo cúajicaide. <sup>46</sup> Afe mei Jesús fíciere caillide:

—Moo, cue joreño omo cue ígaza, —daide.

Daí dainano tíide.

<sup>47</sup> Romano illaíma afe íficaidifue cióillanona Juzíñamuimo caimátaide. Daide:

—Uáfueza. Bímie jaca nífuenidimie, —daide.

<sup>48</sup> Daje izói nana afénomo ite comini bie íficaidifueña cióillano afénomona íaioi jófuemo jamánomo zuere jáidiaioi. <sup>49</sup> Mei íadi nana Jesús onóigamací aféfuiaimo jicana acáritiao. Daje izói Galiléamona Jesudo jaide ringóniai jicana acáritiao.

*Jesús raítiao*

(Mt 27.57-61; Mr 15.42-47; Jn 19.38-42)

<sup>50</sup> Judea éniemo ite Arimatea jofue ímie José afénomo ite. Afémie ñue comeci jaícina jóidimie. Afe José judíuai ocuide illáicomínimo jainaide. <sup>51</sup> Afe bie José Juzíñamui illáimana illíruimo ocurífirede. Afe jira afémie jíaie judíuai ocuide illáicomini finócana jíruíñede.

<sup>52</sup> Ie jira afémie Jesús abi Pilátomo jícajide. <sup>53</sup> Afémie Jesús abi crúzmona ana uano áillue iníroina junide. Junilla mei, idu anamo nofícimo finócajimo afémie Jesús raíte. Aféfomo naí buna ráíñena. <sup>54</sup> Nana bifúiai viernes nauife dibéñedo zuide. Jaca uícodo víernemo ocóznallarumo jitaica raana fínofrediao.



<sup>55</sup> Afe Galiléamona Jesudo bite ringóniai Jesús ráiinano érozaidiaioi. Afe llezica ie abi tíide bíinana ciódiaioi. <sup>56</sup> Aféngotiai meine jofomo jaillano, ziórediji, naa abi bíraniairi finódiaioi. Afe mei ocózinaillaruimo ocuica uai daina izói ocózinaidiaoioi.

## 24

*Jesús tíillanomona meine cáadimiēna jaide*

*(Mt 28.1-10; Mr 16.1-8; Jn 20.1-10)*

<sup>1</sup> Semana nanóidiruido afe ringóniai raire jítiramo Jesús raiafo érozaidiaioi. Iaioi finoca zióredijillai uitíaiioi. Iemo jíaiē ringóniai íaioina nabáidiaioi. <sup>2</sup> Afe ringóniai afénomo dúcídiaoioimo, raiafo íbaila nofíci nano illa izói íñede. Oni eneno jóonega. <sup>3</sup> Aféfomo jofó jáidiaioi, mei íadi jofó jáidiaioimo cai Ocuiraíma Jesús abi cióñediaioi. <sup>4</sup> Afemona iere jacínaitiaioi. “¿Níie izói ííticai?” daidíaiioi. Daií íaioi daina llezica mena íima aféngotiai áinori naidáinana ciódiaioi. Afe íaillinoi quenírede iniroi jítádiaillinoi. <sup>5</sup> Afe íaillinoina cíoilano, iere jacínaitiaioi. Jacínaillamona ana éniēmo bíjicaidiaioi. Iaioi bíjicailla llezica afe íaillinoi aféngotiaina daide:

—¿Níbái mei cáadimie tíidino cígido jenódiomoi? <sup>6</sup> Afémie ja benó íñede. Ja meine cáadimiēna jáideza. Naui Galiléamo ie illa llezica, ómoína ie daina uaimo ufbaicari. <sup>7</sup> Afénomo afémie bie izói ómoína daide: “Nanoide íima Jitó Cristo fiénide comínimo fecalle. Afémiena cruzmo córaítiaioi. Iemo daruíamani íllemona meine abido cáadimiēna jáite,” —daidíaillinoi.

<sup>8</sup> Afemona aféngotiai Jesús íaioina daiífírena uaimo ufbaicadiaioi. <sup>9</sup> Afe mei raiafomona meine bitíaiioi. Billano nana bífuiai once dígade llófuegamacimo llotíaiioi. Daje izói jíaiēmacimo llotíaiioi. <sup>10</sup> Bífuiai llocana uitíngotiai mámeciai be níie: Magdalena énie ingo María, íemo Juana, íemo Santiago ei María, naa jíaiē ringóniairi. <sup>11</sup> Mei íadi aféngotiai íaioina dánana uáiritaidino úrilla izói cacaide. Jira aféngotiai llógana íñoñediaioi.

<sup>12</sup> Iemo Pedro íñoñede íadi, Jesús raiafomo aizícana jaide. Jofó eromo érocaidemo dama ie juníllaroi dinomo jóidena cíozaide. Afe mei Pedro afénomo íficaidemo fáigacaillano meine jofomo jaide.

*Emaús jofue iomo Jesús cíocaide*

*(Mr 16.12-13)*

<sup>13</sup> Aféruído afémacimona ménamie Emaús jofue iodo jaide. Afe jofue Jerusalémona once kilómetros dinó jino ite. <sup>14</sup> Afeodo jailla llezica, nana aféruillaído itífuiai júfidocana jáidiaillinoi. <sup>15</sup> Iaillinoi úrilla llezica Jesús íaillinoimo ánozide. Dúciillano afe íaillinoi díga jaide. <sup>16</sup> Afémiena ciódiaillinoi mei íadi afémiena onóñediaillinoi. <sup>17</sup> Jira Jesús afe íaillinoimo jícanote:

—Íodo ómicoi jailla llezica, ¿nífue júfidotiomoicoi? ¿Níbái mei iere zuure itíomicoi? —daide.

<sup>18</sup> Afe íaillinoimona, Cleofas mámeciredimie uai ote:

—Nana comini biruíllaido Jerusalem finócafuiaína fidídiaioi.

Afeno ímiedío íadi ¿meita aféfuiaína jaca nai fidíñedio? —daide.

<sup>19</sup> Iemona afémie íaillinoina daide:

—¿Nííue finódiaioi?

Jira íena daidíaillinoi:

—Nazaret ímie, Jesús níue riire uai llóraíma aillo ebírede raana uaido finode. Afena Juzínamui erócana finode, daje izói nana comini ui cíocana finode. <sup>20</sup> Mei íadi lletáriraini illaini naa cai ocuídillaini díga afémiena coráiano titállena fecádiaioi. <sup>21</sup> Afe llezica íemo ocuírídicaí, ua Israel Nairai anáfenodinomona cai jíllotallena. Ja afefue záillamona ja daruíamani íteza. <sup>22</sup> Ie emódomo cáimona ringóniai ja caina jacínaitade. Aféngotiai raiafomo nai jítiredemo jaillano íaioi cíonana meine caimo llúaíbitiaioi. <sup>23</sup> Ie abina cióñediaioi. Mei íadi Juzínamui abi imaci ángeles dainámacina jae ciódiaioi, daidíaiioi. Afe

ángeles ringónaiina daide: “Jesús caade.” <sup>24</sup> Iemona cáimona raiáfomo jáidiaioi. Dinomo ringónaii llua izói baitíaiioi. Mei íadi Jesuna ciónediaioi.

<sup>25</sup> Jira Jesús daide:

—¡Here fétafirediomoi! Nana uai llóraini daináuaina iere rairuíocana ínotiomoi.

<sup>26</sup> ¿Uáfueñede Cristo ie ebíredinomo nai jáiñena llezica, afémie mo bie duere finóbillafue jitáirede?

<sup>27</sup> Ie mei nana Cuegáuaimo afémiedo dainana ñue jino llote. Moisés cuegáncuaimo ite afémiedo úrilla uai ñue jino llote. Daje izói nana jáie uai jino llóraini llogánicomo itino jino ñue llote.

<sup>28</sup> Jófuemo dúcidiaioimo, Jesús iodo nai jáiacadena éroide. <sup>29</sup> Mei íadi afémiena jeruídiaillinoi. Daídaiillinoi:

—Jae nauízaideza, mai benó coco diga fiebi, mei ua jítireoicaideza, —daide.

Jira Jesús jofo jaide íaillinoi diga íllena. <sup>30</sup> Jae íaioiri jofo güirábanimo ráiillano pan llínote. Líinuano Juzíñamuina:

—tere figora, —daide.

Daíí dainano dítajano íaillinoimo ite. <sup>31</sup> Afe llezica íaillinoi ui tújicaillamona íena onódiaillinoi. Afe mei afémie cióbicaíñena. <sup>32</sup> Conímana daídaiillinoi:

—¿Uáfueñede iodo cai úricana jaiilla llezica, afémie caimo Cuegáuai jino llua llezica coco comeci náicaitade? ¡Afe uáfueza!

<sup>33</sup> Iemo afénomo are íñeno meine Jerusalemo abido jáizaidiaillinoi. Dinomo once orécamací naa íaioi nabáíñiairi dánomo gairide baizájidiaillinoi. <sup>34</sup> Afénomo itino íaillinoina daide:

—Uáfueza cai Ocuíraima ja meine abido caade, Simón Pedro ja íena ciode. <sup>35</sup> Iemo afe íaillinoi afémacimo nana iomo íaioi úrillafluena llotíiaillinoi. Afemona Jesús pan dítda íllamona afémiena íaillinoi onónana gairídinomo llotíiaillinoi.

*Jesús ie llófuegamacimo cíozite*

*(Mt 28.16-20; Mr 16.14-18; Jn 20.19-23)*

<sup>36</sup> Afe íaillinoi dainamo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiñeno, uái omoi iri, —daide.

<sup>37</sup> Afémiena cíoillano, “¡Come joreño caimo billa!” dainano iere jacínaitiaioi; cuidíridiaioi. <sup>38</sup> Mei íadi Jesús íaioina daide:

—¿Nibái mei jacínaitiomoi? ¿Nibái jízireoicana cue ínotiomoi? <sup>39</sup> Bené cue ónoimo érocaí. Daje izói cue ídaimo eroi. Níimiedicue. Cue abi jeta. Cómedicueza ónoi. Ja cue abina ciódiomoiza. ¡Minica joreño ícurunideza; íeizínide! —daide.

<sup>40</sup> Daíí daina llezica ie onoi ie idai diga afémacimo ácatate. <sup>41</sup> Mei íadi afémaci íóbidiaioi ia, iere uainificaidiaioi. Ie jira afémie uáfueña íllana nai figo íñoñediaioi. Jira Jesús íaioina daide:

—¿Benó ómoimo due güíllena ite? —daide.

<sup>42</sup> Ie jira ruica chamu íemo itíaiioi, naa due cíifo iji diga. <sup>43</sup> Afe llínota íaioi eróicana güite.

<sup>44</sup> Afe mei íaioina daide:

—Nana nauí cuemo íficaidífuai, nauí omoi cígimo cue illa llezica, ómoina cue daina be ñie. Nana cue dibénedo uícodo cuegáuai daina ñue ícoimo fuitárede: Moisés cuegáncuimo cue dibénedo úrite; daje izói jaiai uai jino llóraini cue dibénedo úrite; íemo jíái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

<sup>45</sup> Iemona Juzíñamui Cuegáuaimo dainana Jesús afémacina ñue onótate. <sup>46</sup> Íaioina daide:

—Cuegáuaimo daina izói Cristo jaca tíirede. Daje izói daruíamani íllamona afémie tííllanomona meine cáadimiena jáirede. <sup>47</sup> Daje izói Jerusalemona oni nana jíaié náraiaimo comini comeci ífuai íaioi méidollena cue mámedido llórede. Daje izói comeci íaioi

méidua mona íaioimo ite fiénidífue múiñua cue mámeçido llórede. <sup>48</sup> Nana bie cuemo comuídifuíai uai nabáirainidiomoi. <sup>49</sup> Ie jira cácarei, cue Moo uícodo lloga fecáacaga Ñuera Joreño ómoimo óreiticue. Afe caifona bille ríino omoi nai líinoñeille ðino, benó Jerusalén jófuemo omoi iri, —daide.

*Jesús ja caifo monamo jaide*

*(Mr 16.19-20)*

<sup>50</sup> Afe mei Jesús afémacina jofue jinomo uite. Betania áinomo jáidiaioi. Afénomo Jesús onoi caifo ñúitajano íaioi ñue íllena llote. <sup>51</sup> Daí ie ðaina llezica afémacimona oni jírecaillano afémie ja caifo monamo uiga. <sup>52</sup> Afémiemo íaioi caimátailla mei, abido Jerusalemo iere ióbicana jáidiaioi. <sup>53</sup> Afemona afémaci Juzíñamuimo gairíracomo ífirediaioi. Afe llezica aillo ñúefuíai Juzíñamuimo nitáfirediaioi. Daíítadeza. Jae ñie.

## JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

*Juzíñamui Uaina maméidimie íimana íficaide*

<sup>1</sup> Naga raa táinia ucomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. <sup>2</sup> Ua nanódiruimo afémie Juzíñamuimo ite. <sup>3</sup> Afémiedo Juzíñamui bínie naa ráaniairi finode. Minícana ñede afémie finóñegana. <sup>4</sup> Afémiemo cáallino ite. Afe cáallino nana comini egáñote. <sup>5</sup> Afe egáñotino jaca jítiredinomo egáñote; íadi afe jítiredino afe egáñotinona jaca dúitanide.

<sup>6</sup> Daa Juzíñamui orécámie biniemo bite. Afémie mámecei Juan. <sup>7</sup> Afémie uai nabáiraimana bite egáñotinodo ñue úrillena. Daií úrizaibite, afémie daináfuedo nana comini íinollena. <sup>8</sup> Juan dama egáñotimieñede. Fia afémie orécámie egáñotimie uai nabáiraimana úrizaibite. <sup>9</sup> Afe egáñotimie uáfueña ñue egáñotimie. Bie egáñotimie nana caimo egáñote. Afe egáñotimie biniemo dúcizaibite.

<sup>10</sup> Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaoi. <sup>11</sup> Afémie ie éniemo bite, íadi ie comini afémiena llínoñediaoi. <sup>12</sup> Mei íadi dáarie mei afémiena llínotiaioi; afémiena ínotiaioi. Afe ínotino ríinoreduaina igáiaioi, Juzíñamui úruiaina íaioi jáillena. <sup>13</sup> Afe úruiaí come móotiaí úruiaí izói cómutañega. Come móotiaí bie énie comuilla izói, comúfatiaioi. Afémaci íaioi comeci jítaináfuedo comúfatiaioi, íadi Juzíñamui úruiaí dama Juzíñamuimona comuide.

<sup>14</sup> Afe Uaina maméidimie cai come abi izói dama íficaide. Ie mei cai cígiri nano nie dino ite. Afémie comécimo ñuefuiaí illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. <sup>15</sup> Juan afémieri jéerie ñuefuedo úrite. Daide:

—Baie cue úrillamie, ómoimo cue llogámie, cue ódana bitímie. Afémie jae cue uieco dibéneño jaide, cue íñeniadi íteza, —daide Juan.

<sup>16</sup> Afémie aillo ñuera ráfuiaimona caimo ñue ézicigafuiaina llínoticaí. Ua nana fáicanocaiñeno llínoticaí. <sup>17</sup> Juzíñamui caimo ocucafue Moisedo orea, íadi izíruinafue uáfuaí diga Jesucristodo bite. <sup>18</sup> Buna jaca Juzíñamuina cíónena; mei íadi dama daade ie Jitó, ua Moo comeci áinomo ítímie, baie Juzíñamui ífuena cai onótatimie.

*Báutizaraima Juan Jesucristodo ñue úrite  
(Mt 3.11-12; Mr 1.7-8; Lc 3.15-17)*

<sup>19</sup> Jerusalemo ite judíuai, dárie lletáraini Levítaniai diga Juaamo orédiaioi. Daií íaioina orde báimiemo jicánollena, “Búdio” daiíllena. <sup>20</sup> Afémie jáanoñeno llote. Daide:

—Cue Cristoñedicue, —daide.

<sup>21</sup> Nane dáanomo lemo jicánotiaioi:

—¿Búdio mei? ¿O Juzíñamui uai llóraima, Elíadio? —daiífaioi.

Juan: —Íéñedicue, —daide.

Iemo nane jicánotiaioi:

—¿Níi Juzíñamui uai llóraima bille dainámiedo? —daiífaioi.

Jira uai ote: —Íéñedicue, —daide.

<sup>22</sup> Ie jira íena daiífaioi:

—¿Mei búdio? cai orédinomo fairíogafuena cai uíllena. ¿Mei nie izói caina o abi ífuena daíitio? —daiífaioi.

<sup>23</sup> Juan íaioi uai ote:

—Cue dama jofue íñénanomo caillide uáidimiedicue. Bai Juzíñamui io jáicína zitari, jaiaí Juzíñamui uai llóraima Isafas daina izói, —daide. <sup>24</sup> Juan diga úrizaibitino jae Fariséuaimona orécaiaioi.

<sup>25</sup> Ie mei Juaamo jicánote:

—Mei Crístoñedio, Elíañedio, Juzíñamui uai jino llóraimañedio, ¿nibái mei báutizaibifiredio? —daífaioi.

<sup>26</sup>Juan íaioina daide:

—Fia jáinoido báutizadicue. Mei íadi omoi cígimo daa omoi onóñegamie ite. <sup>27</sup>Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

<sup>28</sup>Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dinomo nauí Juan comini báutizafirede.

*Jesús, Juzíñamui Cordero*

<sup>29</sup>Afe meífo iruido Juan ja Jesúna ciode. Jesús Juaamo ánozide. Ainozidemo Juan daide:

—¿Eroi! Juzíñamui Cordero daina ie Ovéjana mamécámie. Ua, afémie nana comini fiénidífue oni dóraíma. <sup>30</sup>Nauí afémie cue llogámie “Cue óodana daa íima bite. Ua óodana bitímie cue baímo baitade, mei afémie cue jinófenemo íteza; daje izói cue íñenia afémie jae nano itímieza.” Daí nauí afémiedo úriticue. <sup>31</sup>Dama afémiena onóñedicueza, búdimieza. Iadi jáinoido comini báutizaibiticue, Israel nairái afémiena ñue onóíllena, —daide.

<sup>32</sup>Ie emódomo daide Juan:

—Ja Juzíñamui Nuera Joreño, Espíritu Santo, bímiemo monámona ana bíllana ciódicue. Fíçirina eroide. Iemo afémiemo fiébidie. <sup>33</sup>Jaca nanómona onóñedicue nibai bu. Mei íadi jáinoido comini báutizallena daí cuena ocuídímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoítio. Afémie Nuera Joréñona itátatímie.” Daí cuena daide. <sup>34</sup>Ja íena ciódicue. Ie jira ñue llóraimadicue. Uáfueña lloticue. Afémie Juzíñamui Jitó, —daide Juan.

*Jesús nano fueñe ie llófuegamaci*

<sup>35</sup>Afe meífo iruido Juan mena ie llófuegamie íaillínoí díga, meine batí dáanomo ite.

<sup>36</sup>Jesús mácajana cióíllano, Juan daide:

—Eroi bímie Juzíñamui Cordero daina ie Ovéjana mamécámie, —daide.

<sup>37</sup>Iemo Juan llófuegamie íaillínoí ie daínáfueña cacáíllanona oni Jesumo jáizaidiaillínoí.

<sup>38</sup>Ie mei Jesús jino érocaidemo, afémiemo íaillínoí jáizaillana ciode. Íaillínoína daide:

—¿Bu mei jenódiomicoi? —daide. Afe íaillínoí afémiena daide:

—Llófueraima, ¿ninomo itio? —daide.

<sup>39</sup>Jira Jesús fairíote:

—Eróizaíbi, —daide.

Iemona iedo jáidiaillínoí. Afémie illánona cíozaidiaillínoí. Ie mei, nibai jítoma ana ítemo, afémieoíri iruido fiébidiaillínoí. <sup>40</sup>Daa afe íaillínoímona ua Juan llogáfueña cacádinomona, Jesús diné jáidímie Andrés. <sup>41</sup>Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesíana, Juzíñamui mámecigamiéna jae baiticai. Cristo jíáfodo mamécámie, —daide.

<sup>42</sup>Ie mei Andrés Jesús illánomo Simona uite. Dúcidemo Jesús fena cióíllano daide:

—O Simona, Jonás jítódió. Iadi biruímona Céfana mámeítio. Pedro jíáfodo mameína.

*Jesús Felipe uáidote Natanael díga*

<sup>43</sup>Afe meífo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

<sup>44</sup>Afe Felipe Betsaida jofue ímie. Andrés Pedro díga daano imaci. <sup>45</sup>Ie mei Felipe dímena Natanael baizájide. Baizájillano daide:

—Moisés ocuica uai ciegánicomo llogámie ja ciódicai. Ua Juzíñamui uai jino llóraíni llua izói, afe íaioí llogámiena ciódicai. Afémie Jesús, José jító, Nazaret jofue ímie, —daide Felipe.

<sup>46</sup>Natanael dímena daide:

—¿Níga ñúefue jadí Nazarémona fídítio? —daide.

Felipe uai ote:

—Eróizaibi, —daide.

<sup>47</sup>Jesús Natanael áinozillana cióillano daide:

—Benomo bite nahí israelita ímie; jífuaifue afémiemo íñede, —daide.

<sup>48</sup>Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daif Jesús daide.

<sup>49</sup>Iemo Natanael daide:

—Llófueraíma, O Juzíñamui Jitódio. Israel Ílláimadio, —daide. <sup>50</sup>Jesús ie uai ote:

—¿Dama cue dáinana higuera anamo ona ciódicue iedo daif cuena ínotio? —jicánote Jesús. Afe emódomo Jesús íena daide:

—Bie rafue jinomo jíáie áíllue ráfuenta cíoitio, —daide. <sup>51</sup>Iemo afe emódomo Jesús afémacina daide:

—Uáfuenta ómoímo llóitícue. Mona túíñuana cíoitioímoí. Iemona Juzíñamui abi imaci, ángeles daínamaci, cuemo ana bíitíaoí, caífo cúemona jáitíaoí. Mei Nanoide íima Jitódicueza. Afena cíoitioímoí, —daide.

## 2

*Galilea éniemo Caná jófuemo áirenafue*

<sup>1</sup>Daruíamani íllamona, jadí Caná jófuemo, Galilea éniemo, áirenamona íráizíllafue finódino. Jesús ei afénomo ite. <sup>2</sup>Jesús naa ie llófuegamaciri ja afe áireina ráfuego uáidogamaci. <sup>3</sup>Afe íráizíllafuego jirórai, vinoi fuilla. Ie ei Jesuna daide:

—Ja vino íñede.

<sup>4</sup>Jesús uai ote:

—Ei, ¿nibái cuena daif daidio? Cue jíeruillarumo nai dúciñede, —daide.

<sup>5</sup>Mei íadi afengo afénomo ite jirole atírainina daide:

—Mai, nana afémie daina díga fino, —daide.

<sup>6</sup>Dinomo seis díga ícíruai, nofiruái ráiide. Judíuai afe ícíruai oruítajano jíáimaci ñue oréllena nícidofirediaioí, íaioí abi íénidífue dóllena. Naga ícírumo ochenta o cien litros oruízite. <sup>7</sup>Iemo Jesús atírainina daide:

—Jadí ícíruai jáinoína oruítari, —daide.

Iemona fuemo jibíezidiaioí. <sup>8</sup>Iemo Jesús íaioína daide:

—Due uano rafue náamamo uiri, —daide. Daif finódiaioí.

<sup>9</sup>Iemo afe rafue naama jáinoí facádemo, jáinoíñede. Jae vino. Rafue naama onóñedemo ícíruai jáinoína oruízite. Dani atídino áfena onona. Afe vino nimánuanona, rafue naama ringo óiacadímie uáidote. <sup>10</sup>Iena daide:

—Nágamíai ñújei nano fueñe atífirediaioí. Ie mei nana uáidogamaci aillo jirole mei, jamai vino atífirediaioí. Mei íadi nai biruido ñújei ja o éenoga, —daide.

<sup>11</sup>Afe vino méiduafue ua Jesús nanoide uaido daingo comútaga raa; afefue Galilea éniemo, Caná jófuemo finoca. Bie uaido comútaga raado afémie ie ebírede ríino jino cíotote. Iemona ie llófuegamaci ñue íena ínotiaioí.

<sup>12</sup>Ie meífodo Capernaúmo, Jesús jaide ie ei díga, ie ámatíai díga, ie llófuegamaciri. Dinomo ja bai niga mona itíaoí.

*Jesús Juzíñamui gairíraco ñue duafue*

(Mt 21.12-13; Mr 11.15-18; Lc 19.45-46)

<sup>13</sup>Aferuilláido Judíuai pascua rafue áinozide. Iemona Jesús Jerusalemo jaide. <sup>14</sup>Afe dínomo gairíraco eromo jurárai, ovejai, íemo íicirillai díeze fecáriraimacina Jesús cíode. Dáanomó úcube méidoraini ráiídiaioí. <sup>15</sup>Afena cíoillano Jesús ñécigai móillano jiura finode. Afedo gairíraco erómóna nana fecáriraini íaioí jurárai ovejai díga jino juide. Daje

llezica úcube méidoraini úcubetunillai Jesús ana jutade. Iaiói úcube facádorabani Jesús oni caitade. <sup>16</sup>Fíiciri fecárainina daide:

—Bie raa benómona oni ui. ¡Cue Moo jofo fecáiracona mamériñeno iri! —daide.

<sup>17</sup>Ie mei afémie llófuegamaci jaiái cuegáuai úbicaidiaíoi. Afe uai llote: “O jofo cue ríidumona cue abi íñeite izoide,” daide.

<sup>18</sup>Iemona Judíuái afémiemo jicánote:

—¿Mínicado o ríinona cai ácatatio? ¿Bie raa o fínuana bu o ocuilla? —daiúaíoi.

<sup>19</sup>Jesús íaiói uai ote:

—Cue ríino ómoimo bie izói ácataticue. Bie gairíraco omoi júdai, ie mei daruíamani íllemona meine nane caifo cue rainolle, —daide.

<sup>20</sup>Jae judíuái Jesuna daiúaíoi:

—Cuarenta y seis fimona niga gairíracoca; ¿íeca daruíamani íllamona meine abido caifo o ráiñoiti? —daiúaíoi.

<sup>21</sup>Iadi afémie daina uai gairíraco, dama ie abi llote. <sup>22</sup>Iemona Jesús tíidinomona meine abido cáillano ie llófuegamaci bie daina uaimo uiboidiaíoi. Daje llezica Cuegáuaina íinotiaíoi nana Jesús íaíoina daina uai diga.

*Jesús nana comini comécina onode*

<sup>23</sup>Jesús Jerusalemo illano, pascua rafue llezica, aillo comini afémiena ñue íinotiaíoi. Ua íaiói cíófinina afémie uaido fínuana cíodiaíoi. Afena cíoilano afémiena íinotiaíoi. <sup>24</sup>Mei íadi Jesús afe comínimo ie abina nai rairuide. Mei nana imaci comécina onódeza. <sup>25</sup>Jíái come afémiemo comini ífuena llónide. Dama afémie dinena íaiói comeci ífuena onode.

### 3

*Nicodemo Jesumo úrillafue*

<sup>1</sup>Daa Judíuái illáima mámecei Nicodemo. Afémie fariseo. <sup>2</sup>Afe bie Nicodemo naío Jesumo úrizabite. Jesuna daide:

—Llófueraima, Juzíñamui orécao cai llófuellena onódicai. Juzíñamui cómemo íñeniadi bu bie ríirede cíófinina fínuana ácatanide. Ua o fínua izói buna fínónide, —daide. <sup>3</sup>Ie jira Jesús íena daide:

—Uáfuenta dáititue: meine nane jéicínegamie jaca Juzíñamui illáimana illánona cíõeite, —daide. <sup>4</sup>Jira Nicodemo jicánote:

—¡Jae éicomedicaí! ¿Ñie izói meine jocóllicai? ¿Meine nane ei eromo come jáirede, dáanomo abido jéicillena? —daide. <sup>5</sup>Ie jira Jesús uai ote:

—Uáfuenta dáititue: meine nane jáinoina jéicínegamie, Moo Joréñomona jéicínegamie diga, ua Juzíñamui illáimana illánomo jofo jáinide. <sup>6</sup>Come móomona jéicigamie jaca come. Iadi Juzíñamui Joréñomona jéicigamie jaca joreño. <sup>7</sup>Cue ona daináfueri jacínaiñeno iri. Uáfuenta nágamie comue jéiciafue, ua caifona jéiciafue jaca jitáirede. <sup>8</sup>Jairifo náganomo ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaíoi, —daide.

<sup>9</sup>Jira meine nane Nicodemo jicánote:

—¿Ñie izói bie iite? —daide.

<sup>10</sup>Jesús uai ote:

—¿Níbái mei jicánotio? O iere aillo Israel llófueraimana o íadi ¿bie ráfuena onóñedio?

<sup>11</sup>Uáfuenta dáititue: cai onóigafuedo úriticai. Cai cíonafuena féinino lloticai. Mei íadi cai ómoimo llogáfuenta íinoñediomoi. <sup>12</sup>Bie énie raado ómoimo cue úriadi nai íinoñeniadi, ¿ñie izói cuena ínoitio mona ero ráfuedo cue úriadi? <sup>13</sup>Buna mona eromo jáiñede. Dama monámona ana bitímie, Nanoide fima Jitó, monamo jáirena; mei nauí monamo itímieza. Dáamiedicue. <sup>14</sup>Nauí jaiái Moisés jofue íñénazicimo jaio caifo ráiñua izói ua afe izói caifo ráiñobiciticue. Nanoide fima Jitódicueza. <sup>15</sup>Ua afe cue ráiñua jitáirede nana cuemo íinotino fíenidífueмо báíñeillena. Mei íadi íinotino zíñona ítiaíoi.

*Juzíñamui nana comínina izíruillafue*

<sup>16</sup>Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ínotino jaca nínomo féiraiñeillena; mei jáífodo ñue zíñona íaioi illena. <sup>17</sup>Comini fiénidífue íba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

<sup>18</sup>Juzíñamui Jitomo ñue ínotimie duere finóbíñede. Íñoñedimie jae duere finóbide, Juzíñamui daade Jitomo íñoñena jira. <sup>19</sup>Íñoñedino jae duere finóbidaíaoi. Mei ua ñue egáínotimie ana bie éniemo bítemo, jíñinona jamánomo gáidiaioiza, fiénidífue finóñinona íaioi illa jira. <sup>20</sup>Nana fiénidífue finóraini úzefona éoidiaíaoi. Jaca úzefomo ánoziñede. Ua íemo ánoziñediaíaoi íaioi fiéni finócafueña óñoñellena. <sup>21</sup>Uáfuemo comeci facáñino úzefomo ánoziñediaíaoi. Íaioi finócafue jaca Juzíñamuimo cacáñinona íaioi illa izói finódiaíaoi. Uzefo íaioi finócafue jaca daíí ñue cíotite, —daide Jesús.

*Báutzaraima Juan Jesudo meine úrizaiñbite*

<sup>22</sup>Ie meífomo Jesús Judea éniemo jaide, ie llófuegamaci diga. Dinó diga irui itíaoi. Dinomo comini báutzadiaíaoi. <sup>23</sup>Daje llezica Juan, Enón éniemo báutzade. Enón Salim ánomo ite. Dinomo báutzade, aillo jainoi illa jira. Iemona comini báutzaiñbitiaíaoi. <sup>24</sup>Bifue finódiaíaoi Juan nai llaveracomo úiñenia.

<sup>25</sup>Juan llófuegamacimona dáarie judíuaímo úrizaide. Comini íaífue oni dollínodo úritiaíaoi. <sup>26</sup>Juaana daíízaíbitiaíaoi:

—Llófueraíma, naui o diga itímie, Jordán ruicáfellemo itímie, caimo o llogámie, ja comini báutzade. Nana comini afémie diné jáidiaíaoi, —daííaoi.

<sup>27</sup>Iemo Juan afémacina daide:

—Juzíñamui cómemo ífue fécañenia, bumo ráfuena íñeite. <sup>28</sup>Cue naui uáfuedo dáinafue dani cacáñiomoi. “Cristoñedicue” daídicue. Afémie úfcodo orécamiedicue. <sup>29</sup>Airenafuemo ringo otímie ua ringo óite. Otímie nabai afe dinó itímie ie úrillana cacade. Cacáñillanona ferí iere íóbite. Daje izói biruido cue íóbidicue. <sup>30</sup>Nágarui afémie jamánomo illáimana jáizaide. Ie llezica cue jabómieiticue. Daíí jítaírede, —daide.

*Caifona ana bitímie*

<sup>31</sup>Juan nai úrite; daide:

—Caifona bitímie nana cai jáinainamie. Bie énie ímie ja bíniemo jainaide. Enie ífuena úrite. Mei íadi monámona bitímie nana cai baímo jamánomoidímie. <sup>32</sup>Afémie cacánafuedo úrite ie cíonafue diga. Íadi afémie dáinana buna íñoñena. <sup>33</sup>Da come ie dáinana ínoiadi daíí Juzíñamuimo faíríote. Ua daíí Juzíñamui uáfueña dáinafue uáfuetaita. <sup>34</sup>Juzíñamui orécamié Juzíñamui uáillaído úrite, mei Juzíñamui ie Joreño afe orécamiemo facáñeno nana íteza. <sup>35</sup>Moo ie Jitona izíruite. Naga itínuaína afémiemo fecade. <sup>36</sup>Iemo ie Jitona ínotimiemo fúíñeite íllanona íemo ite. Mei íadi Jitona ínoiacañedimie afe fúíñedinona íñeite. Juzíñamui afémiena iere duere fínoite.

## 4

*Jesús Samaria ingomo úrite*

<sup>1</sup>Fariséuai Jesús Juan baímo aillo comini jáillana fidídiaíaoi. Daje izói Jesús Juan baímo báutzafirenana fidídiaíaoi. <sup>2</sup>Mei íadi Jesús báutzañede; dama ie llófuegamaci báutzaja. <sup>3</sup>Afena Jesús fidíñillanona Judéamona meine abido Galilea éniemo jaide.

<sup>4</sup>Jesús jailla llezica Samaria énie cígído jáirede. <sup>5</sup>Ie mei Samaria jófuemo dúcide. Afe jófue mámecei Sicar. Sicar áinori Jacob feci énie ite. Afe éniema ie jító Josemo maíñótate.

<sup>6</sup>Dáanori Jacob jainoi orano ite. Jesús iodo mácajamona zegónaite. Ie jira jainoi orano abímo ráinade ocózinaillena. Jae jáiciri íacademo. <sup>7-8</sup>Ie llófuegamaci jófuemo güille jae íbajidiaíaoi. Iemo Samaria ringo dúcide. Jainoi uáibite. Iena Jesús daide:



—Jáinoia cue jírota, —daide. <sup>9</sup> Ie jira Samaria ringo Jesuna daide:

—¿Níbái mei jáinoi cuemo jicádio? Odi judfodio. Cue Samaria ingódicue, —daide. (Ua jáiai dinómona judúuai samarítánuaime nabáirirainide.)

<sup>10</sup> Ie jira Jesús uai ote:

—Juzíñamui fia fecallí raa o onóadi, ua áfena raire cuemo jícaítio. Daje izóí omo jáinoi jícadimiena, o onóadi ua raire cuemo jícaítio; íemona ua cáadijina o íitícue, —daide.

<sup>11</sup> Afengo afémiena daide:

—Íima, o jáinoi olle raa íñede. Jáinoi orano afórede. ¿Ninómona cáadijina cue íitio?

<sup>12</sup> Cai jáiáigímie Jacob bie jáinoi orano caimo iga. Benómona afémie jíruaide ie úruiai diga. Ua dájemona afémie tóiníai jíruaide. ¿O íere afémie báimoidio? —daide.

<sup>13</sup> Jesús uai ote:

—Nana bie jáinoimona jiródimaci nane meine abido jiróacaitiaioi. <sup>14</sup> Mei íadi cue jirótagano jaca meine abido jiróacañeítiaioi. Omo cue ille jáinoi ua zíñona íitiji. Nágaruí caimare o itátaitaite. Illánona fúíñeítinona omo íficaitaite, —daide.

<sup>15</sup> Ie mei ringo afémiena daide:

—Íima, jadíe jáinoia cue ine; ja cue jíroacañeilleza, ua nane meine bie jáinoi oránomo cue bíñeilleza, —daide.

<sup>16</sup> Jesús aféngona daide:

—O íni jírizairi ie mei bené bi, —daide.

<sup>17</sup> Ringo uai ote:

—Ínínidicue, —daide.

Ie jira Jesús aféngona daide:

—Uáfena daidíio. Ínínidíio. <sup>18</sup> Jae cinco dígcacíño ínfréidíio; birui o illámie o ínínede, —daide.

<sup>19</sup> Afena cacáillano ringo afémiena daide:

—Íima, Juzíñamui uai llóramiedio ja onódicueza. <sup>20</sup> Cai jáiáimaci Samarítánuai bie ídumo Juzíñamuina íóbitadiaioi; ñúefuedo íemo úrizaíbitiaioi. Mei íadi o íemo naa judúuairi jáíáfodo daidíomoi. Jerusalemo cai gairíllano Juzíñamuina cai íóbitallena daidíomoi, —daí afengo daide.

<sup>21</sup> Jesús uai ote:

—Ringo, cuena íino. Jáíruimo ja dúciizaide. Aféruimo bídumo bíñeno, Juzíñamuina íóbitaitíomoi. Daje izóí Jerusalemo jáíñeno, Juzíñamuina íóbitaitíomoi. <sup>22</sup> Omoi íóbitagamiena onóñediomoi. Íadi cai íóbitagamiena onódicai, níbai jíllonafue judúuaimona bíteza. <sup>23</sup> Jae como cue llogáruimo dúcide. Jae birui aferui. Naga Moo Juzíñamuina uáfena íóbitaacadímie afe o joréñodo uáfena afémiena íóbitaite. Daí Moo Juzíñamui cai íena íóbitallena jítaide; ua nana afémiena íóbitaacadíno daí bíllana Moo jítaide. <sup>24</sup> Juzíñamui ua Joreño. Afémiena íóbitadíno íaioi joréñodo uáfena íóbitaitiaioi, —daide.

<sup>25</sup> Iemona afengo íena daide:

—Cue onódicueza Mesías biite. Afe Mesías daina Cristo. Afémie bia nana ñue rafue caimo jino llóite, —daide.

<sup>26</sup> Jesús daide:

—Níimiedicue, ori úrilla, —daide.

<sup>27</sup> Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jícanoñena áfena. Ua afémíemo afengo jítaíllana jícanoñediaioi; “¿Mínícafuedo úritíomícoi?” íena daíñediaioi.

<sup>28</sup> Ie mei afengo íciru fiénocáillano, jófuemo jaide. Dinomo comínimo llujáide:

<sup>29</sup> —Nana cue finócafue jino llotímíemo omoi éroizaíbi. ¿Bie afe Crístoñede? —daide.

<sup>30</sup> Ie jira jófuemona Jesús illánomo jáidiaioi.

<sup>31</sup> Afémaci bitíaoímo ie llófuegamaci afémiena jícade:

—Llófueraíma, due güi, —daífaioi.

<sup>32</sup> Ie jira afémie daide:

—Cuemo ite güllena omoi onóñediomoi, —daide.

<sup>33</sup> Ie jira ie llófuegamaci como fueñe conímamo jicánotiaioi:

—¿Jiáie come afémie écaibite? —daidíaioi.

<sup>34</sup> Ie jira Jesús afémacina daide:

—Cue orédímie comeci jítaina izói cue finóadi bie cue güllena. Daje izói ie táijina cue fuitáadi, güíticue izoide. <sup>35</sup> Omoi llua: “Nai riga raa ollíruimo cuatro diga fiui ite” daidíomoi. Mei íadi dáitícue: Erocai. Ja rigánuemo eroi. Ja jéiaruimo áinozide. <sup>36</sup> Ollemo táijidímie iba llíinote. Afe oga llízieniai jaca ninomo fiébite; ua fúíñeite illánomo fiébite. Ua ríjiraima óraima diga dáanomo camátaillena daí ite. <sup>37</sup> Omoi jaiái daina uáfueña lloite: “Ríjiraimie dáamie íadi otímie jíáimie.” <sup>38</sup> Jae omoi ríñeganomo ómoína orédícue. Jiáimaci táijidiaioi íemo íaioi táijina caimare íñotiomoi, —daide.

<sup>39</sup> Aillo Samaria jofue imaci Jesumo íñotiaioi. Ua uafue ringo llogáuaido Jesuna íñotiaioi. Afengo daináuai, be ñie: “Nana cue finócafuena cuemo lloite.” <sup>40</sup> Ie jira Samaritánuai Jesumo billano jicádiaioi:

—Cai diga iri, —daidíaioi. Ie jira Jesús ménarui íaioi diga ite. <sup>41</sup> Afémie dainana cacáillano aillo jíáimaci íñotiaioi. <sup>42</sup> Ie jira aféngona daidíaioi:

—Nauí dama o dainado jabo íñotícaí, mei íadi birui ja cai dani afémiena cacáillano áfedo como ñue íñotícaí. Ja onódicai bie ua Cristo, nana nairai jíllotaraimaza, —daidíaioi.

*Jesús gobiernomo táijiraima jító jíllotate*

<sup>43</sup> Ménarui íllamona Jesús Samárimona jáizaide Galilea énie iodo jáillena. <sup>44</sup> Jae dama Jesús lloite:

—Juzíñamui uai jino lloraima dama ie éñiemo jaca jámairuiga, —daide. <sup>45</sup> Galiléamo dúcidemo afénomo itino íena ñue llíinotiaioi. Ua caimare íena llíinotiaioi, ñibai pascua ráfueño Jerusalemo nauí Jesús illa llezica jáidiaioi. Iemo aféfuemo nana ie finócafuina ciódiaioiza.

<sup>46</sup> Ie mei Jesús meine Caná jófuemo, Galilea éniemo jaide. Ua jainoi vínona meíduanomo jaide. Afe llezica Capernaum jófuemo gobiernomo illaíma táijiraima jító iere irárede. <sup>47</sup> Afe táijiraima Jesús Judéamona Galiléamo dúciana fídiano, afémiemo érozaiide. Ua ie jító jíllotaíbillena jícajide; mei ja ie jító tíizaiide. <sup>48</sup> Iemo Jesús íena daide:

—Onótate ráaniai íemo cíofinina finócafuiaí diga omoi cíóneniadi íñoñediomoi, —daide.

<sup>49</sup> Iadi gobiernomo táijiraima Jesuna daide:

—Ocuíraíma, raire bi cue jító nai tíñena llezica, —daide.

<sup>50</sup> Ie mei Jesús íena daide:

—Meine o jofomo jai. O jító jílloteza, —daide. Afémie Jesús íena daina uaina íñote, jira jaide. <sup>51</sup> Ie jofomo dúcizaidemo ie jaiénizai jino íemo bitíaioi. Dúciillano daidíaioi:

—O jító jae jíllode, —daidíaioi.

<sup>52</sup> Iemo, —¿Ñie hóramo jíllode? —íaiioimo jicánote. Jira daidíaioi:

—Nauri jáiciri illa mei ie abí bóua llíicaide, —daidíaioi.

<sup>53</sup> Iedo moo bie daje hora Jesús íena daina hora uíbicaide. Ua “O jító jíllote” daina hóramo afeza jíllode. Iemona afémie Jesumo íñote, naa ie comini diga.

<sup>54</sup> Daí Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininafue.

## 5

*Jesús Betzátamo ite tízitaitímie jíllotate*

<sup>1</sup> Ie meífomo judíuai rafue ite; jira Jesús meine Jerusalemo jaide. <sup>2</sup> Afe jófuemo, ovejaí naze áñori jainoi ofíllano ite. Afeno hebreo imaci uaido mameca Betzata. Nane dínomo cinco diga gairirano ite. <sup>3</sup> Bie gairira macáranuiaímo aillo iráredimaci bíede:

uñidimiai, aidáimiai, tízítaitimiai diga. Bimaci jainoi bagua úiñotiaioi. <sup>4</sup> Daí úiñotiaioi mei dáruiaríe Juzíñamui abi ímie ana billano jainoi bagótafiredeza. Bagota mei nanoide come jáinoimo ana jáidímie, ie írärenamona ja jíllobicaifirede. <sup>5</sup> Dínomo íraredímie ite. Ua treinta y ocho diga fimona írarede. <sup>6</sup> Jesús billano ie bíinana ciode. Afémie are jaiaí nánomona daí dínomo íllana onóllano, Jesús íena daide:

—¿Jíllobicaiacadio? —daide.

<sup>7</sup> Íraredímie uai ote:

—Ocuíraíma, cue cánoítímie íñede, jainoi bagua meífomo jáinoimo cuena ñuitállena. Nágari cue jáiacana llezica jáímie nano fueñe jáinoimo dúcide, —daide.

<sup>8</sup> Jesús íena daide:

—Caífo náidacai. O bíirallu líino. Mai maca, —daide. <sup>9</sup> Afe llezica afémie jíllobicaide. Iemo ie bíirallu líinuano macáoicaide. Aferui ocózinallarui.

<sup>10</sup> Jira judíuai jíllotagamiena daide:

—Birui jae ocózinallarui. O bíirallu rocánollena omo rairuírede, —daidíai.

<sup>11</sup> Afémie uai ote:

—Cue jíllotatímie cuena daide: “O bíirallu líino; mai maca,” —daide.

<sup>12</sup> Iemo íena jícanotiaioi:

—¿Bu ona “o bíirallu líino, mai maca” daína? —daidíai.

<sup>13</sup> Mei íadi afémie ie jíllotatímiena onóñede, aillo comíni dínomo íllaza. Ua Jesús jae jáideza.

<sup>14</sup> Afe mei Jesús gairíraco eromo íena baizájillano daide:

—Mai eroi. Birui jae jíllodio. Meine fiénidífueña finóñeno iri, jamánomo figóñede raa omo jíriñeíllena, —daide.

<sup>15</sup> Iemo afémie judíuaimo Jesús íena jíllotatímie llujáide. <sup>16</sup> Ie jira judíuai Jesuna duere finóllena racádiaioi; íena fáiacadiaioi, ocózinallaruiimo aféfuiai fínua jírari.

<sup>17</sup> Mei Jesús íaioina daide:

—Cue Moo Juzíñamui jaca nanómoma biruimo táijide, jira cue nane táijidícue, —daide.

<sup>18</sup> Iemona judíuai jamánomo íena fáiacadiaioi; níbai ocózinallarui ocuícáfue afémie jáanote. Ie emódomo afémie Juzíñamui izoidímiena dama finótate, “Juzíñamui cue Moo” ie daína jira.

### *Juzíñamui Jitó ríino*

<sup>19</sup> Ie mei Jesús íaioina daide:

—Uáfueña ómoína dáíticue, mei Juzíñamui Jitódicueza, dama cue jítaina izói mínícana finónidicue. Dama cue Moo Juzíñamui finócafue cue ciona izói birui finódicue. Nana cue Moo finócafue afe izói nana fínofiredicue; ie Jitódicueza. <sup>20</sup> Ua Moo Juzíñamui nana ie fínuafe ie Jitomo ácatate, Moo ie Jitó íziruilla jira. Ie emódomo jamánomo áillue finóllífue íemo ácataite, omoi fáigacaíllena. <sup>21</sup> Mei Moo Juzíñamui tíidino cáadinona itátateza, ua cáallinona íaioimo ite; daje izói ie Jitó nana afémie oíacaiganomo cáallinona ite. <sup>22</sup> Moo Juzíñamui buna jícanoñede íena duere finótallena, mei íadi nana afe jícanolle ríino ie Jitomo iga. <sup>23</sup> Daí nana comíni Moo ñue jacíruilla izói, afe izói ie Jitona ñue jacíruiítiaioi.

<sup>24</sup> Uáfueña ómoína dáíticue: cue uaina cacádimíemo, dánomo cuena orédímiena íñotimíemo ja ziiño cáatatínona ite. Afémie duere finóbiñeite, tíllanomona ja bai finona jira; jae cáananomo dúcide. <sup>25</sup> Uáfueña ómoína dáíticue: tíidino meine cáállirui áinozioicaide. Aferui birui. Ua tíidino Juzíñamui Jitó úrillana cáacaitiaioi; íemona nana áfena náfuefiredino cáaitiaioi. <sup>26</sup> Mei Moo Juzíñamuimo cáatalle ríino íteza, daje izói afe cáatalle ríino ie Jitomo afémie itátate. <sup>27</sup> Dánomo comíni duere finóllena jícanua ríino íemo iga, afémie Nanoide íima Jitona jira. Afe Jitódicue. <sup>28</sup> Afemo fáigacaíñeno iri. Nana tíidino cue úrillana cacáálliruiomo dúcíteza. <sup>29</sup> Aferuido raiáfuaímona jino búítiaioi. Náfue finódimaci meine cáadinona íítiaioi ziiñona íaioi íllena; mei íadi fiénidífue finódimaci meine cáadinona íítiaioi, duere íaioi finóbillena.

*Jesús ríino uáfueña daíitatifuiaí*

<sup>30</sup>Dama cue comeci izóí mínícanā finónidicue. Moo cue ocuilla izóí comini fínuaufuiaí riire jicánoticue. Cue jicánuafeue jaicína ñue joides; cue jitaina izóí jicánofiedicueza, mei íadí cue orédimie, cue Moo jitaina izóí jicánoticue, afe izóí finóllena. <sup>31</sup>Dama cueri uai cue nabáiadi, cue daínana figo uáfueña daííñede. <sup>32</sup>Mei íadí jíáimie cueri uai nabáiraíma ite. Afémie cueri dainafue ñue uáfueña facátate. Afena onódicue. <sup>33</sup>Juaamo jicánuaídiomoi. Afémie ie uai úana jaca uafue. <sup>34</sup>Mei íadí ímmona cueri uai nabáíllana jicáñedicue. Daa bíena daíiticue omoi jílllobicaíllena.

<sup>35</sup>Juan egáíñora izóídimie. Afe egáíñora bóocabillamona egáíñofirede. Ie egáíñuanomono íanori íllamona íóbicaídiomoi. <sup>36</sup>Mei íadí jíáie cueri uáfueña facátafue ite. Afefue Juan cueri dainafue baímo ite. Afe uáfueña facátafue cue finócafuaí. Aféfuiaí cue Moo cue finóllena ocucafuaí daje izóí jóideza. Afe jira afe cue finócafuaí Moo orécacue uáfueña facátate. <sup>37</sup>Ie daánomo Moo, cue orédimie cueri uai nabaide, mei íadí omoi ie uaina jaca cacáñediomoi; ie abí cíocaíllana jaca cíóñediomoi. <sup>38</sup>Ie uaiíllai omoi ífócimo déíñede, afe Moo orécamiéna omoi íñoñena jira. <sup>39</sup>Juzíñamui Cuegáuaiíllai izire jenoda facádotiomoi; dínomo “Zíñona íllino báíiticaí” comécimo facáoidiomoi. Uafue, Cuegáuaiíllai cueri ñue úritiaí. <sup>40</sup>mei íadí cuemo bíacañediomoi afe ómoímo zíñona íllena.

<sup>41</sup>Comini cuemo nitácaga jalléinafuiaí náfueñedicue. <sup>42</sup>Mei íadí ómoína onódicue. Juzíñamuina izíruíñediomoi onódicueza. <sup>43</sup>Cue Moo cue ória izóí bíadi afe ímana ñue líñoitíomoi. <sup>44</sup>¿Omoi ñie izóí ínotíomoi? Dani ómoímona cáimadua uaiíllai líñoíñediomoi; mei íadí daade Juzíñamuímona bitíuai, ie cáimadua uai jenóñediomoi. Jira íñonidíomoi. <sup>45</sup>Cue Moo uíecori ómoímo fiénidífué cue nitalle comécido facáoiñeno iri. Uáfueña Moisés ómoímo fiénidífué nítate, níi omoi úíñogamie. <sup>46</sup>Moisés daináuai omoi ínoiadi daje izóí cuemo íñoitíomoi, mei Moisés cueri ñue cúeteza. <sup>47</sup>Mei íadí afémie cuegáuai omoi íñoñeniadi ¿ñie izóí ómoína cue daináfueña íñoitíomoi? ¿íñoñeítíomoi! —daide.

## 6

*Jesús cinco mil íñiaí ecade*

(Mt 14.13-21; Mr 6.30-44; Lc 9.10-17)

<sup>1</sup>Afe meífodo Galilea jorai ruícaferaimo jaide. Afe jorai jíáífodo mameína: Tiberias. <sup>2</sup>Aillo comini íedo jáidiaí, cíofínina ráaniaí ie fínuaña íaíoi cíónamona. Ua iráredino jíllotana cíodiaí. <sup>3</sup>Ie mei Jesús ídumo ráiizaide ie llófuegamaci diga. <sup>4</sup>Ja judíuai rafue páscuafeue áinozide. <sup>5</sup>Jesús érocaíllano aillo afémie ódana bitínona cíode. Jira Felípena daide:

—¿Nínómona nana bimaci ecállena íbaiticaí? —daide.

<sup>6</sup>Afe daíí jicánote, Felipe uai úana onóíllena. Jesús dama ie finóíllífué ñue onode. <sup>7</sup>Iemo Felipe uai ote:

—Doscientos dígabe fidi pan dúcíñeite naga come jéenino óllena, —daide.

<sup>8</sup>Ie jira jíáie llófuegamie Andrés, Simón Pedro ama, Jesuna daide:

<sup>9</sup>—Benó daa dúemiemo cinco diga panes ite mena chamu diga. (Bie pan cebada fínoina.) Mei íadí iere duera; aillo comini íllaza, —daide.

<sup>10</sup>Ie mei Jesús daide:

—Nana íaíoi ráíílleza afémacina omoi daííri, —daide.

Aféonomo aillo raitire ite. Iemo cinco mil íñiaí raizídaitiaí.

<sup>11</sup>Ie mei Jesús pan líñota Juzíñamuina “íere figora” daide.

Dáinamona llófuegamacimo fecade. Afemona llófuegamaci nana ráííedínodo fecade. Jesús daje izóí finode mena chámuna, ua nana rííacadíno fecade. <sup>12</sup>Jae íaíoi jeírilla mei ie llófuegamacina daide:

—Fiébidínuiaí nana iráíri, daa báííñelleza, —daide.

<sup>13</sup> Fiébidinuai doce diga cirigai iraca. Ua cinco diga panes fiébidinomona diga cirigai oruítaga. <sup>14</sup> Ie mei comini bie cíofinina raa Jesús fínua cíonamona daidíaiói:

—Uafue bímie afe jaiái nanómona lloga ana éniemo bíacade uai lloaíma, —daidíaiói.

<sup>15</sup> Mei íadi comini éna riire lláitano illáimana jóoneacana Jesús fidíbicaide. Fidíillanona Jesús dama meine idu caifónedumo jaiide.

*Jesús jainoi emódodo macade*

*(Mt 14.22-27; Mr 6.45-52)*

<sup>16</sup> Ja nauídemo Jesús llófuegamaci ana jóraimo jáidiaiói. <sup>17</sup> Dúciillano nocaemo jaillano, jorai ruícaferaimo Capernaúmo jaitádiaiói. Jae jítiredemo, mei íadi nai Jesús meine abido bíñede. <sup>18</sup> Iemo aillo jairifo daíngo náidacaide. Iemona bagua móonaiocaide. <sup>19</sup> Due bai jáidiaiíoimo Jesús nocaemo ánozillana cíodiaiói. Jainoi emódodo macade. Iemo jacíruiítaiói. <sup>20</sup> Mei jira íaíoina daide:

—Cueza, omoi jacíruiñeno, —daide.

<sup>21</sup> Iemona caimare nocaemo éna llánotiaíói. Iemona íaiói jáillinomo nitaca izói jarire dúcidiaíói.

*Comini Jesús jénua*

<sup>22</sup> Jáírui meífodo jorai enéferaimo fiébidimaci, llófuegamaci daa ite nocaedo jáillana fidídiaiói. Iadi Jesús afémaciri jáíñede. <sup>23</sup> Mei íadi biruícana jíáie nocáíai Tiberias jófueмона dúcizaide. Ua pan güilla áinori Ocuíraíma Jesús “Iere figura” dáinamona, ua afénomo dúcizaidiaíói. <sup>24</sup> Daí Jesús dínomo íñémana cíóillano ie llófuegamaci diga, afécaíaimo jofo jáidiaiói. Iemona Capernaúmo éna jénuaídiaiói.

*Jesús, zíñona cáaille paana maméidímie*

<sup>25</sup> Jorai ruícaferaimo dúciillano, Jesús baitíaiói. Baillano éna jicánotiaíói:

—Llófueraíma ¿niruido benomo dúcidio? —daidíaiói.

<sup>26</sup> Jira Jesús daide:

—Uáfuenta ómoína dáíitícue, güíllena omoi jeírillamona cuena jénuaíbitiomoí. Cue fínoca cíofinina raa omoi onónamona cuena jenóñediomoí. <sup>27</sup> Fúífirede güílleno táijíñeno iri. Mei íadi fúíñeite güílleno táijíiri. Afe güille ómoína zíñona itátaite. Afe bie güille ómoimo íitícue mei Nanoíe íima Jitódícueza. Mei ua, omoi uáfuenta ínogamíena jae Moo Juzíñamui jónegacueza.

<sup>28</sup> Jira jicánotiaíói:

—¿Minícana fínocícaí Juzíñamui jítaille raa cai fuitállena? —daidíaiói.

<sup>29</sup> Jesús uai ote:

—Juzíñamui orécamiéna omoi íñollena jítáirede, —daide.

<sup>30</sup> Iemo jicánotiaíói:

—¿Minica onótáite raa caímo ácataredio, afe cíóillano ona cai íñollena? ¿Minícaíue fínocíto? <sup>31</sup> Cai jaiáidígíma zaféredízicimo maná güítíaiói; Juzíñamui Cuegáuai daína izói: “Juzíñamui monámona ana baítága güílleníai áfena íaiói güítátate,” —daide.

<sup>32</sup> Jesús uai ote:

—Uáfuenta dáíitícue: monámona baíide güílleníai fecáraíma Moiséñede. Mei íadi uáfuenta monámona baíide güílleníai fecáraíma cue Moo. <sup>33</sup> Juzíñamui fecaca güílleníai, monámona ana bitímie. Afémie cáaille paana maméidímie. Afémie énie ítimacimo zíñona cáállinona itátaite, —daide.

<sup>34</sup> Iemo éna daidíaiói:

—Ocuíraíma, bie güílleníai nágarui cai ine, —daidíaiói.

<sup>35</sup> Jira Jesús daide:

—Cue cáatate güíllédícue. Cuemo bitímie jaca júfiruíñeite. Cuemo íñotímie jaca ninomo jóroacañeite.

<sup>36</sup> Mei íadi ómoína cue daína izói, cuemo íñonédiomoí nai cuena cíódiomoí íadi. <sup>37</sup> Nana Juzíñamui cuemo fecácamací cuemo bífireítiaíói. Cuemo bífireítinona jino dótañeítícue.

<sup>38</sup>Uafue, cue comeci jitaina izói finóllena, monámona ana biñédicue, mei íadi cue orédímie comeci jitaina izói ana finuaiticue.

<sup>39</sup>Cue Moo, ua cue orédímie, nana cuemo igánomona buna oni ninó báíñeillena jítaide. Ua nana afémaci firairuido cáadinona itátaiticue. <sup>40</sup>Cue orédímie nana Juzíñamui Jitona ciódimaci éna finollena jítaide. Daí íaiói inuamona zíñona cáaillinona íaioimo íllana cue orédímie daje izói jítaide; ie mei firairuido cáadinona íaioina itátaiticue, —daide.

<sup>41</sup>Iemona judíuai Jesuri gugúritiaíoi. Ua ie daináfueri: “Monámona ana baíide güllenaiaina maméidimiedicue” íeri gugúritiaíoi. <sup>42</sup>Daidíaíoi:

—¿Bímie José jitó Jesúñede? Ie moona onódicai ie ei diga. ¿Nie izói “Monámona ana bitímiedicue” daiírede? —daidíaíoi.

<sup>43</sup>Jira Jesús íaioina daide:

—Gugúriñeno. <sup>44</sup>Buna cuemo bínide, cue Moo, cue orédímie nai átíñenia. Ie mei firairuido afémiena cáadimiena itátaiticue. <sup>45</sup>Uai lloraini cugánicuai llote: “Nana afémaci Juzíñamui llófuegamaciza íitiaíoi.” Daí nana Moomo cacááno, afémiemona fibítagamaci cuemo bitíaíoi.

<sup>46</sup>Bie izói cue daina dáarie Moo Juzíñamuina ciona daíacañede. Dama Juzíñamuimona bitímie Moona ciona. <sup>47</sup>Uáfueña ómoína daíiticue: cuemo inotimie mo zíñona cáaillinona ite. <sup>48</sup>Cue cáatate güllledicue. <sup>49</sup>Omoi jáiiragima zaféredizicimo manana güitíaíoi, mei íadi nana jae tídimaci. <sup>50</sup>Iadi cue daina monámona ana bite güllledicue güitimo tíñeitiaíoi.

<sup>51</sup>Cue dama afe bie monámona ana bite cáatate güllledicue. Bie güille güitímie zíñona ite. Bie cue ille güille dama cue íeizi. Afena íitícue nana énie imaci cáallena, —daide.

<sup>52</sup>Iemona judíuai dani íaioiri júfidotiaíoi. Daidíaíoi:

—¿Nie izói bímie dama ie íeizina caina écaite? —daidíaíoi.

<sup>53</sup>Jesús íaioina daide:

—Uáfueña ómoína daíiticue: Nanoide íma Jitódicueza; cue íeizi omói ríñeniadi, daje izói cue die omói jiroñeniadi nai omói cáaillinona inede, dájena cuemo jaináñena jira.

<sup>54</sup>Cue íeizi ritímie, daje izói cue die jiródimie comeci zíñona cáaillinona ite; ie mei firairuido afémiena cáadimiena itátaiticue. <sup>55</sup>Cue abi uafue güille. Cue die uafue jirólli.

<sup>56</sup>Cue íeizi ritímie, jái cue die jiródimie ja cuemo dájena ite. Daje izói afémie mo dájena iticue. <sup>57</sup>Cue caade Moo orecaque, jira afémie mo cáadicue; daje izói cue ritímie cuedo cáite. <sup>58</sup>Monámona ana bite gülleri úriticue. Bie güille omói jáiáidígima güiga maná izóñede. Nana afémaci tídimaci; mei íadi bie güille güitímie zíñona ite, —daide.

<sup>59</sup>Jesús Capernaúmo ite Juzíñamui uai llófueriracomó nana bífuiai íaioimo llófuete.

*Zíñona cáatate uailai*

<sup>60</sup>Bie llófuiana cacáillamona, aillo Jesudo jáidimaci daidíaíoi:

—Bie afémie daina afe jeire ollíuai iere féirede. ¿Bu afena jeire órena? —daidíaíoi.

<sup>61</sup>Iemona Jesús íaioi gugúrillana onóbicaide. Onóillano jicánote:

—¿Aféfuiai ómoína íaruiñicaitade? <sup>62</sup>Ie mei Nanoide íma Jitó nano ie íllánomo caífo ie jáillana omói cióadi, ¿nie izói íitíomoi? <sup>63</sup>Cai joreño cai cáatate. Íeizi cáatañede. Omóina cue daináuailai joreño izoide uafue uailai. Cáataitiaíoi. <sup>64</sup>Mei íadi ómoimona dámerie nai inoñediaíoi, —daide.

Jesús afe inoñedimaci nanómona onode. Afe llezica éna éoidimacimo fécaitimiena onode. <sup>65</sup>Ie mei daide:

—Iemona ómoína daíiticue, Moo átíñenia buna cuedo bínide, —daide.

<sup>66</sup>Aferuimona aillo Jesudo jáidino éna fiénocaidiaíoi. Ja íedo macáñediaíoi. <sup>67</sup>Ie jira ie doce diga llófuegamacimo jicánote:

—¿Omoi daje izói jáiacadiomoi? —daide.

<sup>68</sup>Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uailai omo ite. <sup>69</sup>Ja cai inoticaiza. Onódicai caade Juzíñamui Jitódioza. Cristodio, —daide.

<sup>70</sup> Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

<sup>71</sup> Afe dáinado Jesús Júdari úrite. Judas Iscariote Simón jító. Afémie Jesuna éoidimacimo fécaitimie, mei íadi afémie doce dígademona.

## 7

*Jesús ámatiai éna íinoñediaioi*

<sup>1</sup> Afe méifodo, Jesús Galilea éniédo macade. Judéamo fácañede, dinomo judúuai ie íaioi fáiacana jira. <sup>2</sup> Ja bizáinillaimo iráizillafue ánozide. Afefue judúuai rafue. <sup>3</sup> Ainozillamona ie ámatiai éna daide:

—Benó fiébiñeno. Judéamo o jairi, dinomo ite odo jáidino o finócafueña cíollena.

<sup>4</sup> Dámie nana comini éna íaioi onóillena jítáiadi, ie raana báinino finóñede. Afe áillofuiuai o finóadi nana comini uícómo finori, —daidíai.

<sup>5</sup> Bie izói daidíai, mei nai ie ámatiai éna íinoñediaioiza. <sup>6</sup> Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. <sup>7</sup> Enie imaci ómoína éoinide, mei íadi cuena éoidiaioi, nibai íaioi fiéni finócafuiuai uai nabáiraímadicueza. <sup>8</sup> Mai ráfuemo omoi jai. Nai jáíneitícue, cue ñue illíruimo nai dúciñede.

<sup>9</sup> Daíí daína mei Galiléamo fiévide.

*Jesús bizáinillai iráizillafuemo jaide*

<sup>10</sup> Ie ámatiai jailla mei, Jesús daje izói ráfuemo jaide, mei íadi uáfodo jáíñede. Jabo báinino jaide. <sup>11</sup> Judúuai afe rafue ana éna jenódiaioi. Daidíai:

—¿Ninomo mei afe iima ite? —daidíai.

<sup>12</sup> Comini cígiedo aillo afémieri úritiaioi. Dáarie, “Ñúemie,” daidíai. Jíáimaci, “Fiéniéimie; mei comínina jífujeteza,” daidíai.

<sup>13</sup> Mei íadi judúuaina jacíruillano buna afémieri uáfodo úriñede.

<sup>14</sup> Ja rafue cigi iruído Jesús Juzíñamui gairíracomo jofo jaide. Jaillano dínomo llófuellena táñede. <sup>15</sup> Iemona judúuai fáigacaillano daidíai:

—¿Nie izói bie iima díga ráfuiaina onode, afémie nai llófueñegamo? —daidíai.

<sup>16</sup> Jira Jesús uai ote:

—Cue llófuegauai cúeieñede; mei íadi cue orédimie ie. <sup>17</sup> Dámie Juzíñamui jitailla izói finóacania, afémie cue llófuegauai Juzíñamuimona bitúuaina ónoite. Afe llezica dama cue jitailla izói llófueñedicuena ónoite. <sup>18</sup> Dama ie comeci jitailla izói úritimie, comini lémo ñúefuena nitállena úrite. Mei íadi éna orédimiemo ñuera ráfuena nitáacadimie uáfueña dáíite. Afémiemo jífuiafueña íñede.

<sup>19</sup> ¿Omoímo ocuica uailái Moisedo ómoímo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿nibái mei cue fáiacadiomoi? —daide.

<sup>20</sup> Jira comini uai ote:

—Omo fiéñide jóríai illa. ¿Bu o fáiacana? —daidíai.

<sup>21</sup> Jira Jesús daide:

—Daa raa ocózinaillaruímo cue fínuari nana fáigacadiomoi. <sup>22</sup> Mei íadi úrue bacano icoi quétajana facátafue Moisés ómoímo iga. Jira íiza bacano icoi quetádiomoi ocózinaillaruído íadi. (Moisés afefue táíneñegaza; jáíairagimaci táíneca.) <sup>23</sup> Mei jira Moisés ocuica uailái nana ñue fuizáillena, íiza bacano icoi omoi quetáadi ocózinaillaruí íadi, ¿nibái ríicadiomoi iima abí námiena cue jíllotaia ocózinaillaruímo? <sup>24</sup> Mai jinófene éroillano comini ífue nitáañeno. Omoi nitáadi jáicína uáfueña nitari.

*Jesús ie comuillanodo úrite*

<sup>25</sup> Ie mei Jerusalemo dáarie itínomona jícánuaidiaioi:

—¿Bímie íaioi fáiacagamieñede? <sup>26</sup> Mei íadi batínomo comini cígimoi úrite íadi buna nie izói daíñena. ¿Uáfueña caifóidimaci bímie Crístoza ínotiaioi? <sup>27</sup> Mei íadi cai, afémie

ninómoma ie bíllana onódicai. Iadi ibana Cristo bíadi, buna ninómoma ie bíllana ónoñeite, —daidíai.

<sup>28</sup> Afena cacáillano Jesús nai gairíracomo llófuia llezica riire daide:

—¿Cuena onódiomoiza? ¿Ninómoma bitícueza onódiomoi? Mei íadi dama cue comeci izói biñédicue, íadi caade cue orédimiemona biticue. Afémie jaca itímie. Afémiena onóñediomoi. <sup>29</sup> Afémiena onódicue, afémiemona bitícueza, ie orécacueza, —daide.

<sup>30</sup> Iemona íena lláviano úiacadiai. Mei íadi nai buna íena llaitañede, nai ie llaitáillirumo dúciñedeza. <sup>31</sup> Mei íadi aillo comini íemo ínotiaioi; daidíai:

—Cristo bíadi ¿bímie finoca cíofinina onótafuiai baimo fñoite? —daidíai.

*Fariséuai llazíriraini orede, Jesús lláviano úillena*

<sup>32</sup> Fariséuai comini Jesuna dáinana cacádiai. Jira lletáriraini illaini, gairíraco jabóidillaimaiai orede Jesús llaitada úillena. <sup>33</sup> Jira Jesús uai ote:

—Omoi cígiri dama íanori nié dino íiticue. Ie méifodo cue orédimie diné jáitcue.

<sup>34</sup> Cuena jénoitiomoi mei íadi cuena báíñeitiomoi, cue illínomo jáinidiomoiza, —daide.

<sup>35</sup> Ie mei judíuai dani íaioimo jicánuaidiai:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? <sup>36</sup> Ie dáinana, “Cuena jénoitiomoi mei íadi cuena báíñeitiomoi, cue illínomo jáinidiomoiza,” ¿nie izói daide? —daidíai.

*Jesús, jáinoi izói cómena cáatate*

<sup>37</sup> Rafue írirairumo jamánomoidirui. Aféruído Jesús naidáillanona como aillo uaido úrite:

—Nana jirócadimie cuemo bi; jíruiabi. <sup>38</sup> Cuegáuai daina izói, cuena ínotimie ie comécimona áillue imani tua izói aillo ñue cáataitífuiai biite, —daide.

<sup>39</sup> Aféfuedo nana afémiena ínotino Ñuera Joreño llínoitiai daide. Ua mei, Ñuera Joreño nai biñede, Jesús ie cáimafue ebíredifue diga nai llínoñena jira.

*Comini Jesuna daináfuii jáífodorie jóide*

<sup>40</sup> Dáarie comini cígimona aféfuena cacáillano daide:

—Uáfuenta bímie uai llóraima, jáiai ninomo bíacadimie, —daide.

<sup>41</sup> Jáíimaci daidíai:

—Bie ua Cristo.

Mei íadi jáíimaci daidíai:

—¿Nie izói Cristo dino Galilea ímieite? <sup>42</sup> Cuegáuai llote: “Jáiaidillaima David, ie izíe ímiena Cristo iite. Ua Belén ímiena iite, afe jófuemo naui David íteza,” —daidíai.

<sup>43</sup> Daíí nana comini Jesús ícoina dázierie bózietaidiaioi. <sup>44</sup> Dámierie Jesús maiano úiacadiai, mei íadi buna daíí ñeñena.

*Cafóide ríiredino Jesuna íñoñediai*

<sup>45</sup> Gairíraco jabóllaini abido fariséuai illánomo, daje izói lletáriraini illaini illánomo bitíai. Afémaci íaioimo jicánote:

—¿Níbái mei íena atíñediomoi? —daide.

<sup>46</sup> Jira jabóllaini (jáífodo mameina llavériraini) uai otíai:

—Jaca ninomo buna afémie úrilla izói úriñede, —daidíai.

<sup>47</sup> Jira fariséuai daidíai:

—¿Omoi daje izói ja jífuegamacidiomoi? <sup>48</sup> ¿Cai illáicomini dáarie íena ja ínotiaioi fariséuai diga? ¿Jaca íñoñediai! <sup>49</sup> Mei íadi bie comini ocuífufuiai onóñediai, ja faidócaiaioiza, —daidíai.

<sup>50</sup> Nicodemo, naio Jesumo eróizaibitímie daa fariseo imácimona. Íaioina daide:

<sup>51</sup> —Cai ocuífue daina izói buna duere finónidicai, nano fueñe íena cai cácañeniadi, ie finócafuenta cai ónoillena, —daide.

<sup>52</sup> Mei jira uai otíai:



—¿O jíái daje izói Galilea ímiedioza? Cuegáuai fácado. Dinomo cóitio buna uai llóraima Galiléamona biñede, —daidíaioi.

Jiruíredingo Jesumo atídíaioi

<sup>53</sup>Mei íemona naga come íaioi jofomo jaide.

## 8

<sup>1</sup>Mei íadi Jesús Olivo daina ídumo jaide. <sup>2</sup>Ie jíítiramo monáillamona, abido gairíracomo bite. Nana comini íemo ánozidiaíoi. Afémie ráinaillano íaioina llófuiaide. <sup>3</sup>Ie mei ocuícáfue llófueraíni fariséuai diga jiruíredingo Jesumo atídíaioi. Daíí ñécade afengo baitíaioi. Afe gairíracomo itímaci cigimo aféngona jóonetiaíoi.

<sup>4</sup>Jóniano Jesuna daidíaioi:

—Llófueraíma, bie ringo afe jiruírenafue finócade baitícai. <sup>5</sup>Afe izoide ringona Moisés ocuícáfue cai ocuide nofíciado fállena. ¿O nie izói daidío? —daidíaioi.

<sup>6</sup>Daíí daidíaioi Jesús facátallena. Bie facátamona fiénidífue íemo nitáacadiaíoi. Iemona Jesús jíjicaillano éniemo onócaido cuete.

<sup>7</sup>Mei íadi diga icaíño jicánotiaíoi Jesús meine jaícina rainade. Ráinaillanona daide:

—Omoímona dáamie fiénidífueña ínédimie, mai nanoide nofici aféngomo nitari, —daide.

<sup>8</sup>Dáanomo nane jíjicaillano éniemo cuete. <sup>9</sup>Mei íadi aféfuena cacáillano, nana íaioi comeci úrilla uaido méaicaidiaíoi. Méaicaillano oni nana dáarie jáioidiaíoi. Ua iere éicomedímie uícodo oni jailla. Nana ja íaioi jailla mei, Jesús dama dinó fiébide afe atícango diga. <sup>10</sup>Iemo Jesús jaícina meine rainade. Afe ringo baímo buna cióñenano aféngona daide:

—Ringo, ¿ninomo omo fiénidífue jíítadino ite? ¿Buna omo nofícina nitáñena? —daide.

<sup>11</sup>Jira afengo daide:

—Ocuíraíma, ua buna nitáñede, —daide.

Mei jira Jesús daide:

—Cue ona daíí nítaíñeíticue. Mai o jairi. Fieni meine abido daíí ñeñeno iri, —daide.

*Jesús, bie énie comini egáíñoraíma*

<sup>12</sup>Jesús dáanomo nane comínimo úrite; daide:

—Cue binie comini egáíñoraímadicue; cuedo jíítimiemo cáataite egáíñua iite. Jaca nino jíítifodo mácañeite, —daide.

<sup>13</sup>Ie jira fariséuai íena daidíaioi:

—Dama o uai nabáidío. Afe uai ráifíñede, —daide.

<sup>14</sup>Jira Jesús uai ote:

—Cue dáina uáfuena ráífide, afe dama cuemo uai nabáidícue íadi. Cue ninómona biticue, daje izói cue jáillinona onódicueza. Mei íadi ninómona bitícueza onóñediomoi, cue jáillinona diga. <sup>15</sup>Bie énie facárado jenócana facádiomoi; cue buna jenócana facáñedicue. <sup>16</sup>Mei íadi cue facáadi, cue facállífue jaícina ñue jóide. Dama facáñedicueza. Moo, cue orédímie diga dáanomo jenoda facádicoco. <sup>17</sup>Omoi ocuca cuegáuai daide: “Mena uai nabáiraíma dáanomo daííadi, aféfuena ínoitíomoi.” <sup>18</sup>Cue dama cueri uai nabáiraímadicue. Cue Moo, cue orédímie jíáie cueri uai nabáiraíma, —daide.

<sup>19</sup>Jira jicánotiaíoi:

—¿Ninomo mei o Moo ite? —daidíaioi.

Jira Jesús uai ote:

—Omoí cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoi, —daide.

<sup>20</sup>Gairíracomo llófuia llezica, afe búai daide; ua fia fecaca úcube jóoneraco illánomo dinomo llófuete. Mei íadi buna íena lláviano uiñede, ie llaitáílliruiamo nai dúcñena jira.

*Cue jáillinomo jáinidiomoi*

<sup>21</sup>Jesús nane dáanomo íaioina daide:

—Cue jáitícue. Cuená jénoitiomoi, íadi omoi fiénidífue nai doñégamo tíitiomoi. Mei jii cue jáillinomo omoi jáinidiomoiza, —daide.

<sup>22</sup>Jira judíuai daní conímana daidíai:

—¿Mei nibái afémie dama abi títaite, mei “Cue jáillinomo jáinidiomoi” afémie caina dáideza? —daidíai.

<sup>23</sup>Jira Jesús íaioina daide:

—Omoi ana bebeco iédiomoi, mei íadi cue caifófeco ímedicue. Omoi bie énie iédiomoi, mei íadi cue bie énie ímieñedicue. <sup>24</sup>Ie jira omoi fiénidífue nai doñégamo tíitiomoi daidícue. Cue dáina izóí ítmiedicuena omoi íinoñeniadi, omoi fiénidífue nai doñégamo tíitiomoi, —daide.

<sup>25</sup>Jira jícanotíai:

—Mei ¿o búdio? —daidíai.

Jira Jesús uai ote:

—Jaíai nanómona ómoimo llotícue. <sup>26</sup>Cuomo aillo ómoína cue daiíllífuíai ite. Daje izóí aillo ómoína cue jenoda facáíllífuíai ite. Cue orédímie uáfueña daide. Afémiemona cue cacana izóí bie énie comínina áfedo daidícue, —daide.

<sup>27</sup>Mei íadi Moodo íaioimo Jesús úrillana figo cacáñediaioi. <sup>28</sup>Jira Jesús íaioina daide:

—Enie acónimo cuena caífo omoi raiñóadi cue dáina izóí ítmíena ónoitiomoi, mei Nanoide íima Jitódícueza. Afe llezica dama cue comeci izóí finófínicícueza ónoitiomoi. Dama cue Moo cuemo llogáfúai daidícue. <sup>29</sup>Cue orédímie jaca cue díga ite. Cue Moo dama cuena fiéñede, afémie íóbitadífúaiaina fínofíredícueza, —daide.

<sup>30</sup>Jesús daí dáinamona, aillo íena ínotíai.

*Juzíñamui jitóniai fiénidífuedo jeruícacaci baimo ñue itíai*

<sup>31</sup>Afemona judíuaimona íena ínotinona Jesús daide:

—Cue ómoína dáinana omoi jáicína jeire oíadi, cue llófuegamacína uáfueña jáitíomoi.

<sup>32</sup>Ie mei uáfueña ónoitiomoi. Afe uáfuedo jéruínegamacína ítíomoi, —daide.

<sup>33</sup>Afémaci ie uai otíai:

—Abraham iziedicái. Jaca ninomo buna jéruínegamacidicái. ¿Nie izóí, jéruínegamacína ítícai, daidío? —daidíai.

<sup>34</sup>Jira Jesús daide:

—Uáfueña ómoína dáitícue, nana fiénidífue fínódimaci fiénidífuedo jeruícacaci.

<sup>35</sup>Jeruícacaci ie naama izíe díga jaca ínade. Mei íadi naama jitó aféziemo jaca jainaide. <sup>36</sup>Daí mei Juzíñamui Jitó jeruíñenafue ómoimo fecáadi, uáfueña jéruínelíomoi. <sup>37</sup>Abraham izíe iédiomoiza ja onódicue; mei íadi cuena fáiacadiomoi, ómoína cue daínafueña omoi llínoñena jira. <sup>38</sup>Cue Moo cuemo ácataga raado úritícue. Omoi moo dáina izóí fínófíredíomoi, —daide.

<sup>39</sup>Jira uai otíai:

—Cai moo Abraham, —daidíai.

Mei íadi Jesús daide:

—Uáfueña Abraham jitóniaina omoi íadi, afémie fínua izóí fínóitiomoi. <sup>40</sup>Mei íadi Moo Juzíñamui cuemo lloga uáfueña ómoína cue dáina íadi, nai cuena fáiacadiomoi. Abraham jaca daí finóñede. <sup>41</sup>Omoi moo fínua izóí fínódiomoi, —daide.

Jira afémaci daidíai:

—Jaca jírúírenamona jócoñegacái. Caimo daade moo illa, Juzíñamui, —daidíai.

<sup>42</sup>Jira mei Jesús daide:

—Juzíñamui uáfueña omoi módena, cuena izírúitíomoi, mei Juzíñamuimona cue billa jira. Ua íe jira benó íticue. Dama cue comeci izóí biñédícue, mei íadi Juzíñamui orécacue. <sup>43</sup>¿Níbái mei cue dáinana cacánidiomoi? Cue úrilla uaina cacáacañediomoi, jira onóñediomoi. <sup>44</sup>Omoi moo Taife. Ie jira afémie iédiomoi. Afémie jítaina izóí fínóacadiomoi. Taife jaca nanómona fáfredímie. Jaca uáfueño jaináñede. Jaca uafue daíñede. Tánoífuíai afémie lloíadi, íe illa izóí úrite. Afémie tánoífuíairede, ua tánoífuíai

moo. <sup>45</sup> Mei íadi uafue daidícuemo cuena íinoñediomoi. <sup>46</sup> ¿Omoimona bu cue fiénidífue jino due cíotarede? Uáfueña cue daííadi ¿nibái mei cuena íinoñediomoi? <sup>47</sup> Juzíñamui iédimie Juzíñamui uáillaina cácafirede. Mei íadi Juzíñamui íeñediomoi, ie jira íena cacáacañediomoi, —daide.

*Cristo Abraham nano jae itímie*

<sup>48</sup> Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

<sup>49</sup> Jesús uai ote:

—Cuemo fiénide joreño jaca íñede. Cue finócafue cue Moomo núefuena nitade. Omoi cuemo núefuena nitáñediomoi. <sup>50</sup> Cuemo núefuena nitállena jenóñedicue, íadi jíáimie ite cuemo núefuena nitállena. Afémie jenoda facade. <sup>51</sup> Uáfueña ómoína dáitícue, cue daínáfueña jeire otímie jaca ninomo tíñeite, —daide.

<sup>52</sup> Jira judíuai uai otíaioi:

—Fiénide jóríai omo íllana ja uáfueña onódicaí. Abraham jaiái tíide naa uai llóraini diga, niadi jíáifodo daidio: “Cue dánana jeire otímie jaca ninomo tíñeite.” <sup>53</sup> ¿Uáfueña cai moo Abraham baímo jáidio? Afémie tíide. Ua uai llóraini daje izóí tíidiaioi. ¿O comécimo bu o íllana facádio? —daidíaioi.

<sup>54</sup> Jesús dínena íaioímo uai ote:

—Dama cuemo núefuena cue nitáadi, cue núefuena minícana ráifíñede. Mei íadi núefuena cuemo nitádimie cue Moo. Dáamiena omoi Juzíñamui daidíomoi. <sup>55</sup> Mei íadi íena onóñediomoi. Cue íena ua onódicue. Afémiena onóñedicue cue daííadi, omoi izóí táínofuíairedimiena ííticue. Mei íadi íena uáfueña onódicue. Ie dánana jeire otícue. <sup>56</sup> O jaiáidígima Abraham cue íllíruina cíocade áfemona íóbillena; áfena cíóillano afémie iere íóbicaide, —daide.

<sup>57</sup> Jira judíuai Jesuna daidíaioi:

—Nai cincuenta fimona íñedio, ¿Nie izóí “Abraham cuena cíode” daidio? —daidíaioi.

<sup>58</sup> Jesús uai ote:

—Uáfueña ómoína dáitícue: Abraham nai íñeniadi cue iticue, —daide.

<sup>59</sup> Iemona nofíciái llínota Jesumo nitáacadiaioi. Mei íadi afémie retáírillano gairíracomona jino jaide. Afémaci cígido jaillano fínocai.

## 9

*Jesús uina cíoiñede jocócamie jíllotate*

<sup>1</sup> Afénodo jaillano, Jesús uina cíoiñede jocócamiena cíode. <sup>2</sup> Ie llófuegamaci íemo jícanote:

—Llófueraima, ¿nibái mei bie íima uina cíoiñede jocóca? Nibai ie moo fiénidífueia ícoínia daíí jococa. Nibai dama ie fiénidífue fínua ícoínia daíí jococa. ¿Bífuiaimona nífue uáfueña? —daidíaioi.

<sup>3</sup> Jira Jesús daide:

—Dama ie ícoíniañedeza, jíái ie moo ícoíniañedeza. Mei íadi afémiemo Juzíñamui finóllífue níue jino ácatallena, daíí íficaide. <sup>4</sup> Nai monana llezica cue orédimie tájínafue cue fínua jítaíredeza. Ja nauilla llezica buna tájínide. <sup>5</sup> Nai bie éniemo cue illa llezica, énie comíni egáínotímiedicueza, —daide.

<sup>6</sup> Afe dáina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cíoiñedimie uimo bitade. <sup>7</sup> Ie mei íena daide:

—Siloé jainoi ofíllanomo jócuai, —daide. Afe Siloé mámece jino dobáíñua dibénedo “Orécana” mámeide.

Iemona uina cíoiñedimie ui jócuai. Meine bítemo ja cíoi. <sup>8</sup> Iemo ie abi comíni, daje izóí nauí uina ie cíoiñenana cíódino diga daidíaioi:

—¿Bímieñede, nii ráiicana úcube jícafíredimiñede?

<sup>9</sup>Dáarie daidíaioi:

—Jii, niimie.

Jíaimaci dinena daide:

—Eñede, mei íadi afémiena eroide, —daidíaioi.

Mei íadi afémie dinena dama daí daide:

—Jii, niimiedicue, —daide.

<sup>10</sup>Jira femo jícanotiaioi:

—¿Nie izói ja ciódio? —daidíaioi.

<sup>11</sup>Jira afémie uai ote:

—Afe iima, Jesuna mámeciredimie, ídiaidino fínuano cue uimo bitade. Bítanona daide: “Silóe jainoi ofíllanomo o ui jócuai.” Jócuaidicue. Iemona cue jócuailmona ciódicue, —daide.

<sup>12</sup>Jira femo jícanotiaioi:

—¿Ninomo afe iima ite? —daidíaioi.

Iaioina daide:

—Íco mei, —daide.

*Fariséuai jíllotaga uina cíoiñedimie jicánodoidiaioi*

<sup>13</sup>Iemo fariséuaimo naui uina cíoiñedimiena uitíaioi. <sup>14</sup>Jesús ídiaidino fínaruui, afe ocózinaillarui. Aféruimo Jesús uina cíoiñedimie jíllotata. <sup>15</sup>Fariséuai afe ímana nie izói afémie ui cíoinafue meine abido jícanotiaioi. Iemo afémie íaioina daide:

—Cue ui ídiaidínona bitade. Jira jócuaidicue. Iemona ja ciódicue, —daide.

<sup>16</sup>Jira fariséuaimona dáarie íena daidíaioi:

—Afe fue fínódimie, Juzíñamui ímieñede, ocózinaillarui íinoñena jira.

Mei íadi jíáimíai daide:

—Afémie fiénidífue fínóraima íadi, ¿nie izói bie cíofinina finócafue fínoite? —daidíaioi.

Comini bózietaillmona <sup>17</sup>meine naui uina cíoiñedimie jicánuaidiaioi:

—¿O afémiena nie izói daidíoi, o ui cíoitatimiena? —daidíaioi.

Jira afémie daide:

—Afémiena uai llóraima daidicue, —daide.

<sup>18</sup>Mei íadi judíuai afe uina cíoiñedimie finócafue ínoiacañediaioi. Ie ja cíonafue ínoiacañediaioi. Ie jira jíllotagamie móotíaina uáidotiaioi. <sup>19</sup>Iemo jícanotiaioi:

—¿Afe nii be o jitó uina cíoiñede jocócamie ómicoi daina? ¿Nie izói mei birui ciode? —daidíaioi.

<sup>20</sup>Ie móotíai uai ote:

—Onódicaiza bie cai jitó; uina cíoiñede jococa. <sup>21</sup>Mei íadi nie izói afémie como cónana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaiillinoi.

<sup>22</sup>Ie móotíai daí úritaiillinoi judíuai jacínailmona. Judíuai jae nana comini onótatiaioi. Daidíaioi:

—Nágamíai Jesús ua Cristo daínámiena mámeitimie Juzíñamui uai llófueriracomona jino júiticaí, —daidíaioi. <sup>23</sup>Iemona móotíai daidíaioi, “Afémiemo jícano. Jae eicómeza.”

<sup>24</sup>Ie mei judíuai meine naui uina cíoiñedimie uáiduano daidíaioi:

—Juzíñamui uíécomo uáfuena caina daíri. Onódicaiza, bímie fiénidífuiairedimie, —daidíaioi.

<sup>25</sup>Afémie uai ote:

—Afémie nibai figora, nibai fiénidífuiairedimie onóñedícuéza. Daa cue onóigafue. Nano fueñe uina cíoiñedimiedicue, mei íadi birui ciódicue, —daide.

<sup>26</sup>Nane dáanomo femo jícanuaidiaioi:

—¿Nie izói ona ñete? ¿Nie izói o finode o ui cíoillena? —daidíaioi.

<sup>27</sup>Jira uai ote:

—Jae omoi lloticue, íadi cuena íinoñediomoi. ¿Ñibái mei dáanomo omoi llóiticue? ¿Omoi jíái daje izói iedo jáiacadiomoi? —daide.

<sup>28</sup>Báíñuano íena daide:

—O bímiendo jáidío, mei íadi Moisedo jáidícaí. <sup>29</sup>Juzíñamui Moísemo úrillana onódícaí, mei íadi bie Jesús ninómona bite onóñedícaí, —daidíaiói.

<sup>30</sup>Jira afe íima uai ote:

—¡Bífue ñí cácafinina raa! Ie billánona onóñediomoi, íadi cuena ñue cíoitate.

<sup>31</sup>Fiénidífue ínofíredímacímo Juzíñamui cacáñede ñue onódícaíza. Iemo afémiemo íobicaitadinomo cacáfirede, ie jítáínafue íinódímací díga. <sup>32</sup>Jaca nanómona uina cíoiñede jocócamie jíllotatímie dáínana cacáñena. <sup>33</sup>Bímie Juzíñamuimona bíñídeniadi, mínícana ñénide, —daide.

<sup>34</sup>Jira daidíaiói:

—O fiénidífuiamona jocócamiedío. ¿O caína llófueacadio? —daidíaiói. Ie jira íena jino jíúnotiaíói.

*Joreño dibéfuiaina onóñedímací*

<sup>35</sup>Jesús uina cíoiñedímie jino íaiói jíúnuana fídide. Ie baillano íena daide:

—¿Juzíñamui Jítomo ínotío?

<sup>36</sup>Jira afémie daide:

—Ocuíraíma, cuemo llone bu afémiena íemo cue íinolleza, —daide.

<sup>37</sup>Jira Jesús uai ote:

—Ja cíódioza. Níímedicue, o díga úrilla, —daide.

<sup>38</sup>Iemona afémie Jesús anari ana dújuillanona daide:

—Ocuíraíma, ínotícue, —daide.

<sup>39</sup>Ie méífomo Jesús daide:

—Bie éniemo biticue, jáícina jenoda facállena. Ua biticue uina cíoiñedímie eróíllena. Dáanomo biticue eróidino uina cíoiñellena.

<sup>40</sup>Ie mei fariséuamona, Jesús díga ítinomona, dáamierie afefue cacáíllano íena jícanotiaíói:

—¿Meita caí uina cíoiñedinodícaí? —daidíaiói.

<sup>41</sup>Jira Jesús uai ote:

—Omoi uina cíoiñeniadi, omoi fiénidífuiái ícoi ííñeite. Mei íadi “Cíódícaí” daidíomoi jíira omoi fiénidífuiái ícoi íte, mei joreño dibéfuiaina onóñediomoíza, —daide.

## 10

*Ovejái cirínoraco caí onótate*

<sup>1</sup>Uáfuea ómoína dáitícue, ovejái cirínoraco nazedo jáíñedímie ua meríriraíma. Enéfenemo táífodo tícaíllano jofo jáídímie ua meríríredímie. <sup>2</sup>Mei íadi nazedo jofo jáídímie ua úíñoraíma. Níímie ie ovéjaína ñue uíñote. <sup>3</sup>Naze tuiñóraíma naze tuiñode afémie jofo jáíllena. Ie uaina ovejái onódiaíói. Ie ovéjaíai íaiói mámeçido jíírite. Daíí cirínoracomona jino ófíregaiái. <sup>4</sup>Nana ie ovejái jino óinana méífodo, íaiói úfocodo ífócaide. Ovéjaíai ie óodana jáioicaídiaíói mei ie uaina onódiaíoi. <sup>5</sup>Mei íadi onóñegamiemo jáioicaíñediaíói. Mei jíáífodo afémiemona niné botádiaíói, ónoñegamací uaina onóñena jíira.

<sup>6</sup>Bie daje izoide ráfuedo Jesús íaíoímo llófuete. Mei íadi daíí daííacana uáína onóñediaíói.

*Jesús ñue ovéjaíai úíñoraíma*

<sup>7</sup>Iemona Jesús meíne dáanomo daíízaide:

—Uáfueña ómoína dáititue: Cue bie ovéjaiai jofo jaira nazédicue. <sup>8</sup>Nana cue uícomo bitímaci meríriraíni daje izói bairórirairini. Mei íadi ovéjaiai afémacina náfueñediaíoi. <sup>9</sup>Cue nazénaza. Cuedo jofo jáidímie jíllobicaite. Afémie cirínoracomo jofo jaide, meine jino bite. Afe jofo jáitímie oveja izóidimiena iite. Ie güille raana báifrede.

<sup>10</sup>Meríriraíma fia merírizaibite; fájaibite, táinocaitajaibite. Mei íadi cue biticue íaíoi cáatallena, ua jamánomo íocire íaíoi íllena biticue. <sup>11</sup>Ñue ovéjaiai úíñoraimadicue. Afe ñue ovéjaiai úíñoraima ovéjaiaimo ie cáallinona itátaite. <sup>12</sup>Mei íadi fia íbaca úíñoraima dama úcube llínnollena táijide. Jico izoide bíllana afémie cíóillano, ovéjaiai fíianona botade. Afémie botade uáfueña úíñoraimañena jira; daje izói ovéjaiai íeíñena jira. Iemona jico izoide ovéjaiaína llaítade. Iemona nana jíáie ovéjaiai júdaizítiaíoi. <sup>13</sup>Bie íima botáfírede, daa fia íbállena táijideza. Ovéjaiaína nai lloñede. Iaióina duéruiñede.

<sup>14-15</sup>Cue bie ñue úíñoraimadicue. Cue Moo cuena onona izói daje izói cue Moona onódicue. Afe izói cue ovéjaiaína onódicue, ie izói afémaci cuena onódiaíoi. Cue cáallino ovéjaiaimo ííticue. <sup>16</sup>Jíáie ovéjaiai cuemo ite. Bie cirínoraco íeñede. Cue uaina cacáillanona jeire óítiaíoi. Iemona daa cirínoraco íite, daje izói daa úíñoraima íite.

<sup>17</sup>Cue Moo cuena izíruite, cue abi fécaillano meine cue llínnua jira. <sup>18</sup>Buna cue abi báíroñeite, mei íadi dama cue comeci izói fécaíticue. Cue áfena fecáredicue, ie mei meine áfena llínnoredicue. Afe bie cue Moo cue ocuilla dieze, —daide.

<sup>19</sup>Judíuai afe uaina cacáillano bócoizítiaíoi. <sup>20</sup>Afémacimona aillo daidíaíoi:

—¿Níbái mei uai jeire otíomoi? Afémiemo fiénide jóríai íllaza, íemo uáírtaide, —daidíaíoi.

<sup>21</sup>Mei íadi jíáimaci daidíaíoi:

—Fíenidena jóríairedímie jaca afe izói úrinide, —daidíaíoi. Fíenide joreño uina cíoiñedímie uina cíoitánide.

*Judíuai* Jesús llínoacañeno fena ruíffruitiaíoi

<sup>22</sup>Jae rozíruillaruillai. Afe llezica Jerusalemo iráizillafue finódiaíoi, gairíraco Juzíñamuimo oni íficaillarui uibíñoicaillena. <sup>23</sup>Jesús Salomón macáranodo gairíracomo macade.

<sup>24</sup>Judíuai Jesumo ífoina gairíllano daidíaíoi:

—¿Ñie dinó caina figo onótañeítio? O Crístodio raire uáfodo caimo llone, —daidíaíoi.

<sup>25</sup>Jira Jesús uai ote:

—Jae lloticue íadi cuena íñoñediomoi. Cue finócafuaí cue Moo ríinodo finódicue. Afedo ñue jino ácatagacue. <sup>26</sup>Mei íadi cuena íñoñediomoi, cue ovéjaiaíñediomoiza. Afena nauí ómoína daidíicue. <sup>27</sup>Cue ovéjaiai cue uaina onode. Iaióina onódicue, jira cuedo bitíaíoi. <sup>28</sup>Zíñona cáallino íaíoimo fecádíicue. Jaca afémacimona dáamie niné báízaiñeite. Buna cuemona íaíoimona daa báíroñeite. <sup>29</sup>Afémaci cue Moo cuemo íga. Afémie jamánomoidímie. Nana baímo jáidímie. Buna cue Moo Juzíñamuimona afémacina bairónide. <sup>30</sup>Cue, cue Moo diga dáamiedicoco, —daide.

<sup>31</sup>Iemona judíuai meine fena nofíciaína nitáacadiaíoi. <sup>32</sup>Jira Jesús daide:

—Omói eróicana diga ñúefuaína cue Moo ríinodo finódicue. ¿Nííue ícoínia nofíciaído cue níjítiomoi? —daide.

<sup>33</sup>Jira judíuai uai otíaíoi:

—Ñúefuaí o fínuamona ona níjítíñeíticai; mei íadi o uáíllaído Juzíñamuina báíñotio. Fia íñadío, mei íadi Juzíñamuina o abí maméacadio, —daidíaíoi.

<sup>34</sup>Jira Jesús daide:

—Omói ocuínafuaímo Juzíñamui daína jae cueda. Be níuai: “Omói juzíñamuillaídiomoi.” <sup>35</sup>Cuegáuai dáinana jaca jáanonide, onódicaíza. Juzíñamui, ie uáíllaí llíñotímíina juzíñamuíllaina mameide. <sup>36</sup>Juzíñamui jae cuena oni ífcaítajano bie éniemo cuena orede. Ua ie orécamedicue. Jira ¿nie izói dáítio “Juzíñamuina báíñotio” cue daííadi “Juzíñamui Jitódicue”? <sup>37</sup>Cue Moo finoca izói cue finóñenia, mai cuena omói

íinoñeno. <sup>38</sup> Mei íadi ie finócafue izói cue finóadi, mai aféfuiaína iino, omoi nai cuena íinoñenia. Afemona cue Moo cuemo íllana, jabe ónoitiomoi. Daje izói cue, cue Momo itícueza, ónoitiomoi, —daide.

<sup>39</sup> Meine maíáno íena uíacadaíoi, mei íadi Jesús oni finocaide.

<sup>40</sup> Ie mei Jesús Jordán ruicáfellelmo meine jaide. Dinomo fiévide. Ua naui Juan báutizanomo ite. <sup>41</sup> Aillo comini íena eróizaidiaíoi. Daidíaioi:

—Uáfueña, Juan ciofinina onótalle raa finóñede, mei íadi nana Juan bímiere daináfuaí uáfuaí, —daidíaioi.

<sup>42</sup> Dinomo aillo comini Jesuna ínotiaíoi.

## 11

*Lázaro tíide* meine cáadimiéna jaide

<sup>1</sup> Daa iima Lázaro iere irárena. Betania ímie. María ie ebuño Marta diga daje jófue mo itíaioi. <sup>2</sup> Afe María iráredimie Lázaro miringo. Afe María naui Jesús ídaimo ziórede cáirediji totade. Tótanona ie ífótiido zafénaitade. <sup>3</sup> Ja birui afe miringo íanguai uai Jesumo orede, Lázaro iere tíiacana jira: llote:

—Ocuíraima, o nabai Lázaro irárede, —daide.

<sup>4</sup> Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

<sup>5</sup> Marta ie ebuño ie íio Lázaro diga Jesús íaioina iere izírute; <sup>6</sup> mei íadi Lázaro irárenafuena fidíllanona, Jesús raire jáíñede; nai ménarui ie íllánomo ite. <sup>7</sup> Ie mei ie llófuegamacina daide:

—Meine Judéamo cai jai, —daide.

<sup>8</sup> Jira llófuegamaci daidíaioi:

—Llófueraima, nano cómoicana Judíuai dño nofíciado o fáiacadaíoi. ¿Nane meine afe diné jáiacadio? —daidíaioi.

<sup>9</sup> Jira Jesús ie tíillirui nai ánoziñenana onóillano, íaioina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáíñuana ciode. <sup>10</sup> Iadi come naio macáadi éicitaide; afémiemo egáíñotinona íñédeza.

<sup>11</sup> Ie mei Jesús nai úrite; íaioina daide:

—Cai nabai Lázaro ínídeza, mei íadi cazítaiticue, —daide.

<sup>12</sup> Jira llófuegamaci daidíaioi:

—Ocuíraima, afémie íníadi ja jíllocaite, —daidíaioi.

<sup>13</sup> Mei íadi Jesús jíáfodo daiíacade, Lázaro tíide. Llófuegamaci comeci facade Jesús daínana fia ínia llote. <sup>14</sup> Jira Jesús jino uáfodo íaioina daide:

—Lázaro ja tíide. <sup>15</sup> Íóbicue afémie tíillanomo íñédicueza. Dai ómoimona ñuera, omoi íinollena. Mei íadi cai éroizailli, —daide.

<sup>16</sup> Iemo Tomás, Guarámie maméidimie, jíáie llófuegamacina daide:

—Mai cai jai, afémie diga daánomo cai tíilleza, —daide.

<sup>17</sup> Jesús dúciillano como fidide Lázaro ja cuatro dígarui énie anamo ite. <sup>18</sup> Betania iere Jerusalén ánorí ite, mena kilómetro átuedo izói. <sup>19</sup> Aillo judíuai jáidimaci Marta María diga uáiduidiaíoi, íanguai íio tíillari. Íanguaimo fíraibitiaíoi. <sup>20</sup> Marta Jesús dúciana fidíllano afémiena jino cioízaido. Mei íadi María jofomo fiévide. <sup>21</sup> Marta Jesúsna daide:

—Ocuíraima, o nabai benó itíoniadi cue íio tííñede. <sup>22</sup> Mei íadi onódicue naga raa Juzíñamuimona o jícaadi afémie omo ite, —daide.

<sup>23</sup> Jira Jesús daide:

—O íio meine cáate.

<sup>24</sup> Iemo Marta daide:

—Jii, cue onódicueza tíidino cáadinona illíruimo, énie írairuimo afémie meine cáate, —daide.

<sup>25</sup>Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuená ínotimie ie tíadi meine cáate. <sup>26</sup>Nana nai cáadino cuena ínoiadi jaca ninomo tííneitiaioi. ¿O afefue ínotio? —daide.

<sup>27</sup>Jira afengo daide:

—Jii, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

<sup>28</sup>Daí dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiridade, —daide.

<sup>29</sup>Afena cacáillano María raire náidacaillano Jesumo eróizaide. <sup>30</sup>Nai Jesús afe jófuego jofo jáíne. Marta ie baizájillanomo nai ite. <sup>31</sup>Jofo ite judíuai afengo íraidiaioi. Afengo náidacaillano, raire jino jáillana judíuai cíoilano, aféngodo jáidiaioi. Afémaci comeci facádiaioi, afengo raiafo dinomo éeiaide. <sup>32</sup>Ie mei María Jesús illánomo dúcide. Dúciano afémie eiba abimo caíñcico dújuillano daide:

—Ocuíraima, o níbai benó itíonia cue íio tííne, —daide.

<sup>33</sup>Jesús María éeiana, naa aféngodo bitino judíuari éeiana ciode. Cúano afémie iere zúureficaide. Ie comeci docaide. <sup>34</sup>Jira jicánote:

—¿Ninomo omoi raiga?

Jira daídíaioi:

—Ocuíraima, eróizaibi, —daídíaioi.

<sup>35</sup>Jesús eede. <sup>36</sup>Jira mei judíuai daídíaioi:

—¡Ero, nii afémiena izíruilla! —daídíaioi.

<sup>37</sup>Iadi afémacimona dámie daide:

—Bímie uina cíoiñedimiena meine cíotaraima. ¿Nai afémiemo íne riino Lázaro tíitañeillena? —daide.

*Lázaro tíillamona meine abido cáadimiena jaide*

<sup>38</sup>Jesús comeci meine iere docaide. Raiáfomo ánozide. Raiafo idu ana ifo. Ie jofo jáirano daa nofícina ibaica. <sup>39</sup>Jira Jesús daide:

—Nofíci oni ono, —daide.

Tíidimie miringo, Marta daide:

—Ocuíraima, jae íaire jallede. Ráiamona cuatro dígarui íteza, —daide.

<sup>40</sup>Jira Jesús daide:

—¿Nauí ona daíñedicue, o ínoiadi Juzíñamui ebírenafuena cíoitio? —daide.

<sup>41</sup>Iemona nofíci oni otíaioi. Ie mei Jesús monamo érocaillano daide:

—Moo Juzíñamui, iere figora cuemo cacárefiredio. <sup>42</sup>Onódicueza cuemo jaca cacáreidio. Mei íadi daí daidicue benó ite comini núeillena, daje izíi bimaci o cue óriana ínollena, —daide. <sup>43</sup>Daí dáina méifodo jíirite:

—¡Lázaro, dinómona jino bi! —daide.

<sup>44</sup>Tíidimie jino bite; ua onoi íadi diga ferínoraroido maíano jino bite. Uíeco ínroina ibaica diga bite. Jira Jesús íaioina daide:

—Zuita, zuitanona ie ore, —daide.

*Jesús llaitállena jáicina maméritiaioi*

*(Mt 26.1-5; Mr 14.1-2; Lc 22.1-2)*

<sup>45</sup>Afedo aillo judíuaimona Jesuna ínotiaioi. Afémaci, María ícoina bitino, Jesús finócafueña cíódimaci. <sup>46</sup>Mei íadi afémacimona dáamierie fariséuaimo úrizaide. Ua Jesús finócafuiái íaioimo llujáide. <sup>47</sup>Iemona fariséuai, lletáiraini illaini diga gairídiaioi naa caifóidillainiri. Daidíaioi:



—¿Nie izói ñéiticai? Bie iima aillo cíofinina onótalle raana finode. <sup>48</sup> Fia daií íena cai fáicanocaiadi nana íena ínoitiaioi. Iemona romano ríimaci cai gairíraco táinocaitaitaioi naa cai náirairi, —daiíaiioi.

<sup>49</sup> Dáamie íaioimona Caifás mámecredimie. Afémie afe fimónamo lletáriraini illaima. Afémie íaioina daide:

—Omoi minicana onóñediomoi. <sup>50</sup> Daa iima comíniri tíia baímo jamánomo ñuera, nana nairai tííñeillena. Afefue nai figo fidíñediomoi, —daide.

<sup>51</sup> Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana íllamona, Juzíñamui Joreño daináfuedo afemie daide: “Jesús judío náirairi tíizate.” <sup>52</sup> Ua dani afe náirairi tííñeite, mei íadi nana júdaizite Juzíñamui jítóniai dáanomo meine gairíllena tíizate. <sup>53</sup> Daií aféruimona judúuai ríimaci Jesús fállena maméritiaioi.

<sup>54</sup> Jira Jesús ja judúuai cígido uáfodo macáñede. Judea éniemona oni jaillano, táizici áinori ite jófuemo jáizade. Afe jofue mámece Efraín. Dinomo ie llófuegamaci diga fiévide.

<sup>55</sup> Judúuai pascua rafue áinozidemo aillo jofue comini Jerusalemo jáidiaioi, pascua uícomo comeci duáfuiái finóllena. <sup>56</sup> Jaillano Jesús jénuaidiaioi. Gairíracomo íaioi íllano conímamo jícanoidiaioi:

—¿O nie izói daiíio? ¿Afémie ráfuemo biite? ¿Ñibai bíñeite? —daiíaiioi.

<sup>57</sup> Fariséuai lletáriraini íllaini diga jae ocuúdiaioi: “Daa come Jesús íllánona onóiadi lloíri,” ie cai llaitálleza, —daiíaiioi.

## 12

Ringo Jesús jillaide

(Mt 26.6-13; Mr 14.3-9)

<sup>1</sup> Pascua uícomo seis dígarui ítemo, Jesús Betániamo jaide, Lázaro íllánomo. Lázaro ua tíidimacimona Jesús abido cáatagamie.

<sup>2</sup> Dinomo nauife güíllafue finódiaioi Jesumo ñuefuiaina nitállena. Marta güille raizífiredede. Güirábanimo ráicana Jesús diga güítino, Lázaro afémacimona dáamie.

<sup>3</sup> Iemo María litro átuedo zioji cáiredena fáíñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daií ñiano ífótiido zañéitade. Nana afeco ero zúena oruúbicaide. <sup>4</sup> Dinomo Judas Iscariote ráiide. (Judas Simón jító Jesús llófuegamacimona. Afémie Jesús éoidimacimo fécaitimie.) Afémie daide:

—¿Ñibái mei trescientos dígabe fidi bie cáirediji fécañega, duéredino cai canoi daií? —daide.

<sup>6</sup> Mei íadi duéredimaci izíruillamona daií daiíñede. Mei íadi afémie meríriraima. Nane íaioi úcubellu uícaifiredede. Aféllumo jóonega raana merífiredede. <sup>7</sup> Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote. <sup>8</sup> Duéredimaci jaca omoi diga ífiredede, mei íadi cue jaca omoi diga are íñeiticue, —daide.

Lázaro fállena maméritiaioi

<sup>9</sup> Aillo judúuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaron a cíoillena, tíidimacimona Jesús abido cáatagamiena jira. <sup>10</sup> Iemona lletáriraini íllaini Lázaro fállena mamédiaioi. <sup>11</sup> Ua Lázaro ícoiniadi aillo judúuai ílláicomínimona jírecaillano Jesuna ínotiaioi.

Jesús Jerusalemo ebire jofo jáíllafue

(Mt 21.1-11; Mr 11.1-11; Lc 19.28-40)

<sup>12</sup> Pascua ráfuemo aillo comini Jerusalemo jáidiaioi. Ie méidíruido Jesús jófuemo dúcizaillana fidídiaioi. <sup>13</sup> Amena rafóruai jaitada jino Jesús uáiduaidiaioi. Caillíicana daiíaiioi:

—¡Juzíñamuina ebífuena daiíri! ¡Juzíñamui mámeceido bitímie caimare comuiri! ¡Israel íllaima caimare comuiri! —daiíaiioi.

<sup>14</sup> Iemo Jesús burro baillano afe emódomo ráinade, jaiái Cuegáuái daina izói; be níuái:

<sup>15</sup> “Sión comini omoi jacíruiñeno.

Erocái, o Illaíma búrrodo ráicabite.”

<sup>16</sup> Nanómona ie llófuegamaci aféfuaiña cacáñediaíoi. Ie méifodo ebírenafue Moo íemo nitaca mei, ie tíillanomona meine abido cáatalliruimo, nana afémieri Cuegáuaimo úbicaidiaíoi. Daje izói íemo daíí finócafueмо úbicaidiaíoi.

<sup>17</sup> Lázaro jino raíáfomona uáiduaruido aillo comini Jesúoi ri ite. Ua Lázaro tíidimacimona abido cáanana cióðino afe íaíoi ciónafuena lluájidiaíoi. <sup>18</sup> Ie jira comini Jesuna caimare baizáidiaíoi, afe cíofinina ie finócafue íaíoi fidina jira. <sup>19</sup> Jira fariséuai dani daidiaíoi:

—Ja cióðiomoi, jaca nie izói íénide. Erocái, nana comini íedo jáidiaíoi, —daidiaíoi.

*Dáarie griego imaci Jesús jenódiaíoi*

<sup>20</sup> Rafue illa ðino acádoillena Jerusalemo bitímaci cígimo dáarie griego ímíai ite.

<sup>21</sup> Afémaci Felípemo áinozidiaíoi. (Felipe Galilea ímie; Betsaida jofue ímie.) Ainozillano íemo izire jicánotiaíoi:

—O onógamie Jesuna cióiacadicaí, —daide.

<sup>22</sup> Jira Felipe Andrena daízzaide. Iemo afe íaillinoí Jesumo lluájide. <sup>23</sup> Ie jira Jesús ie abina úrillano daide:

—Nanoidé Iima Jitomo ebírenafuena nitálliruimo ja dúcida. <sup>24</sup> Uáfueña ómoína dáaiticue, daa güiga raa ido éniemo riñenia, tíiñenia, jaca nai dáajina jóoide; mei íadi afeji ríllamona tíidena eroide zícuaмона aillo aite. <sup>25</sup> Daje izói dáamie ie cáaillinona dama íeiena rairuíadi, áfena féitaite, mei íadi dáamie ie cáaillinona bie éniemo jámairuadi, áfena zíñona cáaillinomo éenoite. <sup>26</sup> Dáamie cuemo jaináiacadimie cuedo jáirede. Cue illíñomo dáanomo cuena jaináidimie iite. Dáamie cuemo jaináia, cue Moo afémiemo ñúefuena nitaita, —daide.

*Jesús ie tíillifuena jino llote*

<sup>27</sup> Jesús nai úrillano daide: Birui cue comeci iere llícitaide. ¿Nie izói cue daíri? ¿Nibai bie izói dáaiticue: “Moo birui cuemo zuðifueмона cue jíllota”? Mei íadi cue afe jira biticue.

<sup>28</sup> Moo, o mámecimo ebírenafuena jóoneri, —daide.

Iemona monámona daa uai cácacaide. Daide:

—Afena jae ebire íficaitadicue. Iemo meine dáanomo ebire íficaitaiticue, —daide.

<sup>29</sup> Afénomø ite comini áfena cacáillano daidiaíoi:

—Mona gíría, —daidiaíoi.

Iemo jíaimaci:

—Juzíñamui abi ímie íemo úrite, —daidiaíoi.

<sup>30</sup> Mei jira Jesús daide:

—Afe uai cuemo cácañede. Omoimo cácacaide. <sup>31</sup> Ja biruimo bie énie comini jenoda facátalliaíoi. Jabe bie énie ocuídímie jino dotácana iite. <sup>32</sup> Enie acónimo titállena cue íaíoi raiñolle llezica, nana dama cuemo cue atille, —daide.

<sup>33</sup> Afe dánamona, ie tíilla izói onótate. <sup>34</sup> Jira comini uai otíaíoi:

—Cai ocuilla uai cuegánicodo caimo llófuega: “Cristo zíñona iite.” ¿Nie izói daidio: Nanoide íima Jitó titállena caifo raiñóbicaite? ¿Bu mei bie Nanoide íima Jitona? —daidiaíoi.

<sup>35</sup> Jira Jesús daide:

—Nai omoi cígiri egáíñotimiena izói nano íanori iticue. Bie cue egáíñuana ómoimo illa ðino, mai cue llua izói omoi macari, jíñiredino raire omoi éidafíñeillena. Jíñinodo macádimie ie jáillana onóñede. <sup>36</sup> Uzefomo íino, nai ómoimo illa ðino, egáíñogamacina daíí omoi jáillena, —daide.

Afueña daina méifodo, Jesús afémacimona retáirizaide.

*Judíuai Jesuna íinoñediaíoi*

<sup>37</sup> Jesús íaioimo eróicana díga cíofininafuiaina finode. Mei íadi íena íñoñediaioi. <sup>38</sup> Ua íñoñediaioi, jaiái uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue íñua?

¿Bumo Ocuíraima ie ríinona ácatate? daide.

<sup>39</sup> Daiítana jira íñonidiaioi. Ie emódomo jíáífodo Isaías cuete:

<sup>40</sup> Juzíñamui uina cíoiñedimacina íaioina finode.

Íaioi ífoci jáiaítate.

Daií finode uído cíóñeillena,  
daje izói ífócido óñoñeillena.

Jira cuemo bínidimaci, íaioi cue jíllotallena.

<sup>41</sup> Isaías aféfuíai lloite, mei afémie Jesús ebírenafuena cíódeza. Jira afémiedo úrite.

<sup>42</sup> Mei íadi aillo judíuaimona Jesuna íñotiaioi, ílláicomínimona jíái dáarie. Mei íadi uáfodo lloñediaioi, fariséuaina jacíruiillano gairíracomona jino íaioi óreñeillena. <sup>43</sup> Comíni ñúefuena íaioimo nítajana jamánomo gáidiaioi. Mei íadi Juzíñamui ñúefuena íaioimo nítajana jámairuitaioi.

*Jesús uailái comínimo riire jícanoite*

<sup>44</sup> Jesús aillo uaido daide:

—Cuená íñotimie, dama cuena íñoñede, mei íadi daje izói cue orédimiena íñote. Ua cue Moona íñote. <sup>45</sup> Cuená cíódímie daje izói cue orédimiena cíode. <sup>46</sup> Cue egáíñotímiedicue. Ana bie éniemo biticue, cuena íñotino jíñiredifomo fiébiñeillena.

<sup>47</sup> Dáamierie cue uaina cacádi íadi jeire ie óñeniadi, ie jícanoraímana íñeíticue. Cue bie énie comínina duere fínuaibíñedicue, mei íadi afémacina jíllotaibíticue. <sup>48</sup> Cuená jámairuitímie, cue uaina jeire óñédímie ja ie duere fínóitímie ite. Cue daina uailái íñairuillaido duere íena fínótaite. <sup>49</sup> Dama cue comeci izói úríñedicue. Moo Juzíñamui, cue orédímie cue dáinana llófuellena jae ocuide. <sup>50</sup> Moo cuemo ocuícáfue zíñona itátate. Afena onódicue. Jira mei, cue daina, jaca cue Moo cue ocuilla izói.

## 13

*Jesús ie llófuegamaci idai jocode*

<sup>1</sup> Jae pascua rafue uícodírui. Jesús bie éniena ie fiénocaillana, ie Moo dine jáillirui ánozillana fidide. Ieiena éniemo itínona izíruite. Ua jaca fáicanocaiñeno íaioina izíruite.

<sup>2-4</sup> Taife jae Judas Iscariote comécimo Jesús fecállena lloite. Judas Simón jíto. Afe llezica Jesús Juzíñamuimona bitímiena fidide. Daje izói Juzíñamuimo meine jáillana fidide. Juzíñamui nana ríinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúíñuano daa abi doraroi círaígímo maitade. <sup>5</sup> Ie mei jainoi icáífemo tótajano, ie llófuegamaci idai jócuaide. Daií ñiano, afe círaigí maitaca abi dorárido íaioi idai zafénaitade.

<sup>6</sup> Simón Pedro idai ie jócuaila llezica afémie Jesuna daide:

—Ocuíraima, ¿cue ídaina jócoítio?

<sup>7</sup> Jira Jesús uai ote:

—Birui cue fínócafueña onóñedio, mei íadi fui ónoítio, —daide.

<sup>8</sup> Mei ie jira Pedro daide:

—Jaca nínomo cue ídaina jócoñeítio, —daide.

Jira Jesús íena daide:

—Ona cue jocóñeniadi, cuemo jáinaiñeítio, —daide.

<sup>9</sup> Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ífo díga jocori, —daide.

<sup>10</sup> Jira Jesús daide:

—Como nóidímie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

<sup>11</sup> Iena fécaitimiena onona jira, Jesús jae daide “Nana dóñegaomoi.”

<sup>12</sup> Iaioi idai jócua méifodo, Jesús ie jinóidicuiro meine jitade. Güirábani abimo ráinaillanona daide:

—¿Omoimo cue finócafuena onódiomoi? <sup>13</sup> Omoi jae Llófueraimana, Ocuíraimana cue mamédiomoi. Daií ñue daidíomoi, ñíimiedicueza. <sup>14</sup> Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jitárede. <sup>15</sup> Jae ómoína finócafuena onótaticue, cue finua izói omoi finóllena. <sup>16</sup> Uáfueña dáaiticue: Táijitatimie baimo jaide jaiénicína iñede. Daje izói orédimie baimo jaide orécamiéna iñede. <sup>17</sup> Aféfuiai omoi onóadi, íemona afe izói ñiano, ióbificaitiomoi.

<sup>18</sup> Omoiri nana úriñedicue. Cue nizécamacína onódicue. Mei íadi Cuegáuai dáina ñue fuitállena jitárede. Cuegáuai daide: “Cue diga güitímie jae cue ícidote.” <sup>19</sup> Afefue uícomo ómoimo lloticue afe ificailiruimo Crístodicue cuemo omoi íinollena. <sup>20</sup> Uáfueña ómoína dáaiticue, cue orécamiéna líinotimie afe izói cuena líinote. Cuena líinotimie afe izói cue orédimiéna líinote, —daide.

*Jesús Judas ie fecállifue jino llote*

(Mt 26.20-25; Mr 14.17-21; Lc 22.21-23)

<sup>21</sup> Daií dáina méifodo, Jesús jamánomo comeci zúucaide. Uáfodo jino llote:

—Uáfueña ómoína dáaiticue, ómoimona dáamie cue fécaite, —daide.

<sup>22</sup> Ie jira llófuegamaci jáímamo eróricaidiaioi, onóñegaza budo úrite.

<sup>23</sup> Llófuegamacimona dáamie Jesús iere izíruigamie. Afe güilláruído Jesús abimo ráiide.

<sup>24</sup> Simón Pedro íemo onócaido llote:

—Mai Jesumo jícano, ¿budo úrite? —daide.

<sup>25</sup> Jira jofu áinozillano Jesumo jícanote:

—Ocuíraima, ¿bu llotio? —daide.

<sup>26</sup> Jira Jesús uai ote:

—Daa pánllicina cue riáitano afémiemo íiticue. Afe ñíimie, —daide.

Iemona pánllicina riáitano Judas Iscariote, Simón jitomo fecade. <sup>27</sup> Afe pan Judas líinuamona, Taife ie comécimo jofu jaide. Mei jira Jesús daide:

—O finóllifueña raire fino, —daide.

<sup>28</sup> Júdasna daií daináfueña güirábanimo güitínomona buna aféfuéna onóñena.

<sup>29</sup> Ucubellu Judas uícaiga jira dáamierie comeci facádiaioi: Jesús daífacade ráfuemo jitailla raana íbajitade. Jáímaci comeci facádiaioi, ñibai duéredino úcube afémié íllena.

<sup>30</sup> Afe pan güilla méifomo Judas jino jaide. Ja ñaiona.

*Comue ocuállafue*

<sup>31</sup> Judas jino jailla méifomo, Jesús daide:

—Jabe Nanoide íima Jitó ebírenafue ácatalle. Afe dainámiedicue. Íemo jáí jabe Juzínamui ebírenafue iedo ácatalle. <sup>32</sup> Nanoide íima Jitó Juzínamui ebírenafue ácataiadi, íbana ie Jitó ebírenafue Juzínamui ácataite. Afena raire íñoite.

<sup>33</sup> Cue izíruigamací, omoi diga ja are íñeíticue. Cuena jénoitíomoi. Mei íadi nauí judíuaina cue dáina izói birui ómoína dáaiticue: cue jáíllínomo jáinidíomoi. <sup>34</sup> Bie comue ocuácafue ómoimo lloticue: conímana omoi izíruiri. Cue omoi izíruilla izói afe izói conímana omoi izíruillana jitárede. <sup>35</sup> Nana conímana omoi izíruia, nana comini cue llófuegamacidiomoi fídiitíai, —daide.

*Pedro Jesuna jáanollifue Jesús uícomo llote*

(Mt 26.31-35; Mr 14.27-31; Lc 22.31-34)

<sup>36</sup> Ie mei Simón Pedro Jesuna jícanote:

—Ocuíraima, ¿niné jáidí? —daide.

Jira Jesús uai ote:

—Cue jáíllínomo birui bínidí; mei íadi méifoidiruido cuedo bítio, —daide.

<sup>37</sup> Mei ie jira Pedro daide:

—Ocuíraima, ¿nibái mei birui odo bínidicue? Ja finóbidicue o diga cue tíllena, —daide.

<sup>38</sup>Jira Jesús uai ote:

—¿Uáfueña meita finóbidio cue diga o tíllena? Uáfueña ona dáiticue: nai átava úríñeniadi, dacaiñoámami cuena jáanoitio, —daide.

## 14

*Jesús, Moo Juzíñamuimo jaira io*

<sup>1</sup>Omoi comeci zúucañiño. Juzíñamuimo ñno; daje izói cuemo ñno. <sup>2</sup>Cue Moo jofomo aillo illánuiái ite. Bifue táinofue íadi, raire ómoimo llóiticue; íadi jaca uafue. Mei jira omoi illino finuaidicue. <sup>3</sup>Omoi illino cue finuaila mei, abido ómoína uábiticue, cue illinomo daánomo omoi íllena. <sup>4</sup>Cue jáillinona onódiomoi afe io diga, —daide.

<sup>5</sup>Jira Tomás daide:

—Ocuíraima, o jáillinona onóñedicaí. ¿Nie izói afe iona ónoiticaí? —daide.

<sup>6</sup>Jira Jesús uai ote:

—Cue iódicue. Cue uáfuedicue. Daje izói cue cáatatinodicue. Ie jira daa cuedo Moo illánomo dúcirediomoi. <sup>7</sup>Cuena omoi onódiadi, daje izói cue Moona ónoitiomoi. Ja biruimo íena onódiomoi. Ja íena ciódiomoiza, —daide.

<sup>8</sup>Jira Felipe daide:

—Ocuíraima, Moo Juzíñamui caimo cíota. Afedo figo baite, —daide.

<sup>9</sup>Jira Jesús uai ote:

—Felipe, ja are omoi diga iticue, ¿nai cuena onóñedio? Cuena ciódimie daje izói cue Moona ja ciode. ¿Nibái mei Moona cíotalle cuemo jicádio? <sup>10</sup>¿Moomo cue íllana nai ñnoñedio? ¿Daje izói cue Moo cuemo íllana ñnoñedio? Nana cue daínáfuiái dama cue comeci izói daíñnedicue. Cuemo ite Moo dama ie táijina finode. <sup>11</sup>Cue Moomo cue íllana ñno; afe izói Moo cuemo íllana ñno. Ménailínoi daánomo itícocoza. Daíí omoi ñnoiácañena cue finócafueña ñno. <sup>12</sup>Uáfueña dáiticue: cuena ínotimie cue finócafue izói finoite. Nane afe baímo aillo jáífue finoite, cue Moo illánomo cue jailla jira. <sup>13</sup>Nana omoi cue mámeçido jicaca raa finoiticue, Moo ebírenafue ie Jitó ácatallena. <sup>14</sup>Naga cue mámeçido jicalle raana finoiticue, —daide.

*Jesús Ñuera Joreño oréllena uafue lloite*

<sup>15</sup>Cuena omoi izíruiá, mai cue ocuífueña cacáfireiri. <sup>16</sup>Iemo omoi canóraima, omoi firaraíma jícaiticue. Moo ómoimo íena oréllena íemo izire jícaiticue. Bítimie uafue Joreño. Afe Ñuera Joreño jícaiticue omoi diga ñnomo íllena. <sup>17</sup>Enie imaci íena llínonidiaioi, afémiéna ciónidímaci jira; daje izói afémiémoma onóñedímaci jira. Mei íadi íena ja onódiomoi, omoi diga illa jira. Ua uire jaca ómoiri dájena íte. <sup>18</sup>Omoína zófeñeíticue. Abido bíticue omoi diga íllena. <sup>19</sup>Nano nígarui íanori íllamona comini ja cuena cíoneítiaioi, mei íadi cuena cíoitomoi. Afe jira omoi cáaitiomoi, cue caana jira. <sup>20</sup>Aféruido cue Moomo cue íllana ónoitiomoi. Daje izói cuemo omoi íllana ónoitiomoi; daje izói ómoimo cue íllana ónoitiomoi. <sup>21</sup>Cue uaina onódimie, íemo jíái afe uaina jeire otímie uáfueña cuena izíruiállana cíotate. Jira cuena izírúitímie cue Moo daje izói izírúite. Cue daje izói íena izírúiticue; ie mei afémiémo cuena cíotaiticue, —daide.

<sup>22</sup>Iemo Judas (íadi Iscarióteñedímie) íena daide:

—Ocuíraima, ¿nibái énie comínimo ácatañeno, dani caimo o abina ácataitio? —daide.

<sup>23</sup>Jira Jesús uai ote:

—Cuena izírúitímie cue daínafue jeire ote, ie jira cue Moo íena izírúite. Afe llezica cue Moo cue diga bíticoco afémié diga íllena. <sup>24</sup>Cuena izírúíñedímie cue daínafue jeire oñede. Omoi cacana úrillafue dama cüeieñede. Afefue Moo Juzíñamui, cue orédímie ífue. <sup>25</sup>Omoiri cue illa dño aféfuiaína ómoimo llóiticue. <sup>26</sup>Mei íadi Moo cue mámeçido Ñuera Joreño óreite, ómoína canóllena, ómoína firallena. Nágafuíaína omoi llófueite. Nana ómoína cue daínana úbicaítaite.

<sup>27</sup> Comeci caimare uái illifue ómoimo fiédicue cue jailla jira. Cue comeci caimare uái illifue ómoimo iticue, mei íadi énie comini comeci illifue izóiñede. Omoi comeci zúucañeno. Jacíruñeno. <sup>28</sup> Jáitícue, cue dáiñana cacádiomoiza. Daje izói meine bíitícue ómoiri cue íllena. Uáfueña omoi cuena izíruia, cue Moomo cue jáillifue omoi fidínamona cáimacaitiomoí, mei afémie cue baimo illa jira. <sup>29</sup> Jira áfena uícodo ómoimo llotícue, afefue fínaruimo omoi íñollena.

<sup>30</sup> Omoiri ja aillo úriñeíticue, bie éniemo ocuídímie ja billa jira. <sup>31</sup> Mei íadi afémie cuena ocuínide. Daíí írede, énie comini Moona cue izíruillana íaíoi onóíllena. Daje izói Moo cue ocuilla raana cue fínuaña ónoítiaíoi. Mai náidacai. Benómona cai jáilleza, —daide.

## 15

‘Vid’ dáina jíricono izoide rao ícairuái rafue

<sup>1</sup> Afe mei nane Jesús úrite; daide:

—Uafue ‘vid’ dáina jírícue llizítate rao izóidícue. Cue Moo afe rao úiñotímie.

<sup>2</sup> Lizíacañede rao ícairo jaitade. Nana llizíacade ícairo ie icoi jáicoide, áfemona jamánomo llizíllena. <sup>3</sup> Omoi cue llófuiafuedo jae ñue dóficaidiomoí. <sup>4</sup> Mai cuemo dáonomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáonomo omoi jaináñenia, ñúefuíai omoi comécimona comúitanidiomoí. <sup>5</sup> ‘Vid’ dáina jírícue llizítate rao izóidícue; afe rao zítaca ícairuái izóidiomoí. Cuemo dáonomo jaináidímie, íemo dáonomo cue jainaila llezica, ua jamánomo aite. Mei íadi cue íñédicúenia mímícana fínónidiomoí. <sup>6</sup> Cuemo jaináñedímie jino faille. Fáiamona zafénaite, rao rábiai izói. Afémacina iraida iraimo jobaica.

<sup>7</sup> Cuemo ñue omoi jaináíadi, daje izói cue llogáfueña omoi féitañenia, o jitaiga raana jícari. Iemona áfena ómoimo ítícueza. <sup>8</sup> Aillo llizilla izoide ñúefue omoi finóadi, cue Moomo ñúefueña nítaíto. Afedo cue uáfueña llófuegamacina omoi íllana ácataitiomoí. <sup>9</sup> Cue Moo cuena izíruilla izói, afe izói ómoína izíruitícue. Ómoína cue izíruitícueza; áfedo dínomo omoi jairi. <sup>10</sup> Cue ocuífufuina jeire omoi óíadi, daíí cuedo izíruillíomoí. Daje izói cue Moo ocuífufuina jeire otícue. Iemona afémiedo izíruigacue.

<sup>11</sup> Cue daíí úritícue cue dibénedo caimare omoi íllena. Daíí íobíllafueña orúbicaitiomoí.

<sup>12</sup> Bie cue ocuífufue: Ómoína cue izíruilla izói naga come ie conímána izírui. <sup>13</sup> Dámie jamánomo izíruillafuedo ie abi ie nabáññaímo fecárede. Afe baimo iere izíruillafue íñede.

<sup>14</sup> Cue ocuífufue omoi finóadi cue nabáññaíadiomoí. <sup>15</sup> Ja jaiénicina ómoína mámeñeítícue, jaiénici ie ocuídímie fínuañena ónoñena jira. Cue nabáññaína ómoína mamédícue, nana cue Moo cuena daínáfuíai omoi cue onota jira. <sup>16</sup> Omoi cuena nizéñediomoí, mei íadi cue nizécamacídiomoí. Iemona ómoína ocuídícue, aillo llízíe izoide ñúefuíaina omoi finóllena. Afe llízíe are íllana ocuídícue. Ie jira daíí nana cue mámedído omoi jícaca raana cue Moo ómoimo fécaite. <sup>17</sup> Jira bifue ómoína cue ocuíllafue: Naga come ie conímána izírui, —daide.

Enie comini Jesuna éoide ie comini diga

Jesús nai úrillano daide:

<sup>18</sup> —Enie comini ómoína éoiadi, nano fueñe cuena íaíoi éoíllamo omoi uíbicaíri. <sup>19</sup> Enie comínina omoi íadi, afémaci íaíoi comínina izíruilla izói ómoína izíruitiaíoi. Mei íadi énie imácimona ómoína nizédícue. Ie jira énie imaci ómoína éoidiaíoi, éniemo íaíoi jainaina jira. <sup>20</sup> Ómoína cue daínáfueño uíbicaíri: “Ñie jaiénici ocuídímie baimo íñede.” Cue duere fínóllena íaíoi racaíadi, daje izói ómoína rácaítiaíoi. Cue llófueinañena jeire íaíoi óíadi, ómoína jeire óítiaíoi. <sup>21</sup> Nana aféfúiaí cue ícoínia ómoimo fínóítiaíoi, cue orédímiena ónoñena jira.

<sup>22</sup> Íaíoimo úriñeíticúenia íaíoi ícoínia íñede. Mei íadi biruí íaíoi fíénidífue ícoínia jae ite. <sup>23</sup> Cuena éoidímie daje izói cue Moona éoide. <sup>24</sup> Jaca bu jáámie íaíoi cigiri cue fínua izói finóñede; mei íadi afe jáámie finóñide raana ja íaíoi cigiri finódícue. Ie jira íaíoi

ícoina íteza. Mei uáfuea aféfuaiaina ja cíodiaioi. Mei íadi afe emódomo cuena éoidiaioi. Afe izói cue Moona éoidiaioi. <sup>25</sup> Afefue daí jaide, íaioi cuega ocuífufuiai uai fuitállena. Afe Cuegáuai daide: “Nífueninanomona cuena éoidiaioi.”

<sup>26</sup> Mei íadi Móomona cue oréllimie, afe Ñuera Joreño bíadi, cueri úrite. Afe llezica ómoína cánuano náirecaitaite. <sup>27</sup> Omoi daje izói cueri úritiomoi, nanómona cue diga omoi illa jira.

## 16

<sup>1</sup> Aféfuiai ómoimo lloticue, fiénidifuemo omoi báiiñellena. <sup>2</sup> Juzíñamui uai llófuerira-comona ómoína jino dótaitaioi. Ua uire jamánomo fieni illíruimo dúcite. Aféruillaído ómoína fáitimaci, “Ómoína fallífuedo Juzíñamui tájijnana fínoiticaí” daí daina ínoitiaoí.

<sup>3</sup> Aféfuaiaina fínoitiaoí Moona jaca ninomo onóñena jira, daje izói cuena onóñena jira. <sup>4</sup> Afena ómoína dáitícue, aféruillai dúcillemo, cue daínáfueo omoi uíbicaillena, —daide Jesús.

*Ñuera Joreño fínóllifui*

Jesús nai úrillano daide:

—Aféfuena nanómona ómoimo lloñédicue, omoi diga cue illa jira. <sup>5</sup> Mei íadi biruímona cue orédimie dínomo jáitícue. Omoimona buna cue jáillnona jicánoñediomoi. <sup>6</sup> Mei íadi bie cue ómoína daínáfueri iere zúucaidiomoi. <sup>7</sup> Íadi uáfuea dáitícue: cue jaille ómoimona iere ñuera. Cue jáiñenia, ómoína canoda fíraraima bíñeite omoi diga íllena. Mei íadi cue jaía íena óreitícue. <sup>8</sup> Ie billíruido éniemo itino íaioí fiénidifuiaina uáfuea onótaitaite. Daje izói dama daa jáicina ñúefuedo cai jáillnona onótaitaite. Daje izói Juzíñamui íaioína duere fínóllena onótaitaite. <sup>9</sup> Afémaci fiénidifuiairedimaci, cuena íñoñena jira. <sup>10</sup> Afe jáicina jáillnona ónoitiaoí, Moo illánomo cue jailla jira. Afe cue jailla mei cuena cíñoñeitiomoi. <sup>11</sup> Juzíñamui facátallífuea ónoitiaoí, bie éniemo ocuídime jae duere fínóbilla jira.

<sup>12</sup> Cue ómoimo llollífuiái nai aillo ite; mei íadi nai onónidiomoi, náinidiomoi. <sup>13</sup> Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuiaina ómoína onótaitaite. <sup>14</sup> Cúeiemona llínuano ómoína onótaitaite; onótamona ñúefuea cuemo nítaite. <sup>15</sup> Nana Moomo ite raa daje izói cueie. Ie jira dáitícue: Ñuera Joreño cúeiemona llínoite, áfedo aféfuena ómoína onótaitaite.

*Zúurenafue cáimafuena méidolle*

<sup>16</sup> Nano íanori íllemona cuena cíñoñeitiomoi. Mei íadi jabo bai diga iruillai íllamona, nane meine cuena cíoitomoi, mei cue Moo illa dñe cue jáillaza, —daide.

<sup>17</sup> Iemona ie llófuegamacimona dáarie jofo conímamo jicánote:

—¿Afe nie izói daínáuai? Caina daide nano nie dño íllamona íena cíñoñeiticai. Ie mei nane caina daide, báifenemo diga iruí íllemona meine íena cíoiticaí, mei ie Moo illánomo ie jáillaza. <sup>18</sup> ¿Nie izói aféuai daide: “Nie dño íllamona?” Afémie nífuedo úriteza onóñedicai, —daííaoí.

<sup>19</sup> Jesús íaioí íemo jicánoiacagafuena onóillano daide:

—Cue daidícue níé dño íllemona cuena cíñoñeitiomoi. Nane ie baimo diga iruí íllemona meine cuena cíoitomoi. ¿Afefue conímamo jicánotiomoi? <sup>20</sup> Uáfuea dáitícue: omoi éeitiomoi. Zuure ítíomoi; mei afe llezica énie comini caimare ítiaioí. Mei íadi omoi zúunaillafue cáimafuena méidoficaitaite. <sup>21</sup> Ríngo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo ubicaíñede, úrue éniemo jocóinari ie ióbilla jira. <sup>22</sup> Daí birui omoi izire zúucaitiomoi. Mei íadi ómoimo cíozaiñitícue. Iemona omoi coméciai cáimafuena óruite. Afe cáimafuiai bu ómoimona báiroñeite.

<sup>23</sup> Aféruído minícana cuemo jícanoñeitiomoi. Uáfueña ómoína dáitícue, nana cue mámeçido omoi jicaca raa, cue Moo ómoimo fécaite. <sup>24</sup> Biruimo cue mámeçido minícana nai jicáñediomoi. Mai jica omoi llínollena, áferi comeci cámafueña orubicaillena.

*Jesucristo, Juziñamuina éoidinona anáfenodimie*

<sup>25</sup> Bífuiái aillo daje izóidifuiáido ómoimo llotícue, mei íadi daruina daje izóidifuiáido ómoimo úriñeiticue. Aféruimo ja ánozide. Aféruído uáfodo Moodo ómoimo úritícue.

<sup>26</sup> Aféruilláido omoi cue mámeçido jícaitiomoi. Moomo ómoiri izire cue jicállena daiñeðícue, <sup>27</sup> mei dama Moo ómoína izíruilla jira. Iemo jíái cuena omoi izíruilla jira, ómoína izíruite. Moo ðinena cue bíllana omoi ínnua jira, afémie ómoína izíruite. <sup>28</sup> Moo illánomona bíllano bie éniemo bitícue. Birui énie fiénocaillano meine Moo ðiné abido jáitícue, —daide.

<sup>29</sup> Jira ie llófuegamaci daide:

—Ja birui daje izóidíuáido daiñeno, jino uáfodo úritio. <sup>30</sup> Birui naga rafue o onóigana onóðicai. Ja jíáimie omo llúana jitáñede. Mei jira Juziñamuimona o bíllana ínoticai, —daidíai.

<sup>31</sup> Jira Jesús uai ote:

—¿Birui cuemo ja daií ínotiomoi? <sup>32</sup> Omoi enénorie júdaizilliruimo ánozide. Ja birui aferui. Omoimona nágamie oni eneno júdaizite. Dama cuena fiénocaitiomoi. Mei íadi damáñeðícue, cue Moo cue diga illa jira. <sup>33</sup> Nana bífuiái ómoimo llóitícue, cuemo ínuano omoi comeci uái íllena. Afe bie éniemo duere zéfuitiomoi. Mei íadi, jabí omoi mameri! Ja Juziñamuina éoidinona anáfenodimieðicueza, —daide.

## 17

*Jesús ie llófuegamaciri Juziñamuimo jicade*

<sup>1</sup> Aféfuíái ðaina méifomo, Jesús caifo monamo érocaillano daide:

—Moo, cue írairuimo ja dúçide. O Jitomo ñúefueña nitari, afe izóí o Jitó omo ñúefueña nitaiteza. <sup>2</sup> Aillo ríino o Jitomo jae o iga, nana comini náamatallena; daje izóí nana cuemo igámácimo zíñona cáállinona íaioimo cue íllena. <sup>3</sup> Zíñona cáállino comini ona íaioi onónamona llínotiaioi. O dama uafue Juziñamuíðio. Daje izóí zíñona cáállino, o orécámie Jesucristo íena onónamona llínotiaioi.

<sup>4</sup> Bie éniemo cue illa llezica ebírenafue jae omo nitáðicue. Cuemo o ocuícáfue jae fuitáðicue. <sup>5</sup> Moo, nauti o diga cue illáruimo cue ebírenafue ðájena birui o uçori meine cuemo ine. Afe ebírenafue nai énie íñena llezica nauti cuemo ite.

<sup>6</sup> Enie imácimona ðoce ðígamie otio cuemo íllena. Afémácina búðioza jae onótaticue. Afémaci óie. Cuemo o igano. O úrilla uaina ínotiaioi. <sup>7</sup> O nana cuemo igáfuíái ómona bitífuíaina onóðiaioi. <sup>8</sup> Jira o cuemo iga úrilla uai bimácimo llotícue. Aféfuena jeire otíai.

<sup>9</sup> Afe cuemo o igámáciri izire jicáðicue. Enie imáciri izire jicáñeðícue. Dama cuemo o igámáciri izire jicáðicue, ómacina jira. <sup>10</sup> Nana cueie óie diga. Afe íbana nana óie cueie. Afémácimona cue ebírenano ácatafícaide.

<sup>11</sup> Cue ja éniemo fiébiñeiticue; mei íadi afémaci afe éniemo fiébitiaioi. Cue o diga íllena jáitícue. Jamánomo ñuera Moo, cuemo o igano o ríinodo uñori, nana ðájena cuemo ñue jaináíllena, omo cue jainaina izóí. <sup>12</sup> Bie éniemo afémaciri cue illa llezica, o ríinodo íaioina úiñoidicue. Íaioi abi ríiðotícue. Íaioimona buna féiraiñede. Mei íadi ðámie jaca féiraitimie, Cuegáuai fuitállena. Afémie nanómona féiraitimie.

<sup>13</sup> Jabe o illánomo jáitícue. Mei íadi nai éniemo cue illa ðino aféfuíaina llóllodícue, cuemo ite íóbíllafue afe izóí afémaci ñue íóbicaillena. <sup>14</sup> O úrilla uai íaioimo itícue, mei íadi énie imaci íaioina éoidiaioi, énie imácíñena jira. Daje izóí cue jíái énie ímieñeðícue. <sup>15</sup> Eniemona íaioi o óllena jicáñeðícue, mei íadi Taifémona íaioi ríiðollena jicáðicue. <sup>16</sup> Enie ímieñeðícue; afe izóí énie imácíñeðiaioi. <sup>17</sup> Íaioina uáfuedo dama óiena rairuiri. O úrilla uai uafue. <sup>18</sup> Enie



imaci cígimo cue o ória izói, daje izói énie imaci cígimo íaioina orédicue. <sup>19</sup> Afémaci ícoinia cue dama abi rairuúdicue. Daií finódicue, uafue uaido afémaci daje izói íaioi rairuúllena.

<sup>20</sup> Daa afémacimo omo izire jicáñedicueza, mei íadi bimaci úrilla uaina cacáillano cuemo íinotinozire izire jicádicue. <sup>21</sup> Nana afémaci dájena jaináillena omo jicádicue. Ua Moo, afémaci dájena cócomo jaináillena jicádicue. Uáfueña o cuemo itio, nane uáfueña cue omo iticue. Afe izói íaioi cócomo íllena jicádicue. Afémaci dájena jainaille jitáirede, énie comini cue o óriana íinollena. <sup>22</sup> Cuemo o iga ebíredifue izói, afémacimo jae cue iga, dájena íaioi íllena, o díga dájena cue illa izói. <sup>23</sup> Afémacimo cue íllena jicádicue, nane o cuemo íllena jicádicue, nana afémaci dájena íficaillena. Daií íaioi íllena jitáirede, énie comini cue o óriana fidíillena. Nane áfedo énie comini cuena o izíruilla izói, bimácina o izíruillana ónoítiaioi.

<sup>24</sup> Moo, bimaci cuemo itio. Cue illínomo cúeoiri íaioi íllena jitáidicue, cuemo o iga ebíredifueña íaioi cíoillena. Nai énie fínoñenia ucomo cuena izíruitio. <sup>25</sup> Moo, jaícina ñue jóonetímiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi. <sup>26</sup> Búdio, jae íaioina onótaticue; íemo nai onótaoicaiticue, o cuena izíruilla íaioi comécimo fiébillena; daje izói cue dama afémacimo fiébillena, —daide.

## 18

*Jesús maiano úinafue*

(Mt 26.47-56; Mr 14.43-50; Lc 22.47-53)

<sup>1</sup> Aféfuiaí daína meífodo, Jesús ie llófuegamaci díga jino jaillano Cedrón illétue ruica jáidiaioi. Dinomo ite ocózinairabirimo jofu jáidiaioi. <sup>2</sup> Judas afébirina onode, Jesús ie llófuegamaciri, díga icaño afénomo gáirifireña jira. <sup>3</sup> Jira dinomo Judas fuiriraini díga dúcide. Afe llezica dáarie gairiraco llaiziraini Judas jicacamaci bitáioi. Afémaci fariséuaimona lletáriraini illáinimona orea. Lloéfaillai díga jacire abi mamédiaioi. Unéraruairi bitáioi, daje izói lámparaiairi. <sup>4</sup> Mei íadi Jesús afémiemo fínuailífueña onóillano, jino billano íaioimo jicánote:

—¿Bu jenódiomoi? —daide.

<sup>5</sup> Jira afémaci uai ote:

—Jesús, Nazaret ímie jenódicai, —daidíai.

Jesús uai ote:

—Níimiedicue, —daide.

Afe llezica éoidimacimo fecádimie, Judas dinomo afémaciri ite. <sup>6</sup> Jesús “Níimiedicue” daína llezica, jinófecaiñona éniemo baíidiaioi. <sup>7</sup> Te mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíai.

<sup>8</sup> Mei jira Jesús daide:

—Jae níimiedicue daidicue. Cue omoi jenóadi, bie jíaimaci fáicanocai íaioi jáilleza, —daide.

<sup>9</sup> Afe daií daide Jesús dama ie daínafue fuitállena. Afe daínafue llote: “Cue Moo cuemo igámacimona buna dáamie féiraiñede.” <sup>10</sup> Iemo Simón Pédro mo daa lloefai ite. Otá Malco daínámie jefo nabefo ñetade. Malco lletáriraini illaíma jaiénici. <sup>11</sup> Jira Jesús Pédróna daide:

—O lloefai ie icomo abido meine joone. ¿Cue Moo cue duere zefuítajana llínoñeíticueza, daií o comeci facádio? —daide.

*Lletáriraini illaíma ucomo Jesús uitíai*

(Mt 26.57-58; Mr 14.53-54; Lc 22.54)

<sup>12</sup> Te mei fuiriraini íaioi ocuíraíma díga Jesuna llaítadiaioi. Nana bimaci judíuái llaiziraini díga Jesús maiano oni uitíai. <sup>13</sup> Te meífomo Anás jofomo íena uitíai. Anás Caifás jífai. Afe fimona llezica Caifás lletáriraini caifóidillaíma. <sup>14</sup> Bie Caifás nauí judíuaina bie izói daidímie: “Daa come nana cai nairai ícoinia tíllena cai baímo ñue jaide.”

*Pedro Jesuna jáanote*

(Mt 26.69-70; Mr 14.66-68; Lc 22.55-57)

<sup>15</sup> Simón Pedro jáie llófuegamie diga nai Jesudo jaide. Jáie llófuegamie lletáriraini caifóidillaíma onóigamie. Jira caifóidillaíma jofo ibírímo afémie jofo jaide Jesús diga. <sup>16</sup> Mei íadi Pedro jino naze fuemo fiébricaide. Ie jira lletáriraini caifóidillaíma onoiga llófuegamie jino jaillano, naze úiñoraímamo jicánuaide Pedro jofo oréllena. <sup>17</sup> Iemo naze úiñoraíma Pédro mo jicánote:

—¿O báimie llófuegamieñedio? —daide.

Pedro uai ote:

—Jii, cúeñede, —daide.

<sup>18</sup> Aféruido rozírena jira, jáienizai llaizáraini diga irai bonódiaioi. Dínomo naidáillano irai fuemo agáidiaioi.

*Lletáriraini caifóidillaíma Jesumo izire jicánote*

(Mt 26.59-66; Mr 14.55-64; Lc 22.66-71)

<sup>19</sup> Lletáriraini caifóidillaíma Jesumo jicánuaillano daide:

—¿Nímaci o llófuegamacina? ¿Nífuiaína llófuetio?

<sup>20</sup> Jira Jesús daide:

—Cue nana comini uícomo uáfodo úriticue. Juzíñamui uai llófueriracuaimo jaca llófuefiredicue. Daje izói Juzíñamuimo gairíracomo llófuefiredicue. Jaca afénomo judíuai gairífrediaioi. Daí báníno nífuena lloñédicue. <sup>21</sup> ¿Níbái mei cuemo jicánotiemoi? Cue uaimo cacádinomo jícano. Afémacimo cue dánnana jícano. Cue íaioína dánnana onóidiaioiza, —daide.

<sup>22</sup> Jesús daí daina llezica, daa dino ite gairíraco llaizáriraima Jesús uieco pútanona daide:

—¿Níbái daí lletáriraini caifóidillaíma uai otio? —daide.

<sup>23</sup> Jira Jesús uai ote:

—Fiénidífue cue lloía, afena cuemo llone; mei íadi cue dáina uai ñuera íadi, ¿nibái mei cuena putádio? —daide.

<sup>24</sup> Iemona Anás Caifamo íena maitá orede. Caifás lletáriraini caifóidillaíma.

*Pedro nane dáanomo Jesús jáanote*

(Mt 26.71-75; Mr 14.69-72; Lc 22.58-62)

<sup>25</sup> Due jiza bai jáidemo, Pedro nai náidallano irai fuemo agaide. Afénomo itino íena daidiaioi:

—¿O báimie llófuegamaci iéñedio? —daide.

Pedro jáanuano daide:

—Jii, iéñedicue, —daide.

<sup>26</sup> Dínomo Pedro jefona jaitácami come ite. Afémie jáie lletáriraini illaíma jáiénci. Afe iima Pédro mo jicánote:

—¿Báimie diga dínomo ocózinairabirimo ona cíóñedicue? —daide.

<sup>27</sup> Pedro dáanomo nane jáanote. Afe llezica átava úrite.

*Jesús Pilato uícomo uíga*

(Mt 27.1-2, 11-14; Mr 15.1-5; Lc 23.1-5)

<sup>28</sup> Iemona Caifás jofómoma oni romano jabóidillaíma áillocomo Jesuna uitíai. Ja monáiacademo. Judíuai jofo afécomo jáiñediaioi, íaioi íaicaíñellena. Mei íaicaigamaci páscuamo güilláfua gúinidiaioi. <sup>29</sup> Ie jira Pilato jino íaioímo úrizallano daide:

—¿Mínica ícoína bímiemo nitádiemoi? —daide.

<sup>30</sup> Jira afémaci uai otíai:

—Afémie fiénidímiñedena omo izájiñedicai, —daidiaioi.

<sup>31</sup> Jira Pilato daide:

—Íena omoi úi. Omoi ocuífue izói afémie omoi riire jicánori, —daide.

Judíuai ie uai otíai:

—Cai judíuaidicai, dani buna titánidicai, —daidiaioi.

<sup>32</sup> Daíí Jesús ie tíizaillinona daina izóidiuai fuitade. <sup>33</sup> Pilato áillocomo jofo meine jaide. Jaillano Jesús jíirillano jicánote:

—¿O nii judúuai illáimana? —daide.

<sup>34</sup> Jira Jesús daide:

—¿Afeue dama o comeci jítaina izói jicánotio? ¿Níbai jíáimaci cueri ona daina jicánotio? —daide.

<sup>35</sup> Jira Pilato úrite:

—¿Cuená judío daidio? O náiraímona lletáiraíni illáini cuemo ona fecádiaioi. ¿Minica ñetio? —daide.

<sup>36</sup> Jira Jesús uai ote:

—Cue illáimana illano bie énie íeñede. Daíí ítenia cuedo jáicadino nia fuirídiaoí, cuena judúuaimo fécañeillena. Mei íadi cue illáimana illano benó íeñede, —daide.

<sup>37</sup> Jira Pilato daide:

—¿Jíi, o daíí illáimadio? —daide.

Jira Jesús uai ote:

—Illáimadicue, o daina izói. Cue, bie éniemo jéiciaibigacue uafue uai llóllena. Nana uáfueмо cacáfiredino, cue daínana cacádiaioi, —daide.

<sup>38</sup> Jira Pilato jicánote:

—¿Minica uafue uaina? —daide.

*Jesús tíillinomo maméritiaoí*

*(Mt 27.15-31; Mr 15.6-20; Lc 23.13-25)*

Afe jicánua meífodo, Pilato meine jino judúuaimo jaillano úrizaide. Iaioina daide:

—Jaca nífuena bie ímamo baiñédicue. <sup>39</sup> Mei íadi ómoimo cue ínofiregafue ite. Naga pascua ráfueмо ómoiri daa maigámie zútafiredicue; mei jira ¿judúuai illáimana ómoiri cue zuitállena jítáidiomoi? —daide.

<sup>40</sup> Iemona nana meine caillíoidiaoí:

—¡Afémiena zuitáñeno iri! ¡Barrabás zuitari! —daidíaoi. Afe Barrabás meríriraíma.

## 19

<sup>1</sup> Ie mei Pilato Jesús llíinuano zechétatade. <sup>2</sup> Iemo fuiríraíni ifo icuífoi eegi nínacuifoi Jesumo jítádiaioi. Afe llezica ráífide illaíma iníroina íemo jítádiaioi. <sup>3</sup> Daíí ñiano íemo ánozillano, báíñuano daidíaoi:

—¡Judúuai illaíma, are ii! —daidíaoi.

Iemona ie uíeco fácoidiaioi.

<sup>4</sup> Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

<sup>5</sup> Jesús eegi icuífoi ifomo jíinari jino bite. Ráífide illaíma iníroina jítaca naari jino bite. Jira Pilato daide:

—¡Benó afe íima ite! —daide.

<sup>6</sup> Afémie cióillano, lletáiraíni illáini, llaizíraíni diga caillíoidiaoí:

—¡Ie corai! ¡Ie corai! —daidíaoi.

Iemo Pilato daide:

—Mai íena uillánona omoi corai, mei íadi afémiemo íénidífueña baiñédicueza, —daide.

<sup>7</sup> Mei ie jira judúuai uai otíaoi:

—Caimo ite daa ocuica uai. Afedo afémie tíillena jítáirede, dama “Juzíñamui Jitódicue” ie daina jira, —daidíaoi.

<sup>8</sup> Afena cacáillano Pilato jamánomo jacáinaíficaide. <sup>9</sup> Aillocomo nane jofo jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

<sup>10</sup> Jira Pilato daide:

—¿Cue uaina fairfoñedio? ¿Cuemo ite o tíille ríino onóñedio? ¿Cuemo ite o zuitalle ríino onóñedio? —daide.

<sup>11</sup>Jira Jesús uai ote:

—Juzñamui omo iñenia, o cue ocuille ríino iñede. Ie jira omo cue fecáдино o jinomo afémaci íaifueredino, —daide.

<sup>12</sup>Afe llezcamaona Pilato, “Nie izói Jesús cue zuitalle” dainano, áfena jenode; mei fadi judúuai caillóidiaioi:

—Afémie o zuitáadi, romano jamánomoidillaimamo nábaiñeítio. Naga illáimana íacadimie caifóidillaima dibénedo éoidimiena jáite, —daidíaioi.

<sup>13</sup>Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo imaci uaido Gabátana mameide. Jáímaci daina Empedrado, mei nófiaí ie finoina macáranona íllaza. <sup>14</sup>Jae pascua uícodirui jáiciri ítemo. Jira Pilato judúuaina daide:

—¡Benomo o illaíma ite! —daide.

<sup>15</sup>Mei fadi afémaci caillóidiaioi:

—¡Dama tíideza, oni ui! ¡lena corai! —daidíaioi.

Jira Pilato íaioina daide:

—¿Omoi illáimana córaiticue? —daide.

Jira lletáiraini illáicomini uai otíaioi:

—Jáíe illáimano caimo iñede; dama romano jamánomoidillaima, —daidíaioi.

<sup>16</sup>Afemona Pilato íena íaioimo ite, afémiena coráíllena. Mei jira íena uitíaioi.

#### Coráínafue

(Mt 27.32-44; Mr 15.21-32; Lc 23.26-43)

<sup>17</sup>Iemo Jesús jino jaide. Ie coráíllibici rocáoicaide Calavéramo; afe daífacade come ífócorai. Hebreo imaci uaido daina Gólgota. <sup>18</sup>Afénomo íena coráidiaioi. Afe llezica nágafene jáíimie íaillinoi coráidiaioi; Jesuna cígiide. <sup>19</sup>Pilato afémie mámece íbícimo cuetá ie coráínabicimo jónetade. Afébicimo cuega daide: “Jesús Nazaret Imie, Judúuai Illaíma.”

<sup>20</sup>Aillo judúuai afe cuegábici facádotiaioi, Jesús coráinano jofue áinori illa jira. Afébicí daámani comini uáíllaido cuega, hebreo, griego, latín díga. <sup>21</sup>Ie jira judúuai lletáiraini illaini Pilátona daide:

—Judúuai illaíma daíí cueñeno. Mei fadi “Judúuai illáimadicue daidímie” daíí cúeiri, —daidíaioi.

<sup>22</sup>Jira Pilato uai ote:

—Jae cue cuegáuai, dama daíí ite, —daide.

<sup>23</sup>Fuiráraini Jesús coraía mei, ie ínícuro llíinuano cuatro fidi tizáruano fecáidiaioi. Afe izói ie caifóferoi llíinuano “iere núeraroi,” daidíaioi. Ua aferoi dájena tífoca, zotáinanona iñede. Caifona aná fuizájide. <sup>24</sup>Jira fuiráraini conímána daidíaioi:

—Dama ite, cúatañeíticai. Bai ñue onótaraji cai dotalle bumó jííteza, —daidíaioi.

Daíí Cuegáuai dáina fuitátataioi. Aféuai daide: “Cue ínícuro daní fecáidiaioi. Afemo onótaraji dotáidiaioi.” Jira mei fuiráraini daíí finódiaioi.

<sup>25</sup>Jesús coráínabicí áinomo ie ei ite afengo ebuño díga. Dáanomo Cleofas ai, María ite, María Magdalena ingo díga. <sup>26</sup>Jesús ie eina cíóillano, iere izíruiga llófuegamie díga, ie eina daide:

—Ei, batí o jítóna como maméidimie ite.

<sup>27</sup>Iemo afe llófuegamiena íbana daide:

—Afénomo o eina como maméidíngo ite, —daide.

Mei aféruillaido afe llófuegamie afengo ie jofomo ñue llíinote.

#### Jesús tííllafue

(Mt 27.45-56; Mr 15.33-41; Lc 23.44-49)

<sup>28</sup>Afe mei Jesús naga rafue fuitáinana fidide. Fídiano Cuegáuai fuitállena daide:

—Jiróacadicue.

<sup>29</sup> Afe dīnomo icīru rochírede vīnona oruítaga rainaca. Ie jira jāinoi fillicīde raa afe rochíredijina riátatīaioi. Iemo razi ícoimo jóniano ie fuemo dutádiaioi. <sup>30</sup> Jesús afe rochíredii jirode. Jíruano daide:

—Nana ja fuite, —daide.

Daina mei, ifo ana jǐjicailla llezica tíide.

*Fuiríraimie* ie ducírirado Jesús ciraigǐ faitade

<sup>31</sup> Ja pascua uícodírui. Judúuai ocózinaiillaruimo coráicano íaioi abi coráinabicimo fiébillana jítaiñediaioi. Bie ocózinaiillaru iere áillue. Ie jira Pilátomo jicádiaioi coráicano idai ditátallena. Iemona íaioi abi dīnómona oni óllena jicádiaioi. <sup>32</sup> Jira fuiríraimie jaillano nánorame idai ditádiaioi. Jiáimie, Jesús diga coráicamie daje izói fēna finódiaioi. <sup>33</sup> Ie mei Jesumo áinozillano jae tíidena ciódiaioi. Ie jira ie ídaina ditáñediaioi. <sup>34</sup> Mei íadi fuiríraimiona dáamie ducírirado ie ciraigǐ faitade. Iemona jāinoi die diga tóide. <sup>35</sup> Bífue llotímie áfēna ciódimē. Uáfueña daide. Afe uáfueño uai nabaide, omoí daje izói íinollena. <sup>36</sup> Aféfuiai daí íficaide Cuegáuai daina ñue fuitállena. Afe uai daide: “Bu ie ícuruna ditáñeitiaioi.” <sup>37</sup> Jiáinomo Cuegáuai daide: “Íaioi bofécamieño éroitiaioi.”

*Jesús raíáfomo jónetiaioi*

(Mt 27.57-61; Mr 15.42-47; Lc 23.50-56)

<sup>38</sup> Afe meifodo José, Arimatea jofue ímie, Jesús abi uíllena Pilátomo jicade. Afe José Jesudo jáicadīmacimona, mei íadi judúuaina jacíruiillano báinino jaide. Iemo Pilato faíríote; íemona José jaillano Jesús abi uite. <sup>39</sup> Daje llezica naui Jesumo naióna úrzaibitímie, Nicodemo dúcīde. Afémie treinta kilos dieze mérede zíochoa atide. Aféchoa mena zióredena ímuica. <sup>40</sup> Daí José Nicodemo diga Jesús abi uillano, áeroi íniróide ie abi junide. Aferoi ziórena, mei diga zióredena fáigaza. Daí tíidino judúuai ráifirediaioi. <sup>41</sup> Jesús coraia áinori ocózinairabiri ite. Dīnomo daa comue raiafo, come nai ráiñēnafo ite. <sup>42</sup> Aféfomo Jesuna jóneaidiaillinoi, áinori illa jira. Ua dīnomo íēna jónetiaillinoi, judúuai ocózinaiillaru tainéacana jira.

## 20

*Jesús meine abido cáadimēna jaide*

(Mt 28.1-10; Mr 16.1-8; Lc 24.1-12)

<sup>1</sup> Semana nanóidíruido Magdalena ingo María jítiramoicana raíáfomo jaide, ua nai jítireoidemo. Dúciillano raiafo íbaina nofíci íñēnana ciode. <sup>2</sup> Ie jira aizícana jaide Simón Pedro illánomo. Dīnomo jíáie llófuegamie Juan ite. Afémie iere Jesús izíruiagamie. Íaillinoina daide:

—Jae raíáfomona cai Ocuíraima comīni bairódiaioi. Ie íaioi jóniano onóñedicai.

<sup>3</sup> Iemona Pedro jíáie llófuegamie diga jino jaillano raiafo dīne jáidiaillinoi. <sup>4</sup> Dájena aizídiaillinoi, íadi jíáimie Pedro baimo iere rairede; jira uícómo raíáfomo dúcīde. <sup>5</sup> Ie abi ana jǐjjiillano raiafo eromo eroide. Eróillano juníllaroina ciode, mei íadi jofó jáíñede. <sup>6</sup> Iemo Simón Pedro afémie óodana dúcīde. Dúciillano raíáfomo jofó jaide. Abi juníllaroi dīno jóoinana nane ciode. <sup>7</sup> Íadi Jesús ifo íbáinaroi ie juníllaroi dáanomo jooíñede. Afe ifo íbáinaroi jabínota oni eneno jóonega. <sup>8</sup> Iemo jíáie llófuegamie, raíáfomo uícodo dúcidímie, jofó jaide. Afe finócafuena ciode. Cióillanona áfemona ínote. <sup>9</sup> Mei Cuegáuai dāinana nai figo onóñediaioi. Aféuai daide: “Jesús tíillanomona meine abido cáadimēna jáite.” <sup>10</sup> Iemona afe llófuega íaillinoi jofomo jaide.

*Jesús Magdalena ingo Maríamo cíocaide*

(Mr 16.9-11)

<sup>11</sup> Mei íadi María jino raiafo áinomo éecana ráiide. Eeia llezica abi jǐjide raiafo eromo éroillena. <sup>12</sup> Dīnomo mena Juzíñamui abi ímie íaillinoi ángeles dainámaci úzeroi jítádēna

ciode. Ua naui Jesús abi illánori ráidiaillinoi; dáamie ifo illánori, jíámie idai illánori.

<sup>13</sup>Iemo Juzínamui abi ímie íaillinoi jícanote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Íaioi jóonianona onóñedicueza, —daide.

<sup>14</sup>Afe daina llezica afengo gírecaillano Jesuna ciode; íadi íena onóñede. <sup>15</sup>Jira Jesús jícanote:

—Ringo, ¿nibái éacadio? ¿Bu jenódio? —daide.

Afengo começi facade, afémie afébiri úiñoraíma; jira íena daide:

—Íma, afémie oni jíáinomo jae o úiadi cuemo llone, meine cue uájilleza, —daide.

<sup>16</sup>Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraima.

<sup>17</sup>Iemo Jesús daide:

—Cue abi jetáñeno iri. Cue Moo illánomo nai caifo jáíñedicueza. Mei íadi cue ámatiaimo llujíri: “Cue Moo illánomo, daje izói omoi Moo illánomo caifo jáíticue. Ua cue Juzínamui, omoi Juzínamui dine jáíticue.” Daí íaioimo lloiri, —daide.

<sup>18</sup>Ie jira Magdalena ingo María llófuegamacimo llujíde. Afengo Ocuíraimana cíoilana llote, nana bie afémie aféngona daináuai díga.

*Jesús ie llófuegamacimo cíocaide*

*(Mt 28.16-20; Mr 16.14-18; Lc 24.36-49)*

<sup>19</sup>Aféruido, semana nanóidíruido afe naio llófuegamaci gairídiaioi. Naze íbáillano judíuaina jacíruillamona itííaoi. Iemo Jesús jofo eromo cíocaide. Íaioi cígimo náidazaide. Íaioi uáiduano daide:

—Omoímo começi caimare uái iri, —daide.

<sup>20</sup>Daí dainano, ie onoi, ie ciraiçi díga íaioimo ácatate. Llófuegamaci íaioi Ocuíraimana cíóíllano íóbicaidiaioi. <sup>21</sup>Iemo Jesús dáanomo íaioina daide:

—Omoímo começi caimare uái iri. Moo cue ória izói daje izói ómoína óreiticue, —daide.

<sup>22</sup>Afe mei íaioimo jágíilli fúunuano daide:

—Ñuera Joréiona mai omoi ono. <sup>23</sup>Naga come ie fiénidino omoi fáicanocaiadi fáicanocaité; mei íadi omoi fáicanocaiñeniadi dóñega izói fiébite, —daide.

*Tomás meine abido caade Ocuíraimana ciode*

<sup>24</sup>Íadi Tomás, guarámiena maméidímie, doce dígamiedemona, Jesús cíocailaruido íñede. <sup>25</sup>Ie mei jíáie llófuegamaci íena daide:

—Ocuíraimana ja cíódicai, —daííaoi.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ñuitáñenia, cue onoi ie ciraiçi méifodo ñuitáñenia, íñoñeiticue, —daide.

<sup>26</sup>Ocho dígamona íllamona llófuegamaci meine gairídiaioi. Afe llezica Tomás afémaciri ite. Iemo jaca naze íbaica íadi, Jesús jofo eromo cíocaide. Íaioi cígimo náidajano uáiduano íaioina daide:

—Omoímo começi caimare uái iri, —daide.

<sup>27</sup>Iemo Tomásna daide:

—Benomo o onocai ñúitaíbi. Cue ónoimo éroi. O onoi cue ciráigimo ñúitaíbi. Jánocaiñeno iri. íñori, —daide.

<sup>28</sup>Jira Tomás uai ote:

—¡Cue Ocuíraima! ¡Cue Juzínamui! —daide.

<sup>29</sup>Jira Jesús daide:

—Tomás, ja cuena cíónamona íñotio. Jamánomo íóbídino cuena cíóñedino íadi íñotiaioi, —daide.

*Bibénico nĩbái mei cuega*

<sup>30</sup> Bífuiái baímo Jesús aillo jíáie cíofinina raa ie llófuegamaci úcori finode. Aféfuiai bíbénicomo cúeñega. <sup>31</sup> Mei íadi ja bie llogáuai cuega, Jesús Crístonana omoi ñnollena; daje izói afémie Juzíñamui Jitona omoi ñnollena. Ua jae cuega, omoi ñnuamona cáailino ómoimo ie mámecido ñlana.

## 21

*Jesús siete diga ie llófuegamacimo cíocaide*

<sup>1</sup> Afe mei Tiberias jorai fuédamo Jesús ie llófuegamacimo meine cíobicaide. Bie izói cíocaide. <sup>2</sup> Ie llófuegamaci dáanomo itíaioi. Dinó ite Simón Pedro, Tomás nñmie jíáfodo mameina Guarámie, Galilea jofue Caná ímie Natanael, Zebedeo jító faillinoi, jíái mena llófuegamie diga. <sup>3</sup> Simón Pedro íaioina daide:

—Fácuaidicue, —daide.

Jira daidíaioi:

—Mai nana cai fácuaili, —daidíaioi.

Iemo nocáe eromo caífo jáidiaioi. Afe naio chámuniaina oñédiaioi. <sup>4</sup> Jítiramo monáiacademo, Jesús ja jorai fuédamo náidaide. Mei íadi “Jesús” daíñediaioi, llófuegamaci íena íaioi onóñena jira. <sup>5</sup> Iemo Jesús daide:

—Omoi, ¿chamuna oñédiomoi? —daide.

Uai otíaioi:

—Jii, oñédicai, —daidíaioi.

<sup>6</sup> Jira Jesús afémacina daide:

—Nocáe nabézimo llóiji omoi dota, afe llójjimo jííteza, —daide.

Jira daí finódiaioi. Ie finuamona llójjina jáinoimona caífo zonónidiaioi, iere aillo chámuniaí ñlaza. <sup>7</sup> Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite dáinana cacáillano, ie jínofecuiro jítade, nauí duiñoa jira. Jítanona jóraimo tícacade Jesumo jaillena. <sup>8</sup> Jíái llófuegamaci chámuna oruítaga llójjina oni zocana nocaedo uitíaioi. Afe mei afémaci jorai fuédamo dúcídiaioi, nai are íaioi íñena jira. Afémaci cien metros dinó bai itíaioi. <sup>9</sup> Eniemo dúciillano, chamu pan diga iraimo ruícana cíodiaioi. <sup>10</sup> Jesús íaioina daide:

—Jae omoi oga chámuniaimona atiri, —daide.

<sup>11</sup> Simón Pedro nocaemo jaillano, afe llójjina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáñede, nñ aillo chámuniaí illa íadi.

<sup>12</sup> Iemo Jesús íaioina daide:

—Mai omoi güizáibiri, —daide.

Llófuegamacimona buna ¿Búdio? daíñide. Afémie Ocuíraimana onódiaioiza. <sup>13</sup> Ie mei Jesús áinozillano afe pan líinota íaioimo fecade. Daje izói chámuna fecade.

<sup>14</sup> Daí Jesús tíllanomona meine abido cáadimiena jáillamona dacaiñoámani ie llófuegamacimo cíocaide.

*Jesús Simón Pédro mo úrite*

<sup>15</sup> Güilla méifodo, Jesús Pédro mo jicánote:

—Jonás jító, Simón, ¿baimaci baímo cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecarí, —daide.

<sup>16</sup> Jesús meine dáanomo íemo jicánote:

—Jonás jító Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiaí uññori, —daide.

<sup>17</sup>Ja dacaiñoámani Jesús meine abido íemo jicánote:

—Jonás jitó Simón, ¿cuenta gáidío? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódío, —daide.

Jesús íena daide:

—Mei jira cue ovéjaiaí o ecarí. <sup>18</sup>Uáfuenta ona dáitícue, iere o jitócomena llezica, jaca o comeci jítaina izóí íniraina jítafredio. Daje izóí nana o jáiacananomo jáifredio. Mei íadi o eímalle llezica o onoi oni zítaitío, jíáimie o ínícuiro jíatallena, daje izóí jíáimie o ufillena o jáiacañenanomo, —daide.

<sup>19</sup>Afe dáinado Pedro nie izóí tíitena Jesús daíí onótate. Afe ie tíilledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

*Izíruiga llófuegamie*

<sup>20</sup>Pedro gírecaillano Jesús iere izíruiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abimo ráiidimie. Afémie, “Ocuíraima, ¿bu o fecalle?” daidímie. <sup>21</sup>Pedro Juaana ciona llezica Jesumo jicánote:

—Ocuíraima, ¿báimie nie izóí iite? —daide.

<sup>22</sup>Jira Jesús uai ote:

—Afémie cue billíruimo caadi cue óiacaia ¿ómona mei níbai? O cuedo bi, —daide.

<sup>23</sup>Jira Jesús jaináidinori taino daináfuenta fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daíñede. Fia dáideza, “Afémie cue billíruimo caadi cue óiacaia ¿ómona mei níbai?”

<sup>24</sup>Bímie llófuegamacimona aféfuiaí uáfuenta llotímie. Aféfuiaí cuetímie. Afémie daina uai uáfuenta onódicaiza.

<sup>25</sup>Jesús jíáie finócafuaí nai aillo ite. Nana aféfuiaí dámierie cúeadi jamánomo aillo rabénicuaína zúite. Ua níbai afe rabénicuaí jónellino nániena báñeite. Jae níie.



## JESÚS ORÉCAMACI FINÓCAFUIAI Los Hechos de los Apóstoles

*Ñuera Joreño billifue uícodo llogáuai*

<sup>1</sup>Cue izíruiğa Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiyai ie finócafuiyai diga omo cueticue. <sup>2</sup>Ua ie monamo jáillarui mo finócafuiyai cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. <sup>3</sup>Ie túlla meífodo, Jesús dáamie cómena íaioimo cíocai de. Cuarenta díğarui uáfori cíocai firede. Afe cíonanuedo ie cáanano ñue uáfue na daíitate. Afe llezica Juzíñamui illáimana illíruido íaioimo úrite. <sup>4</sup>Orécamaciri illa llezica, Jesús íaioina rairuide Jerusalémona oni jáiñeillena. Iaioina daide:

—Cue Moo uafue uai llote: “Ie Ñuera Joreño ómoimo fecácacade.” Afe fecállrui omoi úñori, naui ómoimo cue llua izói. <sup>5</sup>Uáfue na Juan fia jáinoido bántizade. Mei íadi íanori íllamona Ñuera Joreño óitiomoi, —daide.

*Jesús caifo monamo jáillafue*

<sup>6</sup>Jesumo gairíllano jícánotiaioi:

—Ocuíraima, çua birui Israel nairai illáimaillena meine caimo itátaitio?

<sup>7</sup>Jira Jesús uai ote:

—Moo afefue finóllrui ómoimo ónonide. Dama afémiemo ríino afefue finóllena ite. <sup>8</sup>Mei íadi Ñuera Joreño ómoimo bíadi, ríino óitiomoi. Iemona cuedo úrizaitiomoi, ua Jerusalemo, nana Judea éniemo Samaria énie diga. Ua jamánomo jica ite itínuiaimo llujítiomoi, —daide.

<sup>9</sup>Daí daina meífodo, nana íaioi éroillamo, afémie caifo ráiñuano monamo uiga. Iemo mona ero úllie íena ferínote. Iemona jaca íena cíóñediaioi.

<sup>10</sup>Jesús caifo jáidemo monamo eróioidiaioi. Afe llezica mena come úzecuiro jítada íaioi abimo cíocai de. Juzíñamui abi faillinoi.

<sup>11</sup>Daidífaillinoi:

—Galilea íñiaí, çñbíai mei monamo eróioidiomoi? Dámie Jesús, afe ómoimona caifo úlliedo jáidímie, afémie ie jáillana omoi ciona izói daje izói meine ana biite, —daide.

*Judas meifo méidollena Matías nizédiaioi*

<sup>12</sup>Ie mei Olivo ídumona oni jáillano abido Jerusalemo bitífaioi. Jerusalén áñori afe idu ite. Ua ocózinallaruido macácana jailla daa kilómetro díeze izói ite. <sup>13</sup>Afe jófuego dúciillano caifófecomo íaioi ífirenenomo jáidiaioi. Bie íaioi mámeçai: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, Iere Járidotimacimo dúidímie Simón, Santiago ama Judas. <sup>14</sup>Nana afémaci dáanomo gairífrediaioi Juzíñamuimo úrillena. Afénomo Jesús ámatiai gairífrediaioi, ie ei María diga naa jáie ringóniairi.

<sup>15</sup>Aferuillaído Pedro afe ámatiai dainámaci cíğiri caifo náidailano úrite. Afe ámatiai ciento veinte díğamiede. Afémacina daide:

<sup>16</sup>—Amatai, Ñuera Joreño Cuegáuaimo Davido llote: “Judas meifo cai cíğiri méidolle jítáirede,” daide. David cuegáuai uícodo llote: “Judas Jesús lláitaitimaci ífoite.” <sup>17-18</sup>Mei jii, afe Judas dani cáimona. Bie cai tájjina afémie dibénemo ite. Mei íadi afe meífodo cimoi cúinano ágüicaillano caifona ífo dímena éniemo baiíde. Baiíllamona ie jebe bójicaide. Afemona nana ie eromo itínuiai jino cocide. Afe mei ie fiénidífue iba úcubedo ja ie raillíbiri íbádiaioi. <sup>19</sup>Jerusalén itímaci áfena íaioi fídiano, afébirina “Acéldama” jítádiaioi. Afe mámeçai íaioi uaido dibénedo “Die illábiri” dáiaacade.

<sup>20</sup>Mei jírari Salmos íbenícomo daí daide:

Daí o jofu zóofefiteza

Buna afécomo íñeilleza.  
 Jiáífuedo daide:  
 Afémie táijina jiáima ólleza,  
 —daide.

<sup>23</sup> Cai Ocuíraima Jesús nana cai diga illáruillaido cairi macádino birui cai cígimo itíai.

<sup>22</sup> Jesús báutizaruimona, ie monamo jáillaruimo cairi jáicadiaioi. Mei jira afémacimona dáamie cai dájellena jitáirede, Jesús meine abido cáaillafuemo uai nabáillena.

<sup>23</sup> Jira dainámacimona mena come oni naidánetaioi. Dáamie daámani mámecirede: José Barsabás Justo. Jiáimie Matías. <sup>24</sup> Ie mei Juzíñamuimo úritiaioi; daidíai.

—Cai Ocuíraima Juzíñamui, nana comini comeci onódimiedioza. Bíainoimona o nizécámie caimo onótari orécámie táijina finóllena. <sup>25</sup> Afe táijinamona Judas ie fiénidífue ícoinia oni baíide. Baiállano dama ie zefuñainllinomo jaide.

<sup>26</sup> Iemo onótaraji dotádiaioi. Jae Matíasmo níjide. Afe llezícamona afémie once orécámiaimo dájena jaináicaide.

## 2

### *Ñuera Joreño billafue*

<sup>1</sup> Pentecostés irui ráfuemo jae dúcide. (Afe fue güille jofo óinarui rafue.) Afe rafue dúcidemo jae nana dáonomo gairídiaioi. <sup>2</sup> Ie mei rairéfeicana minica izói ficire monámona cácaicaide. Jairifo riire jáiñua izói cácaicaide. Nana íaiói ráinaco eromo cácaicaizabite.

<sup>3</sup> Iemona íifiai izói iráiciai íaioimo cíocaide. Nana illa dígamierie íaioimo níjizaíbitaioi.

<sup>4</sup> Afe llezica nana Ñuera Joreño úcaigaiaioi. Iemona jiáie náiraiai uáillaido como úritiaioi; mei afe Ñuera Joreño íaioi úritate.

<sup>5</sup> Aféruillaido Jerusalemo aillo judíuai náganuaimona bitíai. Ua íaioi Juzíñamuimo jitáirede finóllifuaí finuaíbitaioi. <sup>6</sup> Afe riire ficírenana cacáillano comini dáonomo ofídiaioi. Niie izói comeci fácana onóñediaioi nágazie dani íaioi uáillaido íaioi cacana jira.

<sup>7</sup> Abi fáigacaidiaioi; daidíai:

—¿Nana bie úriraini Galiléamona bitímaci; uáfueñede? <sup>8</sup> Nágamierie dani cai uaido íaioi úrillana ¿niie izói cacáifredicai? <sup>9</sup> Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, <sup>10</sup> Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáonomo áinori ite romano imaci gairídiaioi. Bie románomana dáarie judóna jococa. Jiái romano imaci judíuai Juzíñamuimo ínuafuena jeire otíaioi. <sup>11</sup> Afe llezica Creta imaci bitíai Arabia imaci diga. “Mei íadi Juzíñamui caimare llogáfuaí niue finócafuai diga, nágamierie dani cai uáillaido cacádicai,” daidíai.

<sup>12</sup> Nana fáigacaidiaioi. Íaioi comeci fácana onóñediaioi; jira jicánotiaioi:

—Nana bie caimo comuidífue, ¿niie izói caina daíacade? —daidíai.

<sup>13</sup> Mei íadi jiáimaci íaioi uai áifeduardo daidíai:

—Bimaci jifáidiaioi, —daidíai.

### *Comínina Pedro dainafue*

<sup>14</sup> Ie mei Pedro once diga orécamaciri náidaillano comínimo riire úrite; daide:

—Judea comini naa Jerusalemo itínuaiari cácarei. Bie ráfuena omoi onoiri. Dáiticeua niue omoi cacáreiri. <sup>15</sup> Bie íifiai jifáíñedimaci omoi comeci faca ízoi. Jitoma nai fuii daídimo. Jítiramo dibénemo comini jaca jifáíñidiaioi. <sup>16</sup> Bifue jiáífodo ite. Afe bifue uai lloraima Joel jaii ucodo llogáuai. Afémie daide:

<sup>17</sup> Juzíñamui ómoína daide:

“Íirairuillaido cue Joreño nana náiraiaina, jainoi tua izói fáicanocaiñeno íaioína ú-caiticeua.

Omoi jítótiai jízatai diga cuedo úritiaioi.

Jitócomini nicaido cíonafuaí izói cíotiaioi.

Einamací ñuera nicaido nicáritiaioi.

<sup>18</sup> Aféruillaído cue Joreño cue táijitagamiaina naa cue táijitaga ringóniari ñue úi-caitaiticue.

Iemona cuedo úritiáioi.

<sup>19</sup> Caifo monamo jacínaitadinona cíotaiticue;

Aféruimo ana éniemo onótajafuena fñoititcue.

Afe onótajafue díena cíotaitc; iraina cíotaitc, jamánomo irai úilliena cíotaitc.

<sup>20</sup> Afe monado jitoma jítreficaite, fiui die izóí jáite.

Daíí iite cai Ocuíraima Jesucristo billíruimo nai dúciñenia.

Afémie billirui iere ebíreitirui.

<sup>21</sup> Nana Juzíñamuiimo íaioi canóllena íemo jicádino jíllobicaitiáioi.”

Aquíe izóí Juzíñamui Joeldo daide.

Iemo Pedro nai úrillano daide:

<sup>22</sup> “Mei jii, Israel nairai cue daííllifuemo cácarei. Nazaret ímie Jesús omoi uícori Juzíñamui ñue facácamie. Uafue aillo fáigatate ráaniaído ñue facátaga. Daíí Juzíñamui omoi cígiri afémiedo finode. Aféfuiaina ñue fidídiomoiza. <sup>23</sup> Mei íadi afémie omoi fecálliruimo maiano uitá fatíomoi, Juzíñamui jaii uícodo comécitífuiái onótafuiái díga dáina izóí. Uafue fiénidimacido íena coráitatiomoi. <sup>24</sup> Mei íadi Juzíñamui afe tíilla cuinaca raa zuita izóí, zúitano íena meine cáatate. Mei tíillafue jaca íena anáfenonide. <sup>25</sup> Mei illaíma David Jesudo úrillano daide:

Ocuíraimana cue uíecori cíófiredicue.

Afémie cue nabézimo izóí ite, minicana cue jáicaiticue.

<sup>26</sup> Ie jira cue comeci cáimafuena iere ite, afe llezica cue fuemo ite cáimafuiáido úriticue.

Afe jira daje izóí cue íeizi ñue ocózinaitaiticue, mei tíillamona meine cue abina cáataitio.

<sup>27</sup> Mei jii cue joréñona tíidinomo fiénocaiñeítio.

Afe izóí o izíruiga táijitagamie abi rifáíllana ráiruitio.

<sup>28</sup> Cáatatinomo jóoide io cue llófuétio.

Cue díga o íllado, cáimafuena cue oruítaitio, —daíí daide David.

<sup>29</sup> “Amatiai, cácarei. Cai jáíairagíma David tíide raíga uáfodo onórede. Afe raíáfo nai cai díga íteza. <sup>30</sup> Mei afe David uai llóraíma. Jaii Juzíñamui uícodo uafue llóllena ríífuedo íena daide:

—O emóoidiziemona dáamie Cristoite. Afémie o illáimana illánomo ráinaite, —daide.

<sup>31</sup> Jira daíí David, uícodo ciona izóí Cristo meine abído cáíallafuedo úrite. Afe izóí daide:

—Cristo joreño tíidinomo fiébiñeíte. Ie íeizi rifáíllana ráiruícaza, —daide. <sup>32</sup> Mei jii Juzíñamui afe Jesuna meine abído cáatate. Aféfuemo nana cai uai nabáiraímacídicaí.

<sup>33</sup> Daíí Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llíinote. Líínuana nana bie omoi ciona, omoi cacana raa finode. Nana aféfuiai afémiemona bite. <sup>34</sup><sup>35</sup> Mei David monamo jáíñedímie, mei íadi dama David daíí dáina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

<sup>36</sup> “Nana Israel nairai, mai comeci jíjíñeno omoi onoiri: bie omoi coraíca Jesús Juzíñamui Ocuíraimana itátate: Crístona itátate, —aci dinó Pedro daide.

<sup>37</sup> Aféfuena cacáíllano, iere comeci líllicitagaíáioi. Afemona Pédro mo jicánotiaíoi jíáie orécamací díga:

—Amatiai, ¿ñie izóí ñéiticaí?

—daídíaíoi.

<sup>38</sup> Ie jira Pedro uai ote:

—Omoi illafue Juzíñamui uíecomo meídori. Omoi nágamierie Jesucristo mámeicido báutizatari. Omoi íaífuiai oni dófilleza. Daíí Juzíñamui ie Ñuera Joreño ómoina úicaíteza.

<sup>39</sup> Afe bie uícodo llogáuai ómoie. Daje izóí o jíótiaí ie. Daje izóí nana jícarie itíno ie; ua aféuai nana cai Ocuíraima Juzíñamui uáídogamací íena, —daide.

<sup>40</sup> Aféuailaído dáanomo jíáie uáíllado Pedro íaioi lluanu daide:

—Bie duere finóbitimacimona omoi jilloiri, —daide.

<sup>41</sup> Mei daií afémie úrilla uaina jeire otino diga báutizagaiaioi. Aféruido Jesumo ínotimacimo tres mil dígamiaí dáaziena jáinacaidiaioi. <sup>42</sup> Nana bimaci orécamací llófuia-fuemo jáicina jáidiaioi. Afe daií conímamo ñue comécidiaioi. Afe llezica Juzíñamuimo úrifrediaioi, ie mei gairíllano Jesús jae íraicaño güilla izói finódiaioi.

*Nano fueñe ínotino illafue*

<sup>43</sup> Aféruillaído nana jáicacaidiaioi; mei aillo cíoraininafuiái naa onótate raa diga orécamací finódiaioiza. <sup>44</sup> Jae nana ínotino ñue dájena itíaioi, íemona íaioi ráaniaí conímamo jeruñeno ífrediaioi. <sup>45</sup> Mei jii íaioi illábiri jíáie ráifide raa diga fecádiaioi. Fécanona afe úcube nágamiaí imaci jitailla izói jofo conímamo fecáfirediaioi. <sup>46</sup> Nágaruillaído gairíracomo gairidiaioi. Iaiói jófuemo pan fécano dáonomo cáimafuedo, comeci mánaínafuedo güitíaioi. <sup>47</sup> Juzíñamui íóbitaoidiaioi. Afe llezica nana comíni afémacimo ñue comécidiaioi. Afe daií cai Ocuíraíma nágaruido afe ínotimacimo jíáie jilloizaíbitimaci dáamacina itátate.

### 3

*Aidaima jíllotate*

<sup>1</sup> Jáíruido jítoma ana ítemo Pedro Juan diga gairíracomo jáidiaillinoi. Afe Juzíñamuimo comécido úrioína llezica. <sup>2</sup> Nágaruillaído jocóinamona aidaima dñonomo ífiredo. Ie comíni gairíracomo íena úífrediaioi. Uillano afémiena nazemo ie ráinaífrediaioi, jofo jáioídnomona dúecaillano fecaca úcube jicállena. Afe naze mámece Ebíredize. <sup>3</sup> Aidaima Pedro Juan diga gairíracomo jofo jáillana cíollano dúecaillano fecaca úcube íaillinoimona jicade. <sup>4</sup> Mei jira Pedro Juan diga íemo érocadiaillinoi. Pedro íena daide:

—¡Caimo érocail!

<sup>5</sup> Iemona afémie náicaide. Comeci anado daide: “Nibai minícana cue íite.” <sup>6</sup> Iemo Pedro íena daide:

—Cue úcubenicue; óronidicue; mei íadi cuemo ítena o íiticue. Nazaret ímie Jesucristo mámece náidacai. Maca, —daide.

<sup>7</sup> Iemo Pedro onoi nabézido íena naidánete. Afe daií ínúa llezica ie idai maíríbaide, ie idácoíñuaí diga. <sup>8</sup> Iemona aidaima caífo tícacai. Caífo náidaillano macade. Afémie íaillinoído ja jofo gairíracomo jaide. Tícatíacana jaide. Juzíñamuimo íóbitaoido. <sup>9</sup> Nana comíni ie mácana cíodiaioi. <sup>10</sup> Aferi íere jacínaíficaidiaioi naa abi fáigacaíllafue diga, afémie daií náidacaíllari. Afémiena onódiaioiza. Afémie Ebíredize mámece redizemo ráíífredímie, gairíracomo úcube jicáfiredímie.

*Pedro comínimo Salomón jinófenemo macáranomo llófuete*

<sup>11</sup> Jíllotaga aidaima Pedro Juan diga íaillinoído níninjicaide. Aféfuerei fáigacaíllano nana comíni gairíraco díbénemo jáidiaioi. Salomón jinófenemo macáranomo Pedro, Juan, aidaima diga íllanomo afe comíni aizícana jáidiaioi. <sup>12</sup> Pedro áfena cíollano comínina daide:

—Israel naíraí, cácarei. ¿Omoi minícari fáigacaidiomoi? ¿Nibái mei cócomo eróizaíbitiomoi? Bie íima dama coco rínodo jíllotano macátaticoco, nibai daií comécido daídíomoi. Daje izói coco Juzíñamuimo ñue comécíinafuedo afefue finódicoco, daií nibai cócona comécido daídíomoi. Iadi aféfuiaído finóñedicoco. <sup>13</sup> Mei íadi jíáfodo joide. Cai jáiaíragíma Abraham, Isaac, Jacob diga, íaioi Moo Juzíñamui ie Jitó Jesumo baímo ñúefuena nitade. Afe Jesús ríimacimo omoi fecácámie. Pilato ie zuitáacana llezica áfena ráiruitiomoi. <sup>14</sup> Aféruido jáicina nífuenidímie zuitátajana jicáñediomoi, mei íadi jíáfodo jicádíomoi. Come fatímie zuitátatiomoi. <sup>15</sup> Afe daií cáatátino fecádímie títdíomoi. Mei íadi Juzíñamui afémiena tíllanomona meine abído cáatate. Aféfuemo uai nabáiraímadicoco. <sup>16</sup> Bie dáamie Jesús mámece, ie mámece ínúafuedo omoi ciona,

omoi onoiga aidaima jae mairibicaide. Afe Jesumo íinuafue íena ñue jaícina jillotata, omoi uiécomo cíocaidimie illa izói.

<sup>17</sup> Amatiai, onódicueza, mei omoi naa omoi illáiniri Jesuna fáiacana llezica omoi finócafuena onóñeno íena fatíomoi. Uáfueña omoi finócafuena onóñenano finódiomoi. <sup>18</sup> Mei íadi Juzíñamui ie uai lloráimado uícodo daina uai bie izói fuitade. Aféuai daide: “Ie Cristo duere zefuillifue jitáirede.” <sup>19</sup> Mei ie jira omoi mácafuiai méidori. Omoi illafue Juzíñamuimo ñue jaícina jóoneri. Omoi íaifuiai oni muiñólleza. Iemona cai Ocuíraima Jesús caina cánuafuiai mánainaruillai izói caimo orérede. <sup>20</sup> Aféruimo nano uiécodo ómoiena mamécamié Jesucristo Juzíñamui óreite. <sup>21</sup> Mei íadi birui Jesucristo monamo fiébirede, Juzíñamui naga rafue jaícina nai jóoneñeilleza. Afe daí jaiáidruillaimo ite ñuera uai lloraini daidíai. <sup>22</sup> Mei daí Moisés cai jáairagimana daide: “Cai Ocuíraima Juzíñamui omoi amatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuiai jeire omoi oíri. <sup>23</sup> Mei afe uai lloraíma dainana jeire onédino Israel náiraímona oni táinocaite. Uáfueña íficaite.” Daí daide Moisés.

<sup>24</sup> Mei daí nana uai lloraini, Samuélmona batine ite lloraini diga bie íirairuillaido úrite. <sup>25</sup> Juzíñamui ie uai lloráinido uícodo daináuailai ja birui ómoiri jino llotátaga. Juzíñamui cai jáiáiragimacimo ibana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comúdinodo ñue caimare íficaitiaíoi,” daide. <sup>26</sup> Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamíiai ie íaí fue fáicanocaillena, —daide.

## 4

*Pedro Juan diga ríiredino uiécomo uiga*

<sup>1</sup> Pedro Juan diga nai comínimo úrioidemo, lletáriraini gairíraco úiñotino illaima diga bitíai. Daje llezica saduceo comini bitíai. <sup>2</sup> Pedro Juan diga comini llófuetiaillinoi. Iaióina daide: “Comini tíillanomona cátafue Jesudo ácataga.” Daí llófuaiari como bitímaci ríicaidiaíoi. <sup>3</sup> Iemona íaillinoína llaitádiaíoi. Lláitano íaillinoína llavéracomo jítiraimodiruiimo íbáidiaíoi, ja nauzáilla jira. <sup>4</sup> Mei íadi aillo afe úrillauai cacádino íñotiaíoi. Afena íñotimaci dani íñíai facádua cinco mil áinomo dúcide.

<sup>5</sup> Afe jáiruimo Jerusalemo judfui íllaini, éinamaci, naa ocuicafue llófueraíni gairídiaíoi. <sup>6</sup> Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini íllaini comíniri. <sup>7</sup> Iemo Pedro Juan diga atítatiaíoi. Atiano íaíoi cígimo naidáneta jicánotiaíoi:

—¿Nie ríinodo bífuiai finódiomicoi? ¿Bu mámecido bífuiai finódiomicoi?

<sup>8</sup> Mei jira Pedro, Ñuera Joreño úicaigamienaza daide:

—Nairai íllaini, Israel éicomini, omoi cácarei. <sup>9</sup> Mei afe baie íraredimiemo como finoca ñúefueña jicánotiomoi. Mei ñíie izói afémie jillotaga daí daidíomoi. <sup>10</sup> Mei jira omoi uiécomo jino uáfodo llóitícoco, nana Israel nairai fidíillena. Afémie omoi uiécori Nazaret ímie Jesucristo mámecido, omoi coráicamié mámecido íocire ite. Afe coráicamié (Jesucristo) tíillanomona Juzíñamui meine abido cáatate. <sup>11</sup> Bie Jesús omoi jofo níraini oni dotaca jofocai izóidimie. Mei íadi afecai uálliraina jáizaide. <sup>12</sup> Nie jáimieimo jíllonafue íñede. Jesucristo jáie daítade jíllotaraimana caimo íñede, afémiedo cai jilloíllena. Ua nana éniemo daítade jíllotaraimana íñede, —jaca dínorí Pedro daide.

<sup>13</sup> Iemona ríimaci Pedro Juan diga méicaíñeno úrillafue cacáíllano, íaillinoi lló-fueñegaiaillinoi íllana fídia llezica, iere fáigacaidiaíoi, jamámieíllinoi illa jira. Iemona ríimaci bíaillinoi Jesudo macádino daí íaillinoimo úibacaidiaíoi. <sup>14</sup> Afe emódomo jillotaga aidaima dínomo íaillinoi abiri naidaide. Ie jira aféfuena jáanoicana daínide. <sup>15</sup> Mei jira gairídinomona íaillinoína oni orédiaíoi, dani jofo confímamo íaíoi úriacana jira. <sup>16</sup> Daidíai:oi:

—¿Bie íima íaillinoína nie izói ñéiticaí? Mei jii, nana Jerusalemo bitino bie cíórainina onótate raa íaillinoi fínuafueña onódiaíoi; mei aféfuena jáanonidicaí. <sup>17</sup> Mei íadi

mai faillinoi cai jácidolle, afefue comínido jamánomo jalléiñellena. Afedo faillinoina ráiruiticai, Jesús mámedido ja benómona batine úriñeillena, —daidíaiói.

<sup>18</sup> Mei jira faillinoina júritiaíói. Iaillinoi dúcidemo ocufíaiói:

—Jesús mámedido jii mai due jiza úriñeno iri. Afe daíí llófueneño iri, —daidíaiói. <sup>19</sup> Mei íadi Pedro Juan díga uai ote:

—Juzíñamui uíecomó nñífue baímo ñuena comeci omoi faca: omoína ñue cai cacáreil-lena, nibai jíáífo Juzíñamuina ñue cai cacárellena. <sup>20</sup> Mei jii cai cónafue cai cacánafue díga aféfuemo úrillana fáicanidicai, —daide.

<sup>21</sup> Mei jira ríimaci faillinoina jácidotiaíói. Ie mei faillinoina zuitádiaíói. Iaillinoi duere finóllífue baíñediaíói; nana comini afe fínua jira Juzíñamuimo íóbíoidiaíoi. <sup>22</sup> Afe cíóraininafuedo jíllotaga aidaima, afémiemo cuarenta fimona baímo ite.

ñotino méaicaiñenafue comeci ríino díga jícadiaíói

<sup>23</sup> Pedro Juan díga faillinoi zuitaina mei faillinoi nabáñiaíi illánomo jáidiaillinoi. Dinomo afémacimo nana lletáriraini illaini éinamací díga faillinoina dáinana llotíaiillinoi.

<sup>24</sup> Aféfuena cacáillano nana dáanomo Juzíñamuimo úritiaíói. Daidíaiói:

—Cai Ocuíraíma, O Juzíñamuina; mona, énie, monaillai naga ráaniaíri finódímiedio. <sup>25</sup> O Ñuera Joréñodo, o tájíitagamié Davido daidío:

¿Níbái mei náiraíai caillíoidiaíói?

¿Níbái mei comini táinofuaímo comeci facádiaíói?

<sup>26</sup> Enie illaini Juzíñamuina ie Cristo díga anáfenuaíbitiaíói.

Daje izói jofue illaini Juzíñamuimo ofídiaíói ie Cristo díga áfedo afémiemo fuírllena, —daide.

<sup>27</sup> Uafue bie jófuemo Herodes, Ponico Pilato díga o nífuenide Jitomo fieni gairídiaíói. Afénomo jícanemaci Israel comíniri fieni gairídiaíói, mei íadi omo jaináidímie Jitó illáimana ja jáitatio. <sup>28</sup> Afe fieni íaiói gairíllafuedo nana o uícomo uaido finócafuaímo dáinana finódiaíói. Afe daíí íficaillena jítaíretadio. <sup>29</sup> Cai Ocuíraíma Juzíñamui, mai birui cai íaiói jáciduamo eroi. Jae o tájíitagamacidicai. Afemona ñue méaicaiñenafue caímo fecari, o úrillauai jino jácicaíñeno cai llóllena. <sup>30</sup> Afe llezica omo ite ríinodo comini íaiói dúicomona ñue jíllotari. Afe izói o nífuenide Jitó mámedido cíórainina onótate raa finori, —dínori daidíaiói.

<sup>31</sup> Juzíñamuimo íaiói úrilla fúillamona afe íaiói gairíllano docáiricaide. Afe llezica nana Ñuera Joreño úicaígaíaiói. Iemona Juzíñamui úrillauai méaicaiñeno jino llotíaiói.

ñotimaci íaiói ráaniaina jeruñeno “Nana caie” daidíaiói

<sup>32</sup> Afe aillo iráica ínotimaci dáaziena nana ñue jaináidiaíói. Ua daje izói dájemo comeci facáoidiaíói; daje comeci jitailla uai íaíoi mo ite. Buna afémie ráaniaina “Dama cueie” daíñiede, mei íadi nana comini íaiói ráaniaina “Nana caie” daidíaiói. <sup>33</sup> Orécamaci Ocuíraíma Jesús cáanafuemo aillo ríinodo uai nabáíoidiaíói. Juzíñamui nana comínina iere caimátaitade. <sup>34</sup> Íaiói cígiri jítaíredena ráanidímie íñede. Nana íbácana énieredino jofóredino díga áfeniaíi fécano afe oga úcube atídiaíói. <sup>35</sup> Atiano orécamacimo izájidiaíói. Iemona orécamaci nágamieremo íaiói jítaina dieze fecádiaíói. <sup>36</sup> Afe izói íaiói cígiri Leví izíe ímie finode. Afémie mámedí José. Monáillai zafedu Chípreno jocócamie. Orécamaci fena jíáie mámedina jítdiaíói. Afe mámedí Bernabé dáina Fíradímie. <sup>37</sup> Afémie ie illánie fecade, fécano afe íba úcube orécamacimo izáíbite.

## 5

Ananías Safira díga finoca íaífue

<sup>1</sup> Mei jíáímie Ananías, ie ai Safira díga, daa illánie fecádiaillinoi. <sup>2</sup> Bímie nano baa nieze úcubena jeruide. Jíáie dájeze úcubena nana ñue ite ízoi orécamacimo izájide. Aféfuena ie ai nana ñue onode. <sup>3</sup> Jira Pedro fena daide:

—Ananías, ¿nibái mei Taife o comécina féitate, Ñuera Joréñomo taino o llóllena? ¿Nibái mei o illánie nano nieze feca iba úcubena abimo maiñódio, daií jífueridio? ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Nibái mei daií afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

<sup>5</sup> Ie jira áfena cacáillano, Ananías éniemo baíllano tíibicaide. Nana afefue fídiaibitino iere jacínaitiaioi. <sup>6</sup> Mei jira nano ba niga jitócomini bite. Ie abi jabínota ie raíajidiaioi.

<sup>7</sup> Afe mei tres horas íllamona Ananías ai jofo bite. Nai ie ini tíillana fidíñede. <sup>8</sup> Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jii, áfeze.

<sup>9</sup> Jira Pedro daide:

—¿Nibái mei dáafueritiomico, Juzíñamui Ñuera Joreño o ico facátallena? Jino batí o ini raíajidino bitíaioi. Jabe daje izói ona úitiaioi.

<sup>10</sup> Afe llezica afengo Pedro anamo baíllano tíibicaide. Jitócomini jofo billano afengo tíillana cóizaibitiaioi. Mei jira jino uillano ie ini abimo íena raíajidiaioi. <sup>11</sup> Nana Juzíñamuimo ínotino nana aféfuiaina fidídimaciri iere jacínaitiaioi.

*Aillo ciórainina raaniai onótate raa diga*

<sup>12</sup> Aféruillaído comini cígiri orécamací aillo onótate raa, ciórainina ráaniai diga finódiaioi. Nana Salomón jinófenemo macáranomo gairídiaioi. <sup>13</sup> Buna jíáimacimona íaioi diga daane gairíllana jacíruitiaioi; mei íadi comini íaioimo ñue izire comécidiaioi. <sup>14</sup> Aillo comini íñiaí ringóniaí dájeze Ocuíraíma Jesucrístomo íñuaibitiaioi. <sup>15</sup> Uafue jamánomo ínotiaioi. Mei jira íráredino jofo abi íuemo, naa íaioi bírralluaíri jino bíródiaioi. Afénomo Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jíllozítiaioi. <sup>16</sup> Afe llezica aillo áinomo ite jofue comini Jerusalemo bitíaioi. Íaioi íráredinuaí atídiaioi fíenide jóriaído áífedogamací diga. Nana jíllotagaíiaioi.

*Ríimaci illaini Pedro Juan diga duere finóllena llaitátatiaioi*

<sup>17</sup> Iemona lletáriraini illaíma, afémieoiri ite saduceo imaci iere úradoizaidiaioi. <sup>18</sup> Ie jira orécamacina llaitada afe jófueo ite llavéracomo íbáizaidiaioi. <sup>19</sup> Mei íadi Juzíñamui abi ímie naio llavéraco naze tuizáibite. Jino íaioi uánona daide:

<sup>20</sup> —Gairíracomo omoi jai. Dínomo naidáillano comínimo nana bie comeci cáataite uaíllaído úrizairi, —daide.

<sup>21</sup> Aféfuena cacáillano, afe jíáírui monáídademo jofo gairíracomo jáidiaioi. Jáillano llófuiaide.

Afe llezica lletáriraini illaíma afémieo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamací atítatiaioi. <sup>22</sup> Mei íadi llavérraini llavéracomo dúciillano orécamacina bainédiaioi. Daa fia afefue abido lluaíbitiaioi. Daidíiaioi:

<sup>23</sup> —Llavéraco ñue riire íbaide naa naze jinófene úiñotinori eróediaioi baizájdicaí. Mei íadi cai zuitádicaimo afeco eromo buna íñena, —daidíiaioi.

<sup>24</sup> Aféfuena cacáillano lletáriraini illaíma, gairíraco úñoraini illaíma, íemo nanoide lletárirainiri ífo júdaizite; jicánotiaioi:

—¿Bífuiaí ninomo jica jálleite?

<sup>25</sup> Afe llezica daa íima daiízaibite; íaioina daide:

—Llavéracomo omoi íbaicogamíiaí jae gairíracomo comini llófuetiaioi, —daide.

<sup>26</sup> Iemona úñoraini illaíma naa llavérrainiri íaillinoi uájidiaioi. Mei íadi duere finóñeno íaillinoina atídiaioi, “Comínina nófiena cai níjite” daínanu jacíruitiaioi. <sup>27</sup> Íaillinoi

átianona, Nahíllaini uícomo íaillinoína naidánetaíoi. Iemo lletáriraini illaíma íaillinona daíde:

<sup>28</sup>—Afe mámeçido ómicoi llófueñellena jamánomo riire rairuídicaí. ¿Ja minica finóðimicoi? Nana Jerusalén comínimo ómicoi llófuiafuiai jica jalleide. Afe llezica afe íima tíilla ícoína caímo nitácaðimicoi, —daíde.

<sup>29</sup>Mei jira Pedro jíáie orécamaci díga uai ote:

—Juzíñamui uai jeire cai olle comíni llogáuai baímo ñuera. <sup>30</sup>Cai jáiaíragíma Juzíñamui Jesuna tíillamona cáatate. Bie Jesús coráirabicímo agúúnetá omoi fagámie. <sup>31</sup>Juzíñamui caífo monamo uano nabézimo íena rainade. Afe llezica afénomo illáímana jóonete. Dáanomo Jíllotaráimana jóonete. Daíí Juzíñamui Israel náiraímo íaíoi illafue méidollíruí jóonete, íaíoi íaífuíai dóllena. <sup>32</sup>Aféfue mo uai nabáiraímadicaí. Daje izóí Ñuera Joreño aféfuemo uai nabaiide. Nana ñue cacáredímacímo afe Ñuera Joreño Juzíñamui íga, —daíde.

<sup>33</sup>Aféfue na cacana llezica, ríicadaíoi. Iaillinoína fáiacadaíoi. <sup>34</sup>Mei íadí ríimaci cígiri fariseo ímie ite. Afémie mámeçi Gamaliel. Afémie ocuáfue llófueráima. Nana comíni íemo ñue coméçidíoi. Afémie náidaíllano ocuíde:

—Nano dáallegoí bimaci oni jíáínomo ui, —daíde. <sup>35</sup>Afe ífodo ríímacína daíde:

—Israel comíni, cacai. Baimácímo omoi finóllífue abí omoi rairuíri. <sup>36</sup>Jíáífuemo omoi úbicairi. Nauí nígaruí íllamona Teudas dúcizaíbite. Dúciíllano daíde: “Jamánomoidímiedicue. Illáímaiticue,” daíde. Iemona cuatrocientos dígamie afémiedo jáidiaíoi. Mei íadí íena fatíaíoi. Nana afémiedo jáídino ráidozinaidiaíoi. Iemona afefue niné táinocaide. <sup>37</sup>Afe mei comíni mámeçi cuiájíllaruímo, Galilea ímie Judas dúcizaíbite. Aílo comíni íedo jáidiaíoi. Daje izóí íena fatíaíoi. Afe izóí nana íedo jáídino ráidozinaidiaíoi. <sup>38</sup>Ie jira bímacína omoi fáicanocai; afémacína áífedoíeno. Mei bífue íñíai íeza, fuizájite. <sup>39</sup>Mei íadí Juzíñamui ífue, táinocaitanidíomoi. Abi omoi rairuíri, Juzíñamui díga omoi fuírízaiñelleza, —daíde.

<sup>40</sup>Nana jae jíeruíficaidiaíoi. Mei jira orécamaci jíírítiaíoi. Iaíoi dúcínamona íaíoína zechénótiaíoi. Afe meífodo Jesús mámeçido úrillana íaíoína rairuídiaíoi. Afe mei íaíoína fáicanocaidiaíoi. <sup>41</sup>Orécamaci ríimaci uícomona jino jáidiaíoi. Ióbioicaidiaíoi, mei Juzíñamui íaíoímo ñue comeci facáoíllaza. Jesudo jáinánamona méaífuedo duere zefuíaíoi. <sup>42</sup>Ie mei nágaruído Jesudo úrítiaíoi. Afe izóí llófueoidiaíoi. Gairíracomo, comíni jófuedo daje izóí llófuiadiaíoi.

## 6

*Juzíñamui uai llotino canórainina siete dígamie mámeçiga*

<sup>1</sup>Aféruíllaído íñotino aílo jebuíoídiaíoi. Griego ímaci judío ímacína zúucaíllafuedo jíitádiaíoi:

—Nágaruí guílle fécanomo cai fecínguái figo íñégaíoi, —daídiaíoi.

<sup>2</sup>Mei íemo doce díga orécamaci nana íñotinóri dáanomo íráidiaíoi. Iaíoína daíde:

—Juzíñamui úrilla uai jino llófueredicaí. Afena cai fáicanocáíllena daní omoi guílle cai fecáíllena figóñede. <sup>3</sup>Mei jira, ámatíai, omoi cígímona siete dígamie níze. Nana comínimona ñue coméçidímie izóídena jítaide. Ñue onóðímiena jítaide. Ñuera Joreño úicaígamiéna daje izóí jítaide. Ie mei daítadímíai guílle fecárainína maí jóoneri. <sup>4</sup>Mei caí daní Juzíñamuímo comeci facáoíticaí. Afe llezica Juzíñamui úrilla uaido llófueíticaí.

<sup>5</sup>Nana aféfuemo ñue coméçidíoi. Iemona Ñuera Joreño úicaígamié Esteban nízedíaíoi. Afémie Juzíñamui uaina íere íñofíredímie. Daje llezica jíáímíai nízedíaíoi: Felipe, Prócoro, Nicanor, Timón, Parmenas, Antioquía ímie Nicolás, nauí nano afémie judíuái íaíoi íñoga uaimo dáafueriacadímie. <sup>6</sup>Ie mei orécamaci íllánomo afémacína atídíaíoi. Atía mei orécamaci íaíoímo onoi bítano Juzíñamuímo úrítiaíoi. Afedo guílle fecárainína mamécaíoi.



<sup>7</sup>Iemo Ocuíraima Jesucristo úrilla uai comínido oni móonaioicaide. Jerusalemó ñnotino aillo jebuídaiioi. Afe llezica aillo judúuai lletáriraini aféfuemo ñnotiaioi.

*Esteban llaitádiaioi*

<sup>8</sup>Esteban Juzíñamui izói ñinoredimie Juzíñamui ézicigamie. Ie jira comini cígimo aillo ciórainina raa onótate raa diga finode. <sup>9</sup>Ie jira Rairuñegamací llófuerriraco ímiiáimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. <sup>10</sup>Mei íadi íena anáfenonidiaioi. Ñuera Joreño femo iga úrillana fibillafuedo úriteza. <sup>11</sup>Ie jira taino lloraini íbajidiaioi. Afémacina llotáioi:

—Mai omoi daíri: “Esteban Moiserá Juzíñamui diga fiéndiuaina dáinana cacádicaí,” —daí daíttatiaioi. <sup>12</sup>Aféfuedo comínina énamaci diga fáillifaiñeintadiaioi, daje izói ocuícáfue llófuerraini. Iemona cirínuano íena llaitádiaioi. Lláitano Caifóidillaini uécomo íena uitáioi. <sup>13</sup>Afe izói taino uallai nabáiraini jenódiaioi. Afémaci daide:

—Bímie cai ñue rairuñrede gairíracomo báñuano fáicanocaitañede. Jaca báñofirede, daje izói ocuícáfue. <sup>14</sup>Afémie dáinana cacádicaí. Afe dáina daide: “Baie Nazaret ímie Jesú afe gairíracó júdaitaite. Moisés caimo iga finóllifuiái meídotaite,” —daí daídáioi.

<sup>15</sup>Iemona ñimaci naa dínó ráíiedinori, Estébamo eróillano, ie uéco Juzíñamui abí ímie uécona eróidena cióidiaioi.

## 7

*Esteban abí ie riíduafue llote*

<sup>1</sup>Mei jira lletáriraini illaíma Estébamo jicánote:

—¿Meita nana bífuiai uáfuiai?

<sup>2</sup>Jira afémie uai ote:

—Ñue coméciide ámatiaí, móotiaí diga, cue úrillamo cácarei. Cai ebíredinoredimie Juzíñamui cai jaiaí nanóidimie Abrahamo cíocaide. Ua Abraham Mesopotamia éniemo illa llezica, afémie naí Haramo jaíaniñena llezica, <sup>3</sup>Juzíñamui íena daide: “O illánie fiénocai naa o comíniri. Afemona omo cue lolle éniemo o jairi.” <sup>4</sup>Mei jira Abraham Caldea éniemona oni jaide; jáillano, Harán jófuemo nano nie dino ite. Dínomo ie moo tiilla. Iemona Juzíñamui Abraham afe bie omoi illíniemo atide. Ja birui aféniemo itíomoi. <sup>5</sup>Mei íadi ñie feci raana nai afémie Juzíñamui íena íñede. Afe izói due jiza ie macállinena femo fecáñede. Mei íadi Juzíñamui uícomo uáfuena daide: “Bie énie óieite. O tiilla meífomo o jitótiaí feite.” Mei íadi aféruillaído Abraham nai jitónide. <sup>6</sup>Nane dáanomo Juzíñamui íena daide: “O uícoidígima jáíimaci éniemo onínemaci izói íitiaioi. Dínomo afémaci rairuícamací izói íitiaioi. Dínomo cuatrocientos fimona duere finólliaioi,” daide. <sup>7</sup>Mei íadi nane dáanomo Juzíñamui daide: “Omoi rairuícamacina finódizie íaioi fiéndifuiái cue jicánolle mei, afémacina duere zefuítaiticue. Ie meífomo o comini afénomona oni jáitiaioi. Oni jaillano, bínimo cuemo ñue caimare tájizaíbitiaioi,” daide. <sup>8</sup>Juzíñamui Abrahamo dáináuai íbana finóllifue llote. Afe llezica ie jitótiaí bacano ícoi quetállena ocuállado afe finóllifue uáfuena onótate. Ie jira ie jitó Isaac jócua mei ocho dígarui íllamona, Abraham ie jitó bacano ícoi quetade. Daje izói Isaac ie jitó Jacobóna finode. Afe izói Jacob nana ie jitótiaína finode. Afe jitótiaí Israel doce diga nairái moona jáidiaioi.

<sup>9</sup>“Bie Jacob jitótiaí cai nánoragimaciaí. Afémaci ie ama Josemo úradoidiaioi. Afemona afémiena fecádiaioi, Egipto éniemo úillena. Mei íadi Juzíñamui Joseri ite ie canóllena.

<sup>10</sup>Nana ie zefuínaillamona zuitade. Ñue úrillana fibillafue femo ite. Faraón uécomo ñue coméciidimiena Juzíñamui Josena itátate. Afe Faraón Egipto nahíllaíma. Afe Faraón Josena Egipto jabóllaímana mamede. Afe llezica daje izói dama Faraón jofo illáímana mameca.

<sup>11</sup>“Iemona júbietaillafue nana Egipto éniemo baite aillo zefuínaillafue diga. Daje izói Canaán éniemo ite. Ie jira cai móotiaí güíllenidiaioi. <sup>12</sup>Mei íadi Jacob Egiptomo trigo íllana fídiano afénomo ie jitótiaí orede. Afémaci cai jáiairagima. Bífue íaioi fueñe güille

uájillafue. <sup>13</sup> Ie mei dáanomo nane jáidiaioimo, José ie ámatiai ie abina onótate. Afe llezica José ie ámatiai Faraómo cíotate afémie íaioina onóillena. <sup>14</sup> Iemona José ie moo Jacob naa ie comíniri atítate. Afémaci setenta y cinco dígamiede. <sup>15</sup> Afe daí íaioimo ificaide Jacob Egíptomom jaiánillena. Dinomo afémie tíide; daje izói afénomo cai jáiairagimamona dáríe tíide. <sup>16</sup> Afe meífodo íaioi ícuruai Siquém illánomo uitá raiájidiaioi. Afe dinomo Hamor jitótiaimona Abraham ie comini ícuruai raillínuaí ibade. Jira afénomo raiájidiaioi.

<sup>17</sup> Jáiai ninomo Juzíñamui Abrahamo uire ñue íaioi illena riirede uaido uáfuena llote. Afe uícodo daínúuai fuizáillrui ánoziacademo, Israel nairai Egíptomom ñue jebuídiaoí; ua iere áillue náiraina jáidiaioi. <sup>18</sup> Afe llezica Egíptomom jáie Faraón illáimaizade. Afémie Josena onóñede. <sup>19</sup> Aféllaíma cai náiraina jífuete; cai jáiairagimacina duere finode. Cai como jococa úruiaina zóofetade íaioi tíillena. <sup>20</sup> Aféruillaido Moisés jococa. Afémie ie dúeza illáruimona Juzíñamuina íóbitade. Afe izói ie moona ie ei díga íóbitade. Afe íaillinoi daámami fiui jofomo íena móonaitadiaillinoi. <sup>21</sup> Mei íena zóofetarui dúcinamona Egípto illaíma nahí jiza íena abímo ote. Afengo jitó izói afézana comúitate. <sup>22</sup> Ie jira afe Moisés Egípto comini nana onóigafuena llófuegamie. Iemona ie daínúuaillai riirede. Afe izói afémie finócafuaí jamánomoide. <sup>23</sup> Ja afe mei cuarenta fimona illa llezica, Moisés ie nairai israelita comini méínuaiacade. <sup>24</sup> Afénomo Egípto ímie Israel náiraimona dámie duere finóinana Moisés cíozade. Ie jira Moisés ie nairai ímie ríduuabillano Egípto ímie fate afe iba óllena. <sup>25</sup> Moisés comécido daide: “Cue ámatiai israelita comini Egíptomona fáicanocailífue onódiaoí. Ua Juzíñamui íaioi cuedo fáicanocaitafuena fidídiaoí,” daide. Mei íadi áfena fidíñediaioi. <sup>26</sup> Afe jítiramoidiruido Moisés Israel ímíiaillinoi fúirienailana cíode. Íaillinoi fuiríllafuena llíicaitaacanano íaillinoína daide: “Omícoi daje ámadiomícoi. ¿Níbái comímana duere finódiomícoi?” daide. <sup>27</sup> Ie jira nabai duere finódmie Moisés oni ñuitade. Oni ñuita mei íaillinoimona dámie Moíseno daide: “¿Bu o cai cígímo illáimana jóonegao? ¿Bu cai fiénidífue jícanoraímana jóonegao? <sup>28</sup> ¿Nauri Egípto ímie o faaja izói birui cuena fáiacadio?” daide. <sup>29</sup> Daí daínana cacáillano, Moisés botade. Bótano Madián éniemo jaide. Dinomo jícanemie izói ite. Afénomo mena jítórede.

<sup>30</sup> ‘Cuarenta fimona méífomo, Moisés amena figo íñénazicímo mácajide. Sinaí idu áinomo ite. Afénomo Juzíñamui abí ímie boode íázafedínamo cíocaide. Afe irai bóoidínomo cíocaide. <sup>31</sup> Afena cíónamona Moisés jabo fáigacaide. Afena ñue cíoillena áfemo jofo ánozide. Ainozillano Ocuíraíma Juzíñamui úrillana cacade. Afe uai daide: <sup>32</sup> “O nánoidímaci Juzíñamuidícue. Ua Abraham, Isaac, Jacob díeze Juzíñamuidícue,” daide. Jira Moisés jágieri cuidírícaide. Iemona dáanomo áfemo eróillana jacírúite. <sup>33</sup> Iemona Ocuíraíma Juzíñamui íena daide: “O eiba íco duíño, benó o naidáillano cue íllaza jamánomo ñúenoza. <sup>34</sup> Cue comini Egíptomom duere zefuillana cíodícue. Íaioi eehe cáilliana cacádícue. Jira ana íaioína zúítaíbitícue. Jira cue daínana cacai. Egíptomom ona óreitícueza,” daide.

<sup>35</sup> ‘Ja nano fueñe nana comini Moíseno jámaírúitiaioi. Iena jáiai daízáidiaioi: “¿Bu illáimana mamécao, caímo jícanoraímana o íllena?” Mei íadi bóodinamo cíode Juzíñamui abí ímiedo Juzíñamui Moíseno zúítaitímiena orede, íaioi illáimana. <sup>36</sup> Jira Moisés cai jáiairagímaci Egíptomona jino baíródmie. Afémie bie éniemo cíórainina raa onótate raa díga finódmie. Afe izói Jáírede Monáillaimo cíórainina daínamona comuide raa finode. Afe izói cuarenta fimona íllamona zaféredízicímo íaioi illa llezica cíórainina raa finófríede. <sup>37</sup> Afe dáamie Moisés Israel comínina daídímie: “Juzíñamui daní omói ámatiaimona uai llóraímana ómoímo óreite, cue ie ória izói. Afémiemo jeire omói óri.” <sup>38</sup> Afe Moisés zaféredízicímo comíniri ítímie. Afe Moisés Sinaí ídumo ítímie. Dinomo Juzíñamui abí ímie íemo úrízaíbite. Afemona Moisés cai jáiairagímamo aféuai jino llotímie. Afe Moisés cáatatuauillai llíinote, afe uáillaina caímo fiénocaillena.

<sup>39</sup> ‘Mei cai jáiairagímaci íemo cacáreacañediaioi. Iena ruífruillano, meine Egíptomom jáiacadiaioi. <sup>40</sup> Jira Aarona daídiaoí: “Cai uícodo ífoite juzíñamuillaina caímo finóllena

jítáidicai. Baie Moisés Egipto éniemona cai otímie, íemo itífuenta onóñedicai,” daidíaiói.  
<sup>41</sup> Ie jira juráreto jiza jana finódiaíói; jíáie rílleníai fatíaíói afe jízato jánaraina finócamo  
 fia fecállena íena íóbitallena. Mei íaiói ónoído finoca raamo caimátaíoidiaíói. <sup>42</sup> Ie jira  
 Juzíñamui íaíoi mona oni jaide. Afemona Juzíñamui íaíoi na fiénocai de mona úcuaimo íaíói  
 comeci facáoillena. Mei daíí uai llórainí rabénicomo cuegáuai daide:  
 ¡Israel comini, omoi cacai!

¿Cuarenta diga fimona íllamona zaféredizicimo rílleníai fatíomoi cuemo fia fecállena?

<sup>43</sup> Ieñede. Jíáífodo finódiomoi.

Taino juzíñamui Moloc ráíicaillacojí abimo máíñuano úioicaídiomoi.

Afe llezica jíáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca íóbitalle jánarai.

Ie jira omoi éniemona omoi otá Babilonia batífenemo ómoina óreiticue, daide.

<sup>44</sup> “Cai jáíairagímamo Juzíñamui gairíraco ite. Afénomo nofícómo cuega ocuica uaillaí  
 énotiaíói. Afe gairíraco Juzíñamui Moísemo ocuilla izóí niga. Nano fueñe Juzíñamui íena  
 daide: “O cónaco omo cue ácata izóí o nitátari,” daide. <sup>45</sup> Cai jáíairagímaci afe gairíraco feci  
 raa izóí llínotiaíói. Ie mei Josué diga bitíno jíáie nairai énie báírúa llezica afeco atídiaíói.  
 Afe éniemo itínuiíai Juzíñamui oni jiude, íaíói meífomo ie comini illino finóllena. Afeco daíí  
 dínomo ite David illáruillaido. <sup>46</sup> Illáima David Juzíñamuina íóbitade. Iemona Juzíñamui afe  
 Davidna canófirede. Aféruillaido ie jáíairagíma Jacob íinoga Juzíñamui illico nitátaicade.  
<sup>47</sup> Mei íadi ie jító Salomón Juzíñamui jofo ua nitátatímie. <sup>48</sup> Mei íadi jamánomo caífoide  
 Juzíñamui, comini ónoído niga gairíracuaimo ífinide. Afe izóí uai lloraima daide:

<sup>49</sup> Caífo bie mona ua cue illáimana ráírano izoide.

Ie mei bie énie cue idai bitáoinanie izoide.

¿Níie izóídico cúeiena nitátaitio?

¿Nee cue ocózinairano?

<sup>50</sup> ¿Ua meita nana bie ráaniaina cue ónoído finódicue?

Jíí finódicue, —daíí Ocuíraima Juzíñamui daide.

<sup>51</sup> Nai Esteban afémacimo úrioicaide. Daide:

—Mei íadi omoi comeci jaca Juzíñamuina rairuífirede. Juzíñamuina onóñedicaci izóí  
 jefónidiomoi. Juzíñamuimo comécíñedicaciomoi. Ñuera Joreño llétafue jaca jeire  
 onédiomoi. Omoi jáíairagíma izóídimacidiomoi. <sup>52</sup> ¿Ua meita omoi jáíairagíma níí uai  
 llórainina duere finódiaíói? Nana íaíoi na duere finódiaíói. Níí fígomie bíllana úcodo  
 llotínona titádiaíói. Afe fígomie jae dúcide. Iena fécano fatíomoi. <sup>53</sup> Omoi Juzíñamui abí  
 ímíaiido llogámacidiomoi, mei íadi níue cacáreñediomoi, —daíí dinori Esteban daide.

### Esteban tíillafue

<sup>54</sup> Aféfuíaina cacáíllamona, ríicaídiaíói. Estébamo fuedo gugúricaidiaíói. <sup>55</sup> Mei íadi  
 Esteban Ñuera Joreño úicaigámie. Afe llezica monamo érocaide. Dínomo Juzíñamui  
 ebírenafuena ciode. Afe llezica Jesús Juzíñamui nabézimo naidáinana ciode. <sup>56</sup> Ie jira daide:

—¡Ero! Mona túinana ciódicue. Nanoíde íima Jitó Jesús Juzíñamui nabézimo naidaide,  
 —daide.

<sup>57</sup> Mei íadi afémaci jefo íbáidiaíói. Ríirerie caillóicana illíñana íemo caízaidiaíói.

<sup>58</sup> Jófue mona oni uitá nófiéna ie níjidiaíói. Níjidino íaíói emódoíroillai jítócome Sáulona  
 maméidimíena úíñotadiaíói. <sup>59</sup> Nai ie íaíói níjia llezica, Esteban Juzíñamuimo úrillano  
 daide:

—Ocuíraima Jesús, cue joreño oni llíno, —daide.

<sup>60</sup> Ie mei ana dújullano, riire caillide. Daide:

—¡Ocuíraima! Bie fiénidífue ícoínia bimácimo jítáñeno iri, —daide.

Daíí dáina meífodo tíibicaide.

## 8

*Saulo Jesudo gairírani racade*

<sup>1</sup>Fatímaci izói Saulo afémacimo comécioide.

Aféruimona Jerusalemite Jesudo gairírani duere finóllena como fueñe judúuai jénuaidiaioi. Ie jira nana ínotimaci Judea énie fuédado ráidoizitiaioi; daje izói Samaria éniado. Dani doce dígamie orécamací Jerusalemite fiébitiaioi. <sup>2</sup>Iemona Juzíñamui raana duéruitimaci Esteban raíájdiaioi. Ieri aillo éediaioi. <sup>3</sup>Afe llezica, Saulo gairíramacina nai racáoide. Náguacaido jenode. Afécuaimona íññiai ringóniai diga jino zónuano íaioina llavétate.

*Jesucristo ñuera uai Samáriamo llujíjdiaioi*

<sup>4</sup>Ja birui Jerusalemite oni jáiredino, Cristo jllonafue íaioi jáillanuaímo llujíjdiaioi.

<sup>5</sup>Afémacimona dámie Felipe Samaria jófuemo jaide. Dinomo Cristo ráfuedo íaioimo úrizaide. <sup>6</sup>Afe comini gairíllano Felipe dáinamo ñue cacáreidiaioi. Felipe finoca ciórainina onótate ráaniai ciódiaioi. <sup>7</sup>Mei jira aillo fiénide jóriaimona jllotagaiaioi. Afémacimona fiénide jóriai caillícana oni jaide. Afe llezica aillo tízitaitimíai aidáimaiai diga jllotagaiaioi. <sup>8</sup>Aferi afe jofue comini iere caimátaioidiaioi.

<sup>9</sup>Mei íadi dámie Simóna mámeçredímie afénomo ite. Afémie úcoidiruillaido aimana jaide. Afe jofue comini jífuete. “Jamánomoidímiedíue” daífiredímie. <sup>10</sup>Nana comini jabóidinomona ua nahíllaímamo dieze femo iere cacáreidiaioi. Daidíaioi:

—Bímie caifoide Juzíñamui ríinona igámie, —daidíaioi.

<sup>11</sup>Iere are ie aimánafuedo afémacina jífuete; ie jira femo jeire otíaioi. <sup>12</sup>Mei íadi Felipe Juzíñamui illáimana illirui uai Jesucristo mámeçí diga, íaioimo llote. Aféuaillaina cacáillano afemo ñue ínotiaioi. Íññiai ringóniairi dájerize ínotiaioi. Inuano báutizagaiaioi. <sup>13</sup>Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

<sup>14</sup>Jae Samaria comini Juzíñamui úrillauai jeire otíaioi. Afe íaioi jeire uáfueña Jerusalemite ite orécamací fidídiaioi. Fídiano afénomo Pedro Juan diga orédiaioi. <sup>15</sup>Dúciillano Samáriamo ite ínotinori Juzíñamuimo jícadiaioi, Ñuera Joreño íaioi llíinollena. <sup>16</sup>Mei afémacimona nímiemo Ñuera Joreño nai biñede. Dama Ocuíraíma Jesús mámeçido báutizaga. <sup>17</sup>Afemona Pedro Juan diga íaioimo onoi bitade. Iemona daí Ñuera Joreño úcaigaiaioi.

<sup>18</sup>Orécamací bimácimo onoi bitamona Ñuera Joreño bíllana Simón ciode. Ciónamona úcube orécámie íaillínoímo íoicana

<sup>19</sup>daide:

—Jadíe ríino cuemo ine. Afe izói nie cómemo cue onoi cue jóoneadi Ñuera Joreño femo bílleza, —daide.

<sup>20</sup>Jira Pedro íena daide:

—jNaa o úcube diga o táinocairi! Juzíñamui fecaca raa úcubedo íbárede daidío; daí comeci facáidío. <sup>21</sup>Bífuemo o dúíñedio. Bie coco táijinafuemo jáináñedio, o comeci jáicína Juzíñamuimo jóoiñena jira. <sup>22</sup>Bie o fiénidífue o fáicanocai. Juzíñamuimo izire o jícarí o fiéni comécido dainafue iba omo óñeilleza. <sup>23</sup>Ja onódicueza o comeci fílliru izói eríredeza. Afe íaífuaíaido cuinácámie izói itízoa.

<sup>24</sup>Jira Simón uai ote:

—Ocuíraímamo cuedo jícarí, nana o cuena daináfuaíaimona dafue cuemo níjñeillena, —daide.

<sup>25</sup>Afénomo Crísto ñuefue nitádiaioi. Daje izói Juzíñamui uáillaido úritiaioi. Ie meífodo, orécámie íaillínoí Juzíñamui jíllollíuái aillo Samaria duera jófuaíaimo llófuaíaidí-aillínoí. Ie mei Jerusalemite meíne bitífaillínoí.

*Felipe Etiopía ímiemo úrite*

<sup>26</sup>Afue meífodo Juzíñamui abí ímie Felípena daízaíbite:

—Náidacaillano, fui ri batí Jerusalémona Gaza jófuego jóidido o jairi, —daide.

Afeo zaféredizicido jóidio. <sup>27</sup>Iemona Felipe náidacaillano áfeodo jaide. Dinomo uíecodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraima. Afe llezica afémie ónima. Naui uicodo afémie Jerusalemo Juzíñamuiimo cáimaduaide. <sup>28</sup>Afémie abido ie éniemo jáizaide. Ie caballo zonóicaiga ráiiralloicimo ráiicana Juzíñamui uai lloraima Isaías cuegáuai facádote. <sup>29</sup>Afe llezica Ñuera Joreño Felípena daide:

—Jadilloicimo ánozillano afénomo nabairi, —daide.

<sup>30</sup>Ainozillano, Felipe afémie Isaías cuegáuailai facáuana cacade. Iemona íemo jicánote:

—¿O facádoga uaina meita onódio? —daide.

<sup>31</sup>Jira afémie uai ote:

—Cuemo jino llóitimie inédeza, ¿niie izóí ónoiticue? —daide.

Iemona Felípemo caifo ie diga dáanomo ráiillena jicade.

<sup>32</sup>Juzíñamui Cuegáuaimona afémie facádoga uai áfena daide:

Oveja izóí tíizailinomo uiga.

Oveja jiza abi cuidódino uíecomo úriñedímie izóí táiiide,

afe izóí afémie jaca nífuedo úriñede.

<sup>33</sup>Afémie iere jámairuigamie; jáicinaidifuena íemo rairuídiaíoi.

¿Ie ñue illáfuedo mei bu úrille?

Mei ie cáajano bie éniemona niné táinocaide, —daide.

<sup>34</sup>Jira illaingo abi ríimie Felípemo jicánote:

—Cuemo llone, ¿bumo úrite uai lloraima? ¿Ñibai dama íemo úrite? ¿Ñibai jiáimie mo úrite? —daide.

<sup>35</sup>Jira Felipe afémie facádoga Cuegáuaimona Jesús úrillauai íemo jino llote. <sup>36</sup>Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

<sup>37</sup>Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

<sup>38</sup>Iemona jáiralloici mozíñota ille dné jáidiaillinoi. Dinomo Felipe ie báutizade.

<sup>39</sup>Illémona ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíñede. Mei dama ie éniemo caimare jaide. <sup>40</sup>Felipe nane Azoto jófuego cíocaizaide. Dinómona naga jófuedo jíllonauai llócade. Ua ba Cesarea jófuego fuizájide.

## 9

*Saulo comeci jiáifodo méiduafue*

(Hch 22.6-16; 26.12-18)

<sup>1</sup>Afe llezica Saulo Jesumo íñotino fáiacanafuedo úrioido. Ie jira lletáriraini illáimamo jicánuaide. <sup>2</sup>Daide:

—Llavétallibiaina cue ine, Damasco jofue gairíracomo cue jáilleza, Jesús uaimo íñotino cue jénuailleza. Afemona íñiaí naa ringóniari maitá Jerusalemo cue atílleza, —daide.

<sup>3</sup>Mei nai iodo jailla llezica, Damasco jófuego ánozidemo, monámona bite úzefo nágafene ie abimo úzere egáñocaide. <sup>4</sup>Iemona Saulo éniemo baíide; baíilla llezica Jesús íena dámana cacade:

—Saulo, Saulo, ¿ñibái mei cue racádio? —daide.

<sup>5</sup>Mei jira Saulo uai otá jicánote:

—Ocuíraima, mei o ¿búdio? —daide.

Jira aféuai ote:

—Cue Jesúdicue. Dama o racácamiedicue. Aillue juráreto zaitáacademo jáiredizimo jiiide. Afe izói ízitagamiedio. <sup>6</sup>Mei íemona Saulo jágieri cuidide; daide:

—Ocuíraima, ¿ona nie izói finóredicue? —daide.

Jira Ocuíraima uai ote:

—Náidacaillano baie jófuego mai jofo jai. Dinomo o finóllifuenta omo llóitiaoiza, —daide.

<sup>7</sup>Sáulodo jaide comini aféuaina cacádiaioi íadi mei buna ciónñediaioi. Aferi iere jacínaitiaioi. <sup>8</sup>Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daí ónoído jáinátacana Damasco jófuego íena uitíaoi. <sup>9</sup>Dinomo daruíamani uina ciónñede. Afénomo minícana güiñede, jiróñede.

<sup>10</sup>Afe Damasco jófuego ínotimie Ananías illa, nímíemo Ocuíraima nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraima, benó iticue, —daide.

<sup>11</sup>Jira Ocuíraima íena daide:

—Náidacaillano, Deréchana mámecirede iodo jairi. Dinomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzñamui mo úrite <sup>12</sup>Ie úrioína llezica nicáirilla izóidedo ie uimo onoi bitáibitimie, Ananías mámeciredimiena ciode; áfemona nane ie ui ñue cíoite, —daide.

<sup>13</sup>Afe uaina cacáillano Ananías daide:

—Aillo comini baie ímana cuemo llotíaoi. Afe llezica omo ínotinuiamo nana Jerusalemo ie fieni finócafuiaí cuemo llotíaoi. <sup>14</sup>Ja birui afémie benomo bite. Lletáiraini illaini llavétallibiai diga bite nana o mámecido jicáfiredino maitá úillena, —daide.

<sup>15</sup>Jira Ocuíraima daide:

—¡Mai jai! Afe ímana jae cue nizeca jíáie náiraímo cuedo úrillena naa íaoi illáiniri.

<sup>16</sup>Afémie aillo cue náiraímo llóite. Afémie aillo cue ícoína duere zefuillana íemo ácataitcúe, —daide.

<sup>17</sup>Iemona Ananías Saulo illácomo jaide. Jofo jáillano íemo onoi bitájano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoillena ocuide. Afe dáanomo afémie Ñuera Joreño ona cue úicaitallena cuena daide, —daide.

<sup>18</sup>Afe daí dánamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate. <sup>19</sup>Afe meífodo güillano, ie ríino meine comúitate. Afe mei nano nígarui Damáscómo ite ínotinori fiévide.

#### *Saulo Damasco jófuego jino llófuerite*

<sup>20</sup>Ie meífodo Saulo garíracómo jino llófuerizaide. Afénomo daide: “Jesús Juzñamui Jitó.” <sup>21</sup>Nana afémíemo cacáidino fáigacaillano daidíaoi:

—¿Ua meita bie nímíede, nauí Jerusalemo Jesús mámecido jicáfiredino racádimie? ¿Ñie nauí benomo bitímie lletáiraini illáinimo cai maitá úillena? —daidíaoi.

<sup>22</sup>Mei íadi Saulo jamánomo riire jino llófuerite. Jesús Crístonana jino uafodo cíotate. Mei jira Damáscómo ite judíuai Saulo ífona íritagaíaoi.

#### *Saulo judíuaímona jillode*

<sup>23</sup>Diga iruillai jailla meífomo, judíuai dáanomo comecei fácana Saulo fállena maméri-tiaoí. <sup>24</sup>Mei íadi aféfuena afémie fidide. Naa mona naio diga jofue jino jáirazemo úínoídiaioi ie fállena. <sup>25</sup>Mei íadi ínotimaci áillue cirígaimo íena jóonetaioi. Jóoniano afe jofue jinófene cirínuailla jinomo naio íena agúinetaioi. Afe daí afémie botade.

#### *Saulo Jerusalemo illafue*

<sup>26</sup> Saulo Jerusalemo dúciillano, Juzíñamuimo íñotinori gairíacade, mei íadi nana afémiena jacíruiatiao. Afémie íñogafuena nai jeire oñédiaioi. <sup>27</sup> Mei íadi Bernabé íena uáidote. Iemona orécamiimo íena ácatajide. Afemona Saulo iomo Ocuíraimana ciónafue íaioimo llote. Ie mei Saulo Damasco comínimo méaicaiñeno Jesús mámeçido úrillafue íaioimo llote. <sup>28</sup> Jira Saulo Jerusalemo diga irui ite. Dinomo íñotimaci diga macácaide. <sup>29</sup> Ocuíraima mámeçido méaicaiñeno úrite. Griego uaido úritino judúuaimo úrite. Conímamo jicánua uai ua daíí úrite. Iemona ie fállena mamédiaioi. <sup>30</sup> Jáíe ámatiai afefue fídiano, Saulo Cesaréamo uitíai. Dinómona Társomo íena orédiaioi.

<sup>31</sup> Ie meifomo nana Judea éniemo ite Jesús mámeçido gairíidino fírazítiaioi. Ja íaioi íñogafuemo caimare náireoicaidiaioi. Afe izóí Galilea éniemo Samaria énie diga ite íñotino fírazillamona riire náireoicaidiaioi. Ocuíraima Jesús núefuerei jácicaidiaioi. Nuera Joreño íaioi cánuamona jebufoicaidiaioi.

*Eneas jae jillotaga*

<sup>32</sup> Pedro jáíe ámatiai uáidualla llezica, daje izóí Lida jófuemo ite íñotino éroizaide. <sup>33</sup> Dinomo Enéasna maméidimiena cóizaide. Afémie ocho diga fimona bíramo bíide ie tízitailla jira. <sup>34</sup> Iena Pedro daíízaide:

—Eneas, Jesucristo ona jíllotaiteza. Náidacaillano o bíra ñue fino, —daide.

Afemona Eneas raire jillobicaide. <sup>35</sup> Lida jofue nairai aféfuena nana ciódiaioi naa Sarón náirairi. Iemona jaiai nano íaioi íñogafuiai fáicanocaillano Ocuíraima llogáfueimo íñotiaioi.

*Dorcas tíide meine abido cáanafue*

<sup>36</sup> Aféruillaído Jope jófuemo ite íñotingo. Afengo mámeçi Tabita. Afe mámeçi griego uaido Dorcas. Afe ríngo núefuedo jáicade. Jitáidinona canófirede. <sup>37</sup> Aféruillaído afe Dorcas iráreizaide. Iemona tíide. Ie abi jócua meífodo oni caifóidicomo jóonetiaioi. <sup>38</sup> Lida áinori ite Jope. Aféruimo Pedro afénomo nai ite. Íñotino afénomo íllana fídiamona, ménamie orédiaioi íena daííllena:

—Jópemo jízíñeno raire biri, —daide.

<sup>39</sup> Iemona Pedro afémie íaíllinoido jaide. Pedro dúcinamona, Tabita abi jóoinanomo íena uitíai. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tífocacuiruai íemo ácatatiaioi. Emodo íroillai naa jáíe iníroillairi íemo ácatatiaioi. <sup>40</sup> Afécomona Pedro nana jino íaioi orede. Ie mei caiñici ífodo dújuillano Juzíñamuimo úrite. Tíidíngomo eróíllano daide:

—Tabita, mai caifo náidacai, —daide.

Iemona afengo ui botáicaide. Pédromo érocaillanona caifo ráinade. <sup>41</sup> Onoido llíinota ie caifo naidánete. Afe mei ailli jino oreca fecíngotiai íemo ámatiai daínámaci diga abido jíirite. Iemona afengo caade íaioimo izájide. <sup>42</sup> Afefue nana Jope jófuemo jállecaide. Iemona aillo comíni Ocuíraimamo íñotiaioi. <sup>43</sup> Afe mei Pedro diga irui afe jófuemo fiébide. Igorai ídiai jínítaraíma Simón jofomo ífirede.

10

*Pedro Cornelio uáiduafue*

<sup>1</sup> Afe Cesarea jófuemo Cornélliona maméidimie ite. Afémie fuíríraini áillogüelli illaíma. Afe áillogüelli mámeçi Corneliano. <sup>2</sup> Afémie naa dama ie comíniri Juzíñamuimo começi fácajano caimare úrite. Afe llezica Juzíñamuimo ñue jacíruioido. Daje izóí aillo úcubena judúuaimo fecáfírede íaioi canóllena. Iemo Juzíñamuimo nágarui úrifírede. <sup>3</sup> Ie mei daarui jítoma ana ítemo nicáírilla izóí ciode. Afe nicai anado Juzíñamui abi ímie uáfodo cíode. Afe abi ímie jofu Cornelio illánomo jaide; jáíllano íena daide:

—¡Cornelio! —daide.

<sup>4</sup> Cornelio afe Juzíñamui abi ímieo jacíruioicana érocaillano jicánote:

—Ocuíraima, ¿bie minica?

Iemona abi ímie íena daide:

—O jicánua Juzíñamui jae jeire ote. Daje izói jitáidino o cánuaíuaina jeire ote. <sup>5</sup> Mei jira Jope jófueo íñiaí ore, Simón jíirizaillena. Afémie jíáifodo mameina Pedro. <sup>6</sup> Afe Pedro jíái Simón igorai ídiaí jinítaraima. Afémie jofo monáillai fuédamo ite. Afe Simón Pedro o fínóllifue omo llóite, —daí daide.

<sup>7</sup> Afe íemo úrite Juzíñamui abi ímie jáidemo, Cornelio mena táijitagamie jíirite. Ie mei ie abi ímiaímona daa ñúefueo ínofirede fuíriraíma jíirite. <sup>8</sup> Nana Juzíñamui abi ímie íemo llogafue llua meífomo Jópemo íaioina orede.

<sup>9</sup> Afe jíitramoidiruiimo, nai afémaci iodo jailla llezica, Jópemo áinozidiaioimo, Pedro jaíciri illa llezica jofo emodo íbánimo Juzíñamuimo úrizaide. <sup>10</sup> Aillo jufínaillamona güacade. Mei íadi nai güille íaioi fínua llezica, nicáirilla izoide ciode. <sup>11</sup> Afe nicaí anado mona tújicaillana ciode. Afénomona áillue iniroi izóidena nágafene zicai ícoínoga ana éniemo agúinana ciode. <sup>12</sup> Afe agúínega iníroimo naga táíide rílleniai ite, jaióniaí féedinuiaí diga. <sup>13</sup> Iemona daa uai dánana cacade:

—Pedro, náidacaillano fatá rii, —daide.

<sup>14</sup> Jira Pedro uai ote:

—Jii, Ocuíraima, ríñeiticue. Bácaca ríllena jaca ríñédicue. Daje izói íáirede ríllena ríñédicue naa rairuica rille diga, —daide.

<sup>15</sup> Afe uai nane dánomo íena daide:

—Naga Juzíñamui dogo izói fínoca rilleza íáire maméñeno iri, —daide.

<sup>16</sup> Afefue dacaiñoámani íemo íficaide. Ie meífomo afe iniroi meine abido monamo jaide.

<sup>17</sup> Nai Pedro afe nicáirillafueo comeci facáaide. “Afe cue ciónafue nie izói daííacade,” dáidemo, Cornéliomona orécamiiai nazemo náidazaíbitiaioi. Simón jofo jicánotiaioi.

<sup>18</sup> Dúciillano aillo uaido jicánotiaioi:

—¿Simóndimie bicomio ite? Afémie jíáifodo mameina Pedro, —daidíaioi. <sup>19</sup> Nai Pedro nicáirillamo comeci facáaidemo, Ñuera Joreño íena daide:

—Cacai, damieámani o jenódiaioi. <sup>20</sup> Náidacaillano ana billano jizire úriñeno íaioido jai, mei cue omo orécamiiaza, —daide.

<sup>21</sup> Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoi jenócamiedicue. ¿Níbái mei bitíomoi? —daide.

<sup>22</sup> Jira afémaci uai otíaioi:

—Hlaima Cornelio caí ória jira biticaí. Afémie ñúefuena nitácemie. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izíruítiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáíbiticaí. Dinomo Cornelio íena o daííacallífuea cácaite, —daidíaioi.

<sup>23</sup> Ie jira Pedro jofo íaioina ote. Afe naio ie diga fíebidiaioi. Afe jíáiruido Pedro afémaci diga jaide. Afe llezica Jópemo ite ámatiaímona íena nabáioicaídiaioi.

<sup>24</sup> Afe jíáiruido Cesaréamo dúcidiaioi. Dinomo Cornelio íaioina úiñote. Afénomio bíllena ie llogámaci ie comínimona, ie gaíga nabáíñiaímona dánomo gairídiaioi. <sup>25</sup> Afécomo Pedro dúcia llezica, Cornelio jino íena llínuuabite. Jino billano Pedro anamo dújude, ie cáimadollena. <sup>26</sup> Mei íadi Pedro íena náidacaítano íena daide:

—Náidacai. Cue o izói énie ímiedicue, —daide.

<sup>27</sup> Nai afémie diga úrioina llezica, jofo jaide. Jáillano aillo gairídinona cíozaide. <sup>28</sup> Jira Pedro daide:

—Jae onódiomoi, judío ímie ie íñuafuíaído jíáizie ímie diga nabáirinide. Daje izói ie jofomo jaille rairuírede. Mei íadi Juzíñamui jae cuena llófuete. Buna jíáimana comécina íáiredimie daíñide. Daje izói rofócredimie jíáimana daíñide. <sup>29</sup> Ie jira orécamiiai



cue jírilla llezica nie izói daiñeno jarire bitícueza. Mei jira nibái mei cue uáidotioza onócadicue, —daide.

<sup>30</sup> Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güiñeno iticue. Aféruimo jitoma ja ana ítemo Juzíñamuimo comeci faiticue. Comeci faiano quenírede inícuiro jitáoidimie cuemo cíocaide. <sup>31</sup> Afémie cuena daide: “Cornelio, o jicánogafuiaina Juzíñamui cacade. Afe llezica jitáiredinomo o cánuafuiaimo Juzíñamui comécide. <sup>32</sup> Jope jófueo ore Simón uájillena. Afémie jíáifodo mameina Pedro. Afémie jíáie Simón jofomo biruido ite. Jíáie Simón igorai ídiai jinítaraima. Ie jofo monaillai fuédamo ite. Pedro dúcia o diga úrizaité,” daide. <sup>33</sup> Daií raire ona jenótaticue. Jira o bille ñuera. Birui nana benomo Juzíñamui uíecomo iticai. Nana Juzíñamui omo llotátaguaui caimo o daiñllena cacácadicaí, —daide.

*Pedro Cornelio jofomo llófueza*

<sup>34</sup> Jira Pedro ja úrillano daide:

—Ja birui Juzíñamui jíáimana daa úradotatañedeza onódicue. <sup>35</sup> Mei íadi nizíemo itino íeri jáicacillano ñúefuedo úritinona Juzíñamui íaioina llínofírede. <sup>36</sup> Israel cómogimacimo Juzíñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. <sup>37</sup> Nana judío éniemo comuidífueña ñue onódiomoi. Juan Bautista jino llujílla mei, comini báutizailla meífodo afefue Galiléamo como fueñe taineca. <sup>38</sup> Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuáinona ie jíllotafuiaina onódiomoi. Aféfuaina daií finode Juzíñamui ie diga jáicana jira. <sup>39</sup> Nana Jesús judío éniemo finócafuiái uai nabáiraimacidicaí. Daje izói Jerusalén jófueo ie finócafuiái uai nabáiraimacidicaí. Ie meífomo cruzmo íena coráiano íena titádiaioi. <sup>40</sup> Mei íadi Juzíñamui daruíamani íllamona abido íena cáatate. Ie mei afémiena caimo cíocaitate. <sup>41</sup> Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraimacidicaíza. Afe mei afémie tíllanomona meine abido cáanamona ie meífomo, afémie diga güiticaí; ie diga jiródicaí. <sup>42</sup> Afémie Jesucristo rafue jino comínimo caina llotátate. Afe izói jíáifue caina ua nabáiritate. Afefue daide: “Juzíñamui afe Jesús tíidino cáadino diga íaioi fiénidífuiái jicánoitimieña ocuide. Cai aféfuemo uaina nabáitagamacicaí.” <sup>43</sup> Daje izói jaiái ninómoma nana uai lloraini Jesudo úritiaioi. Daidíaioi: “Nana afémiemo íñotino íaioi íáiredífueomona ie mámedido ñue dóficaitaioi,” daidíaioi, —daide.

*Judúuaiñedino Ñuera Joreño como fueñe úicaigaiaioi*

<sup>44</sup> Nai Pedro úrioina llezica, ie úrillauaimo cacáreidimacimo Ñuera Joreño nana íaioimo ana bite. <sup>45</sup> Jira Pédrodo bite íñote judúuai fáigacaidiaioi. Ñuera Joreño judúuaiñedinomo daje izói úicaigafueri fáigacaidiaioi. <sup>46</sup> Jae jíáizie uáillaido íaioi úrillana cacádiaioi. Afe llezica Juzíñamuimo íaioi ióbioinana cacádiaioi. <sup>47</sup> Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

<sup>48</sup> Iemona Jesucristo mámedido íaioi báutizazigaiaioi. Ie meífodo Pédrodo izire jicádiaioi: “Nano nígarui cai diga iri,” daidíaioi. Daií íena jeruúdiaioi, nano nígarui íaioi diga íllena.

## 11

*Pedro Jerusalemite íñotinomo llogafue*

<sup>1</sup> Judéamo ite orécamaci ámatiaí diga, cómoicana jíáifueña fidídiaioi. Afefue daide: Judíoñedimaci Juzíñamui úrillauaina jae jeire otíaioi. <sup>2</sup> Pedro meine Jerusalemite jáidemo, judúuaimona dámierie íñotino Pédrone zanódiaioi. <sup>3</sup> Zánuano daidíaioi:

—¿Níbái judíoñedino uáiduaidio? ¿Níbái íaioi diga güitio? —daide.

<sup>4</sup> Ie jira Pedro afefue nanómoma nana ie finócafuiái llote; daide:

<sup>5</sup>—Jope jófue mo cue íadi, Juzíñamuimo úrifíredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zicaímo ícoínoga. Daíí cue illánomo dúcide. <sup>6</sup>Afemo ñue eródicue ie eromo itínuiaina onóillena. Iemona afe eromo ite táicaide rílleniaina ciódicue. Afe dánomo jacírede rílleniaina ciódicue. Daje izóí afénomo jáizai, íemo féedínuiái diga íllana ciódicue. Nana afe ciona rílleniái bácaziga. <sup>7</sup>Iemo daa uai cuena dáiñana cacádicue. Daide: “Pedro, náidacaillano afe ríllemona fatá ríi.” <sup>8</sup>Mei jira daidicue, “Ocuíraíma, dama ite. Jaca nanómona cue fúedo íáiredena ríñédicue bácaie diga.” <sup>9</sup>Ie mei afe monámona cacáide uai dánomo cuena daide: “Juzíñamui dogá rílleza íáirede daíñeno o iri.” <sup>10</sup>Afue dacaiñoámani meine íficaide. Afe meífomo dánomo nana monamo meine jaide. <sup>11</sup>Afe llezica daamieámani cue illánomo dúcide. Afémaci Cesaréamona cue jenóllena orécamací. <sup>12</sup>Ñuera Joreño afémacido cuena orede: “Due jiza jízíñeno afémacido jairi,” cuena daide. Daje izóí baie seis ámatiaí cuedo jáidiaíoi. Nana caí daaco jofomo jáidicaí. <sup>13</sup>Afémie Juzíñamui abí ímiena ie jofo eromo ie ciónafue caimo lloste. Afe Juzíñamui abí ímie náidaillano íena daide: “Jope jófue mo nano nígamie ore, Simón jíirizaillena. Dámie jíáífo do mameina Pedro. <sup>14</sup>Afémie ona dáíteza, nie izóí o nana o comíni diga jíllóitioza,” daide. <sup>15</sup>Cue fueñe íaíoimo úrizaiílla llezica, Ñuera Joreño imaci acónimo bite, nano fueñe caí acónimo billa izóí. <sup>16</sup>Mei íemona Ocuíraíma daíñafue mo úibicaidicue. Afefue daide: “Uáfue na Juan ía jainóido báutizade, mei íadi Ñuera Joreño úicaigamacina íítiomoi.” <sup>17</sup>Mei jíi Ocuíraíma Jesucrístomo caí íñuano Juzíñamui caimo iga Joreño, bímacímo Juzíñamui íacade. Afena fídíillano Juzíñamuido jarífeicana úricañédicue. Jamai cómedicueza, —Pedro daíí daide.

<sup>18</sup>Mei ie jira Jerusalemo ite ámatiaí aféfuíaina fídía llezica, llícaidiaíoi. Llícaillano Juzíñamuimo caímátadiaíoi. Daidíaíoi:

—Ua afe izóí judíoñédimacimo íaíoimo fieni itífue méidollena jae Juzíñamui íaíoimo fecade. Afemona daíí jaca zíñona cáaíllinona íaíoimo ite.

#### *Antioquíamo ite Juzíñamuimo ínote gairídino*

<sup>19</sup>Esteban íaíoi faa llezica, jíaie íínotímacimo duere fínótatiaíoi. Dáarie Fenicia éniemo botádiaíoi; jíaímaci Chípreno Antioquía diga botádiaíoi. Dínomo afe ñúefue dani judíuai namácimo llotíaíoi. Jíaímácimo llónega. <sup>20</sup>Mei íadi dáarie Chipre imaci, Cirene imaci diga íínotino Antioquía jófue mo dúcidiaíoi. Dúciillano judíoñédinomo úritiaíoi. Afemona Ocuíraíma Jesús úrillauai íaíoimo lloste íaíoi jíllóillena. <sup>21</sup>Afe llezica Ocuíraíma ríino íaíoimo ite. Mei daíí aillo comíni nano íaíoi jaiái íñogafuaí íáicanocaillano Ocuíraíma Jesumo íínotiaíoi.

<sup>22</sup>Afue mo Jerusalemo ite íínotinomo jállecaide. Iemona afémaci Bernabé Antioquíamo orédiaíoi. <sup>23</sup>Bernabé dúciillano, Juzíñamui cáimadogamací izóí ciode. Aferi afémie íere íóbicaide. Nana íaíoi llófue; daide:

—Nana caí Ocuíraímana fáicanocaiñeno ie llogáfue mo jáícina omoi coméciri, —daide.

<sup>24</sup>Afe Bernabé comécina fígomie, Ñuera Joreño úicaigamie. Afémie Jesucrístomo izire íínofíredímie. Daíí aillo comíni Ocuíraíma Jesucrísto íena náamatade.

<sup>25</sup>Afe meífo do Bernabé Társomo Saulo jénuaide. Baillano Antioquíamo íena úite.

<sup>26</sup>Dínomo daa fímona namónaze íínotino cígimo ñue fuitádiaíllinoi. Afénomo aillo comíni llófue. Afe Antioquíamo íínotino como fueñe Crístomo jaináidínona ja maméciaíoi.

<sup>27</sup>Aferuillaído dámerie Juzíñamuimona llíñoga uailái lloráimaci Jerusalemona Antioquíamo jáizade. <sup>28</sup>Afémacimona dámie Agábona mámecíredímie. Nana íínotino cígiri náidaillano daide:

—Nana bie éniemo aillo jamánomo júbie bíite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaído. <sup>29</sup> Ie jira Antioquíamo ite ínotino comeci facádiaioi Judéamo ite ámatiai canóllena. Naga come íaioimo ite úcube díerize bai jóonetiaioi. <sup>30</sup> Afe daí ñeta, Bernabé Saulo íaillinoído afe íraica úcube Judéamo ite ínotino illáicomínimo orédiaioi.

## 12

*Santiago táillafue Pedro llavéinafue díga*

<sup>1</sup> Aféruillaído Juzíñamuimo jaináidino duere finóllena illaíma Herodes nane jénuaide. <sup>2</sup> Iemo Herodes Juan ama Santiago lloéfaído titátate. <sup>3</sup> Afémie titátari judíuai iere ióbidiaioi. Aféfuena Herodes fidínamona nane Pedro lláitajide. Ja birui irázillarullaí. Afe irázillarullaído fáitañega pan güitfaioi. <sup>4</sup> Pedro llaitada mei Herodes llavéramo fena íbaicuaide. Dinomo cuatro dígagüelli fena úínotiaioi. Naga afe güéllimona cuatro dígamiríe lláízíriraíne ite. Herodes comeci facade pascua rafue meífodo Pédrona jino comínimo cíotallena. <sup>5</sup> Ie jira Pedro llavéramo llaveda ñue úíñoga. Mei íadi Juzíñamuimo gairídino íemo izire Juzíñamuimo jícaoidiaioi.

*Juzíñamui Pédrona llavéramona jino oreca*

<sup>6</sup> Herodes Pedro jino comini uíecomo óiacanarui uícodo, afe naio Pedro llavéramo ínide ñue úíñoga. Nágafene onoi llóejina maíga úíñoraíma íaillinoi jaináogari ínide. Afe llezica jíaie úíñoraíma íaillinoi jino llavéramo naze úíñoide. <sup>7</sup> Iemo Juzíñamui abí ímie raíre cíocaizabite. Afe llezica llavéramo ero úzerecaide. Juzíñamui abí ímie Pedro círaigi teténote fena cazítate. Cazítano fena daide:

—Mai raíre náidacai, —daide.

Iemona llóejillaí Pedro ónoímona ana cocide. <sup>8</sup> Afe Juzíñamui abí ímie fena daide:

—Mai o círaigi tírinorafe jofo riire tírino.

O éiba ico jíta, —daide.

Pedro daí abí fínua llezica Juzíñamui abí ímie fena daide:

—O emodo jítaica áreeroi jítaida, cuedo bi, —daide.

<sup>9</sup> Iemona Juzíñamui abí ímie óodana Pedro jaide. Afe abí ímie finócafue Pedro onóñedeza; níbai uafue níbai táínofue. Comeci facáide: “Nícai anado ciona izóidífueña cíódícue.” <sup>10</sup> Mei íadi fuéñide jóonetímiemona bai jújicaillano báifeicana jóonetímiemo dúcídiaillinoi. Ie mei afémiemona jújicaillano bai nazemo dúcízaídaíllaillinoi. Afe naze íbaira lloébani. Dúcídiaíllinoímo afe naze íbaira daingo tújicaide. Jino jáillano bai iodo daallu macádiaíllinoi. Ie mei Juzíñamui abí ímie ie fiénocaide. <sup>11</sup> Iemona Pedro ñue onócaillano daide:

—Íco iere uáfueza. Juzíñamui abí ímie cuemo orede Herodes cue llavénamona cue zuitállena. Afe izóí nana judíuai cue duere finóacanafuemona cuena zúítaibite, —daide.

<sup>12</sup> Aféfuemo comécíllano Juan ei María jofomo jaide. Afe Juan jíáfodo mameide Marcos. Afécomo aillo comini Juzíñamuimo iere úrillena gairídíaioi. <sup>13</sup> Pedro afeco abí íbiri llaveca nazemo náidazaide. Náidallano jofo ero imaci jíirite. Iemona Ródena mámeceírede ringoza bu billa daífillena eróizaide. <sup>14</sup> Mei íadi Pédrona uáímona onóíllano, nazena tuiñóñeno, ióbicaillano meine jofo aizida llujáide:

—Pedro nazemo dúcina, —daízaide.

<sup>15</sup> Jira fena daídíaioi:

—¡Uáírítadíó!

Mei íadi afengo daide:

—Uáfueña ñue llotícue; uáfueña Pedro dinomo ite, —afengo daífoide. Mei íadi afémaci íñoñeno daídíaioi:

—Pédroñedeza; ía íe joreño, —daídíaioi.

<sup>16</sup> Mei íaioi úríoina llezica, Pedro nazemo nai jíirioide. Afe meífomo naze tuiñoda íemo érocaídiaioi. Erocaillano jacínaitaioi:

—Ua meita Pédrodio, —daidíaiói. <sup>17</sup> Mei íadi ónoído:

—Mai omoi úriñeno, líicai, —daide. Iemona Juzíñamui llavéracomona ie zúitafue llote. Iemo íaioina daide:

—Bífue Santiágo mo llujáiri nana jíaie ámatiairi, —daide.

Ie meífodo jino jaillano oni jíainomo jaide.

<sup>18</sup> Jae monáizaidemo, llavécano úiñorainimo aillo riire júfidotiaioi, mei onóñediaoiza; daidíaiói:

—Benó cai úiñoga Pedro ¿niné jaide? —daidíaiói.

<sup>19</sup> Herodes Pédróna íaioina jenótate. Iena íaioi baiñenamona, nana úiñorainimo jíicáicanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

#### *Herodes tíillafue*

<sup>20</sup> Jae Herodes Tiro comini Sidón comini díga íaioiri icírioide. Mei íadi afémaci dani comeci facádiaioi ie uiecomo cízoaibillena. Illaíma Herodes jabóidillaíma Blasto. Afémiena fairíotarediaioi íaioiri ñue nabáirillena. Afémiedo ñue caimare illífue Heródemo jíicádiaioi. Ua izire jíicádiaioi, íaioi güíllenai, illaíma Herodes éniemona íaioi ófirena jira.

<sup>21</sup> Ie jira Herodes íaioimo úrizairui íaioimo llote. Aféruimo ebírede illaíma iniroi jíitano illaíma ráiiranomo ráinade. Daí ñiano are íaioimo úrite. <sup>22</sup> Mei íemona comini caillíoicana éna daidíaiói:

—Bie úritimie fia cómeñedeza, afémie juzíñamui, —daidíaiói.

<sup>23</sup> Afe llezica Juzíñamui abi ímie Heródena iráretade Juzíñamuimo ñúefuena nitátañena jíirari. Iemona afe Herodes aíaíde tíilla.

<sup>24</sup> Íadi Juzíñamui lloga uai oni jalléicaide. Afe jalléinamona náganerie fidídiaioi.

<sup>25</sup> Bernabé Saulo díga íaillinoi afe úcube íiaillano meine abído Jerusalémóna bitíiaillinoi. Aféillinoído bite dáamie, Juan dainámie. Dáamie mámece Márcona.

## 13

### *Bernabé Saulo díga como fueñe nágagobiai llócaidiaillinoi*

<sup>1</sup> Antioquíamo ite gairíracomo nano ñiga uai jino llóraini ite naa llófueraniri. Afémaci mámeceia: Bernabé, Simón, Cirene ímie Lucio, Manaén, Saulo dígamediaioi. Simón jíaífo mameina Negro. Galilea illaíma Herodes Manaén díga, dáanomo comúdiaillinoi.

<sup>2</sup> Aféruillaído afémaci güíñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo díga oni eneno nizeri, cue ocuica raa íaillinoi jetállena.

<sup>3</sup> Güíñeno Juzíñamuimo úrilla meífodo énamaci íaillinoína ónoído ézicita, daidíaiói:

—Mai, ómícoi jairi, —daidíaiói.

### *Orécamací Chipre éniemo llófuiaidiaioi*

<sup>4</sup> Ie mei daí Ñuera Joreño íaillinoimo llujáillamona oni Antioquíamona Selúciamó jíadiaillinoi. Dínomona áillocaedo monaillai cígi záfedu Chipremo jíadiaillinoi. <sup>5</sup> Salamina ígobemo dúcizaidiaillinoimo judío llófueriracomó Juzíñamui uaillai jino llotíiaillinoi. Afe llezica Juan íaillinoi canócana nabáizaide. <sup>6</sup> Nana Chipre éniemo llócaidiaioi. Iiraínomó Pafó jófueмо dúcidiaioi. Dínomó judío aima Barjesuna mámece redimie baizáidiaioi. Afe aima táinona llófuefredimie. Afémie daíírede:

—Juzíñamui dibénedo úriticue, —daide.

<sup>7</sup> Afe aima ocuídillaíma Sergio Paulo dígamie dáanomo itíiaillinoi. Afe Sergio ráfuena ñue onódimie. Aféllaíma Bernabé Saulo díga jííritade Juzíñamui uaillai cacáillena. <sup>8</sup> Mei íadi afe aima Bernabé Saulo díga llogáuai uáitano zanode. Ocuídillaíma íñuana aima rairuácade. Afe aima jíáífo mameina, Elimas. <sup>9</sup> Saulo jíáífo mameina Pablo. Afe Pablo Ñuera Joreño úicaígamie. Aima dánana cacáillano íemo riire érocaillano <sup>10</sup> daide:

—Jíiáima jífuetimiedio! Íáiba Taife jítódio. Nana núefuiaiina uáitaraimadio. ¿Níbái mei ñuera Juzíñamui lloga uai oni cáitano féitaacadio? ¿Níbái mei o tánofuiaiina fáicanocaiñeno jino llóllodio? <sup>11</sup>Mei jabe Ocuíraima Jesucristo riire ona duere fínoite. O ui nríte. Nano nígarui jitoma egáíñuana cíóñeítio, —daide.

Daíí dáinamona ie ui niríbicaide. Jae jítidine taino mellécade. Dáamie íena ónoído jainátacana úite, ie ui cíóñena jira. <sup>12</sup>Ocuídillaíma Sergio Paulo áfena cíóillano, llogáuaina ñue ínote, mei Juzíñamui llófueinamo jacíruiocana aféuaimo ñue eroide.

*Pablo Bernabé diga Pisidia éniemo ite Antioquía jófueemo jáidiaillinoi*

<sup>13</sup>Pablo ie nabáíñiai diga nocaedo Pafo jófueemona jáidiaioi. Dínómoma Panfilia éniemo ite Perge jófueemo jáidiaioi. Afénomo Juan íaioina fíenocaillano abido Jerusalemojaide. <sup>14</sup>Pablo ie nabáíñiai diga afe Pérgemo dúciillano, Pisidia éniemo ite Antioquía jófueemo arido jaícina jáidiaioi. Dínomo ocózinaillaruimo llófueriraco eromo ráinazaidiaioi. <sup>15</sup>Ocuícafuiái illánicomona fueñe facádotiaioi. Ie mei Juzíñamui uai jino lloránicuaimona facádotiaioi. Afe facádua fúillamona llófueriraco illaini faillínoina daídíaioi:

—Amatíai, ómicoi cacai. Omícoi llóicaigafuiái íadi comíni cacáilleza jino ómicoi llóoiri, —daide.

<sup>16</sup>Mei femona Pablo náidacaillano, ónoído comínina llíicaitade. Afe mei íaioina daide:

—Israel nairai, omoi cácarei. Daje izóí Juzíñamuina jacíruioidino, omoi cácarei. <sup>17</sup>Israel nairai Juzíñamui cai jáiairagíma nana íaioina nizede. Iemona Egipto éniemo ónoñegamacina íaioi illa llezica, aillo náiraina afémie jebuíate. Afe mei aféniemona dama íemo ite ie rínodo íaioina oni ote. <sup>18</sup>Ua mei Juzíñamui comeci jítaínafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeñeno úínote. <sup>19</sup>Afe mei Canaán éniemo ite siete nairai Juzíñamui niné táinocaitaga, afe énie cai jáiairagíma mainóllena. <sup>20</sup>Afe meífodo diga riire jicánoraini cuatrocientos cincuenta fimona ocuícaiaioi. Ua ocuícaiaioi uai llóraíma Samuel illáruimo. <sup>21</sup>Ie mei íaioina ócuíte ríillaíma jicádiaioi. Jira Juzíñamui Saúl cuarenta fimona afémaci illáimana jóonete. Afe Saúl Cis jíto, Benjamín nairai ímie. <sup>22</sup>Afe mei Juzíñamui Saúlna oni orede. Oni óriano David illáimana ie meífomo jóonete. David ífuedo Juzíñamui úrite; daide: “Cuena íóbitadímie David baiticue. Afémie Isaí jíto. Nana cue jitaiga raana jetáfirede,” daide. <sup>23</sup>Afe David cómogíamona Jesús jococa. Afe Jesús Juzíñamui uícomo daináuai izóí Israel nairai jíllotaitímiena íaioi cígiconi Juzíñamui comúitate. <sup>24</sup>Jesús comínimo nai abí báifitañenia Juan nana Israel náiraimo jino llote; daide: “Nana omoi báutizaredíomoi. Omoi comeci ífuiái mai núefuena méidoziri.” <sup>25</sup>Juan uícomo llófuiaillafue fúiacademio, daide: “Omoi comeci fácamieñedicue. Jamáimiedicue. Mei íadi cue meífodo bitímie cue baimo baitadímie. Afémie ídai ico igaina zuitánidicue, (jiba jamáimiedicueza),” daíí Juan daide.

<sup>26</sup>‘Cáimaci, omoi cácarei. Abraham nairai urúcidíomoi; mai cácarei. Omoiemona Juzíñamuina jacíruioidino, omoi cácarei. Bie ñue jíllotaitíuai ómoie. <sup>27</sup>Mei Jerusalemojitino íaioi illáiniri Jesús nahí ífuena fídíñediaioi. Daje izóí naga ocózinaillaruimo facádoga uai llóraini llogáuailaina cacádiaioi, mei íadi aféuai daináfueona onóñediaioi. Aféuaillaina íaioi onóñenado Jesús duere fínótatíaioi. Daíí jaiái ninomo mamécafuiái afémiemo fuitádiaioi. <sup>28</sup>Afe Jesús fatátallífuena due jiza jaca baíñediaioi; mei íadi Pilátomo ie fatátallena jicádiaioi. <sup>29</sup>Afe mei nana afémiedo Cugáuailaimo jaiái ninomo lloga uailái fuitádiaioimo, crúzmona íena ana otá íena raíajidiaioi. <sup>30</sup>Mei íadi Juzíñamui tíillanomona íena meine cáatate. <sup>31</sup>Afe mei diga irui íllamona Galiléamona Jerusalemojie diga jáicadinomo Jesús íaioimo cíocaide. Afe íedo jáicadino ja birui comínimo afémie llócaigafue llotíaioi.

<sup>32</sup>‘Juzíñamui cai jáiairagímimo uícomo llogáuaido úrite. Núefuedo úrite. Ja birui afe núefue ómoimo llotícaí. <sup>33</sup>Ja cai bie afémaci cómogíadicaí. Ie jira afémie uícomo llogáuai ja caimo fuilla. Afe uai daide: “Jesucristo tíidena meine abido cáataiticue.”

Daí rúanicomo cuega; segundo ruamo cuega; llote: “Cue jitódio. Birui ona cáataticue.”

<sup>34</sup> Diga ícaño Juzíñamui ie cáaillifueña llote. Ua tíllanomoná íena cáataite, ie íeizi jaca ninomo rifáiñeillena. Juzíñamui aféfuena jaiái ninomo Cuegáuailaído daide. Afe uai ie jitó Jesuna daide: “Davidmo ufcodo cue uafue lloga ñue cáimafuiai nahí omo jainaide.” <sup>35</sup> Te jira rúanicomo jáíruado daide: “O izíruiga ñue canódimie íeizi ráiruitio ie rifáiñeillena,” daide. <sup>36</sup> Afe David ie llezica igímana ñue canode, Juzíñamui ie ocuilla izóí. Afe meífomo David tíllano ie uzútai cígimo íena raíájidiaíoi. Iemo ie íeizi rifaide. <sup>37</sup> Mei íadi Juzíñamui cáatagamie íeizi rifáiñede. <sup>38</sup> Cáimaci, omoi cacai. Afe bie rifáitaño cáatagamie Jesudo omoi fiénidifuiái iba óñeillifue ja ómoimo jino lloga. <sup>39</sup> Afémiedo nana íena íñotino nana íaíoi fiénidifuiáimona dófcaitiaíoi. Mei íadi Moisés ocuífuiái caí fiénidifuiáimona caina zuitáñede, mei cuinaca izóí jaináidicai. <sup>40</sup> Ñue abí omoi rairuiri uai jino llóraini cuega mamécáfuiái ómoimo báíñeillena. Afe mamécáfue daide:

<sup>41</sup> Íñoñeno uáitaoidino, omoi cácarei; cacáillano áferi omoi jacínaificairi.

Iemona niné táñocaitiomoiza, aféruillaído jamánomo ñue jácifue cue fínua jírari.

Aféfuena dámie ómoimo lloía, íadi áfena íñoñeitiomoiza, —daide.

<sup>42</sup> Pablo ie nabáiñairi judío garíracomona jino jáidiaíoi. Jáidiaíoi mo judíoñedino jocó-caiaíoi íaíoi mo aféfuena meine abido íaíoi mo lluaíbillaena jicádiaíoi. Afe úreite ocózinail-laruímo meine lluaíbillaena jicádiaíoi. <sup>43</sup> Afe llófuerracomó íaíoi gairilla záillamona aillo judíuai Pablo llogáfue jíeruitiaíoi. Iemona Pablo Bernabé diga faillinoído jáidiaíoi. Daje izóí aillo judío onóigafuena jeire otino íaillinoído jáidiaíoi. Pablo, Bernabé diga íaíoi mo llote:

—Mai Juzíñamui caina izíruillafuemo nágarui aféfuemo ñue omoi comécíiri, —daide.

<sup>44</sup> Siete dígarui íllamona ocózinailaruímo, nana jofue comini dáanomó gairídiaíoi, Juzíñamui uailái cacáreillena. <sup>45</sup> Mei afénomo aillo comini gairíllana judíuai cióillano, úrioina izóí itíaíoi. Afénomo Pablo uailái uáitano íena báíñotiaíoi. <sup>46</sup> Te mei Pablo Bernabé diga abí máimano íaíoi mo daide:

—Judíuai, bie Juzíñamui uai fueñe ómoimo llole iere jitáirede; mei íadi ja aféfuena óia-cañediomoi; afe ícoina zíñona cáallñona llíñoñeitiomoi. Te jira ja birui judíoñedinomó jáiticaí. <sup>47</sup> Mei jira Juzíñamui daí caina lotátate; Juzíñamui daide:

Cuedo náiraina fidítaraimana o mamédicue.

Nana énie íiraino imaci ñuera jllonafue llórainana íitio.

<sup>48</sup> Aféfuena cacáillano judíoñedino ióbicaidiaíoi. Íaíoi úrilla fueñe táinia llezica:

—Juzíñamui uáillana jamánomo ñuera, —daídiaíoi.

Afémacimona aféfuena íñotino aillo ite. Zíñona cáatatina llíñoitina maméc-aiáoi. <sup>49</sup> Iemona Juzíñamui uailái nana afe énie náiraido jae ñue jalleide. <sup>50</sup> Afe jófuemo Moo Juzíñamui mo izire jaináacade ringóniaimona dáingorie ite. Afe ringóniaí illaingo izóidingotiaí. Judíuai afe ringóniaímo úrite, Pablo afe jófuemona oni oréllena. Daje llezica judíuai afe jofue illáinimo daje izóí úrizaidiaíoi. Íaíoi comeci fiéni fínua jira, jáie Páblona duere fínóacanafue comuízailla, Bernabé diga. Afe jófuemona oni íaillinoí orédiaíoi. <sup>51</sup> Afe ória meífodo afe íaillinoí eiba ico íaie íaíoi mo teténote; afe teténufue baimaci comeci íaífuiaímo íteza, daíacade.

Daí íiano Iconio jófuemo jáidiaillinoí. <sup>52</sup> Mei íadi Jesús llogáfue mo íñotino iere íóbioidiaíoi. Afe llezica Ñuera Joreño úicaigaiáoi.

## 14

*Pablo Bernabé diga Iconiomo itfaillinoí*

<sup>1</sup> Iconiomo dúcáillano judío llófuerracomó daane jofó jáidiaillinoí. Dínomo jamánomo ñue úritiaillinoí. Afemona aillo judíuai Jesumo íñotiaíoi; judíoñedinomona daje izóí aillo aféfué íñotiaíoi. <sup>2</sup> Mei íadi íñoacañede judíuai jáie judíoñedino comeci íaire fínódiaíoi. Daí Páblona Bernabé diga éocana eróidiaíoi. <sup>3</sup> Te jira dínomo diga irui ñue jáicina

jacíruiñeno Ocuíraima Jesús mámeçido llófuetaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai córaimina ráaniai diga finódiaillinoi. Aféniado íaillinoi lloga Juzíñamui caína izíruillafue Juzíñamui ñue comínimo fidítate. <sup>4</sup>Mei íadi jofue comini bózietaidiaioi. Dáarie judíuui dibénemo jaináiacadiaioi. Jiáimaci Pablo Bernabé diga dibénemo jaináiacadiaioi. <sup>5</sup>Afe meifodo ínoacañede judíuui jíáie judíoñedino diga naa íaioi illáiniri nofíciaina íaillinoi níjiacadiaioi. Daí íaillinoína duere finócadiaioi. <sup>6</sup>Mei íadi aféfuena orécamaci uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Lистра Derbe diga naa afe áinori itíniado. <sup>7</sup>Dinomo ñue jíllonafue llotíaillinoi.

### Lístramo Pablo nofíciaina níjidiaioi

<sup>8</sup>Iemo Lístramo macañede aidaíma ite. Ie jocóinanomona tízitaite izóí macañede. Jaca ie macánina jira dinomo ráiide. <sup>9</sup>Afémie Pablo daínáfueño ñue cacáreide. Iemona Pablo íemo érocaillamona, tízitaítimie ñue ínuana Pablo comécido fidíde. Ie ínuamona afémie jíllorede. <sup>10</sup>Iemona Pablo íena ríire daide:

—O ídaido caífo jaícina naidai, —daide.

Afénomona afémie tícacailano náidacaide; náidacaillano como fueñe mácajide. <sup>11</sup>Daí Pablo finócafueña cóoillano, nana comini Licaónia uáillaido caillíoicana daidíaioi:

—Juzíñamuillai jamai comini izóí ana cai cígimo billa! —daidíaioi.

<sup>12</sup>Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiai llotímiena jira. <sup>13</sup>Júpiter gairíracó naze fueri ite. Afeco úiñotimie juráretuai atíde naa amena záfiáiai diga. Afémie naa comini íaillinoimo cáimadoacadiaioi. Juráreto fáillemona íaillinoína íóbitaacadiaioi. <sup>14</sup>Mei íadi orécamaci Pablo Bernabé diga fidídiaillinoi. Aféfuena fidínamona, ínícuro cúatacaillano, comini cígimo jáidiaillinoi. (Afe iniroi cuata daííacade íaillinoi comeci jamánomo ríicaide.) Jaillano caillíoicana daidíaillinoi:

<sup>15</sup>—¡Nana omoi, cácarei! ¿Níbái bie izóí finódiomoi? Coco omoi izóí jiba cómedicoco. Ñúefue ómoimo atídicoco. Afe bie táinofuiai omoi fáicanocaillena lluaíbiticoco. Fáicanocailano, ua caade Juzíñamui díne omoi jáillena daí lluaíbiticoco. Afémie mona, bie énie, monáillai díeze finode naa íaioimo itínuiairi. <sup>16</sup>Jáiairagíma illa llezica nana nairai íaioi comeci jítaíllafodo macáoidiaioi. Aféruillaído Juzíñamui íaioína lletáñede. <sup>17</sup>Mei íadi Juzíñamui ñúemie ífuena ñue ómoimo finócafuiáido ómoína fidítáfirede. Ua ñue nocina ómoimo bítafirede. Nana aménaiai lízílajiaína ómoiri lízítate. Afedo omoi güille ñue ite, omoi comeci íóbillena, —daí úrite Pablo.

<sup>18</sup>Mei nana afe daínáuailalai daína íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitataidiaillinoi.

<sup>19</sup>Afe mei Antioquíamona Icóniomona dáarie judíuui dúcízaide. Lистра comínimo júfiduano Pablo fállena mamédiaioi. Iemona Páblona nofíciaina níjidiaioi. Níjiano jofue jinófenemo íena zonóicaidiaioi. Comécido daidíaioi: “Níbái tíide,” daide. <sup>20</sup>Mei íadi íñotino íemo gairídiaioimo Pablo náidacaillano meine jófuemo jaide. Afe jírtiramoidíruido afémie Bernabé diga Dérbemo jáidiaillinoi.

<sup>21</sup>Dinomo jíllona uailalai jino llotíaillinoi. Afe jófuemo aillo comini Jesumo íñotiaioi. Afe mei meine abido Lístramo, Icóniomo íemo Antioquíamo díeze jáidiaillinoi. <sup>22</sup>Nana afénuaiai jofue íñotinuaiai ñue caímare íocíretadiaillinoi. Ñue jaícina ínuafuedo íaioi jáillena llófuetaillinoi. Iemo íaioína daidíaillinoi:

—Juzíñamui illáimana illíruimo cai jáillena, aillo afe facátafuiai iere caímo jítaírede, —daide.

<sup>23</sup> Afe llezica naga gairíracuaimo ócuite illáinina mamédaillinoi. Afe mei güiñeno Juzíñamuimo iere úrilla meífomo nana como ocuídillainina mamécamiiai Juzíñamui úñuamo jónetiaillinoi, Juzíñamuimo ñue íaioi íñua jira.

*Pablo Bernabé diga íaillinoi nano billánomo abido jáidiaillinoi*

<sup>24</sup> Afe meífodo Pisidia éniemona jaillano Panfilia éniemo dúcidiailinoi. <sup>25</sup> Perge jófuemo jllonafue llotíailinoi. Afe llua meífomo Atalia jófuemo jáidiaillinoi. <sup>26</sup> Dinómona Siria éniemo ite Antioquía jófuemo nocaedo ruica jáidiaillinoi. Naui afe jófuemo ite íñotino íaillinoina Juzíñamuimo jónetiaioi. Daií finódiaioi jíáie nairai ñúefuena llófuiaillena. Ja birui afe tájjina fuilla. <sup>27</sup> Antioquíamo dúcidiailinoimo, nana íñotino Juzíñamui garíracomo gairídiaioi. Gairídiaoimo Pablo nana Juzíñamui íaillinoído finócafuiai jino íaioimo llote. Afe llezica judíoñedinomo Juzíñamui ñue jllloille io como túñua llotíailinoi. Afe izói áfemo afémaci íñorediaioi. <sup>28</sup> Afe meífomo Pablo Bernabé diga íñotino cígimo are diga irui itíailinoi.

## 15

*íñotino illaini Jerusalemo gairídiaioi orécamaci diga*

<sup>1</sup> Aféruillaido dáarie íñíiai Judea éniemona Antioquíamo ite íñotino llófuiaibite. Iaioina daídíaioi:

—Moisés ocuica íiza bacano ícoi quétafuena omoi finóñenia, jllloñeitiomoi, —daídíaioi.

<sup>2</sup> Ie jira Pablo Bernabé diga íaioimo riírede uáillaido úritiaillinoi aillo júfiduafuiai diga. Iemona Antioquíamo ite íñotino Pablo, Bernabé, jíáimaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamuimo gairídino illáinimo jicánuaitiaioi.

<sup>3</sup> Mei daií nízia mei Antioquía íñotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedino íaioi jaiái llóinauaillai féitano Juzíñamui dibénedo jáillafue llotíaioi. Nana ámatiai aféfuena cacáillano iere íóbidaioi.

<sup>4</sup> Pablo Bernabé diga Jerusalemo dúcidiailinoimo, Juzíñamuimo gairídinodo caimare uáidogaiaillinoi. Daje izói orécamaci naa gairídino illáiniri íaillinoina caimare uáidotiaioi. Dinomo Juzíñamui íaioiri finócafuiai íaioimo jino llotíailinoi. <sup>5</sup> Mei íadi fariséuaimona dáarie íñotino caifo naidáillano íaioina daide:

—Ínote judíoñedinomo afe cai izói quetáinafue jitáirede. Afe emódomo Moisés ocuícáfue ñue íñollena jitáirede, —daídíaioi.

<sup>6</sup> Iemona orécamaci naa íñotino illáiniri aféfuena ñue onóillena gairídiaioi. <sup>7</sup> Aféfuiai are íaioi júfida meífomo, Pedro caifo náidaillano daide:

—Amatai, omoi cácarei. Naui Juzíñamui cuemo finócafuena onódiomoi. Juzíñamui omoi cígimona cue nizeda judíoñedino cígimo orede. Ua cuena nizede afémacimo ñue jllonafue uailai cue llujállena; áfemona afémaci aféfuiaina íñotiaioi. <sup>8</sup> Cai comécina onode Juzíñamui cuemo llote: “Afe judíoñedinona ñue llínoitícue,” daide. Afemona Ñuera Joreño íaioimo fecade caimo ie feca ízoi. <sup>9</sup> Juzíñamui cáimona afémacimo jíáifodo finóñede. Iaioi íñuado íaioi comeci íaifue Juzíñamui oni dote caie ie dua ízoi. <sup>10</sup> Mei birui çñibái mei Juzíñamui finócafue jeire onédíomoi? ¿Nibái mei baie íñotino jamánomo riire ocuícadio? Afe ocuínafuena cai, cai jáiairagíma diga finónidícai. <sup>11</sup> Mei íadi jíáifodo íñotícai, cai jllloillena. Ocuíraima Jesús caimo dúecaide. Afemo cai íñuamona íbáñeno jlllobicaidícai. Afe izói judíoñedino Jesumo íñuamona íbáñeno jlllobicaidiaioi, —daide.

<sup>12</sup> Mei jira afémaci llícaidiaioi, Bernabé Pablo diga llogáfue cacáreillena. Nana judíoñedino cígimo Juzíñamui finócafuiai llotíailinoi. Dinomo íaillinoído uaido finoca onótate raa cíorainina raa diga Juzíñamui finode. Aféfuiai jino llotíailinoi. <sup>13</sup> Iaillinoi llogafue fuíllamona, Santiago daide:



—Amatiai, cue dáinamo cácarei. <sup>14</sup> Simón Pedro jae Juzíñamui judíoñedinona como fueñe íaioina izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. <sup>15</sup> Afefue ua Juzíñamui jaiai uai llóraini cuegáfuaiaimo jaícina dájena jóobide. Afe Cuegáuai daide:

<sup>16</sup> Bífue mei, meine bíiticue.

Ua David jaiai nairai, júdaizitaga íadi, meine dáaziena jofo gairítaiticue.

Aféziemona due fiébidino jaiai íaioi ízaina izói meine jebuítaiticue.

Ríinidimaci jofo dáanomo otátaiticue, ñue riírediziena íaioi íllena.

<sup>17</sup> Afe daí íñuaibiticue nana jíaimaciai Juzíñamuimo comeci fácajano íaioi íñollena.

Daí íñoiticue nana cuena náamarede judíoñede náiraii cuemo comeci facada íñollena.

<sup>18</sup> Ua jaiai ninómoma aféfuai onótate Juzíñamui daí daide.

<sup>19</sup> ‘Ie jira bifue lloticue. Afe como Juzíñamuido jáiacade judíoñedino mai, cai íaioina áfedeñeíticai. Jae íaioi jaiai íñoga táinofuiai fáicanocaidiaioi Juzíñamui llogáuaina íaioi íñollena. <sup>20</sup> Due llétafue íaioimo cai cúllena ja dieze figo baite. Afe bífuai íaioimo llóitícaí. Mai jánaraimo fia fecaca güíllena omoi jetáñeno iri. Mai jiruífueimona abi omoi rairuiri. Dama áiredimie ie aí díga illa ñuena. Mai cimoina cigínoga rílleniai riñeno iri. Afe izói coróbaitaga rílleniai riñeno iri. Daje izói díena omoi jiroñeno iri. <sup>21</sup> Daí judíoñede como ínotimacimo lletádicaiza, nibai nanómoma nana jófueimo Moisés ocuífue llófueraini ite. Naga ocózinairuido llófueriracomo afe Cuegáuai jino facádotiaioi. Ací dño Santiago llote.

<sup>22</sup> Iemo orécamací gairídimaci, nana íaioi illaini díga, “Jii,” daidíaioi. Iemona íaioi cigímoma dámierie nizéllena maméritiaioi, Antioquíamo oréllena Pablo Bernabé díga íaillinoi nabáíllena. Judas dainámie nizédiaioi; afémie jíáfodo mameina Barsabás. Daje llezica Sílasna nizédiaioi. Afe íaillinoi amatiai cigíri illaíma izóidiaillinoi. <sup>23</sup> Íaillinoide cuegabe orédiaioi. Afébe mo daide:

“Cai Antioquíamo ite judíoñede ámatiaimo uai orédicai. Afe izói Siria éniemo ite ámatiaimo, Cilicia éniemo ite ámatiai dieze nana ómoimo uai orédicai. Nana orécamací, Juzíñamuimo gairídino illaini, benó ite ámatiai díga, ómoimo uai orédicai. <sup>24</sup> Cáimona ómoimo nauí bitino finócafue jae fídídicaí. Caimo lloñeno oni jáidiaioi. Cai óreñegaiaioi. Dani imaci uáíllaido jae omoi ífoci írnuaidiaioi. Daí ómoína áfeduaidiaioi. Omoi bacano ícoi quetáíllífuai llujáidiaioi; jíáie Moisés llogáuailai ómoimo ocuífuaiaioi. <sup>25</sup> Ie jira cai comécido ñue jaide cai cigímoma mena come mamedada ómoimo oréllena. Aféfuena nana jíruíticai. Bie nizécaillinoi Pablo Bernabé díga omoi éroizaibítiaioi. Pablo Bernabé díga cai iere izíruiga ámaillinoi. <sup>26</sup> Cai Ocuíraíma Jesucristo ñúefue íaillinoi llua ícoína, jaci cácatagaillinoi. <sup>27</sup> Daí Judas Sílas díga ómoimo orédicai. Aféíllinoi ómoimo jofo úritiaillinoi nana bífuai jino ñue llóllena. <sup>28</sup> Mei cáimona ñue cioide; afe izói Ñuera Joréñomona ñue cóide riírede rafue ómoimo cai mámeñeíllena. Dama jíáiredí fue mámeíticai. <sup>29</sup> Jánaraimo fia fecaca rílleniaína omoi riñeno iri. Daje izói díena jiroñeno iri; cimoina cigínoga ríllena omoi riñeno iri. Nana jiruífueimona abi omoi rairuiri. Dama áiredimie ie aí díga illa ñuena. Bífuiaimona abi omoi rairuífadi, ñue ítímoí. Jae ñie.”

<sup>30</sup> Daí Jerusalemo ite ínotino íaioína Antioquíamo orédiaioi. Antioquíamo dúcídíaioimo, dñomo ite ínotino dánomo gairítatiaioi afe rabe fecállena. <sup>31</sup> Afebe ámatiai facáduamona iere íóbidiaioi. Ua afe cáimare llétafueri íóbidiaioi. <sup>32</sup> Judas Sílas díga Juzíñamuimona oga rafue jino llórediaillinoi. Ie jira íaillinoi uáíllaido afe ámatiai ñue náirecaítadiaillinoi. Afe llezica íaioína ñue comeci fírazitadiaillinoi íaioi cáimare íllena. <sup>33</sup> Dñomo díga irui íllamona, Antioquíamo ite ámatiai comeci jacáinaíñenafueo íaioína jáítatiaioi. Daí íaioína uáidonocaidiaioi meine íaioi orécamací dñé jáíllena. <sup>34</sup> Mei íadi Sílas Antioquíamo fiébicaillena mamérite. <sup>35</sup> Afe izói Pablo Bernabé díga Antioquíamo

fiébidiaillinoi. Afe meífodo, aillo jíáie llóraini diga, llófuertiaioi. Cai Ocuíraima Jesucristo uaillai jino llotíaioi.

*Pablo dánomo nane jáizaide ñúefue llujállena*

<sup>36</sup>Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uaillai llófueticoco, ie jira afémaci nie izói itaioiza coco eróizai, —daide.

<sup>37</sup>Bernabé Marcos úiacade faillinoi jaille dine. (Marcos jáífodo mameina Juan.) <sup>38</sup>Mei íadi Pablo fena úiacañede, nauí Panfilia éniemo íaioina fiénocaila jira. Iemo íaillinoi tájjicanado jáñede. <sup>39</sup>Afueue jamánomo faillinoi riire júfidua meífodo, dárie enénorie oni jáidiaillinoi. Ie mei Bernabé Marcos uite. Daíí ñiano, nocaedo Chípremo jáidiaillinoi.

<sup>40</sup>Afe llezica Pablo dama íeiena Silas nizeda ote. Nízia mei, afénomo ite ámatiai Juzíñamui faillinoi izíruillena caimare jicádiaioi, daje izói Juzíñamui íaillinoina nabáirillena. Daíí jica meífomo, oni jáíinomo jáidiaillinoi. <sup>41</sup>Siria énie, Cilicia éniedo jáidiaillinoi. Afénomo Juzíñamuimo gairide ámatiai náicaítadiaillinoi.

## 16

*Timoteo Pablo Silas diga nabáizaide*

<sup>1</sup>Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotimie baizájidiaillinoi. Ie ei judfuaimona Juzíñamuimo ínnotingo. Mei íadi ie moo griego ímie. <sup>2</sup>Lystramo ite ámatiai afémiedo ñue úritiaioi naa Icóniomo ite ámatiairi. <sup>3</sup>Pablo Timotéona ie nabaina úiacade. Ie jira ie bacano ícoi quetátate, íaioi jáillinomo ite judfuaí afémiedo comeci fienu fácañeillena. Mei afémaci ie moo griego ímienana ñue onódiaioiza. <sup>4</sup>Nana íaioi jáillado ite jófuedo lletáinafue llotíaioi. Afe lletáinafue Jerusalem ite orécamaci ocuide éinamaci diga llotátatiaioi. <sup>5</sup>Daíí Juzíñamuimo garídímaci íaioi ínuafue ñue oni móonaioicaide. Afemona nágarui aillo jebufoicaidiaioi.

*Pablo Macedonia ímienna nicai anado ciona izói ciode*

<sup>6</sup>Asia éniemo Nuera Joreño ñúefue íaioi llujállana ráiruide. Ie jira Frigia énie, Galicia énie diga afe éniemo oni llujáidiaioi. <sup>7</sup>Ie mei Misia énie fuédamo dúcidiaioi. Dínómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. <sup>8</sup>Ie jira jica Misia énie fuédado jáidiaioi. Dínómona Troas ígobemo jáidiaioi. <sup>9</sup>Dínomo afe naio Pablo nicáirilla izói ciode. Afe nicáirilla izói Macedonia énie ímienna ciode. Afémie náidaicana Páblona izire jicade; daide: “Bené Macedóniamo cai cánuaiibi,” —daide. <sup>10</sup>Daíí Pablo nicai anado izói ciónamona Macedóniamo cai jáillena mamériticai. Jae Juzíñamui cai jírillaza ua onódicai dínomo ñúefue cai llujállena.

*Pablo Silas diga Filipos jófueimo illafue*

<sup>11</sup>Iemona Tróasmona nocaedo monailai cigi idu Samotráciamo jáicina jáidicai. Ie jítiramo Neápolismo dúcidicai. <sup>12</sup>Dínómona Filipos jófueimo jáidicai. Afe Macedonia fueda Filipos jamánomo jalléidigobe. Romano comíni afe jofue nauí nitátatino. Dínomo nano náraru iticai. <sup>13</sup>Afe ocózinaillaruimo afe jofue jinomo jáidicai. Ua imani fuemo íaioi Juzíñamuimo iere úrizafirenanomo jáidicai. Dínomo ráinaillano ñúefuedo gairídingotaimo úriticai. <sup>14</sup>Aféngotaimona daango Lidia mámeciredingo. Afengo Tiatira jofue ingo. Afengo jíaire jítirede ñuera iniroi fecáraingo. Afe ringo Juzíñamuimo ánozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena. <sup>15</sup>Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daííadi, Juzíñamuimo ua ínnotingodícue, mai cue jofomo omoi bi, —daide.

Iemona aféngodo jáidicai.

<sup>16</sup> Afe Juziñamuimo úrizairanomo cai jailla llezica, fiénidena jóriairede ringoza baizájidicai. Afe fiénide jóriaido come ónoñega éicina raire onófirede. Afengo izire jeruicango. Afe eici báillado aillo úcubena ie náamatiai éna ófirediaioi. <sup>17</sup> Afe ringoza Pablo diga caido jáizaide. Caillícana jaide; daide:

—Bimaci caifoide Juziñamuimo dúidiaioi. Omoi jilloille io ómoimo llotíaiioi, —daide.

<sup>18</sup> Diga iruillai daí afengo caillide. Are ie caillícana ícoimo, Pablo zefuñaita. Meine gírecaillano aféngomo ite fiénide jóriaína daide:

—Jesucristo mámecido aféngomona ona oni orédicue, —daide.

Daí daina llezicamona afe fiénide jóriaí aféngona fáicanocaillano jaide.

<sup>19</sup> Afe ringoza náamatiai daí ie finónana ciódiaioi. Iemona:

—Jae aféngodo úcubena óñeiticai, —daidíaiioi.

Daí dainano Pablo Silas diga llaitada ríimaci ucomo aillo gairírabirimo uitíaiioi. <sup>20</sup> Riire jicánorainimo faillinoína izájidiaioi. Daidíaiioi:

—Bíailinoi, judío ímiiai cai jófuego comínina ríicaitaibite. <sup>21</sup> Caimo lluaíbigafuiaina jeire ónidicai. Afe izói cai índicai, cai bie románodicaiza, —daidíaiioi.

<sup>22</sup> Iemona afeno comíni íaillinoimo ríicaidiaioi. Riire jicánoraini íaillinoi incuirona duíñoda rázido íaillinoína fatátate. <sup>23</sup> Íaillinoi aillo fáina meffomo, llavéracomó íaillinoína lláviaidiaioi. Afe llavéraco úñoraima riire ocudiaioi íaillinoína ñue rairuillena. <sup>24</sup> Afe riire ocuínafuena cacánamona llavéraco úñotímie llavéraco jamánomo jofóidícomo íaillinoína orede. Dinomo come idai jítara íredamo íaillinoína jítate.

<sup>25</sup> Afe naio dáferuimo Pablo Silas diga Juziñamuimo úrillano Juziñamui ruai rotíaiillinoi. Afécomo jíaie llavécamiiai afe rúana cacádíaiioi. <sup>26</sup> Íaillinoi rua lezica afe énie raire iere riire docáiricaide. Nana afe llavéraco jfaillirai izói riire mozide nofcíai jaidínoicaiga izói ífcaide. Afe llezicamona llavéraco náziai túicoizite. Afemona nana llavécamiiai llójeuai tícoizite. <sup>27</sup> Iemona llavéraco úñoraima cazide. Cazídemo jae nana náziai túienana ciode. Comeci anado daide: “Nana llavécamací jae nibai botádíaiioi.” Ie jira lloefai ota ie abi faitáacade. <sup>28</sup> Mei íadi Pablo íemo caillide:

—¡Dama o abina fiene finóñeno iri; nana benó itícaiza! —daide.

<sup>29</sup> Mei jira llavéraco úñoraima bobaie jicade. Iemona Pablo diné aizícana bite. Dinomo afe jágieri abi cuidírioicana, Pablo Silas diga íaillinoi anamo dújude. <sup>30</sup> Ie meffomo íaillinoína jino jíainomo uillano, jicánote:

—Pablo, ¿cuemo ite fiénidífuemona cue jilloillena nie izói ííticue? —daide.

<sup>31</sup> Jira aféillinoi uai ote:

—O jilloillena cai Ocuíraima Jesucristomo íino. Iemona o dama jillobicaitio. Daje izói o ai nana o úruiai diga íñuamona jillobicaitiaioi, —daide.

<sup>32</sup> Iemona Juziñamui uaillai íemo llotíaiillinoi naa ie jofo ero itínuáiri. <sup>33</sup> Mei íadi daje naio llavériraima íaillinoi fáina boáfai jocode. Afemona afémie naa íaillinoi úruiairi báutizaigaiaioi. <sup>34</sup> Afe mei aféillinoína ie jofomo uillano ecade. Afémie naa ie comíni diga Juziñamuimo íñuari caimare íóbidiaioi.

<sup>35</sup> Afe jítiramo riire jicánoraini jíaie llavériraini llavéracomó orede, Pablo íaillinoi zuitállena. <sup>36</sup> Iemona llavéraco úñoraima Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái íllena jino jáiredíomicoi, —daide.

<sup>37</sup> Mei íadi Pablo llavérirainina daide:

—Romano ímedíco, mei íadi cócomo jicánoñeno razido cócona fatíomoi. Faano cócona llavétatíomoi. ¿Mei íadi ja birui báinino cócona zuitátatíomoi? Mei íenedeza. Coco llavétatíno mai coco zúitaíbiri, —daidíaiillinoi.

<sup>38</sup> Afefue llavériraini jicánorainimo llujáide. Lluájillamona jicánoraini jacínaitiaioi, aféillinoi romano ímienari. <sup>39</sup> Ie jira Pablo Silas diga íaillinoimo jicajidiaioi:

—Caimo ómicoi dúecaí, —daízaidiaioi.

Iemona íaillínoí jino uano, íaíoi jófue mona oni jáillana izire jícdiaíoi. <sup>40</sup>Afe llavé racomo jino billano, Lidia jofomo jáidiaillínoí. Amatiaina cóillano íaíoína ñue nácaitadiaillínoí. Daíí ñiano jíainomo oni jáidiaillínoí.

## 17

*Tesalónicamo comuide aillo úrioínafue*

<sup>1</sup>Pablo Silas díga íaillínoí jaillano Anffópolis jófuedo jáidiaillínoí. Ie mei Apolonia jófuedo jáidiaillínoí. Afe mei Tesalónica jófue mo dúcdiaillínoí. Afénomo ite judúuai llófueriraco. <sup>2</sup>Pablo ie fibilla izóí, afe llófueriracomo jofo llófuerizaide. Daámami ocózinallaruido íaíoímo úrite. <sup>3</sup>Juzíñamui jaíai Cuegáuai jino íaíoímo llóollode. Aféuaimona Cristo duere finóínafue jitáirede, daíí íaíoímo jino llote. Daje izóí Cristo tíida meine cáallena jitáirede daíí jino íaíoímo llote. Íaíoína daide:

—Be ómoímo cue llogámie Jesús dámie Crístona, —daide.

<sup>4</sup>Mei femona judúuaimona dámierie aféfuemo íñotiaíoi. Afemona Pablo Silas íaillínoí díbéne mo itábicaídiaíoi. Afe izóí aillo Juzíñamuimo jaináiacade griego ímíai iere ñue íñotiaíoi. Afe izóí aillo illaingo izóídingotíai aféuaina íñotiaíoi. <sup>5</sup>Mei íadi íñoñede judúuai aféfuerei úradoilla izóí itíaiíoi. Iemona cálle mo ite fiénide ráiraiedínomo gairídiaíoi. Ie mei judúuai cálle mo ite itíñori aillo úrioínafue finódiaíoi. Daíí jofue comíni comeci fieni icírítadiaíoi. Jasón jofomo ite Pablo Silas díga llaitállena, afeco ciríñotiaíoi, aféillínoí llaitada afeno comínimo izájillena. <sup>6</sup>Mei íadi íaillínoína baíñediaíoi. Ie jira Jasón zocana uitfaíoi, jíaíe ámatiaí díga. Jofue illaíni uíecomo íaíoína uitfaíoi. Daíí caillídiaíoi:

—Bíailínoí nággobiaído fieni faillíneínafuaí finódino ja benomo dúcia. <sup>7</sup>Ie mei Jasón ie jofomo íaíoína llíínote. Nana afe bie bitíno cai caifoide romano illaíma ocucafuaí uáítaocana daide: “Jíaíe ua cai illaíma ite, Jesús,” —daíídiaíoi.

<sup>8</sup>Aféfuena cacáíllano ríimaci naa comíniri faillíneídiaíoi. <sup>9</sup>Jasonmo daíídiaíoi:

—Cai o jífueñellena uícomo o úcube caímo ine. Uire aféillínoí o oréadí o úcube meine omo ííticai, —daíídiaíoi. Ie jira afe úcube íaíoímo fécamona ja Jasón jíái ámatiaí díga zuitáídiaíoi.

*Pablo Silas díga Berea jófue mo dúcide*

<sup>10</sup>Afemona afe naío ámatiaí Pablo Silas díga Beréamo raíre orédiaíoi. Dínomo dúciíllano judúuai llófueriracomo jáidiaillínoí. <sup>11</sup>Bie judúuai Tesalónicamo ite judúuai baímo fígomaci. Caímare afe úrillauaina jeire otfaíoi. Nágarui Juzíñamui Cuegáuailaímo jénofírediaíoi, íaíoímo llogáuailaina uafue daííllena. <sup>12</sup>Afemona aillo afémacimona íñotiaíoi. Daje izóí griéguaímona íñotiaíoi. Dájerize íñíai íemo jíái ñue caímare jacírúigangotíai íñotiaíoi. <sup>13</sup>Mei íadi Tesalónicamo ite judúuai Pablo Beréamo Juzíñamui llogáuai llófueíllana fídííllano, dínomo nane comíni fieni faillíñaitaítiaíoi. <sup>14</sup>Mei íadi ámatiaí dama Páblona raíre aferuido monáíllai fuédamo orédiaíoi. Ie mei Silas Timoteo díga Beréamo fiébcáide. <sup>15</sup>Pablo nabaina jáidíno Atenas jófue mo íena izájídiaíoi. Íaíoi meine jáidíno do Silas Timoteo díga Pablo íaillínoímo uai orede. Daide: “Cue díne iere raíre ómicoí birí, dánomo cai gairílleza,” daide.

*Pablo Aténasmo illafue*

<sup>16</sup>Nai Pablo Aténasmo Silas, Timoteo díga úíñua llezica, afe jófuedo macade. Macádemo aillo íaíoi jánaraíai cíózaide. Aferui Pablo comeci iere zúucaide. <sup>17</sup>Mei jira llófueriracomo judúuairí úrite; daje izóí jíaíe Juzíñamuimo jaináiacadínori. Nágarui jofue gairírabírímo itíñuaímo llote. <sup>18</sup>Dárie “epicuro” dáina llófueínafue facádotíno como Pablo díga úrizaidiaíoi. Daje izóí, dárie “estoicos” dáina llogáfuaí facádotíno Pablo díga úrizaidiaíoi. Dámierie daíídiaíoi:

—Bie aillo úrifíredímie, ¿ñifue caímo llóite? —daíídiaíoi.

Mei íadi jíáímaci daíídiaíoi:

—Ñibai jíáie juzíñamuillai llotímie, —daidíaiói.

Daíí úritiaíói, Pablo Jesús úrillauai, ie meine cáanafue diga íaíoi mo llóiacana jira. <sup>19</sup> Ie mei Areópago dáina illánomo íena uitíaiói. Dínomo gairíírediaíói llófueinafuena cacáíllena. Dínomo íena jícanotiaíói:

—O atica cómue llófueinafuena cai onóacadicaí. <sup>20</sup> Mei ónoñegafuiaí caimo llotio. Afe bífuiaí dáinana onóacadicaí, —daidíaiói.

<sup>21</sup> Nana Atenas imaci naa afénomo ite onínemaciri, cómue ráfuiaína cacáíllena jári-taitiaíói. Afe izóí cómfuiaí llóllena járitaitiaíói. Jáíe táíjinamo járitañediaíói.

<sup>22</sup> Ie jira Pablo Areópago comini cígímo náidaillano daide:

—Atenas imaci, omoi cácareí. Aillo juzíñamuillaido iere jaináidinodiomoi. Daíí omoi íllana ciódicue. <sup>23</sup> Omoi juzíñamuillai áinozillena fínocafuiaí íllánuaíido éroicaídicue. Dínomo daa omoi juzíñamuillaimo comeci facárano ciódicue. Afénomo cuega uaillai daide: “Bie cai ónoñega juzíñamui ie.” Bie omoi onóño jaináiacana Juzíñamui, ua birui ómoímo cue lluaíbigamie.

<sup>24</sup> “Afe énie finode Juzíñamui naa éniemo itínuaíiri, afémie bie énie Naama, mona diga. Afémie comini nigácomo íñede. <sup>25</sup> Afémiemo cai nífuena fínónidicaí. Nífuena llónidicaí. Mei jira dama afémie nana comínimo cáatatinona fecáírede; daje izóí afémie jáfaicina cai ite. Ie emódomo nana ite ráaniaína afémie caimo iga.

<sup>26</sup> “Naga náiraiaí fueñe dáziemona Juzíñamui comuítaga, naga illa dígano íaíói éniemo íllena. Iemona dájena diédicaí. Nana íaíói íllínuiaí mamede. Daje izóí nano níé dino íaíói íllíruillai mamede. <sup>27</sup> Daíí afémie finoca afe Juzíñamui íaíói jenóllena, ñibai are illa ícoína ie íaíói báíllena. Mei íadi uáfuena Juzíñamui cai illa dígamíemona jica íñede. <sup>28</sup> Mei Juzíñamuido cáadicaí. Afémiedo cai jetáacaga raana jetá dicaí. Afe izóí afémiedo iticaí. Afe daje izóí ómoímona dárie rua fínua izoide llotie: “Juzíñamui comuítagamacídicaí; ie izédicaí.” <sup>29</sup> Iemona afe Juzíñamuina fia oro fínoina jánarai daíí comeci omoi facáñeno iri, mei Juzíñamui comuítagamacídicaíza. Afe izóí afémiena plata fínoina jánarai, ebírede nofici fínoina jánarai, daíí comécido omoi daííñeno iri. Nana bie jánaraiína dani comini comeci faca izóí fínódicaí. <sup>30</sup> Naui jaiáidíruillaido comini abina onóñediaíói; daíí íllaza Juzíñamui íaíoi mo nai íbana oñede. Mei íadi birui náganomo itímiaína Juzíñamui oucúcana daide: “Omoímo fieni itífuiaína méidori,” —daide.

<sup>31</sup> “Nana comínimo itífuiaí izire jícanollirui Juzíñamui jae mamede. Aféruillaido afémie nizécamiemo jáicina caimo izire jícanoite. Juzíñamui afe nizécamiema nana comínimo ñue jino uáfuena onótate; tíllanomona íena meine abido cáatanado nana comínina uáfodo jino fidítate, —daíí Pablo llotie.

<sup>32</sup> Afe tíidímaci meine cáanafuena cacáíllano, dárie itínomona Pablo jífánodoídiaíói. Jáíimaci íena daidíaiói:

—Íco jíáíruido aféfuena meine nane dánomo ómona cácaíticaí, —daidíaiói.

<sup>33</sup> Iemo Pablo íaíói cígímona oni jaide. <sup>34</sup> Mei íadi dáarie íedo jáidiaíói. Jaíllano íñotiaíói. Afe íñotimacimona dámie Dionísio. Afémie Areópago nimáiranimo jaináidímie. Afe íñotimacimona Dámaris mámeciredíngo ite, nai bai jíáímaciri.

## 18

### *Pablo Coríntomo illafue*

<sup>1</sup> Afe meífodo Pablo Aténasmona oni Corinto jófuemo jáizaide. <sup>2</sup> Dínomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaíllinoí cómoicana Itáliamona botádiaíllinoí; romano caifóidillaíma Claudio nana judúuai Roma jófuemona oni íaíói oréina jira. Dínomo Pablo Aquila uáíduaide. <sup>3</sup> Aquila ie ai diga jedaciede iniroi tífuano bizáinicaífe nitíaiói. Afe íaíói míllado úcube otíaiói. Pablo afe táíjinana fíbídímie. Ie jira Pablo afe íaíllinoíri fiébricaide, dájena íaíói táíjillena.

<sup>4</sup>Naga ocózinairuimo llófueriracomo Pablo llófuiaifrede. Afemona judúuaimona dáarie ínotiaioi. Afe dájerize judíoñedimacimona ja ínotiaioi.

<sup>5</sup>Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocailano, dama Juzíñamui ñufue jino llóllena iere izire llocana uite. Judúuaina uáfodo daide:

—Jesús omoi úiñogamie Cristo, —daide.

<sup>6</sup>Mei íadi judúuai fena uáitaoidiaioi. Iemo fiénide uailai nitádiaioi. Ie jira Pablo je incuiro íaioimo faiáñote. Afe faiánua daide: íaioi íaire finócafue ícoinia afémie ícoiniañedeza, dani íaioi ícoinia.

Pablo íaioina daide:

—Dani omoi ícoinia timáritiomoi. Jae ómoiri ñífuenedimedicue. Biruímona judíoñedimacimo llujíticue, —daide.

<sup>7</sup>Llófueriracomona jino jaillano, Justo maméidimie jofomo jaide. Justo Juzíñamuimo ánozillano caimare úritimie. Afémie jofu llófueriraco abimo ite. <sup>8</sup>Afe llófueriraco illaíma Crispo. Afémie naa ie comíniri Ocuíraíma Jesucristomo ínotiaioi. Afe llezica aillo Corinto jófuego itino, Pablo lloga ñúefuiaína cacáillano afemo ínotiaioi. Ínuamona bautizagaiaioi. <sup>9</sup>Afe mei Juzíñamui Páblona nícaí anado daide:

—Jacíruiñoeno iri. Mai ñúefue llícaíñoeno llóiri, mei o diga itícuéza. <sup>10</sup>Fiénidífueña bu omo jíritanide. Nai bie jófuego aillo cuemo ínoitímona ite, —daide.

<sup>11</sup>Iemona Pablo Coríntomo nai daa fimona átuedo Juzíñamui uailai comínimo llófullofuede.

<sup>12</sup>Mei íadi Galióna mámeçiredimie, Acaya éniemo illáimana illáruído nana judúuai Páblona uáitaocana gairídiaioi. Iemona fena lláitano, ríimaci uiécomo uitíaioi.

<sup>13</sup>Illáimana daidíaioi:

—Bímie comini cigido llófuericaide. Jíáífodo Juzíñamuimo ánozilli uailai llófuecaide. Iemona afe uáillaimo cacáreidiaioi. Mei íadi afefue caímo ocuica uailai uáitaocaiide, —daidíaioi.

<sup>14</sup>Pablo como úrizaidemo, illaíma Galión judúuaina daide:

—Judúuai, cue omoi áifedoñoeno iri! Bímie omo aillo fiénidífue ícoinia íadi, cómena fáfafue izói, come merírafue izói, ua afémie daí íadi ómoimo cacáreiticue. <sup>15</sup>Mei íadi fia omoi uáillaido, omoi mámeçiaido júfidotiomoi, ómoimo judúuai ocuífuaíai diga. ¡Mai dani jaícina omoi finori! Aféfuiaímo izire jicánoraímana íacañedicue, —daide.

<sup>16</sup>Ie mei afémie nana íaioina jino jicánoracomona orede. <sup>17</sup>Iemona nana griéguaí Sóstenes maméidimie llaitádiaioi. Sóstenes llófueriraco illaíma. Iena lláitano, ríillaíma Galión uiécomo fena fáfadiaioi. Mei íadi Galión afe finócafuaína raa daíñede.

*Pablo Antioquíamo meine jaide dinómona ja dacaiñoámani nane llujáide*

<sup>18</sup>Dino Coríntomo Pablo diga iruillai ite. Ie jáiacanaruimo, ámatiaí íraicaiño fena facádonocaidiaioi. Afe mei Pablo nocaedo Siria éniemo ruica jáizaide. Aquila ie aí Priscila diga Pábloiri jáizaidiaioi. Nai Cencrea ígobemona nai jáíñediaioimo, Pablo ie ifo cuidode. Daí finode, jae ie nauí Juzíñamuimo llogáuai fuilla jira. <sup>19</sup>Ruica jáillano jae Efeso jófuego dúcidiaioi. Dinomo Pablo, Aquila Priscila diga fiénocailano, llófueriracomo jaide. Afénomo gairide judúuaimo Pablo úrizaide. <sup>20</sup>Afémaci ie íaioi diga are íllena izire jicádiaioi, mei íadi Pablo fairíoñede. <sup>21</sup>Iraicaiño íaioina uáidonocailano íaioina daide:

—Ja Jerusalemo íacade iráizillafuemo raire jáiacadicue, mei íadi Juzíñamui óiacania dánomobido ómoína eroizaíbiticue, —daide.

Iemona nocaedo Efésomona oni monáillaido jaide. <sup>22</sup>Cesarea jófuego dúciillano, Pablo arido Jerusalemo jaide, dinomo ite Juzíñamuimo gairídino uáidollena. Afe mei oni Antioquíamo jaide. <sup>23</sup>Diga iruillai dinomo illa meífomo, meine nane nana Galacia jófuego Pablo oni jáizaide, Frigia jofue diga. Naga jófuego dágoberie llófuecade. Daí Pablo nana Juzíñamuimo ínotimaci comécina ñue náirecaítade.

*Apolos Efésomo ñúefue jino llote*

<sup>24</sup> Aféruillaído judío ímie, Apólona maméidímie Efésomo dúcizaide. Afémie Alejandría jofue ímie. Afe iima uai jino llúana ñue fibídímie. Afémie Juzíñamui Cuegáuaina ñue onode. <sup>25</sup> Ocuíraima Jesucristo llogáuailaina afémie llófuegamie. Aféfuiai jino llúana iere méaicaiñeno caimare llote. Jino uáfodo Jesús ífuiaído llófuerite. Mei íadi dama Juan íaioi báutizafuena onode. Afe izói Juan Jesudo llogáfueña Apolos onode. <sup>26</sup> Apolos llófueriracomo comeci jácicañenado úrizaide. Mei jira Priscila Aquila diga Apolos llófueillana cacáillano, ie eneno uitíailinoi, Juzíñamui uailai baimo ñue jino jaícina llóllena. <sup>27</sup> Afe mei Apolos Acaya éniemo jáiacade. Iemona ámatiai ie abina jafue oñeno, ñue fena náicaitadiaoi. Daje llezica ucomo rabe afénomo ite ínotinomo cuetíaioi, íaioi afémiena ñue llínollena. Afémie Acáyamo dúciillano, afénomo ite ínotinona ñue canode. Juzíñamui jae íaioimo dúcaillano íaioina ínotade. <sup>28</sup> Nana comini erócana judíuai lloga taino uai Apolos íaioimo cíotate. Afémaci Apolos jamánomo ñue jaícina jódiuaina jáanonidiaoi. Afémie Juzíñamui Cuegáuailaído ñí íaioi úiñoga Cristo dámie Jesuna jino íaioimo uáfodo llóteza.

## 19

*Pablo Efésomo meine dúcinafue*

<sup>1</sup> Apolos nai Coríntomo illa llezica, Pablo Galicia éniemo jaillano, íduai íllado jaide. Jáillano Efeso jófueumo dúcide. Dinomo ite Juzíñamuimo ínotimacina cíozaide. <sup>2</sup> Íaioimo jicánote:

—¿Meita omoi ínuamona Ñuera Joreño úicaigaomoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicaí, —daidíaioi.

<sup>3</sup> Mei jira Pablo nane jicánote:

—¿Mei bu mámecido báutizagaomoi? —daide.

Jira afémaci uai otíaioi:

—Juan mámecido báutizagacai, —daidíaioi.

<sup>4</sup> Jira Pablo íaioina daide:

—Juan lloga báutizainafue comini comécimo ite fiénidífuiai méiduana jino náiraímo cíotate. Mei íadi Juan meifodo bitímieimo ínorediomoí ómoína daidícue. Afe bitímie Jesús; afe Jesús Juzíñamui Nizécámie Cristo, —daide.

<sup>5</sup> Aféfuena cacáillano cai Ocuídímie Jesús mámecido báutizagaíaioi. <sup>6</sup> Pablo íaioimo onoi bitamona, Ñuera Joreño íaioimo bite. Iemona afémaci jíáimaci uáillaído úritiaoi. Juzíñamuimona oga úrilla uailai jino llotíaioi. <sup>7</sup> Afémaci nibai doce dígamiediaoi.

<sup>8</sup> Pablo afe llófueriracomo daámani fuí jáicade. Dinomo comeci jácicañeno jino íaioimo llófuerite. Juzíñamui illáimana illáfuedo izire íaioimo jino llote íaioi ínollena.

<sup>9</sup> Mei íadi dámerie comeci rairuíllano aféfuena ínoacañede. Comini erócana Juzíñamui ñúefuiaído fienu úritiaoi. Iemona Pablo íaioi cígimona oni jíáicomo jaide. Jaillano Pablo afe Juzíñamuimo ínotinona jíáie comini llófueracomo uite. Afe llófueraco naama Tiranno. Dinomo Pablo nágaruillaído llófuaíade. <sup>10</sup> Daií dinomo mena fimona llófuerite. Iemona nana Asia énie nairai Ocuíraima Jesús llogáfuaíaimo cacárediaoi. Judíuaimona nano diga ímíiai ínotiaoi. Afe dájerize judíoñedinomona ínotiaoi. <sup>11</sup> Juzíñamui diga áillue cíorainina ráaniai Páblodo finode. <sup>12</sup> Uiéco dóraroillai Páblomo atidiaoi jinófene jítáaroillai diga. Aféroillai Pablo jétanona iráredímacimo uitíaioi. Afe jetácaroi íaioi llínuamona jíllobicaidiaoi. Daje izói jíáimacimo ite fiénide joríaí oni jáizítiaoi.

<sup>13</sup> Afe mei macáraini judíuai dárie dúcidiaoi. Afémaci:

—Fiénide joríaiai comínimona oréredicaí, —daidíaioi. Ja Ocuíraima Jesús mámecido afe fiénide joríaiai jino oréacadiaoi. Jíáimacimo ite joríaiaína daidíaioi:

—Pablo lloga Jesús mámeçido ja birui ómoína jino orédicai, —daidíai. <sup>14</sup> Afe izói judío ímie Esceva siete diga jitótiai daidíai. Afe Esceva lletáriraini illaima. <sup>15</sup> Afémie jitótiai daí dainamona afe fiénide jóriaí íai. Uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

<sup>16</sup> Daí daina mei, fiénidena jóriaredimie riire íaoina llaitade. Nana íaoina anáfenuano iere duere íaoina finode. Ja iere jamánomo duere íai. Finóinamona, afécomona émuromaíai naa boáfiairi jino botádiai. <sup>17</sup> Nana Efésomo ite comini, judíuai naa judíoñedinori aféfuena fidíillano iere jacíruitiaí. Iemona Ocufráima Jesús mámeçina jamánomoideza daidíai. Afemona aillo núefue Jesumo nitádiai.

<sup>18</sup> Aillo afemo ínotimacimona jaiaí íai. Finoca fiénidifuaí uáfodo jino llotíai. <sup>19</sup> Daje llezica aillo nauí aíníniaí uaimo fibidino, íaímo ite fiénino úrilla rabénicuaí átiano nairaí eróicana jobádiai. Afe jobáicanuaí comécido facádiaimo, jamánomo ráifide izoide, daidíai. “Cincuenta mil úcubetunillai dieze ráifide,” daidíai. <sup>20</sup> Daí Juzíñamui lloga uaillai jamánomo oni móonaioicaide. Afedo Juzíñamui ríino jino cítaoicaide.

<sup>21</sup> Afe meífodo Macedonia éniemo Acaya énie diga dino comini uáiduallena Pablo mamérite. Afeno comini uáidua meífomo, abido Jerusalemo jázaillena Pablo comécido daide. Afe emódomo daide:

—Jerusalemo cue jaillé mei, dinómona Rómamo jáiacadicue, —daide. <sup>22</sup> Mei jira Macedóniamona mena íe canóraima Timoteo Erasto diga uícodo orede. Mei íadi Pablo nai Asiamona nana nígarui fiévide.

#### *Efésomo fiénidifuedo faillíneidiai*

<sup>23</sup> Aféruillaido Jesús lloga núefuaíri aillo fiéni faillíneidiai. <sup>24</sup> Afe faillíneinafue Demetrio como fueñe taineca. Afémie aillo ebírede ráaniaí plátamona finóraima. Juzíñamuina íai. Mamécango Artemisa, nofíci finoína jánarai. Aféngomo gairíracó izói, plátamona ráiracojina finoda, Demetrio fecáfírede. Afedo afémie íe diga tájiraimaci íena aillo úcube otíaí. <sup>25</sup> Iemo Demetrio naa jáíe daje izói tájijnana fibidínori dánomo gairídiai. Dinomo íaoina daide:

—Cáimaci, omoi cácarei. Bie caí tájijnado ñue ráaredicai, onódiomoi. <sup>26</sup> Mei íadi baie Pablo llócaigafuena cacádiomoi. Afémie daide: “Comini finoca juzíñamuillaina feñede,” daide. Íe llogáfue Pablo aillo comínina ínotade. Daa benó Efésomóñede daí ínotade, mei íadi nana Asia éniédo ínotaacade. <sup>27</sup> Aféfué iere jacire cacaide. Afedo caí fecácaiganiaina táncaitaíbite. Daje izói caí áillue juzíñamui caí dainango Artemisa gairíracó jalléinafueña féitaite. Afe izói bie juzíñamui dainango jamánomo ebírenafueña jámairuitaíbite. Nana Asia énie naa jáíe éniiaíri aféngomo ánozifírediaí, —daí Demetrio daide.

<sup>28</sup> Aféfuena cacáillano, iere comécido rícaidiai. Iemona caillíocana daidíai:

—¡Caí Efeso imaci juzíñamui caí dainango Diana, jaca ninomo záñeno iri! —daidíai.

<sup>29</sup> Iemona nana afeno jófuedo aféfuai iere riire júfidotiaí. Aillo afeno comini ífo írínote. Afe llezica mena Pablo nabaide íaillinoí llaitádiai. Afe íaillinoí mámeçi Gayo Aristarco diga; Macedonia ímie íaillinoí. Íaíoi llaita mei afémaci nairaí uícómo íaíoi gairíracomo íaillinoína zocana uitíai. <sup>30</sup> Pablo afeco jófomo comínimo úrizaiacade, mei íadi núefuena ínotino afe jófo jáillena rairuídiai. <sup>31</sup> Afe llezica Asia ríimaci Pablo diga caimare úriraini, Pablo afeco jófo jáíñeillena uai íemo orédiaí. <sup>32</sup> Íaíoi gairilla llezica, dáríe jáífodo llotíai; jáímíiaí jáífodo jíríoicana llotíai. Mei aféfuai jamánomo fiéni faillíneidiai. Ja nabénairaí aféfuena onóñediai, nífuéri gairídiaioiza. <sup>33</sup> Mei íadi gairídino cígimona dámíerie jino Alejándromo aféfuai llotíai. Afe Alejándrona judíuai, afeno comini uícómo judíuai abí ríiduafuedo úrilla, baí íena naídánetaí. Baí náidaillano íe ónoído íaoina, “Maí omoi líicai,” daide. <sup>34</sup> Mei íadi afémie judío ímienana íaíoi comécido onónamona, mena hora nana caillíocana daidíai:



—¡Cai Efeso nairai naango Artemisa, jaca ninomo záñeno iri! —daidíai.

<sup>35</sup> Iemona afeno jofue jabóllaíma ícoínia comíni llícaítade. Llícaítano íaíoina daide:

—Efeso nairai, omoi cácarei. Naga énie náiraíai cai iere jalleide juzíñamui daínango Artemísamo gairíracona úíñotagamacídicaí, afe cai úíñuafuena onódiaíoi. Afe daje izói aféngona mameca monámona ana baíide jánaraina úíñotagamacídicaíza onódiaíoi. <sup>36</sup> Mei bifue buna jaca jáanonideza, mai omoi llícaí. Comecí facáñeno níñfuenta lloñeno iri. <sup>37</sup> Mei bie omoi atíca íaíllinoí, omoi juzíñamui daínango Artemísari fiénidífuenta úríñediaíllinoí. Aféngona ríicaitañediaíllinoí. <sup>38</sup> Demetrio zúucaíllafue níñmiemo íadí, mai jicánoraimamo llujíri. Daje izói afémieri tájíraini zúucaíllafue íadí llujíri. Jaca ríimací uícomo meine abído óllena afémací llórediaíoi. <sup>39</sup> Mei jíáfodo omoi jicánoiacaniadí, mai ríimací daina izói omoi gairiri. <sup>40</sup> Ja birui jácífuemo baízaidicaíza. Birui omoi finócafue ícoínia, illaima anáfenuafuena caímo nítaítiaíoi. Bie omoi faíllíñeínafue caímo íaíoi jicánoiadí, íaíoi uai cai ollífue jaca due íñede, —daide.

<sup>41</sup> Daíí daina meífodo, afénomo gairídino oni rainode.

## 20

*Pablo Macedóniamo Grecia díga díne jáíllafue*

<sup>1</sup> Afe íaíoi faíllíñeínafue llícaítaí meífomo, Pablo Juzíñamuimo íñotíno ñue llófuellena jííritade. Daíí íaíoi llófuía meífomo íaíoi llíñuano íraícaíño uáidonocaide. Uáidonocaíllano Macedóniamo jáizaide. <sup>2</sup> Nana afénomo itígobíai comíni uáíduaide. Ie uáíllaido afénomo ite ámatiaí náícaítade. Afe mei Pablo ja Grecia éniemo dúcíde. <sup>3</sup> Dínomo daámáni fiui llófúete. Dínomona nocaedo Síriamo jáízaidemo, judúuai fena llaitáacanafuena fídide. Ie jira arí éñiedo Macedóniamo abído jáíllena comecí facade. <sup>4</sup> Dínomona ie nabáídino: Berea ímie Sópater; Tesalónica ímie íaíllinoí Aristarco Segundo díga; Derbe ímie íaíllinoí Gayo Timoteo díga; jíáie Asia énie íaíllinoí Tíquico Trófimo díga. <sup>5</sup> Afe bie ámatiaí uícomo Troas jófuemo caina uíñuaidiaíoi. <sup>6</sup> Fáítara jóñeñega pan güílla iráízilla meífomo, Filípomona nocaedo ruica jáídicaí. Ja cinco dígarui íllamona Tróasmo dúcídicai. Dínomo daa semana iticaí.

*Pablo Troas comíni uáíduafue*

<sup>7</sup> Semana nanóídíruido gairídicaí pan díxada fecállena. (Afe pan díxada güíllamona Jesucristo íraícaíño güíllamo úbícaídicaí.) Güílla mei Pablo Jesumo íñotíno llófúete. Afe jíítiramo afémie ja jáíacade. Ie jira úríoidemo ja dáaferui ite. <sup>8</sup> Caífo jíca ite caífóneco ero ícomo gairídicaí. Afe dínomo aillo unerachecoí bóotatiaíoi. <sup>9</sup> Dínomo ite daa jítócome, Eutícóna maméídímie. Afémie jino erórafomo ráíide. Pablo íere are úríllamona, afe jítócome jamánomo íñietaide. Ícoínia izire íñiamona, caífona ana baíide. Afécomo dabaniámáni ite. Dínomona ana éniemo baíide. Tííde caífo llíñnotiaíoi. <sup>10</sup> Mei jira Pablo ana afémie mo jáíllano, ie acónimo dújuíllano íena meníñote. Afe mei ámatiaína daide:

—Cáadeza, omoi jacínaiñeno, —daide.

<sup>11</sup> Daíí daina mei Pablo meine caífo jaide. Caífo meine dúcíllano, pan díxada güíllano naí íaíoi mo nane úrite. Da úrítemo monaíde. Monáíllamo oni jaide. <sup>12</sup> Afe baíídímiena ñue caade uítíai. Iemona nana comíni ñue caímare ífcaídiaíoi.

*Pablo Tróasmona Milétomo jáíllafue*

<sup>13</sup> Ie meífomo Pablo Asonmo íodo jáíacade. Ie jira cai jíáímací nocaedo uícomo Asonmo jáídicaí dínomo Pablo otá cai úíllena. <sup>14</sup> Afémiena Asonmo cai baííllamona, dínomona cai nocaedo nana Mítílénemo jáídicaí. <sup>15</sup> Dínomona jáíllano jíítiramoidíruido Quío jofue áñodo jáídicaí. Afe jíáíruido Samos ígobemo zíjídicai. Dínomona Troglíomo ocózinaídicaí. Afe jíáíruido Milétomo dúcídicai. <sup>16</sup> Pablo Asia éniemo are íacañede. Ie jira Efésomo meine jáíacañede. Mei íadí Pablo raíre Jerusalemo dúcíacade, afénomo íacade Pentecostés ráfuena cóíllena, íadí níbaí cóíñeíte.

*Pablo Efeso éinamacimo úrillafue*

<sup>17</sup>Nai Mileto jófuemo cai illa llezica, Efésomo Juzíñamuimo gairíraíni éinamací jírítate. <sup>18</sup>Iaioi dúcinamona Pablo íaioina daide:

—Nano fueñe Asiamo cue dúcinamona cue ífírenana ñue onódiomoi. <sup>19</sup>Nágaruillaido comeci mánainafuedo éeiafuedo omoi cígiri iticue. Daíí cai Ocuíraíma Jesumo táijífiredicue. Afe llezica judíuai iere aillo duere cuena finóacadaíoi. Afedo aillo facátafuíai cuemo nitádiaioi. <sup>20</sup>Mei íadi fáicanocaiñeno nana ómoimo ñue illífuena llófuefiredicue. Daíí uáfodo omoi gairíracomo ómoimo llófueriticue. Daje izói naga omoi jofomo llófuefiredicue. <sup>21</sup>Judíuaimo lloticue; daje izói judíoñedinomo lloticue. Nana íaioina daidicue: “Omoi fiénidífuíai ñúefuina Juzíñamui comeci jitailla izói omoi meí-dori. Iemona cai Ocuíraíma Jesucrístomo omoi íinori,” daíí íaioina daidicue. <sup>22</sup>Mei birui benómoma Jerusalemo jítiticue; afénomo cue jaille Juzíñamui Ñuera Joreño cue ocuilla izói. Dinomo cuemo cómutifuenta óñoñedicue. <sup>23</sup>Dama dafue cue comécido onógafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. <sup>24</sup>Mei íadi aféfuena due lloñédicue. Ocuíraíma Jesús cuemo jónega táijinafuena ñue ícoimo cue fuitáadi cue cáanano cúemona ráifíñede. Afe táijinafué Juzíñamui ñue cáina izíruillafue comínimo llócadicue. Ua comini áizia izóidinomona cue táijina ícoimo caimare ñue dúcitaicadicue.

<sup>25</sup>Omoi cígido Juzíñamui illáimana illafue llócaidicue; mei birui ua onódicueza, ómoimacimona buna cuena meine cíñoite. <sup>26</sup>Ie jira biruido daííacadicue, ja ómoimona nífuenidímedicue. <sup>27</sup>Mei jira nana Juzíñamui caimo llófuegafuíai ómoimo uáfodo lloticue. Nífuena báinino lloñédicue. <sup>28</sup>Ie jira afe izói dani abi omo rairuiri. (Jae einamáciðimoíza.) Daje izói nana Juzíñamuimo gairíðinona úiñori, mei jira Ñuera Joreño íaioina úiñotade. Ua Ocuíraíma Jesumo gairíðino úiñotagaomoi. Afe gairíðinona Jesús dama ie túllado, ie ðie tóillamona dama ie comínina meine maiñode. <sup>29</sup>Cue jailla mei jíáimaci Juzíñamuimo gairíðinona jífueridino bíttiaioi. Ua rírede jicóniaí ovéjaina fázia izói Juzíñamuimo omoi íinogafuena féitataíbitiaioi. <sup>30</sup>Daje izói omoi cígiri táinofuíai llóitina iite. Afémaci uáfuenta féitajano táinofuíai ómoimo llóitíai, ínotino afe uai jeire otátallena. <sup>31</sup>Mei jira abi omoi rairuiri. Naui omoi diga cue illáfueomo omoi uibíoiri. Dafimonaámani, mona naio diga éebicaillano izire ómoimona nágamíaimo fáicanocaiñeno ómoimo jino lloticue.

<sup>32</sup>Mei cue ámatiaí, ja birui Juzíñamuimo ómoína jóneiticue, omoi úiñollena. Daje izói Juzíñamui cáina izíruilla uaimo omoi comeci uibíoillena jítáidicue. Afe uai ómoína náirecaítaite. Afe daje llezica, aféuaido Juzíñamui dibénemo ñue rairuícamacina ja itíomoi naa jíáie ie rairuícamaciri. Mei afe rairuícamací Juzíñamuido ñue finócamaciðomoi. <sup>33</sup>Jíáimie mo ite úcubiairi íaioimo ite íñroillairi dama cúeiena jaca úradoíñedicue. <sup>34</sup>Mei íadi jíáífodo, dama cue jitailla raa óllena dama cue ónoído táijidicue. Daje izói cue diga itino íena oticue. <sup>35</sup>Daíí omoi táijillena lloticue. Afe izói raana jítáidino omoi canóllena ómoína llófueticue, Ocuíraíma Jesús daina uaimo comeci omoi facáoicallena. Afémie daina uai daíí daide: “Fía iga raa llínotimie baimo, fecáfiredimie jamánomo ióbide,” — daide.

<sup>36</sup>Daíí íaioina daina meífodo, Pablo cañici ana dújuillano Moo Juzíñamuimo nana afémaciri úritiaioi. <sup>37</sup>Iemona nana éenaitiaioi. Afe llezica Páblona meníñuano ñitada cáimadotiaioi. <sup>38</sup>Afe llezica Pablo “Ja meine abido cuena cíñoiteiomoi” dáinari iere zúucaidiaioi. Afe mei fei nocaemo íraicaíño íena nabáidiaioi.

## 21

*Pablo Jerusalemo jáillafue*

<sup>1</sup>Amatiaí fuénocailano, Cos jófuemo nocaedo jáicína jáidicai. Afe jítiramo Rodas jófuemo jáidicai. Dinómoma Pátara jófuemo jáidicai. <sup>2</sup>Afe Pátaramo Feníciamo jáiacade nocáe baiticai. Dinómoma afécaedo jáidicai. <sup>3</sup>Jaillano, monaillai cigí idu Chíprena jicana

ciódicai. Afe éniena jarífezi dibénemo fíianona Siria éniemo jáidicai. Afe cai jáillacaemo Tíromo fielle ráaniai illa jira afégobemo zíjidicai. <sup>4</sup> Afégobemo ite Juzíñamuimo ínotinona cióizaidicai. Dínomo siete dígarui faioi diga iticai. Dínomo Ñuera Joreño llogáiaioi. Ie jira Páblona daidíai:

—Benómona Jerusalemo jáiñeno iri, —daidíai.

<sup>5</sup> Mei íadi afe siete dígarui illa meífodo jáidicai. Cai jáizailla llezica nana Juzíñamuimo ínotino, faioi ringóniai naa úruiairi jofue féimo caina nabáidíai. Dínomo ite guamáximo ana dújuillano Juzíñamuimo iere úriticai. <sup>6</sup> Ie mei meniñota íraicaiño faioi facádonocaidicai. Daí ñiano nocaemo caifo jáidicai. Afémaci faioi jófuego meine jáidíai.

<sup>7</sup> Tíromona biticai Tolemáidamo dúcina. Dínomo ite ámatiai uáidollena darui nabáidicai. <sup>8</sup> Afe jítiramo Pablo naa íedo jáidínori dínómona Cesarea jófuego dúcidicai. Dínomo ite ñúefue llóraima Felipe jofomo jáidicai. Afémie siete dígamiede güille fecárainimona Juzíñamuimo gairíraco tájjiraíma. Dínomo afémie jofomo iticai. <sup>9</sup> Afe Felipe jiza nagaámazade. Nai ínínidíai. Aféngotiai Juzíñamuimona cacana uailai jino llotíai.

<sup>10</sup> Afénomo diga irui itícaí, uai jino llóraíma Agabo Judéamona cai uáiduaíbite. <sup>11</sup> Afémie Pablo ciraigi ífe zuitáicaillano dama íe idai onoi diga maíano daide:

—Ñuera Joreño daide: “Jerusalem judúai bie ciraigi ífe námana bie izói máite. Maíano íena jicánemacimo fécaítiaioi,” daide, —daí Agabo lluaíbite.

<sup>12</sup> Aféfuena cacáillano, Cesarea imaci naa cairi, Pablo Jerusalemo jáiñeíllena íemo izire jicádicai. <sup>13</sup> Mei jira Pablo uai ote:

—¿Níbái cuena zúcaítatiomoi? ¿Minícarí éedíomoi? Cue faioi maille baímo comécido mamériticue. Juzíñamui jítíadi Jerusalemo cai Ocuíraíma ícoínia tíitícueza, —daide.

<sup>14</sup> Afémie mámiafuena jáanonidicai. Ie jira afefue fáicanocaillano daidíai:

—Juzíñamui comeci jitailla izói omo íficaíteza, —daidíai.

<sup>15</sup> Afe meífodo, Jerusalemo jáillana finóbídicai. <sup>16</sup> Cesaréamona dárie Juzíñamuimo ínotino caina nabaide. Afémaci cígimona daa Chipre ímie Mnasón ite. Afémie jae diga fímona Juzíñamuimo ínote. Afémiemo ite Jerusalemo dúciracomó jáidicai.

### *Pablo Sanatíago uáiduaífe*

<sup>17</sup> Jerusalemo dúcidicaímo dínomo ite ámatiai caímare caina líínotiaioi. <sup>18</sup> Afe jítiramo Pablo naa cairi Santiago uáiduaídícaí. Daje izói nana illáicomíni afénomo itíai. <sup>19</sup> Pablo faioi uáidote. Uáiduanó Pablo nana íedo judíoñedínomo Juzíñamui finócafuaí jino illa dígafuaí faíoimo lloté. <sup>20</sup> Iemona aféfuíaina cacáillano Juzíñamuimo caímátaíodiaioi. Jira Páblona daidíai:

—Mí, o llogáfuaí íere ñuera, mei íadi judúuaímona diga mil comíni afe ñúefuego ínotiaioi ciódíoa. Nana afémaci Moisés ocuica uai izói cai íllena íere jítáírede daidíai.

<sup>21</sup> Mei íadi dáarie o nana jica jáínomo ite judúuaímo llogáfueña lluaíbítiaioi. Afe íaioi cacánafue daide: “Moisés ocuica uaina jeire omoí oñeno iri.” Afe izói íaioi jítótiai bacano ícoí quetátáñedio, daidíai. Ie emódomo cai fíbillafuaíaina finótáñedio, daidíai. <sup>22</sup> Iemo bífuíaina cai dibénedo ¿nie izói llóitío? ¿nie izói ñéitícaí? O billáfueña comíni fídíillano ua dáanomo gáíritiaioi, —daide. Iemo Santiago nai úrillano íena daide:

<sup>23</sup> —Cai daínuaí jeire o úamona aféuaí izói o finolle jítáírede. Cairi benomo ite nagaámamie. Afémiíai úcomo Juzíñamuimo nauí íaioi llogáfuaí fuitáacadiaioi. <sup>24</sup> Bimaci o úri, Uillano nana omoí comécímo íaífe múíñuaífe maí omoí finuaíri. O úcubemona omoí ífe cuidótalle íbari. Iemona dani cuidótaitaíoaíza. Afe daí o fínuamona, benó ite ínote judúuaí, o ñue ífírena izói ónoítiaioi. Moisés ocuífue jeire o úana fídítiaioi. Daje izói ja ónoítiaioi nana o rafue benó comínimo jáíamaci lluaíbígá tánoíuaí. <sup>25</sup> Mei íadi ínote judíoñedínomo jáííodo jae cuetícaí. Aílo judúuaí finócafuaímo íaioi jírueíllena llotícaí. Daa bífue íaíoimo llotícaí: “Jánaraí izóídemo fecaca lícíaina omoí ríñeno iri. Díena

jiróñeno iri, daje izói cimoina cigínoga rílleniaina riñeno iri. Mai nana jiruífuaímona abí omoi rairuiri; dama áiredimie ie ai diga illa ñuena,” —dinóride Santiago llogafue fuilla.

*Pablo gairíracomo llaitáinafue*

<sup>26</sup> Ie mei Pablo afe nagaámamie uite; uillano afe jítiramo, íaioi comécimo ite íaífuiai múiñuafue finódiaioi. Afe meifodo jofo Juzíñamuimo gairíracomo jáidiaioi. Dinomo íaioi comécimo ite íaífuiai muiñóilliruillai fuillírui llujídiaioi. Afe daí íaioi llúamona illa dígamierie íaioi raa fia íaioi fecállirui llotíaioi.

<sup>27</sup> Afe siete dígarui ja fúiacademo Asia éniemona bite judíuai Páblona Juzíñamuimo gairíracomo cíozaiabitiaioi. Iena cíozaiabillano nana afeno comínina fieni faillíñaitadiaioi. Iemona Pablo llaitádiaioi. <sup>28</sup> Lláitano caillíoidiaioi:

—¡Israel nairai, cai cano! Bímie nágagobiaido nana comíniamo cai nairai uítaoicana llófucaide. Daje izói Moisés ocuífauena uítaoide. Bie cai Juzíñamuimo gairíracona uítaoide. Ie emódomo jae mena griego ímie faillínoi jofo uite. Daí bie Juzíñamuido ñue finócaco ero bácajaibite, —daidiaioi.

<sup>29</sup> Naui Pablo afe jófuedo judíoñedimie Trófimo diga nabáirillana íaioi cionamona daí daidiaioi. Afe Trófimo Efeso ímie. Afémaci comeci facádiaioi, ñibai Pablo Trófigona gairíraco eromo jofo uite, daidiaioi.

<sup>30</sup> Iemona nana afeno comini aféfuiai júfidotiaioi; aféfuerei fieni faillíñaidiaioi. Afe llezica nana comini áziaizi bitíaioi. Billano Pablo llaitádiaioi. Lláitano gairíraco jinomo zocana íena uitíaioi. Daí ñiano afe llezica gairíraco náziai ibáidiaioi. <sup>31</sup> Ja íena titáacadiaioimo, soldados igüelli illaíma ja afe aillo comini fieni faillíñainana fidide. Daje izói Pablo ja íaioi titáacanafuena fidide. <sup>32</sup> Mei jira afe illaíma ie jabóidillaimaíai naa ie llaiízirainiri jírrite. Jírillano afe comini illánomo aizícana jáidiaioi. Iemona nana comini llaiíziraini illaíma naa ie llaiízirainiri billana cíóillano, Pablo fájana fáicanocaidiaioi. <sup>33</sup> Afe mei afe illaíma Páblomo ánozide. Ánozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Ñífue finódio? —daide. <sup>34</sup> Mei íadi comini jamánomo jíáfodo caillíoidiaioi. Jáímíiai jíáfodo daidiaioi. Illaíma ífona jamánomo írinite. Jaca jefomo uibíñede, jamánomo íaioi úrioinaza. Jira illaíma llaiíziraini gairíracomo íena uitátate.

<sup>35</sup> Afeco caífo jáirabicimo íaioi dúcina llezica, llaiíziraini Páblona caífodo rocádiaioi, comini íena llaitada íaioi fáiacana jira. <sup>36</sup> Afémie uilla óodana caillícana daidiaioi:

—¡Pablo dama tíideza! —daidiaioi.

*Pablo ie abí ríidollifue comini uíecomo llote*

<sup>37</sup> Afécómo íena uizájidiaioimo, Pablo afe llaiíziraini illáimamo griego uáillaido jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? <sup>38</sup> ¿Mei o egipcio ímieñedio? Afémie naui jíáie illáimana benó jóneacade. Táizícimo cuatro mil come fáraini uite, —daide.

<sup>39</sup> Jira Pablo íena daide:

—Tarso jófuego jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

<sup>40</sup> Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído llícaítate. Íaioi úrioina llícaíllamona Pablo afémaci uáillaido íaioimo úrite. (Afémaci úrilla uai ‘hebreo’ daina.) Íaioina daide:

## 22

<sup>1</sup> —Cai comini naa illáicomini diga, omoi cácarei. Cue abí ríidufue jino llóitícueza, —daide.

<sup>2</sup> Hebreo uaido íaioina dáinana cacáillano, iere tii daidiaioi. Iemona Pablo íaioina daide:

<sup>3</sup> —Cue judíodícué. Cilicia éniemo ite Tarso jófueмо jocócaque. Mei íadi benó Jerusalemo comuitagacue. Afe mei Gamaliel llófuegacue. Cai jaiáidígima ocuífauiaí llúana iere áfemo jíeruíticué. Jaca Juzíñamuimo tájínafueмо comecí cue facai izóí naa cue ríinodo iere járitaífiredícué. Ua ja birui Juzíñamui ocuífafueмо omoi járitaílla izóí jaiái daíí járitaífiredícué. <sup>4</sup>Jaiái Jesumo ínotínona daje izóí fállena racadícué. Afe dáruido íññái ringóniaíri llavéramo lláviaidícué. <sup>5</sup>Lletáiraíni illaíni nauí comíni cue lláviafueмо uai nabáiraíni itífaíoi. Daje izóí nana illáicamíni rábiaí cue fécamo uai nabáiraíni. Afe rábiaído Damáscómo ite cai ámatiaí judífaí jénuaidícué. Dínomo ite Jesumo ínotíno jénuaidícué, atída Jerusalemo íaíoina duere cue finótallena.

*Pablo íemo ite fénidífue méidua jino llote  
(Hch 9.1-19; 26.12-18)*

<sup>6</sup>“Mei íadi Damasco iodo jáidícuemo, ja jáíciri ítemo afe jófueмо dúciacadicue. Afe llezica monámona jamánomo riire cuemo egáínoacaide. <sup>7</sup>Iemona éniemo baíidícué. Afe llezica monámona cuena daína uai cacadícué; aféuai cuena daíde: “Saulo, Saulo ¿nibái mei cue racadíoi?” <sup>8</sup>Mei jira jícanotícué: “¿O mei búdio?” Jira afémie cuena daíde: “Nazaret ímie Jesúdicue. Daa o racácamiedícué,” daíde. <sup>9</sup>Cuedo jáidíno afe egáínuana cióillano jacínaitiaíoi; mei íadi cuemo úrite uaina cacáñediaíoi. <sup>10</sup>Jira íena daidícué: “Ocuíraíma, ¿mei níie izóí ííticué?” Jira afémie cuena daíde: “Náidacaillano o jaílla Damasco jófueмо jai. Dínomo o finóllífuaíina omo llóítiaíoi,” daíde. <sup>11</sup>Afe riire egáínuana cue ui dúitaga. Ie jira cue nabáíñiaí Damáscómo ónoído jainátaícaigacue.

<sup>12</sup>“Afénono ite Ananíasna mámecíredímie. Afémie iere Moisés ocuífafueмо ínofírede. Nana Damáscómo ite judífaí níúfueña íemo nitáfírediaíoi. <sup>13</sup>Iemo afe Ananías cue uáiduaíbite. Billano cuena daíde: “Cue ama Saulo, o ui meine nane cóíteza,” daíde. Daíí daína llezica meine cue ui níue cóíide. Afémiena cióidícué. <sup>14</sup>Mei jira afémie cuena daíde: “Cai jáíairagíma Moo Juzíñamui nízcámiedío. Afémie jaiái ninómona ona nízedo íemo o tájíillífuaíi jino omo llóllena. Ua dama Jesús fuémona íe úrilla uáíllaina cácaítio. Afe llezica jáícina níue finófíredímiena Jesuna cóítio. <sup>15</sup>Mei o cacánafuaíi o ciónafuaíi díga nana comíni úfcomo jino llóítio. <sup>16</sup>Mei birui ¿mínícarí jíjídio? Náidacaillano o báutizatari. Ocuíraíma Jesús mámecímo níue íñori. Afedo o fénidífue jae muiñócaza,” dínorí Ananías daíde.

*Pablo Judíoñedínomo íe orécafue jino llote*

<sup>17</sup>Pablo naí úrite. íaíoina daíde:

—Jerusalemo meine cue billa llezica, Juzíñamuimo gairíracomo úrizaidícué. Dínomo nícaí anado cióidícué. <sup>18</sup>Cai Ocuíraíma Jesuna cióidícué. Afémie cuena daíde:

—Jerusalémona maí raíre oní jai. Afémaci cuedo o úrilla jieruíñeítiaíoi, —daíde.

<sup>19</sup>Jira Ocuíraímana daidícué:

—Nana afémaci omo ínotínona llófueríracomo cue lláítainafueña onódiaíoi. Llavéramo íaíoina fácana cue uílláfueмо uífoídiaíoi. <sup>20</sup>Esteban o mámecido úrite tájítagamie. Afémie tíide díe tota llezica afénono íticue. Aféfuemo “Jii” daídímiedícué. Ie emódomo Esteban fatímie ínquírona oní llíidícué, —daidícué. <sup>21</sup>Mei íadi Ocuíraíma cuena daíde:

—Maí jai. Judíoñedíno cígímo jíca ona óreitícué, —daíde.

*Pablo llaíziraíni illaíma anamo illafue*

<sup>22</sup>Afe díno afeno comíni íanorí tíi daídíaíoi. Mei íadi dánomo nane caíllíoicana daídíaíoi: —¡Bie íima dama tíideza! ¡Afémie cáállínona íñeíte! —daídíaíoi.

<sup>23</sup>Naí are caíllíoídiaíoi. Íere ícírillano daní íaíoi ínquíruaí cúacoídiaíoi. Afe llezica eníchomaíai caífo táínoмо júcoídiaíoi. <sup>24</sup>Ie jira llaíziraíni illaíma Páblona íaíoi gairíracomo orede. Oriano dínomo zechénótade íe finócafue jino llóllena, comíni riire íemo fieni caíllíoínaína onóíllena. <sup>25</sup>Ja maítá fállena naídánega, íemo Pablo dínomo ite jabóllaímana daíde:

—¿Jicánoñeno romano ímiena fárediomi? —daide.

<sup>26</sup> Afena cacáillano jabóllaima llaizíraini illáimamo llujáide; llujáillano daide:

—Bímiemo o duere finóacanafue o jírícaineno iri; afémie romano ímieza, —daide.

<sup>27</sup> Jira afe llaizíraini illaíma Páblomo jicánuaibite; daide:

—¿Ua romano ímiedio?

Jira Pablo:

—Ie mei, —daide.

<sup>28</sup> Jira afe illaíma daide:

—Aillo cue úcube baiílla baimo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

<sup>29</sup> Afe daíí ie dáinamona, ie zechénotino afémiemona oni raídíai. Nana afémaci naa aféllaimaori jicánaitaioi ie íai. Jira llaítari; afémie romano ímienana íai. Jira fidínamona.

*Pablo judíuai Nahí Ríillaini uícomo naidánetaioi*

<sup>30</sup> Afe jíáiruido afe llaizíraini illaíma Páblomo íai. Jira jítaícaíuina ñue jaícina onóiacade. Ie jira lletáiraini illaíni naa íai. Jira ríillaini dánomo gairítate. Afe mei Pablo llaveina llójei zúitano íai. Jira uícomo bai naidánete.

## 23

<sup>1</sup> Dinomo Pablo Nahí Ríillaini éroicaillano daide:

—Cue ámatiai, cácarei. Jaca birui comecei mánainafuedo Juzínamui uícori caímare iticue, —daide.

<sup>2</sup> Ie jira lletáiraini illaíma Ananías Pablo abímo itino fúena putátate. <sup>3</sup> Jira Pablo íena daide:

—¡Afe izóí Juzínamui ona fátaite! Jae jinóidíuaido ñue úritio, o comecei fiénide íadi. ¿Jadí raídíio ocuica uai dáina izóí cuemo jicánollena? Iemona ¿níbai mei ocuífue uáitano cue fúena putátatio? —daide.

<sup>4</sup> Iemona afénori itino íena daidíai:

—¿Níbai daíí Juzínamui caifoide lletáiraimana báinotio? —daidíai.

<sup>5</sup> Jira Pablo daide:

—Amatai, afémie caifoide lletáiraima ie íllana onóñedicue. Onódicueza Cugáuaillai daide: “O jofue ríimacina báinóñeno iri,” —daide.

<sup>6</sup> Iemona Pablo Nahí Ríillaini cígimo itínona fidide. Afémacimona dárie fariséuaimo jaináidíai. Jíáimaci saducéuaimo jaináidíai. Ie jira íaioina riire daide:

—Amatai, cue fariséodicue. Afe emódomo fariseo ímie jítoídicue. Ja birui cuemo jícanotíai, mei tíidímaci meine abído cáillíruimo cue úíñua jira, —daide.

<sup>7</sup> Daíí dáina meífomo, fariséuai saducéuai díga conímamo jofu afefue riire júfidotíai. Iemona afénomo gairídino dázierie bozíetaidíai. <sup>8</sup> Afe saducéuai tíidínona meine cáañeite daidíai. Afe emódomo Juzínamui abí ímáquina íñede, daje izóí jóríaiaina íñede daidíai. Mei íadi fariséuai nana aféfuaimo íñotíai. <sup>9</sup> Nana caillíidíai. Ie mei dárie ocuicauai llófueraíni naidáidíai. Afémaci fariséuai díbenemo jaináidíai. Caífo naidáillano daide:

—Bímie fiénidífuíaina caido llócaíñede. Níbai joreño íemo úrilla; níbai Juzínamui díbéneo úaitañeítai, —daidíai.

<sup>10</sup> Afe júfiduafue riire anado jaide. Iemo llaizíraini illaíma Pablo íai. Jira tíberuari jicáñeite. Ie jira aféllaima íai. Jira cígimona Páblona llaizírainina oni uitátate. Uillano meine íai. Jira gairíracomo íena orétate.

<sup>11</sup> Afe jíáie naí. Jira Ocuíraíma Jesús Páblomo cíocaillano daide:

—Pablo, jacíruiñeno, abí mame. Benó Jerusalemo cuedo o úrilla izóí, daje izóí Rómamo úrizaitio, —daide.

*Pablo fállena mámafue*

<sup>12</sup> Afe jiáiruido judíuaimona dáarie Pablo fállena maméritiaioi. Dani íaioi abi faidódiaioi. Jira fiénide uáillaído daidíaoi:

—Páblona nai cai fáñeille dino güñeíticai, jíroñeíticai, —daidíaoi.

<sup>13</sup> Afe daíí úritimíai cuarenta baimo jaide. <sup>14</sup> Iemona afémaci lletáriraini illáinimo naa judíuái éinamaciri jáidiaioi. Dinomo daízaidiaioi:

—Dani cai abi fiéni daináfuedo faidódicai. Pablo cai fáñeille dino güñeíticai, jíroñeíticai.

<sup>15</sup> Mai omoi naa jíáie Nahí Ríillainiri llaizíraini illáimamo Pablo uire jiti atíllifue jica. Fia daíí íemo lloíri, meine nane íemo itifue izire omoi jicánollena. Afémie nai dúciñeite, afe atica llaítada íena títaíticai, —daidíaoi.

<sup>16</sup> Mei íadi Pablo comoma afe Páblona íaioi fáiacanafuena fidíizaibite. Iemona afémie llaizíraini gairíracomo Páblona llujáide. <sup>17</sup> Mei jira Pablo jabóllaíma jírrillano daide:

—Bie jitócome llaizíraini illáimamo úi. Afémiemo lloílfuena íteza, —daide.

<sup>18</sup> Afe jabóllaíma íena uillano, llaizíraini illáimana daide:

—Afe llaveca Pablo cue jírrillano bie jitócome benó cue atíllena jicade, afémiemo da lloílfuena íteza, —daide.

<sup>19</sup> Afe llaizíraini illaíma afémie ónoído oni eneno jicánollena uite; daide:

—¿Níifue cuemo llóiacadio? —daide.

<sup>20</sup> Jira afémie daide:

—Judíuái jae nana dáfuérillano meine comeci facádiaioi. Uire jiti Pablo Nahí Ríillaini uícomo meine o atíllifue jícaítiaioi, meine íemo izire íaioi jicánollena. <sup>21</sup> Mei íadi íaioi jicállifue mo íinoñeno iri. Afémacimona cuarenta baimo dígamie báinino Pablo fállena jónetiaioi. Afe fáiacadino dani íaioi abi faidódiaioi. “Pablo nai cai fáñeille dino, güñeíticai; daje izóí jíroñeíticai,” daidíaoi. Ja birui afémie fállena ñue finóbidiaioi. Mei íadi o uai ollífuemo nai úiñoidiaioi, —daide.

<sup>22</sup> Iemona afe llaizíraini illaíma afe jitócomena:

—Mai o jairi, —daide. Afe íemo ie lluaíbifafuena jíaimacimo “Lloñeno iri,” daide.

*Caifóidillaíma Félixmo Páblona orédiaioi*

<sup>23</sup> Mei jira afe llaizíraini illaíma mena jabóidillaíma uáidote. Uáiduano íaillinoína daide:

—Mai doscientos díga llaizíraini mácaítinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zídaíari jáitínona finóbitari. Nana afémaci nauilla baído Cesaréamo jáítiaioi, —daide.

<sup>24</sup> Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate. <sup>25</sup> Afémacido cuegabe orede. Afe cuegabe daide:

<sup>26</sup> “Cue Claudio Lisias mamécacue. Jamánomo cámafuerede caifóidillaíma Félix, o uáidotícue. <sup>27</sup> Judíuái bímie láitano duere finótaacadiaioi. Iena fáiacadiaioi. Mei ie romano ímie íllana cue fidínamona cue llaizírainido íena ríiduaidícue. <sup>28</sup> Iemo íaioi jítaícafuena onóacadícue. Ie jira judío Ríillaini uícomo íena uitátatícue. <sup>29</sup> Ie mei aillo íemo júfidogafue záilla meífomo íemo nífuena baínédicue. Dani íaioímo ocuica uai ie jeire ie oñena íemo nitádiaioi. Mei íadi ie cue fallífuena íñede. Daje izóí ie cue llavéllifueña íñede. <sup>30</sup> Dani afémie íaioi nane fáiacanafuena cue fidínamona, íena omo orédicue. Afe llezica nana íemo fiénidífuái nitádnona daidícue: Mai Páblomo nífué o nitáadi caifóidillaíma Félix uícomo o daízairi. Mai, jae ñie.”

<sup>31</sup> Mei jira nana llaizíraini íaioi illaíma ocuilla izóí Pablo uitíaioi. Afe naio Antípatris jófuemo íena uitíaioi. <sup>32</sup> Afe jítiramo éibado jaide llaizíraini meine íaioi íniracomo bitíaioi. Ie mei cabállodo jáidino Páblooiri nai Cesaréamo jáidiaioi. <sup>33</sup> Dinomo afe Cesaréamo dúciillano, afémaci uiga cuegabe caifóidillaímamo izájidiaioi. Daje izóí Pablo íemo fecádiaioi. <sup>34</sup> Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedicue, —daide.

<sup>35</sup> Ie jira íena daide:

—Omo fiénidifuenta nitádino bíadi ona cácaiticue, —daide.

Afe mei Félix Páblona Herodes illaíma illaco áillocomo rairuítatinona uitátate, afécomo íena íaíoi ñue rairuillena.

## 24

*Félix uíécomo Pablo abi ríiduafue*

<sup>1</sup> Jubécuro dígarui illa meífodo lletáriraini illaíma Ananías Cesaréamo bite. Afémiedo dárie éinamací bitfaíoi. Dáruido, caifóidillaíma uíécomo raire úritímie bite. Afémie mámecei Tértulo. Nana afémaci caifóidillaíma Félix uícomo Páblomo jítácafuai nitaíbitaíoi. <sup>2</sup> Pablo íaíoi átia llezica, Tértulo íemo jíidifue riire nitáde. Félixna daide:

—Cai íziruiga caifóidillaíma, ori íóbiacádicai. Ñue záillafue caímo ite; íemo caímare llícaíllafuemo iticai. O fibíllafuedo nana ñue ocuícacai. <sup>3</sup> Nana bífuiairi nágagobiaido íóbioidicai. Félix o iere jamánomo fígomiedio. <sup>4</sup> Mei íadi are o cue áifedoñeilleza cai úrillamo o cacáreillena omo izire jicádicue. <sup>5</sup> Bímie fiénide duico billa izóí bíllana cíodicai. Naga éniíaido llócaide judfuaí oni énenorie bozetaillena. Afémie Nazaret ímie Jesumo ínitino ífódimie. <sup>6</sup> Icoímo cai Juzíñamuimo gairíraco ero bácajide. Ie llaitádicai ñue afémie mo cai ocuina uai dáina izóí jicánollena. <sup>7</sup> Mei íadi llaizáraini illaíma Lisias aféfuemona caína rairuide. Iemona cai anámoma íena ríífuedo oni baírode. <sup>8</sup> Afe emódomo caína daide: “Bie cómemo bifue jítádino odo bírediaíoi.” Dama o afémie mo jicánorena, nana íemo cai jítácafue uáfueíteza. Daíí áfena uáfuenta onóitio, —daide.

<sup>9</sup> Aféno mo jaide judfuaí nana aféfuiaína uáfuaí daídíaíoi. <sup>10</sup> Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caímare llóiticue. Jaíai diga fimona bie naírai o jicánoraímana o íllana onódicueza. <sup>11</sup> Ja doce dígarui íllamona Jerusalemo Juzíñamuimo ánozállano íemo caímare úrillena dúcidicue. Aféfuena dama o jicánorena, ñue o ónoíllena. <sup>12</sup> Bumo riire cue úrillana cacáñediaíoi. Daje izóí Juzíñamui gairíracomo comínina fiene faillíñaitañedicue. Iemo jíai Juzíñamui llófuerracomo daje izóí júfidogafuaí finótañedicue. Daje izóí naírai jófuedo nífuena lloñedicue. <sup>13</sup> Nana bimaci cuena nitácafuiaína bu áfena uafue daíímina. <sup>14</sup> Mei íadi dafue jino llóiticue. Judfuaí fiene mameca fiénidíodo jáidicue. Afe como Jesús lloga íodo cue jáíllamona cai uzúítai Moo Juzíñamuimo táíjídídicue. Mei nana cuega ocuica uáíllaina ínoticueza. Afe daje izóí nana uai jino lloraini Cuegánicuaímo ite uáíllaina ínoticue. <sup>15</sup> Íaíoi Juzíñamuimo úínoínafue daide: “Tíidino ñúemaci fiénidímaci diga meine abído cáaitaíoi.” <sup>16</sup> Ie jira Juzíñamui uíécomo nífuenidímiéna cue íllena jaca nágarui cue comeci ñue finófiredicue. Afe izóí comíni uícomo nífuenidímiéna ícadicue.

<sup>17</sup> Ja diga fimona jíánuiaímo cue maca meífomo, meine cue éniemo Juzíñamuimo fia fecaca úcube izáíbiticue. Afe izóí dúeredímacímo dúecaíllano úcubeña fécaíbiticue. <sup>18</sup> Afe daíí cue feca llezica, cue comécímo ite íaífuiaí cue múíñuafuemo nícidotídicue. Daíí cue comeci nícidua meífodo afe úcube cue fecalle llezica, dárie Asia énie judfuaí Juzíñamuimo gairíracomo cuena baítíoi. Aféno mo nai comínina figo ífena llezica íticue. Aféno mo ite comínina jaca buna faillíñaitañedicue. <sup>19</sup> Aféno mo cuena cíódino benomo cuemo jítaíbirediaíoi, cuemo nífue íaíoi nitáadi. <sup>20</sup> Mei jíáfodo nauí judfuaí Nahí Rííllaini uíécomo cue illa llezica fiénidífue cuemo nauí íaíoi báíadi, benomo ite aféfuena cacáídino maí jino lloiri. <sup>21</sup> Aféruíllaido íaíoi cígiri cue illa llezica dafue riire íaíoi mo llotídicue. Daídídicue: “Ja biruí cuemo jicánotiímoí tíidímaci meine abído cáííllífuemo cue íñua jira.” Díno Pablo úrite.



<sup>22</sup> Félix Pablo daí dainana cacáillano, aféfuena dinó fiénocai. Afe Jesucristomo dibenemo itino finócafuiaina Félix ñue fibídimie. Ie jira aféfuena dinó fiénocai. Fiénocai llano daide:

—Fui llaiáiraini illaima Lisias dúciadi bie ómoimo itifue afémie cuemo ñue jino llóite, —daide.

<sup>23</sup> Iemona Félix, jabóidillaimana ocuúde Páblona nai zuitátañellena. Mei íadi ie comini ie uáiduaibillena rairuñede. Afe izói ie íaioi cánuabillena jeruñede. Afe daí Félix Pablo figo riire llavétañede.

<sup>24</sup> Afemona afe mei dígarui illamona, Félix meine dúcide ie ai Drusila diga. Afengo judío ingo. Félix Pablo jíritade Jesucristomo ínuafuedo úrillena. <sup>25</sup> Afe ínuafuedo úrilla llezica Pablo ñue jaícina jáillifuedo úrite. Afe daje izói ñue comini íllena abi rairuínafuiai llote. Ie émodomo írairuimo comini jícanollifue jino llote. Aféfuiaina cacáillano, Félix jacáinate. Jacáinaillano daide:

—Mai birui jai, uire cue jítaílliruido nane ona jíriticueza, —daide.

<sup>26</sup> Afe jíáifue Félix, Pablo ie zuitalle úcube fecalle úiñote. Ie jira diga ícaño Félix íena jíjírriide ie diga úrillena. <sup>27</sup> Mena fimona daí íhidiaioi. Afe mei Félix ie illáimana illano íacánocai. Ie meffomo Porcio Festo illáimana jónetiaioi. Félix judúai uícori ñue íacanamona llavécamié Páblona zuitáñeno oni jaide.

## 25

### *Pablo Festo uícori abi ríiduafe*

<sup>1</sup> Ie meffomo Festo ja illáimana bite. Afe mei daruíamani íllamona Cesaréamona Jerusalem jaide. <sup>2</sup> Dinomo lletáiraini illaini naa judúai ríimaciri Páblomo íaioi nitácafuiái nane Féstomo llotíaioi. <sup>3</sup> Jerusalem abido Pablo oréllena izire jícadiaioi. Pablo io anamo íaioi fallífuena maméritiaioi. <sup>4</sup> Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáiticue.” <sup>5</sup> Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo nifue íadi dinomo íemo nitajirediomi, —daide.

<sup>6</sup> Festo afe Jerusalem nano ocho níbai diez dígarui illa meífodo meine Cesaréamo bite. Afe jíáiruido ie riire jícanoranomo ráinazaide. Páblona atítate. <sup>7</sup> Pablo afénomo jofó jíaidemo, Jerusalem como dúcide judúai íemo ánozidiaioi. Ánozillano aillo fiénide ráfuiai íemo nitádiaioi. Mei íadi aféfuiaimo ínollifueña íñede. <sup>8</sup> Mei jira Pablo ie abi ríiduafeña daide:

—Cue nie fiénidifueña finóñedicue. Judúai ocuúcafuiái uáitaoiñedicue. Iaió gairíracero bácañedicue. Daje izói romano caifóidillaima uáillaina uáitaoiñedicue, —daide.

<sup>9</sup> Mei íadi Festo judúai cígiri ñue íacade. Jira Páblomo jícanote:

—¿Jerusalem abido jáiacadio omoi nitácafuiái dinomo cue jícanolleza? —daide.

<sup>10</sup> Jira Pablo uai ote:

—Ja birui romano illaima uícomo náidadicue. Ja benomo cuemo nitácafuiái jícanorede. Mei judúaimo nífuenidimiedicueza ñue onódio. <sup>11</sup> Cue títaite fiénidifue cuemo íadi, áfemona abi jáanoñeticue, mei íadi nana cuemo íaioi nitácafuiái táinofue íadi, buna íaioimo cuena ríifuedo izájini. Dama romano jamánomo ocuúidillaima cuemo jícano daidicue, —daide.

<sup>12</sup> Iemo ie fidítatimíaimo úrilla meífomo, Festo daide:

—Mei “Jamánomo ocuúidillaima cuemo jícano” daidízoa, ie jira afe jamánomo ocuúidillaimamo ona óreiticue, —daide.

### *Pablo illaima Agripa uícomo illafue*

<sup>13</sup> Diga irui illa meífomo illaima Agripa ie ai Berenice diga Cesaréamo Festo uáiduaide.

<sup>14</sup> Afénomo diga irui itíailinoimona, Festo Pablo rafue Agripamo llote. Iena daide:

—Félix fiénocaiga llavécamié nai benomo ite. <sup>15</sup> Navi Jerusalemo cue jailla llezica, lletáriraini illaini, naa judúuai éicominiéri femo íaioi nitácafuiái cuemo llotíaioi. Ie duere cue finótallena cuemo jicádiaioi. <sup>16</sup> Jira íaioi uai oticue. Íaioina daidícue: Romano ríimaci íaioi fibilla izói, afefue nitádimie femo nitácamié uiecomo conímamo jofo erócana nai úriñenia, nitácamiéna fañediaioi. Afe daíi táinofue nitácamié ie abi ríiduafuena finórede. <sup>17</sup> Ie jira afémaci benomo billa llezica, raire afe jáíruido cue jicánoranomo ráinazaidícue. Ráinazaillano afe cómena atítaticue. <sup>18</sup> Mei íadi afémiemo nitádimie cue comeci daina izói nitáñediaioi. <sup>19</sup> Daa femo íaioi nitácafue fia íaioi íinogafuiáimo jaináidífue. Daje izói da Jesudo úritiaioi. Afémiena tíide daidíaioi; mei íadi Pablo “Caade” daide. <sup>20</sup> Mei aféfuena onóñedicueza. Nie izói aféfuena níibaiticue, daidícue. Jira Páblomo jicánoticue: ¿Jerusalemo meine jáiacadio dinomo omo nitácafuiái ñue jicánollena? <sup>21</sup> Mei íadi afémie jamánomo ocuédillaíma Augusto femo jicánollena jicade. Ie jira nai íena zuitáñedicue. Iena rairuídícue jáíruido afe caifóidillaímamo ie cue oréllena, —daide.

<sup>22</sup> Jira Agripa Féstona daide:

—Cue jáíi daje izói afe íima uaimo cacáreacadícue, —daide.

Jira Festo uai ote:

—Uire jiti cácaítio, —daide.

<sup>23</sup> Afe jítiramo, Agripa Berenice diga dúciillano, áillue gairíraco nana jofo jáidiaioi, naa llazíiraini illáiniri, naa jofue ríimaciri. Ua aillo ebire finóbillano jofo jáidiaioi. Dinomo Festo Pablo jírítade. <sup>24</sup> Afe mei Festo illaíma Agrípana daide:

—Illaíma Agripa, nana cairi benó gairídinori, omoi cácarei. Bímie omoi eroi. Aillo judúuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jicádiaioi. Jaca fánocaiñeno ie titáacanafuena cuemo llotíaioi. <sup>25</sup> Mei íadi afémiemo comeci facádícue, íadi ie cue titáallífuena íñede. Mei caifóidillaíma Augusto femo jicánollena dama jicade. Jira afémiemo íena oréllena mamédícue. <sup>26</sup> Mei caifóidillaímamo afémie rafue cue cuellífuena íñede, ¿ñífue mei cúeitícue? Ie jira, Agripa, bímie o uiecomo atídícue femo omoi jicánollena. Afedo caifóidillaímamo cue cuellífuena ónoítícue. <sup>27</sup> Mei cue comeci daide: Da llavécamié cue oréadi, femo íaioi nitácafueña óñoñenia, níbai afefue táinofue, —daide.

## 26

*Illaíma Agripa uícori Pablo abi ríiduafue llote*

<sup>1</sup> Jira afe Agripa Páblona daide:

—O dama o abi ríiduafuena llórena, —daide.

Iemona Pablo como fueñe íaioímo úrite; daide:

<sup>2</sup> —Illaíma Agripa, cue abi ríidollífue o uícomo cue llólleri íóbídicue. Nana judúuai cuemo nitaca táinofuiái jino jáícina llóítícue. <sup>3</sup> Nana judúuai fibíllafuiáina ñue onódióza. Daje izói conímamo cai úrillafuena onódió. Aferi iere íóbídicue. Ie jira fíaicana cue úrillamo o cacáreillena jicádícue.

*Pablo íemo itífue méiduafue uícomo finócafuiái*

<sup>4</sup> Nai cue úruenamona dama cue éniemo, daje izói Jerusalemo íaioi cígiri nana judúuai cue illáfuena onódiaioi. <sup>5</sup> Daje izói cue jitócomenanomona fariseo ímiéna cue íllana onódiaioi. Afémaci jitaia aféfuena jino llóredícue. Cai íinogafuiáimo afe fariséuai jamánomo ríire jaináidíno. <sup>6</sup> Íaioi íinogafue izói Juzíñamui tíidíno meine abido cáatallífuemo ínotícue. Juzíñamui daje afe cáallífue cai jáíairagímamo llote. Afefue ícoínia birui bie jicánollífuemo cuena atídíaioi. <sup>7</sup> Cai Israel doce nairai afe uícomo llogáuai fuizájillinomo úñoidiaioi. Ie jira mona naio diga Juzíñamuimo ánozillano caímare úritiaioi. Afe izói femo tájidiaioi. Illaíma Agripa, afe bie daje úinogafue ícoínia, judúuai fiénidífuíai birui

cuemo nitádiaioi. <sup>8</sup> ¿Ñibái mei daíí comeci facádiomoi? ¿Ñibái mei afe Juzíñamui tíidino meine abido cáatallifuemo buna ñnonide, daidíomoi?

*Pablo nauí Jesucrístomo ñnotino rácafue*

<sup>9</sup>“Nazaret ímie Jesús mámcemo jaináidino duere cue finótallena, nauí aféfuemo comeci facáoidicue. <sup>10</sup>Iemona Jerusalén imácina duere finótaticue. Lletáriraini illaini ríibiaido aillo Jesumo ñnotinona llavéracomo íbaicotadicue. Comini afe llavécamací titáacana llezica aféfuena fairíoticue. <sup>11</sup>Díga icaiño íaioina duere finódicue, íaioi ñnogafue féitallena. Afe duere finótáfue naga llófuerracuaido daíí finódicue. Afe ñnotinona jamánomo fiéniruidicue. Ie jira afémacina onínemaci jófuemo racádicue.

*Pablo íemo itífue méidoinafue nane llote*

*(Hch 9.1-19; 22.6-16)*

<sup>12</sup>“Bie daíí comeci mamérrillafuedo Damasco jófuemo jáidicue. Lletáriraini illaini ríibiaido comini llaitállena orécacue. <sup>13</sup>Mei íadi jáiciri ia iodo jáidicue, jamánomo monámoma riire cuemo egáñocaide. Afe egáñua jítoma egáñua baímo meáirede. Cue abímo egáñocaide naa cuedo jáidínori. <sup>14</sup>Iemona nana éniemo baíídicaí. Hebreo uáillaido monámoma cuena daínana cacádicue; cuena daide: “Saulo, Saulo, ¿ñibái mei cue racádió? O dama o abí fiéni finódio. Aillue juráreto jíurainomo ite jáirede razi. Afe rázimo juráreto záitacailla jilla izóí, afe izóí dama abí daíí finódio” daide. <sup>15</sup>Jira uai oticue: “Ocuíraíma, ¿mei o búdio?” Jira afémie cuena daide: “O racácamie Jesúsicue. <sup>16</sup>Mai náidacaillano macácana jai. Jae cuedo o tájillena omo cíocaidicue. Afemona birui o cíónafuemo uai nabáiraímana ítío. Ie meífomo jíáiruido jíáífuiaí omo ácataiticue. Aféfuiaímo nane uai nabáiraímana ítío. <sup>17</sup>Ja judíuaimona jíáie jícánezíemo ona orédicue. Dinomo ona lláitaitiaíoi íadi ona jíllotaiticue. <sup>18</sup>Dinó afeno imácimo ona orédicue, íaioi comeci o zuitállena. Afemona, jíitífoto íaioi macáñeno úzefodo íaioi macállena o orédicue. Daje izóí nana íaioimo ona orédicue Taiíe íaioi náamatañellena, mei íadi Juzíñamui díbéfomo íaioi jaináillena. Afe izóí íaioimo ona orédicue cuemo íaioi ñnollena. Iemona íaioimo ite fiénidífuiaí dófícaite. Afe fiénidífuiaína dófícaidino íaioi feci raa máíñoítiaíoi naa jíáie Juzíñamui ñue finócamaciri,” daíí Jesús cue ocuide.

*Ñicai anado Jesús íemo ocuícuaí Pablo jeire ote*

<sup>19</sup>“Mei jira, illaíma Agripa, monámoma cue cacánafuena jámairuñedicue; mei íadi áfena jeire uano fueñe Damasco imácimo afe úrilla uai jino lloticue. <sup>20</sup>Afe meífomo Jerusalén comínimo daje izóí nana judea éniédo llócaidicue. Afe izóí jíái judíñoedínomo llócaidicue. Nana íaioimo itífuiaí íaioi meídollena riire lloticue. Iemona Juzíñamui díbénemo íaioi ífícaillena íaioi llófueticue. Núefuiaido íaioi macállena lloticue íaioimo ite meídogafue jino ácatallena. <sup>21</sup>Afe bífuiaí cue llua ícoínia, judíuáí Juzíñamuimo gairíracomo cuena llaitada fáiacadiaíoi. <sup>22</sup>Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri Juzíñamuído úricaidicue. Moisés llua izóí lloticue. Jaiái uai jino llóraíni llua izóí llófueticue. Nana íaioi lloga caímo ífícaítífuiaí jino lloticue. <sup>23</sup>Jaiái ninomo uícómo llotíaiíoi: “Cristo duere finólleza,” daídíaiíoi. “Afe meífomo tíite; tíillano meine abido cáite. Afe daíí fueñe tíidímiemona meine abido cáaitimíena maméllímíeite.” Daíí aféfuena daídíaiíoi. Afe emódomo jíáííue daide: “Cristo cáaillemona, comini jíllóillííue jino llóite. Ua caí náiraímo llóite. Daje izóí jíáie náiraíaina fídítáite,” —díno Pablo úrite.

*Pablo Agripa Jesucrísto díbénemo jaináillena llote*

<sup>24</sup>Daíí Pablo afe abí ríiduaíue llua llezica, Festo caillíocana daide:

—¡Pablo, o uáírítáidíoi! Aillo rábiaí o facáduamona o ífocí uáírítáide, —daide.

<sup>25</sup>Jira Pablo uai ote:

—Fígómie Festo, cue uáírícoñedicue. Mei jíáííodo cue daínauai ñue comécido facádorede. Aféfuiaí uafue. <sup>26</sup>Benori illaíma Agripa ite, bífuiaína ñue onódímie. Ie jira comeci

mánainafuedo afémie uiecori úriticue. Afémie nana bífuiaina ie onónana ñue onódicue. Afémie nana bífuiái báinino izúgumo lloñégaza onode. <sup>27</sup> Illaíma Agripa, ¿uái jino llóraini llogáuaimo ínotio? O ínuana onódicue, —daide Pablo.

<sup>28</sup> Jira Agripa daide:

—¿Jesucrístomo afe díbenemo cue jaináillena raíre cuena íficaitaacadio? —daide.

<sup>29</sup> Jira Pablo íena daide:

—Raíre Crístomo jaináidimiena o íficaiadi, o are íllamona Crístomo jaináidimiena o íficaiadi, nai birui Juzíñamui uailai ñue jeire o ollífue jicádicue. Afe izói dama óieñedeza mei íadi cue Jesucrístomo ínuua izói nana cue úrillamo cacáredino Crístomo ñue ínotinona jitaídícue. Mei íadi llójeina cue máina izói ómoína maitátaacañedicue, —daide.

<sup>30</sup> Pablo aféfuiai llua meífomo, illaíma Agripa caífo náidacaide, afe caifóidillaíma Festo diga. Afe llezica ie ai Berenice nana díno ráiiedino diga caífo náidacaidiaíoi.

<sup>31</sup> Náidacaillano bai eneno jáidiaíoi aféfuiaído úrillena. Dínomo jofo conímána daídíaíoi:

—Baie cómemo ie titáíllífueña íñede. Daje izói llavéracomo ie llavéíllinona íñede, —daídíaíoi.

<sup>32</sup> Jira Agripa Féstona daide:

—Bímie nauí jamánomo ocuídillaíma íemo jicánollena jicáñeniadi ja birui zuitárede, mei íadi báíllaimamo jicádeza zuitánide, —daide.

## 27

### *Pablo Rómamo oréinafue*

<sup>1</sup> Pablo Itáliamo oréíllífue mo maméritiaíoi. Iemona Pablo naa jíaie llavécamiiaíri jabóidillaíma Júliomo izájidiaíoi. Afémie Augusto llaízíraini igüéllimo jainaide. <sup>2</sup> Iemona Adramitio ígobemona áillue nocaedo jáizaidicai. Afecae nana Asia énie ígobiaído zíjjicana ja jáizaide. Daje llezica Tesalónica ímie Aristarco caído jaide. Tesalónica Macedonia énie jofue. <sup>3</sup> Afe jítiramoidiruido Sidón ígobemo dúcidicai. Afégo bemo Julio iere caimare Páblomo úrite. Iemona Páblona rairuñeno ie onóigamiiaína uáiduajitade. Afe daií ie onóigamiiaína Pablo jitaica raana fecárediaíoi. <sup>4</sup> Sidón ígobemona jáidicai. Jaíllano monáíllai cigi idu Chipre jarífezimo féioicaídicaí, mei jairifo jíaífodo cai ñuitáocaíllamona. <sup>5</sup> Dínomona Cilicia énie áinodo Panfilia énie diga baido monaíllai cigido jaitádicai. Afe mei Licia éniemo ite Mira ígobemo zíjjidicai.

<sup>6</sup> Dínomo llaízíraini illaíma Alejandríamona bite, Itáliamo jáizaide áillue nocaena cóizaide. Afécaemo afémie caina nana jofo orede, afénomona afécaedo cai jáíllena.

<sup>7</sup> Dínomona diga irui fíaicana juare jáidicai. Icoímo Gnido jofue féífenemo dúcidicai. Mei jairifo nai jíaífodo oni cai ñuitáocaíllamona monaíllai cigi idu Salmón féífenedo jáidicai. Ie jira monaíllai cigi idu Creta onido nefícana jáidicai. <sup>8</sup> Afe monaíllai fue áinodo fíaicana juare jáidicai. Icoímo Buenos Puertos mámeçiredinomo dúcidicai. Afégo beme Lases jofue áinori ite.

<sup>9</sup> Jae diga iruillai fia fíaicana jáidicai. Iemo ja uáicimo áinozidicai. Iemona monaíllai cigido cai jaitalle jamánomo jacírede. Ie jira Pablo íaíoina izire lloste; <sup>10</sup> daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai nibai coróbaizaiticai, —daide.

<sup>11</sup> Mei íadi llaízíraini illaíma nocáe naama jáiacanafue Pablo dainafue baimo jeire ote. Daje izói afecae illaíma daina uai llaízíraini illaíma jeire ote. <sup>12</sup> Afégo beme uáiciaí úiñollena figo jínoiñede. Ie jira nana comécido daídíaíoi: “Níbai Fenice ígobemo jáidicaina figora izoide,” daídíaíoi. Afégo beme Creta énie mona ícoi díbenemo ite. “Afe dínomo uáici záíllena úiñoíticai,” daídíaíoi.

*Monáíllaimo jamánomo rírede jairifo noci jáíñuafue*

<sup>13</sup> Afe jiáiruido mona átuve dñena jairifo fáicana fúuoide. Jira áfemo ñnotiaioi ruica fáioi jáitallena. Afemona jáizaidicai. Afe Creta énie áinodo jáidicai. <sup>14</sup> Mei íadi due afe meifodo riírede jairifo cai jailla nocáe riire ñúitaibite. Ua afecae riire ainóicaide. <sup>15</sup> Mei cai jáiacananomo jáinina jira, “Dama jairifo niné uigacai,” daidífaioi. <sup>16</sup> Iemona duera monaillai cigi idu Clauda jinófenedo jáidicai. Dinomo jairifo caina riire fúuoíñede. Ie jira cai abido uiga dúecae, fáicana juare caifo bitádicai. <sup>17</sup> Dúecae bita meífomo, áillocae jéerie ñécigaido riire jofo mozdícaí. Afe mei guamáeaimo fáioi bijizai dáii jacírúitíaoi. Afe guamáeai mámece Sirte. Afe jágiedo fáioi ñuite vela daina áillue iniroi ana zúicoidiaioi, cai nocáe fia jairifo fáicana úillena. <sup>18</sup> Afe jiáiruido afe jairifo riire jáiñode. Ie jira fáioi uiga ráaie como fueñe afécaemona monáillaimo dócoidiaioi. <sup>19</sup> Ja daruíamani íllamo nocáe ero táijina ráaniai dani cai ónoído monáillaimo fádoídicaí. <sup>20</sup> Aféruillaido díga irui jitoma naa úcuai díga ciónena. Dinomo afe riírede jairifo llavécamiiai izóí duere cai finode. Iemona nana jíllloillena cai coméiinafuiaí niné táinocaide.

<sup>21</sup> Ja díga iruillai güíñeno iticai. Ie jira Pablo fáioi cígimo naidáillano daide:

—Nana omoi cácarei. Naui Crétamona jáiñeíticai cue daina uaina jeire onédiomoi. Afe cue daina uaina ñue ñnotiomoinia bie izóí duere zefuíñedicaí. Daje izóí nana cai atica ráaniai niné táinocaíñede. <sup>22</sup> Mei íadi, birui omoi jacírúíñeno iri. Bie nocaena niné táinocaite mei íadi ómoimona buna tíñeite. <sup>23</sup> Mei ja naio Juzíñamui oreca ie abí ímie cuemo daízaibite. Afe Juzíñamuimo jáináidímiedicue. Afe izóí íemo táijidímiedicue. <sup>24</sup> Afe oreca abí ímie cuena daide: “Pablo, jacínaiñeno iri. Romano jamánomo ocudíllaíma uícomo náidazaitioza. Ie jira o illa ícoínia nana nocaedo odo jáidínona Juzíñamui tíllinomona jíllotaite.” Dinó Juzíñamui oreca ie abí ímie cuena daide. <sup>25</sup> Ie jira abí omoi mameri. Juzíñamui uaimo ñnoticueza. Ie oreca ie abí ímie cuena daina izóí bie cai duere zefuúllafuemoná ñue jino jáiticaíza. Afe bífuena ñue onódicue. <sup>26</sup> Mei íadi benómona daa monaillai cigi ídumo jairifo caina nétaite, —daide Pablo.

<sup>27</sup> Mena semana cai jailla meífodo daa naio Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódiaioi. <sup>28</sup> Jira nie dinó afórede dainano facádiaioi. Facádiaioímo treinta y seis metros afórede. Nane afe baímo dáanomo facádiaioi. Ja veintisiete metros afórede. <sup>29</sup> Noñciaímo fáioi ñáijizaíllana jacírúillano moi díbécaemona cuatro díga nocáe cuinara lloéllóici monaillai anamo dotádiaioi. Afe mei comeci jacírúioicana monaílle úíñotíaoi. <sup>30</sup> Afe llezica afecae marinéruai “Bie áillocaemona mai cai botallí” dani conímána daidífaioi. Afe daíí fáioi botácanamona emódomo bitaca dúecae ana jáinoimo agüínetíaoi. Afe llezica jíáimacina jífueacana daidífaioi: “Bie dúecaedo áillocae ífo díbécaemo jíáie cuinara lloéllóici dótaíticai,” daidífaioi. Daíí afe nocáe ana agüíniado jífuercadiaioi. <sup>31</sup> Mei jira Pablo llaízaráini ílláimamo naa íe llaízaráiniri llano daide:

—Baimaci bie nocaemo fiébiñeno botáadi ómoimona buna jíllloñeílleza, —daide.

<sup>32</sup> Ie jira llaízaráini dúecae agüina ñécigai jaitádiaioi, afecae illemo baíllena.

<sup>33</sup> Afe monáidemo Pablo fáioina daide:

—Mai omoi güiri. Ja mena semana güíñeídiomoíza; ínñeídiomoi. <sup>34</sup> Izire ómoína güítátaticue. Afe omoi güille jítaírede ñue omoi jíllloillena. Uafue ómoimona buna córobaiñeite. Daje izóí omoi abímona mínícana due jiza báñiñeite.

<sup>35</sup> Daíí dainano, Pablo daa pan llíñuano nana comíni eróicana Juzíñamuina “Iere figora” daide. Daíí ñiano afe pan dídate güíte. <sup>36</sup> Afemona nana náirefícaidiaioi. Afe daje llezica jíáino güítíaoi. <sup>37</sup> Afe áillocaemo doscientos setenta y seis dígamiedicai. <sup>38</sup> Ja fáioi güíacaga güille güilla meífodo, fiévide trigo illemo dotádiaioi, afecae féecocaillena.

#### *Afecae buíllafue*

<sup>39</sup> Jae monáidemo, afe éniena onóñeídiaioi, mei íadi guamai díga ñue itízuguaina cóidiaioi. Onóñegaza afénomo fáioi zíjizaíllena maméritíaoi. <sup>40</sup> Iemona afecae cuinaina

lloélloici igai jaitádiaioi. Afe lloélloici monáillai anamo fiébicaide. Afecae datara jairábíai zuitádiaioi. Afe mei afecae uite iniroi ifófecaemo caifo jairífomo jóonetiaioi. Iemona afecae oni guamáemo áinozioicaide. <sup>41</sup>Mei íadi mena meine ábiedo totínuaímo dúcíaioi. Iemona afecae afénori ite guamáemo bíjide. Ifófecaefae afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga. <sup>42</sup>Jira afécaemo ite llaizíraini llavécamiái fáiacadiaioi, “íihíi bótaitiaioi” dainano. <sup>43</sup>Mei íadi afe llaizíraini illaíma Julio Páblona jíllotaacade. Mei jira íaioina fatátañede. Jiáifodo ocuide nana íiana onóðino illedo ícana raire uícomo dúciillena. <sup>44</sup>Jiáímaci íiana onóðinedino afe nocáe lláicoizillabici emódodo jáitate. Daíí nana oni fuédamo dúcíaioi. Afe daíí ñue jíllodiaioi.

## 28

### *Pablo monaillai cigi idu Máltamo dúcinafue*

<sup>1</sup>Nana ari éniemo ñue jíllobicaidicaímo, afe monaillai cigi idu, comíni cai llúamona Máltana mámeçirenana onóðicai. <sup>2</sup>Afedu nairai ñue caina llíinotiaioi. Aillue irai bonóðiaioi noci jáiñua rozírena jira. Aferai bónuana nana caina: “Mai omoi agáizaibi” daide. <sup>3</sup>Afe llezica Pablo záfegai llíinota aféraímo jóoniaide. Aferai uzire cácanamona titade jao jino billano Pablo onoi ainide. <sup>4</sup>Afedu nairai afe jao ie ónoímo agúñmana cíóillano, conímamo llotíaioi:

—Nibai baie íima come fáfredímie. Meiti monáillaimona ñue jillode íadi, Juzíñamui jáicína jóidífue nana comínimo onótaiacanamona fena raamo jíritate ie jíllóiñeillena, — daíí daidíaioi.

<sup>5</sup>Mei íadi Pablo afe jao iraimo jaidínota dotade; fena ñie izói nibáñede. <sup>6</sup>Nirui fena fáitaita dainano áfemo nana ocuúridiaioi. Jiáifodo nino llezica fena ana dotada títaite daidíaioi. Mei íadi fena ja are úiñodiaímo ñie izói fena nibáñede. Ie jira nano comécido íaioi daináuai jiáifodo meídotaímo. Iemona bie Pablo Juzíñamui izóidímie daidíaioi.

<sup>7</sup>Afe áinori afedu illaíma Publio illánuaí ite. Dinomo daruíamani afe Publio caina ñue llíinote. Cai jitaica raana ñue caímo fecade. <sup>8</sup>Aféruillaído afe Publio moo irárede. Bíirallumo diga irui bíífireda, ie abi cuaríllari. Iemo jamánomo lluide. Afénomo Pablo fena uáiduaide. Dinomo Juzíñamuímo fena jícade. Daíí ie jíca mei Pablo onoi íemo bitade. Iemona afémie jíllobicaide. <sup>9</sup>Afena íaioi fidínamona nana afédumo ite iráredínuaí Páblomo atídíaioi. Iemona nana jíllozítiaioi. <sup>10</sup>Aferi íóbillano aillo ñúefuíaí caímo nitádiaioi. Afe mei nane dánomo cai jáiacanaruímo, nana cai jitaica ráaniaí caímo atídíaioi.

### *Pablo Rómamo dúcinafue*

<sup>11</sup>Afe monaillai cigi ídumo dauíamani iticai. Afe meífodo, jíaie nocaena cíóizaidicai. Afecae nauí bie ídumo uací zaille díno úiñote. Dinómoma afecae jáillado ruica jáidicai. Afecae Alejandría jófuemona bite. Afecae ífomo mena taino juzíñamui uieçona cuega. Afe íaillinoí mámeçí Castór Pólux. Afecae aféillinoína náamaredena mameide. <sup>12</sup>Dinómoma Siracusa ígobemo dúcidicai. Afégobemo daruíamani iticai. <sup>13</sup>Dinómoma fueda áinodo Regio ígobemo jáidicai. Afe jíáiruído jairífo mona ádue dínená bíllamona Régiomona jáidicai. Ja ménarui íllamona Puteoli ígobemo dúcidicai. <sup>14</sup>Afénomo ite ámatiaí cíóizaidicai. Íaioi diga da semana cai íllena jícadíaioi. Afe mei ja Rómamo jáidicai. <sup>15</sup>Jae Rómamo ite ámatiaí cai billáfueña uécodo fidídíaioi. Ie jira io anamo conímamo caímo dúciillena uícomo bitaímo. Conímamo íaioi dúcinano “Foro de Apiona” mameide. Jiáifodo daina, Apio íomo ite fecáriraco. Jiáino mámeçí “Tres Tabernas.” (Afe mámeçí dobáiñuano daina Daámami Dúçirachupi.) Afénuiaímo Pablo éroicaillano Juzíñamuímo “íere figura” daide. Iemona Pablo comeci caímare íficaide.

<sup>16</sup>Ie mei Rómamo dúcidicaímo llaizíraini illaíma Julio ie uiga llavécano rairuídino illáimamo izájide. Mei íadi Pablo oni eneno dama íecomo uiga. Afénomo daa llaizíraima fena rairuide.

*Pablo Rómamo Juzíñamui uai jino lloste*

<sup>17</sup> Rómamo íaioi dúcinamona daruíamani íllamona Pablo Roma judíuai íllaini jííritade. íaioi gairilla llezica Pablo íaioina daide:

—Amatíai, judíuaimo fiénidífue lloñédicue. Afe izói cai jaiáidígima fibíllafuena uái-taoinédicue. Mei íadi Jerusalemo romano comínimo lláitano izájigacue. <sup>18</sup> Dínomo cuemo íaioi jicánua mei, cuena zuitáacadiaioi cue íaioi titállífue íñena jira. <sup>19</sup> Mei íadi judíuai jííífodo cuena zuitáañediaioi. Ie jira romano jamánomo ocuídíllaima cuemo jicánorena daidicue. Mei íadi afe llezica cue náiraimo cue jííállífueña íñede. <sup>20</sup> Mei jira omoi díga cue úrillena jííriticue. Mei cai bie daje Israel náiraidícaí. Daje cai Mesías billífueño comécíídícaí; daje izói meine abido cai cáailífueño úíñoídícaí. Afe cai úíñoígafue ícoíniadi bíruí benó llavécámie cue llavénana ja cíódiomoiza.

<sup>21</sup> Jira fena daidíai:

—Jaca daabe o finócafuíai lluafe caímo dúcíñede. Daje izói afénomona bite ámatíai judíuai o mámedido fiénidífueña nítaíbiñediaioi. <sup>22</sup> O comeci fácafuíaimo cacáreacadícaí. Mei náganíaimo afe bie comue Jesumo jaináidínona onódícaíza uáitaoidiaioi, —daí fena daidíai.

<sup>23</sup> Ie jira meine íaioi cacáillíruí mamédiaioi. Afe maméinaruimo aillo náirai Pablo íllácomo nane gairízaíbitiaioi. Jítíramona ua nauízaidemo Pablo Juzíñamui ílláimana íllafue íaioimo lloste. Moisés ocuica uáillaido Pablo Jesús díbénemo íaioina ínotaacade. Afe llezica Juzíñamui uai jino llóraini cuega uáillaido Jesumo íaioina ínotade. <sup>24</sup> Dárie Pablo llogáfueño ínuaidiaioi, íe mei jííímáí íñoíacañediaioi. <sup>25</sup> Mei íadi nana dáafueño comécííñenamona raízítiaioi. Como raííacadiaioimo Pablo íaioina daide:

—Ñuera Joreño cai jaiáidígímacímo uai jino lloraíma Isaíado ñue úrite. Afémie daide:

<sup>26</sup> Baimácímo bífue llujíri, daide:

Omoi uafue aféfuena cácaítíomoi íadi afena ónoñeítíomoi.

Omoi uáfueña cíoitíomoi íadi ñue fídíñeítíomoi.

<sup>27</sup> Mei bie comíní comeci meine fiéní ríírenamona bie ñúefueña óíacañediaioi. íaioi ífocí jáíainamona fiéní cacádiaioi.

íaioi újíai nítaoidiaioi dani íaioi úído afena íaioi cíoi dáíi.

Daje izói íaioi jefodo cácañéllena jefo íbáidiaioi.

Afe izói comécido cacáacañediaioi.

Daje izói meine cuemo bíacañediaioi, íaioi cue jííllotallena, —daí Isaías daide.

<sup>28</sup> Bífue omoi onoiri: bíruímona bie Juzíñamui lloga jííllóíllífue judíoñedímacímo llujíga. Aféfuemo afémáí ñue cacáreítiaioi, —daide.

<sup>29</sup> Pablo daí dainamona, judíuai aillo conímamo úrícana jáidiaioi.

<sup>30</sup> Afénomo Pablo íe íbaca jofomo mena fímona fuitade. Nana íemo ráfuíai jícánuaíbífíredínona ñue caímare llíínofírede. <sup>31</sup> Aféruíllaido Pablo Juzíñamui ílláimana íllafue jino uáfodo comínimo lloste. Afefue íe jino llolle rairuíde cómena íñede. Daje izói Ocuíraíma Jesucrístodo díga íruí llófuérite. Aféruíllaido íe llófuérilla buna llótaidoñede. Maí. Jae níie.

## ROMA COMÍNIMO SAN PABLO ORECABE La Carta del Apóstol San Pablo a los Romanos

*Pablo Rómamo ite Jesumo ñnotinomo cuete*

<sup>1</sup> Cue Páblodicue; Jesucristo ocuffregamiedicue. Juzíñamui cuena uáiduano eneno cuena nize de ie jíllona uai jino llóllena. Ua afémie orécacue; Juzíñamui mamécamiedicue.

<sup>2</sup> Afe bie jíllonafue Juzíñamui jaiái ninomo uícodo ñuera Cuegáuaimo, ie uai llórainido jino llotátate. <sup>3</sup> Afe jíllonafue cai Ocuíraima Jesucristodo úrite. Afémie Juzíñamui Jitó. Iemo jíái afémie cai come izóidimie. Afe Jesucristo jaiái illaíma David méifoidigimamona jocócamie. <sup>4</sup> Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíillanomona afémie meine cáatateza. <sup>5</sup> Juzíñamui Jesucristodo, ñúefuena cuemo itátate. Aferi iere íobidicue. Afefue cuemo illano, iere cuena canode, ie mámeçido oni jíáinomo ie orécamierna cue íllena. Bie cue íobillafue ie mámeçido oni jíáinomo cue oréllena. Afe cue oréinamona naga náiraíaido aillo Jesumo ñnotinona iite. Daje izói ie uaina jíeruitinona iite. <sup>6</sup> Afémacimona Crísto mo ñnotinona itíomoi. Ie jira Jesucristo íeiena omoi íllena, Juzíñamui eneno omoi nize de.

<sup>7</sup> Mei jira nana ómoimo cueticue Roma jófuego itínodiomoi. Juzíñamui izíruigamacídiomoi. Afémiemo omoi ñue jaináíllena eneno uáidogamacídiomoi. Iemo ite caimátaillafue, naa comeci caimare uái illafue diga ómoimo fécaiteza. Nana bífuiaí cai Moo Juzíñamui cai Ocuíraima Jesucristo diga, ómoimo mámeiteza.

*Pablo Rómamo macácacade*

<sup>8</sup> Nana ómoiri fueñe Jesucristodo “íere figora,” cai Juzíñamuina daífiredicue. Ua daíf daidicue mei nágagobiaido ómoimo ite ñuera ñnogafuedo úritiaíoi. <sup>9</sup> Jaca nana cue comécido Juzíñamuimo tájídícue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoimo uibíofiredicue. Aferi Juzíñamui cue uai nabáidimie. <sup>10</sup> Bie ícoi iruimo ómoimo cue jáíllena Juzíñamuimo jicáfiredicue. Ua Juzíñamui comeci jitaia, níbai níbefodo ñue cuena óreite, ómoimo cue macájillena. <sup>11</sup> Mei ómoína cíacadicue, Crísto mo omoi ñnogafuiaí cue cánuamona, ñue ríire jaícina omoi íllena. <sup>12</sup> Ua bie ñnogafue cuemo íteza ja ómoimo ite. Afe Juzíñamuimo cai ñnogafuedo conímamo cai úrillamona, conímaíaina comécina caimare náiretaítaí.

<sup>13</sup> Juzíñamuimo ñnote ámatiaí, diga icaiño omoi diné cue jáiacanafue ómoína cue cíóíllena, ómoimo fidítaacadicue; mei íadi nai jaca jáinidicue. Omoi diné jáiacadicue ómoimona jíámacina Jesumo jaináitallena. Ua jeede ria lízie jofu ua izói, afe izói Jesús uaimo ñnotinona itátaacadicue. Oni jíáigobiaimona dáarie cue itata izói, daje izói, ómoimona itátacadicue. <sup>14</sup> Mei cue naga cómemo ñúefuena cue llóllena iere jíáirede. Ua iere baitádinomo llóredicue; daje izói abina onónedinomo daa fiéñeno llóredicue. <sup>15</sup> Iemona afe izói cue dibéno nana afe jíllóilluái ómoimo jino ñue lluaíbiacadicue, jíca Rómamo itíomoi íadi.

*Ñúefue ríirede*

<sup>16</sup> Bie ñúefue uai jino cue llólleri méairuíñeíticue, mei aféuaimo ite Juzíñamui ríino nana áfemo ñnotino jíllóillena. Nano fueñe judúuaina jíllotaite, ie mei daje izói judúuainéidinona jíllotaite. <sup>17</sup> Bie jíllonauai Juzíñamui anamo ñue jaícina cai íllena caína fidítate. Dama Jesumo cai ñnogafuiaído Juzíñamui anamo ñue jaícina íiticaí. (Abi diné jíáiena íñede.) Jaiái Cuegáuái daíf daide: “Ínogafuedo Juzíñamui anamo ñue jaícina itímie, zíñona cáaité.”

*Nana énie nairai íaíoi fiénidifuaí ícoína ite*



<sup>18</sup> Mei monámona bite Juzíñamui iere izire duere fínuafue nana fiénidinomo, naa comécina jaícinañedinomo jaii zúllana, ja birui fidídicaí. Dani íaioimo ite íaifuedo ua ráfuena ónuana rairuicaiaioi. Daje izói afémaci jíáimacina ua ráfuena onóillena jeruídiaoí. <sup>19</sup> Cai onoi ga Juzíñamui dibénemo itífueña daje izói ñue onódiaoí; mei dama afémie íemo itífueña nana caimo ciótateza. <sup>20</sup> Juzíñamuimo ite ie cióñena raa, ie finócafuiado caimo ónorede. Jaca énie fínuaruimona afémie nahí Juzíñamui nana uáfodo ónorede. Daje izói afémie jaca ríinoredeza uáfodo ónorede. Bífuiaina comini náfueneñedioi; íemona dani íaioi ícoinia daí ite. <sup>21</sup> Mei Juzíñamuina onódiaoí íadi, íemo nitárede ñúefuiaina íemo nitáñedioi. Daje izói íena “Figora” daífinidiaoí. Mei jíáifodo ráifíñede raamo comécidiaoí. Íaioi abina onótatañede comeci jíitífono fiébicaide. <sup>22</sup> “Nimáirañidicaí” daífirediaoí íadi, abina onóñedinona jáidiaoí. <sup>23</sup> Ziño Juzíñamuimo ite ebredífueña zíñíñede come jánaraina méidotiaoí. Afe baímo figóñede jánaraina finódiaoí. Féedínuiai jánaraina finódiaoí. Jaizai jánaraina finódiaoí. Táícaide rille jánaraina finoda jeire otíaoí.

<sup>24</sup> Ie jira Juzíñamui íaioimo ite fiene comeci óiacanafuemo íaioina zóofete. Daí afémaci dani jofo conímamo méaífuiái finódiaoí. <sup>25</sup> Juzíñamuimo ite ua ráfuena ínoñeno táínofuiái jeire otíaoí. Afe emódomo ie finoca raamo ñúefue nitádiaioi, mei íadi fueñe afe finode Juzíñamuimo ñúefue nitáñedioi. Daje izói ie finoca raamo caímare ánozioidiaoí, mei íadi nahí Juzíñamuimo cámadadoñedioi. Bie Juzíñamuina jaca ninomo cámadadoedicaí. Daí íteza.

<sup>26</sup> Mei jira Juzíñamui jíáie meáire comeci óiacanafuemo íaioina zóofete. Ringóniai daa íaioi ini diga íllana féitatioi; féitano aillo méaífuiái jíáimori otímaci. Juzíñamui ringóniai jóonia izói íacañeno afe jóoniafuena uáitatioi. <sup>27</sup> Daje izói íñíai daa ringo diga ñue íllana féitatioi. Féitano fiene ílláfuedo íaioi abi bóobicaide, conímamámo fiene finóllena. Afe íñíai conímamo méaífuiái finódiaoí, íemona dani afémaci abímona comuídífueri duere zefuídiaoí. Bie izói Juzíñamui íaioina duere finótate, dani íaioi comeci ífue jaícina jóíñena ícoinia.

<sup>28</sup> Ja mei Juzíñamuina onóacañedioi, jira íaioi comeci jaícina jóíñenafuemo Juzíñamui zóofegaiaioi, Juzíñamui rairuicaífuái finódímaci íaioi íllena. <sup>29</sup> Afémaci naga íaífuiáimo itíaoí; comeci jaícinañenafuemo itíaoí. Daje izói jíruírenafuemo itíaoí; fiene jítaina-fuiáimo itíaoí; naga ráaniaína óiacanafuemo naa fiénidífuiái diga itíaoí. Daje izói afémaci úradorífiredino; come titáfiredino. Fuiríllafuedo úritiaoí. Jífueमारífirediaoí; ñúeodo jáíñedino. Táímona conímamo fiene úrifiredino. <sup>30</sup> Afémaci jíáíma jánana fiene úritiaoí. Juzíñamuina éoidiaoí. Daje izói ríímacimo náfueneñedioi. Táínofuiáimo comécidino. Daje izói fiene abi ínotino. Fiénidífuiáimo comeci facada finófrediaoí. Íaioi úruiaí móotiai ocucafueña jeire oñedioi. <sup>31</sup> Afémaci abina onóacañedioi. Íaioi daína izói finófinidiaoí. Buna dueruíñedioi. Caímare uáiduano íba óñellena onóñedioi. Daje izói afémaci jíáíamamo dúecañedioi. <sup>32</sup> Juzíñamui ocuíllana ñue onódiaoí, íadi óiacañedioi. Afe nana bie fiénidífuiáimo itino jaca zíñona duere finólliaoza, áfena jíái onódiaoí. Onódiaoí íadi aféfuiaína féitañeno nai uícadiaoí. Nane bie emódomo jíáímaci afe fiénidífuiái fínuu llezica, íaioina: “Caímare bie izói cai ílli,” daídíaoí.

## 2

*Juzíñamui nahí uafue daína izói comínimo riire jícanote*

<sup>1</sup> Jíáíma fiene íllafue riire o jícanollena íñede. Naga come “Cue nífuenidicue” daíñidiaoí. Nana omoi dáafuemo itíomoi. Mei jíáíamamo ite fiene íllafue riire o jícanua llezica, dama o abi duere finótaitio. Aféfuena riire jícanotio íadi, o jíái dáafuiáimo itio. <sup>2</sup> Mei jíí, bífuiáimo itino Juzíñamui duere finótaja llezica, afémie nahí uafue daína izói riire jícanoteza, áfena onódicai. <sup>3</sup> Mei o, jíáíma fiene íllafue riire o jícanua llezica, o jíái daje izói dáafuiáimo itio. Daí o illa llezica “Juzíñamui ie duere finóllífueñemona níbai cuena jíilloite,”

¿daidío? ¿jilloñeítio! <sup>4</sup> ¿Juzíñamui omo ziiñona fuiñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úibicaiñedeza, ero ua? <sup>5</sup> Mei o, comécina iere riiredioza. O comeci ífuena méidoacañedió. Iemona o duere fjinóllifuiaina aillo oftaoicaidío. Ua Juzíñamui ciocaizaibilliriuimo o jaícina jóoide duere fínuafue jino omo llóite. <sup>6</sup> Aféruído naga come dani íaiói finócafuiái izói, íaióimo ibátaite. <sup>7</sup> Aféruído ebíredífue jenódinomo, ziiñona cáataitino íaióimo iite. Daje llezica, nana Juzíñamui íaióimo ñúefue nitállena jenódinomo, naa ziiñona illa raa jenódino diga, Juzíñamui ziiñona cáataitino íaióimo fécaite. Aféfuíaina jenódiaíoi, mei nágarui féitañeno ñúefue dibénemo ífirediaíoi. <sup>8</sup> Mei íadi aféruíllaido nana fieni abi íñotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie riífuedo duere fínoite, fiénidífuiái jeire íaiói ua jira. <sup>9</sup> Nana fieni mácafiredinomo aillo duere zefuíllifue iite, naa jamánomo íaiói comeci zúunaillifue diga. Nano fueñe daí judfuaímo iite; ie mei jíái daje izói judfuaíñedinomo cómuite. <sup>10</sup> Mei jíáifodo ñúefuiái finódinomo, Juzíñamui íemo ite ebírenafue íaióimo iite, naa comeci caímare uái illafue diga. Daje llezica Juzíñamui íaióimo ñúefue nítaite. Nano fueñe daí judfuaímo iite, ie mei jíái daje izói judfuaíñedinomo cómuite.

<sup>11</sup> Comínimona dámie jíáie come baímo Juzíñamui gáigamie íñede. <sup>12</sup> Nana fieni itino Moisés ocuífafuena nai onóñena llezica, íco nine táinocaitiaíoi, aféfuena nai onóñenano. Daje izói nana jíáie fieni itino Moisés ocuífafuena onódiaíoi íadi, afe daje bie ocuífafuedo riire jicánolliaíoi. <sup>13</sup> Mei ocuífafuena táinona cacádino Juzíñamui anamo ñue jaícina íñediaíoi, mei íadi ocuífafuena jeire otino Juzíñamui anamo ñue jaícina itíaíoi. <sup>14</sup> Dáarie ocuífafuena onóñede judfuaíñedinono afe ocuilla dáina izói dani íaiói comécido jeire otíaíoi. Iemona afémaci dani abi lletádinona itíaíoi. <sup>15</sup> Mei jíí, íaiói ñue mácafuedo íaiói comécimo ocuica uai cúeinana ácatafirediaíoi. Afe llezica íaiói comeci úrilla uai ñue íaiói uaina nabaide. Daje llezica íaiói ífoci úrillafue fiénidífue íaiói finóadi, áfena íaióimo llóite. Fiénidífue nai íaiói finóñenia, <sup>16</sup> Juzíñamui comínimo riire jicánolliriuimo íaiói ífoci úrillafue íaióina ráiruite. Aféruíllaido naga comíni báinino finoca raana Jesucristodo Juzíñamui riire jicánoite, cue lloga jilloilliuai dáina izói.

#### *Judfuaí Moisés ocuífafuemo figo náfuñediaíoi*

<sup>17</sup> Mei ja birui, “Judío ímiedicue” daidío. O jilloillena, Moisés ocuífafuemo íñotio; o Juzíñamui dibénemo fieni abina íñotio. <sup>18</sup> Juzíñamui comeci jitáinafue onódio; afe ocuífafue omo llote: “Nana o nícidogafuemo ñuera diga o nizeri”. <sup>19</sup> “Úinidino izóidino ífóllena, ñue uáfuaena onódicue,” daidío. “Daje izói jíitífo macádinona ñue egáiñollena onódicue,” daidío. <sup>20</sup> “Abina onóñedinona llófueredicue,” daidío. Daje izói, “Urue izóidinona jaícina llófueredicue,” daidío. “Ua nahí ráfuena onótate uai afe cai ocuífafuemo ite,” daífiredio. Afe izói, “Nana ífócido onóigafue caímo ite,” daidío. <sup>21</sup> Mei jíáimana llófuetio íadi, ¿ñibái mei dama o abina lletáñedio? Omoi meríriñeno iri daíicadio íadi, ¿ñibái mei merírifredio? <sup>22</sup> Omoi jiruíreñeno iri, dama daíicadio íadi, ¿ñibái mei jiruífredio? Jánaraiaina éoidio íadi, ¿ñibái mei íaiói illácomo ite ráifide ráaniaí o mériano ráaredimiena jáidío? <sup>23</sup> Ocuilla uai dibéfodo iere abi íñotio; mei íadi Juzíñamuina jámairuitio, afe daje ocuífafuena jeire o oñena ícoinia. <sup>24</sup> Meita Cuegáuai ñue daide: “Judfuaíñedinono omoi ícoinia Juzíñamuina fieni úritiaíoi.”

<sup>25</sup> Moisés ocuífafue jeire o oíadi omoi finófirena bacano ícoi quétafue uáfuaena omo ráifite. Mei íadi afe uai figo o íñoñeniadi, jaca quétañegamie izói íitio. <sup>26</sup> Mei jíáifodo, daa bacano ícoi quétañegamie ocuífafue dáina izói jeire oíadi, afémie bacano ícoi quétacamie izói facádogo, quétañega íadi. <sup>27</sup> Afe bacano ícoi quétañegamie, mei íadi ocuífafue jeire otímie, ona riire jicánoite, bacano ícoi quétacamiena o íadi, daje izói cuega ocuífafue omo ite íadi, mei áfena jeire onédioza. <sup>28</sup> Judfona jáillena dama jinófenemo cóide ráaiñede. Daje

izói bacano icoi quetácamiēna jáillēna fia abīmo cíoiēde ráaiñēde. <sup>29</sup> Mei íadi nahí ráfuiai jíáífodo jóide. Nahí jáidimie ie comécimo áfēna jaide. Daje izói nahí bacano icoi quétafue comécimo dúide. Cuega ocuilla uaimo jaináñēde; mei íadi come joréñodo ie comécimo ite. Bie izói itímie cominimona jíeruiñēgaza, mei íadi Juzíñamui jíeruiga.

### 3

<sup>1</sup> Judío ímiena cue íllemona ¿mínica mei baimo óitícue? ¿Bacan quétafue mei nibénemo ráifide? <sup>2</sup> Judío ímiena cue íllamona áillofuiai ícoínia ñue ítícue. Daje izói quétafuemo aillo ráífinafue ite. Nano fueñe Juzíñamui ie comeci úrilla uai Judfuaímo orede. <sup>3</sup> Iaióimona dáarie íaiói ínogafuena féitatiaíoi. Féitatiaíoi íadi, Juzíñamui lloga uai jáanonide, mei afe Juzíñamui jaca féitafinidimie. <sup>4</sup> Ie íaiói féitaja íēna nie izói nibáñēde. Mei jíáífodo íteza: nana comini taino llófiređino ille llezica, Juzíñamui nana ie jetácaigaífuena nai uáfueña jaícina finode. Daí Cuegáuai úrite:

O dáina uáillaímona jaícinaidimienā o íllana ónoítiaíoi.

Riire o jícanua mei, comini ñue ínogamiēna ítío.

<sup>5</sup> Mei caimo ite fiénidífuedo Juzíñamui jaícinaidimie ílláfueña jino uáfomo cíotiaíadi ¿nie izói dáíitícaí? ¿Mei Juzíñamui caí duere finóllēna jaícinaíñēdímie? (Jamai come úrilla izói úritícue.) <sup>6</sup> Mei íēñēdeza. Mei Juzíñamui comécina jaícina íñeniadi, ¿nie izói nana énie comini riire jícanóite? Afémie jaca ninomo comécina jaícina jóidímienamona, nana náiraina riire jícanorede.

<sup>7</sup> Mei cue táinofuiaiido Juzíñamui uafue nai jamánomo cue ebíruiaí, ¿nibái mei fiénidímiedícue izói Juzíñamui riire cuemo jícanote? <sup>8</sup> Bie uáfueña, ñúefue bíllēna nibái mei fiénidífueña finóñēdicaí. Afe bie izóidífue llófuiana dáarie caimo jítdáiaíoi. Bífue caimo jítdáino comeci fiēni jítainafuedo úritiaíoi. Bie izói itino duere finólliaíoi.

*Nana caimo ite fiénidífue ícoínia*

<sup>9</sup> ¿Mei níifue? ¿Cai bie judfuaí jíáie comini baimo ñuera? Mei ua íēñēde. Ja como fidítaticai judfuaí naa jíáie comini diga ríírede fiénidífue anamo itíaíoi. <sup>10</sup> Jaiai Cuegáuai daí daide:

Buna jaca íaífuenidimienā íñēde.

Jaca ninó daa ñúemienā íñēde.

<sup>11</sup> Daje izói jaca ninó ñúefueña onócadímienā íñēde.

Daje izói Juzíñamui daa jenódimienā íñēde, ie diga íllēna.

<sup>12</sup> Nana Juzíñamuimona onido jáidiaíoi.

Afémaci daní fiénidímacina jáidiaíoi. Buna ninó ñúefue finóñēna.

Jaca ninó daa íñēde.

<sup>13</sup> Iaiói úriragoí íbaiñēga raiafo izoide, mei iere íáire úritiaíoi.

Iaiói fuedo jífuemarífirediaíoi.

Iaiói fuemo ite úrilla jaio aifo izoide, mei jíáima jánana iere fiēni úritiaíoi.

<sup>14</sup> Afémaci daa faidórafuiaiido úritiaíoi, naa

íáirede uáillaído.

<sup>15</sup> Come titállēna jarire áizicaídiaíoi.

<sup>16</sup> Iaiói fiēni ílláfuedo aillo jíáímaci táinocaitadiaíoi.

Daje izói comínina zúnaitadiaíoi.

<sup>17</sup> Afémaci comeci caimare uái ílláfueña onóñēdiaíoi.

<sup>18</sup> Daje izói afémaci Juzíñamui ñue jacírenafuemo due jiza comeci facáñēdiaíoi, —daí jaiai Cuegáuai daide.

<sup>19</sup> Nana jaiai ocuífue dáina uaina, afe ocuífue anamo itínomo dúide. Bífueña ñue onódicaíza. Daí Juzíñamui mamérite, nana comini úrillana llíicaitallēna; daje izói naga náirai Juzíñamui riire jícanollífue anamo íaiói itábicaíllēna. <sup>20</sup> Ocuica uai jeire caí úado,

buna Juzíñamui anamo ñue jaícina íñeite. Ocuícafue caina jíllotañeite; daa caimo ite fiénidifuiaina caina onótate.

*Jíllollífue cai íñogafuedo comuide*

<sup>21</sup> Mei birui, jácara ocuícafue oni eneno fíiano, Juzíñamui anamo ñue jaícina cai íllena afémie cómofuena caimo onótate. Bie cómofuena uai lloraini ciegánico facádoidi ónorede. Daje izói ocuilla uai cúeinanicomona jíái ónorede. <sup>22</sup> Juzíñamui anamo ñue jaícina cai íllífue bifuedo ite. Dama Jesucrístomo cai íñuado bie izói íiticaí. Nana ie uaimo íñotinona afémie daje izói fínoite; dáamie jíáimie baimo gáíñeno nana dájerize jaícina jóoneite. <sup>23</sup> Mei naga come fiénidifuiarede; jíllotaite Juzíñamuimona nana jíca itíaiói. <sup>24</sup> Mei íadi Juzíñamui caimo dúecaillanona, fia íbátañeno ie anamo ñue jaícina caina itátate. Mei dama ie jíto Jesucrístodo caina jíllotate. <sup>25</sup> Cai finoca fiénidifue íbana Juzíñamui Jesucristo tíillamo dane ote. Iemona íaífueña dogá izói iticaí. Bie múíñuafue cai íñogafuedo caimo dúciite. Bífue daí íficaide Juzíñamuina jaícinaidimie daííllena. Mei jaíai finoca fiénidifuiái íbana raire otátañede; afémie comécina járidoñedimie. <sup>26</sup> Daje izói daí íficaide birui Juzíñamui jaícinaidimie daííllena. Nana Jesumo íñotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimieña íoicaite.

<sup>27</sup> Ie mei ¿come abí íñuafue mei nie izói ite? Afe abí íñuafue oni eneno fiébicaite. Ocuícafuiái jeire íaiói úado nai fieni abí íñuafuemo itíaiói. Mei íadi Jesucrístomo íñogafuemo fieni abí íñollífueña íñede. <sup>28</sup> Nana cai ílogáfuiaimona bifue jino llúana ñue baite. Dama Jesumo íñotimie Juzíñamui anamo ñue jaícina írena. Ocuica uailai afémie jeire ua oni jíáifodo joide. Afena Juzíñamui náfueñede, dama íemo íñuana náfue.

<sup>29</sup> ¿Meita Juzíñamui dama judíuai íena? Ieñede. Daje izói afe Juzíñamui judíuaiñedino ie. <sup>30</sup> Mei jíi Juzíñamui damade. Afémie baimo jíáíena íñede. Afémie nana íemo íñotinona ie anamo ñue jaícina itátate. Afémaci bacano ícoi íaiói quétajana náfueñede. Daje izói quétáñenana náfueñede. <sup>31</sup> Ie mei nibai dámie jícanoite. ¿Meita cai íñogafuedo ocuilla uaina uáitaiticaí? Ieñedeza; úaitañeíticaí. Mei jíáifodo Jesuna cai íñuado afe ocuilla uaina uáfueña jíeruiticaí.

## 4

*Abraham Juzíñamuimo íñua izói cai íñollena cai onótate*

<sup>1</sup> Mei áfemona cai jaíáidígíma Abraham díbénemo jíáífue jícanoíticaí. ¿Afe Abraham mei nie ñúefue ote? Daina uai jeire ie ófírenamona abí díne nífuena óñede. <sup>2</sup> Mei Abraham ie finócafuiaido Juzíñamui anamo ñue jaícina ie itábicaíadi, afémie abí íñorede. Mei íadi Juzíñamui uícori afémie abí íñonide. Ie finócafuiaido Juzíñamui anamo ñue jaícina itátañega. <sup>3</sup> Mei jíáifodo Cuegáuai daina izói, “Abraham Juzíñamuimo íñote.” Iemona Juzíñamuimo ie íñuado Juzíñamui íena “íafíuenidímiedio” daide. <sup>4</sup> Da come tájíadi, afe tájíina íba fia íemo dúecaillano íñega; afe tájíitatímie íena íbarede. Mei íadi cai jíllollífue cai tájíicanado íba llíñua izói llíñonide. <sup>5</sup> Mei jíáifodo, dámie jíllona tájíina finóñeno, ie jíllollíllena dama Juzíñamuimo íñorede; mei Juzíñamui íemo íñote íaífuiáiredimieña llíñofíredeza. Mei íemo Juzíñamuimo ie íñuado, Juzíñamui íena: “íafíuenidímiedio,” dáíite.

<sup>6</sup> Dama David come cáimafuiaido úrite. Dámie ie uícode finócafuiaina Juzíñamui náfueñede. Ua náfueñede, mei íadi íemo ie íñuado Juzíñamui íaífuiáinide daínámieña afe íñotimie jaide. Afe daíítadímie íere caímare ite. <sup>7</sup> David daínáuai daide: íaíoimo ite fiénidifuiaina Juzíñamui dogánona íere íóbídiaíoi.

Daje izói íaífuiaina oni féitagamíiai íere íóbídiaíoi.

<sup>8</sup> Daje izói íaíoimo ite fiénidífueña náfueñegano íere caímare ítaíoi.

<sup>9</sup> ¿Meita bie cáimafuiai dama bacano icoi quetaca judúuaimo duide? Ieñedeza; nana comini fena mameide. Jira bacano icoi quetañega judúuainedimacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui fena: “Íaifuiainidimiedio,” daide. <sup>10</sup> Mei íadi ¿ñíruido daí fena daina? ¿Bacano icoi quetaa mei daí daina? ¿Ñibai quetañenia daí daina? Jii, uáfueza, nai quetañena llezica daí fena daina. <sup>11</sup> Afe: “Íaifuenidimiedio,” daina méifodo, Abraham bacano icoi quetafuena Juzíñamui ocuide. Bie quetañafue onóillena jóonega raa izoide, Juzíñamui ja bímie ie ínuafuedo íaifuenidimie daíllena. Daí Abraham nai quetañena llezica Juzíñamuimo ie ínuamona, nana judúuainede ínotino moon jaide. Iemona Juzíñamui daje izói nana afémacina: “Íaifuenidimioi,” daide. <sup>12</sup> Uáfueza. Abraham nana afémie dama ie ínuua izói ínote quetácano moo. Mei nanoide cai moo Abraham ie bacano icoi nai quetañega ia, ñue Juzíñamuimo ínoteza.

*Juzíñamui jica ia raire llogáuai comini ínuamona ñue ícoimo fuitaca*

<sup>13</sup> Mei jii, Juzíñamui Abrahana ñuera jica ia raire fidítauai daide. Aféuai lloite: “O nana o erófene igímaiairi nana éniena máinóitioimoi.” Abraham Juzíñamuimo jaii uícodo ínuua jira, Juzíñamui bíuai femo lloite. Fia ocuilla uai ie jeire úado Juzíñamui daí fena daíñede. Ua, dama Juzíñamuimo ie ínuado Juzíñamui fena: “Íaifuenidimiedio,” daide. <sup>14</sup> Mei dani ocuilla uai jeire otino ñúefuena íaioi maíñóadi, íemona ínogafue comínimo figo jinoñede. Daje llezica Juzíñamui jica ia raire llogáuai ráifinano niné feide. Mei íadi daítañedeza jíáfodo joide. Juzíñamuimo cai ínuafuedo ie caimo lloga ñúefuena maíñóredicai. <sup>15</sup> Ocuilla uai llóina méifodo aféuai jeire onédino duere finóttaliaioi. Mei íadi ocuilla uai nai lloñena llezica, aféuai náfuende.

<sup>16</sup> Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene igímaiai afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comini Juzíñamuimo ínuado íaioimo írede, mei áfena íaioi ñéfina cígimona óndiaioiza. Bífue daíacade, Juzíñamui uícodo raire llogáuai daa ocuilla uai jeire otino feñedeza, mei íadi nana Abraham ínuua izói ínotino ie. <sup>17</sup> Iemona Abraham Juzíñamui eróicana nana cai moon jaide. Abraham afe Juzíñamuimo ñue ínote. Jaii Cuegáuaido Juzíñamui Abrahana daí daide: “Aillo náiraiai moon ona jóneticue.” Afémie daí daírede, mei Juzíñamui tíidinona meine abido caátaitaredeza. Daje izói íñede ráaniaina Juzíñamui itátarede.

<sup>18</sup> Aféfuiaimo Abraham fáicanocaiñeno ínoide. Ua comini daina izói Abraham jamánomo jónaiteza, ja úruenide. Abraham daí úruereillinona úiñonina llezica nai Juzíñamuimo ínuano úiñoide. Afe daí Juzíñamui fena daina izói, Abraham “aillo náiraiai moon” jaide. Juzíñamui bie izói fena daide: “O uícoide erófene igímaiai aillo jébuittiaioi,” daide. <sup>19</sup> Abraham cien fimónamo ánozide íadi, ie ínogafue jaca féiñede. Afémie jónailla izói ie ai jónaillana onode. Ua afengo iere jónaillamona tíiacade. Jae úruena comútanide. <sup>20</sup> Mei íadi afe llezica Abraham jíñeno Juzíñamuimo ínofirede. Juzíñamui jica ia raire llogáuaina ruifíruíñeno nai femo ínoicaide. Mei jíáfodo Abraham áfena féitañeno iere izire ínote. Jaca comeci rairuíñeno Juzíñamuimo úroicaide. Juzíñamuimo íóbioicana úrite. <sup>21</sup> Afémie daide:

—Nana jaii Juzíñamui jica ia raire cuemo lloga rafue Juzíñamui uáfueña cuemo zúitaite, —d—aide. <sup>22</sup> Iemona, femo ie ínuado Juzíñamui fena daide: “Íaifuenidimiedio,” daide.

<sup>23</sup> Bie Juzíñamui Abrahana daina “Cuemo o ínuado jae íaifuenidimiedio” daa Abrahamo cúeñegaza, <sup>24</sup> mei íadi nana caimo cuega cai ínollena. Mei jira tíillanomona cai Ocuíraima Jesús cáatate Juzíñamuimo birui ínoticai. Iemo cai ínuado caína: “Íaifuenidimioi,”

dáite. <sup>25</sup> Afe Jesús caimo ite fiénidifue ícoinia duere finótagamierna jaide. Afe mei Juzíñamui anamo ñue jaícina nífunenino cai íllena afémie cáataga.

## 5

*Juzíñamui “Nífunenidimedio” daina méifomo ñue cai illifue*

<sup>1</sup> Mei afe jira, dácaño Juzíñamui anamo ñue jaícina nífunenino cai illa mei, meine abido Juzíñamuina jáciruñeíticai. Afe comeci caimare uái illafue cai Ocuíraima Jesucristo ie tíllado cáiena ote. <sup>2</sup> Mei jii, cai ínnuado bie afémie cai cánuafue dibénemo jóonegacai. Aferi izire jaináidicai. Iemona íóbifiredicai, mei Juzíñamuimo ite ebredemona cáiena oni máíñoíticaiza. Afemo ocuíticai. <sup>3</sup> Daa bie cai ocuírillamo íobiñeíticai, mei daje izói duere cai zefuillifueмо íóbíticai. Mei onódicaiza duere cai zefuillifue cai comeci járitañenafue caimo comuide. <sup>4</sup> Iemo afe comeci fígomie dáinana caina jáitate. Iemo fígomie dáinana mei Juzíñamui cáimafueмо úíñoifreíticai. <sup>5</sup> Iemo bie úíñoínafue caina zúucaitañeite, mei Juzíñamui caina ie izíruillafue ñue caimo llóteza. Bie caina ie izíruillafuena ie oreca Ñuera Joreñodo onódicai.

<sup>6</sup> Dani cai ñéfinala cígimona jllonidicai. Daí cai illa llezica, Juzíñamui jica ia mamécaruimo, Jesucristo nana fiénidino ífomo tízaibite. <sup>7</sup> Bíníemo comécina jaícina jóidímie tíilla ífomo tíitimiena íñede. Mei níbai jamánomo fígomie ífomo, daa tírede. <sup>8</sup> Mei jáífodo cai fieni illa llezica, Cristo cai ífomo cai jilloíllena tízaibite. Afedo Juzíñamui caina ie izíruillafue caimo cíotote. <sup>9</sup> Iemona ja birui Cristo tíllamona Juzíñamui anamo ñue jaícina itícaiza, ie jira írairuimo ite duere fínuafuemona, Cristo cai rairuillado, jamánomo oni eneno íredicai. <sup>10</sup> Nai afémie bacáuai imácina cai illa llezica, ie Jitó cai ícoinia tíide. Daí ie tíllamona, Moo Juzíñamui comécina jáciruitañegacai. Ja birui cai comeci íena jacíruiñenamona, birui ie cáanado jamánomo ñue jlloredicai. (Ua caade Cristo Juzíñamui uícomo caído úrite. Afe daí ie úrioínado, íco bite duere cai finóllifuemona jllóiticaí). <sup>11</sup> Daa bífueñedeza, nane bie emódomo cai Ocuíraima Jesucristodo Juzíñamuimo íóbíoticaí, mei afe Crístodo Juzíñamuina cai jacíruiñenafuena otícaiza.

*Nanoide Adán caimo comuítagafuemona Juzíñamui caina éoicaide; mei jáífodo Cristo caimo comuítagafuedo Juzíñamui caimare caído eróicaide*

<sup>12</sup> Mei onóigaza, dáamiemona fiénidifue nana comínido jaide. Ie mei afe fiénidifuemona tíllafue daje izói naga cómemo comuide, mei naga come fiénidifuiaredeza. <sup>13</sup> Moisés ocuilla uai nai íñena llezica, fiénidifue jaca comínido ite. Mei íadi ocuilla uai nai íñena llezica, afe fiénidifue comínimo nítañega. <sup>14</sup> Mei íadi jaiai Adán illáigimamona Moisés illáigimago fiénidifuiái finódino tícoizifirediaíoi, mei títede ríino anamo itaíoiiza. Juzíñamui jóonega íaíoi comeci ñue úrilla uaimo náfueñediaíoi. Daí náfueñenamona íaíoi fiénidifue comuide. Mei jáífodo Adán fiénidifue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícodo itino fiénidifue jáínodo comuide. Adán finoca fiénidifue izói comuíñede. Afe Adán uire bíite Cristo jana.

<sup>15</sup> Adán náfueñegafue Juzíñamui caimo fia iga cáimafue izóíñede. Mei dama Adán náfueñegafuedo nana comíni tímáritiaíoi. Mei íadi Juzíñamui raiñóñeno caimo fecaca jllonafue jamánomo baímo ñuera. Dama Jesucristodo aillo comíni canócaiaíoi. <sup>16</sup> Dáamiede finoca fiénidifue jaca Juzíñamui caimo fecaca jllonafue izóíñede. Mei afe daade Adán náfueñegafuemona cai duere finóbillifue zúide, mei jáífodo Juzíñamuimona caimo lloga jllonafuedo, Juzíñamui raiñóñeno aillo comínina ie dibénemo ñue jaícina itábicaítate, aillo íaíoi náfueñegafuiái íaíoiimo ite íadi. <sup>17</sup> Mei jii, daa come náfueñenamona titáfiredé ríino anamo nana comíni are ninomo itaíoi. Mei jáífodo dáamiede Jesucristodo nana Juzíñamui anamo raiñóñeno ñue jaícina jóonegano, jamánomo baímo ñuera zííñona íaíoi ille ríino óítiaíoi.

<sup>18</sup> Mei dáii Adana ná fueñegafuemonona duere finóbilla fue nana comínimo comuide. Daje izói Jesucristo ní fueñeide comécimona tízai billafuemonona, duere finóbiñenafue nana comínimo zuide. Daje llezica ziiñona cai illifue caimo comuide. <sup>19</sup> Bie daide: dáamiede jeire óñegafuemonona nana comini fiénidifuiare dinona jáidiaioi. Mei íadi dáamiede Jesucristo jeire ogáfue mona aillo comini Juzíñamui anamo ní fueñeidinona ñue jónegaiaioi. <sup>20</sup> Mei jaiái Juzíñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juzíñamui caimo dúecaillafuiái daje izói afe fiénidifuiái baimo aillo jamánomo jebuide. <sup>21</sup> Iemona, fiénidifue caimo íllamona afe rírede fiénidifue caina titárede. Daje izói Juzíñamui caimo izire dúecaillano, Juzíñamui anamo ní fueñeino ñue jáicina cai illa llezica, cai Ocuíraima Jesucristodo, afémie caina ziiñona cáatarede.

## 6

Comini fiénidifuiái mo íllamona tíidino izóidiaioi, mei íadi daje llezica afémaci Crístomo ínuamona cáadiaioi

<sup>1</sup> Nana bie caimo llógamona ¿nie izói dáiticaí? ¿Mei níbai fiénidifue finócana uiticaí, Juzíñamui jamánomo caimo ie dúecaillafue caimo ácatallena? <sup>2</sup> ¿Mei íeñedeza! Cai bie ja fiénidifue dibénemo tíidinodicaiza ¿mei nie izói, fiénidifue mo nai íoicaiticaí? <sup>3</sup> ¿Nai bífueña onóñedi moí? Nana cai ie báutizaillarui mona Jesucristomo uáfueña jáinaina llezica, dáaruido afe Cristo tílla dibénemo jáináitagacaí. <sup>4</sup> Mei jii, cai báutizaillarui mona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiena jailla izói, birui cáadena cai jáillena. Daíí cai jaillano cómofue mo íocairedicaí. Mei jii, Cristo ie Moomo ite jamánomo ñuera ríinodo meine cáadimiena jáitaga, íemo daje izói afe daje ríinodo cómofue mo íocairedicaí.

<sup>5</sup> Uáfueña dáiticaí, Cristo tílla izói tíidinona jae mamécacaí. Iemona daje izói ie meine abido cáadimiena jailla izói, dani cai tíillanomona meine cáataga izói cómofuiái mo íredicaí. <sup>6</sup> Cristo cruzmo coraica llezica nauí fueñe cai illafue dáanomomo titácaza onódicaí. Uafue, afefue titaca, nanómoma cai comécimo ite fieni gáinano caina anáfeñoéillena. Iemona fiénidifue dibénemo rairuicanona íñeiticaí. Daje izói ríire táijitatimie mo jáinaina izói, fiénidifue mo jáináíñeiticaí. <sup>7</sup> Mei jii, Cristo diga tíidimie ja íaífuemona oni jírecaide. <sup>8</sup> Iemona dácaíño Cristo tílla izói dáanomomo afémie diga, cai comeci fieni óiacanafue tíide izói féitaga. Nauí daíí ie diga cai tíillamona, daje izói biruíllaido afémie diga cai íllana ua onódicaí. <sup>9</sup> Mei onódicaiza, Cristo dácaíño tíillanomona meine abido cáadimiena jaide. Daíí meine jaillano ja meine abido dánomo tííñeite. Afémie ja ménacaíño tíinide. <sup>10</sup> Mei Cristo ie tíillarui mo, fiénidifue dibénedo dácaíño tíide, jaca nínomo nane tííñeillena. Mei íadi afémie meine cáadena jaillano ie cáanano Juzíñamuimo duide. <sup>11</sup> Daje izói, mai fiénidifue dibénemo tíidino izói omoí iri. Mei jíáífodo Juzíñamui íena cáadinona mai omoí iri. Afemo izire comécimo mai omoí facáoiri, mei cai Ocuíraima Jesucristomo dájena jáináidiomoiza.

<sup>12</sup> Ie jira fiénidifueña omoí abina náamatatañeno iri; afefue omoí ziiñona íñena abí ana úillemona abí omoí rairuiri. Mei Taífe comuítaga caimo ite íaífue cai abí fieni jítainafue jino déillena ocufoideza. Afemona izire abí omoí rairuiri. <sup>13</sup> Dani omoí abina fiénidifueña finótañeno iri. Mei jíáífodo dani omoí abina Juzíñamuimo omoí jáináitari; ua, tíillanomona meine cáadena jaide izóidino afémiemo omoí abí jáináitari. Ie jira nana omoí abina Juzíñamui ní fueñe finóllena, omoí jáináitari. <sup>14</sup> Ja benómoma fiénidifue ómoína ana úíñeite. Mei ocuilla uai anamo ja íñedicaiza; mei jíáífodo Juzíñamui cairi dúecaillafue mo itícaiza.

Comini jacire riire rairuillarui mona daa ráfuena caina onótate

<sup>15</sup> Ie mei ¿nie izói íticai? Mei ocuilla uai anamo inéédicaiza mei jiáifodo Juzíñamui cairi dúecaillafuemo iticaiza; femona ¿meita fiénidifue finóredica? Ieñedeza, finónidicaí. <sup>16</sup> Ñue onódiomoiza, ómoimona nágamiiai riire ocuídillaimamo fecaca llezica, aféllaima ocuillana ñue jeire órediomoi. Daje llezica aféllaimamo izire jaináidiomoi. Bie izói caimo ite fiénidifuiái, jacire ocuídillaima ana uilla izói, nana caina ana uite. Afemona tíillafue naga cómemo comuide. Mei íadi Jesumo cai íñua llezica jiáie cai ocuídillaima Juzíñamuimo dúidicaí, comécina jaícina ñue jóidimacina nágarui cai íllena. <sup>17</sup> Mei íadi ómoiri Juzíñamuina: “tere figora,” daidícue. Mei nauí fiénidifue mo izire rairuicanona omoi illa llezica, ómoimo lloga llófueinafuena ja ñue jeire otómoiza. <sup>18</sup> Afe fiénidifue mona oni omoi jirecailla mei, jiáie ocuiraíma Juzíñamui rairuicanona jáidiomoi. Iemona comécina jaícina ñue jóidinona nágarui írediomoi. <sup>19</sup> (Ua omoi onoiga comini ráfuiáido úritícue, mei omoi ífoci déínenamona bifuiaina ñue cacánidi omoi.) Nauí fieni illáfuiáimo omoi abina jaináitafrediomoi. Nane afe baimo jiáie jamánomo fieni abi íñuamo abina finótadiomoi. Nauí daíí abina omoi finota izói, mai birui começi jaícínainafuemo abí omoi jaináitari, dama Juzíñamui fena oni eneno ñue mamécanona omoi íllena.

<sup>20</sup> Nai fiénidifuiáimo riire rairuicanona omo illa llezica, começi jaícina jóinafuemo jaináíñediomoi. <sup>21</sup> Nauí omoi illáfuiaina birui meáiruitiomoi. Mei aféfuiaimona ¿nie cánua-fuiái otómo? Onédiomoiza; tíillafue diné jaca ómoína uite. <sup>22</sup> Mei íadi fiénidifue mona oni eneno omoi jirecaillamona, ja birui Juzíñamui rairuicanodiomoi. Iemona birui afémiemo ñue jaináidiomoi. Bie izói omoi íllamona, Juzíñamui íbana ñue caimare ómoína cánoite. Ua afémie íeiena ómoína oni enepo ñue fínoite. Iemona afe ícoimo zíiñona illáfueña óitiomoi. <sup>23</sup> Fieni cai íllamona daa tíillafue óiticaí. Mei íadi Juzíñamui raiñóñeno fia caimo iga raa, cai zíiñona illí fue. Bie zíiñona cai illí fue dama cai Ocuiraíma Jesucrístomo dájena cai jaináinamona caimo iga.

## 7

*Iima áireinamona ringo iníreinamona daa ráfuena cai onótate*

<sup>1</sup> Amatíai, onódiomoiza, da come dama nai ie tíñeniadi, ocuilla uai nai femo dúide. <sup>2</sup> Ja omoi onóigafue jino llóitícue, áfedo jiáifuena omoi onóíllena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tailla mei, afe femo jaináitate ocuilla uáimona afengo jae oni jirecaide. <sup>3</sup> Afe llezica afengo jiáie íñmamo inírena ñuera. Afengo daíí iníreilla jiruífueñede. Mei íadi ie ini nai ítemo afengo jiáie iima díga illa afengo iere jiruífede.

<sup>4</sup> Cue ámatíai, birui Jesucrístomo abímo dájena jaináidicaí; ua iníredíngo inimo jainaina izói jaináidiomoi. Afe Crístomo omoi jaináinamona, ie tíillado tíidinona mamécaomoi. Ie jira ocuilla uai díbénemo tíidino izói iticaí. Fueñe bie ocuilla uaimo, ringo inimo jainailla izói, jaináidicaí. Mei íadi ja birui tíidino izói cai íllamona afe ocuilla uaimo jaináíñedicaí. Dama tíillanomona meine abido cáadimienajade Crístomo jaináidicaiza. Afe bie Crístomo cai jaináinana Juzíñamui caimo comúitate. Ua comúitate caido ie começi jítáinafue ñue ícoimo cai fuitáíllena. <sup>5</sup> Mei nanómona comini comécimo ití fue díbénemo cai íñfrena llezica, afe ocuilla uai cai abímo ite fieni óiacanafujaina cazítate. Aféfuíai caina ana tííllinomo uite. <sup>6</sup> Mei íadi ja birui afe ocuilla uai díbénemo tíidino izóidicaí. Fueñ afe ocuilla uai anamo riire iticaí, mei íadi ja birui afe uáimona ñue oni jirecaidicaí, Ñuera Joreño cómuena méidoga caimo ití fue mo Juzíñamui ocuícamacina cai íllena. Jaiái cuega ocuilla uaido Juzíñamui ocuícamacina inídicai.

*Cuemo ite íaí fue cue caimare illafue llótaidote*

<sup>7</sup> Iemona ¿mei nie izói daííticaí? ¿Ocuilla uaina fiénidifue daííredicaí? ¿Daíínidicaí! Mei íadi afe ocuilla uaido fiénidifueña onótacue. Afe uai nai jino lloñena llezica fiénidifueña



onóñedicue. Ja omoi onóigafue jino llóiticue, áfedo jiáifuena omoi onóillena. Ocuilla uai nai cuena dáiiñeniadi, aino come raana óiacanana onóñedicue. Mei íadi afe daíí llua mei fienu óiacanana onódicue. <sup>8</sup> Afena cue onónamona, bie ocuilla uai llúado, cue comécimo ite naga fienu jítainana uáfodo cazítaga. Mei ocuilla uai nai cuemo lloñena llezica, fiénidífue tíide izóí uái illano figo onóñedicue. <sup>9</sup> Nauídíruiamo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja llúaíbillado fiénidífue meine abido comuide. Afefue meine comuillamona fállena cue orede. <sup>10</sup> Dinómona bie izóí cuemo zúide. Daje cuena ñue zúñona illífuemo úirede uallai, ñue illífuemo cuena uíñede. Mei jiáífodo cue dibénemo, cuena ana tíillanomo uite. <sup>11</sup> Mei jií, fueñe fiénidífue cuemo íñede daidicue. Mei íadi ocuilla uaina cue fídiamona, cuemo ite fiénidífuiaina onódicue. Afe ícoinia Juziñamui fáiacagamienu iticue.

<sup>12</sup> Afemona onoiga, afe ocuilla uai iere ñuera. Daje izóí lletara uai jamánomo ñuera. Afe uai ñue jaícina jóidiuai. <sup>13</sup> ¿Meita bie ñuera ocuilla uai cuena ana tíillinomo úirede? Ñue onóigaza, únide. Mei jiáífodo cuemo ite fiénidífuedo ana tíillinomo uigacue. Afemona uáfueña cótagaza, bie fiénidífue ua nahí fiénideza. Afe cuena ana uillafue ñúefuedo finoca. Daíí Juziñamui ocuilla uai, nana fiénidífuiái jamánomo íaire nana caina onótate.

<sup>14</sup> Afe ocuilla uai Juziñamui Ñuera Joreñomo dúidífue. Afena onódicaiza. Mei jiáífodo nanómona cue comécimo itífue Ñuera Joreñomo dúíñede. Mei izire rairuícamié izóí íaífue fínuanamo fecácamié izóidicue. <sup>15</sup> Birui cuemo ífícaidífueña onóñedicue. Ñue cue comeci jítainafueña finóñedicue, mei íadi cue comeci éoillafueña áfena finóñedicue. <sup>16</sup> Mei cue comeci jítaiñenafue cue finóadi, afe cue finócafue fiéninana onódicue, mei Juziñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue. <sup>17</sup> Mei daíí áfena dama finóñedicue, mei jiáífodo cuemo ite íaífue aféfuemona comuide. <sup>18</sup> Mei onódicueza, dama cuemo ñúefueña íñede. Bíedo daííacaidicue, nanómona cuemo itífue ñúeñede. Mei jií, cue comeci ñúefue finóacade, mei íadi áfena jaca finónidicue. <sup>19</sup> Cue jitaiga ñúefueña finóñedicue; mei íadi cue jítaiñega fiénidífuiaina finócadicue. <sup>20</sup> Iemona cue finóacañega fiénidífue cue finóadi, dama cúeñedeza, cuemo ite fiénidífueña comuide.

<sup>21</sup> Daíí jaca bie izóí cuemo íoicaide: mei ñúefue cue finóacania, áfena baiñeno dama cuemo ite íaífuiái báíñedicue. <sup>22</sup> Mei jiáífodo cue comécido Juziñamui ocuilla uaina gáidicue. <sup>23</sup> Mei íadi afe llezica cue comécimo ite jiáie niné cue úiacade uaina comécido onódicue. Afe uai cue ífoci úrilla ñúefueña niné féitaoide. Afe bie fienu cue rairuíoide uai cue abimo ite. Afe uai cuena llavéoiide.

<sup>24</sup> ¡Nai iere íobíñedímedicue! Bie ana tíillamo cue uite abímona, ¿bu oni cue jírecaitalle?

<sup>25</sup> Dama Juziñamui ie Jitó cai Ocuíraima Jesucrístodo bífuemona cuena oni jírecaitarede. Iemona, ja birui Juziñamuina “íere figora” daidicue. Iemo cue illafue bie izóí ite: Juziñamui ocuilla uai anamo cue itábicaillena dama Juziñamui jóonega cue comeci ñue úrillado finóñedicue. Mei íadi dama cue abi dibéñedo nanomo cuemo itífuedo llavéaigacue. Dinómona fiénidífue cuemo íoicaide. Íoicaillamona fiénidífuiaina jaca finócaidicue.

## 8

*Juziñamui Ñuera Joreño úicaigamié illafue bie izoide*

<sup>1</sup> Mei ja benómona, nana Jesucrístomo dájena jaináidinomo duere finótaituái jaca íñede. Afémaci Juziñamui Ñuera Joreño ríinodo afe Joreño illa izóí ífrediaioi. Dáanomo afémaci nanómona comécimo itífuiái izóí comécíñediaioi. Daje izóí nánorafuiaina náfuñediaioi. <sup>2</sup> Juziñamui Ñuera Joreño cai rairuilla uai, dájena Jesucrístomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jírecaitade. Afemona fiénidífue ana tíillinomo cuena úíñeite. <sup>3</sup> Moisés ocuica uáimona finónidífueña, Juziñamui daade ie Jitó ana óriano áfena finode. Afe caimo ite fiénidífueña oni cai jírecailafue Moisés ocuilla

uáimona finónide, mei nanómoma cai comécimo fiénidifuiuai illado, afe uai riinonideza. Iemona afe uai figo jinoñede. Ie jira Juziñamui cai oni jirecailallena, daade ie Jitó jamai cómena bie éniemo jéicitade. Afe mei, cai fiénidifuiuai ícoina cai ifomo Juziñamui ie Jitó fatátate. Bie izói daina daiíacade, biniemo ite fiénidifuiuairedino comínina íaioi illa izói, afe izói Juziñamui ie Jitó ana biniemo orede. Afe bie izoide ória mei, afémie abí, cáie izói eroide, mei íadi afémie íaifuenide. Afe izói ie illamona afémie biniemo ua nífunenidimiena jáicaillado nana caimo ite fiénidifuiaina anáfenode. <sup>4</sup>Mei ocuica uai jeire cai óllena, afémie nana bie izói finódeza, mei ja nano cai comécimo comuñidifuiaimo comécinédicaiza. Afena ja náfuenedicai. Mei jáífodo Juziñamui Ñuera Joreño ífuiaimo comécioidicai; aféfuiaina ñue náfueticai.

<sup>5</sup>Nano comécimo fienu comuñidifuiaimo comécidino, daa bie cai abí ífuiaimo izire comécido líicioidiaioi. Mei jáífodo Ñuera Joreño ífuiaimo comécidino afe Ñuera Joreño daináuaimo izire comeci fáioidiaioi. <sup>6</sup>Da bie cai abí ífuiaimo comeci izire cai líicioia, ana tíllinomo caina uite. Mei jáífodo Ñuera Joreño daináuaimo izire comeci cai fáioia, ziiñona illífuemo caina uite. Iemo daje izói caina caimare uái illínomo uite. <sup>7</sup>Daje bie cai abí ífuiaimo izire comeci líicioidino, Juziñamui uáitatimacina jáidiaioi, mei afémaci, nana comini Juziñamui ocuilla uaina gáñediaioiza. Afémaci áfena gáñenamona afe uai anamo ínidiaioi. <sup>8</sup>Ie jira nano cai comécimo comuñidifuiaimo jaináidino Juziñamuina íóbitandiaioi.

<sup>9</sup>Mei íadi Juziñamui Ñuera Joreño ja ómoimo illamona, comécimo fienu itífuiaimo, cuinaca izói, izire jaináñediomoi. Mei jáífodo Ñuera Joreño dájena iere jaináñidiomoi. Cristo Ñuera Joreñoña inéñimie Cristo íeñede. <sup>10</sup>Cristo ómoimo illamona ómoimo ite joreño caade. Ua, Juziñamui anamo ñue jáicina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tíllinomo uite. <sup>11</sup>Mei jáífodo Jesucristo tíllanomona Juziñamui Ñuera Joreño dájena abido cáadimiena jáitaga. Iemo afe Cristo cáadena jáitate Juziñamui omoi tíñirena abina nane meine cáadena jáitaita. Ua ómoimo ite Juziñamui Ñuera Joreño Juziñamui cáadena jáitagamacina ómoína fínoite.

<sup>12</sup>Amatai, mei daií cai comécimo fienu íñiredifuiaimo comécinóllena, izire ocuicanodicaí. <sup>13</sup>Da bie omoi abí ífuiaimo omoi comécioiadi, tíllinomo ana ómoína uite. Bie cai comécimo itífuie jaca fiénidifue caina finótate. Mei íadi afe ómoína finótate fiénidifue Ñuera Joreño dájena omoi anáfenoiadi jaca ninomo cáaitiomoi.

<sup>14</sup>Nana Juziñamui Ñuera Joreño ífocamaci, Juziñamui úruiaí. <sup>15</sup>Mei jii, ómoimo iga Ñuera Joreño, jacire ráiruie joreñoñede. Daje izói ómoimo ite Ñuera Joreño ómoína meine jacíruitañede. Mei íadi afe ómoimo iga Ñuera Joreño Juziñamui jítótiaína ómoína mamede. Afe Joreño Juziñamuina “Cue Móodio” caina daiítate. <sup>16</sup>Da bie Ñuera Joreño caimo ite joreño diga, dájena nabáizaibite “Juziñamui jítódicaí” caina daiíllena. <sup>17</sup>Afe daií ie jítótiaína cai illamona, Juziñamui raire úcodo caimo lloga feci raa izoide cámafue maiñóredicaí. Afe cámafue dama Cristo ie, mei afémie Juziñamui nahí Jitoza. Mei íadi ja birui áfena daane afémieoiri maiñóredicaí. Afe Cristo duere zefuilla izói, daane birui duere cai zefuíaí, Juziñamui caina cóite. Iemona Juziñamui ebíredifueña íemo nitalle izói, afe izói caimo nítaite.

<sup>18</sup>Iemona ja biruillaído duere cai zefuilla figo ráañenamome comeci facádícué. Afefue ráañenari íóbidícué. Ua afe aillónedeza áfena lloñédicue: mei afe uire caimo cómuite ñue ebíredifue jamánomoideza. Afe ebíredifue duere zefuillafue baímo jamánomoideza, afe duere zefuillafueña úbíñoñeíticaí. <sup>19</sup>Nana Juziñamui finoca cómena maméñedinuiai, Juziñamui jítótiaí meine cáadino jaillano jino cótalliruimo iere izire úíñoidiaioi. <sup>20</sup>Ua comínimo ite fiénidifue ícoina, nana afe Juziñamui comuñitaganuiai zuere fiállífuemo mamécaiaioi. Dani íaioi jítainamona aféfuemo mámeñegaiaioi. Mei íadi Juziñamui daií íaioína mamede; afe ie comeci jítaina ízoi mamécaiaioi. <sup>21</sup>Mei afémie nana ie finócanona riire ocuífueñemona oni jirénoiacade. Daje izói ie finócanona niné táinocaitífuemona oni

jirénoiacade. Afe íaiói jirénollífue mo Juzíñamui ñue coméciide. Daíí íaiói oni jírécaitaite, Juzíñamui jítótiaioiri ebire jaícina joide cáimafuena íaiói mainórillaena. <sup>22</sup> Onódicaiza, jaiái fiénidífue bíniemo tainéinanomona, nana Juzíñamui finoca cáadinuaií abi izírenari murífirediaíoi. Ua jaiáimona nai biruimo, ringo úrue jocóacana llezica izínailla izói, nana ie comínina mámeñega comuitaganuaií izi cácadiaíoi. <sup>23</sup> Daa afémaci izi cácañenaza; daje izói cai izi cácaillano, afe caina jaícina ñúeitalliruido izire ocúriticaí, Juzíñamui Ñuera Joreño caimo ite íadi. Juzíñamui ícoi aillo caimo fecalle caimátaillífuaíimona, bie Ñuera Joreño fueñe raire uícodo caimo iga. Mei íadi nai bíniemo iere zuure murífiredicaí; mei Juzíñamui jítótiaí maméidicaí íadi, móonidiza jíáie come íena náamataja izói, cai ie náamatalirui mo ocúriticaiza. Aféruimo nana fiénidífuaíimona, naa jíáie cai rairuíoide íaífuaíiri, Juzíñamui cai abina oni jírécaitaite. <sup>24</sup> Afe bie cai jíllollífue mo úiñoídicaí. Jesucristo daíí caimo llogáuaimo afe jeire cai úamona, afemo úiñoídicaí. Afemo daíí izire cai úiñoínado jíllotagacaí. Cai úiñoiga raana cai cíonamona, jae afemo úiñoñeiticaí, mei jae íeza. <sup>25</sup> Mei jíáifodo cai cíónena raamo cai úiñoiadi, ja afemo raire jaritañeno úiñoiredicaí. Iemona Juzíñamui Ñuera Joreño, Juzíñamui jítótiaína cai maméinamo uaina nabaide.

<sup>26</sup> Daje izói Juzíñamui Ñuera Joreño mei ní fue Juzíñamuimona cai jícállena ñue caina cánuaíbite. Juzíñamuimona jaícina ie jitailla izói cai jícajana onóñedicaí. Mei daíí cai illa llezica, Ñuera Joreño come uaido jino llónide murilla uaido Juzíñamuimo caido izire jícade. <sup>27</sup> Juzíñamui naga come comeci ífuena ñue onóíllena izire jícanofiredimie. Afemona Ñuera Joreño caido daííacanana Juzíñamui ñue onode, mei Ñuera Joreño, Juzíñamuimo jaináidínodo Juzíñamui comeci jitailla izói izire íaíoimo jícadeza.

#### Nana zuure íaífuaíimona caifófeficairedicaí

<sup>28</sup> Onódicaiza, Juzíñamui nana cómemo íficaitífuaína ñue jaícina mamede, nana íena izírúitino ñue íllena. Ua Juzíñamui comeci jítaína izói, ie jíirigano ñue íaiói íllena, Juzíñamui illa dígamie mo cómuítífuaína ñue jaícina zúitafrede. <sup>29</sup> Mei Juzíñamui nana ie uícodo onóigano nanómoma mamede, ie Jitó illa izói íaiói íllena. Bie izói íaiói íllamona Juzíñamui Jitó ámatiaína itíaiói. Afemona aillo ite ámatiaí cígimona Jesucristo dama námiena jaide, Juzíñamui jaiái uícodo mámia izói. <sup>30</sup> Nana daíí ie mamécanona, daje izói íaíoína jíirite. Nana ie jíiriganona, daje izói ie anamo ñue jaícina itábicaítate. Daje izói, nana daíí ie anamo ñue jaícina itábicaítanomomo Crístromo nitaca ebíredífueña afe izói íaíoimo nitade.

<sup>31</sup> ¿Bífueña nie izói dáíticaí? Juzíñamui cai díbénemo íadi, ¿mei bu caina anáfenolle? ¿Cai anáfenoitena íñede! <sup>32</sup> Juzíñamui dama ie daade nahí Jitona cáimona rairuínede. Mei jíáifodo nana ñue cai jíllóíllena, ie daade Jitó titállena jeruíneno fecade. Iemona onódicaiza, nana jíáie cai jítaílle ríiduana naa ie Jitóoiri nágarui caimo fecáfíreite. <sup>33</sup> Juzíñamui níزعamacimo, ¿bu fiénidífueña nitárena? Afe izói nítaítimie íñede, mei afémaci nífuenidínoma Juzíñamui jae jino uáfodo llógaza. <sup>34</sup> Afe Juzíñamui níزعanona, ¿mei bu duere finótarena? Íaíoína duere finótáitímie jae íñede, mei Jesucristo íaiói ícoína tíizaíbiteza. Afe baímo Jesucristo tííllanomona meine abido cáadímiena jaíllano, Juzíñamui nabézimo ráinazaide, dínomona Juzíñamuimona cai ie canóíllífueña izire jícállena. <sup>35</sup> Cristo cai ie izírúíllana, ¿bu mei féítarena? ¿Meita duere cai zefuáíi, Cristo caina izírúíllana féítaite? Féítanide. ¿Meita llotáiredífuaíi caina ie izírúíllana féítaite? Féítanide. ¿Meita fiení caina finóacádíno caina ie izírúíllana féítaite? Féítanide. ¿Meita júbietaíllafue caina ie izírúíllana féítaite? Féítanide. ¿Meita íncaíroninafue caina ie izírúíllana féítaite? Féítanide. ¿Meita jíacífuai caina ie izírúíllana féítaite? Féítanide. ¿Meita tíizaíllafue caina ie izírúíllana féítaite? Féítanide. <sup>36</sup> Juzíñamui Cuega Uai bie izói dáídeza:

Nágaruillaí o ícoína tííllanomomo ánozítagacaí, mei íadi tííñedicaí.

Daje llezica caina titalle ovejáiaí izói mamédiaíoi.

<sup>37</sup> Mei íadi nana bie zúuredífuiamona, caina izíruitimie Jesucristodo, caifófeficaidino baímo ñue jino jáidicai. <sup>38</sup> Iemona ñue onódicueza, Juzíñamui cai ie izíruillana ráiruitena íñede. Naga raamo cai jíriadi Juzíñamui féitañeno caina izíruioide. Cai táillífue Juzíñamui caina izíruillana cáimona feitañeite. Daje izói bñiemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fieni ríinorede jóriai caina ie izíruillana cáimona rairuínide. Daje izói biruido comuídfuiái caina ie izíruillana cáimona rairuínide. Daje izói uire cómuitífuiái caina ie izíruillana cáimona rairuínide. <sup>39</sup> Daje izói Juzíñamui abi imácimona ríillaini caina ie izíruillana cáimona rairuínide. Daje izói Taífemo jaináidino ríillaini caina ie izíruillana cáimona rairuínide. Ua nana Juzíñamui finócanuiaimona buna Crístodo caímo jino cíotaga izíruillana cáimona rairuínide.

## 9

### *Juzíñamui jaiai uícodo Israel nairai nizede*

<sup>1</sup> Ja birui jáífue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue começi urilla uai ñue jino deide. Afedo bie cue lollífue nahí ua ráfueza, onódicue. <sup>2</sup> Be ñie: nana cue nairai comíniri iere zúuruiticue. Afémaci Crístomo íñoñenamona zúufueri comécina cuidíridicue. <sup>3</sup> Iemo mei cue dáinamona níbaí afémacina jíllotareníadi, Juzíñamuina, “Mai fieni cue faido,” níbaí raire dáíiticue. Mei íadi cue daina izói Juzíñamui cue faidódena, cue nairai imácina cáñoñeite. <sup>4</sup> Afémaci jaiai Juzíñamui nizécamié Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaioi cígimo ie íllado íemo ite áillue ebírede ríino Juzíñamui íaioimo jino cíotate. Daje izói íaioina ie ñuera finóllífuiái Juzíñamui íaioimo lloste. Iemo Juzíñamui Moisédo ocuica uaina llogáiaioi. Daje izói Juzíñamuina nahí caimátaitajana onótagaiaioi. Daje izói Juzíñamui lloga caimare íaioi íllúuai íaioimo íteza. <sup>5</sup> Bimaci mámecina jica jalleide judíuai jáíáidígimamona comuítagano. Iirainomo íaioi náiraimona Cristo cómena jócuaiibiga. Bífuiamona Juzíñamui naga ráfuiái jamánomo ocuállana onódicai. Iemona nana náiraimona illa dígamiái Juzíñamuina jaca ninomo fáicanocaiñeno íóbitarediaioi. Mai daí íteza.

<sup>6</sup> Diga ñúefuiái cue náiraimo duide; mei íadi Crístona náfueñediaioi. ¿Mei níbaí? ¿Níbaí Juzíñamui uícodo lloga Israelna ñuera daináuai figo déizaibíñede? Daíí daííñedicueza. Jáífodo jóide. Nana Israel náiraina maméidinomona dáarie Juzíñamui nízeñegano. <sup>7</sup> Daje izói Abraham méifomo comuídino dáarie ie nahí úruiaíñediaioi. Jaiai uícodo Juzíñamui Abrahana daide:

—Dama Isáacimona cómuitino o uáfueña méifomo comuídinona jaille, —daide. <sup>8</sup> Bie uai jáífueña cai onótateza: Dáamie ñuera náiraimo jócuado, dama áfedo “Juzíñamui jítdícue” daíínide. Mei jáífodo Juzíñamui uícodo daina uai fúitamona jocócana, dama afémaci ie uáfueña méifomo comuídinona mameina. <sup>9</sup> Juzíñamui Abrahana uícodo daina uai be ñie: “Uire afe nauí cue mamécaruimo meine bíiticue; íemo o aí Sara jíto jócoite,” daide.

<sup>10</sup> Iemo nai jáífueña ite. Rebeca jíto íaillinoi dáamiéna móorediaillinoi. Íaillinoi moo cai jáíáidígima Isaac. Afe jíto íaillinoi guarázaillinoi. <sup>11-12</sup> Mei íadi íaillinoi nai jocóñeniadi, afe ménaillinoi nai ññfuenina illa llezica, Juzíñamui Rebécana daide: “O jíto nánoramie ie méifoide ama anamo jabóidimiéna íite.” Juzíñamui daíí daide, bífueña cai onóillena: Afe íaillinoimona dáamiéna Juzíñamui nizéllena dama Juzíñamui começi jítna izói mamede. Afe Juzíñamui íaillinoimona dáamie níziafue íaillinoi finócafueñemona comuíñede. Dama Juzíñamui mámiamona íaillinoimona dáamie nizécamiéna jaide. <sup>13</sup> Juzíñamui Cuegáuai bie izói daide: “Jacob cue nizécamié, femona cue izíruigamié, mei íadi Esáu cue ruifruigamié.”

<sup>14</sup> Iemona dáarie nibai dáitaiioi: “Juzíñamui daií dáamiēna fia ruifíruillano jíáimie nizada máinua jaícina jóinēde.” Mei íadi bie comini daináuai uáfueñede; jaícina jóinēdifuena Juzíñamuimo jaca inēde. <sup>15</sup> Mei Juzíñamui Moisenā ja dáideza: “Daa cómemo cue dúecaicaniadi, afémiemo dúecaicitue. Daje izói daa cómena duéruillano riire ibana cue óiacañeniadi, íemo ibana óñeiticue.” <sup>16</sup> Bie Juzíñamui daina uáimona onódiacaiza: Juzíñamui dáamie eneno nízia afe come óiacanamona daingo comuñede. Daje izói afe come riire fínua mona Juzíñamui níziafue comuñede. Juzíñamui afémie nízia dama cómemo Juzíñamui dúecaicananomona comuide. Daje izói afe ímana ie canóacanamona comuide. <sup>17</sup> Mei jíi, Juzíñamui ie Cuegáuaido, Egipto illáimana daide: “Ja illáimana o jóneticitue, cuemo ite áillue ríino jíáimacimo odo jino cíotallena. Afe llezica iere duere o cue finólledo cue mámece naga náiraiāido jica jalléitaitio,” daide. <sup>18</sup> Ie jira onódiacaiza: Juzíñamui dama ie óiacana izói, daa cómemo dúecaite; íemo Juzíñamui dama ie óiacana izói jíáie come comécina híreitaite.

<sup>19</sup> Bífuiāimona daa come nibai cuena jícanoite: “Mei Juzíñamui afe ie óiacana izói finófredeza, jíáifodo ínindicai. Iemona ¿nibái mei fiénidifue ícoinia caimo nitáfírega? ¿Bu mei Juzíñamui óiacanafuena uáitarena?” <sup>20</sup> ¡Ací! ¿Daií dainámie cacai! ¿O iere ua ímiedicue daidío, Juzíñamuimo riire júfidollena? Mei nana Juzíñamui comuítagaicaiza bie jíáifuemo coméciri. ¿Mei nibai nogo, afe nogo niráingona dáite: “¿Níbái mei cuena bie izói nitio? ¿Daiíñeite! <sup>21</sup> Nogo niráingo daingo ie comeci óiacana izói afe nogóraina nírede. Afe daje nógorafella átuedo daa ebire eroide icíruna nírede, íemo daje nógorafella enéfenemona jamai nogócirina nírede.

<sup>22</sup> Iemona daje izói Juzíñamui finócafuiāi númeraza, onódicai. Afémiemo íñoñedinona Juzíñamui duere finótaacade, íemo ite fiénidifue gáíñenana jino ácatallena. Afe llezica íemo ite aillo nūera ríino jino comínimo onótaiacade. Mei íadi afémaci fiēni illafue ibana raire otáñede. Ie icírafue anamo itínomo, Juzíñamui raire comeci járitañede. Iaiomimo dúide niné táinocaitallifue na are ocuñede. <sup>23-24</sup> Daje izói Juzíñamuimo ite jamánomo nūera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíoñedinona nizada íaiomimo dúecaide. Dúecaillano íaioi fiēni illafue ibana oñeno íaioi jíllotate. Afe ie dúecaillado nizécánodicai. Afémie íaiāi uécodo, íemo ite ebíredifue mona afe cáiena oni caí maíñóllena caína mamede. Daií fínua mona, íemo ite jamánomo nūera ebíredifuiāi Juzíñamui caimo jino fidítate. <sup>25</sup> Jáiai Juzíñamui uai jino llóraima Oseas cuegánicomo Juzíñamui bie izói daide:

Cuemo jáináiñede comínina “Cúeiena” náamataicitue.

Daje izói nauí cue izíruiñega náiraina “Cue izíruiagamacina” mámeicitue.

<sup>26</sup> Daje izói batí jíáie éniemo itínona Juzíñamui daina “Cue comíníñediomoi,” afénomo itínona “Cáataite Juzíñamui jíotíaiāna mamélliaioi,” —daií Oseas daide.

<sup>27-28</sup> Mei íadi Israel náirai dibénemo Isaías daide: “Israel comini iere aillo jebudíaiioi, ua monáillai fuédamo ite facádonide guamájiāi izói, jamánomo áillomaci. Mei aillo jebudíaiioi íadi, afe náiraimo Juzíñamui raire duere finótalle mei, daa dúemacina fiébitaiioi. Dani afe dúemaci jíllotiaioi. Mei jíi, Juzíñamui ie daina uai izói náiraina duere zefuúllifue jino zúitaitē.” <sup>29</sup> Dáamie Isaías afe duere zefuúllifue uécodo llote:

Mei jamánomo ríinorede Juzíñamui, caína due méifomo cómutinona níriñeniadi, Sodomā íemo Gomorra diga jofue náirai niné táinocaila izói niné táinocaiticai, —daide.

*Jesucristo caí jíllotalle nūefue daje izói Israel comínimo dúide*

<sup>30</sup> Cai lloga uailái bie izói daífacade. Be níie: Judíoñedino Juzíñamui anamo nūe jaícina íaioi illínona figo jenóñediaioi, mei íadi Juzíñamuimo íaioi ínuamona, Juzíñamui anamo nūe jaícina itátagaiaioi. <sup>31</sup> Mei jíáifodo afe Israel náirai, (judíuāina maméidino) Juzíñamui anamo nūe jaícina íaioi itátaitē ocuilla uáillaina jenódiaioi, mei íadi afe uáillaina nūe

ícoimo figo dúcitañediaioi. <sup>32</sup> ¿Níbai mei afeno baiñédiaioi? Mei Juzíñamuimo ínuado íaioi comeci ñue jaícina jóillifuena jenóñediaioiza. Dani íaioi nícidogafuaimo comeciídiaioi. “Níbai aféfuiaido Juzíñamui anamo ñue jaícina íitícaí,” daidíaioi. Ie jira Juzíñamui oreca jíllotaitimiemo, ñie Jesumo, uieco riire finódiaioi; ínuano Juzíñamui anamo ñue jaícina íñédiaioi. Come iodo jáiaídi éicitaila izói, Jesumo éicitaidiaioi. Afémie iomo éicitaitate nofici izóidímie mei afémie núemie, mei íadi ruifíruigamie. <sup>33</sup> Juzíñamui Cuegáuai afémie dibenedo bie izói úrite:

Omoi cácarei, judíuái iomo éicitaitate nofici izóidímiema jóneticue.

Afemo comini éicitailano oni níbéfodo báitíiaioi.

Mei íadi nana íemo ínotino íena meáiruñeitiaioi.

## 10

<sup>1</sup> Cue ámatiaí, nane ómoína dáitíicue: Cue nairai israelitas imaci jíllloillena, nana cue comécido izire óiacadicue; íemo áfena Juzíñamuimo jícáfiredicue. <sup>2</sup> Bie ñúefue afémacimo nitáredicue: Juzíñamui comeci jítainafuemo nágarui iere járidofírediaioi. Mei íadi áfena ñue jaícina íaioi fidíñenamona daí táinomo járidotiaioi. <sup>3</sup> Comini Juzíñamui anamo ñue jaícina ie itátallifuena, íaioi ifócimo ñue denóñede. Mei jíáífodo Juzíñamui anamo itábicaíñeno dani íaioi mameca comeci ñue jaícina jóitaitífuemo járidotiaioi. Ie jira Juzíñamui lloga ñue jaícina itátaitífuena maíñóñediaioi. <sup>4</sup> Mei jíi, Cristo billano nana íemo ínotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íaioi íllena, Moisés ocuica uaimo dani íaioi níciduafuena Cristo jae féitate.

<sup>5</sup> Ocuica uai jeire úado Juzíñamui anamo ñue jaícina cai illífué dibénemo Moisés bíena daide: “Nana ocuica uailai dáamie ñue ícoimo fuitáadi, áfede afémie are iite.” Mei íadi afe uáillaina ñue jeire otímiena íñede. <sup>6</sup> Mei jíáífodo, Jesumo cai ínogafuedo Juzíñamui anamo ñue jaícina cai illífuena Juzíñamui Cuegáuai bie izói daide: “O comeci anado bífuena daí jícanoñeno iri: ¿Bu mei caífo monamo jaille, Cristo ana cai jíllotataíbillena?” <sup>7</sup> Daje izói bie jíáífue daíñeno iri: ¿Bu mei ana tíidino illánomo jaille, afénomona Cristo caina caífo jíllotataíbillena?” <sup>8</sup> Juzíñamui Cuegáuai bie izói daide. Be ñie: “Ací, Juzíñamui jíllotaja uaina ja cacádiomoi. Ie llógamo ja comeciídiomoi.” Bie uailai ómoimo cai lloga omoi ínollífué. Be ñie: <sup>9</sup> O fúedo jino comínimo “Jesús cue nahí Ocuíraima,” o daííadi, nane daje llezica afémie tíillanomona meine abido cáadímiena Juzíñamui jáitagamiemo o comécido o ínoiadi, ua jíllotío. <sup>10</sup> Mei Juzíñamui anamo ñue jaícina cai itábicaillena, afémiemo comécido ínoredicai; ie mei Jesucrístomo nahí cai jaináinafuena, cai fúedo jino comínimo llóredicai, áfede ñue cai jíllloillena.

<sup>11</sup> Juzíñamui Cuegáuai daide: “Nana íemo ínotino íena meáiruñeite.” <sup>12</sup> Jesucristo nana náiraimo daje uaido úrite. Judíoñedinona énenoruiñeno daje uaido íaioimo úrite, naa judíuái díga. Nana nairai Ocuíraima daide Jesucristo; nana afémiemo jícádinomo afémie jaca dúecaífirede. Ja ie jira íemo ite jamánomo ñúefuiaimona íaioimo fecáfirede. <sup>13</sup> Mei Juzíñamui Cuegáuai daí dáideza: “Nana cai Ocuíraima Jesucrístomo jícaítino jílllotiaioi.”

<sup>14</sup> Mei íadi Crístomo nai íaioi ínoñeniadi, ua afémiemo jícánidiaioi. Daje izói afe jíllolle uai nai íaioi ñue cácañeniadi áfemona nai ínonidiaioi. Iemo afe uai jino llóraima nai íñeniadi, afe uaina ua cacánidiaioi. <sup>15</sup> Afe izói, uai jino llóraimana nai íaioi ocuñeniadi, afe ñúefue uaina ua jino llónide. Jira Juzíñamui Cuegáuai bie izói llote: “Núefue lluaíbitímie billa iere ñuera.”

<sup>16</sup> Mei íadi nana cue nairai imaci, Cristo daína ñúefuena jeire oñédiaioi. Jaiái uai llóraima Isafas dama bie izói daide: “Ocuíraima, cai lluaíbigafuena jaca buna ínoñena!” daide.

<sup>17</sup> Aféfuiaimona bie izói onódicai: núefue fidínamona comini ínotinona jáidiaioi. Iemo dáamie Cristo daína uai jino lluaíbillamona, comini afe núefuena fidídiaioi.

<sup>18</sup> Mei íadi jicánoticue: ¿Mei nibai nana judúuai afe ñúefuena fidíñediaioi? ¡Iñede! Ja fidídiaioi. Juzíñamui Cuegáuui daje izói llote:

Afefue llóraini úrilla uai nana énie náiraiaido cácacaide.

Iaioi dainúuailai nana énie fuédamo jica itínuaimo ñue jalleide, daide.

<sup>19</sup> Dánomo nane jíáifuena jicánoticue: ¿Mei nibai afe cacánafue Israel comini ífócimo nai figo déñede? Dáamie Moisés, Juzíñamui dibébedo fueñe uai ote. Moisedo Juzíñamui daide:

Ua comíñedimacimona ómoína úradoitaiticue,

Daje izói abina onóñede nairai icoinia ómoína iciritaiticue, daide.

<sup>20</sup> Afe mei Isaías jacíruiñeno Juzíñamui dainafue llote. Be ñie:

Cuena jenóñedino ja cuena baitíaiioi.

Cuena jicánoñedinomo dama cue abina ja onótaticue, daide.

<sup>21</sup> Israel nairai dibéñemo Juzíñamui dainúuai Isaías llote. Be ñie: “Nágaruillaido cue uaina náfueacañedinona uáidotícue. Mei íadi fairioñediaioi. Daje izói cuena uáitaoidinona uáidotícue, mei íadi náfueñediaioi,” daide.

## 11

### *Israel náiraímona dáarie jilloitaiioi*

<sup>1</sup> Iemona nane jicánoticue: ¿Ja nibai Juzíñamui ie nizeca Israel náiraina ruifruiga? ¡Jaca íeñede! Mei cue dama Israel nairai ímiedicue. Daje izói Abraham iziedicue. Iemo

Benjamín comínimona comúdicue. <sup>2</sup> Jaiái ñinomo úcomo íeiena onoiga Israel comínina birui ruifruíñeite. Uáfueza, uai llóraíma Elías daína uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fieni finócafuiái íaioimo riire jítade. Daide: <sup>3</sup> “Cue Ocuíraíma, o uai jino llórainina fatíaiioi. Daje llezica o ióbitalle illánuaína niné táinocaitatíaiioi. Afemona dama cue fiébilla. Iemo daje izói nane cuena titáacadiaioi,” daide. <sup>4</sup> Mei íadi Juzíñamui ie uai fairíote: “Siete mil dígamaci eneno cúeiena ja ñíriticue. Afémaci afe taíno juzíñamui Baal jánarai anamo caiñici ífodo dújuñediaioi, ie ióbitallena,” daide. <sup>5</sup> Ie jira daje izói birui judúuaimona íñote dúemacina eneno mamécaiaioi. Juzíñamui nana comínimo dúecaillano daa bimácina oni eneno nizede. <sup>6</sup> Bie níziafue Juzíñamui caímo dúecaillamona comuide. Iemona come finócanamona comuñede. Mei íadi cai níziafue come finócanamona comuñeniadi, Juzíñamui caímo dúecaillafue nahí caimare dúecaillafueñede.

<sup>7</sup> Bie daináfue ¿mei nífuena cai llote? Be ñie: Israel comini íaioi jenoca Juzíñamui anamo ñue jaícifuena baiñediaioi. Mei íadi Juzíñamui nizeca dúemaci afe íaioi jenócana otíaiioi. Ie mei baiñedimaci Juzíñamui íaioi comécina riiretade. <sup>8</sup> Juzíñamui Cuegáuui daíf daide: “Bimácina Juzíñamui comécina tíidino izói finode. Uina cóiñedino izói íaioína finode. Daje izói jefona cacáñedino izói íaioína Juzíñamui finode. Nai afémaci jaca biruillaímo bie izói itíaiioi.” <sup>9</sup> Iemo jíái David Juzíñamuimo jícajano daide:

Juzíñamui ióbitallena íaioi finoca güilláfuiái táinona finódiaioi.

Afe jira Juzíñamuina daidícue: Mai duere íaioi finoiri.

Iemona aféfuíai tácofo izói íaioimo jáiteza; daje izói llójeji izói jáiteza.

Afe táinona finócafuiáimo éicitallano izói duere finólliaioiza.

<sup>10</sup> Daje izói uina niríidino izói mai mei íaioi jáilleza, Juzíñamui ñúefuíaí íaioi ónoñeilleza. Iemo nágarui iere baizídaitaganona íítiaioiza, daide.

### *Judíoñedino jíllotafue*

<sup>11</sup> Ja birui nane jicánoticue: ¿Ja nibai judúuai íaioi éicitallamona niné nana táinocaitalliaioi? ¡Jaca íñédeza! Mei jíáfodo judúuai Juzíñamui lloga uaina cacáacañena llezica, judíoñedino aféuai cacáillano íaioi jilloillifue maiñódiaioi. Afe íaioi máíñua Israel comínina úradoitate, afe jíllonafue otino illa izói íaioi íllena. <sup>12</sup> Iemona judúuai íñoñenafue

firainomo nana náiraiaina canode. Afe judúuai ícoimo fuitáñeno zóofenocaillafue, judíoñedinona ñue canode. Mei íadi judúuai meine abido Jesumo ñnuaila llezica, nana náiraiái jamánomo ñue ézicilliaioi.

<sup>13</sup> Ja birui judíoñedinomo úriticue. Mai omoi cácarei. Mei judíoñedinomo ñúefue llujállena Juzíñamui orécacueza, afe bie cue llócaillifuemo iere járítai-firedicue. <sup>14</sup> Nibai áfemo riire cue tájjinamona, cue nairai comini, omoi illa izói íacaitiaioi; afe izói íaioi íllena jitáidicue. Afemona afémacimona dáarie ñue jlllobicaitiaioi. <sup>15</sup> Mei Juzíñamui judúuai ruiffruillamona nana jíáie nairai Juzíñamuimo comeci caimare uái illáfueña llogáiaioi. Lemo uire judúuaina íaioina Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. <sup>16</sup> Mei jíi, Abraham Juzíñamuimo dúinamona, nana ie anamo comuíoicaidino Juzíñamuimo dúidiaioi. Daje izói da amena jáinao Juzíñamui íeiena maméiadi, daje izói nana afe amena ícairuái Juzíñamuimo dúide.

<sup>17</sup> Mei íadi dáarie Abraham anamo comuídino íaioi íñoñenamona Juzíñamui comínina íneillena ruiffruigaiaioi; íemo ie uai jeire omoi úamona Juzíñamui comínina itátagaomoi. Afe ruiffruigamací ífomo jae jóonegaomoi; jóoneficaillano Juzíñamui Abraham imácimo lloga ñúefuiaí daje izói llíñorediomoi. Ie jira judúuai ñuera olivo amena naa ie ícairuái diga izóidiaioi. Lemo omoi nano fueñe jazicí amena ícairuái izóidiomoi, mei judíoñediomoiza. Jae judúuaimona dáarie íaioi íñoñenamona amena ícairo jaitaina izói jaitácaiaioi. Afe mei omoi íñuamona afe jaitácairuái méífomo jóonegaomoi. Ua, jiaí jaitaca ícairuái jíáie aménamona méífomo zicóllena jóonegano izóidiomoi. Birui daje moi ícoraimo jaináidiomoi. Afe ñuera olivo jíido cáadiomoi. <sup>18</sup> Ie jira abina íñoñeno iri. “Olívomona jaitaca ícairuái izóidimací baímo ñueracue” daíñeno iri. Afe izói daíñidiomoi, mei ñuera olivo moi ícoraíaina cáatañediomoiza; daní jíáinamona zicóllena jóonega ícairuái izóidiomoi. Mei uáfueza, daní Juzíñamui nizeca comínimo birui omoi jaináinamona ie lloga ñúefuiaí llíñorediomoi.

<sup>19</sup> Nibai dáamie dáite: “Dáarie afe ñuera olivo ícairuái jaitácaiaioi, afe méífomo cue jóonellena”. <sup>20</sup> Jíáinamona ñuera olívomo zicódiomoinia ñuera, mei íadi jaitaca izóidimací jíáifo joide: Juzíñamuimo íaioi íñoñenamona jaitácaiaioi. Daní omoi ínogafuemona jóonegaomoi. Lemona áfedo daní abina íñonidiomoi. Mei jíáifodo omoi jaitábiza abina ñue omoi rairuiri. <sup>21</sup> Mei Juzíñamui nano nizécánona figo íaioi íñoñenamona jizíñeno íaioina ruiffruite, afémie daje izói omoi figo íñoñeniadi, amena ícairo jaitaina izói, jizíñeno raíre ómoína ruiffruiteza. <sup>22</sup> Mai bífuemo omoi comécíiri. Juzíñamui daíí omoi jóoniano iere ñuera. Afedo afémie ómoimo dúecaifrenana fidíidiomoi. Mei íadi nane afémie iere riire jáicína ocuídímie, mei ie uaimo náfueñedimacina afémie iere duere finode. Mei jíáifodo afémie ómoiri dúecaifrede. Lemo fáicanocaiñeno ie uaina jeire omoi oíadi, ie dúecailla dibénedo íifireitiomoi. Afefue jeire omoi óñenia, jíái ómoína afémie jáitaite. <sup>23</sup> Mei jíáifodo judúuai nane abido íñoia, afémací abido dáanomo jofo jóonelliaioi. Mei Juzíñamuimo meine íaioi jóonelle ríino ite. <sup>24</sup> Mei omo judíoñediomoiza, jica ite oníñemací izóidiomoi; Juzíñamui comínimo due jiza dúíñediomoi. Daíí omoi illa llezica Juzíñamuimo omoi íñuado, afémie ie comínina ómoína itátate. Ie jira nano fueñe ie nizécamacimona oni nibéfodo baíídino íaioi íñoiadi, abido daje ie comínina itátallena, Juzíñamui dibénedo jamánomo juánide.

*Iirairuillaído Israel nairai jíllotiaioi*

<sup>25</sup> Amatiai, omoi cacai. Afe olivo amena ráfuena ja ómoimo lloticue, uáfodo ónoñega Juzíñamui mamécafuena comécido omoi onóillena. Juzíñamui nanómona comécido mamérrillafuena ómoína fidítaiacadicue. Aféfuena ónoillano Juzíñamui comínina omoi itátagafuedo abina íñoñeitiomoi. Juzíñamui mamérrillafue bie izói joide: Juzíñamui Israel



nabémacina comécina riire finode, mei íadi nano íanori íaioi comécina riiretade. Iaioi comei riireta mei, Juziñamui nana jíáie náiraina caimare uáidote, íaioimona nana Jesumo ínotino nizéllena. <sup>26</sup> Nana Juziñamui óiacana dieze íemo ínotimaci ofille mei, nana Israel nairai jíllloizitiaioi. Mei Juziñamui Cuegáuai daí daide:

Cai Jíllotarama dani cáimona cómuite.

Afémie Jerusalén jófuemona biite. (Afe jofue jíáifodo Sióna mameide.)

Jacob meifo ígímaiaí íaífuaína afémie múiñoite.

<sup>27</sup> Iaioi fiénidífuiaí oni cue dolle mei nana úcodo cue lloga núefuiaí ñue fuite, daide.

<sup>28</sup> Nana comini jíllloille uai dibénedo judíuai fairfoñediaioi. Iemona judíuai Juziñamui ruiífriugaza, ie bacáuai imácina jáidiaioi. Ie bacáuai imácina íaioi íllamona Juziñamuimo cai nabáirillino comuide. Mei íadi Juziñamui nai íaioina izíruite, íaioi jaiáidígimaiaí ie nízia jira. <sup>29</sup> Mei uáfueza. Juziñamui ja ie fecaca raana abido bairóñede. Daje izói cai ie uáiduafuena jaca jíáifodo méidoñede. <sup>30</sup> Naui Juziñamui uaina íñoñediomoí; mei íadi jíái birui judíuai daje izói íaioi íñoñenamona Juziñamui ómoiri dúecaizaide. <sup>31</sup> Ja birui nano áinori judíuai Juziñamui uaina íñoñediaioi, Juziñamui ómoimo dúecailla izói íaioimo dúecaillena. <sup>32</sup> Bie uáillaímona bífuena onódicaí: Nana jíáie comini ie uaina dájerize íñoñediaioi. Ie uaina cai íñoñenamona fiénidífuiaí finóñedicaí. Iemona Juziñamui nana caína dájerize cai gaiga fiénidífuiaímo llaveca izóidina jónete. Afémie bie izói caína daide, afe méifomo afémie nana caimo dájerize dúecaillena.

<sup>33</sup> ¡Diga Juziñamui ebírede comei ífuiaí caimo ie dúecaillena, naa ie onóigafuiaí diga! ¡Afémie iere ráfuena baitádimie! Úcodo ie mamérrillafuaína cai jino llónidicaí. Daje izói eneno dáarie comínina ie níziafuiaína, onóñedicaí. <sup>34</sup> Cai Ocuíraima comei úrillafuaína buna onóñede. Daje izói afémiena bu llófuetime íñede. <sup>35</sup> Iemo jíái cai Ocuíraimamo raana izájitimie íñede, afe raa íba llínollena. <sup>36</sup> Mei nana ráaniaí Juziñamui comútaga. Nana afémie ínocá; daje izói íeiena nana finode. Jaca zíñona Juziñamuina íóbitoaredicaí. Aqué izói íteza.

## 12

### *Juziñamuimo ñue jaícina cai dúina uai*

<sup>1</sup> Cue ámatiaí, birui Juziñamui caína dúecaillamona, ómoimo izire jicádicue. Dani omoi mai Juziñamui anamo itábicaíri. (Dani omoi comei gaínafue finóñeno, mai Juziñamui comei jítainafue omoi finori, cai ie ocuilla izói.) Juziñamui íóbitalle rille jaiái íemo jaiái feca izói, nai omoi caana llezica, Juziñamui anamo dani omoi mai ñue itábicaíri, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oíri. Nana bífuiaí ñue cai fínuamona, cai joréñodo Juziñamuina caimátaitadicaí. <sup>2</sup> Bniemo ite comini comei táinomo facáoidiaioi. Mai, afe izói omoi íñeno iri. Mei jíáifodo, omoi comei ífuiaí, mai jíáifodo méidori. Daí omoi comei ífuiaí omoi méiduamona afe izói Juziñamui nana o íllafue cómfuena méidoite. Afemona Juziñamui comei ñue jítainafue ónoíticaí. Daje izói ie jítaina núefue ónoíticaí, naa ie cai íóbitallífuiaíri. Daje izói ie ciona jaícina jóidífuiaína ónoíticaí.

<sup>3</sup> Juziñamui cuena dúecaillano cuemo jónegafuedo, nana ómoína dáitícue. Juziñamui cai fibítajafuemo da comécina facáredicaí. Afedo abí cai íinolle ñuera. Mei íadi afefue baímo táinodo ínonidicaí. Iemona nana ómoimona dámie, afefue baímo dama ie abina íñoñeno iri. Mei jíáifodo illa dígamie comécina ñue jaícina facárede, Juziñamui femo lloga ie comécimo Juziñamui comútaga ínuafue dáina izói. “Da come abimo aillo táijide ráaniaí ite. (Onoi jíáifodo táijide. Daje izói idai táijina jíáifoide. Daje izói fue táijina jíáifodo joide. Daje izói jefo táijina eneno jíáifodo joide.) Mei íadi daade cai abí íadi. Naga cai abimo ite raa eneno jíáidofodo caína canode. Daje táijinamo íñediaioi. <sup>4</sup> Daje izói, áilloziena Jesumo ínoticaí. Aillo cióidicaí íadi, daade abí izóidicaí. Ua, Crísto mo dájena cai jainánamona,

dáamiede abina iticai. Dáamacidicai. Afe llezica dáamiedicai abimo ite táijide raa izói, dani conímamo dájena jaináidicai.

<sup>6</sup> Naga cómemo Juzíñamui jóonega táijinana fibíllafue jiáifodo joide. Juzíñamui comei óiacana izói, afémie naga cómemo fecade. Bie táijinana fibíllafue ñue jeire óredicai. Dáamiemo Juzíñamuimona onoi ga uailai jino llóllena fibítaga. Afemona áfena afémie rairuíñeno jiéruirede. Nano ie ñnogafue íllaze jino llófuere. <sup>7</sup> Jiáimaci cai canófireille fibíllafue Juzíñamui caimo jóoneiadi, áfedo rairuíñeno canóredicai. Daje izói llófuiana fibítagamie, afe ie llófuefirenamo ñue járitairede. <sup>8</sup> Afe izói jiáima comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe íbana ie maiñóllemo coméciinide. Fia íaioimo dúecaillano fecádenia ñuera. Afe izói comini jetállifuena ocuídímie caimare abi rairuíocana ocuífede. Duéredino canófiredimie, caimare íaioina canórede.

*Jesumo* ñnotino finórede uai

<sup>9</sup> Táinona lloñeno conímama izírui. Íaifue bai oñeno iri, mei íadi ñúefue jeire omoi oíri. <sup>10</sup> Jiáimana caimare nahí ama izói izírui. Afémiemona raire uícoficaiñeno iri, mei jiáifodo méifomo fiéñeno raire íena o uíodo o otátari.

<sup>11</sup> Ráiraieñeno jiere omoi iri. Ñue naire cai Ocuíraimamo omoi táijiri.

<sup>12</sup> Cai ocuírínafuemona caimare omoi ífireiri. Duere omoi zefuíadi, áfemo raire járitaiñeno, fáicana caimare úriri. Juzíñamuimo úrillana jaca féítañeno iri.

<sup>13</sup> Jesumo ñnotino jitailla raana, íaioi canóllena jeruíñeno fecari. Nana omoi jofomo uáiduaibitínona caimare uáidori.

<sup>14</sup> Omoi fieni finóðinona ñue caimátaitari. Íaioi íbana fieni faidóñeno, íaioi cáimafuiai Juzíñamuimona jicari.

<sup>15</sup> Caimátaidino diga caimare omoi iri. Daje izói raamo jírídino omoi dúecairi. Eedino diga omo eeri, íaioi fírallena.

<sup>16</sup> Conímama úradoiñeno iri, dájena illa dígamie mo ñue coméciiri. Daje izói fieni abina ñnoñeno iri, mei jiáifodo comécina mánaidino izói omoi iri. “Iere baitádimiedicue” comécido daíñeno iri.

<sup>17</sup> Da come fieni omo finóadi, afe íbana afémiena fieni finóñeno iri. Mei jiáifodo, nana comini eróicana íba oñeno ñue o finori. <sup>18</sup> Omoi illa dino, nana comini comei jacíruiñenafuedo caimare uái omoi iri. <sup>19</sup> Cue izírui ga ámatiai, fiénidífue comuíadi, íbana omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jii, Juzíñamui Cuegáuai daide: “Duere finóllífue cuemo dúideza. Daje izói cue íba ólleza. Daí cai Ocuídímie daide.” <sup>20</sup> Nane dánomo daide: “O bacáuai ímie juffruia, ícíneno íena ecari. lemo afémie jiróacaniadi, ie o jirótari. Bie izói ie o fínuaomona, izire íena méaicaitaitio,” Juzíñamui Cuegáuai daí daide. <sup>21</sup> Fiénidífue omoi anáfenuamona abí omoi rairuiri. Mei jiáifodo ñúefue jeire omoi úado, fiénidífue maí omoi anáfenori.

## 13

<sup>1</sup> Nana comini omoi jamánomo ocuídillaíma ocuica úiñotíllaini anamo ñue omoi itábicaíri, mei nana ocuídillaíni Juzíñamui jóonegaza. Afémie jóoneñega ocuídímiena íñédeza. <sup>2</sup> Iemona afe úiñotíllaímana uáitaoidímie Juzíñamui jóonegamiena uáitate. Nana daí uáitatino, afe ie uáitaja ícoina afemacina Juzíñamui duere finótaite. <sup>3</sup> Mei jii, ñúefuena jeire ófiredino ocuídillaímana jacíruiñeítaiioi; mei jiáifodo fieni finóðino jacíruiñena jóonegaíaiioi. ¿Meita ocuídillaímana jacíruiñedímiena ícadío? Maí ñúefuena jeire o oíri. Iemona aféllaíma “Facátagamiedio” ona dáíte; <sup>4</sup> mei afémie Juzíñamui táijitagamieza, ñúefue díbenemo o jaináillena canóllena. Mei fiénidífue o finóadi, aféllaímana jacíruiñedio, mei afémie duere finótalle ríino táinomona íñegaza. Uafue, afémie Juzíñamui táijitagamie nana fieni itino duere finótallena. Nana íaioi fieni finócafue íllaze ñue jáicina íaioina duere finótaite. <sup>5</sup> Ie jira ocuídillaíni anamo itábicairediomoí, daa

duere omoi fínobiñeillena, mei fadi daje izói Juzíñamui jóonega omoi comeci úrilla uai jeire omoi óllena. <sup>6</sup> Afe bie izói ñue omoi íllena, ocuðillaini lloga gobiérnomo íbárede úcubena íbáfirediomoi. Mei jii, aféllaini Juzíñamui táijitaganano. Afe íaioi táijnamo izire járitaoidiaioi.

<sup>7</sup> Iemona naga cómemo dúide raana, mai jeruíñoño ñue íemo ine. Gobiérnomo cai jaináinamona, íaioi ocuica úcube llínoraíma lloga gobiérnomo dúide úcubena mai omoi fecari. Daje izói gobierno caímo jicana oga raa, emódomo rainócana áfena mai omoi íbari. Naga ocuðillaimamo dúide ñúefuedo jacíruioinafue, áfedo ñue íena omoi jacírui. Daje izói naga jamánomoidillaimamo dúide ñúefuena, mai áfena íemo omoi nitari. <sup>8</sup> Omoi záitaiñega íballífueña bumo itáteñeno iri; jáífodo daa ñue íballífue ite. Afefue jáímána cai izíruillífue. Afemona dani conímaíana izíruiredicai. Mei naga conímána izíruitimie, áfedo Juzíñamui ocuica uaina ñue jáícina fuitádeza. <sup>9</sup> Jiaíai Juzíñamui ocuica lletara uaillai daide: “Jíruífueña fínóñoño iri, cómena titáñoño iri, meríríñoño iri, jáímamo táinona lloñoño iri, jáímíemo ite ránaíari úradoíñoño iri.” Mei fadi bie ocuica uaillai naa jáíie lletara uáillairi daa bie dáinamo dájena itaíaoi: “Dama o abina o izíruilla izói, afe izói o abi cómena izíruiri.” <sup>10</sup> Izíruitimie ie abi cómemo fiénidífueña fínóñede; íemona izíruillafuedo Juzíñamui ocuilla uaillai ñue jáícina jino zuitárede.

<sup>11</sup> Nana bífuiaímo jeire omoi ua llezica, birui cai illáruillaímo ñue mai cai uibóilli. Ja iere abi cai rairuillírui mo ja dúcidicai. Afemo ñue omoi comécioiri. Mei Jesucristo caina jillotajano uire jáíruido caina uáíbíteza. Afe ie cai uáíbillírui mo ja áinozide. Fueñe Jesús uaina cai ínuua llezica, afe cai ie uáíbillírui bai jica ite, mei fadi birui ja aféruimo itáicaiza. <sup>12</sup> Bie énie fiénidífue ápera naio izoide. Afe bie ápera naio ja monáiacade. Jítinomo fínoca fiénidífuiái fínuaña ja fáicanocairedicai. Fuiríraíma ie abi ríidua llojeco jítaja izói, afe izói íaífue cai fínóñeillena cai comeci rairuillafueña jeire óredicai. Ie mei ñúefuedo, úzefomo itino izói macáredicai. <sup>13</sup> Ua, úzefomo itino izói, mai ñue jáícina cai macalli. Jífaífrenafuemo mai cai íneilli, naa fiénide aillo güillárenafuairi. Afe izói nana jíruífuaímo mai cai íneilli, naa jáíie comeci meáire óíacanafuairi. Daje izói dájena comécíñedímaci izói íñoño omoi iri. Iemo jáíi fiénide júfidogafuedo mai cai úríñeilli, naa úradoillafuairi. <sup>14</sup> Mei jáífodo Jesucristo ñue illa izói, ie cánuado afe ñue illáfuemo mai omoi iri. Omoi comécímo ite fieni óíacanafuemo, áfemo mai omoi comécíñoño iri. Daje izói, afefue omoi fínóllemo maméríñoño omoi iri.

## 14

### *O ama jánana fieni úríñoño iri*

<sup>1</sup> Juzíñamui uai como fueñe jabo íñotimiena, ñue jofo omoi cígímo llínori. Afémie íñogafueña féitaacianadi íena caímare uáidori. Ua, ie íñoga onóñega uáillaímo aillo omoi úridoñoño caímare íena omoi uáidori. <sup>2</sup> Mei jii, “Naga raana íáíruiñoño güíredicai,” daífiredínona ite. Daje izói dáarie Juzíñamuímo jabo íñotino “Ríllena ríñoño da ria llizíllana güíredicai,” daífirediaioi. <sup>3</sup> Ie jira naga raana güítimie mai afe ríllena fímairitimiena jámairuíñoño iri. Afe izói, fímairitimie, mai naga raana güítimíemo comeci fieni facáñoño iri. Mei Juzíñamui afe íaillínoí, íemo ínuamona, ie comínina caímare íaillínoína uáídoteza. <sup>4</sup> Afémaci Juzíñamui ocuícamaciza, íaioína fiénidífuedo jícanonídió, mei afémaci óíeñedeza. Dani íaioi ocuídímíemo uai órediaioi. Íaioi illafue ríire jícanollena dama íaioi ocuídímíemo dúide. Ocuícamie illafue ñúenia, ie ocuide Juzíñamui duere íena fínoite. Mei fadi afémie ñúefue díbénemo féitañoño íite, mei cai Ocuíraíma Jesucristo ríinoñedeza, afémiena ñúefuemo jáícina jaináitallena.

<sup>5</sup> Daje izói, dáamie nágaruillai baímo daa illírui eneno rairuide, Juzíñamuína caímáitallena aferui judúaí ráfuena jira. Jáímaci naga mona daje izói núeruillai,

daidíai. Illa dígamie dama ie comeci úrillafuena ñue onótaredeza. <sup>6</sup> Daruina eneno ráiruitimie, cai Ocuíraima íóbitallena íeiena íllamona, aféruina eneno rairuide. Daje izói nana raana güítimie cai Ocuíraima íóbitallena íáiruiñeno güífiredre, mei afémie afe güílleri Juzíñamuina “íere figora” dáideza. Daje izói cai Ocuíraima íóbitallena ímairitimie ímairillano Juzíñamuina “íere figora” daide.

<sup>7</sup> Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede. <sup>8</sup> Cai caana llezica cai Ocuídímie mo jaináidicai. Daje izói cai tíiadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraima íédicai. <sup>9</sup> Mei jira Cristo tíizaíbillano, meine abido cáadímiena jaide, cáadino náamata izói, daje izói tíidinona náamatallena.

<sup>10</sup> Mei íadi comínina náamañedio. Iemona ¿nibái mei o ama jánana íieni úrillano íena riire jicánotio? ¿Nibái mei íena izíruiñeno jámairuitio? Mei jii, nana cai Cristo uícomo ácatallicai. Afénomo afémie caimo itífueña riire jicánoite. <sup>11</sup> Juzíñamui Cuegáuai llote: Uáfueña jaca ninomo cáadímiena cue íllana onódiomoiza; afe izói uáfueña nana comini cuemo eróicana íaíoi cañici ífodo dújuzaíbitiaíoi.

Daje izói nana comini jino uáfodo ñúefueña Juzíñamuimo nítaitiaíoi, daide.

<sup>12</sup> Iemona jae onódicaiza, cáimona illa dígamie dama ie illáfueña afe Juzíñamuimo jáanoñeno jino íemo llórede.

*O ámama ñúefuemoni oni nibéfodo baíftañeno iri*

<sup>13</sup> Ie jira benómoma mai conímama comécido íeni úriñeno iri. Mei jíáfodo, nágarui omoi íinócafuaíido conímama íénidífueño omoi baíftañeno iri áfemo mai ñue omoi maméiriri. Daje izói omoi illáfuedo afémiena íeni facátañeno iri. Afemona abí omoi rairuiri.

<sup>14</sup> Jae onódicueza, nana güille naa rílleniaíri, dama íainideza. Ua, cai Ocuíraima Jesumo cue ínuamona, ie daña izói, cómena íáiruitaite güille íñedeza, ñue onódicue. Daa “Bíena cue güíadi cuena íáiruitaite” comécido daidímie mo, afe raana afémie güíadi íena íáiruitarede. <sup>15</sup> Mei jíáfodo, o ama comécilla rairuica güille o güíllamona o ama o ríitaiadi, íena ja figo izíruiñedio. Mai daade o güíacaga güíllado, Jesumo o ínote ama íáifuemo féiraitañeno iri; mei afémie jíllloillena Cristo tíizaíbiteza. <sup>16</sup> Omo ite ñue íinócafuaíido jíáimacina íeni úritañeno iri. <sup>17</sup> Mei jii, daa cai güíga raado Juzíñamui comínimo jaináínedicai; daje izói daa cai jiroca raado afémacimo jaináínedicai. Mei jíáfodo Juzíñamui anamo ñue jaícina cai íllamona Juzíñamui comínimo jaináitagacai. Daje izói Ñuera Joreño caimo comútaga caimare comeci uái illáfuedo, afe dibénemo jaináitagacai. Daje izói íeri cai íóbioíllafuedo, dájena ie comínimo jaináitagacai. <sup>18</sup> Cristo lloga iodo jailla llezica, nana bífuiaína jeire otímie Juzíñamuina íóbitade. Afe llezica afe izói íinóíredino comini ñue facátagamaci.

<sup>19</sup> Iemona, naga come conímama caimare uái itátatífuaína nágarui mai cai jenóífreilli. Daje izói conímama Juzíñamuimo baímo izire jaináitaja raa, mai cai jenóífreilli. <sup>20</sup> Daa o óiacaíga güíllado, dani omoi cígiri Juzíñamui comútaga caimare dájena omoi jaináinana, mai íia táinomo fáíftañeno iri. Uafue, nana Juzíñamui íinoca güille güírede, mei ja ñueraza. Mei íadi daa o güíga güíllado jíáimama ñuera íómoma oni nibéfodo o baíftaiadi, afe íénide. <sup>21</sup> Daje izói rille o ríamona jíáimama íénidífueño o baíftaiadi, ríllena o ríñeille, afe baímo ñuera. Afe izói vino o jíruamona íena ie íinogafue o uáitaiadi, vínoma o jíróñena afe baímo ñuera. Daje izói nana o ínuafuaíimona jíáima íinogafue jabo o féitaiadi, afe o íinócafue íénide. Mei íemona afefue o íinóñedionia jamánomo ñuera, o ama íinogafue o féitaneillena. <sup>22</sup> Iemona bie güíllafue, nibai güíñenafue dibénedo o ñuera íinogafue fáicanocaiñeno, Juzíñamui eróicana dama óiena ñue o mameri. O comécido maméíllamona íinócafuaíi dibénedo ñuera o daíreniadi, áfedo caimare ítio. <sup>23</sup> Mei íadi

dámie Juzíñamuimo figo íñoñenamona ie güille jizíreicana güfadi, afémie fiénidífue mo báide. Mei Juzíñamuimo ínuamona cai onoiga íena íobitalífue cai finoca ñuera, mei íadi nana aféfuiai jinomo cai finócafuiai fiénideza.

## 15

*Dama o abina íobitañeno o ínote ámana ñue íobitari*

<sup>1</sup> Nane Jesumo ínotínuiaimona dámierie ñue ríinorede. Jíáimaci figo comécina náinidiaioi. Cai ja comécina ríinoredinodicai, íemona nai comécina ríinidinona canóredicai. Afefue caimo llonódacaigafue. Afedo dani cai abina íobitanidicai. <sup>2</sup> Cáimona illa dígamie ie ínote ámana íobitarede, afémie ñue íllena. Daje izói íena Juzíñamuimo aillo ínotaredicai. <sup>3</sup> Mei Cristo dama ie abiri íobillena jenóñede. Mei jíáfodo Juzíñamui Cuegáuai íemo zúilla. Afe uai daide: “Afe báíñoridino Juzíñamui jíáima báíñoia cuemo baite.” <sup>4</sup> Nana jaiái uícodo Juzíñamui Cuegáuailai cai llófuellena cuega. Aféuaimo cai comeci fíraja uai baiticai. Afe izói bíuai cai facáduamona comeci járitañenafue caimo comuide. íemona Juzíñamuimo íco cai nabáirizaillirui mo ocúridicai. <sup>5</sup> Juzíñamui afe comeci járidoñenafue llotímie. Daje izói afémie, cai comeci fírajano caina náiretade. íemona omoi ie canóllena afémiemo jicádicue, illa dígamie jíáimaiairi dájena caimare omoi íllena. Mei Cristo Jesús daí caina dáideza. <sup>6</sup> Afe llezica, dájena omoi comécíillena íemo jicádicue, cai Ocúraíma Jesucristo Moo Juzíñamuina dáuaido omoi caimátaitallena.

*Judíoñedinomo Juzíñamui ñúefue jae llujjiga*

<sup>7</sup> Mei daí Cristo caimare cai uáidua izói, afe izói conímana caimare omoi uáidori, Juzíñamuimo ebíredífue nitállena. <sup>8</sup> Mei bie cue daina uai: Cristo judíuai ñue fínuai bite. Nana Cristo táijina fueñe judíuaimo dúide, cai nanóidigimana daina uai ñue fuitállena. Afedo Juzíñamui íe méidoñega llogáuaina caimo jino ácatate; mei Juzíñamui afe íe daina uai jaca jíáfodo méidofínideza. <sup>9</sup> Daje izói judíoñedíno Juzíñamuimo íobillena Cristo ana bíniemo bite. íemona Juzíñamui íaioimo dúecaillari íobidiaioi. Juzíñamui Cuegáuai jaiái uícodo daí daide:

Íe jira afe izói judíoñede náiraiai cígiri omo caimátaiticue.

Omo ñúefue cue nitalle rua afémaci cígimo róiticue.

<sup>10</sup> Íe mei jíáinomo Cuegáuai daje izói daide:

Judíoñede náiraiai mai omoi cáimacairi, naa Juzíñamui imáciairi.

<sup>11</sup> Nane jíáinomo Cuegáuai daje izói daide:

Naga judíoñede náiraiai, cai Ocúraíma íobiri.

Mei afe Juzíñamui jamánomoidímieza, íemo omoi íobiri.

<sup>12</sup> Mei daje izói Isafas cuete:

Isaí (íllaíma David moo) íe méifomo comúdigimamona jamánomoidíllaíma cómuite.

Afémie nana judíoñedíno cígiri ílláimaite.

Afe comini afémiemo ocúritiaioi, daide.

<sup>13</sup> Juzíñamui caina íemo ocúritaitaite. Íe jira íemo omoi ínuamona ñue cáimafue jeire omoi óllena, afémiemo jicádicue, daje izói omoi comeci caimare uái íllafue jicádicue. Afe llezica Juzíñamuimo omoi nabáirizaillena birui jabo ocúridíomoi. Afemona Ñuera Joreño ríinodo ñue izire omoi ocúrillaíma Juzíñamuimo jicádicue. Mai mei daí Juzíñamui ómoína ñue éziciíteza.

<sup>14</sup> Cue ámatiai, ñue onódicueza, ñúefuíaína jeire otíomoi naa omoi fibítainafuiai. Daje llezica illa dígamie jíáimacina caimare llófuiana onódiomoi. <sup>15</sup> Mei íadi bie cue cuegábedo, búauillai ómoimo íere jino uáfodo cueticue, afe uáíllaína omoi féitañeíllena. Juzíñamui cuemo dúecaillano cuemo jónenocaigafue jino lloticue. <sup>16</sup> Bie cue táijínafue: Juzíñamui lloga cai jíllóíllífue ómoimo cue llujjillena. Afefue ómoimo lloticue, Juzíñamui íena omoi maméíllena, mei judío imáciñediomoíza. Íe mei, Juzíñamui ómoína caimare uáidoite, mei omoi ja Ñuera Joreño ñue finócaomoíza.

<sup>17</sup> Mei daí dama Jesús cue ínuamona, Juzíñamuimo cue tájinafueri íóbillano caimare iticue. <sup>18</sup> Dama Cristo cuedo finócafuiari llócaiticue, mei áfedo judíoñedino Juzíñamui uaina jeire otátaticueza. Jiáimie tájinafuenta jaca jino llócaíneiticue. Afe íaíoi Juzíñamui uailai jeire ua, cue daína uáillaido jino ñue ícoimo fuitádicue. Daje izói cue ñue tájínado íaíoína ñue jaícina ínotadicue. <sup>19</sup> Afe izói jino cue cíotaga uaido comútaga cíorainina ráamona íemo jiáie onóillena finócafuiari, íaíoína ñue jaícina ínotadicue. Daje izói Ñuera Joréñomo ite ríinodo íaíoína ñue jaícina ínotadicue. Bie izói cue fínuamona Jesucristodo cai jíllloillíue llujállena ja ñue ícoimo fuitádicue. Ua Jerusalémoma oni jica nágagobíaido aféfuena llócaidicue. Ua ícoimo llírico éniemo záitajidicue. <sup>20</sup> Afe daí, nai jaca Cristo mámecina cacáñedinuíaímo, afe ñuera cai jíllloñafue llócaidicue. Daí oni jícado llócaidicue, jiáima jae llógamo dáanomo nane cue llóñeillena. <sup>21</sup> Mei íadi Juzíñamui jaiái Cuegáuai daína izói:

Juzíñamui ífuena nai lloñéganuiaí afémiena ñue ónoítiaíoi.

Daje izói jaca íena cacáñedino nane aféfuena como fídiítiaíoi, daide.

*Pablo Rómamo jáillena comeci facade*

<sup>22</sup> Diga icaiño omoi uáiduaillena comeci facáñredicue, íadi jaca jáinidicue. Mei como ómoimo cue lloga oni nágagobíaido cue llócaigafuemo záitaiacadicueza; bínidicue. <sup>23</sup> Mei ja birui bígobíaido cue tájicana ja fuitádicueza. Jaiaí diga fimónaiaí omoi diga íacadicue.

<sup>24</sup> Ja birui Espáñamo cue jáizailla llezica ómoína méiñuaíbiacadicue. Omoi cígiri cue illa llezica, iere caimare íitíicue. Afe mei Espáñamo cue jáiacana llezica, omoi cue canóllena jíitaiticue. <sup>25</sup> Mei íadi birui fueñe Jerusalemo ite ámatiaí canolle raa úitíicue. <sup>26</sup> Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaíoi. Afe íaíoi ofítaga úcube cuedo Jerusalemo óreitíiaíoi. <sup>27</sup> Afe bie úcube oréllemo ñue comécíidíiaíoi. Mei jíi, afefue ñue jaícina joide. Uafue benó ítímaci afémacimona aillo comeci cáimafuiaí íbáñeno ítíiaíoi. Iemona birui Jerusalemo ite ínotinomo raíre íballe ite. Ua judíuáimo ite Jesumo ínotino, íaíoimo ite comeci cáimafuiaí, jae judíuáíñedinomo dájeze fecadíiaíoi. Iemona benó Macedóníamo ite ínotino naa Acaya ínotinori, judíuáimo ite ínotinona, afe íbana íaíoimo ite úcubedo canóacadíiaíoi. <sup>28</sup> Bie íaíoi afémaci cána mei, afe izói íaíoi jóonega úcube cue izájille mei, Espáñamo jáitíicue. Ua omoi uáídocana afénomo jáitíicue. <sup>29</sup> Ñue onódicueza, omoi cígiri cue dúciille llezica, nana Cristo uáimona comuide cáimafuiaí ómoimo llófueredicue.

<sup>30</sup> Amataí, cai Ocuíraíma Jesucristo mámecido izire ómoimo jícadíicue. Daje izói Ñuera Joreño caímo comútaga ízíruiíallafuedo izire ómoimo jícadíicue. Mai, cue diga dájena omoi íri, Juzíñamuimo dájena cai úrillena. Juzíñamui cue canólleza, mai izire omoi jícarí. <sup>31</sup> Díno Judea éniemo ite ínoñedino cue íaíoi llaitáacanamona cue íe zuitálleza izire Juzíñamuimo jícarí. Afe llezica bie cue uíga Jesumo ínotino canolle úcube caimare íaíoi llíinolleza, daje izói Juzíñamuimo omoi jícarí. <sup>32</sup> Bie Juzíñamuimo omoi jícáñreíllífuiaí ómoimo jóonenocaidíicue, Juzíñamui comeci jítaina izói omoi íllánomo caimare cue dúciillena. Afe mei omoi cígiri nano áñori cue ílledo cue comeci ñue náíreite. <sup>33</sup> Mai, comeci caimare uái ílláfuenta fecade Juzíñamui omoi ñue nábaiteza. Daíftadeza.

## 16

*Pablo íe onóigamací uáídote*

<sup>1</sup> Birui cai Jesumo ínote míringo Fébena, ómoína caimare uáídotadíicue. Afengo Cencrea jófuemo ite Juzíñamuimo gairídímací canóñredíingo. <sup>2</sup> Cai Ocuíraíma mámecido aféngona caimare omoi llíinori. Mei nana Jesumo ínotino illa dígamie jiáimana daí caimare llíínofíredeza. Daje izói nana afengo jítailla raana aféngomo omoi fecarí. Afedo aféngona

canórediomozta, mei afengo jai ai aillo comínina canófiredeza. Iemo jíai dajé izóí cuena canódeza.

<sup>3</sup>Iemo Aquilamo ie ai Priscila diga, uai orédicue; mei afe íaillinoi Cristo Jesús uaimo cue táijicana llezica cuena nabáidiaillinoi. <sup>4</sup>Jácinomona cue íaillinoi jíllotado íaillinoi illafue jacire fiévide. Aferi afe íaillinoina “Iere figora” daidicue. Dama cue daí daííñenaza, nana judíuainédinomona gairífirede ámatiai dajé izóí “Iere figora” daidíai. <sup>5</sup>Dajé izóí Aquila Priscila jofomo gairífirede cai ámatiai uáidori. Dajé izóí cue izíruiga nabai Epeneto uáidori. Afémie fueñe Acaya éniemona Crísumo ínotimie. <sup>6</sup>Afe izóí ómóido iere táijífiredingo María omoi uáidori. <sup>7</sup>Iemo llavéracomo cue llaveina llezica, cue diga llaveca cue nabai Andrónico, Junias diga, dajé izóí afe íaillinoi omoi uáidori. Cáizie ímie íaillinoi. Jesús orécamacimona mámecina jica jalleide íaillinoi. Afe íaillinoi nai Crísumo cue ínotienia, raire uícode Crísumo ínotiaillinoi.

<sup>8</sup>Afe izóí cue izíruiga nabai Amplias uáidori, mei cue izóí cai Ocuíraimamo jaináideza. <sup>9</sup>Iemo Cristo Jesumo cue táijina llezica, cue nabai Urbano uáidori. Dajé izóí cue izíruiga Estaquísimo uai orédicue. <sup>10</sup>Afe izóí Apeles uáidori, mei diga ícaño Crísumo ie ínogafuena afémie jino comínimo cíotateza. Dajé izóí nana Aristóbulo comíni uáidori. <sup>11</sup>Cue nairai ímie Herodímo dajé izóí uai orédicue, naa cai Ocuíraimamo ínote Narciso comíniri. <sup>12</sup>Dajé izóí Trifena ie ai Trifosa diga uáidori. Afe íaillinoi cai Ocuíraima táijinamo táijífirediaillinoi. Dajé izóí cai izíruiga miringo Pérsida uáidori, mei afengo cai Ocuíraima táijinamo táijífiredeza. <sup>13</sup>Iemo mámecina jica jalleide Ocuíraimamo ínotimie Rufo uáidori, naa ie ei diga. Afengo aillo cuena ie izíruillado cue ei izoide. <sup>14</sup>Dajé izóí Asíncritomo uai orédicue. Iemo Flegonte, íemo Hermas, íemo Patrobas, íemo Hermes, dajé izóí íaióri ite ámatiai uáidotícue. <sup>15</sup>Dajé izóí Filólogo, Julia, Olimpas, Nereo, naa ie miríngooiri uáidori. Iemo nana íaióri ínote ámatiai uáidori.

<sup>16</sup>Mai, illa dígamie Crísumo izíruillamona conímána caimare uáidori. Dajé izóí benó Juzíñamuimo gairíracuai imaci ómoimo uallai orédíai. <sup>17</sup>Amatai, bifue jeire omoi óllena izire jicádicue. Conímáina éoitadinomona abí omoi rairuri. Afémaci jíamána fiéni écitailla izóí finódíai, omoi ñue ínogafue féitallena. Baimáci jíamána énenoruitaitiaí. Bie íaiói lloga uai, nauí omoi cue llófuiafuena úaitaacadeza. Afémacimona oni jicado omoi iri. <sup>18</sup>Afe izóidino cai Ocuíraimo comeci jítaina izóí íñédiaí. Dani íaiói comeci gáinanomo táijídiaí. Afe llezica íaióimo ite caimare ebírerie urilla uaido, comécina nífuenidinona jífuetiaí. <sup>19</sup>Nana jíáie comíni Juzíñamui uai jeire omoi úana fidídiaí. Iemona áferi íóbídicue. Iemo níufue dibénedo iere baitádimacina omoi íllena jítáidicue. Mei jíáifodo fiénidíufue fínua dibénedo nífuenide onóñédimacina omoi íllena jítáidicue. <sup>20</sup>Mei onódicaiza, comeci caimare uái illafue llote Juzíñamui Taife uaina anáfenóiteza, omoi ie áífedoñeillena. Mei cai Ocuíraima Jesucristo ómoína ñue ézicíteza.

<sup>21</sup>Cue diga táijiacade nabai Timoteo ómoimo uai orede. Dajé izóí cai nairai ímíai Lucio, íemo Jasón, íemo Sosípater diga ómoimo uallai orédíai. <sup>22</sup>Pablo ocuica rabe cúeraimadícue; cue mámecei Tercio. Dajé izóí Jesumo cue jaináinamona uai ómoimo orédicue. <sup>23</sup>Benó ite Gayo ómoína uáidote. Biruí afémie jofomo iticue. Dajé izóí nana Juzíñamuimo gairífacadínomo íaiói dúciillena, afécona nano íanóri íaióimo fiéde. Dajé izóí cai jófue mo ite úcubemo táijídimie Erasto, uai ómoimo orede. Iemo cai ama Cúartona mámeceidímie uai ómoimo orede. <sup>24</sup>Mei cai Ocuíraima nana ómoína ñue íllena ézicíteza. Daííateza.

*Iraícaíño Juzíñamuimo caimátaillafue Pablo úrite*

<sup>25</sup>Juzíñamuimo mai cai caimátailli, mei afémie omoi ínogafuena iere izire ínotaredeza. Cue ómoimo jino lloga cai jíllóille uai daí dáideza. Dajé izóí Jesucristodo omoi cue llófuiafue daí dáideza. Juzíñamui jai ai ie comécido mamérilla izóí, ja biruí judíñéidino

comécina ñue náiretade. Ua, bínie nai cómuiñenia, bífuena jica ia daií comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. <sup>26</sup> Mei íadi ja birui Juzíñamui uai llócaidino cáiena fieca Cuegúuaido, afefue jae jino denoca. Bífue ziiño Juzíñamui ocuilla izói caimo íficaide. Bie fueñe báinino Juzíñamui comécido mamérillafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido íinota afe uaimo ñue jeire íaioi óllena.

<sup>27</sup> ¡Daade jamánomo baitade Juzíñamuimo ebírede ñúefuiai nítaitaiza! ¡Daií afémiemo Jesucristodo ziiñona jaca ninomo llóiticaiza! Mei daiítadeza; jae ñie.



## NANOIDE SAN PABLO CORINTO IMÁCIMO ORÉCABE

### Primera Carta del Apóstol San Pablo a los Corintios

*Coríntomo ite Jesucristomo* ñnotinomo Pablo cuete

<sup>1</sup> Cue Páblodicue. Ñúefue llujállena Juzññamui comeci jitaina izói Jesucristo jóonegamiedicue. Bie izói daina Jesucristo orécamedicue. <sup>2</sup> Cue, cai ama Sóstenes diga, Corinto jófue mo ite Juzññamuimo gairífiredino uáidoticoco. Afe llezica bibe ómoimo cueticue. Omoimo Jesucristomo dájena jaináinamona Juzññamui iédiomoi. Juzññamui íena omoi jáillena afémieoiri ómoina jíirite. Nágagobiaimo ite cai Ocuíraima Jesucristo mámedico jicáfiredino, daje izói Juzññamui íeiena uáidogaiaioi. Afe Ocuíraima Jesucristo afémaci ie, daje izói cáíie. <sup>3</sup> Cai Moo Juzññamui, cai Ocuíraima Jesucristo diga, íaillinoina ñue uái illifue dibénemo ómoina jóoneiteza. Daje izói afe íaillñoi ómoina ñue ézicíteza.

*Jesucristomona comuide caimare illafue*

<sup>4</sup> Nágaruí ómoiri Juzññamuina iere figora daífiredicue, mei Juzññamui Jesucristodo ñue caimare ómoina itátate. <sup>5</sup> Mei jíi, Jesucristomo dájena omoi jaináinamona, Juzññamui nana ie cáimafuiai ómoimo orede. Nana ie caimare úrillafue Juzññamui ómoimo llote. Daje izói ie onóigafuiaiina ómoina onótate. <sup>6</sup> Mei daí Juzññamui Crístodo daina uai ja ómoimo bie nahífuena ite. <sup>7</sup> Bíemona cai Ocuíraima Jesucristo cíocaizaibillíruimo nai dúciñena llezica, nana Juzññamui lloga uaina ómoimo íteza; abi diné jíáie uaina jitaiñetiomoiza. <sup>8</sup> Afémie íco íraírui mo ómoina náiretate. Iemona cai Ocuíraima billíruimo dúciñlle dno buna ninó fíénidífue mo ómoimo nitáñede. <sup>9</sup> Juzññamui uícodo ie dánana jaca ñue ícoimo fuitáfiredo. Afe íñofírega Juzññamui ie jitó Jesucristomo cai nabáirillena caina uáidote. Afe Jesucristo cai Ocuídímie.

*Crístomo gairífiredino dájena íñeno oni eneno comeci diaioi*

<sup>10</sup> Amatai, omoi cacai. Cai Ocuíraima Jesucristo mámedico izire ómoimo jicádicue. Dájena omoi jainairi. Daje izói eneno omoi bozietaiñeno iri. Mei jíáfodo jíáimana énenaruiñeno ñue dájena omoi iri. Daje izói dáafuemo comeci fácaitiomoiza, íemo daje izói dáafuemo omoi maméritiomoiza. <sup>11</sup> Cue ámatiai, bifue ómoina daidicue, mei Cloé comínimona dáarie cuemo llotíai, omoi cígiri jíáimana ruífrullano oni enénorie itíai, daí daidíai. <sup>12</sup> Bie izói cue cacánafuedo ómoina daíacade. Omoimona illa dígamiaí jíáifodo úritiomoí. Dáarie cue Pablo iédicue daide, jíáimaci cue Apolos iédicue daide, jíáimaci cue Pedro iédicue daide, jíáimaci cue Cristo iédicue daide. <sup>13</sup> Mei íadi nana omoi Cristo abi izóidinodiomoí. ¿Meita afe Cristo abi énenorie fecaca? Daíñañede. ¿Meita Pablo omoi méífomo cruzmo coraica? Córaiñega. ¿Meita Pablo mámedico omoi báutizagaomoi? Daíñañede. <sup>14</sup> Cue mena come Crispo Gayo diga báutizadicue. Omoimona abi dine jíáimacina báutizañedicue. Aferi Juzññamuina “Figora,” daidicue. <sup>15</sup> Iemona ómoimona buna “Cue bie Pablo mámedico báutizagacue,” daíñide. <sup>16</sup> Iemo jíái daa Estéfnas comini báutizadicue, mei íadi cuemo úibicaiñedeza, abí dine jíáimacina báutizañedicue. <sup>17</sup> Mei Cristo cuena “Comini o báutizari,” daíñede. Cuena “Cue ñuera jíllona uai o llócairi,” daide. Mei íadi cue abi íñotade comini bacáido cuena llotáñede, Cristo cruzmo tíllana cue ráifitañellena.

*Cristo llogáfue mo Juzññamui ríino ite naa ie baitácafuiari*

<sup>18</sup> Afe bie Cristo cruzmo tíllafue, nana nine táinomo báitino dibénemo ráifíñede taino uaillai izoide. Mei íadi ñue jíllotino dibénemo, Cristo cruzmo tíllado cai comeci illafue méidorede, mei afe uaimo Juzññamui ríino íteza. <sup>19</sup> Jaiái Juzññamui Cuegáuaido afémie bie izói daide:

—Iere baitáidino onóigafuiaiina niné táinocaitaicue.

Daje izói fibídino fibíllafuena ráifitañeiticue, —daide.

<sup>20</sup>Ja biniemo fibídime ¿mei níifuemo cánoite? Comini comeci ífuena ñue méidoñede. Daje izói fia fibíllafue llófueraima canóñede. Afe izói binie ráfuiái júfidotimie canóñede. Mei nana biniemo fibíllafuiái Juziñamui ja jiáifodo méidoga. Ráifíñede taino uáillaina méidoga. <sup>21</sup>Juziñamui nana ie finóllifuiaina onóñefrede. Iemona “Fia binie comini báitajafuedo cuena óñoñeitiomoi,” afémie daiñocaide. Mei jiáifodo Juziñamui íaioimo lloga uaillai íaioi íñuado afémacina jíllotaacade, afe bie lloga uai jiáímacimo ráifíñede taino uai izoide íaioimo cíocaide íadi.

<sup>22</sup>Iemo Judúuai fia dáinamona comuide ciórainina ráaniaina cíocacadiaioi. Iemo judíoñedino iere báitajafue jenódiaioi. <sup>23</sup>Mei cai, cruzmo coraica Cristo rafue jino llófredicai. Ie mei judúuai aféfue llófuiana meáiruitaioi. Iemo judíoñedino aféfuena “Ráifíñede taino uaillai,” daidíai. <sup>24</sup>Mei jiáifodo Juziñamui jílloilena maiñócana dibénemo afe Cristo cairi tiilla llogáfuemo Juziñamui ríino ite. Daje izói afémaci íena afe llogáfuemo Juziñamui baitaca uai ite. Daa Juziñamui jíirigamie judío ímie íadi, bifue afémiemo ráifide. Daje izói Juziñamui uáidogamie judíoñedimie íadi, bifue dájérize íaillinoimo ráifide. <sup>25</sup>Mei jíi Juziñamui lloga uai, ráifíñede taino uai izói comínimo cíoide, mei íadi afe uai énie comini baitácafue baimo iere baitade. Daje izói Juziñamui finócafue ríinonina izói comínimo cíoide, mei íadi comini máirie baimo jamánomo ríirede. <sup>26</sup>Amatíai, mai Juziñamui omoi jíirillafuemo uibíoicairi. Omoimona baitádinona figo íñede, mei íadi nai ie comínidimoi. Daje izói ómoimona ríillainina figo íñedeza. Iemo ómoimona jíca jalleide comínina figo íñede, mei íadi nai Juziñamui izíruigamacídiomoi. <sup>27</sup>Mei jiáifodo, binie comini daina abina onóñedino Juziñamui jae nizeca, ráfuiaina baitáidino méaicaillena. Daje izói binie comini daina ríinidimaci Juziñamui jae nizeca, nana “Mairídícue” daidino meáicaillena. <sup>28</sup>Iemo biniemo ite jíca jalléíñedino naa jámairuigamací díga Juziñamui jae nizede. Nana bie Juziñamui nizécana jamai comini. Juziñamui bie izói jamai comini nizede, abi íñota “Aillomiedícue” daidino ríinitallena. <sup>29</sup>Iemona buna Juziñamui uícomo abina íñonide. <sup>30</sup>Mei dama Juziñamui ómoína Cristo Jesumo dájena jaináitate. Daje izói Juziñamui, Jesucristo cai ífoci déitatimiena jóonete. Iemo Crístodo, Juziñamui anamo ñue jaícina cai íllena, afémie caimo jóonete. Afe llezica Juziñamui íeiena Crístodo caina ñue finode. Afe bie Crístodo daí jíllodicai. <sup>31</sup>Afémie daí finode, Juziñamui Cuegáuai daina izói jaícina jino fuitállena. Afe uai daide: “Dámie abí íñoiacania, cai Ocuíraimado abí íñori,” daide.

## 2

*Dama coraica Cristo rafue Pablo comínimo lloste*

<sup>1</sup>Birui ómoimo cue llua izói, afe izói nauí Juziñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Iere ráfuiaina baitádimiedio” cuena omoi daíñeíllena. <sup>2</sup>Mei nauí omoi cígiri cue illa llezica daa Jesucristo ráfuena naa ie coraíafue díga, abi diné jiáífuena ómoína onótaacañedicue. <sup>3</sup>Aféruíllaido ómoiri ríinidimie izói iticue. Ie jira benena cue jácierí cuidíridícue. <sup>4</sup>Omoimo jino cue llua llezica fia énie come baitaca uaido ómoína jíeruitañedicue. Mei jíáifodo Juziñamui Ñuera Joréñodo jíeruitadícue. Daje izói Juziñamuimo ite ríinodo: “Bífuena omoi jíeruirí,” daidícue. <sup>5</sup>Daíí ómoína daidícue omoi íñogafue, Juziñamui ríino dibénemo íllena; daje izói omoi íñogafue binie comini onóigafuemo jáinaiñeíllena.

*Juziñamui da ie Ñuera Joréñodo onoíga*

<sup>6</sup>Mei íadi ómoimona Juziñamuimo íñogafuemo ñue móonaitinomo cue baitaca uaido úriticue. Bie cue baitaca uai binie comini íeñede. Daje izói binie uíñote ríillaini uáíñede. Afémaci naa íaioi uáillairi niné cíocaiñeítiaioi. <sup>7</sup>Jaiái uáfodo óñoñega Juziñamui

fibíllafuiai do úriticai. Afémie jaii énie comúfacana uécodo báinino mamérrillafuedo úriticai. Aféruillaido caimo ziiñona fuñeite jíllollifue caimo mamede. <sup>8</sup> Nana bínie uñote riíllainimona bífuena buna onóñede. Bífuena onódiaioina cai ñuera Ocuíraima Jesucristona coráñediaioi. (Aféfuena íaioi onóñenado íena coráidiaioi.) <sup>9</sup> Mei íadi Juzíñamui cáena mamécáfue ie Cuegáuai daína izói ite. Afe uai daide:

Bínie comínimona jaca buna ciónena ñuera raa Juzíñamui fena izíruitino íaioiena jóonete.

Afe izóidena comini jaca cacáñediaioi.

Daje izói áfemo jaca buna comeci facáñena.

<sup>10</sup> Afe bifuiaina Juzíñamui ie Ñuera Joreño do caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaína onóillena izire jicánofiredeza. Iemona afémie cai fidítate.

<sup>11</sup> Bínime ite comínimona, ¿mei níimie jíáima comeci ífue onona? Dama afémiemo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona. <sup>12</sup> Bínie comini fiéni comécíillafuiai úicaiñegacai, mei íadi Juzíñamui caimo oreca Ñuera Joreño úicagacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaína cai onóillena. <sup>13</sup> Juzíñamui Ñuera Joreño caimo llófuega uáillaido afe bífuiaido ómoimo úriticai. Dani cai fibíllafuemona cai onoiaga uáillaido ómoimo úriñedicai. Afe daí Ñuera Joreño úicaganomo Ñuera Joreño lloga ua ráfuiai jino ñue lloticai.

<sup>14</sup> Mei jíi, Juzíñamui Ñuera Joreño úicaiñegamie afe Ñuera Joreño lloga ráfuiaína jeire oñede. Mei afémiemona bífuiai ráfiñede taino uailai izóideza. Aféfuiai afémiemo jánaide, mei bífuiai cómemo dama Juzíñamui Ñuera Joreño do llófuegaza. <sup>15</sup> Mei íadi Juzíñamui Ñuera Joreño na ígámie naga ráfuiaimona nífue ñuena, nífue fiénina daífrede. Mei jíáfodo Ñuera Joreño íñegamie afe izói daíñide. Iemona Ñuera Joreño íñegamie Joreño ígámiemo jaca nífuena jicánonide. <sup>16</sup> Mei Juzíñamui Cuegáuai daide: “¿Bu mei cai Ocuíraima comeci fácafue onona? ¿Mei níimie Juzíñamuina llófuerena?” Mei íadi ie Ñuera Joreño do Cristo ífoci úrillafue caimo ite.

### 3

*Dájemo táijidino izói Juzíñamui ocuica uai llujíllena canódicai*

<sup>1</sup> Amatai, bie lloga Cristo comeci fácafue nai ómoimo figo jóobiñede. Iemona Ñuera Joreño úicagano izói nai ómoimo úrinidicue. Mei jíáfodo Ñuera Joreño mo nai figo jaináñedino izóidiomoi. Cristomo jaináidino dibenemo nai figo onóñede úruiai izóidiomoi. <sup>2</sup> Iemona naui ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúiñede. Iemo afe izói ñue baitácafue nai ómoimo jaca dúiñede. Nai aféfuena jeire ónidiomoi. <sup>3</sup> Mei nai Ñuera Joreño mo jaináñena llezica jamai come izóidiomoiza. Nai birui jíáimana úradoidiomoi, íemo ícrafuena jenófrediomoi, íemo nai jíáimana énenoruidiomoi. Iemona bínime ite Juzíñamui Joreño nai íñegano izóidiomoi. Nana íaioi eneno bozíetaillafuiaína nai jeire otíomoi. <sup>4</sup> Omoimona dáarie “Pablo íédicue,” daide. Jíáimaci “Apolos íédicue,” daide. Bie izói omoi illa, nai bínime ite Juzíñamui Ñuera Joreño úicaiñega comini izóidiomoi.

<sup>5</sup> ¿Mei níimie Páblona? ¿Mei jíi níimie Apólona? Coco bie daa Juzíñamui ocuicamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. <sup>6</sup> Cue bie fueñe ritímie izóidicue. Ie mei Apolos afe rigaji jáinoína riáitatímie izoide. Mei íadi afe rigaji zicótatímie daade Juzíñamui. <sup>7</sup> Iemona cue bie fia ritímiedicue. Iemo Apolos fia riáitatímie. Bie coco jabóidímiedicoco. Mei íadi Juzíñamui jamánomoidímie, mei afémie afe rigaji zairítaiteza.

<sup>8</sup> Nana ido ritímie, afeji jáinoína riáitatímie nágaillnoi daje Juzíñamui ocuicamie íaillnoi.

Mei íadi illa dígamie nano ie táijina dieze Juzíñamui íbaite. <sup>9</sup> Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jíáie raa izóidiomoi. Juzíñamui como nicana uiga jofo izóidiomoi. <sup>10</sup> Cue bie jofo níraíni ocuídímiedicue. Juzíñamui cue ocuilla izóí, bico jáillirai riire naidánetimie izóidicue. Iemo jíáimie afe jáillirai acónimo ticáidímie izoide. Ie jira naga tícaítimie rairuídícue, fiene ie ticáñeno ñue ie ticáilleza. <sup>11</sup> Mei jíi, abi diné jíáimie riire naidaide jáilliraina naidánenide. Afe jae riire naidánega jáillirai izóidímie Jesucristo. <sup>12</sup> Mei naga come bie jáillirai caifófemo ie illónona nírede. Afe bíena daírede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illónona nírede, jíáimie quenírede llojefe izóidedo ie illónona nírede, jíáimie ráifide notícaí izóidedo ie illónona nírede, jíáimie amena iedo ie illónona nírede, jíáimie fia uifizaído ie illónona nírede, jíáimie zicicai izóidedo ie illónona nírede. <sup>13</sup> Iemo ico jíáíruido Cristo comínimo itífue riire jicánuaibilliruimo naga come ie nigano uáfori cóite. Aféruído Juzíñamui cai táijina fácaite. Irai izóidedo naga come nigánuai Juzíñamui fácaite.

<sup>14</sup> Irai cúaritañega raado nitímie Juzíñamui ie táijina íbaja raana jirídoite. <sup>15</sup> Mei jíáfodo cúarirede raado nitímie minícana jiridoñeite. Nana ie táijina niné táinocaiteza; dama táinori llégite. Mei íadi dama afémie jíilloite. Ua, jofo bóoamona nana raaie uzilla mei, dama come jíllona izóí, afémie jíilloite.

<sup>16</sup> ¿Omoi bie Juzíñamui jofo izóidiomoi nai onóñediomoi? ¿Daje izóí Juzíñamui Ñuera Joreño ómoimo íllana onóñediomoi? <sup>17</sup> Afe bie Juzíñamui ico íaífuenidíco. Iemona ómoimona dámie bie Juzíñamui jofo eneno botáadi, afe cómena Juzíñamui jíái niné táinocaítaite. Omoi bie íaífuenidíco izóidiomoi.

<sup>18</sup> Nane daa come dama abi jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daííadi, afémie meine abido íñoñedíno daína izóí ráfuenta baitáñedímiena jáirede, Juzíñamuimo ite nahí rafue baitállena. <sup>19</sup> Mei bínie comíni baitácafuaí Juzíñamuimona ráifíñede taino uaillai. Ie Cuegáuai daide: “Iere baitádnona Juzíñamui dani íaíoi bífueinamo írebaimo jíilla izóí jíítate.” <sup>20</sup> Nane daánomo daide: “Baitádnino comeci fácafuaí ráifíñenana cai Ocuíraíma onode.” <sup>21</sup> Ie jira jíáimamo jaináíllado jaca buna abina íñonide. Afe omoi dáamiemo jaináílla uai jíáfodo jóide. Nana omoi canódíno ómoimo jainaide. <sup>22</sup> Daa cómemo jáinaiñeno nana bimací ómoimo jainaide: Pedro, Apolos díga ómoimo jainaide, cue jíái Páblodícue ómoimo jaináidícue. Daje izóí nana bíniemo ite ráaniaí Crístodo ómoiena Juzíñamui mamede. Daje izóí Crístodo Juzíñamui ómoína cáatate. Iemo omoi tííadi, Crístodo afe tííllana jácíruíñeítíomoi. Iemo biruíllaido Crístodo caímare íredíomoi. Iemo uire jíáíruido ómoimo íficaitífueimo Crístodo jácíruíñeítíomoi. Nana bie ñúefuaí ómoie. <sup>23</sup> Iemo Cristo iédiomoi, ie mei Cristo Juzíñamui ie.

## 4

### *Jesucristo orécano táijinafue*

<sup>1</sup> Iemona Cristo canódíno omoi caina daíredíomoi. Daje izóí uáfodo óñoñega Juzíñamui lloga uaillai jino comínimo llófuetíno omoi caina daíredíomoi. <sup>2</sup> Mei jíi, táijinana jóonegamie ie ocuídímie íñofírenana afémiemo jino cótarede; ie ocuíllana ñue ícoímo fuitárede. <sup>3</sup> Mei íadi cúemona, omoi cuemo itífue jicánodoíari járitañedicue. Daje izóí dáarie cuemo itífue jicánodoídnino cuena dánana figo náfueñedicue. Afe izóí cue itífue dama cue jicánodiadi áferi járitañeíticue. <sup>4</sup> Mei cue comeci úrilla nífueña cuemo nitáñede. Mei íadi afe izóí cue comeci úria, nai ua Juzíñamui eróicana ua nífuenidímiedíno cuena daíñede. Mei cuemo itífue jicánotímie dama Jesucrístoza. <sup>5</sup> Mei jira, Cristo nai bíñena llezica jíáima táijinafuenta riire omoi jicánodoíñeno iri. Daa cai Ocuíraíma jicánuaibillirui omoi ocuiriri. Aféruído afémie jíítífomo báinino itíñona bai úzefomo uáfori cóitaite. Daje

izói aféruido cai Ocuíraima naga come comeci mamérillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

<sup>6</sup> Amatai, mei ñue omoi íllena bífuiaido omoi o úriticue. Omoi canódímie Apolos ífue dama cufue díga jae ómoimo lloticue, omoi ñue dájena comécíillífue uáfodo omoi onóíllena. Bífue ómoimo lloticue ómoimo coco cíotagafuiaido Juzíñamui Cuegáuai baímo omoi comécíiñellena. Afe uai caina daide: Dáamie dibénemo gáífiñeno omoi iri. Daje izói jíáimiena jámairuíñeno dájeye nana íaioimo omoi íñori. <sup>7</sup> ¿Mei nie come jíáimaci baímo ómoína ñue fínua? Nana omoi onoíga ñúefuiai Juzíñamui fecácaza. Jaca Juzíñamui fecáñegana íñede. Iemona ¿ñibái mei dáamiedo abina íñofiredíomoi? Abina íñofiredímie: “Cue comeci jítaina izói cuemo fecácaza,” daífiredede. Mei íeñedeza. Omoi dani fécañegaza. Mei jira áfedo abina íñonidiomoi. Nana caímo ite ráaniaimona dani cai ocuilla izói íñede. Nana Juzíñamui caímo fecaca.

<sup>8</sup> Birui ja “Nana Juzíñamui caímo fecáacagafuiai ja cai ógaza,” daí comécíidiomoi. Nana omoi jitaica ráaniai ñibai ja omoi oga. Nana omoi onóacaga ífuiaína ñibai ja ñue baitádiomoi. Ñibai ómoína cai canónenado ja illáicomínina jáidiomoi. Mei íadi táinodo abi íñotiomoi. Iemo afe llezica cai bie jalléíñedícaí. Mei íadi ómoína: “Ua illáicomínina omoi ii,” daídícué. Afe daí cai bie omoi díga dájena illáimaitícaí. <sup>9</sup> Cai bie Cristo orécamiíai jino íraínoimo Juzíñamui fécaícaí. Cai bie láviano tíitino izóidícaí. Jira cai bie nana énie nairai acárilla raa izóidinona jáidícaí. Iemona nana comíni naa Juzíñamui abi ímáciri caímo éroitiaíoi, mei afémaci abi fáiacaitadinodícaíza. <sup>10</sup> Cristo rafue cai llócaillamona caina jíáimaci “Abina onóñediomoi,” daídíaíoi; mei afe llezica “Cristodo ráfuiaína baitádinodícaí,” daídíomoi. Omoi ríiredínona illa llezica, cai bie ríinidínodícaí. Caina comíni jámairuilla llezica ómoína ñue jacírúitícaí. <sup>11</sup> Mei jaiái nai biruímo júbieri duere zefuídícaí. Daje izói cai jírolle jainoi íñenari jíái duere zefuídícaí. Daje izói figo ínícuironidícaí. Daje izói comíni caina fieni finódiaíoi. Uái cai illino íñede. <sup>12</sup> Aillo cai táijinamona íere llégidícaí. Iemo comíni caíri jainónaitímaci; mei íadi íaioína Juzíñamui canolle uaido fairíotícaí. Caina fieni finóllena racádíaíoi; mei íadi ocuídícaí. <sup>13</sup> Caíri fienídífuedo úritiaíoi; mei íadi afe comínina comeci mánainafuedo fíaicana llófuetícaí. Afe llezica oni dotaca íáirede raa dota izói, afe izói caina ráífiñedinona caina mámiano náfuñediaíoi. Nai biruímo cuidoda oni faíga íáirede raana caina mamédiaíoi.

<sup>14</sup> Bífuiaína omoi meáidáíllena cueñédícué, mei jíáífodo omoi ñue íllena rairuíllano, lloticue, mei cúemona izíruga jíitótíai izóidiomoi. <sup>15</sup> Mei cómemona facádonide Cristo ráfuenta llófuetíno ómoimo ite íadi, nai omoi íñogafue tainédímie daade. Cristo Jesumo omoi íñollena, omoi moo izói omoi comútatímiedícué, mei cai jíllona uaina ómoimo llotícueza. <sup>16</sup> Ie jira ómoimo cue cíotaga cai ñue illífuedo omoi jáíllena, izire jícadícué. Daje izói cue llogáfuedo omoi jairi daídícué.

<sup>17</sup> Afedo omoi jáíllena, Crísto mo cue íñotaga Timoteo ómoimo orédícué. Afémie cue izíruga jíitó izóidímie. Afémie, Crísto mo cue íñuamona cue lloga ñue cai illáfuena ómoimo úbicaitaite. Afe bie afémie ómoimo llujáíllífue izói, afe izói náragobiaímo ite Juzíñamuímo íñotímacímo, cue jíái llófuefiredícué. <sup>18</sup> Omoimona dáarie abina íñuano, daídíaíoi: “Pablo caina éroizaíbíñeite,” daídíaíoi. (Afe izói dáinado cue uaina uáitaacadaíoi.) <sup>19</sup> Mei íadi cai Ocuíraima Jesucristo comeci jítaiadi raire omoi cue meíñuáíllena ocuírídícué. Iemo cue billíruimo afe abina íñotímaci nie ñúefue jíáímacímo finódiaíoi, afefue cue onóíllena fácaítícué. Afedo íaíoi ñuera ríino ite, ñibai íñedeza, ónoítícué. Aillo íaíoi úrilla uaina náfuñeítícué. <sup>20</sup> Mei jíí, fía cai úrilla uaido, Juzíñamui illáimana illáruimo jaináítañegacai. Mei jíáífodo Juzíñamui Ñuera Joreño ríinodo cai comeci ítifue méíduano íe illáimana illáruimo jaináítañegacai. <sup>21</sup> ¿Mei nie izói óiacadiomoi? ¿Mei ñibai ómoína duere cue fínuaíbillana óiacadiomoi? ¿Ñibai izírúíllafuedo comeci mánainafuedo ómoimo cue éroizaíbillana óiacadiomoi?

## 5

*Pablo fiénide meáifue finódimie duere finóllena lloste*

<sup>1</sup>Ja birui omoi cígimo ite iere fiénide jiruífueña comini cue fidítatiaioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidifueña Juzíñamuina ónoñedimaci jaca rairuídiaoioi. <sup>2</sup>Mei íadi bie izói ómoimo illa llezica ñai omoi iere abina ínofirediomoioi! (Afe izói omoi illa iere figóñede.) Mei jiáifodo áferi iere zuure írediomoioi. Daje izói áferi meáidairediomoioi. Bie izói jiruiredimie omoi cígimona mai oni ore. <sup>3</sup>Náamiena omoi diga dama cue íñédicue, mei íadi afefue dibénemo cue comeci facáoimana ñue onódiomoiza. Ie jira afe bie jiruiredimie ie duere finóllena jae cai Ocuíraima Jesucristo mámedido ocuédicueza. <sup>4</sup>Iemona Jesucristo mámedido dáonomo omoi gairízaila llezica, íemo cue comeci facáoimamo ñue omoi uibóicailla llezica, íemo jiái cai Ocuíraima Jesucristo omoi cígiri ríinoreña llezica, <sup>5</sup>mai afe íimana ómoimona jino dótano Taifena náamataga comínimo íena omoi zóoferi, ie abi fieni jítainafuiai niné táinocaitallena. Afemona cai Ocuíraima Jesús billíruimo afémie joreño jíllobicaiteza.

<sup>6</sup>Afe íaifue nai ómoimo illa llezica omoi ñue íáiminana illa izói abí ínotiomoioi. Afe abí ínuana figóñede. “Mei daa cómemo ite íaifue aillo ie abimo itímacina íáiretaiteza.” ¿Comini daina uaina onóñediomoioi? Afe uai daide: “Pan finóadi afe aillo fáitate raa tamédiaoioi. Due jiza fáitatená jóonega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode. <sup>7</sup>Iemona ómoina fieni finode come ómoimona oni jica oreri, mei afémie jácaie pan fáitara izóidimieza. Ie jira afe fiénide meáifue ómoimona ñue muiñori, ñue jáicina íaifuenidímacina omoi íllena. Iemona fáitatená jóonega comue pan izóidinona ítiomoioi. Ja onódicueza, afe bie izóidino ua itíomoioi, mei Cristo nana cai ícoinia fagámiena jáideza. Afémie cai ífomo fatá Juzíñamuimo fecaca oveja jiza izóidimie, caimo ite íaifue oni dóllena. Afémie pascua rafue illa llezica cai uibóigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tíideza. <sup>8</sup>Iemona nágarui cai illáfueño táinona úriñede comécido mai cai illi. Daje izói ñúefuíairede comécido mai cai illi. Afe izoide comeci fáitate raa jóonega comue pan izoide. Mei jiáifodo íairede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íneilli. <sup>9</sup>Nauí ómoimo cue cuezábemo ómoína daidicue: “Bie izói jiruiredé comínimo nabáiríñeno iri.” <sup>10</sup>Bíniemo jaca jiruiredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiríñeillena lloñédicue. Aféfuena rairuídicuena bíniemo oni jáirediomoioi. Mei íadi afe izói ocuédicue. Mei íadi onódiomoiza, afémaci illa izói índiomoioi. <sup>11</sup>Mei ómoína cue daíacanafue jiáifo jóide. “Cristomo ínote omoi ámadicue” daidímie íadi afémie jiruireníadi, afémie diga nabáiríñeno iri. Daje izói afémie iere ráanaiacania afémie diga nabáiríñeno iri. Iemo dáamie jánarai íóbitaadi, íemo afémie jiáimana fieni úrifíreia, ie jífaireia, íemo ie merírifíreia, afe izoide “Cristomo ínote omoi ámadicue” daidímie diga nabáiríñeno iri. Iemo jiái bie izoide come diga omoi güíñeno iri. <sup>12-13</sup>Bíniemo ite ínoñede fiénidinomo itífue riire cue jicánolle cuemo dúíñede. Mei íaioimo fieni itífuiai dama Juzíñamui riire jicánoteza. Mei jiáifodo omoi dani ómoimo jáináidinona riire jicánorediomoioi. Ie jira afe bie fiénidifuiaredimie omoi cígimona oni oreri.

## 6

*Juzíñamuimo ínotino júfidogafuiai oni ínoñedinomo llujájinide*

<sup>1</sup>Dani ómoimona dáamie jiáimamo júfidogafue comufadi, ¿nibái mei oni jiáimacimo afe-fue záitallena jáidiomoioi? mei afémaci cai ínogafueño jáináinedimaci. Dani omoi cígiri ite Juzíñamuimo dúidinomo jicáredimoioi, o júfidogana jáicina záitallena. <sup>2</sup>¿Nai onóñediomoioi Juzíñamui íédino nana bínie comini itífueña riire jicánoitiaioi? Mei ure bínie comini

riire jicánoitiomoiza, ¿nibái mei omoi cígiri ite dúefuiaina raire záitanidiomoi? <sup>3</sup> Iemo jiái, ¿nai onóñediomoiza Juzíñamui abi imaci, ángeles dainámaci, itífuiaina riire jicánoiticaí? Mei uafue Juzíñamui abi imaci itífuiaina riire jicánoitiomoiza, ómoimo ite bínie ifuiái raire záitallena ómoimona juánide. <sup>4</sup> Bie cai illáfueмона comuide júfidogafuiái ómoimo comuádi, ¿mei nibái mei Juzíñamuimo gairídino dibénemo itñédinomo llujífirediomoi, afefue jaícina ómoimo finóllena? <sup>5</sup> Bie izói ómoína daidícue omoi méaicaillena. ¿Mei nibai omoi cígiri ámatiaimo comuífueña jaícina finuana baitádimie itñede? <sup>6</sup> Ja birui da ama jiáimamo júfidogafue comuádi, Juzíñamuimo itñeñede jaícina finóraima uícomo llujífirediomoi. ¿Meita bie izói itrede? ¡Inide!

<sup>7</sup> Uáfodo onógiga, nanómona daa júfidollifue omoi cígiri comuádi, jiáie o ñue illáfueña táinomo fáifitaite. (Daje izói o júfidogafue Juzíñamui ifueña jámairuitade.) Daa cámona dámie fieni o finóadi, afe iba o óñeille baimo ñuera. Daje izói daa come cue raa jífuiano bairóadi afe meine cue óñeille iere baimo ñuera. <sup>8</sup> Mei jiáifodo fiénidifue fáicanocaiñeno, dani omoi ámatiaimo fieni finódiomoi, íemo jiái omoi ámatiaína jífuiano raana bairófirediomoi.

<sup>9-10</sup> ¿Nai onóñediomoiza? nana jiáimana fieni finódino Juzíñamui illáimana illíruimo dúciñeitiaioi. Omoi jífueñeno iri, mei naga fiénidino Juzíñamui illáimana illíruimo jáinañeitiaioiza. Daje izói áreiñeno jiáie ringo jetáidino dúciñeitiaioi, íemo jánaraina ióbitadino, íemo jiruífuredino, íemo jiáie iima diga fieni itímiai, íemo merírifredino, íemo iere ráanaiacadino, íemo jífáifredino, íemo jiáimamo fieni úritino, íemo jífueta bairófiredino; nana éniemo ite bie izoide comini Juzíñamui illáimana illíruimo dúciñeitiaioi. <sup>11</sup> Naui ómoimona dáarie bie izoide. Mei íadi ja birui Jesucristo ñue íáinino finócaomoi. Daje izói Juzíñamui íeiena ñue mamécaomoi. Afe izói Moo Juzíñamui Ñuera Joréñodo, íemo jiái cai Ocuíraima Jesumo omoi itñuado Juzíñamui anamo ñue jaícina itábicaidiomoi.

Cai abi Juzíñamui eróicana iere ñúeraza áfena íaidonidicaí

<sup>12</sup> Comini daífirediaioi, “Cue bie cue comeci jitailla izói íredicue.” Afe uafue, mei íadi naga íaioi comeci gáinafue íaioína ñue finóñede. Uáfueña daa come dama ie comeci jitailla izói itrede, mei íadi afe comeci jítaíllafue íena anáfenotanide. <sup>13</sup> Mei uáfueña: cai güille, cai jébegoi ie; daje izói cai jébegoi güille íena finoca. Mei íadi jiáiruido Juzíñamui nágaillinoi güille naa jébegoi diga jiáifodo méidoite. Mei íadi “Bie cai abina jiruífue íena mameca,” dañinide, dáarie daí daífirediaioi íadi ¿mei afe uáfueñede! Bie cai abi cai Ocuíraima ie. Afe íbana cai Ocuíraima cai abimo dúide, cai ñue rairuíoicaillena. <sup>14</sup> Iemo Juzíñamui cai Ocuíraima Jesús cáadimiena jáitate. Afe daí ie finua izói, afémie dama ie riinodo cáadimacina caina mámeite.

<sup>15</sup> ¿Onóñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidimie jiruífuredingomo dájena jóoneredicue? ¡Jaca jóonenide! <sup>16</sup> ¿Mei nibai jiáifue onóñediomoiza, dáamie jiruífuredingo diga íadi afémie abi daa afengo abi izóicaide? Mei jí Juzíñamui Cuegáuai árenafue dibénemo bie izói daide: “Íima ie ai diga afe íaillinoi dámienna ja mameide.” <sup>17</sup> Afe izói dáamie cai Ocuíraimamo dájena jáináadi, afémie dájena joréñoredimiena jaide.

<sup>18</sup> Iemona mei jiruífueмона oni omoi iri. Nana jiáie cai finoca fiénidifue cai abina figo íáitñede, mei íadi áreiñeno jiáie ringo diga jiruífue cai finóadi, cai abina bácadicaí. <sup>19</sup> ¿Mei onóñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juzíñamui ie. <sup>20</sup> Mei omoi abi Juzíñamui jamánomo ráifidena íbácaza. Mei jira cai abido Juzíñamuína ióbitaredicaí, íemo jiái daje izói caimo ite joréñodo íena ióbitaredicaí, mei afe bie cai abi naa cai joreño diga Juzíñamui íeza.

*Pablo come áirenafue llófuete*

<sup>1</sup>Ja omoi cuemo jicánoga uailai afe ibádiuai llóiticue. Uáfueza dámie áireiacañenia dama illa figora. <sup>2</sup>Mei íadi aillo jiruifue íteza, naga íima áirede. Daje izói naga ringo ínífede. <sup>3</sup>Airedímie dama ie ai afémie diga íacana dieze, afémie írena. Iemo daje izói ínífedingo ie ini afengo diga íacana dieze, afengo írena. <sup>4</sup>Ínífedingo “Cue abi daingo cuemo dúide,” daífnide. Afengo abi ie ini íeza. Daje izói áiredímie “Cue abi bie dama cuemo dúide,” daífnide. Ie aimo jaináideza. <sup>5</sup>Íima ie ai diga íacania ráiruíneno jíeruiri. Daje izói ringo ini diga íacania ini ráiruíneno jíeruiri. Mei íadi níbai jíáíruido da come ie ai diga nano nígarui iere Juzíñamuimo íaillinoi comeci facáacana llezica, aféruillaído dájena íñédiailinoína ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jítaínafuena ocuíninamona fieni íllena Taife íaillinona facátaíteza.

<sup>6</sup>Bífuiaí caimare ómoie íllena lloticue. Ríire lletara uai dáina izói lloñédicue. <sup>7</sup>Cúemona nana comini cue áinino cue illa izói itáioína, ñuera. Mei íadi Juzíñamui illa dígamiaimio jíáífoide ocuilla ríino fecade. Dámie áinino dama illa ocuífede. Jíáímie áinino dama illa ocuínide.

<sup>8</sup>Ja birui áinidínomo naa fecínguui diga úriticue. Damádímie dama cue illa izói itáioína ñuera. <sup>9</sup>Mei íadi dámie ie abi jítaínafuena ócuíñenia afémie raire áirede. Daa come ie abi jítaínafue íena anáfenoa fíenide, íemona raire áirena ñuera.

<sup>10</sup>Mei íadi áiredino ínífedingo diga afémacina bie izói ocuíficue. Ínífedingo ie inina jaca dotánide. Bie ocuilla uai dama cúeíñedeza, cai Ocuíraima Cristo ie. <sup>11</sup>Mei íadi ínífedingo ie ini dotáadi afengo daingo írede; mei jíáífodo afengo afe daí íacañenia, afengo meine ie ínimo abido bírede. Daje izói áiredímie ie aina jaca fáicanocainide.

<sup>12</sup>Iemo jíáífue díbéfodo cai Ocuíraima úríñedeza, dama cue ñue fíbílafuemona úriticue. Daa Jesumo ínotímie mo nai íñoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. <sup>13</sup>Daje izói daa Jesumo ínotíngio ie ini nai Jesumo íñoñede íadi afémie afengo diga íacana llezica afengo afémie diga írede. Afengo afe ie inina dotánide. <sup>14</sup>Mei jíi, Jesumo íñoñede áiredímie Jesumo ínote aimo jaináíllamona Juzíñamui ñue fínócamiena jaide. Daje izói Jesumo íñoñede ínífedingo ie Jesumo ínotímie mo jaináíllamona, Juzíñamui ñue fínócanogona jaide. Afe izói íñeniadi, omoi jíitóiaí íñoñedino úruiaí izói itáioí. Mei íadi afe izói jóoíñede. Afémaci Juzíñamui ñue fínócaiaíoi. <sup>15</sup>Mei íadi Jesumo íñoñedímie izire ie aina oni orécacania, dama daíftadeza; orérede. Daje izói Jesumo íñoñedingo izire ie ini fáicanocaiacania, dama daíftadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífíreiri,” caina dáideza. Bie izói ífícaiaíadi Jesumo ínote ama naa ínote míringo diga rairuínino afe íñoñedímie mo jaináítanide. <sup>16</sup>Mei íadi Jesumo ínote ínífedingo cácarei. Nai ónoñegaza níbai odo o ini jíllóite. Daje izói Jesumo ínotímie cácarei. Nai ónoñegaza níbai odo o ai jíllóite.

<sup>17</sup>Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai íñua llezica aféruimo cai táijina izói, afe izói nai birui táijiredícaí. Bie izói nana Jesumo gairídínona ocuíficue. <sup>18</sup>Dámie Juzíñamuimo íñua llezica ie bacano ícoi quetátañenia, dama daíftadeza; quetátañeno iri. Daje izói jíáímie Jesumo íñua llezica jaiaí quetáca dama daíftadeza; jíáífodo júfidoñeno iri. <sup>19</sup>Dámie ie bacano ícoi quetaca níbai quetañega áfena náfueñoeno iri. Mei jíáífodo Juzíñamui comeci jítainafue jeire cai olle iere ráífina. <sup>20</sup>Illa dígamie fueñe Juzíñamuimo ie íñua llezica aféruimo ie illa izói, afe izói nai birui írede. <sup>21</sup>Aféruimo jíáíma jeruícamiéna o ía, afemo járitañeno iri. Mei íadi afe ímamonona oni o jáíllino o báia, áfena maíñori. <sup>22</sup>Mei jíi, dáamie como fueñe Juzíñamuimo ie íñua llezica, aféruído afémie jíáíma ocuífíregamie. Ja ie íñua mei Juzíñamui díbéfomo afémie bu ráiruínegamiéna jaide, cai Ocuíraima táijinafue ie fínóllena. Mei daje izói



jiáimie como fueñe Juziñamuimo ie ínua llezica, aféruido afémie bu ráiruñegamie. Ja ie ínua mei Cristo izire ocuífregamiēna jaide. <sup>23</sup> Juziñamui iere ráifidena ibácaomoiza. Iemona jiáima riire ocuífregamiēna omoí iñeno iri. <sup>24</sup> Amatiai, omoí cácarei, ómoimona illa dígamie como fueñe Juziñamuimo ie ínua llezica, nanómona ie táijina izói, Juziñamui eróicana áfemo táijifreiri.

<sup>25</sup> Mei birui nahí ánidino naa ínínidngotiai diga afémaci ifue llóiticue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoga uai llóiticue. Mei Juziñamui cue cánuado cue lloga uaina ínoredeza. <sup>26</sup> Mei birui iere jacírediruillaiza, cúemona bifue ñue cioide: daa come birui ie illa izói jiáifodo méidoñoeno írede. <sup>27</sup> Mei birui ja áiredio, afe mei ánidimiēna abina maméñoeno iri. Mei daje izói, birui nai ánidioza, mai ringona oñoeno iri. <sup>28</sup> Mei íadi o áirenia, afefue fiénidifueñedeza. Daje izói daa jitaingo ínirenia, fiénidifueñedeza. Mei íadi biruillaido naga áiredimie naa ínínidngotiai diga íaioí illafue ánidimaci baimo iere juárede. Afe bie júaredifuiamona ómoína rairuácadicue.

<sup>29</sup> Amatiai, ómoína cue daiícanafue bie izói jóide. Bñiemo Juziñamuina cai íóbitallirui aréñede. Ja benómona cai illífuena jiáifodo maméredicai. Birui áiredimie, ánidimie izói írede, raire jiáimaci jacíredifueomona cánuallena. <sup>30</sup> Daje izói come tíllamo zúnaitino birui zúnaiñedino izói írediomoi. Daje izói caimare iráizaidino ja birui caimátaiñedino izói írediomoi. Daje izói nana ráaniai íbáritino ja birui íaioí ibaca raana “Cáieñede” daiífrediomoi. <sup>31</sup> Iemo bñie ráaniai fecáíredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

<sup>32</sup> Omoí gágudifuiamona oni ómoína óiacadicue. Dáamie nai áinina llezica, cai Ocuíraima ífuiamo járitairede, cai Ocuíraima íóbitallena. <sup>33</sup> Mei jiáifodo áiredimie ie ai íóbitallena, bñie ráaniairi járitaífirede. Iemona afémie mena ocuídime anamo ite izóidemona, ie finóacagafuaina finónide. <sup>34</sup> Ringónaimo jiái daje izóidifue ite. Nai ínínidngotiai cai Ocuíraima ífuiamo járitaite. Afengo joreño naa ie abí diga Juziñamui fena iere íacade. Mei íadi ínínidngotiai ie ini íóbitallena bie énie ráaniairi járitaide.

<sup>35</sup> Ñue omoí íllena bífuiaí ómoímo llóiticue, Omoí áireiacanafuena rairuácañedicue. Mei jiáifodo comini eróicana ñue jaicina omoí illífuena jitaídicue. Iemo jiái cai Ocuíraima Jesús ocuícáfue jizíñoeno jeire omoí óllena, bífuiaí ómoímo llóiticue.

<sup>36</sup> Mei ómoimona daa come comécido daiía: “Cue jicánogango dibénedo ñue jaícina finóñedicue,” íemo afe llezica afengo are dinó jitaíngoñeiteza, afémie comeci ñue faca izói, izire ie áireiacana izói áirede. Ie jicánogango ie olle fiénidifueñedeza, afe íaillinoí áirena rairuínide. <sup>37</sup> Mei íadi jiáimie jiáifodo comeci facáadi, mei afe ñuera. Ie jicánogangona ie aina ie óiacañenia daje izói afefue jiái ñuera; mei afémie ie jicánogango raire óñeillena ie comeci ñue daína izói, jica ia ñue mamédeza. Afe izóidifue íaifueñede. <sup>38</sup> Nana búuillaímona bie izói onódicai. Jicánogango otímie ñúefue finode, íemo jicánogangona onédimie afe baimo ñúefue finode.

<sup>39</sup> Ínínidngotiai, ie ini nai caana llezica, ie ínimo cuinaca izói jainaide. Mei íadi ja ie ini tílla mei, afengo bumó jaináíñede. Jesumo ínnote afengo gáigamiemo ínireirede. <sup>40</sup> Mei íadi cue comeci faca izói, afengo meine nane ínreíñedena baímo caimare íite. Bie uai ómoímo cue llua llezica, Juziñamui Ñuera joreño cuemo ite izoide daidicue.

## 8

*Jánarai* fena mameca ríllenai ifue San Pablo lloite

<sup>1</sup> Ja birui omoí jicánoga jiáifue llóiticue. Jánarai íóbitallena fia fecaca rille ifue llóiticue. tere uáfueza, bífuiaímo fibídicaiza. Mei íadi cai onóícafueomona cai abí fiēni ínuaana aillo comúitate. Mei jiáifodo jiáimana cai izíruillafue nana comínina náirecaitate.

<sup>2</sup>“Baitádimiedicue” daidímie Juzíñamui ie onótaacanaze nai onóñede. Nai abina onóñede. <sup>3</sup>Mei dáamie Juzíñamui izíruia, afe íbana Juzíñamui ñue afémiemo éroite.

<sup>4</sup>Mei ja birui jánarai íóbitallena fia fecaca rille ifue llóiticue. Omoimona dáarie bie izói daidíai: “Afe rílleniaina ríri” daidíai. Jiáimaci “Ríñeno iri” daidíai. Fueñe bifuiaimo omoi cácarei. Mei ñue onóigaza bie jánarai nahí ráañede, ráifíñede fia raaza. Daje izói ñue onóigaza jiáie Juzíñamui jaca íñede. Juzíñamui jaca daade. <sup>5</sup>Mei comini, namamo aillo ite juzíñamuillai daifadi, daje izói bíníemo jiái aillo juzíñamuillai ite íaiói daifadi, íeñede. <sup>6</sup>Mei íadi cáimona cai Moo Juzíñamui jaca daade. Afémie baimo jiái juzíñamui íñede. Uáfueza comini juzíñamuina mameca taino juzíñamuillai aillo ite. Daje izói íaiói mameca Juzíñamui jabóidíllaini aillo ite. Mei íadi cai onoiga daade Moo Juzíñamui naga ráanai finódimie. Iemo bie cai afémie íena iticai. Iemo jiái cai Ocuídímie daade; afémie Jesucrístona. Afémiedo naga raa comuítaga. Cai jiái daje izói afémiedo comuítagacai.

<sup>7</sup>Mei íadi nana comini nai bifuiaina onóñediaíoi. Dámierie nai jánaraina íóbitajana fibídiaíoi. Afémacimona taino juzíñamuimo fecaca güíllena, “Bie güílle cai juzíñamuillai ie” comeci anado daidíai. Daí íaiói comécilla mei áfena ritíai. Iemona afe taino juzíñamuillai güíllado íaiói ifoci úrillana bácadiaíoi, mei íaiói ínogafuena nai figo baitáñediaioiza. <sup>8</sup>Mei uáfueza, fia cai güígado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güíadi, afémie íena caina caimare fínoñeite. Daje izói güíñeíticai íadi, caina fieni fínoñeite. <sup>9</sup>Iemona ja onódicaíza rairuíñeno güiredicai. Mei íadi áfemona abí omoi rairuíoicairi, mei dáarie íaiói ínogafuena nai figo baitáñediaioiza. Jánaraimo fecaca rille o riana íaiói fidíadi, afémacina fiénidífueмо baítatio. Afemona abí omoi rairuíri. <sup>10</sup>Afe bie güílle ráiruínegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedímie o güíllana cíoadi, afémie dáíte: “Cue jiái cue güizájiticue,” dáíte. Mei íadi afémie díbenemo, taino juzíñamuillaina jacíruillano afémacimo fecaca güílle güíte. Daí ie íllamona dama ie comeci úrilla bácade. <sup>11</sup>Iemona o ñue onóigafuedo, figo baitáñede o ama fiénidífue diné féiraitadio. Mei íadi Cristo jiái afémie íllóillena tíide. Jira o afémie féiraitalle fiénide. <sup>12</sup>Afe jira, ínogafuena nai figo baitáñedímie fiénidífueмо afémie o ífóadi, áfede Cristo fieni finódio. <sup>13</sup>Ie jira rille cue ria ícoinia cue ama fiénidífueмо cue baítaíza, ja benómona jaca ríllena ríñeíticue. Daí cue illa jamánomo ñuera, afémie fiénidífueмо cue báítañeíllena.

## 9

*Jesucristo orécamie buna ráiruínega*

<sup>1</sup>Ñue onóigaza, nana jiáie Jesús jiáinomo orécamiái izói, rairuínidicue. Mei cai Ocuíraíma Jesuna afémaci íena ciona izói, íena jiái cíódicue. Iemo jiái omoi dani Jesumo ínogano cai Ocuíraímamo cue táijinamona comuide. <sup>2</sup>Jiáimaci, “Bie Pablo Jesús óreñegamie” nibai cuena dáítiaíoi. Mei íadi afe izói cuena daíñidíomoi, ómoina cai Ocuíraímamo ja ínotadicueza. Iemona omoi dani Jesumo ínuamona, cuena bie uáfueza Jesús orécamie daítaite.

<sup>3</sup>Omoimona cue uáitatino uaina bie izói óíticue. <sup>4</sup>Juzíñamuimo gairídino cuemo fecaca güílle naa jiroille diga áfena cue llínolle bu cúemona rairuíñede. <sup>5</sup>Daje izói jítaidicuena jiáie Jesús orécamie fínua izói, Jesumo ínotingona cue aina óredicue, cue diga jáicaillena. Iemo afengo jítaílle güílle daje izói ómoimona llínoredicue. ¿Ero ua? Ua, cai Ocuíraíma Jesús ámatíai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. <sup>6</sup>¿Mei omoi nie izói comeci facadíomoi? ¿Níbai coco dáaillinoi cue nabai Bernabé diga, nanómona coco ónoído táijinafuena fáicanocainidíco, ñuefue coco llujáíllena? Mei íeñedeza. <sup>7</sup>Mei daje izói ¿nie fuíríraíma dama ie güílle diga jáirena? Jáinide. Jaca afénomo ecácaza. ¿Nie come jíricona ríadi áfemona afe llizíllajina afémie riéñede? Jaca afe izóidímie íñede; jaca afémie aféjaina riéfírede. ¿Mei nie ovejaíai úínotímie ie úínoaga oveja monoi omida afémie jíróñede? Jaca afémie áfejí jírófírede. <sup>8</sup>Fia

come daina izói bífuiái cue llua daí omoi coméciñeno iri, mei jaiai Moisés cai ocuilla uai daje izói dáideza. <sup>9</sup>Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaiói güilleza fue maiñeno iri. Nue onóigaza, bífuenta Juzíñamui dama juráreto jíicana daíñedeza, <sup>10</sup>mei jíáifodo biedo Juzíñamui cai llote. Bie ocuilla uai cai ñue íllena cuega. Mei jíi, jacafai tíeraíma afénomona llizide raana otá güürede. Daje izói trigo gájirillena juráreto zaizítatimie afemona otá güürede. Afemona afe íaíllinoi güíllena caímare ocurridiaíllinoi. <sup>11</sup>Iemo ritímie rífréga izoide Juzíñamui uaillai ómoímo fueñe lloticue. Ie mei birui ómoímo ite bínie ráaniai abido cue maiñolle figura. ¿Mei ñibai ómoímona bie áíllue izói cíoide? <sup>12</sup>Mei jíáie llófueraíni ómoímona íaiói güíllena ófrédiaioiza, ie mei bie cai afémaci baímo fia ecáregacai.

Mei íadi bie daina izói cai güíllena ocuñedicai. Mei jíáifodo ómoímo ñúefue lluaíbíticue. Nana cue jitaíga ráaniai dama cue ibaca. Ómoímona mínícana fia oñédicue, cue lloga Cristo daina uaina omoi ruífruíza daii. <sup>13</sup>Mei jíi, jíáifue ñue onódiomoíza, nana Juzíñamui gairíracomo táijífredino afeco ie güíllado írediaíoi. Bífue bie izói daííacade; nana Juzíñamui íóbitallena fecaca rille jobáiranomo táijífredino, afénomo fecaca ríllemona come jítaíllaze otá rírediaíoi. <sup>14</sup>Mei birui cai Ocuíraíma daje izói ocuide. Nana jíllona uai llócaídino, íaiói llófuega comínimona güíllena otá güürediaíoi. <sup>15</sup>Mei íadi cue bie daina izói jaca finóñedicue. Daje izói bie cue cuegábedo ómoímona mínícana fia jícáñedicue. Güille ómoímona cue jícáñenamona júbieri tíidicuenta, afe figo cuemo ráifíñede. Raiñóñeno bie ñúefue cue lluaíjiri iere íóbidicue. Afe bie cue íóbillafue cue táilla baímo jamánomo ráifide.

<sup>16</sup>Jíllona uai cue llócaíllado abina íñonidicue, mei afe llócaíllena jónegacueza. Bífue llócaíñedicuenta jñí duere cue zefuilla! <sup>17</sup>Ie jira, dama cue comeci jítaílla izói bífuenta cue llócaíadi, Juzíñamui mona jírdoredicue. Mei íadi afe izóiñedeza. Juzíñamui cue nízano bie ñúefue cue llócaíllena cue jónete. Afena cue jaca jámaíruinidicue. <sup>18</sup>Iemona daíí cue llócaílla jírdúa jíáifodo jóide. Nie afe cue jírdoga daíítana fia cue íóbillafue; mei raiñóñeno bie ñúefue cue lluaíjillari iere íóbidicueza. Nana cuemo dúide táíjinana íbátáñedicue. Uai llóraíma izói cue táíjinamona, cuemo dúide ráaniai ómoímona raiñóñeno fia oñédicue. Aferi iere íóbidicue.

<sup>19</sup>Mei comínimona buna ráiruínegacue, mei íadi nana comíni ocuíllimíena abí mamédicue, baímo aillo comínina Crísto me jaináitallena. <sup>20</sup>Judúai cígimo cue illa llezica, judío ímíena abido jáidicue, afémaci Crísto me jaináitallena. Bie izói daina, Moisés ocuica uai anamo itínona Crísto me jaináitallena, afe Moisés lloga uai anamo abí jóneticue. Mei íadi uáfuenta afe ocuica uaimo dúíñedicue. <sup>21</sup>Iemo jíáínomo, afe Moisés ocuica uai anamo íñédinona Crísto me jaináitallena, íaiói izóidimíena jáidicue. Mei íadi uáfuenta Cristo uai anamo cue íllamona Juzíñamui uai anamo íticue. <sup>22</sup>Juzíñamui íñogafuena nai figo baitáñedino cígimo cue illa llezica, afémaci izói abí mamédicue, afémaci Crísto me íaiói íñogafue cue móonaitallena. Bie izói daina, nana comínimona illa dígamie íaiói illa izói íacadicue, mei ñibai jíáifodo íaióimona dáarie cue jíllotallena. <sup>23</sup>Nana bífuiaina finófrédicue cai jíllona uai jíca jalléíllena. Daje izói bífuiái finódicue, ñuera cai jíllotate uai caímo onótaga núefuiaina cue maiñólleza.

<sup>24</sup>Ja onódiomoíza, jíámacamona aillo comíni áizia, illa dígamie fia jírdoga raana oñede. Dáamie jírdote. Mai riire omoi aizi, jírdolle raa omoi jírdolleza. <sup>25</sup>Nana jífánuaíuemo maméritino, jífánocana uícode abina náinitade raana fímaidiaíoi. Afémaci iere abina fímaidiaíoi, raire zábífréde raa íaiói jírdollena. (Mei aféruíllaído íaiói jírdoga rábiaí finóina ífo icuífoí are íñeno raire etúdeza.) Mei íadi jíámaciri fuíríenaila izói, riire nícidotícaí, jaca nínomo zábinide raa cai maiñóllena. <sup>26</sup>Cue díbenemona uínidimie izói ebena aízíñedicue. Iere níciduano, come jana fatímie izói táínona fañédicue, mei íadi comíni ñue íñotallena riire nícidotícaí. <sup>27</sup>Mei jíáifodo abí fímaílla izói cue abina

duere finódicue. Daíí abi cue rairuüllamona dama cue abina ñue jieruitadicue. Bie izói finóoicaidicue, jáámaci cue llócailla mei, ruiffruillano Juzíñamui jino cue dótañellena.

## 10

*Jánaraímo caimátaifiredino lleta uai*

<sup>1</sup> Cue ámatiai, bífuena ómoína fidítaacadicue. Nana cai jáiáidigima Juzíñamui jónega mona uüllena eroide raa anado jáioicaidiaioi. Daje izói nana afémaci Jáirede Monáillaina ruica jaitádiaioi. <sup>2</sup> Daíí íaioi jáillamona afe mona uülliedo, daje izói monáillaido dájena Moiséoiri jaináitagaiaioi. <sup>3</sup> Daje izói nana afémaci Juzíñamui monámona cocítaga güille güiffrediaioi. <sup>4</sup> Iemo nana afémaci afe Juzíñamui noficimona totátaga jainoi jirófrediaioi. Mei íaioi jáioicailla lezica afe íaioi nabáioicaide jamánomo riírede nofici llócuca jiródiaioiza. Afe nofici daina Cristo. <sup>5</sup> Mei íadi afémaci nabézie Juzíñamuina íobitañede. Iemona zaféredizicimo tícoizitiaioi.

<sup>6</sup> Nana bífuiaí cai onóillena daíí íficaide, afémaci gaiga fiénidífuiaína cai gáíñellena. <sup>7</sup> Afémacimona dámerie jánaraímo caimátailla izói omoi caimátaíñeno iri. Juzíñamui Cuegáuai íaioi finócafueña bie izói daide: “Afe comini fia ráinaillano güiffrediaioi, jirófrediaioi. Afe mei náidacaillano rafue finoda záifrediaioi.” (Daíí íaioi jánaraímo caimátaítiaioi.) <sup>8</sup> Afémacimona dáarie jiruúrena izói, mai cai íñeilli. Daíí íaioi jiruúrenamona afémacimona daje monado veintitrés mil dígamié titácaiaioi. <sup>9</sup> Afémacimona dáarie Juzíñamui afémacimo raire járitañenafueña náfueño, fiéni íena facátatiaioi. Afemona díga comini Juzíñamui oreca jaio ainica íaioi tíilla. Mei jira, afémaci Juzíñamui fiéni facátaja izói mai íena cai fácatañeilli. <sup>10</sup> Daje izói Juzíñamuimo omoi ríiriñeno iri. Mei afémacimona dáarie Juzíñamuimo ríiriñillano úrioidino titade Juzíñamui abi ímie titácaiaioi.

<sup>11</sup> Nana bífuiaí cai jáiáidigimamo íficaide, áfena cíoillano comini bífuiaimona ñue abi cai rairuüllena. Afe mei, cai onóillena Juzíñamui afe bífuiaí ie Cuegánicomo cuetátate, afe izóidífuiaimona cai bigímaiaí ñue abi cai rairuüllena. Mei ja birui írairuüllaimo itícaiza. <sup>12</sup> Mei afemona, “Ñue ínoticue” daidímie daíitadífuemona ñue abí rairuiri, afémaci izói cai báíñellena. <sup>13</sup> Omoimo comuide facátaina duere zefuüllafuiaí, daje izói nana jáámacimo comuide, dani ómoíñedeza. Mei íadi Juzíñamui jaca ínofíregamié. Mei onódicaiza, Juzíñamui caimo ite máirie baimo, riírede facátafuedo caina fácatañeite. Mei jááfodo facátafue comuilla lezica Juzíñamui afemona omoi jílluille iona ómoína onótate. Afemona afe facátafueña ja ñue ocuúrediomoi.

<sup>14</sup> Ie jira, cue izíruiga ámatiai, jánaraímo caimátaillamona oni omoi jírecari. <sup>15</sup> Ráfueña baitádinomo úrilla izói ómoimo úriticue, íemo ómoína cue daíillífuemo dani ñue comeci omoi facari. <sup>16</sup> ¡Cácarei! Cai Ocuúraíma tíillamo cai úibicaillena, ñue finoca comunióñ illácurimona cai jiróadi, Cristo díena dájena caimare mamécacai. Daje izói afe illa dígamiemo fecaca comuniómo jainaide pan, cai güíadi, Cristo abina dájena caimare mamécacai. <sup>17</sup> Aíllomaci cai íadi, daje pan cai güíllamona daade come abina iticai.

<sup>18</sup> Mai Israel nairai finoca ráfuiaímo comeci omoi facari. Juzíñamuimo fecaca ríllenai ritino, afe fecaca ríllemo dájena mamécaiaioi. <sup>19</sup> Bie cue dánamona jánarai ua raaza dáíicañedicue. Daje izói, afe jánaraímo caimátaillena fecaca rille, jáíe rille baimo ráífideza dáíicañedicue. <sup>20</sup> Cue daina bie izoide: Juzíñamuina onóñedino fia iga raa afe jánaraímo íaioi feca llezica, afémaci Juzíñamuimo fecañediaioi; mei fiénide joríaimo fecádiaioiza. Afe fiénide joríaí anamo dájena caimare omoi itábicaíri, daííñedicue. (Daííademono ómoína rairuúacadicue.) <sup>21</sup> Fiénide joríaí ichécoimona omoi júrua llezica cai Ocuúraíma ichécoimona jirónidiomoi. Daje izói fiénide joríaímo mameca ríllenai omoi ria llezica, cai Ocuúraíma mameca comunióña güñidiomoi. <sup>22</sup> ¿Meita cai Ocuúraímana ríicaitaacadiomoi? Jaca daíí íacañedicai. ¿Meita cai Ocuúraíma baimo ríirediomoi, afémie duere omoi fínoñellena? Jaca daíí ríinidicai.

*Cristomona comuide conímána cai izíruillafue cai rairuíninafue baimo ñuera*

<sup>23</sup> Uáfueña dáina. Dámie ie comeci jítaina izói ñnuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaitallena ñue canóñede. <sup>24</sup> Dani omoi ñue illifue jenóñeno, jiáimaci ñue illifue jenórediomoi.

<sup>25</sup> Fecáiracomo nana fecaca gülleniai jiáífodo o ífoci úrillado jicánoñeno uái daí omoi güiri. <sup>26</sup> Mei nana bínie Juzíñamuimo dúideza naa áfemo ite rílleniairi.

<sup>27</sup> Mei jiáiruido Juzíñamuimo íinoñedímie ona: “Güizaibi” daííadi, jaillano jiáífodo ífoci úrillado jicánoñeno nana o ie écajana uái daí güiri. <sup>28</sup> Mei íadi dáamie: “Bie lícíaí jae jánaraimo fecácaza,” ona daííadi, áfena riñeno iri; daí daídímie comeci fieni o fñoiza. Daje izói afémie ífoci úrilla o úaitañelleza. <sup>29</sup> O ífoci úrillana lloñedicueza, afémie ífoci úrilla o zánoñeillena, daí daídícue.

Mei nibai dáamie jicánoite: “¿Nibái mei jiáie come ífoci úrillado rairuícacue? <sup>30</sup> Nana cue güigari Juzíñamuina: Figora cue daíí, nibái mei jiáima cue güíllari fieni úrite,” daí afémie dáíite. <sup>31</sup> Iemona bizóidífue ñuera: Omoi güilla llezica, omoi júrua llezica, nana omoi jetáacaigafue jeta llezica, mai nana afe omoi finóacaigafuiana Juzíñamui íóbillena finori. Afe daí aillo ñúefue íemo nítaitiomoi. <sup>32</sup> Ninó jiáimana oni nibéfodo fíenidífue o illáfuedo baííañeno iri. Ua, judúuana baííañeno iri, daje izói judóñedinona baííañeno iri. Iemo Juzíñamuimo íinotínona baííañeno iri. <sup>33</sup> Cue dibénemona, nana comínina nana cue finócafuiáido íóbitaacadícue. Dama cue ñue illifue jenóñedicue, mei jiáífodo nana jiáimaci ñue illifue jenódícue, ñue íaíoi jílloillena.

## 11

<sup>1</sup> Cristo cíotaga ñúefuedo cue jailla izói, ómoímo cue cíotaga ñue illáfuedo omoi jairi.

*Juzíñamuimo cai caimátáifirena llezica, ringóniai jaca jiáimacina lletánidiaíoi*

<sup>2</sup> Cue ámatíai, ómoímo ñúefue nítaitícue mei cuemo uibóífirendiomoi. Daje izói omoi cue llófuiana jeire uano áfede jáífirendiomoi. <sup>3</sup> Mei íadi ja birui jiáífuena omoi onótaacadícue. Bífue bie izoide. Cristo nana íñíai ífoci izói Ocuídímie. Iemo nana ringo ie ini ocuica; afémie afengo ífódimie. Afe izói Juzíñamui Cristo ífode. <sup>4</sup> Iemona dáamie Juzíñamuimo úrilla llezica, ie ífoci íbaia, afe ie ífócina meaire finode, mei ífoci íbailla jiáie come ocuilla anamo íllana llóteza. Daje izói Juzíñamuimona onoi uai afémie llua llezica, ífoci íbailla ie ífócina meaire finode. <sup>5</sup> Mei jiáífodo, daa ringo Juzíñamuimo úrilla llezica, íemo Juzíñamuimona onoi uai llua llezica, afengo ie ífoci íbaíñenia, afe afengo ífócina meaire finode. Afe íbaíñena afengo ífo ítirai nana cuidoca izoide. <sup>6</sup> Daa ringo ífoci íbaíacañeniadi mei dáaruído nácina cuidórede. Mei nácina cúidocana, ífoci íbaíñena daje izói meáirede. Mei íadi ringo ie ífoci naado cúiduana meáiruadi, afengo ífoci íbaírede. <sup>7</sup> Íñíai íaíoi ífócina íbáinidiaíoi, mei íima Juzíñamui jánana eróideza. Daje izói íima Juzíñamui ñue ocuilla ríinona jino cíotatímieza. Mei íadi ringo íima ñue ocuilla ríinona jino cíotaite. Uáfueza, Juzíñamui íñíai anamo íñena izói, afe izói íñíai ringóniai anamo íñede. <sup>8</sup> Mei íima Juzíñamui fínua llezica, ringómona fñóñedeza. Mei jiáífodo ringo ímamoná finócaza. <sup>9</sup> Íima jitailla jira ringo finoca; mei íadi ringo jitailla jira íima finóñega. <sup>10</sup> Afe jira ringóniai ífócina íbaírede, afengo ie ini ñue ocucana anamo illa daíllena. Daí írediaíoi mei Juzíñamui abí imaci eróicana ítfaíoi. <sup>11</sup> Mei íadi Crístomo cai jainaina díno íima ringónino ínide. Daje izói ringo íimanino ínide. <sup>12</sup> Mei uáfueza ringo ímamoná finoca, daje izói uáfueza naga íñíai ringo jéiciga. Iemo nana Juzíñamui comútagacaí.

<sup>13</sup> Bíemona ¿nie izói comécíidíomoi? conímamo omoi dáini. Ringo ífoci íbaíñeno Juzíñamuimo úriadi, meita figora, nibai figóñede. Mai dáini. <sup>14</sup> Nanónoma omoi izóidíno griego imaci onóigaza: íima ífótiirena baíñede; meaire cíoi deza. <sup>15</sup> Daje izói afe abina cai onónafue jiáífuena dáanomo cai llote. Ringo ífótiirena ñue baite, mei áfede aféngomo ñúefue nítaitiaíoi. Jaca afe ringo ífoci íbaíllena, ie ífótíi áretiina comútaga. <sup>16</sup> Mei

dáamie bizóidifue júfidoacaniadi, bie cue llógamo mai cacai, mei Cristo orécamací cue diga jíáfoidifueña náfueñedicaí. Daje izóí Juzíñamuimo ínotino bifue baimo jíáífo maméñediaoi.

Cai Ocuíraimamo cai uibíñoga güilla rafue jíáimaci bácala

<sup>17</sup> Bie izóí cue dáinado ómoimo ñúefueña nítañeíticue, mei omoi gairíllafuaimo ñue íñeno, conímana fieni finódiomoiza. <sup>18</sup> Fueñe bifue llóitícue. Dámierie omoi illáfueña cue fídítatiaoi. Juzíñamui cáimacailleña omoi gairilla llezica, jíáimana énenoruidiomoi, daidíai. Afémaci cuemo llógana jabo ínotícue. <sup>19</sup> Afe eneno bozietailafue comuífredeza, nibézie Crísto nahi ínotinona, nibézie ínoñedinona jino uáfodo daíllena. <sup>20</sup> Conímana omoi énenoruillamona, bie izóí zúide. Gairíllano omoi güillafue omoi bácacaza, ja birui áfena cai Ocuíraíma íeñede. <sup>21</sup> Mei güizájillamo dúcina llezica, illa dígamie dama ie atica güille güizájillena járitaífrede. Iemo dárie jufíruilla llezica, jíáimaci jífáizaíbitiaoi. <sup>22</sup> ¿Meita birui omoi jofónidiomoi, afénoimo güitá omoi jiróllena? Bie izóí omoi íllado Juzíñamuimo nahi ínotinona jámairuitiomoi. Afe dáaruído güíllenidíno meáruitadiomoi. ¿Mei nie izóí ómoína dáitícue? ¿Mei ómoimo ñúefueña nitáredicue? ¡Aferi ómoimo ñúefueña nitánidicue!

Cai Ocuíraíma íraicaiño güíllamo cai úbicailafue

(Mt 26.26-29; Mr 14.22-25; Lc 22.14-20)

<sup>23</sup> Uáfueza, cai Ocuíraimamo cai uibíñoga güillafue fieni omoi fínuamona, ómoimo ñúefue nitánidicue. Mei nauí ómoína cue daína izóí, bie omoi cue llófuafueña dama cai Ocuíraíma llotátagacueza. Afefue be ñie: Cai Ocuíraíma Jesús afe ie Judas fécaja nai, pan llínote. <sup>24</sup> Líñuano Juzíñamuina: “tere figora” daide. Daina méifodo fécano daide: “Mai omoi güi. Bie cue abí; omoi ñue íllena dítaica izóí ómoimo cue fecacaza. Bífuedo cuemo omoi úbicáíreiri,” daide. <sup>25</sup> Daje izóí íaiói güilla méifomo, jiróracuri línota daide: “Afe bie jiróracuri eromo ite íji, ómoimo cue comúfalle cómofueña ómoína onótate. Afe bie Juzíñamuimo dájena omoi jáinátalle cómofueña cue die uáfueña ífcáitate. Diga ícaíño bie íjimoná omoi jiróadí áfejido cuemo omoi úbicáíreiri,” daide. <sup>26</sup> Nana bifuíai jira, Jesucristo nai meine ana bíñena llezica, nágaruillai bie pan omoi güíadi, íemo bie jiróracuri ero íji omoi jiróadí, áfedo Jesús cai ícoína tíllana jino uáfodo llóitíomoi.

Afe bie cai Ocuíraimamo cai úbicailafue jaca ñue coméçíllamona finórede

<sup>27</sup> Mei jira, nie come bie paana Juzíñamuimo ñúefueña nitáñeno güíadi, daje izóí afe jirócaji afémie fieni jiróadí, afémie cai Ocuíraíma abí naa ie die diga fieni finode. <sup>28</sup> Ie jira, illa dígamie nai afe pan güíñena llezica ie ífoci úrillana ñue onórede; daje izóí áfeji ie jirócana llezica áfena onórede. <sup>29</sup> Mei onógaza afe pan Cristo abina caina onótate. Dáamie aféfuena ñue náfueñeno ebena güíadi, afe daíí ie güíllamona dama Juzíñamui íena duere fínoite. Daje izóí dama Juzíñamui ie duere finóllíji jírúa izoide. <sup>30</sup> Daíí omoi íllamona ómoimona aillo irárediaoi. Jíáie comíni náinidiaoi. Iemo daje izóí dáarie tíidiaoi. <sup>31</sup> Mei jíáfodo dani cai ífoci úrillana ñue cai náfueña Juzíñamui caimo riire jícanoñeite. <sup>32</sup> Mei íadi cai Ocuíraíma riire caimo jícanoíadi, afe jícanuado afémie izire caina lletade bíniemo ite Juzíñamuimo ínoñedíno diga cai duere fínobiñeillena.

<sup>33</sup> Mei cue ámatiaí, bie izóideza: Comunióñ güitállena omoi gairíadi, dámie raire güíñeno dájena omoi güitálleza conima omoi úñori. <sup>34</sup> Dámie ie jufíruíadi dama ie jofomo güizájirede, fieni omoi gairíllado Juzíñamui duere omoi fínoiza daí. Íco omoi cue eróizaille llezica, omoi jícaica jíáfúiaí jáicína jóoneíticue.

<sup>1</sup> Amatíai, Juzíñamui Ñuera Joreño illa dígamíemo fecaca Juzíñamuimo táijínana fibíllena ómoina fidítaacadícue.

<sup>2</sup>Ñue onódiomoiza, nai Juzíñamuina omoi onóñena llezica, úrinide jánarai anamo íllena cuinada zonóicaigaomoi. <sup>3</sup>Iemona: “Bífúena omoi onoiri,” daídícue. Jesuna faidódimie jaca Juzíñamui Ñuera Joreño úrinide. Daje izói Juzíñamui Ñuera Joreño úríñedímie jaca uáfúena, “Cue Ocuíraíma Jesús” daíñide.

<sup>4</sup>Illa dígamíemo afe fecaca jíáíforíe Juzíñamuimo táijínana fibíllena ite. Mei íadi aféfuíai daade Juzíñamui Ñuera Joreño fecácaza. <sup>5</sup>Illa dígamíe jíáíforíe conímama canóredícai, Juzíñamui ocuícamacína cai íllena. Mei íadi daade cai Ocuíraíma anamo itícai, ie cai íóbitallena. <sup>6</sup>Illa dígamíemo cai íllafue ñue jáícína jóoíllena, Juzíñamui díga jíáíforíe caina ocuíoide. Mei íadi daade Juzíñamui nana comínina ocuíoide. <sup>7</sup>Juzíñamui Ñuera Joreño caído jáicanana cai ónoíllena facáfirena raana illa dígamíemo Juzíñamui fecade, nana jíáímací cai canóllena. <sup>8</sup>Ie jira Juzíñamui Ñuera Joreño dáamíe iere baitádimíena jáíllena fena fibítate, jíáímací llófuellena. Iemo jíáímíena daje Ñuera Joreño nimáiraíma úrifirena izói úrillena fena fibítate. <sup>9</sup>Iemo jíáímací afe daade Ñuera Joreño jamánomo Juzíñamuimo íñotagaíai, áfedo jíáíe Juzíñamuimo íñotino ñue canóllena. Ie mei jíáímací íráredíno jíllotaráímana fibítagaíai. <sup>10</sup>Iemo dáarie uaido dáínamona comuíde raa fínuaa fibítagaíai. Iemo jíáínona Juzíñamui dáina uai uáfodo jino llóllena fibítagaíai. Iemo jíáímacína nie ua Ñuera Joreño úrillana daje izói nie táino jóriaído úrillana onóíllena Juzíñamui fibítate. Iemo jíáímacína nai llófueñega jíáíforíede uáíllaido úrillana onóíllena fibítagaíai. Iemo nai jíáímací afe dáina uaíllai ñue jino dobáíñuaa onóíllena fibítagaíai. <sup>11</sup>Mei íadi nana bífúai daade Juzíñamui Ñuera Joreño fecaca. Ua dama ie óiacana izói, illa dígamíemo jíáíforíede fibíllafuíaina fecade.

*Nana cai bie dáamíe abímo dúídícai*

<sup>12</sup>Bífúai nana bie izói jóide, mei Cristo íemo íñotino díga, daade abí izóideza. Afe daade abímo jáináídníuina aillo ite. Mei aillo ite íadi, nai afe abí daade. <sup>13</sup>Afe izói aillo jíáífoídínona cai íllamona, níbai judíodícai, níbai gríegodícai afe jaca mámeñega. Mei daade Ñuera Joreño nana cai daade abina jáináitagaícaza. Daje izói níbai ráírú-canodícai, níbai ráírúíñeganodícai daje abina itícai. Ua daade Juzíñamui Ñuera Joreño daade abina fínóccai. Afe daade Juzíñamui Ñuera Joreño úicaitagaíca.

<sup>14</sup>Cai abí daje izóíñede, mei díga ráaníaí daade abímo jáináínaza. <sup>15</sup>Mei jíi, come eiba: “Cue bie ónoñedicueza daje abí íñédícue,” daííadi, daí dáínado daje abímo ie jáináínana uáítanide. <sup>16</sup>Daje izói come jefo: “Cue bie újíñedicueza daje abí íñédícue” daííadi, daí dáínado daje abímo ie jáináínana uáítanide. <sup>17</sup>Mei cai abí nabáínino daa újí íadi ¿nie izói cácaítícai? Daje izói cai abí nabáínino daa jefo íadi ¿nie izói jáílliana cácaítícai? <sup>18</sup>Mei íadi nana cai abímo jáináídníuina, afe abímo ñue baitíñuíaimo, Juzíñamui ie comeci jíítaina izói jóonete. <sup>19</sup>Nana cai abí dáadeníadi afe nabáíñiaí íllino íñede. Ua abí íñede. <sup>20</sup>Mei íadi ja onódiomoiza, dáamíemo jáináídníuina aillo ite, íadi jaca ie abí daade.

<sup>21</sup>Daje izói nane jíáífue, cai ui ónoína: “Ona jítaíñedicue” daíñide. Daje izói ífoci eíbana: “Ona jítaíñedicue” daíñide. <sup>22</sup>Mei jíáífodo cai abímo ite maíríñedíno iere jamánomo jítaírede. <sup>23</sup>Daje izói cai abímo ite fígo coméííñegano áfena iere ñue uíñotícai. Iemo cai abímo jino uáfodo cíotanídínona, áfena ínóroído ebire fínode. <sup>24</sup>Mei íadi cai abímona uáfori cíoidíno cíotanídíno izói ebire fínóndíai. Bie izói Juzíñamui cai abímo itíñuíaina dájemo jofo ñue zorode, cai fígo coméííñegano ñúefuena jamánomo cai nííallena.

<sup>25</sup>Juzíñamui daí zorode, cai abímo itíñuíai conímama énenoruíñeíllena. Mei íadi jíáífodo illa dígano conímamo comeci uírede. <sup>26</sup>Come abímo itíñuíaimona daano izi cácana llezica, nana jíáíñuíai daje izói duere zéfuítíai. Daje izói dáanomo ñúefue níñano caímare íadi, nana jíáíñuíai dájena caímare itíai.

<sup>27</sup> Mei jira bie izóí nana omoi Cristo abídiomoi. Omoimona illa dígamiiai daa ie abímo itínuiiai izóídiomoi. <sup>28</sup> Afe jira Juzíñamui jiáífodo táijinana dáarie femo ínotinomo jóonete. Nano fueñe Cristo orécamaci jóonete. (Afémaci jiáífo mameina ie apóstoles.) Afe mei jiáinona Juzíñamuimona ogáfuiiai uáfodo jino llotino jóonete. Afe mei nane jiáinona ie uai llófueraini jóonete. Iemo uaido dáinamona raana comuítatino jóonete. Iemo iráredino jllotaitino jóonete. Iemo jiáimacina canófiredino jóonete. Iemo jiáimacina ocuffireitino jóonete. Iemo nai llófueñega jiáizie uáillaído úritino jóonete. <sup>29</sup> ¿Meita cai nana Cristo orécanodicai? Ieñedicai. ¿Meita nana cai bie Juzíñamuimona ogáfuiiai uáfodo jino llotínodicai? Ieñede. ¿Meita nana cai ie uaina llófuetinodicai? Ieñede. ¿Meita nana cai bie uaido raana finódinodicai? Ieñede. <sup>30</sup> ¿Meita cai bie iráredinona jllotaredicai? Jllotanidicai. ¿Meita cai bie nana nai llófueñega jiáizie uáillaído úritinodicai? Ieñedicai. ¿Meita cai bie nana aféuai dobáñuano jino uáfodo llóredicai? Jaca nana llónidicai. Dámierie dobáñorediaioi. <sup>31</sup> Mei ie jira, nana bie fibíllafuiamona baimo ñuera fibíllafuiaina Juzíñamuimona omoi llóllena afe omoi nícidori. Mei íadi afe fibíllafuiiai baimo, jiáie ñuefueña ómoimo llófueiticue.

## 13

### Jiáimana cai izíruillafue

<sup>1</sup> Mei uáfueza, nai llófueñega jiáizie uáillaído úrillana cue fibíadi, íemo afe baimo Juzíñamui abi imaci úrilla izóí úrillana daje izóí fibídícue ia, mei íadi jiáimana cue íziruiñeniadi, fia taino ficírede juai izóídicue. Iemo jiáie taia ficírede lloéturu izóídicue. <sup>2</sup> Daje izóí Juzíñamuimona ogáfuiiai jino llúana cue fibíadi, íemo nana nai uáfodo onóñegafuiiai llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ínogafue cuemo íadi, mei íadi jáimana cue íziruiñenia, táinomo fáifitícue. <sup>3</sup> Daje izóí, nana cuemo ite ráaniai jiáimaci canóllena fia cue fecáadi, íemo Juzíñamui íóbitallena dama cue abi cue jobáitaadi, mei íadi afe llezica jiáimana cue íziruiñenia, nana cue finócafuiiai cuemo ráifíñede.

<sup>4</sup> Mei jiáífodo, jiáimana izíruitímie jaca járitaiñede. Afémie dúcaifírede. Daje izóí úradoifínide, íemo afémie uícofíñede, íemo fienu abí íñoñede. <sup>5</sup> Daje afe jiáimana izíruifíredímie meáiredífuena jaca lloñede, íemo afémie ie abina jacíre maméñede, íemo afémie jaca ríicafínide. Jiáima fiénidífué íemo finóadi, fienu comécíñeno raíre féítate. <sup>6</sup> Afe jiáimana izíruitímie jiáimaci fiénidífuiai fínuari zúureite, mei jiáífodo ua ñuefueri íóbitírede. <sup>7</sup> Nana íemo comuífuiiairi caimare ocuide. Raíre járitaiñeno aféfuiaimo ñue úíñooidé. Juzíñamuimo izire ínuano aféfuiairi jacínaiñeno ñue ocúridé.

<sup>8</sup> Izíruillafue zíñona jaca záiñeite. Mei íadi Juzíñamuimona uícodo onoiğa ráfuiai záite. Daje izóí jiáimaci uáillaído úrilla llícaite; íemo daje izóí ífócído onóígfuiiai záite. <sup>9</sup> Mei biruíllaído cai ífócído onóígfuiiai ñue ícoimo baitáñedicaiza, jabo onódicai. Daje izóí Juzíñamui uícodo onoiğa ráfuiaimona due jino lloticai, mei due onódicaiza. <sup>10</sup> Mei íadi uire Juzíñamui nana ráfuiai caimo baitálliruimo afé ícoimo ñue báitañegafuiiai fáicanocaille.

<sup>11</sup> Nai cue úruena llezica úruiaimo itífuiaído úritícue. Urue comeci fácaja izóí, comeci facádícue, íemo úrue ífoci úrilla izóí itícue. Mei íadi ja cue mónailla llezica, úrue illa izóí cue illáfuiaina fáicanocaidícue. <sup>12</sup> Daje izóí birui Juzíñamui díbénemo cai onóígfuiiai jaicubicaide. Dámie jáiara acáranimo figo cíoiñena izóí afe izóí Juzíñamui ífuiaina birui figo baitáñedicai. Mei íadi íco jiáíruido nana ñue báitaiticai. Birui cue ífoci úrilla figo déíñedeza, jabo onódícue, mei íadi aféruído nana ñue ónoitícue. Jíi, Juzíñamui cuena onona izoi ñue jáicína ónoitícue. <sup>13</sup> Mei daí Juzíñamuimo ínogafue, íemo jiáí ocuírínafue, íemo jiáí izíruillafue jaca zíñona féíñeite. Bie daámanidemona izíruillafue iere jamánomoide.



## 14

<sup>1</sup> Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jíáíforie táijinana fibíllena izire omoi jenori. Omoi jenolle llezica, Juzíñamuimona onoiga uai jino llua baimo izire jicari. <sup>2</sup> Mei íadi dámie nai llófueñega jíáizie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe óñoñega uaido úritimie Ñuera Joreño úrite, mei íadi afémie daina uai uáfodo onóñena báinino jóoide. <sup>3</sup> Mei jíáfodo afe Juzíñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jíái íaioi caimare írallena. <sup>4</sup> Afe jíáizie uaido úritimie dama ie joreño dibéfuemo móonaite; mei íadi afe Juzíñamuimona onoiga uai llotímie, Juzíñamuimo jaináidinona ñue móonaitaite.

<sup>5</sup> Afe nai llófueñega jíáizie uaido úrillana nana ómoiena jitáidicue. Mei íadi Juzíñamuimona onoiga uai jino omoi llóllena iere baimo jitáidicue, mei afe onoiga uai jino llua, jíáizie uaido úrilla baimo ráifide, Jesucrístomo ínotino aillo móonaitallena. Mei íadi afe jíáífoide uaido úritimie úrilla dobáíñoraíma íadi, afefue ñuera; mei áfedo nana Juzíñamuimo jaináidino dani íaioi joreño dibéfuemo daje izói ñue móonaitaíoi. <sup>6</sup> Ie jira ámatiai cácarei. Uire omoi cue uáiduaíbia omoi cígiri Ñuera Joreño úritate jíáizie uaido cue úriadi, cue úrilla ómoimo due jiza ráifíñede. Mei jíáfodo Juzíñamui caimo onótagafuiaido cue úriadi afefue ómoimo ráifide. Daje izói omoi ífoci ua uaina cue déitaiadi afefue ráifide. Iemo daje izói Juzíñamuimona onoiga uai ómoimo jino cue lloia afefue jíái ráifide. Daje izói omoi cue llófuia ráifide.

<sup>7</sup> Mai nana omoi rúado taiga raamo ñue coméciiri, áfemona ñue onóillena. Afe raa jaca comécinideza. Be totibacui, íemo arpa, íemo juai diga caimare ficire úrite, mei íadi jíáíma fieni taia, áfena cacáidino afe úrilla uaina óñoñeítai. <sup>8</sup> Daje izói comini jobáiriacana llezica, uáidua juai táíñeniadi comini figo áfemo mámeriñeítai. <sup>9</sup> Afe izói ómoimo ífcaide: dáamie jíáífoide ónonide uaido omoi llófueia ie dainana bu onóñena. Afémie táinomo úrite. <sup>10</sup> Uáfodo onóigaza; bie éniemo diga jíáie nairai uailai ite. Afe uáillaina onódinomo nana aféuailai ñue baite. <sup>11</sup> Mei íadi cuemo úritimie uaina cue óñoñena, afémiemona jicánemiedicue. Daje izói afémie cuemona jicánemie. <sup>12</sup> Ie jira, afe Ñuera Joreño mona fecaca táijinana fibíllena omoi iere gaíña llezica, mai Juzíñamuimo jaináidinona ñue móonaitallífuiaína iere izire omoi jicari.

<sup>13</sup> Afe jira nai llófueñega jíáizie uaido úritimie afe ie daina uaina ñue jino llúana fibíllena Juzíñamuimo jicárede. <sup>14</sup> Mei jíáizie uaido Juzíñamuimo cue úriadi, ua cue joreño úriticue, mei íadi cue ífoci úrilla, táijíñeno oni eneno ite izoide. <sup>15</sup> Mei íemona çñifue fñoiticue? Cue joreño naa cue ífoci úrillado Juzíñamuimo úriredicue. Daje izói cue joreño naa cue ífoci úrillado afémiemo róredicue. <sup>16</sup> Mei jíi, dama o joreño Juzíñamuimo o úriadi o áñori ite, áfemo fibítañega cacáreidímie, Juzíñamuina figura o daiífírenafue dibénemo ínide. Mei o dainana onóñedeza. <sup>17</sup> Mei níbai Juzíñamuina figura o daiífírena Juzíñamuimo ñue cacáide, íadi jíáimana dama ie joreño dibéñedo ñue móonaitañede. <sup>18</sup> Nana omoi baimo jíáizie uaido úriredicue. Aferi iere Juzíñamuina figura daidicue. <sup>19</sup> Mei íadi Juzíñamuimo jaináidino gairífírena llezica, óñoñega jíáfodo jóide uailai baimo, jubeba diga ñue onoiga uai cue dainana gáidicue, jíáimaci cue llófuellena. Mei íadi diez mil féirede jíáizie uai afémaci cígimo cue úrillana gáíñedicue.

<sup>20</sup> Amatai, úruiai comeci faca izói, afe izói comeci omoi facáñeno iri. Mei jíáfodo écomini izói comeci omoi facari. Mei íadi fíenidífue dibénemo jézaíndino izói omoi iri. <sup>21</sup> Jaiái cai ocuilla uai ciegánicomo Juzíñamui íemo cacácañede Israel náiraina bie izói daide:

—Bie náiraina jíáie uáillaido úritinodo duere fñoiticue; oníñemacido íaioi llétaiticue.

Mei íadi afe bie uaido nai cuena náfueñeítai.

Daí cai Ocuíraíma daide, —aque izói ie uai llote.

<sup>22</sup> Mei daí afe jíáizie uaido úrillana fibíllafue Juzíñamuimo íñoñedinomo dúide, jíáie onóñate raa izói íaioina onótallena. Ínotinomo dúíñede. Mei íadi Juzíñamuimona onoiga

uai jino llúana fíbillena Juzíñamuimo íñnotinomo dúide, jíáie onótate raa izói íaioina onótallena. <sup>23</sup> Mei jira nana Juzíñamuimo jaináidino dáanomo gairilla llezica, íemo nana omoi jíáizie uaido omoi úriadi ie mei áfemo fíbitañega íñoñedino omoi cígimo bíadi, nibai “Uáiritaidino izóidiomoi,” daítiaioi. <sup>24</sup> Mei jíáfodo Juzíñamuimona onoiga uai jino omoi llua llezica, íemo fíbitañega íñoñedimie omoi cígimo bíadi, ie comécimo ite fiénidifuenta uáfodo ónoite. Nana omoi dáinana cacáillano afémie dama ie comécina méiñotaite. <sup>25</sup> Afe daíí dama ie comeci onóigafuiai jino ciocallamona, cañícido ana dújullano Juzíñamuina cáimadoite. Iemona: “Uáfuenta, Juzíñamui omoi cígiri íteza” daíite.

*Omoi gairilla llezica nana omo llollífuijai jaicuñeno jaícina lloiri*

<sup>26</sup> Mei jira, ámatiai, omoi gairillífuijai bie izói írede: Omoi gairilla llezica ómoimona dáarie Juzíñamuimo rollírua jino llóiacade. Iemo jíáimie llófueacade, íemo jíáimie Juzíñamui íena onótagafue jino llóiacade, íemo jíáimie jíáfoido uaido úriacade, íemo jíáimie afe jíáizie uaido úrilla jino dobáiñoiacade. Nana bífuiai ñuera. Mai bífuiai daíí íteza, Juzíñamuimo jaináidino ñue móonaillena, daje izói íemo nai íñoñedino ínotallena. <sup>27</sup> Jíáizie uaido omoi úriadi mena come dáaruido úrinide. Jíáimie úrilla llúcailla méifomo úriri. Daámami come daíí úrerede. Naga come jíáfoido uaido úrilla fuíllamo ie lloga uai dobáiñorede. <sup>28</sup> Mei íadi uai dobáiñoitímie íñeniadi, mai nie izói jíáfoido uaido daííñeno iri. Dámie úriacania dama ie comécido Juzíñamuimo úriri. <sup>29</sup> Daje izói afe Juzíñamuimona onoiga uai llotínomona damieámami úrerede, íadi daje llezica úrinidiaioi. Llotímie fuilla méifomo íemo cacáreidino fairforediaioi, ie dáinana ja Ñuera Joréñomona comuide, nibai íeñede daííllena. <sup>30</sup> Mei íadi dámie uai jino llua llezica, Juzíñamui jíáie ana ráidimie omoi jíáfue íena onótaiadi afémie raire fueñe úritarede. Nano fueñe úritímie ie úrillana fáicanocairede. <sup>31</sup> Afe daíí nana omoi Juzíñamuimona onoiga uai llotino llórediaioi. Uafue dámierie jino llórediaioi, áfedo nana omoi onóicaillena; daje izói áfedo nana omoi comeci náirecaillena. <sup>32</sup> Nana afe Juzíñamuimona onoiga uai llotino dani íaioi joréñona rairúrediaioi, nai jíáimie úrilla fuiñena dino. <sup>33</sup> Mei Juzíñamui caimare uái illífue comútatímie; íemo, úrillana féitate gáguana afémie comútañede.

Nana jíáinomo ite Juzíñamuimo jainaide gairídino fínua izói birui ómoina finótaiticue.

<sup>34</sup> Juzíñamui íobillena omoi gairilla llezica, cígimo ite ringóniai úrilla rairúrede, ííñiaina ie llófuellena. Juzíñamui ocuilla uai dáina izói, aféngotiai iima anamo caimare írediaioi.

<sup>35</sup> Aféngotiai daa rafue onócania, jino jofomo íaioi inimo jícanorede. Daa ringo comini gairilla cígiri úria meaire cioide.

<sup>36</sup> Mai cácarei, ¿Meita Juzíñamui uai dani ómoimona comuide, daíí comeci facádiomoi? ¡Daííñede! Daje izói aféuaina dani ómoimo llógaza comécíñeno iri; mei díga jíámaci íena, daje uaina jae llogáiaioiza. <sup>37</sup> Daa come Juzíñamuimona onoiga uai jino llotímiedicue daííadi, bie ómoimo cue cuegáfuijai cai Ocuíraima Jesucristo cai ocuilla uai afémie daíírede. Daje izói daa come Ñuera Joréñodo úritímiedicue daííadi, afémie cue cuega díbénemo Jesucristodo cai ocuilla uai daíírede. <sup>38</sup> Iemo afe cúegana ailli cue dáina bie izói daííacañedimie omoi náfueñeno iri.

<sup>39</sup> Cue ámatiai, bíemona Juzíñamuimona onoiga uai jino llua jeire omoi oiri. Iemo da come jíáizie uaido úria, rairuñeno iri. <sup>40</sup> Mei íadi afe llezica, omoi llollíuaina jaicuñeno daje fuémoma jíámamo meaire cíotañeno lloiri. Daje izói nana omoi jetaca raana jaicuñeno ñue jaícina maméfireiri.

## 15

*Jesucristo tñilla meine abido cáadimie illafue*

<sup>1</sup> Cue ámatiai, ómoimo cue lloga jíllona uai ómoina uibñotaacaducue. Afe uaina jae jeire otíomoi. Iemo bie uaido ñue itíomoi. <sup>2</sup> Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi naui nibai táinona omoi íñoia jae jíllonediomoi.

<sup>3</sup> Cue onoiga jamánomoidífue nauí ómoimo lloticue. Juzíñamui Cuegáuai daina izói, Cristo cai fiénidífuiái muiñóllena tíillafuena jae omoi llófueticue. <sup>4</sup> Iemo nane afe Cuegáuai daina izói, Cristo raiga daruíamani íllamona meine abido cáadimiena jáillana ómoína llófueticue. <sup>5</sup> Iemo afe Cristo Pédro mo cíocai; afe mei nana jíáie ie orécamacimo cíocai. <sup>6</sup> Nane afe mei dáaruído quinientos báimo íemo íñotinomo cíocai. Afémacimona aillo nai itíaiói, íadi dáarie jae tíidíaiói. <sup>7</sup> Nane afe mei Santiagomo cíocai, íemo nane nana ie orécamacimo cíocai.

<sup>8</sup> Nana jíáimacimo cíocai mei, íirainomo afémie cuemo cíocai. Iemona úrue jíáfodo jocoína izóidimiedicue, mei Crísto mo cue dóbaicallafue jarire cuemo íficaideza. <sup>9</sup> Mei Jesús orécamacimona jófófenemo ráifidimiedicue. Juzíñamuimo jáináidino fállena cue racáírenamona, nauí ie orécamie cuena daíñide. <sup>10</sup> Mei íadi Juzíñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáifitañedicue. Mei jíáfodo jíáie ie orécamací báimo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue díga jáicaillado daí táijiredicue. <sup>11</sup> Mei biruí, afe ñúefue nibai cue lloga, nibai afémaci lloga, afe llúafuena náfuñedicue. Mei íadi bie ñúefue ja ómoimo cai llogafue, daje izói afefue omoi íñogafue.

<sup>12</sup> Mei bie ómoimo cai llogafue Cristo tíillamona meine abido cáadimiena jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadimiona íñeite,” daidíaiói? <sup>13</sup> Meita íaiói daina izói tíidinomona buna cáañenaza, daje izói meita dama Cristo cáañeite. <sup>14</sup> Iemo meita Cristo cáañedeza cai llócaiga uai ráifíñede. Daje izói omoi íñogafue ráifíñede. <sup>15</sup> Iemo afe báimo, cai bie Juzíñamui dibénemo taino llotínodicai, mei Juzíñamui Cristo meine abido cáatate daidícaiza. Meita tíidino meine cáañenaza, daje izói Juzíñamui Cristo meine cáatañeite. <sup>16</sup> Mei tíidino meine abido cáañeniadí, meita afe Cristo cáañeite. <sup>17</sup> Iemo meita Cristo cáañedeza, omoi íñogafue ómoína ñue finóñede. Nai ómoimo ite fiénidífuiaimo nai jáináicaidíomoi. <sup>18</sup> Meita íaiói daina izói Cristo cáañedeza, Crísto mo íñote tíidino táinomo fáifidíaiói. <sup>19</sup> Meita Crísto mo cai ocúrinafue daa birúllaído biniemo cai illa llezica caimo dúideza, nana comini báimo cai duere finócanodicai.

<sup>20</sup> Mei íadi afe izóiñede. Cristo tíillanomona meine abido cáadimiena jailla ñue onóigaza. Amena llizillajimona jotáiritíj fueñe ualla izói, Cristo nana tíidinomona meine abido caadino ífódímie. <sup>21</sup> Mei bie izói daa cómemona, Adán dainámiemona tíillafue fueñe biniemo comuídeza; daje izói tíidino meine abido cáailífue daa cómemona comuide. Afémie Jesucristo. <sup>22</sup> Afemona nana comini Adamo jáináideza, tíitíaiói; íemo daje izói nana Crísto mo jáináidino meine abido cáaitíaiói. <sup>23</sup> Mei íadi nana nairai daje llezica meine abido cáañeítíaiói. Nágamiái íaióimo dúide dieze, íaiói cáatalliruido cáaitíaiói; raire uícode oga llizillají óina izói, Cristo fueñe meine abido cáadimiena jaide; afe mei Cristo billíruimo dama Cristo íédino cáaitíaiói. <sup>24</sup> Iemo íirairuimo dúciite. Aféruimo Cristo nana biniemo ite ríírede illaíni naa monamo ite ríinoredinuíairi niné táinocaitaite. Afe mei nana ie illáimana illa ríino naa ie anamo itínuíairi ie Moo Juzíñamuimo fécaite. <sup>25</sup> Mei jíi, Cristo nai illáimana írede, Juzíñamui nana íena éoidino Cristo anamo itábicaítalle dino. <sup>26</sup> Come tíillafue caina anáfenoacade caina éoidímie izoide. Mei íadi afe cai titade ríinona Cristo íirainomo niné táinocaitaite. Afe mei jíáie táinocaitallimiena íñeite. <sup>27</sup> Mei Juzíñamui nágafuíaina Cristo anamo jóonete. Cristo ñue afémaci ocúllena. Juzíñamui Cuegáuai bie izói daíadí, Juzíñamui Cristo anamo íñénana uáfodo onóigaza, mei Juzíñamui naga raa Cristo anamo jóonetímieza. <sup>28</sup> Iemo nágafuíai Cristo anamo itábicaillíruimo, dama afe Cristo Juzíñamui Jitoza ie Moo anamo itábicaíteza. Juzíñamui nágafuíai Cristo anamo itábicaítímie. Aféruimo bifuíaido naga ráaniai dibénemo Juzíñamui jamánomoidimiena íite. Naga ráfuiái naa ie comuítaga ráaniairi ñue jáicina afémiemo dúite.

<sup>29</sup> Nane jiáifue “Tíidinona meine cáañeite” daiífiredinona dáaiticue. Dáarie tíidino dibénedo bautizatatino ite. Meita tíidino meine cáañeitiaioiza, ¿nibái mei daí bautizatataitai? Iemo tíidino dibénedo bautizafue ¿minícamo ráifide?

<sup>30</sup> Iemo cue, cue nabáiñiai diga, Juzíñamui ñuefue ícoinia, nágaruillaído iere caina titáacade jácifuemo ífiredicai. Meita tíidino meine abido cáañeiteza, daí cai íadi ¿minica caímo ráifilla? <sup>31</sup> Nágarui cue titállena mamédiaioiza jácinomo iticue. Uáfuenta daí iticue. Cue ámatiai, cai Ocuíraima Jesucristomo omoi ínuari uáfuenta iere íobidicue. Afe uáfuenta cue íobilla izói, daje izói uáfuenta nágarui titáacagacue. Iemona tíidino meine abido caalle uáfodo onóigaza. <sup>32</sup> Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga naui cue fuiríllamona ¿minica cuemo ráifilla? Mei afe izói cue illa cuemo ráifiñede. Meita uáfuenta tíidino meine cáañeiteza, afe taino llotino ñue jáicina daidíai. Afémaci daina bie izói jóide: “Mai raire cai güilli, güillano cai jirolli; mei úreitiruiamo raire títicaiza afe mei nine íñeiticai,” daidíai.

<sup>33</sup> Jiáimamo omoi jífuefiñeno iri. Abina ñue onona uai uáfodo jóideza: “Fíenide nabáiñiai ñue illáfuiaina niné táinocaitate.” <sup>34</sup> Mei jiáifodo, ñue abina omoi onoiri. Omoi illafue ñue jáicina jóoneri. Fíenidífuenta finóñeno iri. Mei ómoimona dáarie Juzíñamui nai figo onóñedeza. Omoi méaicallena bie izói ómoína daidicue.

Tíidino meine abido cáadinona íllena abi Pablo llot

<sup>35</sup> Nibái birui ja dáarie jicánoite: ¿Mei nie izói tíidino cáaitai? ¿Mei afémaci abi nie izói éroite? <sup>36</sup> Afe izói jicánua abina onóñedimie úrilla izoide. Mei daa rífrégaji cai ríadi, afeji tíide izói énie anamo fiébirede, áfemona ie iroci zicóllena. <sup>37</sup> Eniemo riga raa, afénomona zicódirocñede, mei jiáifodo dama ie iji rína. Iemo diga jiáiforiede íjai rína: bellaji rína, íemo mazácaji rína, íemo arroz iji daje izói rína. <sup>38</sup> Afe rínaji zícua llezica ie ciona izói Juzíñamui comúitate. Dani aféjiai dúina izói zicótate. (Bellájimona bellari zócaja, íemo mazácajimona mazácari zócaja.) <sup>39</sup> Mei afe izói naga cáadinuai abi jiáiforie eroide. Come abi jiáifoide, íemo rille abi jiáifoide. Daje izói féedino abi jiáifoide, íemo chámuniai abi jiáifoide. Nana daje izói éroíñede. <sup>40</sup> Iemo jiái monamo ille abi ite, íemo jiái éniemo illa abi ite. Bínienio illa abi ebírede, mei íadi monamo ille abi ebire eroína jiáifoide. <sup>41</sup> Jítoma egáiñua fiui egáiñuana éroíñede; jiáifodo egáiñote. Daje izói ucudu egáiñua izóíñeno, jítoma jiáifodo egáiñote. Iemo jiái daa ucudu jiáie ucúdumona egáiñua jiáifodo cíoide. <sup>42</sup> Tíidino meine cáaillífue bie izói jóide. Rífaite íeizi éniemo raiga, íemo tííñeitinona meine abido cáaita. <sup>43</sup> Jámairuiga abi éniemo raiga, ie mei ebire cóitaga abi meine cáaita. Daje izói nane ríinide abi éniemo raiga ie mei ñue íocirede abi cáaita. <sup>44</sup> Bínienio cai jocoína abi éniemo raiga, ie mei mona dibénemo dúide abi cáaita.

<sup>45</sup> Mei daí Juzíñamui Cugáuai llot: “Nanóidimie Adana cáadimiena íficaide. Iiraie Adán daina Cristo zíñona cáatata joréñoredimie,” daide. <sup>46</sup> Juzíñamui dibénemo cai comúitatimie nano fueñe cómutañega, mei jiáifodo bínienio cai nanóidimie Adán fueñe comúitaina. Afe méifomo Juzíñamui dibénemo cai comúitatimie cíocaide. <sup>47</sup> Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraima. <sup>48</sup> Afe énie finóinamie izói, nana bínie comini ie abi izóidiaioi. Daje izói Jesumo ínuamona monamo dúidino afe monámoma bitímie izóidiaioi. <sup>49</sup> Iemona énie ie finócamierna cai eroína izói, afe izói mona ímiena éroiticaí.

<sup>50</sup> Amatiai, omoi cacai, ómoína dáaiticue, nana bínie dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue zíñona illínomo dúíñede.

<sup>51</sup> Mei íadi nanómoma uáfodo onóñega ráfuenta ómoína onótaacadíicue: nana tííñeiticai; mei íadi nana jiáifodo méidoficaiticaí. <sup>52</sup> Uáfuenta, Juzíñamui íiraie vudugoí fúunua llezica, jarire ui bótacailla izói raire jiáifodo méidoficaiticaí. Afe vudugoí ficire cacacailamona tíidino meine abido jaca tííñeillena cáatalliaioi. Afe llezica cáimona cáadimaci jiáifodo

méidoficaíticai abido tíñeillerja. <sup>53</sup> Mei caimo ite raire féitífue zíñona féñeítífueña méidoficairede. Daje izói cai tíite abi zíñona tíñede abina méidoficairede. <sup>54</sup> Lemo afe bie caimo ite raire féitífue zíñona féñeítífueña méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíñona tíñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caimo ite tíillífue,

caina éoidímie anáfenoina izói, anáfenoga; ja táinocaide.

<sup>55</sup> Cai tíitaitífue caina izi cácatáfirena ríino jae ñede.

Caina nie izói níbaiñeite,

mei ie molleroi izoide raa ja birui ñédeza.

<sup>56</sup> Nana comínimo fiénidífuiái illamona, tíitaitífue caina jacíruitade. Iemo jaiaí Juzíñamui cai ocuilla uai llúamona cai fiéni finócafuiái duere finórede. Iemona tíillífue cai anáfueñuana jaca jacíruiticai. <sup>57</sup> Mei Juzíñamui cai Ocuíraima Jesucrístodo áfemo caina anáfenotañenamona íena iere figura daíífredicai.

<sup>58</sup> Ie jira, cue izíruiga ámatiai o íinogafueña jíáfodo méidoñeno ñue jeire omoi oiri. Juzíñamui ocuica táijinafueño nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifíñeiteza.

## 16

*Dúerede cai ámatiai canóllena úcube eneno ofítafue*

<sup>1</sup> Crístomo íinote ámatiai canóllena úcube omoi jícanoga eneno ofítallífue llóitícue. Galacia éniemo ite Juzíñamuimo jaínáidino cue llófuia izói, afe izói omoi ofítari. <sup>2</sup> Naga semana tániaruimo, ómoimona illa dígamie omoi oga úcubemona due jiza Juzíñamui íena oni eneno jóoneri. Nano omoi llínua dieze oni eneno jóoneri. Daíí uícodo omoi ñue eneno énofíreiri, cue billíruimo afe úcube ómoido cue íraíñeillena. <sup>3</sup> Uire cue bille llezica omoi nizada dani baillímiedo afe úcubena Jerusalémo óreitícue. Afe llezica omoi cuelle uítimíai mámece íillábedo íaioina óreitícue. Afe bie izói omoi ofítaga úcubena Jerusalémo ite ámatiaimo óreitícue. <sup>4</sup> Onoñegaza, cue jíruia afémaci diga dane jáitícaí.

*Pablo jíáinomo jáillena mamérite*

<sup>5</sup> Cue jáiadi Macedonia éniemo jáiacadicue. Afe méifodo daíí Coríntomo dúciítícue. <sup>6</sup> Mei níbai nano nié dino omoi cígiri íitícue. Níbai ónoñegaza bie rozíredíruillaina omoi cígiri záitaitícue. Afe mei oni jíáinomo cue jaille llezica cuena canóredíomoi. <sup>7</sup> Mei ómoimo fia jarire érocaillano jáiacañedicueza, cai Ocuíraima comeci jítaia, omoi cígiri are íacadicue. <sup>8</sup> Mei íadi Pentecostés rafue dúciille dino, benó Efeso jófueño íitícue. <sup>9</sup> Mei iere ñue Juzíñamui uaimo cue táijillíruimo itícueza. Aillo comíni birui aféuaimo jíeruicadiaioi. Mei íadi afe llezica aillo afe uaina uáitatíño ite.

<sup>10</sup> Timoteo ómoimo bíadi, mai omoi cígiri caimare íena omoi itátari. Afémiena omoi áifedoñeno iri. Mei afémie daa cai Ocuíraima ocuícamo cue izói táijideza. <sup>11</sup> Ie jira ómoimona buna afémiena jámairuñeno iri. Mei jíáfodo cue íe érozaíbilliza caimare afémiena omoi canori. Mei naa jíáie íinote ámatiaioiri íena ocuírídícue.

<sup>12</sup> Cai ama Apolos díbenemo llóitícue. Naui íemo izire jíacadicue, jíáie ámatiaioiri omoi érozaiillena. Mei íadi afémie birui jáiacañede. Uire íe jáiacallíruimo jáite.

*Iiraícaíño uáidonocailla uai*

<sup>13</sup> Mai abina ñue omoi onoiri. Crístomo omoi íinogafue jíáfodo méidoñeno jeire omoi oiri. Jacíruiñeno ñue focíredímie izói omoi iri. <sup>14</sup> Nana omoi jetáacagafuiái, comímana izíruillafuedo finori.

<sup>15</sup> Amatai, birui onódiomoiza, Estéfnas mámeceíredímie comíni, nano fueñe Acaya éniemo ñuefueño dóbaicaidino. Dóbaicaillano jíáie Crístomo íinote ámatiai canóllena ja maméritaioi. <sup>16</sup> Jira afémaci, naa jíáie afémaci izóidínorí anamo omoi caimare itábicaillena

iere jitáidícue. Daje izói jáiinona canófredino, naa jabo ocuídínori anamo mai caimare omoi itábicaíri. <sup>17</sup>Ja Estéfanas, Fortunato, Acaico diga bíllari iere ióbidícue, mei cúemona jica itímoiza cuena canónidiomoiza. Mei íadi afémaci ómoimona féiredícue cuemo finódiaíoi. <sup>18</sup>Afémaci cue comécina iere náiretadiaíoi; daje izói ómoína náiretadiaíoi. Afe izoide comínimo ñue omoi jíeruiri.

<sup>19</sup>Benó Asia éniemo ite Juzíñamuimo jaináidino ómoimo uailai orédiaíoi. Daje izói Aquila ie ai Priscila diga naa íaillinoimo gairídínori, cai Ocuíraíma mámeçido uai ómoimo orédiaíoi. <sup>20</sup>Nana benomo ite ámatiaí oreca uailai, mai omoi líínori. Daje izói conímana caimare uáidori.

<sup>21</sup>Cue Páblodícue. Dama bie cue ónoído cuela uai ómoimo orédícue.

<sup>22</sup>Ninó dámie cai Ocuíraíma Jesucrístona izíruiacañedimie Juzíñamui faidólleza. ¡Cai Ocuíraíma, mai raire biri!

<sup>23</sup>Cai Ocuíraíma Jesucristo ómoína ñúefuena éziciíteza. <sup>24</sup>Nana omoi Jesucrístomo jaináinado, ómoína cue izíruilla uai orédícue. Daíítadeza. Jae ñie.

## MÉIFODO SAN PABLO CORINTO IMACIMO ORÉCABE Segunda Carta del Apóstol San Pablo a los Corintios

*Coríntomo ite Juzíñamuimo jaináidinomo Pablo cuete*

<sup>1</sup> Páblodicue. Juzíñamui comeci jítaina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. <sup>2</sup> Cai Moo Juzíñamui, cai Ocuíraima Jesucristo diga ómoína ñue ézicíteza. Afe llezica ñue uái illano dibénemo Juzíñamui Jesucristo diga ómoína jóoneiteza.

*Pablo duere zefuúllafue*

<sup>3</sup> Cai Moo Juzíñamuína ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifrede. Afémie cai Ocuíraima Jesucristo Moo. <sup>4</sup> Nana duere cai zefuúlla llezica, afémie caimo dúecaifrede. Afémie caimo dúecaide, afe izói jiáie duere zefuúldinomo cai dúecaillena. Afemona Juzíñamui caimo lloga dúecaillafue jiáimacimo llóredicai. <sup>5</sup> Mei Cristo duere zefuúllafue dibénemo cai nabaia izói, afe izói Crístodo caimo iere ie dúecaillafue jeire óiticaí. <sup>6</sup> Ie jira, ñibai dama duere cue zefuúa, bie ómoína cue canóllena. Iemo ñibai Juzíñamui cuemo dúecaiaidi, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuúllafue ómoimo comuádi, raire jarítaiñeno áfemo fia ocuírrediomoi. <sup>7</sup> Omoi dibénemo uáfodo onóigafuemo ñue ínoticue, mei ñue onódicueza daje zefuúllafue dibénemo omoi illa dieze, afe izói Juzíñamui fecaca dúecaillafue óitiomoiza.

<sup>8</sup> Amataí, Asia éniemo cuemo comuide féiredifuiaina ómoimo fidítaiacadicue. Afénomo cuemo comuide riírede facátafue iere jamánomoideza, áfena ocuínidicue. “Ñibai bí-fuemona jíllloñeno benó tíitcúeza,” daífiredicue. <sup>9</sup> Aféruimo méinellena llavécamie abí izói cue abí cacaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí íñoñeillena cue llófuete. <sup>10</sup> Aféruimo Juzíñamui afe iere jacírede tíillafuemona cuena jíllotate. Afémie nai birui jaca cuena jíllotaocáide. Daje izói úreitirullaido afémie aféfuemona cue jíllotallemo ocuírcaidicue. <sup>11</sup> Uáfueña, cuedo Juzíñamuimo omoi jicáfíreiaidi afémie cuena jíllotaite. Aillo comíni cuedo Juzíñamuimo úriadi, aillo íena ióbitaitiaoi. Juzíñamui cue ézicia ñuefuiari íena ióbitaitiaoi.

*Pablo Coríntomo jáiñenafue llote*

<sup>12</sup> Daa cue comécido onóigafueri iere ióbidicue. Afefue bie izói jóide: cue comeci úrilla uái ñifuenino bíniedo cue mácajana llote. Daje izói Juzíñamui eróicana jiáimana jífueñeno cue mácaja llote. Omoi cígiri bie izói riire iticue. Juzíñamui caimare cue cánuado daí iticue. Dama cue fibíllafuedo daí ínédicue. <sup>13</sup> Omóimo cue cuezábiaimo báinino lloga uaina íñede. Omoi facádoia onoilte raa ja uáfodo cuega.

Nane jiáífueña ñue omoi onóillemo ocuírídicue. <sup>14</sup> Aféfuena jabo onódiomoi. Afefue bie izói dáiacade: Cai Ocuíraima Jesús billíruimo ómoiri caimare abí cue ínua izói, afe izói cueri caimare abí ínoitiomoi.

<sup>15</sup> Nana bifuiái iere cue jíruillamona, omoi eróizaillena fueñe mamériticue. Daí ménacaño omoi cue éroizailleri ióbitiomoi. <sup>16</sup> Macedonia éniemo cue jaille llezica omoi jarire cue méiñonocaillena comeci facádicue. Afe mei Macedóniamona abido cue bille llezica nane dánomo omoi cue éroizaillena mamériticue. Afe daí afe méifomo judéamo cue jaille llezica cuena cánoitioimoiza. <sup>17</sup> Bie cue mamérillaíuái comeci cue faca llezica, ¿cuena ñibai jiáífodo raire méidofredimie izoide daidíomoi? Bie éniemo ite fiénidino mamérilla izói ñibai cuena mamérite daidíomoi. Afémaci “Jii” daidíaioi; íemo méifodo daje llezica “Dama íte” daífírediaoi.

<sup>18</sup> Mei íadi Juzíñamui uáfueña daiífiredimie illa izói, afe izói táinona “Jii,” íemo “Dama íte” dáaruído ómoína daiífnidicue. <sup>19</sup> Mei Juzíñamui Jitó Cristo Jesús jaca táinona “Jii,” íemo “Dama íte” dáaruído daiífnideza. Íemo Silvano, Timoteo, íemo cue, Cristo dáina uaillai omoi cígiri lloticai. Nana Cristo lloga uai táinoñedeza, ua uai. Íe dáinana méidofñide. <sup>20</sup> Mei afémiedo nana Juzíñamui uícodo llogáuai ñue jaícina zúideza. Íe jira Juzíñamuina cai ióbitaja llezica, Cristo Jesudo “Daiítadeza” daiífredicai. <sup>21</sup> Íemo jíái Juzíñamui ómoína naa cairi Crístomo riire jaináitate, nana cai ínogafuemona oni jíáifodo cai báíineillena. Daje izói afémie íe táijnafuemo ñue caina jóonete. <sup>22</sup> Juzíñamui íe Ñuera Joreño caimo íllado caina dama íeiena mamede. Afe íe Ñuera Joreño caimo íllamona íco jíáíruido Juzíñamui caimo fecállifueña cai líínollena uáfodo onódicai.

<sup>23</sup> Mei jíáífueño omoi coméciri. Ómoína duéruiticueza, ómoína duere cue fínoñeillena, uícodo cue mamérilla izói nai ómoímo biñédicue. Juzíñamui afe bie cue uaina nabáillena jíacádicue, aféuái uafue daiíllena. Cue dáina uai uáfueñenia, Juzíñamuina abí fatátaticue.

<sup>24</sup> Omoi ínogafueña riire ocuacañedicue, mei omoi ínogafuedo Jesucrístomo ñue riire jaináidiomoíza. Mei jíáífodo conímamo táijina izói, omoi íere aillo ióbillena ómoína canócadicue.

## 2

<sup>1</sup> Íe jira omoi cue zúucaitaíbiñellena mamériticue. <sup>2</sup> Mei omoi zúucaitaducenia ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoína zúucaitacañedicue. <sup>3</sup> Íe jira nauí ómoímo cue cuezábemo cue dáina izói cueticue. Ómoína zúucaitaíbiacañedicue. Mei jíáífodo cuena ióbitarediomoi. Mei nauí aféruímo uáfueña onódicueza, cue caimare íllarui omoi caimare ítiomoíza. <sup>4</sup> Ómoímo nauí cue orécabe cue cuia llezica, íere cue comeci zúurenari éedicue. Mei íadi omoi zúucaillena afévena cuenédicue. Mei jíáífodo ómoína íere cue izíruillana omoi onóillena cueticue.

Fieni finófidimie íe íllafue múiñua mei, meine caimare uáidua

<sup>5</sup> Mei íadi ómoímo riire úriacañedicueza bie izói dáitucue. Dámie fieni illa dama cuena zúunaitañedeza, mei jíáífodo cue baimo nana ómoína zúunaitade. Daií daidicue íere ríifueña jáíneilleza. <sup>6</sup> Omoi gairilla llezica afe cómemo omoi mameca duere finóllífue ja figo báiteza. <sup>7</sup> Mei benómona afémiemo jíáífodo úrirediomoi. Nauí íe finoca fiénidífue omoi féitano caimare íena omoi uáidori. Daje izói íena dúecairediomoi, aillo íe zúunaíllamona afémie jamánomo anado fieni jáíneilleza. <sup>8</sup> Íe jira ómoímo izire jíacádicue, afémie omoi izíruilla meine abido íemo omoi onótallena. <sup>9</sup> Nauí uícodo bifue díbénedo ómoímo cueticue. Nauí omoi cue llófuiana níbai jeire óitiomoi, níbai jeire óñeitiomoi; áfena cue onóillena ómoímo cueticue. Daje izói, omoi comeci ífue onóillena afébedo ómoína facátaticue. <sup>10</sup> Mei ja benómona, ómoína fieni finódimie omoi caimare uáidoia, cue daje izói caimare íena uáidotucue. Meita afémie fieni fínuaído cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo eróicana aféfuena féitaticue. <sup>11</sup> Mei afe zúunaitagamie raire abido íena caimare uáidoredicaíza, afe zúufuedo Taife raire íena ana úíneillena. Mei Taife comínina bífuefírena uaillai ñue onódicaíza.

*Pablo Tróasmo uái ínénafue*

<sup>12</sup> Jesucristo lloga uai Troas jófueño jino cue lluaíbilla llezica, cai Ocuárima áíllomaci cuena jíeruitajamona Juzíñamui cue ocuilla táijnafueña uáfodo caimare fuitáredicue. <sup>13</sup> Mei íadi Coríntomona bíacade cue ama Tito afémie cue ciónenamona cue comeci uái íñede. Mei jira Troas ímácina facádonocaíllano, oni Macedonia éniemo íena jénuaidicue.

*Jesucrístomo cai jaináinamona buna anáfenoñegacai*

<sup>14</sup> Juzíñamuina íere figura daiífredicai; mei Cristo nana éoidinona anáfenua izói, Juzíñamui dáfeodo, Cristo díga, nágaruillaído caina úicaíteza. Afe llezica ziórede raa caimare jállia izói, afe izói Juzíñamui Crístona onóíllifueña caído nágagobiaído jica jálléitate. <sup>15</sup> Cristo Juzíñamuimo fecaca ziórede uguci izóidnodicai. Nana jíllóitino



jallédicai, daje izói niné féiraitinomo jallédicai. <sup>16</sup> Afe niné féiraitinomo titade jucui izói íaire jállecaide. Mei íadi jílloitinomo caimare íocire cáatate jállia izói jállecaide. Bie Juzíñamui ebire mamérrillafue, ¿bífuena bu mei ñue llíinorena? Juzíñamui cuena cánua izói canóñenia jaca buna figo llíinonide. <sup>17</sup> Juzíñamui uailai jíáimacimo fécano úcubena llíinoñedicue. Afena jaca rainóñeno llócaidícue. Jíáimaci úcube óllena afe uai jíáfodo méidua izói méidoñedicue. Mei jíáfodo Juzíñamui orécamié izói, afémie eróicana jíáima jífueño uáfodo úriticue.

### 3

*Juzíñamui comue ñue finóllifue bie izói daide*

<sup>1</sup> Bie izói cue úrilla, ¿ómoimona nie izói cacaide? Níbai ¿dama cue abi íinollena meine dáanomoe ñue úriticue? Mei íadi daítañede. ¿Níbai cue ñue illánona onótatíbiai ómoimo izájirede? Mei níbai jíáimaci fínua izói, ¿ómoimona cue ñue illánona onótatíbiai jíacrede? <sup>2</sup> Mei daítañedeza. Dani omoi cue ñue illánona onótatibe izóidiomoi. Omoi baimo jíáie onótatibena jítañedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaioi. <sup>3</sup> Dama Cristo cuega onótatibe izóidiomoi. Cuedo cuegábiai izóidiomoi, mei cuedo ñúefuena llotátagaomoiza. Jamai tintado cuegabe izóinédiomoi; mei jíáfodo caede Juzíñamui Ñuera Joreño uicaiganodiomoi. Daje izói Moisés nofícomo cuegáuai fia comini eróicana jeire onédiomoi, mei íadi omoi comeci úrillado Juzíñamuina íobitaacadiomoi.

<sup>4</sup> Nana afe bie ñuera cue dánana jacíruiño daíredicue, mei Crísto Juzínamuimo daa uai fiéño íinofiredicueza. Uáfueza, nana cue dánana afémie ómoimo zúitaiteza. <sup>5</sup> Mei íadi nana cue jetáacagafuiai finolle ríino dama cúemona comuñedeza; mei jíáfodo nana cue finócafuiai Juzínamuimona comuide. <sup>6</sup> Ie lloga comue finóllifue cue tájillena, afémie ñue cuena ríinoretade. Afe Juzíñamui comue finóllifue, jaii cuega ocuífue jeire cai úado caimo zuitánide. Mei jíáfodo Ñuera Joreño comuítaga cai comeci zúinona cáatatino caimo íllado, Juzíñamui comue finóllifue caimo zuitárede. Afe cuega cai ocuilla uai cai titállena lloite, mei íadi Ñuera Joreño cai comécina cáataite.

<sup>7</sup> Afe Moisés lloga ocuilla uai nofici finóinabicimo cuega. Aféuai lluaíbilla llezica, iere ríire ebíredífuiaido lloga. Aféruido Israel nairai, mei Moisés uieco jíáfodo iere quenire eróideza, afémiemo eróinidiaioi. Mei íadi afe ríire ebíredífuie fíaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, <sup>8</sup> Ñuera Joreño caimo lluaíbiga uai, ua afe titade uai baimo jamánomo ebírede. <sup>9</sup> Bífue bie izói dáiacade: mei cai fiénidífuiaimona cai titállena lloite ocuilla uai iere ebíreia, birui aféuai baimo nífuenino cai íllena Juzíñamui llogafue jamánomo ebírede. <sup>10</sup> Afe ocuilla uai nau iere ebírede, mei íadi Juzíñamui como finoca jamánomo ebíredífuie comuíllamona, afe nanoide ocuilla uai jae figo ebínide; ja birui ráañede. <sup>11</sup> Iemona nau lloga are íñeno raíre záitífuie ebíredenia, afe zúinona záíñeitífuie nau llogáuai baimo jamánomo ebírede.

<sup>12</sup> Ie jira afe bífue mo oírillano, jacíruiño caimare úriticue. <sup>13</sup> Mei íadi cue bie Moisés fínua izói finóñedicue. Afémie uieco quenire cioina are íñedeza féibicaide. Ie jira afe quenire cíode dúillana Israel nairai cíoiñeillena, Moisés ie uieco íñeina íbaide. <sup>14</sup> Mei íadi dama Moisés uieco íbaina llezica afe nairai, uina cíóñedino izói, íaioi ífoci úrilla figo déíñede. Birui afe jaii llogafue íaioi facádua llezica, afe íbaille íñeroi izóidífuie íaioi onóllífuena jánaide; mei afe íbaille íñeroi izóidífuie nai oni ónegaza. Afe jízítatífuie dama Cristo oni órede. <sup>15</sup> Nai biruimo Moisés cuegánicuai íaioi facádoia, afe íbáiraroi íaioi ífoci úrillana féitaoicaide. <sup>16</sup> Mei íadi dáamié cai Ocuíraimamo íñoia, afe íbáiraroi oni oga. <sup>17</sup> Cai Ocuíraima afe íaioina zúinona cáatate Ñuera Joreño. Afe ie Ñuera Joreño mo jíruítimie fiénidena fínua mona ráruíñegamiéna jíite. Daje izói afe Ñuera Joreño mo cai Ocuíraimamo íñote come, Moisés ocuica uáimona ráruíñegamiéna jáide. <sup>18</sup> Mei íemona

cai uieco ibáillaroi izóidifue inédeza, uáfori cíoide acáraní izóidinodicai. Afemona, cai Ocuíraima ebíredifuenta acáraní egáinuá izóí, jiámamo ja ciótaticai. Afe daíí cai bie Cristo izóioicaidicai, mei nágaruillaido ie ebíredifuenta jamánomo náamatafiredicaiza. Bifue cai Ocuíraima finócafue. Afémie Ñuera Joreño.

## 4

<sup>1</sup> Afemona cue bie jaca comécina náinidino izóinédicue, mei Juziñamui cuena dúecail-lano bie táijinafue cuemo jóoneteza. <sup>2</sup> Báinino jiáima jífuefírenana ruifíruiticue naa jiáie meáiredifuiari. Daje izóí jiáima caimare bífuia uaido úriñedicue. Afe llezica Juziñamui uaina méidota jiáifodo lloñedicue. Mei jiáifodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jíeruitadicue. <sup>3</sup> Mei íadi cai llócaiga jíllona uai comínimona nano nígamíemo nai ónonino cacaide. Afefue daíí ite, mei afémaci dani nine íaioi táinocaillífue jáiídeza. <sup>4</sup> Mei afémaci Juziñamuimo íinoñenamona bínie naama Taife, ui nirilla izóí, íaioi ífoci úrilla uaina féitate, cue lloga comini jíllotate ebírede Cristo ñúefuenta íaioi ónoñeillena. Afe ñúefue ñue úzere egáíñote raa izoide. Iemo afe Cristo Juziñamuina jino uáfodo ñue onótate cáadímie. <sup>5</sup> Jino cue llócaina llezica, dama cue abi éna lloñedicue, mei jiáifodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daíífiredicue. <sup>6</sup> Mei Juziñamui énie comuítaja llezica, afémie “Mai batí jíitino egáíñuairi” daide. Afe daíí daidímie, cue comécimo ie ñúefue egáíñua izóí jóonete. Afémie daíí cuemo jóonete, Crísto cuemo ácataga Juziñamui ebírede cáimafuenta ñue cue onóillena.

*Juziñamuimo ñue cai ínuado cai illafue*

<sup>7</sup> Mei íadi afe Juziñamui ráifide cáimafue cue zíiñoa íñeite abido onótacacue. Bie cue abi are íñeite énie niina íciru izoide; mei íadi afe ñúefuenta méidotarede íno bie cue jamai abimo jóonega, afe ríino dama cúemona comuíñenana omoi onóillena; íemo jiáifodo afe ríino Juziñamuimona comuillana omoi onóillena. <sup>8</sup> Daíí cue íllamona diga féirede finónidífuiái cuemo comuíadi, jaca Juziñamui cánuado aféfuíai ñúeite. Daje izóí aillo ónonidífuiái zuere cuemo comuíadi, jaca nai ocuíríñedímie izóí inédicue. <sup>9</sup> Mei jiámaci cuena duere finóllena cuemo racáadi, jaca zóofeñegacue. Fáinamona ana dotaca izóí íticue íadi, jaca niné táinocaiñedicue. <sup>10</sup> Náganuíaimo cue jailla llezica, Jesús íaioi fállena mámia izóí maméfiregacue. Nágaruillaido afe titállena mamécámie izóí cue illa llezica, afémie ñue cuena náiretade, birui ie cáananona jino comínimo cue onótallena. <sup>11</sup> Mei nai cue caana llezica, nágaruillaido Jesús ícoinia jacire titállena mamécacue, Jesús cáanana, are íñeno tíite cue abido ciótafirellena. <sup>12</sup> Daíí cue zefuillamona cue dibénedo títaigamiena jíiticue, mei íadi omoi dibénedo dáaruído omoi cáataganona jíitíomoi.

<sup>13</sup> Juziñamui Cuegáuaimo dáamie duere ie zefuíbicailla llezica daide: “Juziñamuimo íñoticue ie jira úriticue.” Mei daíí cue jíai afémie íñua izóí íñoticue, ie jira Juziñamui ñúefuedo úriticue. <sup>14</sup> Ñue onódicueza, afe tíide Cristo meine abido cáatate Juziñamui, afe cáataga Jesuóiri nane cuena cáataite; íemo daane cue, naa ómoiri, ie illánomo úite.

<sup>15</sup> Nana bífuíai ñue omoi íllena daíí íficaide. Iemona nai aillo jíáie comínina Juziñamui ñue éziciite. Aillo ie ézicia izóí afe dieze aillo comini jamánomo ñúefue íemo nítaítiaioi.

<sup>16</sup> Mei íemona cue jaca comécina náinidino izóí inédicue. Meita cue abi náinioicaide íadi, cue comeci dínená jaca nágarui náireioicaide. <sup>17</sup> Mei íemona bíniemo cue caana llezica duere cue zefuillafuiái figo ráañede. Raire líícaite. Ie méifomo afe zuufue baímo ite aillo nínomo fúíñeite ebírede cáimafuiái cuemo cómuíte. <sup>18</sup> Ie jira úido cue ciónamo ébicaíñedicue; mei íadi cue ciónenafuíaimo ébicaífiredicue, mei afe ciona raana are íñeno raire táinocaitéza. Mei íadi afe ciónena raa jaca zíiñoa íite.

## 5

<sup>1</sup>Ja ñue onódicueza, cue caana abi are iñeno zabide jofo izoide. Iemo jiái onódicueza, bie cue abi táinocaille llezica, Juziñamui cúeiēna monamo ziiñona zabiñeítico ja nite; afeco come ónoido níñega. <sup>2</sup>Uáfueza, cue caana abido cue illa llezica, monamo itícomo iere cue jáiacana comécido éefiredicue. <sup>3</sup>Afénomo jaiániacadicue, mei afeco iniroi come abi jífua izói, cue joréñona ñue jífoiteza. Afemona come abimo iñede joréñona iñeiticue. <sup>4</sup>Bie jofona mameca abimo cue illa llezica iere zúunaillano comue abina izire óiacadicue. Mei, bie cue jácaie abina, iniroi come abímona duñua izói, cue joréñomona duñóacañedicueza; jífoñega joreño izói íacañedicueza. Mei jiáifodo iniroi jita ízoi, comue cue abi cue joréñomo jítáacadicue. Daí cómuena méidoacadicue, bie cue táinocaiite abi, comue cue cáailinodo nine féitallena. <sup>5</sup>Dama Juziñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juziñamui cuemo fecalle ñue llínoiticue.

<sup>6</sup>Mei afemona, comue méidoga abi cue llínollena áfena ñue cue onónamona caimare ocuúridicue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocufraima díga iñédicue. <sup>7</sup>Afe llezica birui fia cue ciónafuedo inidicue, mei jiáifodo Juziñamui cue íinogafuedo íredicue. <sup>8</sup>Mei jira uáfueña cue llínollena ñue cue onónamona caimare ocuúridicue. Bie cue illa abina fáicanocaiacadicue, monamo jaillano cai Ocufraima díga cue íllena. <sup>9</sup>Ie jira bie éniemo afémie díga cue iñena llezica, daje izói afémie díga cue illa llezica, jaca íena cue íóbitallena jamánomo nícidoticue. <sup>10</sup>Mei comíni finócafue Cristo riire jicánoranomo nana cai afénomo ácataredicaíza. Afénomo illa dígamie bíniemo illa abido íaioi fínua dieze, nibai ñúefue nibai fiénidífue, áfeze jirídoitiaioi.

*Juziñamui meine caina caimare uáiduafue*

<sup>11</sup>Ie jira afe naga come Juziñamui riire jicánollemo ñue jacíruioicana comeci facádicue. Afemo cue coméciillamona naga cómena Juziñamui llógamo jiéruitaacadicue. Mei íadi cue illáfueña Juziñamui onode. Afe izói cue ñue illáfueña omoí onóillemo ocuúridicue. <sup>12</sup>Dáanomo dama ñue cue illáfuedo úriñedicue. Mei jiáifodo cuedo caimare omoí úrillena bie izói ómoína daídicue. Afemona jínoidífuedo abí íinotino uai omoí ollúuai íteza. Afémaci jofo comécimo itífuena náfuenediaioi. <sup>13</sup>Mei nibai comínimona dáarie cuena daina izói, uáiritaidímie izói iticue íadi, Juziñamui íena daí iticue. Mei jiáifodo uáiritaiñedicueza ñue omoí íllena canódicue. <sup>14</sup>Mei ñue onódicuía dama Cristo dainámie nana comíni meífomo tíide. Afe caina ie izíruillamo coméciillano, nana afémiemo íinotino íaioi fiénidífuiái tíidená mámano áfena fáicanocaidiaioi. Afemo cue coméciillado Cristo caina izíruilla ñúefueña cuena izire llócaitate, ñue omoí íllena. (Daje izói bie Cristo caina izíruilla, ñue illáfuedo cue jáillena cuena ocufoideza.) <sup>15</sup>Uáfueza, Cristo nana comíni meífomo tíide, nana cáadino daní íaioi jitailla izói iñeillena; mei jiáifodo, afémaci dibénedo tíillano meine cáadímie Cristo comeci jitailla izói íaioi íllena. <sup>16</sup>Ie jira bínie comíni jínoidífuedo comeci faca izói, nino bumo comeci facáñedicue. Mei nauí uícodo Crísto mo bínie comíni comeci faca izói, comeci facádicue, mei íadi ja birui daí afémiemo comeci facáñedicue. <sup>17</sup>Mei daí, Crísto mo dájena jaináitagamie comue cómena jaide. Jaiaie ie illáfuiái fiénocaillano nágaíuái cómofuiaina méidoga.

<sup>18</sup>Nana bífuiái Juziñamui mámiamona Juziñamui dama afémiemona Crísto mo meine caimare cuena uáidote, íemo jiái nana comíni afémiemo meine caimare úritallena cuena ocuñocaiide. <sup>19</sup>Bie izói daíacana: Juziñamui ie Jitó Crísto mo nana comínina íena meine caimare uáidotade. Aféruimo, comíni finoca fiénidífue féitano caimare íaioína uáidote. Afe dáruido Juziñamui meine comínina caimare uáiduafue oni llujáillena cuena jónonocaiide. <sup>20</sup>Afemona Cristo íena uai llotínona ómoímo biticue. Ie jira birui ómoína cue daina uai, dama Juziñamui ómoímo cuedo jicaca uai izoide. Mei jira Cristo dibénedo ómoímo izire jicádicue. Maí, meine abido Juziñamui caimare uáidori. <sup>21</sup>Afe Cristo jaca

íaufuena finóñede. Mei íadi cai meífomo Juzíñamui afémiena fiénidifuiairedimie izói duere finode. Daí íena finode, Juzíñamui anamo ñue jaícina illáfuemo cai íllena; mei ie ñue illa izói cai íllena Juzíñamui jítádeza.

## 6

<sup>1</sup>Afe daí Juzíñamui táijinamo afémiena nabáidicue. Ie jira afémie ómoimo lloga ñuera cáimafuai táinomo omoi fáifitañeno iri. <sup>2</sup>Mei Juzíñamui ie Cuegáuaimo daide:

Comínimo caimare cue uáidollena cue mamécaruimo ona cacáidicue.

Daje izói jllonaruiimo ona canóidicue.

Ja birui Juzíñamui caimare o uáiduarui. Daje izói birui o jllonarui.

<sup>3</sup>Iemona Juzíñamuimo cue táijina llezica, buna llótaidonicue, cue táijinafuemo fieni íaíoi úriñeillena. <sup>4</sup>Mei jíáfodo nana cue jetáacagafuiaido Juzíñamuimo táijidimie cue íllana ácataacadicue. Duere zefuídicue íadi comécina raire járidoñeno fia ocuídicue. Afedo Juzíñamui íena cue íllana jino ácataticue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoñeno ocuídicue. <sup>5</sup>Daje izói cuena zechénuano llavédiaíoi. Cue duere finóllena jacire lléjellejedino cígiri iticue; íemo iere riírede táijinamo iticue. Diga ícaíño raire íniana onóñedicue; daje izói jíái jufruiticue. <sup>6</sup>Daje izói íáinidimiena cue íllado Juzíñamuimo ñue táijidimiena cue íllana ácataticue. Iemo diga jíáfuiuido daí cue íllana ácatafiredicue. Uafue uaina cue onónado ñue cue illáfuena cíotaticue. Iemo cue járitañenafuedo naa cue dúecaifrenafuiaido áfena cíotaticue. Iemo jíái Ñuera Joreño cuemo íllado, naa jíáimana jífueñeno cue izíruifrenado Juzíñamui íena cue íllana ácatafiredicue. <sup>7</sup>Iemo ua uai cue llócaillado, naa Juzíñamui ríno cuemo íllado: nana bífuiaido Juzíñamuimo ñue táijidimiena cue íllana ácatafiredicue. Afe llezica jaícina joide illáfuedo jáifiredicue, mei áfedo fiénide uáíllaina oni caitáredicueza. Daje izói áfedo cue abina ríidoredicueza. <sup>8</sup>Darúrie ñúefuiái cuemo nitádiaíoi, mei jíáiruido fiénidifue cuemo jítádiaíoi. Daje izói jíáiruido cuedo ñue úritiaíoi, íemo jíáiruido cuena íáiruitiaíoi. Iemo dárie cuena comínina bífuetimiena daidiaíoi; íemo íadi jaca uáfueña úricaidimie itícueza. <sup>9</sup>Iemo dárie cuena “Bu ónoñegamedio” daidiaíoi; íemo jíáimaci “Ñuera cai cómedío” daidiaíoi. Darúrie titácamié izói iticue, íadi nai cáoicaidicue. Iere duere finócacue íadi méineñegacue. <sup>10</sup>Zuure iticue íadi jíáfodo jaca íóbidicue. Mei ráanidimiedicue íadi, aillo jíáimacina ráaredino izói ráanaitadicue. Dúeredino jofófemo dúeredimie izói cue íadi, nai ráaredimie izói nana ráaniaíri íóbidicue.

<sup>11</sup>Coríntomo ite cue ámatiaí omoi cacai. Omoi diga báinino úriñedicue, jaca uáfodo úrifiredicue. Cue comécimo itífuena uáfodo jino ómoimo lloticue. <sup>12</sup>Omoína iere duéruillano rairuíño ómoína caimare uáidofiredicue. Mei íadi omoi ñinena cuena ñue izíruillana ráiruitiomoi. <sup>13</sup>Urue Moo, ie úruena izire jica izói, afe izói ómoína izire jícadicue. Omoimo uáfodo jino cue llua izói, afe izói omoi comécimo itífuena jino uáfodo cuemo omoi llóllena izire jícadicue.

### *Caade Juzíñamui illaco izóidicai*

<sup>14</sup>Juzíñamuimo íñoñedinomo dájena omoi jaináíño iri. Omoi jaináíadi, dájena jaícina íñénafue comuídeza; ómoína jíáfodo itátaite. Mei ¿nie izói jaícinaidifue fiénidifue diga dáanomo jaináirede? ¿Jaca jaináinide! ¿Mei úzefo naa jíitífo diga dájena nabáirede? ¿Nabáinide! <sup>15</sup>¿Taife meita Cristo diga dájena caimare írede? ¿Jaca ínide! Juzíñamuimo ínotino íñoñedino diga ¿nífue dájena íaíomio dúina? Dáanomo dúitífue íñede. <sup>16</sup>Mei dama Juzíñamui ñaina izói caade Juzíñamui illaco izóidíomoi. Afémie daide:

Iaíoimo íticue; íaíoi cígido macácaíticue.

Cue be íaíoi Juzíñamuiticue.

Afe izói cue comínina íitiaíoi, daide.

Iemona Juziñamui illaco jánarai diga ¿ñífue dájena íaioimo dúina? Dáanomo dúitífue íñede. <sup>17</sup> Ie jira cai Ocuíraima bie izóí daide:

Juziñamuimo íñoñedino cígimona oni omoi jai, afénomona oni omoi ii.

Íáiredifuiái dibénemo íñeno iri.

Iemona ómoína caimare uáidoitícueza.

<sup>18</sup> Afe llezica omoi Móoíticue.

Iemo dáaruído omoi cue úruiaína íitiomoi.

Afe bífuena jamánomo rírede cai Ocuide Juziñamui daí daide.

## 7

<sup>1</sup> Cue izíruiga ámatiaí, Juziñamui jaiái uícodo lloga cáimafuiái bie izóí joide. Afe daí caimo íllamona nana jíáíforiede cai íaífuiaímona muiñócana izóí oni íredicái. Abi íaífuena daje izóí cai joreño íaífuena fácanocairedicái. Juziñamuina ñue jacíruillano cai comeci íaininafue ie eróicana jáicina jóoneredicái.

*Corintio imaci comeci méidua*

<sup>2</sup> ¡Mai cuena caimare omoi uáidorí! Cue bie jaca buna fieni finóñedicue. Daje izóí buna íáire finóñedicue. Iemo ómoímona jaca buna jífueñedicue. <sup>3</sup> Bie izóí cue dánado ómoína íáire finótañedicue. Mei nauí ómoína cue daína izóí, nai cue caana llezica, nágarui ómoímo cue comeci fáioitícueza. Uáfuena dájena cue tílliruimo ómoímo cue comeci fáioitícueza.

<sup>4</sup> Ómoína iere caimare íñoticue; daje izóí ómoiri ñue abí íñoticue. Iemona diga duere zefuúllafue cuemo comuilla llezica cue comeci jaca nárede, íemo jíái jamánomo caimare iticue.

<sup>5</sup> Mei daí nauí cuemo comuúdeza. Nauí Macedonia éniemo cue jailla llezica afénomo uái cue íllirui jaca íñede. Mei jíáífodo náganuaído féiredifuiái cuemo comuide. Cuena uáitatino nágafene cue ciróidiaoí, íemo diga jíáífuiaíri comécido jacínaioicaidicue. <sup>6</sup> Mei íadí comécina náinidinona náicaitafirede Juziñamui cuemo dúecaide; cuemo dúecaillano Tito dúcinado ñue cuena náicaitade. <sup>7</sup> Daa ie dúcinari íóbiñedicueza, mei dáanomo omoi méidoga ñue ílláfuedo afémiena omoi náicaitari íóbidicue. Afémie omoi iere cuena cíóacanafue cuemo llotte. Iemo jíái nauí omoi cígimo comuidifueri omoi iere zúunaillana Tito llotte. Daje izóí cueri omoi comeci íllcítaiillari, naa cuemo omoi jíeruiaicanari íóbidicue. Bífuiaina cue fidínamona jamánomo íóbidicue.

<sup>8</sup> Mei nauí ómoímo cue orécabe ómoína zúucaitate íadí, birui áferi zúucaíñedicue. Mei níbaí nauí áferi zúucaidicue, mei íadí birui Tito cuemo llua izóí afebe are ómoína zúucaitañenana fidídicue. <sup>9</sup> Iemona birui íóbidicue. Omoi zúucaillari íóbiñedicue, mei jíáífodo afe omoi zúucaillafuedo omoi comeci ífuena méiduari íóbidicue. Bie zúucaillafue ñue omoi ocuúllado Juziñamuina íóbitade. Iemona ómoímo riire cue cuegabe ómoína fieni finóñede. <sup>10</sup> Mei uafue, Juziñamui íóbilla ñue cai ocuíoiga zúucaillafuiái cai comeci ífue ñúefuena méidotade. Iemo afe ñúefuena méiduaó jíllóitícaí. Mei íadí biniemo íte íñoñedino zúucaillafue íaioína ana tíllínomo úite. <sup>11</sup> Ómoímo comuide zúucaillafue ñue omoi ocuúllari Juziñamui íóbide. ¡Iemo birui omoi cígimo ñue comuidifuiamo omoi éroi! Afe zúucaillafue nauí ómoímo íte fiénidífue mo riire ómoína ñue comécitate. Iemo afe zuufue omoi finoca fiénidífue jino uáfodo llotátate. Daje izóí afe zuufue dani ómoína rícaitate; íemo ómoína jacíruitade. Afe méífomo iere cuena cíóacadiomoi. Afe llezica omoi cígiri íte fieni finódímiena duere finótaiacadiomoi. Nana bífuiamo omoi nífueninana jino ñue cíotatiomoi. <sup>12</sup> Mei daí afe orécabe cue cuia llezica afe fieni finódímiemo figo comécíñedicue. Daje izóí duere zefuúdimiemo figo comécíñedicue. Mei jíáífodo ñue omoi íllífuemo comécíidicue, cuemo omoi comeci ñue fáiana, Juziñamui eróicana, omoi onóllena. Ie jira afebe ómoímo cueticue. <sup>13</sup> Iemona bífuiáido cuemo caimare dúecaídiomoi.

Mei íadí omoi cuemo dúecailla baímo Tito iere caimare íllari jamánomo íóbidicue. Mei nana omoi afémie ñue uái íllena íena canódiemoiza. <sup>14</sup> Nauí omoi dibénedo Títomo cue

úrilla uai meáiruineño jaca ñue cuemo baite. Omoiri abi cue ínuana afémiemo lloticue. Ja birui, nana ómoína cue daina uai uáfuena jailla izói, afe izói ómoiri Títona cue daina uai uáfuena jaide. Iemona nauí afémiema cue daina uai táinomo omoi fáifitañenari iere ióbidicue. <sup>15</sup>Ja birui Tito ómoína iere izíruite, mei nana ómoimo ie dáinado cue ocuífauiaí jeire omoi úamo afémie caimare uibíoideza. Daje izói jacíruioicana caimare ie omoi llínuamo nai comécioide. <sup>16</sup>Iemona ómoína jaícina ñue cue ínuari ióbidicue.

## 8

*Jeruñeno fecáredicai*

<sup>1</sup> Amatíai, birui Macedonia éniemo ite Juzíñamuimo jaináidinomo afémie dúecaífrenamona íaioi jeruñeno diga raa fecáfirenafue ómoimo llóiacadicue. <sup>2</sup>Mei íaioimo comuide féiredífuiaí iere íaioína jacire facátate íadi, caimare itíaioi. Daje izói iere duérediaioi íadi, ráaredino izói raana jeruñeno fecáfirediaioi. <sup>3</sup>Mei dani íaioi comeci ñue jítaina izói nana íaioimo ite dieze jeruñeno fecádiaioi, íemo afe íaioi írede úcube baímo nane fecáfirediaioi. Aféfuemo uaina nabáidicue. <sup>4</sup>Bie Macedonia imaci Judéamo ite ámatíai íaioi canóllena cuemo izire jicádiaioi. <sup>5</sup>Íaioimo comeci cue fáca baímo fecáfirediaioi; mei fueñe Juzíñamui comeci jítaina izói, “Juzíñamui ocuilla raire fínoíticai,” dainano afémiemo ñue ínotiaioi. Afe mei daje izói “O ocuilla raire fínoíticai,” cuena daidífaioi. <sup>6</sup>Afémaci daíí daina jira, Títomo izire jicádicue, afémie nauí omoi cígiri taineca omoi jeruñeno fecaca úcube iráíafue birui ñue ícoimo fuitállena. <sup>7</sup>Mei nágaífuiaí dibénemo iere ñue finódiomoi: ínogafue dibénemo jamánomoidiomoi. Iemo ñue llófuiana jamánomo baitáidinodiomoi, naa ífoci úrillafuiaíri. Daje izói ráiraieñeno íocirenafue dibénemo jamánomoidiomoi, naa cuena omoi izíruillafueri. Daíí omoi íllamona, mai bie jeruñeno raana fécafue dibénemo daje izói jamánomoidinona omoi iri.

<sup>8</sup>Bie fécafueña ómoína finótañedicue. Daa jíáimaci raire raana fecáfirenafueña omoi onótaacadíicue, áfena omoi fidínamona íaioi feca dieze raire omoi fecállena. Afe daíí raire omoi fecáacano omoi izíruillafueña jíái uáfuena dáíitiomoi. <sup>9</sup>Mei caí Ocuíraima Jesucristo caimo dúecaíllana ñue onódiomoiza. Afémie fueñe monamo illa llezica bínice comíni ráanaílla baímo jamánomo ráaredímie. Mei íadi bínice billamo caína izíruíllano dama abina dúeredímiema finode, ie dúerenado Juzíñamui dibénemo caína jamánomo caí ráanaítallena. Mei uáfueza, nauí Cristo monamo illa izói, afémie caína itátaíacade.

<sup>10</sup>Bie jíáimacimo fecáfirenafue dibénemo omoi ñue íllena, cue comécimo ite cue fácaja ñuera uai llóitíicue. Nauí jaide fimónamona nai biruimo afe jeruñeno fécafueña ñue tainédiomoi. Daa due jiza fécaítino izói, tainéñediomoi, mei jíáífoodo íocire caimare fecáfirediomoi. <sup>11</sup>Jira benómona mai ñue ícoimo omoi fuitari. Nano fueñe omoi táina llezica, omoi íocire caimare fecáfireña izói, afe izói áfena ñue ícoimo fuitari. Omoimo ite dieze, jeruñeno fecáfíreiri. <sup>12</sup>Dámie uáfuena Juzíñamuimo fecáacania, afémie Juzíñamuimo fecaca raa Juzíñamui caimare llínoite. Mei uáfuena comínimo ite dieze Juzíñamui caimare llínofíredeza. Afe baímo cómemo íñédena afémie táinona jicáñede.

<sup>13</sup>Jíáimaci omoi canófirenado ómoína dúeredinona finócañedicue. <sup>14</sup>Mei jíáífoodo illa dígazie dájerize omoi ráareri, daidíicue. Jíáíziena jamánomo baímo ráareri, daííñedicue. Birui íaioi jitaílla raana omoi ñue fecárediomoi. Iemo uire omoi jítaíllíruimo omoi jítaílle raana afémaci ómoimo fecárediaioi. Afe bie izóidemono afémaci naa ómoiri jaícina dájerize ráareítiomoi. <sup>15</sup>Jaiái afe monámona Juzíñamui orecá maná daina pan izóidena dibéno Juzíñamui cuegaúai daje izói daíí dáideza: “Aílo ofítatímie mo mánica fiébiñede. Iemo figo ofítañedímie ie jítaica raana íñede.” Iemona nana dájerize ráareítiomoi.

*Tito naa ie nabáíñiaíri*

<sup>16</sup>Ja jíáínodo Juzíñamuina “Figora” daíííredicue. Mei omoi ñue íllena ómoimo cue comeci úina izói, afe izói Juzíñamui Tito comécina ómoimo jónetadeza. <sup>17</sup>Afémiemo cue

jóonenocaigana afémie ñue jíeruite. Iemo dama ie comeci ómoimo járitaifirenamona, ja birui dama ie comeci jítainado omoi erózaide.

<sup>18</sup> Tito diga daa ñue mámecina jica jalléidimiena orédicue. Nana gairífiredre Juziñamuimo jaináidinodo ie mámecei jica jalleide. Jíllona uaimo afémie iere ñue táijinado ie mámecei jica jalleide. <sup>19</sup> Daa bífueñedeza, mei jíáifodo Juziñamuimo jaináidino afe bie cai ama nizédiaioi cue diga jáillena. Daje izói cue canóllena afe ñue ínotimiena nizédiaioi. Afe jíáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jíái omoi íocire comínina canóacanana ácatallena, bie izói mamédicue. <sup>20</sup> Bie úcube cue iráiamo buna fieni úriñeillena bie izói finódicue. <sup>21</sup> Bie izói ñue jaícina uáfodo canóacadicue, Juziñamui erócana ñue cue illena. Dama Juziñamui erócana daí íñédicueza, daje izói jíái comini erócana daí íticue.

<sup>22</sup> Afe íaillinoído jíáie cai izói ínote ámatiaimona dáamie orédicai. Afémie íocire ie mamérrllana diga jíáfuiáido ácatate. Iemo birui ómoimo iere ñue ie ínuado, ie íocire mamérrllana jamánomo jino ácatate. <sup>23</sup> Daa come “¿Mei bu Títóna?” daíadi, “Jadí omoi cue cánuamo cue nabáífredimie,” omoi daíri. Iemo afe Títodo jaide íaillinoimo comini jícanoíadi, “Cristomo jaináidinomona orécaíallinoi,” omoi daíri. Afe llezica “Bie come íaillinoi ñúefue Cristomo nitáfirediaillinoi,” omoi daíri. <sup>24</sup> Iemona bie orecá íaioimo, uáfueña íaioina omoi izruífrenana ñue íaioimo ácatari, nana Juziñamuimo jaináidino onóllleza. Afe izói bie orécamaci ñue omoi llínuado, ómoído abí cue ínuana, uafue daíítaiomoi.

## 9

*Amatiai íena úcube iraca*

<sup>1</sup> Juziñamuimo ínotino, cai ámatiai izóidino íaioina úcube iráia dibenedo, ómoimo uáfueña cuenidicue, <sup>2</sup> mei omoi fecállena raire mamérfirenana ñue onódicueza. Omoi Acaya énie imácidíomoi. Nauide fimónamona omoi fecalle raamo raire mamérfirenana Macedonia énie comínimo jaca caimare llófredicue. Macedonia comínimona nabézie, omoi íocire mamérrllana fidíillamona comécido náicaidiaioi. <sup>3</sup> Mei íadi bie úcube iráia dibénedo ómoído cue lloga ñúefue táinomo fáífiñeillena, bie cai ámatiai ómoimo orédicue. Daí íaioina uícodo orédicue, naui cue daña izói áfemo ñue omoi finóbillena. <sup>4</sup> Macedonia imácimona dárie cuedo jaia, nai omoi finóbiñenana baizájillena gáñedicue. Daí omoi íllana íaioi baizájjadi, afe cuena meáidaitade, mei áfedo nano uícodo omoi ñue cue ínuana táinomo fáífitaitíomoi. Iemo jíái afémaci daí omoi íllana cíocaizaíbiadi daje izói dani ómoína meáidaitaite. <sup>5</sup> Afe bíemona nano uícodo ómoimo bie cai ámatiai cue orelle iere jítaíredeza, daí comeci facádicue. Iemo daje izói afémaci naui uícodo omoi mameca aillo úcube iráiana ñue ícoimo fúitana cánoítiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitíomoi. Iemona afe omoi fecalle cue raire ocuínidicue. Dani omoi comeci ñue jítainana ácataitíomoi.

<sup>6</sup> Ja cue lollífuemo omoi uibíoiri. Due ritímie jaca due jofo ote. Iemo daje izói aillo ritímie aillo jofo ote. <sup>7</sup> Te jira illa dígamie ie comeci caimare mamérrilla izói ie úcube írede. Jeruillano éoinamona fecánide. Daje izói jíáima ocuíoillamona ínide. Mei Juziñamui caimare fecáfiredimiena izruíteza. <sup>8</sup> Cai Moo Juziñamuimo nana jíáifoide omoi cáimacaitade ráaniai iere aillo íteza, facádoñeno jamánomo ómoimo fecárede. Daí nana dani omoi jítaica ráaniaina ómoimo nágarui ífíreite. Mei íadi dani ómoieñedeza, mei jíáifodo ómoimo aillo ite ráamona, nana jíáiforiede raado jíáimacina jeruñeno canóredíomoi. <sup>9</sup> Juziñamui Cuegáuai bie izói daide:

Dúeredinomo afémie jeruñeno aillo fecade.

Comínimo afémie ñue finócano jaca are iite.

<sup>10</sup> Iemo afe daade Juziñamui omoi ríllena jíáie ríamo llizítano ómoimo fecáfiredre. Daje izói afe riga zícuaamona, Juziñamui áfemona omoi güille raana comúitano ómoimo fecáfiredre.

Iemona nana omoi jitailla ríllena afémie ómoimo fécaite; íemo dáanomo omoi rigánuiaina jamánomo aítátaite; áillamona jamánomo aillo óitíomoi. Daií omoi jamánomo óllemona jiáimaci canolle raa daga icaíño ómoimo íteza. <sup>11</sup> Afemona daga jiáiforiedena ráareitíomoi, jiáimacimo jeruñeno aillo omoi fecáfíreillena. Iemo cue uire omoi orellé úcube cue izájíllamona jiáie cai ámatiaína Juzíñamuina “íere figura” dáitáite. <sup>12</sup> Mei jira afe bie cánua Jerusalemo íte cai ámatiaimo cai feca llezica, daa íaíoi jitaica ráaniai íaioimo fecáñedicaiza, mei íadi afémacina Juzíñamuina “íere figura” daítaticai. <sup>13</sup> Iemona dani afémaci Juzíñamuido ñue úritiaíoi, mei bie cánua Cristo ñuera uaina omoi jíeruillana íaioimo jino ácatate. Daje izói afémacimo íemo naa jiáimacimo jeruñeno aillo omoi fécajana íaíoi ciónamona, Juzíñamuimo ñuera uaina jóoneitiaíoi. <sup>14</sup> Iemona ómoína íere duéruillano, afémaci afe íbana ómoiena Juzíñamuimo jícaítiaíoi. Juzíñamui ómoido jino ciotaga aillo dúecaifírenamona afémaci ómoido Juzíñamuimo úrífíreitiaíoi. <sup>15</sup> Ie jira Juzíñamui afe caimo lloga áillo dúecaifírenana jamánomo ñuénamona, fia iga raa izóideza, áfena jino uaido jáicína llónidicaiza. Afe caimo dúecaifírenari Juzíñamuina “íere figura” mai cai daíilli.

## 10

*Cristo orécami*ena íllamona Pablo ocuilla ríino íte

<sup>1</sup> Cue Páblodicue. Cristo caimo dúecaifíredeza, íemo jiái afémie íere cáimamieza cue daje izói izire ómoimo jícaíticue. Omoimo riire cue úrizaibiñeillena ja birui jícadícue. Dáarie cuena uáitatino bie izói cue dibénedo daífírediaíoi: “Pablo omoi cígiri illa llezica afémie íere comécina mánaidímie, mei íadi afémie jica jiáinomo illa llezica afémie abido riire ocuídímiena dóbaicaide,” daidíaíoi. <sup>2</sup> Mei jiáífodo, omoi cue eróizaibilla llezica, riírede uaina ómoimo cue úrizaibiñeillena izire jícadícue. Mei ómoimona dáarie cuemo fíénide uai jítdáino íte. Afe íaíoi jítaica uai bie izói joide: “Nana íe finócano daa bínie comini jítaína izói finoca,” daií daidíaíoi. Iemona afémaci cue úritaja, riírede uáillaido íaioimo úriredícue. Mei íadi afe izói cuena úritaño íri. <sup>3</sup> Mei uáfueza, ua cómedícue, mei íadi bínie comini fuirífréna izói fuiríñedícue. <sup>4</sup> Fíénidífuaíi oni cue caitalle raa, bínie comini fuirilla raa izóíñede. Mei jiáífodo cue fuirilla raa Juzíñamui rínona rínorede, abi ríidollena riire finócauai izóidena cue táinocaitallena. <sup>5</sup> Mei áfedo cuemo fieni jítdána oni caitadícue; daje izói cuena íaíoi cáitajana oni féitadadícue. Nana uáitaiacadino íaíoi abi ínuano jiáimaci Juzíñamuina raire onóñeillena jíztáfírediaíoi. Ie jira nana íaíoi comeci faca uailíai Cristo anamo itátatícue, afe Crístona íaíoi comeci jíeruillena. <sup>6</sup> Cue llógana omoi jíeruilla ñue ícoimo dúciille llezica, nana jiáie uáitáfíredinona duere fínoíticue, íaíoi jíeruíñena ícoínia.

<sup>7</sup> Daa jínofene cioide ráaniaímo eróidiomoi; uáfueza, náinidímiena cue eróinamo eróidiomoi. Níno dámie “Uáfueza cue bie Cristo íedícue,” daííadi, bífuemo afémie ubicaitarede: Cristo íena íe illa izói, daje izói cue Cristo íedícue. <sup>8</sup> Mei daga icaíño, cuemo íte rínodo cue llóíadi nai áferi méaidaiñeíticue. Mei cai Ocuíraima afe ríino cuemo jóonete, áfedo Juzíñamui dibénemo ñue omoi cue móonaitallena. Omoi níne cue táinocaitallena cuemo ínega. <sup>9</sup> Fia rabedo ómoína jácidotímie izói íacañedícue. <sup>10</sup> Dárie cue ciegábiaído daidíaíoi: “Jamánomo riire ocuífírede; mei íadi afémie comini eróicana úrilla llezica, afémie ríimieñede. Afe llezica íe úrilla uaina íere jáimairuírede,” daidíaíoi. <sup>11</sup> Afe izói úritímie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruido afémacina riire ócuíticue.

<sup>12</sup> Afémacimona dáarie dani íaíoiéna ñue caímare úritiaíoi. Táinomo abi ínuado úritiaíoi. Afémaci illa izói jaca mamériñedícue. Dani táinomo íaíoi comeciíllado comímamo comeciídiaíoi. Ñuera come daíllena dani comímamo facádiaíoi. Daií fácajamona abina onóñedimacina jáidiaíoi. <sup>13</sup> Cuemo dúíñede raado abina íñoñeíticue, uai cue llócaillena mózizaíllinona llotímie, Juzíñamui. Afémie ñuera uailíai cue llócaillena omoi illánomo



cuenta dúctate. Uáfueza Corinto dinomo cuenta jáitate. <sup>14</sup> Ie jira cuemo dúide táijinafue baimo jáinedicue. Mei nauí Cristo ñúefue fueñe ómoimo jino dénuaiticueza. Iemona afe omoi cígiri cue táijille cuemo dúide. Nano fueñe lluaíbiñedicuena afe táijille cuemo dúinède; mei íadi daítañede. <sup>15</sup> Jáimaci táijinana cúeiena abimo mainóñedicue. Afedo abina íinoñedicue. Mei jáífodo Juzíñamuimo omoi ínogafue ñue móonaille dinori, omoi cígiri jamánomo cue táijillemo ocuridicue. Mei íadi cuemo dúide táijinafuedo táijifreiticue. <sup>16</sup> Iemona afe méifomo omoi illa batífenemo jica itínomo jíllona uai llujiredicue. Mei íadi afe llezica jáíima taineca táijinamo táijineiticue, ie táijinado abí cue ínoñeillena.

<sup>17</sup> Mei jáífodo daa come abí ínoiacania, cai Ocuíraimado abí ínoiteza. <sup>18</sup> Dama ie abido ñue úritimie, ñuera come daíífrenamiena jáíñeite; mei jáífodo daa Juzíñamui ñue úrillamie, ñuera come daínamiena jaille.

## 11

*Cristo óreñega taino llotino Pablo diga*

<sup>1</sup> Abina onóñedimie izói due jiza úriticueza. Raire cue uai oñeno íaicana cue úrillamo ómoína cacáreaacadicue. Mai íaicana abí cue ínuamo omoi cácarei. <sup>2</sup> Omoína iere uríoífredicue. Afe omoi cue uríoilla Juzíñamuimona comuide. Dámie ie áreiacania jétañega jitaingo óllena jica ia mámano jicánote. Afe jicánogango daa afémiemo iníreirede. Mamécaruimo afengo moo aféngona izájite. Afe izói Crístopmo ómoína cue izájillena ja Crístopmo mamédicue. Ie jira ómoiri iere uríoídicue. <sup>3</sup> Mei comini nánoídingo Evana jaio búfuiano jífuia izói, afe izói jáímaci ómoína búfuiana jacíruiticue. Afemona figo abí omoi ráiruiñenia jífuefitiomoí. Iemona Crístopmo ñuera comécido omoi coméciillana oni jáífodo féitaitiaioi. Daje izói Crístopna nahí omoi izíruillana féitaitiaioi. Afena jacíruiticue. <sup>4</sup> Cue llócaiga Jesús izóiñedimiena ómoimo llotiaioi. Afemo íaicana caimare ñue cacáreidiomoí. Afemo nibai omoi ínnollena jacíruiticue. Iemo nauí ómoimo cue lloga o mainóca Ñuera Joreño izóiñedena jáífoide joreñona abimo mainódiomoí. Iemo jáí uícido cúemona omoi cacana ua jíllona uai izóiñedena jáífoide uai jeire otómoí. <sup>5</sup> Birui baie omoi cígido jáillamaci “Cai bie Cristo orécamaci baimo ñúemacídicaí,” daídíaioi. Mei íadi afémaci jofófenemo ráííñedimiedicue, daí comécioídicue. Iemona ¿nibái mei cuemo cacáreñeitiomoí? <sup>6</sup> Mei nibai cue úrilla uai figo jinoñeniadi, nai cue onoi ga rafue jino llúana díbénedo iere baitádimiedicue. Nana ómoimo cue llócaillado afe bie cue onóigafuíaína jaca nágarui jino ómoimo ácatafiredicue.

<sup>7</sup> Jíllona uai ómoimo raiñoñeno cue llúado, omoi anamo cue abina itátaticue. Daí iticue cue baimo ñúefuedo omoi jalléllena. Daí cue illa ¿nibai fíenide? Daítañede. <sup>8</sup> Jáíe Juzíñamuimo jaináidino omoi cue canolle úcube íbádiaioi. Omoi cígiri cue íllena afe úcube cue llínua afémacimona cue bairoca izoide. <sup>9</sup> Omoi cígiri cue illa llezica, cue jitaica raana ite. Mei íadi afena jaca ómoimona raiñoñedicue. Aféruillaído Macedóniamona bite cai ámatiaí, cuemo íñede raana fecádiaioi. Afe daí cue abina rairuídicae, omoi cígimo nana cue fínócafuiaí ómoimo juare zúíñeillena. Iemo nauí cue illa izói, afe izói omoi cígiri jaca daí ífreiticue. <sup>10</sup> Cristo ñúefue ua cue onona izói, afe izói nane jáífuena ua onódicue. Afefue bie izói daide: Nana Acaya éñiedo raiñoñeno táijifreiticue. Afe cue táijina cue raiñoñenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza. <sup>11</sup> ¿Nibái mei daí úriticue? ¿Nibai ómoína cue gáíñenado daí úriticue? ¡leñede! Omoína iere cue gáinana Juzíñamui ñue onode. <sup>12</sup> Mei íadi jaca cue fínua izói fínócaicaiticue, cuenta uáitatino abí ínotañeillena. Jaca ómoimo raiñoñeno táijifreiticue, baie abí ínotino íaioi abí ínua raa cue bairollena. Afémaci úcubena ómoimona izire jicáfirediaioi Cristo ua orécamiena cue illa izói íaioi íllena. Mei úcube íaioi ófrenamo ínotiaioiza, áfedo “Cristo orécanodicaí” daíllena. Ie jira afe

íaiói íinoga uai oni caitáacadicue. Iemona jaca raiñóñeno ómoína canófireiticue. <sup>13</sup> Baie afémaci Cristo óreñega iere taino llotino. Daje izói afémaci jiáímacina jífuefiredino. Iemo jiái afémaci come jifeia jiáífo eroína izói, Cristo orécamacina comínina íaióimo coméiitaacadiaíoi. <sup>14</sup> Afe bie jiáífodo afémaci eróinafue cáimona jánañede, mei dama Taife egáñote Juzíñamui abi ímiena eróillena méidoficaideza. <sup>15</sup> Ie jira, Taifemo táijitagano ie méidoficailla izói méidoficaifrediaíoi; afe jiáífoide raa ízoíñede. Iemona jifeide come eroína izói bimaci ñue ite comínina eróillena abina jiáífodo méidotiaíoi. Mei íadi íaiói finócaiga fiénidífue dúina dieze afémaci táinocaitiaíoi.

*Cristo orécamiena ie íllamona Pablo duere zefuide*

<sup>16</sup> Nane dáanomo ómoína dáititue: Bie jabo abi cue ínuamona cue úrillamona bu cuena “Uáiritaidímiedio” daíñeno iri. Mei íadi daa come daí comécido daíadi, dama uáiritaidímie izói úriticueza fia omoi eroiri, áfedo jabo abí cue ínollena. <sup>17</sup> Afe bie abí cue ínuua uaina, cai Ocuíraímamo ite rínodo cuena daí daíñañede. Mei jiáífodo dama uáiritaidímie izói úriticueza. <sup>18</sup> Mei dani íaiói daina ñuera uaido abí ínotinuiaí aillo íteza; afe íaiói taino abi ínuana izói, afe izói abi ínoititue. <sup>19</sup> Omoi zánano dáititue, omoi jamánomo baitádnodiomoiza, mai uáiritaidímie izói cue úrillamo caimare fáicana omoi cácarei. <sup>20</sup> Mei ómoína baie riire táijitatínona caimare fáicana cacáreidiomoi. Iemo jiái ómoimo ite raana báruaíbitino uaimo caimare fáicana cacáreidiomoi. Iemo jiái ómoína náamataíbitino uaimo fáicana caimare cacáreidiomoi. Iemo jiái omoi jámairuitinomo caimare cacáreifrediomoi. Iemo omoi uiecona fatade izóidino, afe ñí ómoína fiéni úritinomo fáicana caimare cacáreidiomoi. <sup>21</sup> Bie izói cue daina cuena meáruitade, mei íadi dama cue jámairuillado dáititue, cue bie afémaci fínua izói, cue finóllena figo rínidicue.

Mei íadi aillo jiáie comini jacíruiñeno daífirena izói, cue jiái jacíruiñeno dáititue, mei íadi áfedo uáiritaidímie izói úriticue. <sup>22</sup> ¿Meita afémaci hebreo imaci? Cue jiái daje izóidicue. ¿Meita afémaci Israel nairai íediaíoi? Cue jiái daje izóidicue. ¿Meita afémaci Abrahámona comuídino? Cue jiái afémaci izóidicue. <sup>23</sup> ¿Meita afémaci Cristo táijitagano? Cue bie afémaci baimo Cristo ocucámiedicue. (Bie izói cue dáinado uáiritaidímie izói úriticue.) Cue bie afémaci baimo jamánomo táijidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaíño titáacagacue.

<sup>24</sup> Cinco dígacaíño judío nairai duere cue fínua llezica, cuena zechénotadiaíoi. Nágari duere cue íaiói fínua dáruido treinta y nueve dígacaíño cuena zechénotiaíoi. <sup>25</sup> Iemo dacaiñoámani cuena ragúizido fatiaíoi. Iemo dácaíño noficiaína cuena njidiaíoi. Iemo dacaiñoámani cue jailla áillue nocáe buide. Iemo dácaíño cai buíllamona daa naio daa mona diga afórede monaíllai cígimo iticue. <sup>26</sup> Dáanori uái íñeno iere macáfiredicue. Iemo diga imani jacíredinuiaímo iticue, íemo jacírede merírfiredino cígimo iticue, íemo dama cue comíniri jacíredifuaí cígiri iticue naa jicánemaciri. Iemo áillue jofue cígimo ite jacíredifuaí cígimo iticue. Daje izói áillue nairai jinomo ite jacíredifuaí cígimo iticue, íemo jiái monáíllaimo jaci cácadicue. Iemo jiái taino ámatiaí cígimo jaci cácadicue. <sup>27</sup> Daje izói juárede táijinamo iticue naa féiredifuaíri. Diga ícaíño mona naio diga íñeno táijidicue. Daje izói iere juí cácadicue, íemo jiái jainoi íñenari duere zefuídicue. Diga ícaíño Juzíñamuimo comeci fácano güíñeno jáicadicue. Daje izói rólliemo duere zefuídicue. Daje izói incuíronino jáicadicue.

<sup>28</sup> Nane bífuaí baimo jiáífuaí cuemo comuide. Nágaruíllaido náganuaímo ite Juzíñamuimo jáináidínomo cue comeci úcaide. Íaióina abíoidicue izói duere zefuídicue.

<sup>29</sup> Iemona daa come figo Juzíñamuimo ie íñoñenamona duere zefuíadi, afe cuena duere zefuítate. Daje izói dámie íaífuemo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena rícaítate. <sup>30</sup> Mei afémaci táinodo

cuenta abí ñnotaadi bie izói dáitícue: Cua mairíñenana jino ácatate raado ñue cua úrillena baímo gáidícue. <sup>31</sup> Cai Moo Juzíñamui bie cua daína ua uaina onode. Afémie cai Ocuíraíma Jesucristo Moo; femo jíái afémie jaca ñinomo ióbioitaregaza. <sup>32</sup> Naui Damáscómo cua illa llezica afe nairai jabóidillaiíma naga nazemo úiñorainina jóonete, llaitada cua llavéllena. Afe nairai nahíllaiíma Areta mámeceiredimie. <sup>33</sup> Mei íadi jíáie Juzíñamuimo ñnotino, eróirafomona cirígaido cuenta ana agúinetiaioi; mei afe jofue onífene cirínua raa caífo jicado íteza. Daíí afémacimona botada jíllodícue.

## 12

*Juzíñamui Páblomo ñicai anado ua ráfuedo úrite*

<sup>1</sup> Dáamie dama abido caímare úria minícana oñede. Ie úrilla jíáie raamo ráifíñede. Afefue ñue onódicue ia, cai Ocuíraíma ñicai anado cuemo ácataga raa jino llóredícue. Afe llezica uícodo nai buna ónoñegafuiai cuemo llote. <sup>2</sup> Afe cuemo ácataruimona ja catorce fimona jaide. Aféruimo Crístomo cua jaináinamona caífo tercera monamo Jesucristo illámonamo uigacue. Onóñegaza ñibai caana abido uigacue, ñibai íeizínino uigacue. Afe dama Juzíñamui onoga. <sup>3</sup> Cua úinaruimo ñibai abí díga uigacue, ñibai daa cua joreño úina, áfena onóñedicueza; dama Juzíñamui onoga. <sup>4</sup> Juzíñamuimo ñnote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádícue; afe uáillaido Juzíñamui rairuídeza birui úrinidícue. <sup>5</sup> Afe cuemo ácataga raado abina ñnoredícue, mei íadi áfede abina íñoñeitícue. Dama cua abina íñoñeitícue. Mei jíáiífodo cua mairíñenado ñue cua úrillena iere gáidícue. <sup>6</sup> Mei dama abido cua úricaniadi, afe abina onóñeno úrilla izóíñede, mei jáicína uáfuena úritícue. Mei íadi áfede úriñeitícue, mei cua cóna izói comini cuemo coméciillena jítaídícueza. Afe izói cúemona íaioi cacana izói áfeze cuemo íaioi coméciillena jítaídícue. Afe baímo aillo jíáiíforie cuemo íaioi coméciillena jítaíñedicue.

<sup>7</sup> Afe cuemo jino onótaga raa iere jamánomo ebire cioide. Ie jira áfede jamánomo abina cua íñoñeillena, duere zefuítagacue. Afe duere cua zefuilla come abímo eedo llúina izoide. Afe eedo, Taífe come izi cácatate raa izói, cuenta duere fínuaíbite. <sup>8</sup> Bie duere cua zefuilla raa cai Ocuíraíma oni oréllena dacaiñoámani femo jícadícue. <sup>9</sup> Mei íadi cai Ocuíraíma cuenta daide: Cuemo ite o cua cáimadofírena nana omo comuide duere zefuilla o ocuillena ñue cánoite. Mei daa come náinina llezica, cuemo ite ñuera riino afémiedo ñue jino ácatarede,” daide. Ie jira cuenta náinitade raari ióbidícue, afe daíí Crístomo ite riino cuedo jino ácatallena. <sup>10</sup> Mei jira cua náininari ióbidícue, íemo comini cuenta baíñuari ióbidícue. Daje izói raana cua jítaíllari ióbidícue. Afe izói cua duere íaioi fínóacanari ióbidícue. Iemo Cristo ícoína féiredífuiai cuemo comuillari ióbidícue. Mei jamánomo íaioi cuenta uáitaacana llezica, afe llezica Juzíñamui cua cánuado comécina jamánomo íociredimiena jíaidícueza.

*Coríntomo ite Juzíñamuimo jaináidinomo Pablo comeci úicaíífrede*

<sup>11</sup> Dama cua abí ífuedo cua úricaiíllamona uáiritaidimiena jáidícue; mei íadi daíí cua úrillena cuenta ocuíoide izói itíomoi. Mei dani omoi ja birui cuedo ñue úriredimoi; mei ráifíñedicue ia, omoi cígido jaide Cristo óreñega jamánomoidino jofófenemo ráifíñedicueza. <sup>12</sup> Naui omoi cígido járitaiñeno fíaicana táijidícue. Afe cua táijicaíllaruimo jíáiena onótate raana finódicue naa cíorainina ráaniairi. Afe dáaruído ebire cáimacaitate ráaniaina finódicue, nana bífuiaído Cristo ua orécamedicue daííllena. <sup>13</sup> Jíáie Jesumo jaináidino cígiri cua illa llezica, cua jítaica raana raíñódicue; mei íadi omoi cígiri afe izói íñedicue. Daa bífuedo jíáie ínotino jofófenemo ómoímo coméciidícue. Afe ómoímo cua raíñóñena díbenedo ómoímo fieni cacáiadi áfemona meine caímare cua uáidorj.

<sup>14</sup> Ja birui dacaiñoámani omoi cua eróizaíbillena finóbidícue. Iemo omoi cígimo cua íllena ómoímo juare fíñoñeitícue; mei ómoímo ite úcube cúeiena máíñuaíbíñeitícueza.

Mei jiáifodo dani omoi Juzñnamuimo ñue jaináitallena bíticue. Mei uafue, éicomini úruiai éna úcubena ofítarena. Uruiai ie moo éna ofítanide. <sup>15</sup> Omoi comeci ñue íllena dama cuemo ite diga caimare fúitaiticue. Daje izói ómoiri cuemo ite máiriena jeruífeno fúitaiticue. Omoína jamánomo cue izíruiaði çafe íbana meita omoi jofófenemo cuena izíruirediomoi? Daiítañede mei íaði birui afe izói ómoimona dáarrie cuena daií finódiaioi.

<sup>16</sup> Nana ómoína cue llótaiduaíbiñedicue. Afena ñue fairíotiomoi; mei íaði afe méifomo dámerie jiáifodo daidíaiói: “Irebaimo jiita izói caina bífuiano úcube ote,” daidíaiói. <sup>17</sup> Naui ómoimo cue orécamacimona, çmeita cuemo izájillena dámie ómoína bífuiano úcube ote? ¡Oñede! <sup>18</sup> Omoi méiñuaillena Tito izire jicádícue. Afémiedo daa jiáie ama orédicue. ¿Meita afe Tito úcube óllena ómoína jífue? ¡Daiítañede! Tito, ie nabai, íemo cue, cue macáfírena izói, daje izói nana macádicaí, çero ua? Dájena ñue coméciillado tájífiredicaíza, çero ua?

<sup>19</sup> “Caído abí ríidotio,” nibai caina comécido daidíomoi. Mei íaði afe izói jóiñede. Mei jiáifodo Juzñnamui eróicana Crístomo jaináitagamie izói úriticaí. Mei cue izíruiga ámatiaídiomoíza, nana bie izói cue daina omoi comeci Juzñnamui díbenedo ñue móon-aillena llotícue. <sup>20</sup> Mei omoi diné cue bille llezica cue comeci óiacana izói íñédiomoi cue çioizaibillena jacíruiticue. Íemo afe íbana omoi comeci óiacana izói íñédicue cue omoi baizájillena jacíruiticue. Íemo dájena ñue omoi jaináíñenamo jacíruiticue. Daje izói omoi írardoífirenamo jacíruiticue; íemo jiáimana omoi ícífírenamo jacíruiticue. Íemo afe llezica jiáimana duéruíñeno dani abí omoi úicoficaillari jacíruiticue. Íemo jiáíma uaita uai omoi llófírenari jacíruiticue. Íemo jiáímaci jánari omoi úrifírenari jacíruiticue. Daje izói fieni abí omoi íñofírenari jacíruiticue. Íemo ocuícana náfueneño izói fieni ebena omoi ífírenari jacíruiticue. <sup>21</sup> Íemo jiái uire omoi cue éroizabile llezica omoi daií íllari cue Juzñnamui ómoído cuena meáidaitalleri jacíruiticue. Íemo afe llezica nibai aillo ómoiri cue éeiarí jacíruiticue, mei jaiái ninómona diga fiénidífuiai omoi fínuari éedicue. Mei ómoimona aillo nai íaíoimo ite íaífuiai féitañediaioíza. Daje izói íaíoimo ite jiruífuena fáicanocaiñediaioí, íemo íaíoí comécina jíriioide fieni finócafuiai oni nine féitañediaioí.

## 13

*Pablo íracaíño íaíoí uáidua uai, íaíoimo llonódacaíga uai diga llofe*

<sup>1</sup> Naui ménacaíño omoi méiñuaidicue. Ja birui nane meine omoi méiñuaíbiticue. Onódiomoíza, naga júfidoga rafue mena, nibai daámari uai nabáiraini daje izói úriadi, afe júfidogafue ñue záide. <sup>2</sup> Naui méifodo omoi cue méiñuaíbilla llezica, nana naui uícodo fieni itínona duere cue finóllena llonódacaidicue. Birui benó jica cue illa llezica dáanomo naui ómoína dama cue dánana llóitícue: “Uire nane omoi cue méiñuaíbia naui uícodo fieni itínona naa ómoiri dúecaíñeno duere fínoíticue,” daidícue. <sup>3</sup> Íemona omoi jenoca Crísto cuedo úrilla onótafírena raana ñue ónoítiomoi, mei áfena jenófírediomoi. Omoiri Crísto náinidímie izóiñedeza, afémie ríinorede, Crísto omoi diga jífánoñedeza, ríiredímieza. Omoína ñue rairuíoide. Omoi çígiri íemo ite ríino jino çíotote. <sup>4</sup> Uáfueza, Crísto náinidímie izói cruzmo coraíca, mei íaði birui afémie Juzñnamui ríinodo caade. Afe daií Crísto náinina izói dájena náinidicue, mei íaði dájena afémemo cai jaináíllado Juzñnamui ríinodo íitícue, omoi ñue cue fínófireillena. <sup>5</sup> Mai dani ñue abina omoi onoiri. Afemo, mai ñue comeci omoi facari, Juzñnamuimo ñue íñoga uai iere jeire omoi úana omoi onóillena. Omoi comeci ífue facada ñue jóonefíreiri. Jesucrísto ómoiri íllamo çmeita afemo comécínediomoi? Mei nibai jiáifodo jóide. ¿Meita táinona íñotiomoi? ¡Afe daií íñeiteza! <sup>6</sup> Mei uáfueza, cai bie táinona llotímieñedicue. Afemo ñue omoi comécioicaillemo ocuúridicue. <sup>7</sup> Íemo afe llezica fiénidífuie omoi fínoñeillena Juzñnamuimo jicáfíredicue. Daa ñúefue díbenemo omoi íllena jicádícue. Mei íaði ñue jaicína llófufíredímie cuena daiíllena jicáñedicue. Dámie “Jaicína lloñédio” dáiiadi áfena llóñeíticue. Núefuemo omoi ille comini cueri dánana baimo ráífide. <sup>8</sup> Jaca ua uai jeire

omoi oíadi úaitañeiticue; ómoína lletánidicue. Mei jiáifodo afe uaina nabáiredicue. <sup>9</sup>Ie jira ómoína cue lletáninamona nánina cue cíoiadi, áferi caimare ióbidicue, mei afe llezica omoi ñue comécina nárediomoi. Iemo nífuenino ñue jaícina omoi illena jaca jicáofireiticue. <sup>10</sup>Nai omoi cue méiñuaibiñena llezica, bibe uícodo ómoimo cueticue, uire ómoimo cue bíadi omoi diga riire cue íneillena. Uáfueza, omoi riire cue lletalle ríino Juzíñamui cuemo iga. Mei íadi omoi cue táinocaitallena cuemo íñega. Mei jiáifodo Juzíñamui dibénemo omoi comeci ñue cue móonaitallena cuemo iga.

<sup>11</sup>Cue ámatiai, ñue ítíomoi. Dani nífuenino jaícina omoi illínomo omoi coméciiri. Bie ómoimo cue lloga uai náfuiano, conímana omoi nácaitaíreiri. Conímamo dájerize caimare omoi coméciíreiri. Daje izói jíai dájena ñue uái illífue omoi iri. Iemo cai uái illífue comúitate Juzíñamui omoi diga ífireite, íemo ómoína ie izíruifirenana ónoitiomoi.

<sup>12</sup>Caimare conímana omoi uáidori. <sup>13</sup>Nana benó ite dájena Juzíñamuimo ínote cai ámatiai ómoimo uai orédiaoi.

<sup>14</sup>Ja birui cai Ocuíraima ómoína ñue íñoiteza. Daje izói Juzíñamui ómoína izíruifireiteza. Iemo Ñuera Joreño ómoína nabáioicaiteza. Daiítadeza. Jae ñie.

## GALACIA ENIE IMACIMO SAN PABLO ORECABE

### La Carta del Apóstol San Pablo a los Gálatas

*Pablo, Galacia éniemo ite Juzíñamui uaimo ñnofiredinomo cuete*

<sup>1</sup> Cue Páblodicue. Juzíñamui ññéfue llujíllena orécamiedicue. Dani comini cuena jóoniamona llujíñedicueza. Daje izói comini cue óriamona llujítagamieñedicue. Mei íadi dama Jesucristo llujítagamieñedicue. Daje izói afe Jesús tíidinomona meine abido cáatate Moo Juzíñamui llujítagamieñedicue. <sup>2</sup> Nana Galacia éniemo ite Juzíñamuimo gairífiredimacimo bibe cueticue. Daje llezica nana cue diga ite ámatiai uai orédiaioi. <sup>3</sup> Moo Juzíñamui fecaca comécina uái illafue dibénemo mai omoi iri. Cai Ocuíraima Jesucristo afe bifuiái daje izói caimo llote. Aféfuiaí dibénemo mai omoi iri. <sup>4</sup> Mei afémie, cai fiénidífuiaí dóllena, titállimiena dama ie abina izájide. Daíí cai Moo Juzíñamui jítaina izói, afémie ie abina izájide, bie fiénidíruillaímona oni cai jírecaitallena. <sup>5</sup> Juzíñamui daíí cai jíllotajamona, afémiena “Jamánomo cáimamiedio” mai cai daíilli. ¡Afémie jaca daíí íteza! ¡Mai!

*Abí dine cai jíllolle uaina jaca íñede*

<sup>6</sup> Juzíñamuina raíre omoi zóofiailla uai, cuena fáigacaitade. Zóofiano, ja jíáie táinomona lloga jíáfodo joide fia daína jíllona uaimo íacadiomoi. Aferi fáigacaidicue. Mei Juzíñamui, Cristo caína izíruillado omoi jíllollena, jae caimare ómoina uáidoteza. <sup>7</sup> Uáfueña dáíitíicue: abí diné jíáie jíllona uai jaca íñede. Mei íadi dáarie ómoina áífedotimaci, cai bie Crístomo ñnuamona cai jíllona uaina, jíáfodo feire méidoacadiaioi. <sup>8</sup> Mei íadi jíáie come afe cai jíllona uaina uáitajano, jíáfoidííue ómoímo llóíadi, mei dama Juzíñamui afémiena fáidoiteza. Níbai dama cue daíí jíáfodo llóíadi, Juzíñamui faidóllícueza. Daje izói monámona biite Juzíñamui abí ímie daíí llóíadi, mei Juzíñamui íena fáidoiteza. <sup>9</sup> Naui ómoimo cue llua izói, birui nane daje izói daídíicue: Dinó omoi jíáfodo llófueacadino cáimona omoi cacana jíllonafueña afémaci uáitaiadi, mei afémaci Juzíñamui faidólliaioiza.

<sup>10</sup> Bie riire cue dáinado ¿mei níbai comini bífuetíicue cue íaioi cáimadollena? ¡Mei íeñede! Dama Juzíñamuina íóbítaacadíicue. ¿Mei níbai comini uícori fígomienna íacadíicue? ¡Daje izói íeñede! Comini uícori fígomienna nai cue íacaiadi, mei Cristo tájíitagamiena ínidíicue.

*Pablo Juzíñamui ññéfueña llujítimiena jáillafue*

<sup>11</sup> Mei ámatiaína ja maméidíomoiiza, ja bífueña nane omoi úbitatíicue: Cue lloga jíllona uai comínimona comuíñede. <sup>12</sup> Daje izói aféuaina comínimona cacáñedicue. Ua áfena bu llófueñegacue. Mei jíáfodo aféuaina dama Jesucristo onótacacue.

<sup>13</sup> Naui judíuái ñnogafuiaímo cue jainaina llezica, cue illáfueña jae onódiomoi. Aféruído Juzíñamuimo gairífiredínona iere duere íaioi cue finóllena riire cue rácajana fidídíomoi. Daje izói nana íaioína niné cue táinocaitallinona onódiomoi. <sup>14</sup> Afe llezica, cue uzútíai daínáuailaímo iere izire cue jaináiacanamona, judíuái ñnogafuemo baímo baitádíimiena jáidíicue. Aféfuemo comécina iere fígomienna jáidíicue. Ua aillo cai judíuaímona, daane cue comuíllagamona baímo fibídíimiena jáidíicue. <sup>15</sup> Mei íadi nai cue jócoñenia, Juzíñamui cuena nízedede. Daíí níziano, iere cuena ie izíruillamona, cuena uáidote. Cue ie uáidua mei, ie óiacana izói, ie Jítana cue onótate. <sup>16</sup> Ua, ie Jítana cue onótate, afe Jitó cue onónamona Juzíñamui ññera jíllona uai judíñedíno cígímo cue llujíllena. Daíí Juzíñamui cue uáidotemo, bumó nífueña “Mai cue llofue” jícanoñeno, dama oni Arabia éniemo raíre jáidíicue. <sup>17</sup> Ua, Jerusalemo ite nano cue uícomo uáidoga Jesús ññéfue llujítinomo úrizaiñeno, raíre oni Arábiamó jáidíicue. Diga irui dínomo cue illa mei, abido Damáscómo bitíicue.

<sup>18</sup> Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrillena. (Afémie jáífo mameina Cefas.) Aféruimo dama Pédrona ñue onódicue. Quince dígarui ie diga nabáiricadicue. <sup>19</sup> Aféruillaido jáíie Jesús ñúefue llujítimacimona dámie ciódicue; afémie Santiago, cai Ocuíraima ama. <sup>20</sup> Juzíñamui eróicana úriticue: Bie ómoimo cue cuega nahí uáfueza, daidicue.

<sup>21</sup> Afe méifodo Siria éniemo naa Cilicia énie diga jáidicue. <sup>22</sup> Judea éniemo ite Crístomo gairífredino nai cue uíecona onóñediaioi. <sup>23</sup> Dáafuena fidídiaioi. Afefue bie izói daide: “Jaiái cai fállena cai racádímie, ja birui cai ínnollifue llocana uite. Jaiái jáíruido aféfuena afémie nine táinocaitaacade.” <sup>24</sup> Iemona cuedo Juzíñamuimo ñúefue jónetiaioi.

## 2

Jiáie Jesús orécamaci ja Pablo caimare uáidotiaioi

<sup>1</sup> Catorce fimona fuilla mei, Bernabé diga meine Jerusalemo jáidicue. Afe dáaruido Tito uíticue. <sup>2</sup> Juzíñamui cuena daina izói dinomo jáidicue. Dino Jerusalemo Juzíñamuimo ínotino ocuífiredo jalléidino dáarie ite. Iaióiri oni eneno fueñe dáanomo gairídicue. Dinomo judíoñedinomo cue llófirega jíllona uai íaioimo jino lloticue. Bie izói íaioimo llujídicue, nana cue llócaigafue táinomo fáíñieillena; daje izói birui jino cue llogafue táinomo fáíñieillena. <sup>3</sup> Aféruído cue nabai Títone judíuai lloga uai izói, finóñediaioi; afémie judíoñedino íadi, ie bacano ícoi quetátañediaioi. <sup>4</sup> Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano ícoi quetácadiaioi. Afémaci cai cígimo uíñoðomaridiaioi, rairuínino cai íllana onóillena. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícana izói finócadiaioi. <sup>5</sup> Mei íadi íaioi llógana naado jeire onédicai, mei oni íaioi taino llufuemo abina uitátañedicaiza. Daí íaioina jieruñedicai, mei ua jíllona uai jaca jeire omoi óllena, iere jítáidicaiza. <sup>6</sup> Mei íadi afe Jerusalemo ite ocuífiredo jalléidino comue jáífuena cuemo lloñediaioi. Afémaci jalléinafuena figo náfueñedicue, mei onódicueza: Juzíñamui, fia jinofe ífuena riire jicáñoñede. Mei jáífodo afémie naga cómomo dájerize ñue jaícina jicáñoite. <sup>7</sup> Ua, jiáie cómofuena cuemo lloño, dama cue llujíjagafue ñue jieruítiaioi. Ñuera jíllona uai, judíoñedinomo cue llócaillena Juzíñamui cuemo jóoniana como fidídiaioi. Afe úcomo daje ñuera jíllona uai judíuaimo Pedro jino llócaillena fidídiaioi. Afe táijina Juzíñamui Pédro mo jóonete. <sup>8</sup> Mei uáfueza, Pedro ória izói, cue jáí orécacue. Daje Juzíñamui Pedro judíuai cígimo oreca. Ie mei daje Juzíñamui judíoñedino cígimo cuena orede.

<sup>9</sup> Aféruillaido Santiago, Pedro, Juan diga nanoide ocuídino. Bie ñuera táijinafue Juzíñamui cuemo jóoniana íaioi fidínamona, cócona Bernabé diga caimare uáidotiaioi. Daí cócona finódiaioi, ja nana dáamacídicaí daíllena. Iemo, afémaci judíuai cígimo táijizailla llezica, coco jáí oni judíoñedino cígimo táijizairedicoco. Daí cócona daírediaioi. <sup>10</sup> Daa rafue cócomo jicádiaioi: “Mai jaca féitaño, duéredinomo comeci ómicoi ubífireiri,” daidiaioi. Afefue cue finóllena jaca járitaíredicue.

*Antioquía jófuemo Pablo Pédrone lletade*

<sup>11</sup> Mei jáíruido Pedro Antioquía jófuemo dúcia mei, íemo eróicana íena riire lletádicue, mei rairuiredífué ie fínua jira. <sup>12</sup> Fueñe afémie judíoñedino diga güizájifrede. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abido güizáñede. Iaióimona jirecaillano oni eneno ífiredo; mei Jerusalémona bite bacano ícoi quétafue llotínona Pedro jacíruiteza. <sup>13</sup> Afénono Jesumo ínote jáíie judíuai ite. Pedro oni eneno jáillana íaioi cóiillano, afémaci daje izói judíoñedino cígimona oni jirecaidiaioi. Iirainomo jáí Bernabé íaioi fiénide oni jirecaillamona daje izói jirecaide. Afefue jáímacina

jífueoicaide. <sup>14</sup>Mei íadi, ñuera jílloña uai ua daina izói íaioi ínénana cue cíoillano, nana daánono gairídino eróicana Pédróna daidicue:

—O judfodio, mei íadi benomo judfodnedino illa izói itio. Benomo judío illa izói ínédio. ¿Nibái mei birui judfodnedinona judfúai illa izói jóoneacadio? —dino Pédróna lletádicue.

*Nana jíáie comini izói, judfúai Crísto mo íaioi ínogafuedo jíllorediaioi*

<sup>15</sup>Cai bie jaca jocóinanomona judfúaidicai. Juzíñamui mo coméciífiredicai. Judfodnedino Juzíñamui mo comécina facañediaioi. Iemona fiénidífuiaredinona itíai. Cai afémaci izóinédicai. <sup>16</sup>Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrísto mo dánirre íaioi ínuaado illa dígamie daif jaícina írede. Iemona judfodnedino izói, cai daje izói, Jesucrísto mo ínoticai, afe íemo cai ínogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

<sup>17</sup>Birui cai judfúai cígimona dámie Crísto mo ie ínogafuedo Juzíñamui anamo ñue jaícina íacaniadi, bie izói daírede: “Judfodnedino izói fiénidímiena iticue” daírede. ¿Meita bífue mona “Cristo fiénidímacina caina itátate” daírede? ¡Daínide! Mei Cristo jaca buna fiénidímiena itátañedeza. <sup>18</sup>Mei jíáifodo, nauí niné cue táinocaitaga Moisés ocuífue, meine abido jeire cue óiacaiadi, ua cue fiénidena uáfóri jino cíotaiticue. (Mei aféue iere cue ñéfinamona Juzíñamui anamo ñue jaícina ínidicueza.)

<sup>19</sup>Afe Moisés ocuífue ja cuemo dúñede. Da afe uai jeire cue oñenamona cuena titade izói finode. Afe Moisés uaimo cue dúñenamona, ja Juzíñamui dibénemo, tíllanomona meine cáadímie izói iticue. <sup>20</sup>Cristo nauí cruzmo coraica tílla izói, ja birui tíide izói finócamiedicue. Iemona ja birui cue cáanano dama cúeñede; Cristo cuemo íllado cáadicue. Afe bie éniemo ite bie cue cáanano, dama Juzíñamui jíto mo cue ínuaado ófiredicue, mei afémie cuena izíruillano, dama ie abina cue meífomo cruzmo tíizaideza. <sup>21</sup>Juzíñamui cue jíllloña caimare cue cánuafuena jaca ruífriiacañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráifíñede.

### 3

*Moisés ocuica uai comini ínogafue abido joide*

<sup>1</sup>Aí, Galacia comini, iere abina onóñedinona itíomoi. ¿Bu aima izói omoi bífui, ua uaina omoi jéruíñeillena? Nauí ómoimo cue lluaruido, coraica Jesucristo jino uáfodo ómoimo fidítaticue. <sup>2</sup>Mai bífue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Íñega! Mei jíáifodo, ¿omoi cacana uai omoi ínuaado afe Ñuera Joreño nibai ómoimo ite? Jí, áfede ite. <sup>3</sup>¿Nibái mei iere abina onóñedinona itíomoi? Jesumo omoi ínua mei, Juzíñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite rínodo nibai ñue fúitaitiomoi? ¡Jaca fuitánidiomoi! <sup>4</sup>¿Nana omoi duere zefuillafue jaca ómoimo nibai ráifíñede? ¿Nibai taino abiri aféfuiai ómoimo daif íficaide? Aféfuiai táinona íllamo coméciñedicue, mei daifañedeza. <sup>5</sup>Nauí Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíórainina raana comúitate. ¿Mei nibái bífuiaína Juzíñamui ómoimo finode? Ocuica uai jeire omoi úamona, afémie aféfuiaína finóñede. Mei jíáifodo dama cúemona omoi cacana uai omoi ínua mona afémie bie izói finode.

<sup>6</sup>Abraham Juzíñamui mo ínnote; íemo ie ínua mona comécina ñue jaícina jóidímiena Juzíñamui íena caimare uáidote. <sup>7</sup>Ja bífue mona onórediomoi: Nahí Abraham erófene ígímaiai Juzíñamui mo ínnotino. <sup>8</sup>Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaína afémie jino llote. Nana íemo uire ínnotino judfodnedino íadi, Juzíñamui anamo ñue jaícina itátaillifueña Juzíñamui raire uícodo onode. Afena ie



onónamona bie ñúefuiai jaii uícodo Abrahana daide: “Naga náiraii ómona ñúefuemo ézicilliaoi,” daide. <sup>9</sup> Mei daí nana Juzíñamui ñnotino dájena Juzíñamui ñnote Abrahámoiri ñúefuemo ézicilliaoi.

<sup>10</sup> Nana íaii jillollena Moisés ocuica uaimo ñnotino ja fieni faidócaiaoi. Mei daí Juzíñamui Cugáuai dáideza: “Nana Cugánicomo ite ocuica daináfuaena, nágarui ñue fuitáñedino ua fieni faidócaiaoi.” <sup>11</sup> Bífue mona ñue onódicaiza: Ocuiica uai iere ñéfina-mona buna Juzíñamui anamo ñue jaícina jóoneñega. Mei jaífodo Juzíñamui Cugáuai daide: Juzíñamui ie ñnogafuedo Juzíñamui anamo ñue jaícina jóonegamiena jáidimie, afe daa ie ñnogafuedo are zíñona íite. <sup>12</sup> Afe Moisés ocuica uai comíni ñnogafue abido joide. Búuailaina ñue ícoimo fuitácadimie, aféuailaido írede.

<sup>13</sup> Ocuiica uai cai faidóllifue mona Cristo caína oni jírecatade, mei afémie cai ícoina faidóbideza. Juzíñamui Cugáuai bie izói daide: “Naga aménamo agiúneta fagámie faidócaza.” <sup>14</sup> Bífue daí íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue daí Jesucristodo judíoñedinomo fecaca. Bífue daje izói íficaideza, Juzíñamui uícodo lloga Ñuera Joreño cai ñnogafuedo caimo íllena.

*Moisés ocuica uai, Juzíñamui Abrahana dáinana oni caitánide*

<sup>15</sup> Cue ámatiai, naga come onóigafue mona dafue ómoimo llóiticue: Dámie contrato llínoiaí, ie mámeceí afébemo cuega, íemo afe ja cúegana buna oni caitánide. Daje izói afe cuega baimo buna jaíuaina zotánide. <sup>16</sup> Ja onódicaiza: Afe ñuera uícodo lloga uailai Abrahamo Juzíñamui jaii lloite; daje izói Abraham erófene ímiemo lloga. Aillo ie erófene igímaiaimo Juzíñamui Cugáuai daíñede, mei jaífodo “O erófene ímiemo llóiticue” daide. Afe dainámie Cristo. <sup>17</sup> Cue llogafue bie izói joide: Juzíñamui riírede méidoñega uai Abrahamo lloite. Afe llezica afefue féiñeillena Juzíñamui afe uaina riire jóonete. Afe lloga uai contrato izóidíuui; jaífodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. <sup>18</sup> Juzíñamui dáinamo ie ñnuamona Abraham jíllode. Afe bie méidonide Abraham jilloilluaina Juzíñamui rainóñeno íemo fecade. Iemona afe jíllona uai, Moisés ocuica uaimo jaináñede. Moisés ocuica uaimo jaináiaí, aféuai ja uícodo lloga jaca rainóñeno iga raa izóíñede. <sup>19</sup> Iemona, Moisés ocuica uai ¿niemo ráifide? Afe ocuica uai méifodo bai nabaica, comíni íaii finoca fiénidífuiaína onótallena. Afe nabaica uai are íñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi imácido lloga. Iemo íaii llua mei, Moisés aféuaina jino comínimo lloite. <sup>20</sup> Juzíñamui Abrahamo úrilla llezica jaímado Abrahamo lloñede. Dámie daí uáfodo úriadi, jaíe llóitimiena jítaiñede. Bie Abrahamo úritimie daade Juzíñamui.

*Moisés ocuica uai ¿nié izói comínina canode?*

<sup>21</sup> ¿Mei níbai bífue daífacade Moisés ocuica uai, Juzíñamui lloga ñúefuiaína uáitaacade? ¡ñenedeza! Uáitaacañede. Mei cáataite ocuilla uai ígadenia, aféuai jeire cai úado Juzíñamui anamo ñue jaícina íredicaí. <sup>22</sup> Mei jaífodo Juzíñamui Cugáuai dáina izói, nana fiénidífuemo llavécanodicaí. Daí Juzíñamui uícodo mamede, nana Jesucristomo ñnotino jíllobicaillena. Uafue, Juzíñamui afe bie izói mamede Crístomo ñnotino íaii ñnogafuedo Juzíñamui lloga ñuera jíllonafuena íaii óllena.

<sup>23</sup> Jesumo cai ñnogafuena nai jino déíñena llezica, ocuica uai caína llavécanona finode. Aféruillaído Jesumo cai ñnollífue jino déillemo ocúridicaí. <sup>24</sup> Iemona Juzíñamui afe ocuica uaina caimo mamede, cai ñue rairuíllena. Ua úruiai ñue fibítatimie izói caína rairuide. Daí afe ocuica uai caína úiñoide; nai Cristo bíñeille dínó. Afe daí Cristo bíllemo afémiemo cai ñnuado, Juzíñamui anamo ñue jaícina íredicaí. <sup>25</sup> Birui ja Jesumo cai ñnollífue déideza, ja afe Moisés lloga fibítatuii dibénemo dúñedicaí.

<sup>26</sup> Mei Jesumo omoi ñnogafuedo, ja omoi nana Juzññamui úruiaidiomoi, ja Cristo Jesumo dájena jaináidiomoiza. <sup>27</sup> Omoimona báutiza mei Cristo Jesumo dáena jainaide dieze, nana omoi afémie comeci ífuena ja jeire otíomoi. <sup>28</sup> Ja biruímona cai cigiri bie judfona dainámiena ñede, bie Griego dainámiena ñede. Daje izói llavécamienda ñede. Oni eneno jirénoga dainámiena ñede. Afe izói ringo ñima diga oni jiáifodo mámeñega. Ja Cristo Jesumo cai jaináinamona nana cai dáamacidicai. <sup>29</sup> Ja Cristo íediomoiza, Abraham erófene ígima izóidinona jáidiomoi. Iemona Juzññamui Abrahamo úcodo lloga ñuera jilloillífue, feci raa máñua izói, máñoitomoi.

## 4

<sup>1</sup> Bie izói cue daíacanafue: Daa come jitó móonallano, ie moo tílla mei, moo raana náamatarede. Mei íadi afémie nai úruena llezica maiñónide. Afémie nai jofo eromo ocuífregamie izoide, afémie nana afeco raana maiñoreite íadi. <sup>2</sup> Afémie nai úruena llezica, fena úñoitino ite, ie moo jiáifodo ie úñotinomona oni olle dino. Daje izói ie jetállífue ocuídino ite. <sup>3</sup> Jaca bie izói caimo comuífiredo. Cai jilloillíuiai nai déñena llezica, nai úrue illa izóidicai. Aféruillaido aillo bínie comini nícidogafuíai anamo, izire ocuícano izói, iticai. Dáarie cómemona ocuica uáillaido llavécacai. <sup>4</sup> Mei íadi nana Juzññamui mamécáfuíai ñue zuilla mei, jaijai úcodo ie mámiarui dúciamoi, Juzññamui ie Jitó Jesús orede. Afémie ringómona jococa. Moisés ocuica uai anamo judío izói comuízaibite. <sup>5</sup> Afémie daí bite, nana Moisés ocuica uáillaido llavécano aféuaimona oni jirecaillena. Daí cai jirecailmona Juzññamui dama ie jítótiaina cai jáillena cai mámiano, caimare caina uáidoite.

<sup>6</sup> Iemona, ie jítótiaí omoi íllana omoi onóillena, Juzññamui ie Jitó Jesucristo Joreño omoi comécimo orede. Afe caimo oreca ie Joreño riire daífiredo: “¡Cue Moo!” daide. <sup>7</sup> Mei daí o ja Juzññamui jítódio. Ja riire ocuícamieñedio. Ie jítone o íllamona, ie úcodo lloga ñúefuíaina Juzññamui Crístodo omo fécaite.

*Pablo Juzññamuimo ñnotimacimo comeci úide*

<sup>8</sup> Naui Juzññamuina nai omoi onóñena llezica, taino juzññamuillaimo izire ocuífreganodiomoi. Afe omoi llaveina juzññamuillai ua juzññamuiñede; fia jífuia juzññamuillai. <sup>9</sup> Mei birui ja ua nahí Juzññamuina onóidiomoi. Mei jiáifodo ñue dáina, Nahí Juzññamui ja ómoína onode. Ja íena omoi onónamona, ¿né izói meine abido afe ríinide jilloñenafuíaina jeire óiacadiomoi? Dáanomo íaíoi llavéinanomo ¿meita abido jáirediomoi? <sup>10</sup> Diga iruillai oni jiáifodo nai coméciifirediomoi. Daje izói diga fíuillai eneno jiáifo coméciifirediomoi, naa diga fimónaíairi. <sup>11</sup> Nibai nana omoi cigiri cue táijiacana táinomo jifánofide izóideza áfena jacíruiticue. (Afe cue comécina líicíoide.)

<sup>12</sup> Amatiai, izire jicádícueza: Cue comeci ífue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidífueña finóñediomoiza.

<sup>13</sup> Cue omoi cigiri nano illáfueña onóidiomoiza. Aféruillaido, cuemo comuide duícori duere cue zefuillamona afe jllona uai jino ómoímo llotícue. <sup>14</sup> Afe cuemo ite duico cue facátaina, mei íadi afe jira cuena jámairuiñediomoi. Daje izói cuena ruifíruíñediomoi. Mei jiáifodo Juzññamui abi ímie izói caimare cuena líñnotiomoi. Ua Jesucristo omoi líñnolle izói cuena caimare líñnotiomoi. <sup>15</sup> ¿Nee mei afe omoi cacana cáimafuíai? Afe cue irárenaruimo cuena iere izíruillano, dani omoi uíjina jirénota cuemo fecácadiomoi, íadi fecánide. Afe ñúefue omoi dibénemo nitáredicue. <sup>16</sup> Ja ua uai ómoímo cue llúamona ¿Meita ja birui omoi bacáuai ímiena jáidícueza? ¡leñedeza!

<sup>17</sup> Afe baie jicana bite comini ómoímo iere caimare coméciidiaíoi. Mei íadi comeci ñue jítailamo coméciñediaíoi. Omoi bífuellena caimare úritiaíoi. Afémaci cúemona ómoína baíróacadiaíoi, uire íaíoímo omoi jaináillena. <sup>18</sup> Jiáimacimo ñue íllena caimare coméciillana ñuera. Mei íadi cue illa llezica daje izói cue íñena llezica come comeci ñue jítailamo daí coméciirede. Daífadeza. Naui omoi cigímo cue illa llezica, afe

onínemacido daí jífuefiñediomoi; mei íadi birui omoi cígimo cue iñena llezica nágarui jaca daí jífuegaomoi. <sup>19</sup>Cue úruiai, ringo úrue jocóacania duere zefuilla izói, nane ómoiri duere zefuídícue. Ua Cristo comeci ífue nai omoi ñue ónoñeille dino, nai ómoiri duere zéfuitícue. <sup>20</sup>Birui izire omoi cígiri íacadícue, jíáfodo ómoimo cue úrillena. Onóñedicueza, níe izói ómoiri comeciítícue.

*Abraham ai Sara, ie oga jíáingo Agar íainguai ñíuefuenta caina onótate*

<sup>21</sup>Ja birui Moisés ocuica uai anamo íacadíno uíritícue. Mai bifue cuemo omoi llone: ¿Afe ocuica uai dáinana cacáñediomoi? <sup>22</sup>Afe uai daide: Abraham mena jitórede. Daa jitó ie táijitafiregango ie. Jíáie jitó ie nahí ai ie. Afengo buna ócuíñegango. <sup>23</sup>Ocuífiregango jocócato nana biniemo ite úruiai jócua izói jococa. Mei jíáfodo nahí ai jocócato Juzíñamui uícode daináuai fuitállena jococa. <sup>24</sup>Bífue cai onoiga ráamona Juzíñamui cai fidítáfue. Afe mena ringo mena contrátomo táijina izóidiainguai. Iainguaímona daa Sinaí idu ie contrato izoide. Afe ocuífiregango jitótiai ocuífíreillinona jocócaiaioi. Afe ocuífiregango mámecei Agar. <sup>25</sup>Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Aféno mo Juzíñamui contrato comínido finode. Biruillai Jerusalén jofue afe jaiái Sinaí idu izoide, (mei Moisés dibénemo íacadíno aféno mo gairírfírediaioiza.) Ie ocuica uai anamo llavécana itíai, naa aféuemo jaináiacadinori. Ocuífiregango Agar úruiaí izóidiaioi. <sup>26</sup>Mei íadi monamo ite Jerusalén comini lláveñegaiaioi. Afe jofue cai ei izoide, mei cai bie afe Jerusalemo jaináidinodicaiza. <sup>27</sup>Juzíñamui Cuegáuai bie izói daide: Oiniño, úruenidí íadi, mai caimare o iri; Urue jócua izírenafuena onóñedingo, mai caimare o róiri. Mei úrue jocóñena jira dotácango, ñue ogángo baímo jitótiaireitio, daide

<sup>28</sup>Amatíai omoi cácarei, cai bie Sara jitó Isaac izóidinodicaí. Juzíñamui uícode lloga jitótiaidicaí. <sup>29</sup>Mei jaiái aféruillaímo íaillinoi illa izói, birui afe izói itícaí. Aféruimo como comeci jítainamona jocócamie Ismael, afe Juzíñamui Joréñodo jocócamie Isaacina fiénidífuenta racade. Biruillai afe izói itícaí. <sup>30</sup>Mei Juzíñamui Cuegáuai ¿níe izói daide? Afeuai daide: “Afe jofo ero ocuífíregangona ie jitó díga oni oreri. Mei ocuífíregango jitó, afe ócuíñegango jitó díga dájena jofo naama feci ráaniaina maiñónideza.” <sup>31</sup>Amatíai, bífue mona onódicaiza: Cai bie ocuífíregango jitó izóíñedicaí, mei jíáfodo cai bie buna ócuíñegango jitó izóídicaí.

## 5

*Izire ocuíñena dibéfuemo omoi ífíreiri*

<sup>1</sup>Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itímoíza.

<sup>2</sup>Cuemo omoi cacáreiri. Omoi llotímie Páblodícue; jira ómoína dáitícue, bacano ícoi quétáfue jeire omoi óiadi, Cristo ómoimo ráifíñeite. <sup>3</sup>Nane ómoína dáanomo daííacadícue: Omoímona dámie ie bacano ícoi quetátaadi, nana jíáie Moisés ocuica uáillaina ícoimo fuitárede. <sup>4</sup>Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúíñediomoi. Daje izói Juzíñamui caina izíruillafuemonona oni eneno itímoí. <sup>5</sup>Mei cai jíáfodo onódicaiza: Juzíñamui Ñuera Joréñodo, daje izói ie uai ñue cai íñuado, Juzíñamui anamo ñue jaícina cai illífuemo úíñoidicaí. <sup>6</sup>Iemona daíí Jesucrístomo ñue jaináidicaí. Iemo cai jaináidí, afe quétáfue caimo ráifíñeite. Cai quetátaiadi, nibai cai quetátaniadi, daje izói ráifíñeite. Mei jíáfodo afémiemo cai íñogafue ua ñue ráífide. Afe bie cai íñogafue jíáie cómena naa Juzíñamui díga cai izíruillena canode; áfemona Juzíñamuimo cai íñogafue iere ráífide.

<sup>7</sup>Fueñe Juzíñamuimo ñue íñofíredíomoi. Mei íadi birui, ¿bu afe ua uaina ómoína fáicanocaitaga? <sup>8</sup>¡Juzíñamui áfena ómoína fáicanocaitañede! Afémie ómoína caimare uáidofíredeza. <sup>9</sup>Bífueña féitañeno iri: Pan finóadi afe aillo fáitate raa tamédiaioi. Due

jiza fáitate raa jóonega íadi, nana afe magáfecina aillo fáitate. <sup>10</sup>Juzíñamui mo cue íñuano, afémie ómoína ñue rairuillena onódicue. Ja onódicueza, cue daináfue mona oni jíáfodo comeci fácañeiti moiza. Bífue mona omoi comécina oni nibéfodo féitaitimiena Juzíñamui duere fñoiteza. Afefue llotimiena Juzíñamui raa dáíñeite, afémie nibai illaima, nibai jamáimie.

<sup>11</sup> Amatai, cúe mona jíáfue llóiticue. Mei bacano quétafuena nai ocuídícua judíuai nibai cuena fállena rácañeitiaoi. (Mei íadi cue íaioi fállena rácana onódiomoi.) Afe izói cue llóyadi, Cristo cruzmo tílla ñuera rafue íaioina ríicaitañeite. <sup>12</sup> Mei íadi afe onina bite omoi gáguaibitino dani íaioi jíñjina, comini meróniai ie ñetaina izói ñétaitaioiza. (Afémaci méaicaillena Pablo daí daide.)

<sup>13</sup> Amatai, mei jíáfodo uáidogamacídiomoi, ráiruñeganona omoi íllena. Ua ja birui ráiruñeganona itímoiza, mei íadi afe o rairuñenamona, comécimo fieni itífuiaina finóñeno iri. Mei jíáfodo afe ómoimo ite izíruillafuedo ñuera ocuífíreganona omoi iri; daí conímama cánoiti moiza. <sup>14</sup> Mei nana jíáie ocuilla uailai daa bie ocuica uaimo dájena itífaioi. Be níuui: Dama o abina o izíruilla izói, afe izói o abi cómena izíruiri. <sup>15</sup> Mei íadi ómoimona dani conímama fue erodo omoi éoia, daje izói úradoillano conímamo omoi ríicaiadi, ómoína niné tánocaitaiteza; afe izóidemona abí omoi rairuiri.

*Come comécimo fieni itífuiari Juzíñamui Ñuera Joreño mona jíáfodo jóide*

<sup>16</sup> Omoína cue dainafue bie izói jóide: Juzíñamui Ñuera Joreño dibénemo mai afemo omoi illafue jónefireiri. Afedo omoi comeci fieni finócanafuiari fñoñeiti moiza. <sup>17</sup> Mei dani cai comécimo comuide fieni finócanafuiari Juzíñamui Ñuera Joreño uáitafrede. Nane abído dájena Juzíñamui Ñuera Joreño cai comeci fieni finócanafuiaina uáitafrede. Afe ménafue jaca conímama uáitaoífrede. Iemona omoi comeci jaitaina izói figo finónidimoi. <sup>18</sup> Mei íadi Juzíñamui Ñuera Joreño ífócaomoi íadi, Moisés ocuica uai anamo íñeitiomoi.

<sup>19</sup> Comini comécimo fieni itífuiari dibénemo jaináidino íaioi finócaigafuiari jino uáfodo onórede. Be níífue: Afémaci jíruífue íemo íaífue finófirediaoi; jíáie fíenidífue rairuilla uaina náfueñediaoi. <sup>20</sup> Afémaci jánaraimo caimátaífirediaoi. Daje izói fue boréfueña finódiaoi; daje izói jíáimama éoífirediaoi. Dájena caimare íñediaoi; úradoífirediaoi; ráainederi raire iere ríicáífirediaoi. “Fueñe dama cúeiena fñoiticue” daíífirediaoi. Comínina bozíetaítataioi; jíáimama énenoruidiaoi. <sup>21</sup> Afémaci jíáima raari úradoífirediaoi. Daje izói afémaci cómena titáfírediaoi. Jífaírediaoi; fieni jéerie íaioi güilla llezica conímamo riire lléjellejediaoi. Bizóidífuiaina afémaci jaca finócaide. Naui uícode omoi cue lloga rairuilla izói, nane birui ómoína ráiruíticue. Bie izóidífuiari finóidino jaca Juzíñamui illáimama illáruimo jáinaiñeitiaoi.

<sup>22</sup> Mei jíáfodo Juzíñamui Ñuera Joreño cai comécimo bífuiaina cómuite. Aféfuari bie izói jóide: Izíruillafue, ióbillafue, comeci uái illífue, comeci mánaicana úrillafue, comeci cáimafue; jeruíñeno fecáfírede. Jíáima dáinana raire jeire ófirede. <sup>23</sup> Afémie comeci mánaífrede; comeci daina izói ie abi jarítaiñeno ñue fíaicana ocuífírede. Bífuiaina rairuide ocuilla uaina íñede. <sup>24</sup> Nana Crísto mo ja jaináidino, íaioi comécimo nanómona itífuiaina, faga izói, féitatiaoi, naa íaioi comeci fieni finócanafuiari. <sup>25</sup> Iemona Juzíñamui Ñuera Joreño íredicai. Daí cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

<sup>26</sup> Cai bie abina fieni íñonidicai. Afe izói cai íadi, conímama díga ícíticai, mei íadi afe izói mai cai íñeilli. Daje izói jíámari úradoíñeno cai illi.

## 6

*Conímama omoi canófireiri*

<sup>1</sup> Amatai, ómoimona dámie fíenidífue mo baízáidenia omoi cíoadi, ómomona Ñuera Joreño dibénemo izire jaináidino afe baídimiena omoi canori, meine níífue dibénemo ie ílleza. Jaca comeci máinaífuado íena canori. Naga come afemo baíiredeza, ie jira

illa dígamie afe baiífirenafuemona abina rairuírede. Taife cai facátafue naga cómemo comuífíredeza. <sup>2</sup> Illa dígamíai conímána canófireiri, áfedo jíáimamo zuufue comuíadi ie comei náirecailleza. Bie izóidedo Cristo ocuilla uaina ñue ícoimo fúitaitiomoi.

<sup>3</sup> Jamáimie illa llezica dámie abi ínnota “Jamánomo ímiedicue” daiíadi, afémie dama ie abi jífue. <sup>4</sup> Omoimona illa dígamie dama ie abi áadori. Mei aféfuena o jíeruadi, dama o abi ífuedo íóbitaitio; mei o illafue ñuera daiíllena jíáima illafue díbenedo abina fácañeitioza. <sup>5</sup> Illa dígamierie dani caimo itífuiaimo náfuefireiticaí.

<sup>6</sup> Juzíñamui uáíllana llófuegamie nana íemo ite ñuera ráaniaína dieze, meine íbana afe ie llófuetimie mo írede.

<sup>7</sup> Mai jíáífuerei omoi jífuefíñeno iri; jaca Juzíñamui buna báíñuano jífueñegaza. Naga come ie rífirega raa ríadi, afe llizíllana dama jofo óite. <sup>8</sup> Nanómona cai comécimo itífuiaí íóbitaitífue cai finóadi, afe cai comécimo itífuiaimona cai tíllífue óiticaí. Mei jíáífoto Juzíñamui Ñuera Joréñona cai íóbitaadi, afe Joréñomona zíñona cai illífue óiticaí. <sup>9</sup> Ie jira ñúefue cai fínua, mai cai zefurúíñeilli. Mei áfemo fácanocaiñeno comécina náiredinona cai íadi, uire Juzíñamui mamécaruimo riga ófirena izói, ñúefuena mainóriticaíza. <sup>10</sup> Afe jira, ñúefue fínua llezica nana comínimo, nana cai abi ie máiriedo ñúefuena finóredicaí. Iemo Juzíñamui mo ínote cai ámatiaímo, baímo aillo ñúefuena finóredicaí.

Abí rairuíllauai, íraicaiño uáíduafue díga

<sup>11</sup> Mai ómoimo bie jéerie cue cúegamo omoi eroiri. Afe bie dama cue ónoído cue cuega. <sup>12</sup> Afe quétafuena omoi ocuídino ñúefuedo lloñédiaíoi. Dama comíni uícomo ñue íaíoi íllena daií daídíaíoi. Daií ómoína ocuídíaíoi, Cristo tílla ícoína jíáimaci afémaci rácaíza daií. <sup>13</sup> Mei afe quetácano, nana Moisés ocuica uai ñue ícoimo fuitáñediaíoi. Mei íadi ómoína quetátaacadiaíoi, omoi íaíoi quetátafuedo abi íaíoi íñollena. Afe quétano omoi abímo íllado iere abi ínotiaíoi. <sup>14</sup> Mei cúemona dama cai Ocuíraíma Jesucristo tíllado abi ínoticue. Abi díne jíáífoto abi cue íñollena íñede. Mei Cristo cruzmo tíllado, nana bínemo ite fíénidífuaí faga izói cuemo dúíñede. Afe íbana cue aféfuiaímo faga izói jaináíñedicue. <sup>15</sup> Mei Crístomo dájena cai jaináínamona, ja afe quétafue ráííñede. Daje izói íemo cai jaináínamona quetáñenafue jíáí ráííñede. Mei jíáífoto cómuena meine abído jocócamiena cai illa, iere jamánomo ráífide.

<sup>16</sup> Bie izói daináuai jeire otínomo comei caimare uái illafue íteza. Daje izói Juzíñamui ómoimo dúecaillafuemo fítioimoíza. Bie izói daináuai jeire omoi óiadi, Juzíñamui ua comínina jáítiomoi. Mai mei, Juzíñamui ie ua comínina ñúefuemo éziciíteza.

<sup>17</sup> Ja biruímona buna cuena áífeduaíbiñeno iri, daídícue. Cue abímo ite boáfiaí méífuai, cai Ocuíraíma Jesús táíjítagamiena cue íllana onótate.

<sup>18</sup> Daje Juzíñamui mo ínote cue ámatiaí, cai Ocuíraíma Jesucristo nana ómoína ñue éziciíteza. Mai daiítadeza. Jae níie.

## EFESO IMACIMO SAN PABLO ORECABE La Carta del Apóstol San Pablo a los Efesios

*Pablo Efésomo ite Juzíñamuimo íñotino rabedo uáidote*

<sup>1</sup> Cue Páblodícue. Juzíñamui comeci jítaina izói Jesucristo orécamiedícue. Bie izói daina ñúefue llujállena, ie ocuífcamiedícue. Efeso jófuemo ite Juzíñamuimo jaináidino bie rabedo uáidotícue. Afémaci Jesucristomo ñue íñotino. <sup>2</sup> Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraíma Jesucristo daje izói ómoína bie ñúefuíaímo jóoneiteza.

*Cristomo cai jaináinamona cai comécina náiretatífuíai Pablo jino llote*

<sup>3</sup> Cai Ocuíraíma Jesucristo Moo Juzíñamuína ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuíaína jae caina éziciteza. <sup>4</sup> Nai énie comuñena llezica, Juzíñamui Jesucristodo caina nize, ie erócana ñifuenino ñue finócamona cai íllena. <sup>5</sup> Jaiai uécodo caina izíruillano ie comeci jítaina izói, Juzíñamui caina náamatade Jesucristodo ie jítótaiña cai jáillena. <sup>6</sup> Iemo ie izíruíga jítóoiri dájena cai íllamona, afémie caimo dúecaífírede. Afe jira nágarui Juzíñamuína ióbitaredicai, caimo ie dúecaíllana iere figura cai daiífíreíllena. <sup>7</sup> Caimo iere dúecaíllano, Juzíñamui ie Jitó tíllado, ie die tóíllado caina jíllotate, mei áfedo Juzíñamui cai fiénidífuíaína féitateza. <sup>8</sup> Afémie cai ifoci ñue dénuamona, ie caina iere dúecaíllafuena, afémie jamánomo ñue caina onótate. <sup>9</sup> Juzíñamui jaiai uécodo mameca ónoñega ie comeci óiacanafue caina ja fidítate. <sup>10</sup> Bie Juzíñamui uécodo mamécáfue ie fácaruimo dúcia, ñue ícoimo fúítaite. Aféruimo Juzíñamui dáanomo nana éniemo ite náiraíaina ie Jitó Cristo anamo itábicaítaite, naa bñiemo ite ríllenai, naa jíáie ráaniáiri. Daje llezica monamo ite ríñoredíno Cristo anamo ítiaíoi naa afénomo ite jíáie ráaniáiri.

<sup>11</sup> Jaiai uécodo Juzíñamui caina nize, Jesucristomo dájena cai jaináinado ie comínina cai íllena. Nana bífuíai jica ia Juzíñamui mamérilla izói ñue joide. Juzíñamui ñue onona díeze, afe izói afémie ñue finóírede. <sup>12</sup> Ja cai bie nanómona Crístomo íñotinodicaíza. Juzíñamui daií caina ñue nize, afémiemo ite áíllue ebíredífuíaído ñúefue íemo cai nitállena. <sup>13</sup> Daje izói uáfueña lloga, omoi jíllóille uaina cacádiomoi. Cacáíllano afe uaina omoi íñuamona Jesucristomo jaináitagaomoi. Daje llezica Juzíñamui jaiai uécodo llua izói Ñuera Joréñona igáomoi, dama Juzíñamui íeiedíomoi daiíllena. <sup>14</sup> Afe Ñuera Joreño caimo íllado, ico jíáíruido Juzíñamui dainafue cai maiñóllena, uáfueña onódicai. Afe ie lloga dainafue cai maiñóllíruimo nai dúciñede. Mei íadi nana íemo jaináidínomo, fiénidífuemo jaca due íaiói jaináíñeíllífué afémie llóite. Daií ie llua mei nana afémie cáiena lloga dainafue máíñoitícaí. Ie jira afe Juzíñamuimo ite áíllue ebíredífuíaído íena ióbitaredicai.

*Pablo Juzíñamuimo íñotino ifoci ñue denóllena Juzíñamuimo jícade*

<sup>15-16</sup> Iemona cai Ocuíraíma Jesumo omoi íñogafuena cue fidínamona, Juzíñamuimo ómoiri “íere figura” fáicaíñeno daiífíredícue. Daje izói nana Juzíñamuimo jaináidínona omoi izíruíllana cue fidínamona, nane figura daiífíredícue. Afe llezica Juzíñamuimo cue jícaífírena dáruído ómoimo jaca uíboííredícue. <sup>17</sup> Juzíñamui ómoimo jino llogáuaina ñue comécido omoi baitállena jícaífíredícue. Ua, cai Ocuíraíma Jesucristo ebírede Moo Juzíñamuimo jícaífíredícue, Juzíñamuína ñue omoi onóíllena. <sup>18</sup> Daje izói Juzíñamui omoi ifoci ñue denóllena jícadícue. Afemona Juzíñamui uáidogano úiñoga ñue cómuítífuíaína ñue ónoítíomoi. Daje izói Juzíñamui omoi ifoci denóllemona íemo jaináidínomo, Juzíñamui fecalle ñuera ebírede cáimafuíaína ónoítíomoi. <sup>19</sup> Iemona bie izói ónoítíomoi: Juzíñamui iere ñúefuíaína ríñoredímie. Afe bie íemo ite áíllue ríño ja birui nana íemo íñotinona ñue comécido íaíoína canode. <sup>20</sup> Naui Juzíñamui, daje bie íemo ite áíllue ríñona cai onóíllena,

Cristo tállanomonona meine abido cáatate. Daíí íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juzíñamui íena rainade. <sup>21</sup> Dinomo jamánomo ocuédillaímana Juzíñamui íena jóonete. Iemona nana jíáíe ríinoredínuiái Cristo anamo itífaioi, naa jíáíe ocufíredínuiáiri. Daje izói nana illáini Cristo anamo itífaioi naa jabóidilláiniáiri. Daje izói nana mona eromo ite ríinoredínuiái, Juzíñamui ie aillo ríinodo Cristo anamo dájena jóonete. Nana jíáíe mameca ríinoredino cai comeci facáacana dieze, daje izói Cristo anamo itífaioi. Nana biruimo itínuiái ie anamo itífaioi, naa ico jíáiruilláido íitínuiáiri. <sup>22</sup> Afe dáaruido Juzíñamui nana ráaniáina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci cai abi ocuilla izói afémie íaioina ocufírede. <sup>23</sup> Mei jíí, Jesucristomo dájena jaináidino ja Cristo abina mamécaíaoi. Afe jira afémaci nana Cristo comeci ífuiaína iere jeire otíaoi. Mei dama Cristo nana ráfuiaína ñue ícoimo fuitátatímieza.

## 2

### *Juzíñamui caina izíruillado jíllodicai*

<sup>1</sup> Omoi fiénidífuiaímona nai tíidino izói omoi illa llezica, Juzíñamui Cristo tállanoma meine abido cáatajado afe dáaruido ómoína cáatate. <sup>2</sup> Naui afe fiénidífue dibénemo are itíomoi. Bíníemo ite fiénide nairai illa izói are itíomoi. Afe llezica omoi áinodo lláífoide fiénide joreño jíáinafue finófirediomoi, mei afe joreño nana fiénide jóriái nahí ocuíraimaza. (Afe daje fiénide joreño Taife.) Juzíñamuimo jíerúinedinona afémie riire ocuíoide. <sup>3</sup> Naui jíáiruilláido nana cai afe izói fiéni iticai. Cai abi fiéni jíáinafuiái jeire ófíredicai. Afe nanómona cai comécimo ite cai íoacaiga fiénidífuena fáicanocáíneño ícoimo finóicaifíredicai. Daje izói cai comeci fia fácafuiaína jeire oticai. Iemona nana jíáímacina duere finóllemo dúina izói, Juzíñamui iere duere finóllífue mo dúidicai. <sup>4-5</sup> Mei íadi Juzíñamui iere caina dúecaillano, nai cai fiénidífuiaímona tíidino izói cai illa llezica, afémie caina izíruillano Cristo cáatajado dáanomo tállanomonona caina cáatate. Mei jíí, dama Juzíñamui ómoíri dúecaillano jíllotagaomoi. <sup>6</sup> Uafue, Cristo Jesús cáataja llezica, Juzíñamui afémie díga daane caina cáatate. Afe mei Juzíñamui Cristo abímo monamo caina rainade. <sup>7</sup> Juzíñamui daíí finode, nana ico ninomo illáruilláido íitínuiáimo afémie iere caina izíruillafuena onótallena. Ua, Juzíñamui daíí finode afémie Crísto do caina dúecaillafuena nana uícomo cómuitinomo fidíillena. <sup>8</sup> Mei jíí, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi íinuado jíllotagaomoi. Afe jíllonafue dani ómoimona comuíñede, mei jíáífodo afefue Juzíñamui ómoimo comuítaga. <sup>9</sup> Ñúefuemo are cai ñéfinamonona afe jíllonafue caimo fécañega. Ie jira áfedo buna abina íinonide. <sup>10</sup> Mei jíí, Juzíñamui nano fueñe comíni fínua izói, afémie ie joréñodo como jíiciganona ja cai finode. Iemo ja birui, jaiái uícodo ie mámia izói, Crísto do Juzíñamui meine caina cáatate, ñúefuíaí cai finóllena.

### *Ñue uái cai illífue Cristo caímo lloga*

<sup>11</sup> Iemona naui omoi illáfuemo maí omoi comeci uibóiri. Judío nairai íeñediomoi. Ie jira judíuái “Bacano ícoi que táñegamacina” ómoína mamédiaíaoi. Dani afémacina cai bie “Íeizina quetácanodicai” daídíaoi; mei jaiái íaioi finófirena izói, íaioimona nágamíiaí íaioi bacano ícoi quetácaza. <sup>12</sup> Naui omoi íinoñena llezica, Crístomonona oni eneno itíomoi. Israel náiraimo Juzíñamui nízcánomo jaináíñediomoi; íemona Juzíñamui íaioímo lloga ie ñuera finóllífuiái fidíñediomoi, naa uícodo ie lloga cáimaduafuíaí díga. Aféruilláido Juzíñamuina onóñeno, bíníemo zuure itíomoi, mei cáimare omoi ocuírillífue íñeđeza. <sup>13</sup> Naui Juzíñamuimona iere oni jíca itíomoi; mei íadi ja birui Cristo cairi tállanoma, ie díe tóíllanoma, Juzíñamuimo ánozítagaomoi. Ja Crístomo dájena jaináidíomoi. <sup>14</sup> Cristo jíáímana cai ícíñenafue comuítatímie, mei dama afémie judíuái judíoñedino díga dáaziena

finode. Iemona íaioi bacáuai imáciñediomoi. Naui ómoína oni eneno itátate éoinafuena ja Cristo niné féitate. <sup>15</sup> Dama ie abi izi cácanado, ua ie tíllado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuui judíoñedino diga, dáaziena comue náiraina finode. Afe ménade náiraii ja dama Crístomo dájena jaináitagaiaioi. Afedo afémie cai conima diga cai icíriñenafue nana caimo comúitate. <sup>16</sup> Afe bie izói, Cristo cruzmo ie tíllado, bie mena nairai dáamacina ínuano, naui íaioi fuirífirenafuena záitate. Afe llezica, Juzíñamui dibénemo ñue uái íaioi illífue Cristo afémacimo jino denode. Dénuano, íaioina jeire otátate. Afemona comínimo Juzíñamui caimare eroide.

<sup>17</sup> Cristo afe ñue uái cai ille uaina nana comínimo lluaíbite. Onínemacimo Cristo afe uaina lluaíbite. Omoi afe onínemaci izóidiomoi. Daje izói áinori ite judíuaimo, afe uaina afémie lluaíbite. <sup>18</sup> Iemo Cristo cai jllotajamona, mei nibai judíuaidicai, mei nibai judíuainédicai íadi, nana cai afe daje Ñuera Joréñodo, Moo Juzíñamuimo áinozifredicai. <sup>19</sup> Afe jira, Juzíñamui dibénemo ja onínemaciñediomoi. Daje izói dani íaioi illánomo dúíñedino izóíñediomoi. Mei jáífodo nana Juzíñamuimo jaináidino jainaila izói, uafue íemo jaináidiomoi. Dájena Juzíñamui náiraidiomoi.

<sup>20</sup> Nana omoi ebírede niga jáilliraina dallíraide anáneco izóidiomoi. Cristo oréfíregamací llófueinafuena iere baitádinona ja jáidiomoi. Ua jáillirai jáicina mairi naidania izói, aféfuemo ja riire jónegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie. <sup>21</sup> Bie Nahílliraimo izóidimie nana afeco Juzíñamui nicana uite. Afe izói afemo nana jofócaiai ñue jáicina jónega. Jofócaiai dallíraidemo dúina izói, daade Jesucristomo jaináidiomoi. Afeco nilla fuilla mei, jae Juzíñamui ñuera irácona jáidiomoi; ñuera gairíaco izóidiomoi. <sup>22</sup> Daje izói Crístomo dájena omoi jaináinamona, nana jáíie Crístomo ínotinomo dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífirenaco izóidiomoi.

### 3

*Jíllona uai judíoñedíno llujíllena Juzíñamui Páblomo jóonenocáide*

<sup>1</sup> Iemona Juzíñamuimo ómoiri iere cue comeci facáfíredicue. Omoína izíruite Páblodicue; Cristo Jesús ñúefue ómoimo cue llujílla jira llavécamedicue. Omoi judíoñediomoi, íemo ómoína ñue íllena cue cánua jira llavécacue. <sup>2</sup> Ja nibai Juzíñamui cuemo jónega bie táijinana fidídiomoi. Jíi, Juzíñamui ie cáimaduafuiai ómoimo cuena llotátate. <sup>3</sup> Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiena Juzíñamui cuena jónete. Afe ie mamérrillafuedo ja nano íanori due ómoimo cueticue. <sup>4</sup> Aféfuena omoi facáduamona, afe nai jino llóñega Cristo dibene illáfuemo iere cue báitajana ónoitiomoi. <sup>5</sup> Afe báinino comeci ie fácafue naui jáíruiillado bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nízeza íainide orécamacimo aféfuena jae onótate. Daje izói jáíie ie uai jino llórainimo fidítate. <sup>6</sup> Afe jaii jino raire llóñegafue bie izói jóide. ¡Cácarei! Jíllona uaina ínuamona, judíoñedíno naa judíuairi daje Juzíñamui cai cáimaduafuiai dájena máinoítiaioi, mei dámiemo jaináidiaioiza. Ua Crístomo, dáaziena jaináidiaioiza. Daje izói Juzíñamui lloga Cristo Jesús caina ñue fínóllífue judíuaimo dúina izói, birui judíoñedíno ja dúide.

<sup>7</sup> Cue jamáimiedicue, mei íadi Juzíñamui dama ie ríinodo, cue canóllena mamérite. Iemona afe bie núefue jáíimacimo llujíllena jónegacue. <sup>8</sup> Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedíno llujítimiena Juzíñamui mamécacue. Afe bie cue llujíllene iere cuemo ráífide. <sup>9</sup> Juzíñamui jaii ninómona jino llóñega mamérrillafue nana comínimo jino llóitimiena dama Juzíñamui jónegacue. Afe Juzíñamui nana ráainai fínóraima.



<sup>10</sup>Juziñamui nana bífuiaina daí ífcaitade, nana íemo dájena jaináidinodo, nana monamo ite ríinoredino Juziñamui iere jamánomo naga ráfuiaina báitajana onóillena. <sup>11</sup>Juziñamui jaiái ninomo úcodo comeci mamérilla izói, nana bífuiaina caí Ocuíraíma Jesucristodo ñue ícoímo fuitade. <sup>12</sup>Iemo Crístomo dájena caí jaináinamona Juziñamuimo ja áinoziredicái, mei caí ínuamona afémiemo meáiruínedínona itícaíza. <sup>13</sup>Ie jira izire ómoímo jicádicueza: Birui omoí abiri duere cue zéfuidicueza, mai náinidímaci izói omoí íñeno iri; mei jíáfodo caímare omoí comécíoiiri; mei afe ómoíri duere cue zéfuia afe ómoímo ebírede nitaina izóidífueza.

*Cristo iere jamánomo caina izíruiitimiena íemo íñotino onóillena Pablo Juziñamuimo jicade*

<sup>14</sup>Ie jira caí Ocuíraíma Jesucristo Moo anamo caíñícido ana dújullanona nana ie comíni íena íemo izire jicádicue. <sup>15</sup>Nana éniemo ite ie comíni, naa monamo itíñuiái díga, afémiemona comúidiaioi. <sup>16</sup>Caí Moo Juziñamuimo jamánomo ñuera ríino ite. Afe ie ríinomona, ie Ñuera Joréñodo, iere omoí comeci ñue náireillena izire íemo jicádicue. <sup>17</sup>Afe llezica omoí ínogafuemona Cristo omoí comécímo nabáirifíreillena Juziñamuimo jicádicue. Daje izói Juziñamuina iere omoí izíruillena jicádicue. Iemo afe izíruillafuemo izire omoí jaináillena jicádicue. Nane dánomo omoí ínogafuíai jeire oga uaina ñue omoí ífócímo denóllena Juziñamuimo jicádicue. <sup>18</sup>Daje izói Cristo caina izíruilla omoí ónoillena jicádicue, naa jíái íemo jaináidinori. Mei afe ie izíruillafue monáíllaji aillona izóideza. Afe monáíllaji ruícafene jica íllana bu onóñede. Mei íadi afémie caina izíruillafue iere ruica are illa izóinana omoí onóillena jicádicue. Daje izói áillue imani eraí iere fuiri jica illa izói, afe caímo facádonide Cristo caina ie izíruillafue omoí onóillena jicádicue. Afe izói Cristo caina izíruilla iere monáíllaji ana jica afórena izoide. <sup>19</sup>Mei jíi, afe bie izíruillafue ñue omoí fídíillena jicádicue. Nana caí onórede aillo ráfuiái baímo, bie izíruillafue jamánomo áillue. Afefue omoí fídínamona, nana Juziñamuimo ite aillo ñúefuíaina ñue jaícina oruíziitíomoi. Mai, daí íteza.

<sup>20</sup>Ja birui ie aillo ñuera ríino, caí comécímo ífírenamona nana caí comeci fácarenafuíai baímo, afémie iere jamánomo ñúefuíai caímo finórede. Daje izói nana caí jicárenafuíai baímo afémie iere finórede. <sup>21</sup>Ie jira aillo ebíredífuiái afe caí Juziñamuimo mai caí nitalli, mei Cristo Jesumo dájena jaináitagacaíza. Mai mei Jesucristodo jaca ninomo naga cómutigímado aillo ñúefuíaina Juziñamuimo caí nitalli. Daíftadeza.

## 4

### *Juziñamui Ñuera Joréñodo dáamacina maméidicái*

<sup>1</sup>Nana bífuiáimona, omoí jaícina ñúefuedo macállena riire ómoímo llóitícue, mei caí Ocuíraíma Cristo ícoínia llavécamedicueza. Ua Juziñamui uáidogamací maca izói, omoí macállena izire ómoímo jicádicue, mei uafue ie uáidogamací itíomoíza. <sup>2</sup>Nana omoí, mai jíba abina íñoñedínona omoí iri; daje izói comécina mánaidímacina omoí iri. Dani conímána izíruillano illa dígamie jíámamo comeci járitaño omoí iri. Afe izói conímána omoí dúceafíreiri. <sup>3</sup>Afe llezica mai Ñuera Joreño ómoímo comúitaga dájena jaináinafue ñue rairuífíreiri. Ua, omoí dáaziena dani conímána comécina jacíruiñenafuedo dáamacina jaináifíreiri. <sup>4</sup>Daa cómemo da abí illa izói, daade abí. Afe abí Cristo ie. Afe daade come abí izóidícaí. Afe izói Ñuera Joreño daade. Daje izói Juziñamui nana caina daa uire ñue fínóllífueмо úínotagacái. <sup>5</sup>Caí Ocuíraíma daade. Daje caí ínogafue jeire oticái. Daje izói dáafuemo báutizagacái. <sup>6</sup>Iemo Juziñamui daade; afémie nana íemo ínotímací Moo. Afe izói afémie nana comíni Naama. Afémie nana ífcáidífuiái dibénedo ie comeci jíáinafue finode; nágaíuáimo jetáífrede.

<sup>7</sup> Mei íadi Cristo comeci jítaina izói, cáimona illa dígamiemo jiáiforiede ñúefue finolle ríinona, Cristo caímo fecade. <sup>8</sup> Juziñamui Cuegáuai daí uícodo daide. Be ñie: Caífo monamo jailla lezica aillo nauí llaveca izóidino afémieoiri uite.

Iemo fia iga jiáimaci cánuafuiaina comínimo fecade, daide.

<sup>9</sup> Afémie caífo jailla daina uai jiáífue caina onótate. Afedo nauí uícodo fueñe afémie monámona ana bíllana fidídicaí. Aféruído bie fiénidífuiarede éniemo afémie monámona iere jica ana bite. <sup>10</sup> Afe ana bitimie, abido nana caífo ite monániai caifófenemo jáidimie dáamiede. Dinomo jaide, afénomona nana ie finócanuiaimo illáimaillena. <sup>11</sup> Iemo afe bie Cristo illa dígamiena ñue ríinoretade jiáiforiede ñúefuiaina finóllena. Dámierie ie orécamacina afémie jóonete. Jiáimacina Juziñamuimona oga uailai jino llóramana afémie mamede. Iemo jiáimacina cai jíllonafue uaina llotátate. Nai jiáimacimo ie comínina ñue úinóllena ocuide, íaioi llófuellena díga. <sup>12</sup> Afe daí cai Ocuíraíma nana íeiena ñue fíbítate, ie ocuica tájina ñue íaioi jetállena, íemo nana Crístomo jaináidinona móonaitallena; mei afémaci Cristo abi izóidimaciza. <sup>13</sup> Afemona cai íinogafue dibénemo ñue dájena mamedimacina jáiticaí. Daje izói Juziñamui Jitona cai onona dibénemo ñue dáamacina íiticaí. Afe daí ñúefuiaina ñue izire jiéruitinona íiticaí. Uafue, nana ñúefuiaina Cristo izire jiéruilla izói, afe izói ñúefuiaina rairuñeno iere jiéruiticaí. Jiéruillamona ñue móonaiticaí. <sup>14</sup> Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitañedinona jífueítiaioi. Iaioi comeci ñue fácajana raire jiáífodo méidoítiaioi. Bie jífuetino ebire lloga taino llúáfuedo bie úrue izóidino íinoga ñúefuiaina niné féitátiaioi. <sup>15</sup> Mei íadi conímana izíruillano, íemo uáfueña cai úrilla llezica, mai Cristo dieze cai móonaili. Crístomo izire jaináillano nana ie comeci itífuaí mai jeire cai óíreilli, mei Cristo afe cai jainaina abi ífoci dainámie. <sup>16</sup> Afémie, ífócina íllamona, nana caina caímare ocuíoide; ñue daa cómena caina jaináitate, mei illa dígamié jiáimieemo ñue dúinaza. Nana afe Cristo dáamiena jaináitagamací caímare daní jiáimaciri tájina llezica, caímare itíaioi. Ua Crístomo jainaide, daade abi izóidino naari conímana izíruillafuedo móonaoicaide. Móonailano caímare ite.

*Crístomo dájena cai jaináinamona comue illáfuedo macáredicaí*

<sup>17</sup> Iemona bie ómoína cue daíillifue izói, cai Ocuíraíma mámedido ómoímo jóoneno-caídúe. Ja biruímona, Juziñamui onóñegano illa izói, mai omoi íñeno iri. Iaioi taino comeci úrilla uai daina izói ífirediaioi. <sup>18</sup> Iaioi comeci úrilla uai onóñeno jítifomo fiébicaídiaioi. Juziñamui comuítaga comue illafue afémacimo íñede, mei íaioi comeci ríirenamona ja abina onóñedimacina jáidiaioiza. <sup>19</sup> Ja íaioi comeci meáífueña llóñediaioi. Iemo nana íaífuaí illa dinó, áfemo aillo gáinafuedo iere jeire otíaioi. <sup>20</sup> Mei íadi afe daí, Cristo llófueñegaomoi. <sup>21</sup> Mei níbai, uáfueña Cristo illafue omoi cacana mei, íemo ite uafue uai dibénedo afémiedo llófuegaomoi. <sup>22</sup> Ie jira nauí omoi fiénide illafue dibénedo izire ómoína dáititúe: Afe nanómona ómoímo itífuaí, mai zabide iníroi oni dúinua izói omoi méidori. Afe nauí ómoímo itífuaí jaca ómoína fiéni finode; mei omoi fiénide gáinafuaí jífuegaomoi. <sup>23</sup> Mei jiáífodo biruí cómuena méidoredíomoi; nana omoi comeci óiacanafuaí méidorede. Nana omoi ífoci úrillafuiaina méidoredíomoi. <sup>24</sup> Afe llezica comue comeci itífuaí, comue iníroi jítaja izói, mai jeire omoi oíri. Afe comue itífue Juziñamui illa izói Juziñamui comuide. Iemo aféfuena jeire omoi úamona, omoi uáfueña íaidonide ñue illafue otíomoi. Daje izói afe omoi comue comécimo itífuaí omoi úamona, ñue jaícina jóide illáfuedo jáitíomoi.

<sup>25</sup> Iemona táinofuaí lloñeno iri. Mai jiáífodo illa dígamié conímamo uáfueña úriri, mei nana cai dáaziéna daje abímo jaináidicaíza. Afe abi Cristo ie.

<sup>26</sup> Omoi ícíríbicaiadi, afe ícírífue ana fiénidífueemo ómoína uitátañeno iri. Daje izói daarui náaruído are ícíríñeno iri. Raire féitari. <sup>27</sup> Due jiza omoi comécina Taífe illáimaillemo “Jii” daíñeno omoi iri.

<sup>28</sup>Nau meríriraima bairódimie diga, mai abido merírriheno iri. Mei jiáifodo zefuiruiheno táijizairi. Iemo ñue táijiferenamona o táijina iba óitio; áfedo o jitaille ráaniai íbaitio. O iba mei, ua dúeredimacimo íaioi jitailla raa íaioimo fecaredio.

<sup>29</sup>Fiénide uáillaido íaire úriheno iri. Mei jiáifodo ñuera uáillaido úrifireiri. Cacádinona comeci náretalle uaido omoi úrifireiri, íaioina ñue ézicitalle uai diga. <sup>30</sup>Daje izói Juziñamui Ñuera Joréñona zúuretañeno iri; mei afémie ómoimo íllado, jae Juziñamui íeiena mamécaomoi. Ua biruímona Juziñamui íllánomo ñue jaícina ómoina jíllotalliruiimo, afe Ñuera Joréñodo Juziñamui fena ñue mamécaomoi.

<sup>31</sup>Nana comécimo ite éoinafuiaina oni mai omoi féitari, nana ríifuiai diga. Daje izói nana icírillamona comuide riire úrillafuiai lloñeno iri, naa jíaie báíruafuiai. Nana illa diga fiénidífuiai niné féitari.

<sup>32</sup>Iemo jiáifodo, illa dígamie jiáimie móducaillano comeci mánaidimiena iri. Cristo íena omoi íllamona, Juziñamui omoi fiénidífuiai íbana oñede. Afena féitateza. Afémie féitaja izói, afe izói illa dígamie jiáima finoca fiénidífuena omoi féitafireiri.

## 5

*Juziñamui úruiai izói cai íllena Pablo caimo lloste*

<sup>1</sup>Juziñamui izíruiga úruiai omoi íllamona, mai afémie illa izói omoi iri. <sup>2</sup>Cristo caina izíruilla izói jiáimana omoi izíruifireiri. Mei jíi, caina ie izíruillamona Cristo cai jiáinona fecacámie. Afémie Juziñamui íóbitallena titada fia fecaca rille izóidímie. Aferi Juziñamui íóbide. (Afémie dibénemo afefue ñue ziórede uguci izoide.) Mai afe izói comimana omoi izíruillado Juziñamuina omoi íóbitari.

<sup>3</sup>Ja bie omoi Juziñamuimo jaináidimoiza, mai ómoimona ninó dáamie áinina llezica jíaie ringona jetáñeno iri. Daje izói nana jíaie íaífuiaina finóñeno iri. Jaca jíaie cómemo ite ráanaimo úradoiñeno iri. <sup>4</sup>Íairede méaífuiaina bumo lloñeno iri. Daje izói táinodo úrillafuiaido úriheno iri. Iemo jiáimamo fiénide llagüéroilla uaina oréñeno iri. Mei bie izóidífuiai Juziñamui úruiaimo íeñedeza. Mei jiáifodo Juziñamuina iere figura omoi daíifireri. <sup>5</sup>Jae cue lloga iima ringomo finoca fiénidífuie bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jíaie ringo jetáadi, figóñede. Iemo íaífuie naa úradoillafue diga finóadi, figóñede. (Afe úradoífredímie jamai jánarai íóbitadímie izoide.) Ja onódiomoiza bie izoide fiénidífuiai ínuana fibídímie, Cristo Juziñamui diga ílláimana íllíruimo jainánide. <sup>6</sup>Jiáimana taino uáillaido omoi jífueñeno iri. Mei afe bie fiénidífuiai ínuamona, nana ie uaina cacáañedínona, Juziñamui iere duere fínoiteza. <sup>7</sup>Iemona, bie izói ite comini diga omoi nabáiriheno iri.

<sup>8</sup>Nau nai omoi íinoñena llezica, jíitfomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri. <sup>9</sup>Cai Ocuíraima Jesucristo egáíñote raa izoide. Iemona cai comécina ñueitate. Iemo ua uaido caina úritade. Daje izói cai jaícina ñue illífuie comúitate. <sup>10</sup>Cai Ocuíraima ñue íóbitallífuena, mai iere omoi onóicairi. <sup>11</sup>Báinino macádino finoca táinofue dibénemo íheno omoi iri. Mei jiáifodo afe báinino íaioi finócafueña uáfomo omoi ciotari. <sup>12</sup>(Mei íadi afémaci báinino finócafuiiai izói cai úriadi, caina meáiruitaite. Ie jira benomo rabedo jino ómoimo llóñeitícue.) <sup>13</sup>Mei íadi nana íaioi illafue jino uáfodo ciotamona, afe fiénidífuiai iere íairenana nana comini ónoítiaioi, mei Cristo egáíñua úzefo, nana comínimo ua comécimo itífuiaina jino ciotate. <sup>14</sup>Ie jira bie izói daína:

índioza, mai cazí.

Tíidinomona mai náidacairi.

Iemona Cristo ie úzefomo ñue mácaitimiena ona jáitaite, daide.

<sup>15</sup>Mei femona, nágarui omoi ílláfueño izire comeci omoi facáoiri. Naga fiénidífuiaimona abí omoi rairuiri. Abina onóñedíno izói omoi íheno iri, mei jiáifodo íufueña baitádinona

omoi iri. <sup>16</sup> Biruido aillo fiénidífue íteza, o illafue táinomo fáifitañeno iri; ñúefuiai omoi finófireiri. <sup>17</sup> Táinodo úritino izói ineno iri. Cai Ocuíraima comeci jítainafuena ñue omoi baitáocairi. <sup>18</sup> Jifáñeno iri. Mei, afe jifáillafue come comécina aillo íaifue mo ana uitátate. Mei jiáfodo Ñuera Joreño abí omoi úcaitari. <sup>19</sup> Illa dígamie jiáimamo Juzíñamui uáillaido caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúaniai omoi roíri. Daif omoi rúado cai Ocuíraimana iere íóbitaitiomoiza. <sup>20</sup> Illa dígaruillai cai Ocuíraima Jesucristo mámecido Moo Juzíñamuina naga ráaniairi figura omoi daífíreiri.

*Crístomo ínotinona cai íllamona Pablo cai jofo eromo cai illafue llote*

<sup>21</sup> Illa dígamie jiáima anamo caimare omoi iri, mei Juzíñamui daif cai ocuúdeza.

<sup>22</sup> Cai Ocuíraima anamo cai itábicailla izói, naga ringo ie ini anamo itábicairede. <sup>23</sup> Mei naga ringo ie ini ocuífrega, íemo jiái ie ini ñue úiñogaza. Afe izói nana Crístomo ínotino, Cristo ocuíaiaioi; daje izói Cristo ñue úiñogaiaioi. Afémie afémaci illaíma. Daje izói afémie íaioi Jíllotaitimie. Afémiemo ínotino íemo dájena jaináinamona, ja ie izóidiaioi; ja dáamiede abi izóidiaioi. <sup>24</sup> Iemona Crístomo dájena jaináidinona afémie anamo illa izói, naga inírede ringo ie ini anamo írede.

<sup>25</sup> Cristo íemo jaináidinona izíruilla izói, mai naga íima ie aina izíruiri. Crístomo jaináidinomo Cristo ie abina fecade. <sup>26</sup> Afémie daif ie abi fecade ñue íeiena íaioi íllena. Daje llezica afémie íaioimo ite íaifuijai jainoimo jococa muilla izói, ie uaido íaioina muiñode.

<sup>27</sup> Cristo daif caína muiñode ñuera nífuenidínona ie uíécomo cai cíocaizaíllena. Uafue, nana mallizai izói abimo comuúdena duano ebire eroide, líriñede abi ígoína caína finode. Jaca due jiza fiénidífueña fiéñede. Nana íaioina íeiena iere ñue finode. <sup>28</sup> Afe izói naga íima dama ie abina izíruilla izói, ie aina izíruirede. Ie aina izíruitimie dama ie abina izíruite.

<sup>29</sup> Bu jaca dama ie abina éoiñede. Mei jiáfodo cai abina ñue ecádicai, ñue úiñoticaí. Afe izói Cristo íemo dájena jaináidinona ñue rairuide. <sup>30</sup> Mei afémaci dama íeieza; ja daa ie abi izóidiaioi. Cai bie afe abimo jaináidicai. <sup>31</sup> Bífuiamona Juzíñamui daína izói, dámie ie moo, ie ei díga, fáicanocaillano, ie ai díga dájemo jaináicaité. Jáinaicaillano, daade come abi izói itíaiíllinoi. <sup>32</sup> Bie daade come abi izói íficaillafue, jaiáimona áillue báinide rafue. Mei íadi afefue Crístomo dúide; daje izói íemo dájena jaináidinomo dúite, daidícue. <sup>33</sup> Mei íadi daje llezica ómoimona illa dígamie omoi abina izíruilla izói omoi aina izíruiri, daífacadícue. Iemo naga inírede ringo ie inina ñue jacíruiredeza, daidícue.

## 6

<sup>1</sup> Uruiái, omoi cacai. Crístomo ínotinodiomoiza, o moo uai jeire omoi olle iere jítáirede, mei afe bifue Juzíñamuimo jaícina jóideza. <sup>2</sup> Bie lletara uai llua mei, Juzíñamui dáanomo ñue cai illífue llote. Daif nana ie lletara uáimona dama búaido Juzíñamui cai ñue illífue llote. Afe llétaja uai bie izói daide: “O moo, o ei díga, ñue jacíruiri, <sup>3</sup> áfedo caimare o íllena, daje izói bie éniemo are o íllena.”

<sup>4</sup> Ja úruiairedino, mai omoi cácarei. O úruiaína comécina ríicaitañeno iri. Mei jiáfodo ríire llétaja uaido ñue íaioina llófuefireiri. Daif íaioina ñue omoi móonaitari, cai Ocuíraima Jesumo ñue íaioi ínollena.

<sup>5</sup> Ocuífregano, mai omoi cacai. Bíniemo ite omoi ocuúdimie dáinana ñue jeire omoi oíri. Cristo ocuúllamo o táijina izói o táijitatimie mo ráairuíneno ñue táijíiri. Afémie ocuúllana ñue jacíruiri. O táijitatimie uaina nibéfodo oñeno iri. <sup>6</sup> O ocuúdimie eroille llezica ñue táijiri, daje izói afémie íñena llezica náamonaze ñue táijíiri. Dama ocuúdimie eroille llezica, íocire táijidimíena ineno iri. Afe izoide táijide come jamai come íóbitade. Afe izói ineno jiáfodo omoi iri. Cristo táijitagano izói, Juzíñamui comeci jítáinafuena izire omoi finori, afémie omoi íóbitallena. <sup>7</sup> Comeci ñue jítaina izói caimare omoi táijiri. Jamai come íena táijíñeno, cai monamo ite Ocuíraima íena ñue omoi táijíiri. <sup>8</sup> Mei ja onódiomoiza, illa dígamie ie ñue táijífírenado cai monamo ite Ocuíraimamona ñúefuena jírdoite. Rairuicámie, ráiruínegámie díga dájerize nano íaioi táijínaze jírdoite.

<sup>9</sup> Ocuífiredino, mai daje izói omoi tájítaganomo ñue dúecaifireiri. Afémacina fieni omoi jácidoñeno iri. Daade cai Ocuíraima anamo nana dájena itícaiza, omoi úibicairi. O tájítaganomo monamo ite Ocuíraima anamo illa izói, o jíái daje Ocuíraima anamo itio. Afémie da cómena eneno maméñedeza. Illa dígamie dájerize mamede. Aféfuemo omoi úibicaifireiri.

*Jesumo* íñotino comeci náireitalle abi ríidua uai Pablo llote

<sup>10</sup> Mei ámatiaí, cai Ocuíraima Crístomo ite ríinodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo ríiredeza. <sup>11</sup> Juzíñamui lloga abi ríidua uai, ñue jeire omoi ófri, naa ie ñuera ézicigafuiaíri. Mei jíi, dáarie comíni abi ríidollena ñue fuiríllena llojécuiroi jítádiaioi. Afe íaioi jita izói, nana Juzíñamui cai ríidua uai, mai jeire omoi ófri. Afe uaido Taife jífuia uaina uáitarediomoí. <sup>12</sup> Jamai abina mairide come diga fuiríñedicai. Mei jíáifodo fiénide jóríai diga fuirídicaí. Afémaci caifo cai acónimo táifodo macádiaioi. Afe cai diga fuiríffrede jóríai nana bíníemo ite jítifodo jaide fiénidimacina fieni ocufoide. Bíníe comínina “Cáiediomoí” daífoicaidiaioi, mei “Omoi náamadicaí” daíffrediaioi. <sup>13</sup> Ie jira Juzíñamui lloga abi ríidua uáillaído abí omoi rairuiri. Afe bie uaido jobáirillaruiemo ñue abina ríidoitiomoí. Daí abina ríidotioimoíza are ñue ríinoredinona ítiomoí. <sup>14</sup> Ie jira riire omoi iri. Fuiríraima ciraigi ífe riire tirínua izói jizíñeno ñue ie fuiríllena, afe izói Juzíñamui lloga ua rafue jeire omoi ófri. Daje izói ñue jaícina omoi íllado nágarui ñue abí omoi ríidofireiri. Afe bie omoi jaícina illafue, fuiríraima jogobe ríidollena jítaca llojeco izoide. <sup>15</sup> Afe fuiríraima fuirízailla llezica ie idai ico riire maiga izói, áfedo riire ie naidáillena, afe izói Juzíñamui comécina jacíruiñeno uai jeire omoi ófri. Afedo abina riire mámano, fiénidífueña ómoína anáfenoiñeteza. <sup>16</sup> Iemo illa dígaruillaído Juzíñamuimo omoi íñogafuena féitañeno iri, mei áfedo Taife caimo mameca fiénidífuiaina oni caitárediomoi. Omoi íñogafue jae fuiríraima abi ríidollena úifírega llojeco finoina escudo izoide. <sup>17</sup> Iemo Juzíñamui lloga jíllona uai jeire omoi ófri, mei aféuai, ífo ríidollena jítáffrega ífo ico llojeco izoide. Iemo nana Juzíñamui uáillaína mai jeire omoi ófri, mei afe Juzíñamui uai, Ñuera Joreño ómoímo fecaca fuirira llojébici izóideza. <sup>18</sup> Nana bie cue ocucafuiái, mei Juzíñamuimo jícano finori. Jaca Ñuera Joreñoodo izire Juzíñamuimo omoi jícaffireiri. Bie izói omoi íllena, nana bífuiaína fáicanocaiñeno ñue abí omoi rairuíoicairi. Daje llezica nana Juzíñamuimo jaináidinomo Juzíñamuimo omoi jícaffireiri. <sup>19</sup> Daje izói jíái cuemo jícaffireiri; náiraímo cue úria, Juzíñamui cue uai nabáilleza. Iemo jacíruiñeno íocire íaioímo cue úrillena, Juzíñamuimo omoi jícarí, nauí báinino lloga jíllona uai jino comínimo cue fidítallena. <sup>20</sup> Bie ñuera uaido comínimo úrillena Juzíñamui orécamedicue. Afe uai ícoína, ja birui llavécamedicue. Iemo, bífuedo ñuera llujítimie izói jacíruiñeno náire cue úrillena, mai Juzíñamuimo omoi jícarí.

*liraícaíño* uáidua uailai

<sup>21</sup> Cai izíruiga ama Tíquico, cai Ocuíraima Jesumo tájijnana fáicanocaiñeno canófredimie. Afémie nana cuemo itífuiaína ómoímo jino llóite, naa jíáie cue finócafuiái diga. <sup>22</sup> Jira, bíníe ómoímo orédicue, cue illafue ómoímo jino llóllena. Iemo jíái áfedo omoi náireficallena, íena ómoímo orédicue.

<sup>23</sup> Moo Juzíñamui, cai Ocuíraima Jesucristo diga, cai ámatiaímo ñue comeci uái íllíue ómoína ñue onótaiteza. Daje izói Juzíñamuina ñue omoi izruillena jícaídicue. Ie jira Juzíñamui omoi íñogafuena aillo móonaitaiteza daídídicue, afe bífuiaí omoi maíóllena. <sup>24</sup> Nana cai Ocuíraima Jesucristona féitañeno izíruitinona, Juzíñamui ñue íaioína ézicíteza. Mai; jae íñie. Daí íteza.

## FILIPO COMÍNIMO SAN PABLO ORÉCABE La Carta del Apóstol San Pablo a los Filipenses

*Filípomo ite Jesumo ñinotino Pablo llavéracomona cuete*

<sup>1</sup> Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuemo ite Juzíñamuimo jainaide ámatiaimo cuetícoco. Daa bibedo omoi cígiri ite ocuédillainimo, naa eneno mameca canódnimo, cuetícoco. Cristo Jesumo nana dáazieta jaináidiomoi. <sup>2</sup> Cai Moo Juzíñamui ñue ézicigafuemo omoi iri, naa comeci caimare uái illafue diga. Daje izói cai Ocuíraíma Jesucristo ézicigafue díbenemo omoi iri, omoi ie lloga comeci caimare uái illafue diga.

*Pablo Jesumo ñinotino Juzíñamuimo comécido úrite*

<sup>3</sup> Naga ómoimo cue úibicaifirenaruido, cai Moo Juzíñamuina: “Iere figura” daiífiredicue. <sup>4</sup> Juzíñamuimo comécido cue úriadi, jaca nana ómoiri caimare jicáfiredicue. <sup>5</sup> Mei fueñe tainéinaruimona ua biruimo Juzíñamui ñúefuedo dáafuemo naa ómoiri táijifiredicaiza. Afena figura daiífiredicue. <sup>6</sup> Juzíñamui nauí omoi comécimo ñúefuena déitate. Afe ñúefuena déitallifue tainédimie ua Jesucristo billíruimo fáicanocaiñeno déitaocaite. Afefue taino daiñideza onódicue. <sup>7</sup> Mei ómoína iere izíruillano nana ómoiri daií comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamiedicue íadi, omoi cúeoiri jeire oga ézicigafue, ñúefue cue llujállena canode. Iemona cai jíllloillifue comínimo uáfueña ñue fidítaticue. Daje izói bifueña iere nahífueza daiítaticue. Afe izói bie ñúefuena uáitaacadino uécomo daa bifuedo cai jíllloillifuedo jaícina ñue úritícue. <sup>8</sup> Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. <sup>9</sup> Juzíñamuimo comécido cue úrillado ómoína jicádícue. Dani comímana aillo jamánomo izíruillana jicádícue. Daje izói nana ñue fibíllafue abina omoi onóillifue diga, jicáfiredicue. Ua daií ómoína jicádícue, ñúefuiai omoi níziana omoi fibíllena. <sup>10</sup> Afe bifue jeire omoi óiadi, omoi comeci ifue íainite. Daje izói Cristo billíruimo nífuenidínona íitíomoi. <sup>11</sup> Daií Jesucristo omoi illáfuena mámeite. Ua ria llizilla jofo úaina izói, ómoína mámeite. Ua aillo ñue finócafuiái omoi illáfuemo Jesucristo mámeite. Afedo Juzíñamuimo ñúefue ebíredifue diga nítaítomoi.

*Cristo jítainafue cue fñuamona cue comeci ifue ráifide*

<sup>12</sup> Amatai, omoi cácarei, cuemo zúidifuiaina omoi fidítaiticue. Aféfuiai Juzíñamui cai jíllotalliuai jino llúana nahí uáfueña canode. <sup>13</sup> Benomo cue llavéinamona, nana nahíllaima jofo abi úíñoraini, ñúefuedo cue llavéinana onódiaioi; ua Cristo ñúefue jeire cue úamona ja llavécamedicueza, afena nana onódiaioi. <sup>14</sup> Llavécacuenta íaioi ciónamona, ja nana ñnote ámatiaimona nabémaci iere náicaidiaioi, Juzíñamui uai jino llóllena. Ua meáruíñeno uáfóri jino llotíaoi. Daje izói cue llavéinamona cai Ocuíraímao jamánomo ñnotíaoi.

<sup>15</sup> Uáfueña dámierie cuemo úradoillano Crístodo úritiaioi. Afémaci énenoruillano cue baímo jamánomoidimíena facadiaioi; mei íadi jíámíiaí comeci ñúefuedo jino llotíaoi. <sup>16</sup> Dáarie dani íaioi comeci óacanafuiaído Crístona jíáiío úritiaioi. Cue llavébillafue baímo jamánomo raamo cuena jíírítaiacadiaioi. <sup>17</sup> Mei jíámíaci cuena izíruillano Juzíñamui ñúefue jino llotíaoi, mei nai benó llavéracomo cue íllana onódiaioi. Ua Juzíñamui jíllloilliuai cue uáitañena jira llavécacueza onódiaioiza. <sup>18</sup> Mei íadi ¿cúemona níbai? Dáarie jaícina Crístodo úritiaioi; jíámíaci Crístodo jíízreocana úritiaioi. Mei daje ábiedo Crístodo íaioi úriadi, cuena jaca íóbitade.

Afe cue íóbilla baímo jamánomo nai íóbioicaiticue. <sup>19</sup> Mei nana bifuiamona nífuenino záitícueza onódicue. Ua cueri Juzíñamuimo comécido omoi úrillado ñue jíllloiticue. Daje izói Jesucristo Joreño cue cánuado ñue jino jíáitícue. <sup>20</sup> Jesucristodo meáruíñeno cue

úrillena cue comeci jítaillafue. Afe daje bífuemo iere ocuírídícue. Birui cue illáfuedo jíáimaci Crístomo aillo ñúefue nitádiaoi. Afe bie nita baimo, nai jamánomo íaioi nitállena jítaídícue. Níbai cáaitícue, níbai tíitícue dama mei áfena lloñédícue. Dama Jesucrístomo ñúefuina nita daidícue. <sup>21</sup>Nai tíñeno cue jáicaiadi, Cristo comeci jítainafue cue fínuana jamánomo naga raa baimo gáidícue. Iemona nai cue cáanafue ñuera; íemo jíái cue tiille jamánomo baimo ñuera. <sup>22</sup>Mei íadi bie cue abido nai cue caana llezica, cai Ocuíraima comeci jítainafue bíniemo jino denóllena táijífíreítícue. Meita bie mena cuemo itífuemona nífue nízedá óítícuéza onóñedicue. <sup>23</sup>Nai feire jánaideza, bie ménafuedemona nífue óítícue. Aféfuena ñue cue onoille féirede. Mei jíáífodo caífo Cristo díne cue jáillena tíiacadícue; bie izóidífue cúemona jamánomo ñuera. <sup>24</sup>Mei íadi jíái izóí omoí cígído bie caana abido cue jáicallena, ómoiena iere jítaírede. <sup>25</sup>Mei daa bífuena jáícina onódicue; omoí díga nai cue ícaillena ñue onódicue. Omoí díga cue íllena jítaírede, omoí ñue íinogafue nágarui jeire omoí cue otátallena. Ua ómoíri cue illa jítaírede, jae jeire omoí ua izóí afe baimo jeire omoí óllena. Daje izóí omoí ñue íinogafuedo omoí íóbioicallena, omoí cígíri cue ícaillena nai jítaírede. <sup>26</sup>Mei daí nana omoí cígíri ítícue. Afe uire cue bílledo Jesucrístona jamánomo aillo íóbitaitíomoi.

<sup>27</sup>Cristo ñúefuiai úbicaillano, afe izóí nágarui omoí illafue ñue jáícina jóoneri. Níbai omoí cue éroizaiadi bífue jeire omoí úamona, omoí illa ñúefuena fídíacadícue. Daje izóí ómoimona jica itícue íadi, daje omoí illa ñúefuena onóiacadícue. Afe bie izoide ñúefuena fídíacadicue: dáaziana caimare omoí jáináillana onóiacadicue. Daje izóí jíllóilluaimona lloga íinogauaimo izire omoí níciduana fídíacadicue. <sup>28</sup>Daje izóí omoí bacáuai ímíaiña due omoí jáicaiñenana cuemo omoí lloiri, daidícue. Afe omoí jáicaiñenafue, níne íaioi táinocaillífueña uáfodo jino llotátate. Mei íadi daje llezica omoí jíllóillífueña uáfodo jino llote. Bie omoí onóitainafue Juzíñamui díbénemona bite. <sup>29</sup>Mena rafue Juzíñamui ómoímo mamede. Nánorafue daide:

Cristo uaina iere jeire óredímoíza.

Nane jíáífue daide:

Cristo ñúefue jeire omoí ua méifomo, afémie ícoiri duere zefuífíredíomoi.

<sup>30</sup>Cue naa ómoíri daje fuirilla izóidífueño itícaí. Naui cue fuirídímie izóí íllana cíódíomoi. Ja birui fuirídímie izóí, nai cue jáicana ráfuena onódímoíza.

## 2

*Cristo jamánomo uáitagamiéna jaide ie méifomo Juzíñamui jamánomo ñue ébífue íemo nitade*

<sup>1</sup>Ja birui Cristo ómoína náicaitarede. Afémie ómoína izíruillano, comeci zúurenamona omoí comécina cáimacaitarede. Ie Ñuera Joreño omoí díga ite. Conímana izíruillafue dúecaillafue díga afe díbénemo itíomoi. Nana bífuina omoí onónamona, mai cue omoí íóbitari. <sup>2</sup>Ua caimare ñue omoí íllífuedo cuena íóbitari. Afe izóí daje izíruillafueño omoí jáinánamona cuena íóbitari. Afe mei dájemo comeci jítainafue jeire omoí úado cuena omoí íóbitari. Afe emódomo dáafueño omoí comécinado cuéña omoí cáimacaitari. <sup>3</sup>Dani omoí comeci jítailla izóí mamériñeno iri. Fia abí ínuafuedo nífuena lloñeno iri. Mei íadi comeci mánainafuedo omoí maméri. Omoimona illa dígamierie omoí aíno cómena o baimo comécina ñuera, omoí daífíreiri. <sup>4</sup>Dani omoí ñue illáfueña jenóñeno iri. Mei íadi nana jíáimaci ñue illáfueña omoí jenori.

<sup>5</sup>Cristo Jesús comeci mámia izóí, dájemo comeci omoí mameri. <sup>6</sup>Nano fueñe ie illa llezica afémie daa Juzíñamui izoide. Juzíñamui izóí ie illa ríino afémiemo ite. Mei íadi ie fíenocaiga ríinona “Raíre meine cue olli” daíñede. <sup>7</sup>Mei íadi afémie Juzíñamui izoina llezica afe íemo ite ríinona oní eneno fíenocaide. Fíenocaillanona jíba íima jíécía izóí Cristo jíécíga. Daí íe jíécínamona fia jamai táijítagamie bie éníedo jáicana izóí

jáicade. <sup>8</sup>Jamai cómena ie illa llezica jamánomo comécina mánaidimiena abí mamede. Daíí mámano ie Moo Juzíñamui daináuai jeire uano dama tízaide. Ua aillo meáire cruzmo tízaide. <sup>9</sup>Ie jira Juzíñamui jamánomo aillo ñúefue íemo nitade. Ua áfemona nana jíáie mámeciaí baimo jalléidicina Juzíñamui íemo jítade. <sup>10</sup>Daíí bie mámecina Juzíñamui íemo jítade, nana comini ie anamo dújuillena. Ua afe Jesús dainácina íaioi cacánamona nana monamo itínuiai, bie éniemo itínuiai, daje izói énie anamo itínuiai cañícido ie anamo dújuitiaioi. <sup>11</sup>Daíí dújuillano nana comini comécido íena ónuano, Jesucrístona nahí Ocuíraimana dáititiaoí. Daíí dáinado Moo Juzíñamuimo ñúefue nítaitiaoí.

*Crístomo jaináidino bínie egáñotino izóidiaioí*

<sup>12</sup>Mei jira, cue izíruiga ámatiaí, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícuemo, nauí omoi úana izói, afe baimo aillo jeire omoi oíri. Dani omoi jllonafuemo comécina mánaidimie izói jacíruioicana áfemo omoi comécioiri. Aféfuena nana comínimo ñue jino omoi denóicairi. <sup>13</sup>Mei Juzíñamui afe ñuera comeci óiacanafuiaí ómoimo fecádimie. Afémie dama íe comeci ñue jítainafuedo ómoína canófirede, omoi comeci ñue óiacanafuiaí jino denóllena.

<sup>14</sup>Bífuiaí jino omoi denolle llezica nana omoi jetácafuaí fieni úriñeno omoi finori. Daje izói áfena júfidoñeno omoi finori. <sup>15</sup>Iemona bie izói omoi iri ninena jíáimaci ómoimo íaifue jóoneñeillena. Daíí ñífueningo omoi iri, áfemona íaifuenidínona omoi ílleza. Mei daíí omoi íllamona, comécina íaifue fétate figóñede comini cígiri, Juzíñamui úruiaína maméllioimoza. Íaioi cígiri, ucudu caifona bie jítirede énie egáñua izói, ie izói comini comeci jítirenana egáñotiomoi. <sup>16</sup>Afe egáñuado zíñona cáataite uai íaioimo jino llóitiomoi. Daíí Cristo billíruimo ómoiri meáldaiñeno caimare abí íñoitícué. Daje izói omoi ñue illáfuedo nauí ómoiri iere cue tájínafue táinomo jifánofiñenana onódicue.

<sup>17</sup>Nauí ñúefuena omoi ínuaruimo dani omoi illáfue Juzíñamuimo llotíomoi. Birui naí omoi ínogafue ñue jáicina cue jóoniamona, níbaí benó cue tíadi, áferi cáimacaitícué. Afe llezica omoi cánuaibiga íóbillafueri íóbidicue. <sup>18</sup>Daje izói caimare omoi iri; cue cáimacaila dibéfuemo jeire omoi oíri.

*Timoteo Epafrodito diga Filipos comínimo oréillifue*

<sup>19</sup>Cai Ocuíraima Jesús comeci óiacania, Timotéona omoi eróizaitaitícué. Omoi illafue afémie abido cuemo lluaíbiadi, iere áferi cáimacaitícué. <sup>20</sup>Cue comeci faca izói, comeci facade jáie cómena íne. Dama Timoteo cue izói comeci úrilla. Dama afémie omoi ñue illífuemo uáfue comeci facáoifirede. <sup>21</sup>Nana jíáimaci dani íaioi comeci jítainafue jenódiaioi. Cristo Jesús dibéfuena lloñédiaioi. <sup>22</sup>Afémie cuemo ráifnafuena náganuaímo jino ciótagaza onódiomoi. Núefue jino cue llócaillado afémie cue diga, jító izói jáicaide. Ua moo íe jító diga tájicana izói cue diga tájicaide. <sup>23</sup>Cuomo íte itífuiaí jino déllana ñue cue onóadi, bie Timotéona omoi méiñOtaacadícué. <sup>24</sup>Cai Ocuíraima ñue ínotícué. Iemona níbaí ómoína raire dama eróizaibitícué.

<sup>25</sup>Daje izói cúemona uáfodo jóideza, cue ama Epafrodito omoi cígimo jáirena. Afémie cue tájinnana nabáífredimie. Daje izói fuirilla izói cue llócaigafue nabáífredimie. Mei íadi nauí cue jitaica raamo tájillena omoi cuemo orécamié, abido ómoimo orédicue.

<sup>26</sup>Mei afémie nana ómoína izire cióacade. Ie irárenana omoi fidínamona afémie comeci iere járitaide. <sup>27</sup>Uáfue iere irárede; tíllanomo figo dúcide. Mei íadi Juzíñamui íemo dúecaillano íena jllotade. Dama afémiemo dúecañedeza; mei jíái daje izói cuemo dúecaide. Ua Juzíñamui cuemo dúecaide, cuemo íte zúufuiaí baimo jíáie aillo comeci zúufuiaí cuemo bíneillena. <sup>28</sup>Iemona íena iere oréacadícué, raire afémiemo omoi érocaillano iere omoi íóbicaillena, cue zúucaillafue raire niné féilleza. <sup>29</sup>Bie Epafrodítone mai jamánomo caimare omoi uáidori, Juzíñamuimo izire jainaide ámaza. Nana íe illa izóidimíai caimare jacíruioicana íaioimo mai omoi cacáreiri. <sup>30</sup>Ua afémie Crístomo tájinnafuedo tíllanomo



figo dúcide. Dama ie cáanafue jacíredifueмо afémie jóonete cuena canóllena. Ua omoi bíninamona afémie cue cánuaibillena iere jamánomo nícidote.

## 3

*Uáfuena Juzíñamui ióbilla cai ñue jaícina illafue*

<sup>1</sup> Cue ámatiai, mai cai Ocuíraima omoi ióbioicairi. Cue cuegafue meine ómoimo cue lolle cuena áfedua izói ñeite, mei íadi ómoína iere ñue canode. <sup>2</sup> Íairuiga jiba jico izói fiénidifueмо itímacimona abí omoi rairuiri. Omoi bacano icoi quetátafirediaoi. <sup>3</sup> Cai bie ua quetácamacinaza. Cai bie cai joréñodo Juzíñamui ióbillamacidícai. Fia jínofenemo cioide raana íñoñedicai. Cristo Jesús íeiena cai íllari caimátaidinodicai. <sup>4</sup> Bífuiaimo aillo cue íñoregafuiai ite íadi, áfena lloñedicue. Cue baimo buna aféfuiaimo íñonide. <sup>5</sup> Cue jocóinamona ocho dígarui íllamona cue bacano icoi quetádiaoi, mei nahí israelita nairai ímiedicueza. Cue bie Benjamín izíemo jaináidímiedicue. Cue jocóinamona hebreo ímiedicue. Ua hebreo ímie jítódicue. Judíuai ocuífueмо jino cue dobáiñuamona cue bie fariséodicue. <sup>6</sup> Jacire ocuíoídimie izói Crístomo jaináidino fállena íaioína racádicue. Judíuai ocuífueмо lloga ñue jaícina illafue dibéfuemo, jaca nífuenidímiedicue. Bu úaitañegamíedicue. <sup>7</sup> Mei íadi nana bie nauí cúemona aillo ráifidífuiaina, ja birui aféfuiaína Cristo ícoína náfuñedicue. Ua aféfuiaína jamai ráifíñedífuiiai izói áfemo comécídicue. <sup>8</sup> Afe baimo aillo jíáifuemo comécídicue. Cue Ocuíraima Jesucrístona cue onóíllifue, nana cuemo itífuiiai baimo aillo ráifide. Iemona cuemo itífuiaina féitaticue. Cristo ícoína naga cuemo itífuiaina cue féitaga. Ua aféfuiaína oni dotáacaiga raa izói comécídicue, afe íbana Cristo cue náamatallena. <sup>9</sup> Daje izói cue afémiemo jaináiacadicue. Ocuífueмо cue íñuamona ñue illáfueмо lllínoticue. Mei íadi afe ñue illáfueмо Crístomo jáinaíñeíticue. Jesumo íñnotinomo Juzíñamui iga nahí ñue illáfueмо Crístomo jáinaiticue. <sup>10</sup> Cue comeci jítainafue Cristo cue onóíllena. Daje izói ie tíllanomona meine abido cáatate ríinona, “Cuemo iri,” daidicue. Afémie duere zefuilla izói duere zefuacadicue. Afe daí ie tíllaruimo ie illa izói ítticue. <sup>11</sup> Afemona tíidinuiiai meine cáallífuemo ocuírídicue.

*Cristo fueñe cue ocuilla izói cue jáillena, fuirilla izói izire nícidocana uiticue*

<sup>12</sup> Ja nana afe bie mamérillafue oticue daíñedicue. Daje izói comeci jaícina ñue jóídimiedicue daíñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícidocana uiticue, afémie cuena daína izói cue jáillena. <sup>13</sup> Cue ámatiai, bífuiaimo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfueмо féitaticue. Afe llezica nahí como cuemo déioicaíticueмо ríire comécídicue. <sup>14</sup> Aizídino raire mózizailla izóidinomo dúciacadicue. Juzíñamuimona fia jírdolle raa izoide cue lllínuaibillena, Juzíñamui monámona cuena uáidote. Crístomo cue jaináinamona afe jírdolle raana máíñoíticue.

<sup>15</sup> Cáimona nana íñogafueмо ñue móonaitino, mai bie izói cai comécioílli. Jíáfodo omoi comécíadi, Juzíñamui áfena ómoína fidítaite. <sup>16</sup> Mei íadi bifue mai cai náfuelli: cai onógafue izói mai ñue cai illi. Daje izói ñue jaícina mai cai comécioílli.

<sup>17</sup> Cue ámatiai, nauí omoi cígiri cue íllana ciódiomoiza, afe izói omoi iri. Omoimo cue cíotagafue jeire otínomo izire comeci omoi facáoiri. <sup>18</sup> Ja aillo Cristo tíllafueмо uáitatino íteza. Iemona diga icaíño afémacido ómoimo lloticue. Nane zuure éebicaillano dáanomo ómoimo llotícicue. Afémacimona abí omoi rairuiri. <sup>19</sup> Bie izói itino írairuimo niné táinocaitiaoi. Dani íaioi abí jítaínafuiaina daidíaioi:

—Bie cue juzíñamui, —daidíaioi. Meáírede raana meáíruíñediaoi. Mei íadi áfede abí íñotiaoi. Fia bie énie ífueмо comécíidiaoi. <sup>20</sup> Mei íadi cai nana caífo mona ímácídicai. Cai nana, cai jíllotade Ocuíraima Jesucristo monámona bíllemo úínotícai. <sup>21</sup> Cai zlíñoñede

abina afémie méiduaibite, afémie ie abi ebire ciona izói cai fillena. Afémiemo ite ríinodo naga raana náamatade. Iemona afe daje íemo ite ríinodo cai abi ífuenta méidoite.

## 4

*Jaca cai Ocuíraimamo caimátaioicairi*

<sup>1</sup> Cue izíruiga ámatiai, mei ómoína iere cíoiacadícue. Omoi cue ióbioinamacidiomoi. Iemo cue jírídolle raa izóidiomoi. Ua cue izíruigamacidiomoiza; mai cai Ocuíraimamo jaícina riire omoi comécioiri.

<sup>2</sup> Evódiana mámeçiredíngo íemo Síntique diga, izire jicádícue, dáafuemo ómingo comécíiri. Mei cai Ocuíraimamo jaináinamona ebúñona maméidiomíngoza. <sup>3</sup> Daje izói jiaímiemo úritícue. O, cue táijínado jaca ñue cuena nabáidí. Ua cue íinoga nábaidí. Jira bie cai miríngotaiina o canótaitícue. Mei afe íaínguai cúeoiri afe jíllona uai cue llócaínado nícidocaidiaínguai. Bíaínguai, Clemente diga naa jiaímieoiri cúeoiri táijicadiaioi. Nana afémaci mámeçi ja Juzíñamui zíñona íllino ótíno mámeçi cúeinanicomo cuela.

<sup>4</sup> Nágaruíllaido cai Ocuíraimamo mai omoi caimátaioicairi. Nane dáanomo daídícue, mai caimátaioicairi. <sup>5</sup> Omoi comeci mánaina naga cómemo, mai cíotaitíomoiza. Cai Ocuíraima billíruimo ánoziðeza. Cai ánnori íteza.

<sup>6</sup> Omoi comeci nífuemo jarítaitañeno iri, mei jiaífodo naga ómoímo comuíðífuiaína Juzíñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Íere figora” mai omoi daíífreri. <sup>7</sup> Íe mei Juzíñamui comeci caimare uái illafue ómoímo íiteza. Bie comeci uái illafue comíni onoiða táínofue baímo ñuera. Afe caimare uái illafue omoi comécina ñue ráiruite. Daje izói omoi comeci jarire úrillafluena ñue manánaitaite. Mei Cristo Jesumo daane jáinaitíomoiza.

*Ñúefuíaímo comeci omoi facáoiri*

<sup>8</sup> Cue ámatiai, íraicaíño omoi llóitícue. Nana nahí uáfuaímo omoi comécíiri. Daje izói nahí caimare jacíruiogafuaímo omoi comécioiri. Daje izói nana jaícina illáfuaímo omoi comécíiri. Afe izói nana íainidífuiaímo omoi comécíiri. Daje izói nana ióbillafuaímo omoi comécíiri. Daje izói nana caimare jalléinafuemo omoi comeci uibóiri. Nana bie ñúefuaímo omoi comécioiri. Daje izói nana ñúefuena nitáfíreganomo afémacimo omoi uibóiri.

<sup>9</sup> Omoi cue llófuia izói mai omoi iri; ómoímo cue lloga lletaráfuiaímo mai omoi ínnori. Cue dáinana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífrereite.

*Filipo imaci fia fecaca raa Páblomo orédiaioi*

<sup>10</sup> Meine nane cuemo omoi comécíillari cai Ocuíraimado iere ióbidícue. “¿Nibái mei cuena féitatiomoi?” ómoína daííacañedicue. Cue omoi canóacana raa átiitímie íñéðeza, onódicue. <sup>11</sup> Cue ráaninari ómoína fieni úacaíñedicue; cuemo ite raari cue ióbillana ja fibídícue. <sup>12</sup> Duere cue íllana fibídícue. Daje izói aillo cue jitaica ráanaii íllana fibídícue. Nífuemo cuemo comuíadi, afe izóidífuemo cue ocuállana ja fibídícue. Nibai jeíredícue, nibai jufíruitícue; afe izói caimare cue íllana fibídícue. Güiga alla cuemo íadi, mei cuemo íñeniadi daje izói ñuera. <sup>13</sup> Naga cuemo eróicana comuide raana ocuíredícue; mei Cristo cuena ríiduoado ocuíredícue. <sup>14</sup> Mei íadi cue dúerena llezica cuemo omoi dúecaíllamona, cue omoi cánua ñuera. Diga ícaíño duere cue finóinari omoi zúunailla cuena náicaitade.

<sup>15</sup> Omoi Filipos ímacídiomoiza, daje izói bífuena onódiomoi. Nano fueñe jíllona uai cue llócaína llezica, daade cue canófrédínomoi. Ua Macedóniamona oni jáinomo cue jailla llezica daade cue canode Jesumo ínotinodíomoi. Fia fecaca ráanaii cuemo oréfíredíomoi. Afemona comínimo cue fecá izói, íemo íaioimona cue llínua izói, afe dájemo naa ómoiri táijidínodicai. <sup>16</sup> Nai Tesalónicomo cue illa llezica, omoi diga ícaíño, fia fecáfíreiga ráaniaina cue jítaicaniaina cuemo orédiomoi. <sup>17</sup> Fia ráaniaina cue llínoiacanamo comécíínedícue; mei íadi cue comeci jítaillafue, Juzíñamui uíecomo

ómoimo aillo ii, daidicue. Iemona daií aillo omoi offtaga raana uire maiñóritiomoi. Afemo comécíidicue. <sup>18</sup> Mei nana jae cue llínoga. Afena cue jitaica ráaniai baimo ja llínoticue. Epafrodítodo cuemo omoi oreca ráaniai figo baite. Baimo cue jitáillena iñede; ja aillo íteza. Cuemo fia omoi oreca ráaniai iere Juzíñamuina ióbitade. Daií cuena omoi cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote. <sup>19</sup> Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comúitaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. <sup>20</sup> Mei ñuera ebíredífue cai Moo Juzíñamuimo jaca íoicaideza. Daiítadeza.

*Iraícaíño uáidonocallafue*

<sup>21</sup> Cue dibénedo nana Juzíñamuimo jaináidino Jesucristo mámecido omoi uáidori. Cue díga ite cai ámatiai ómoimo uai orédiaíoi. <sup>22</sup> Nana benomo ite Juzíñamuimo jaináidino daje izói uai ómoimo orédiaíoi. Romano nahíllaíma jofomo itino iere ómoína izire uáidoiacadiaíoi.

<sup>23</sup> Cai Ocuíraíma Jesucristo nana ómoína ñue ézicíteza. Mai daiítadeza; jae ñie.

## COLOSAS IMÁCIMO SAN PABLO ORÉCABE

### La Carta del Apóstol San Pablo a los Colosenses

*Pablo Colósamo ite Juzíñamuimo ínotinomo cuete*

<sup>1</sup> Cue Páblodicue. Iemo cue nabai Timoteo diga ómoína uáidoticoco. Juzíñamui comei jítaina izói Jesucristo orécamedicue. Afe orécamedicue daífacana uai, Jesucristo ñúefuena llujítagamiedicue. Cue ama izóidímie Timoteo diga, <sup>2</sup> Colosas jófuego ite féitaño ínofirede ámatiaimo bibe cuetícoco. Omoi daje izói Crístromo jaináidíomoi. Cai Moo Juzíñamui ómoimo caimare erócaiteza. Afe llezica Juzíñamui dibénemo icíríñeno uái illifue Juzíñamui ómoimo fécaiteza.

*Pablo Jesumo ínotinona Juzíñamuimo úrite*

<sup>3</sup> Omoiena Juzíñamuimo coco úrilla llezica jaca cai Ocuíraíma Jesucristo Moo Juzíñamuina “Figora” daífiredicoco. <sup>4</sup> Mei Cristo Jesumo omoi ínuana cócona ja fidítatiaioiza. Daje izói Juzíñamuimo jaináidínona omoi izíruillana cócomo llotíai. <sup>5</sup> Afe bie izói itíomoi, mei monamo ómoimo éenoga maiñolle raamo ñue ocuítitomoiza. Afe ómoimo lloga ua uai omoi cacánamona, ñue ocuítitagaomoi. Afe lloga ua uai ñuera jílona uai. <sup>6</sup> Afe daje lloga uai náganuiaimo llócaillado oni aillo mónaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni mónaitagaza.

<sup>7</sup> Cai izíruiga ama Epafras bie ñuera uai ómoimo llófue. Afémie nauí cai méfomo afe uai llúamo táijide. Ie jira afémie ómoiena Cristo ñue ocuícámie, mei afe llezica afémie Crístromo féitaño iere ínofiredímieza. <sup>8</sup> Afémie Ñuera Joreño ómoimo comuítaga cuena omoi izíruillafue cuemo lluíbite.

<sup>9</sup> Jira áfena cai fidíaruimuina biruimo jaca fácanocaiñeno ómoiena Juzíñamuimo úrifredicoco. Juzíñamui comei jítainana ñue omoi onóillena afémiemo jicáfiredicoco. Daje izói nana jíáíforie ifoci úrillana omoi onótallena jicádícoco, naa Juzíñamui dibéneo onóigafuíairi. <sup>10</sup> Afe bíemona cai Ocuíraíma Jesumo jaináidíno illa izói, ñue íredíomoi. Mei afe izói omoi ille jítaíredeza. Daíí omoi íllamona afémiema nágarui íóbitaitíomoi. Afe afémie íóbilla raa be ñie: Riga llizíllajíai aillo illa izói, omoi finoca ñúefuíaina aillo omoi jebuítallena; íemo jíái Juzíñamuina jamánomo ñue omoi onóillena. <sup>11</sup> Daje izói nana cai ebírede Juzíñamuimo ite ñuera ríinodo omoi ñue náirellena afémiemo jicáfiredicoco. Daíí jicáfiredicoco nana ómoimo cómuitífuíaina járitáñeno fáicana omoi ocuíoillena. Daje izói caimare aféfuíaina omoi ocuíoillena ómoiena jicádícoco. <sup>12</sup> Nane daíí omoi comei náireíllamona caimare cai Moo Juzíñamuina “íere figora” omoi daíífireíllena jicádícue. Mei nana afémiemo dúidínomo íe fecalle zínona illifue ómoiena batí Juzíñamui illa úzeredínomo omoi maiñóllena, afémie ómoína ñue finódeza. <sup>13</sup> Mei uáfueza, Taife ocuífírega jíítíomona Juzíñamui caina jíllotata. Jílluano íe izíruiga Jitó illáimana illánomo caina jóonete. <sup>14</sup> Mei afémie Jitó tíillado, caimo ite íaífuíai féitajano, Juzíñamui caina jíllotataza.

*Cristo tíillado Juzíñamui diga icíríñeno dájena uái itícai*

<sup>15</sup> Afe bie cai Moo Juzíñamui jaca cíónenámie íadí, comíni cíónámie izói íe Jitodo ana bite; íemona afe Jitó Juzíñamui ñie ua izóidena caina onótate, naa íe comei ífuíairi. Afe Jitó nana comuítaga ráaniai baímo jamánomoidímie. <sup>16</sup> Juzíñamui íe Jitodo nana monamo itínuíaina finótate, naa éniemo itínuíairi. Cíoide ráaniai naa cíónena raa diga, nana afémiedo Juzíñamui finoca. Mei uáfueza, daa fíéñeno, nana afe cai cíónena ríinoredínona naa ocuídíllainíri, íemo jíái Juzíñamui abí ímaci diga, dáamiedo finócaíai. Nana afe íe

Jitodo finoca. Daje izói afémie íena finoca. <sup>17</sup> Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíai. <sup>18</sup> Afe baímo Cristo nana afémiemo jaináidino afe ifo dainámie. Iemo nane afémiemo ínotino ie abi dainámaci. Afémie afe bie ie abi daina ínotinona ziiñona cáatatimie, mei afémie tíidinomona fueñe meine cáadimienaza. Afémie daí fueñe meine cáadimiena jaide, nana itífuiai baímo jamánomoidimiena íllena. <sup>19</sup> Nana Juzíñamui ziiñona illa izói, nana afe izói Cristo íllena Juzíñamui jitaide. <sup>20</sup> Nane daje izói afe Cristo tíillado, Juzíñamui nana afémie comútaganuiaina icírafuenino dájena caímare uái illífuemo jóoneacade. Mei uáfueza, nana bíniemo itífuiai naa comíni diga, íemo jíai nana monamo itínuiairi, Cristo cruzmo tíillado Juzíñamui éoiñeno dájena caímare uái itátaacade.

<sup>21</sup> Naui diga íaifuiai omoi ínuamona Juzíñamuimona iere jícanemaci izóidiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete. <sup>22</sup> Cristo tíizailla llezica ie abi izi cácanado, Juzíñamui daí ómoína caímare dájena uái illífuemo jóonete. Afémie bie izói finode, íaífuenedinona, daje izói níífuenedinona afémie uíecomó cai ie jóoneíllena. Uáfueza, afémie bie izói finode íeiena cai íllena. <sup>23</sup> Bie izói uáfueña omoi íllena, fáicanocaiñeno jaca íñoredíomoi. Afe izói amena ana jica jainade riire illa izói, riire íredíomoi. Daje llezica ñuera jíllona uaina omoi cacánamona omoi maíñoaca caímare ocuírillafuena fáinocainidiomoi. Afe bie ñuera jíllona uai ja nágagobiaido llócaiga. Iemo afe izói afe llócaigamo cue jíai canódicue, mei afe uai llócaíllena Juzíñamui jóonenocaigaeza.

*Pablo Jesumo ínotino cánoitimiena jóonega*

<sup>24</sup> Birui omoi ícoína duere cue zefuállari íóbídicue. Mei áfede Cristo abi daina afémiemo ínotinori nana uécodo lloga nai duere cue zefuállana ñue ícoímo fuitáredicue. <sup>25</sup> Mei omoi ñue íllena Juzíñamui cuemo jóonenocaigafuedo nana afémiemo ínotino cánoitimiena jáidídicue. Mei uáfueza, Juzíñamui nana comínina llóicaiga uai, afe uai jino cue llúana ícoímo fuitállena jóonenocaigaeza. <sup>26</sup> Afe bie ñuera uai jaiaininómona ua biruimo comíni figo onóñediaoi; diga ígímaiai záilla méifomo afe uai nai retáiruiga raa izói joide. Mei íadi ja biruimo íeiedínomo ja jino báífitate. <sup>27</sup> Juzíñamui ja judíoñedinomo afe bie naui báinino ite uai ñuera áíllue cáímafueña jino ómoímo onótaacade. Bie báinide uai daina, Cristo ómoímo illa llote. Iemo íco jíáíruido ñue caímare omoi illífuemo omoi ocuírillena afémie jino dénoite.

<sup>28</sup> Cai bie Crístona jino uáfodo llotícaí. Afe llezica nana comínina ñue rairuídícaí. Daje izói nana ñúefuiai ñue íaíoi onóíllena afémacina nana llóíredícaí. Afe izói naga come Crístomo dájena jaináíllamona afémie díbénedo ñue íaíoi móonáíllena llóíredícaí. <sup>29</sup> Bie cue fuitállena, nana Cristo cuemo íga máíriedo fúírienáílla izói nágarui Juzíñamuimo izire jícáfíredícaí.

## 2

<sup>1</sup> Mei bífuena ómoína fídítaacadícaí. Jaca ómoiena iere fuírilla izói Juzíñamuimo riire jícáfíredícaí; daje izói Laodicea jófuemo itino íena, íemo jíai nana cue uíeóna cíónedino íena riire jícáfíredícaí. <sup>2</sup> Afémaci comeci náíreíllena fuírilla izói Juzíñamuimo riire jícáfíredícaí. Iemo afe comeci náíreíllamona conímána ñue íaíoi ízíruíllena riire níciduano jícáfíredícaí. Mei daí dájena omoi jainaina jira, bie naui figo báítañega uai Cristo omoi íñua mei, omoi diga íllana ñue jaícina onóredíomoiiza. Afe daí uáfóri jaícina afémiena ñue omoi onóíllena, riire níciduano nágarui Juzíñamuimo izire jícáfíredícaí. Mei jíi, nana bie riire nícidotícaí, figo ónoñega Juzíñamui ñuera uaina ñue omoi onóíllena; mei afe báíñega Juzíñamui uai daina dama Crístoza. <sup>3</sup> Mei uáfueza, nana comeci jamánomo

úrillafuiai naa onóigafuiaiari afémiemo ite. <sup>4</sup>Bu ómoína ebírede uáillaído bífueñellena, nana bífuiai ómoimo llóiticue. <sup>5</sup>Cue abi omoi cígiri iñede íadi, benómona jicana izire ómoimo comécidicue. Iemona daif cue fídia izói dájena caimare omoi íllari íóbídicue. Daje izói fáicanocaiñeno Crístomo omoi ínuari íóbídicue.

<sup>6</sup>Jae cai Ocuífírede Jesucrístomo ñue omoi ínuamona ie lloga iodo jáirediomoi. <sup>7</sup>Afe bie daííacade, amena riire jáinaja izói, Crístomo riire jáinárediomoi. Iemo jíái daje llezica jáinónide jáillirai izói omoi íllena, nágarui Cristo uaillai jeire omoi ua baímo jamánomo jeire ófíreiri. Mei afe izói llófuegaomoiza. Iemo afe llezica nágarui Juzíñamuina “tere figura” mai omoi daíífíreiri.

*Crístomo cai jáinánamona cai comeci cómuena méidoga*

<sup>8</sup>Mei birui ñue abí omoi rairuiri, baimaci omoi jífueacadeza. Afémaci táimodo ifoci úrillado, daje izói íaiói lloga taino uáillaímo jífuebíñeno iri. Mei afémaci Cristo dibénemo íñédiaíoiza. Mei jíáfodo jáiai ninomo comini lloga taino uai dibénemo jáinádiaíoi. Daje izói dama bínie raa dibénedo comini comécíillafuiaiimo jáinádiaíoi.

<sup>9</sup>Mei íadi nana Juzíñamui zíñona ñue illa díeze, afe izói Crístomo nana ñue jáícina ite. <sup>10</sup>Iemona Crístomo dájena omoi jáinánamona, Juzíñamuina oruide comini izóidiomoi. Afe Cristo nana monamo ite ocuídillainina, naa cai ciónena riinoredinona ocuífírede. <sup>11</sup>Iemo nane daje izói Crístomo dájena omoi jáinánamona ja bacano ícoi quetácano izóidiomoi. Mei íadi ua quétañegaomoi, mei jíáfodo nanómona omoi jocoína llezica ómoimo ite íaífueomona ja jíllodiomoi. Mei ua, bacano ícoi quétaja izói, omoi fiénidífueomona quetaca izói jíllodiomoi. Afe bie quetáfírena Crístomona comuide. <sup>12</sup>Iemo nane jíáfueo cacáreiri. Mei omoi báutizanamona Cristo éniemo ana raia izói ja raigáomoi. Bie nanómona omoi fieni fínócafuiái titaca izói, ja fáicanocaitiomoiza. Iemo Juzíñamuimo ite áillue riinomo omoi ínuamona Cristo izói cómomiena afémie diga ja cáadimacina itíomoi; mei Juzíñamui dama íemo ite riinodo Cristo tíide meine cáatateza. <sup>13</sup>Naui jíáruído ómoimo ite íaífuiamona comeci díne tíidino izóidiomoi. Daje izói quetáañena judíuainédino omoi illa llezica, omoi fiénide óiacanafue jeire omoi úamona, comeci díne ónonino tíidino izóidiomoi. Mei íadi birui Juzíñamui nana omoi fiénidífuiái féitajano, dájena Cristo diga ómoína abído cáatate. <sup>14</sup>Cáimo ite íaífue íballe raa izoide. Afe cai íbañenia tíredicai. Mei íadi Cristo tíillado Juzíñamui cai íbácana záitate. Afe cai íbácana Juzíñamui fébíñeno ñue íbaja Cristo cruzmo coráíado ácatate. <sup>15</sup>Mei afe llezica Cristo cruzmo tíillado, monamo ite ocuídillainina, naa ciónena riinoredinona afémie riínitate. Afémie uáfori íaiói illáiena báruado, nana afémaci baímo ie jamánomoidímie íllana ácatate.

*Monamo ite ñúefuiaina omoi jenori*

<sup>16</sup>Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fieni ómoína úriadi, áfemo náfueñeno mai omoi iri. Iemo jíái dáarie judíuái lloga ráfuiamono eneno omoi comécííñenado, ninó dáamie omoi jánana júfidoiadi, áfemo mai náfueñeno omoi iri. <sup>17</sup>Mei nana bífuiai, uire Cristo billífue dibénedo comini ñue onóíllena canódeza. Mei íadi Cristo bíllamona afe cai onótatífuiái jítaiñega, mei dama Crístomo nana uafue raa báífídeza. <sup>18</sup>Iemona nino dáamie ómoína fiéniruiadi, mei afémie táinona mánaidímiena íllana ómoimo ácatateza, áfemo náfueñeno omoi iri. Daje izói afémaci diga Juzíñamui abí ímaci ómoína íóbítáfíreíadi, áfemo náfueñeno omoi iri. Mei afémaci ónoñega nícai anado cíófréna raado úrifírediaíoiza. Afémaci jiba come comeci fácafuiadi abi iere íñofírediaíoi. <sup>19</sup>Afémaci Crístomo dájena jáináíñeno itíaiói. Mei jíáfodo Cristo nana íemo íñotino ífódimie. Afe ífo izói mamécámie nana ie abí écaja izói comécina náretajamona afe abina móonaitade. Afe izói nana ie abímo jáináidino confímamo dájena jáináitajamona, ie abina móonaitade. Afémie Juzíñamui mamérilla izói nana bífuiai ocuífírede.

<sup>20</sup> Mei Cristo tállaruimo afémie diga tíidino izói jáidiomoi; bie daiñacade nanómoma omoi fieni finócafuiai titaca izói omoi fáicanocaigaza. Afe llezica bie énie ocuífiredre cai cíónena riñoredinomona zuitácamací izói jáidiomoiza. Iemona ¿nibái mei nai bñiemo dúidino izói ífirediomoi? ¿Nibái mei ie ocuífacuemo jeire otiomoi? <sup>21</sup> Dáarie bie íaioi ocuica fimairilla uáimona bie izói daide: “Bie riñeno iri,” íemo jiái “Afeniaina güiñeno iri,” íemo nane jiái “Baie jetáñeno iri,” daide. <sup>22</sup> Nana bie rairuállafuiai bie éniemo ite jétamona fúioicaite güillenaiño dúide. Jira aféfuiaimo náfuenidiomoiza. Nana afe íaioi ocuica uaillai fia jiba comini daina uaillai. Daje izói fia jiba comini llófuega. <sup>23</sup> Mei uáfueza, afe bífuiai báitafuiai izói cacáreide, mei afe ocuídino, “Bie cai daina izói monamo itinona mai omoi caimátáifireiri” daií daidíaiñoiza. Daje izói fia comini daina comécina mánaidínona ómoina oréacadiaioi. Iemo jiái comini íaioi abi táinona duere zefuítatiaioi. Mei íadi nana bie íaioi ocuífafuiai cai comécimo ite fiénide óiacanafuiai rairuífllena canóñede.

### 3

<sup>1</sup> Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juziñamui nabézimona illáimana íteza. <sup>2</sup> Daje izói mona dibénemo ite raamo comécillano afemo omoi járitáifireiri. Mei jiáifodo bñiemo ite ráfuiaimo izire comeci uitáñeno omoi iri. <sup>3</sup> Mei Cristo tállaruimo afémie diga jae tíidínona jáidiomoi. Jae omoi jaiái fieni finóacagafue titaca izói afe omoi fáicanocaiga. Iemo ja birui Cristomo dájena omoi jaináinamona omoi uáfueña cáatagano; íemo jiái Juziñamui dínomo rairuícaomoi, mei Cristo daje izói Juziñamuimo dájena jaináideza. <sup>4</sup> Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiaimona ómoina máinoitiomoi.

Cai jaiái illafue méiduano cómofuedo jáiredicai

<sup>5</sup> Ie jira naui bie éniemo omoi jainaina jira, ómoimo diga fieni óiacanafuiai ite. Aféfuiai titalle izói mai omoi fáicanocairi. Naga ánidimie ringo diga jaca iñeno o iri. Iemo jiái, áiredimie ie áiñedingo diga jaca iñeno o iri. Iemo daje izói jiáie cómemo íaifuiáido comécíñeno omoi iri, íemo jiái omoi abímona comuide jiruífueña omoi finóñeno iri. Daje izói omoi comeci fieni óiacanafueña jeire oñeno omoi iri. Iemo nane jiáie cómemo úradoiñeno omoi iri, mei úradoifiredimie diga raa óiacanamona jánaraimo caimátáidimie izóideza; Juziñamui ífuiai baimo jamai bñie raana izíruíteza. <sup>6</sup> Ie jira nana bífuiaimona íemo cacáñedimona Juziñamui íere duere finófiredre. <sup>7</sup> Iemo jaiái Cristomo omoi íñoñena llezica, nana bie izóidifuiái finófiredre omoi. <sup>8</sup> Mei íadi ja birui nana bie fáicanocairi: Jiáimamo icíriñeno omoi iri, íemo riñrede uaillai bummo lloñeno omoi iri. Daje izói jiáie fiénidifuiái finóñeno omoi iri. Iemo jiáima jánana úriñeno omoi iri. Daje izói jiáima zanóllena fiénide uáillaído iaire úriñeno omoi iri. <sup>9</sup> Conímamo táinona lloñeno omoi iri, mei omoi jaiái fieni illafue jae méidogaza. Daje izói nano omoi finófírega jae fáicanocaigaza. <sup>10</sup> Iemo ja birui comue iniroi jita izói ñue illáfueña ja méidotioimoiza. Iemo afe comue illafue comufatimie Juziñamui. Ie jira ie illa izói afémie caina cómuena finótacana uite. Iemona afémiena ñue ícoimo ónoitícaí. <sup>11</sup> Afe jira afe cómomaci judío ímiena ie íllana náfuenidiaioi. Iemo jiái judíoñedimiena ie íllana daje izói náfuenidiaioi. Iemo jiái afémaci bacano quetácamienna ie íllana náfuenidiaioi; daje izói quétañegamienna náfuenidiaioi. Afe izói afémaci onínemaci íllana, íemo jiái onóñedino íllana, íemo jiái izire ocuífíregano íllana, íemo jiái ócuífnigano íllana náfuenidiaioi. Mei jiáifodo afémacimo Cristo íere jamánomo ráifinamona dama afémiemo náfuefirediaioi. Mei Cristo naga íemo ínotinomo ífiredreza.

<sup>12</sup> Iemona bífueño cacárei: Juziñamui ómoina izíruíte. Izíruíllano afémie ómoina nizede ie íaifuenide comínina omoi íllena. Mei ie jira bie ñúefuiai izói omoi ífíreiri: Jiáimacimo dúecaifireiri. Jeruíñeno canófiredimiena omoi iri. Comécina mánaidimiena omoi iri, cámafuiáido úrifireiri, járidoñeno omoi iri. <sup>13</sup> Conímamo jaca járidoñeno fáicana

omoi canori. Daa come jiáimamo icíriadi afémiemo ñúefuedo omoi jicari, áfedo icírafue záillena. Omoi íaifue ícoinia Cristo oni féitaja izói, afe izói jiáimie omo fieni finóadi afe ícoinia oni o féitafireiri. <sup>14</sup>Nana bífuiaí emódomo iere omoi izíruifireiri. Mei afe izírui llafue cómena dájena jaináitateza, jiáimaci diga. Afe daí jiáimacina cai izírui llamona, nana afe ñúefuiaí jaícina caina finótate. <sup>15</sup>Iemona Cristo comuítaga caimare uái illafue omoi ifoci úrillana ífoíteza. Mei dáamaci izói íemo cai jaináinamona afe bie izói cai illena Juzínamui caina uáidoteza. Afe llezica jaca Juzínamuina “Figora” omoi daíifireiri.

<sup>16</sup>Mai mei nana omoi comécido Cristo daináuai jeire órediomoiiza. Afe mei aféuai ñue omoi onónamona conímana omoi llófuerei. Iemo daje llezica áfedo conímana ñue onóicana comécina omoi náiretari. Iemo jiái Juzínamui ióbitalliruai omoi rófireiri, jiáie fena caimátailliruai diga. Daí ruano omoi comécido Juzínamuina “Figora” omoi daíifireiri.

<sup>17</sup>Mei jii, nana omoi jetáacaga raa, íemo jiái ómoimo ocuica caimánidifue diga, naa omoi daíillifuiari cai Ocuíraima Jesús mámecido omoi finófireiri. Afe llezica Moo Juzínamuina afémiedo “Figora” omoi daíifireiri.

*Crístomo* ínotinomo dúide comini diga finófirega uai

<sup>18</sup>Daje izói bie jiái llollífue omoi cácarei. Iníredingotiai, mai omoi inítiai anamo ñue ífireiri, mei Crístomo ínotinguaina omoi illa jira, afefue ínoredeza. <sup>19</sup>Daje izói inítiai omoi áitaiña ñue izírui; afénguaina fiéniruiñeno omoi iri. <sup>20</sup>Uruiaí, omoi móotiaina nágafue omoi cacáreiri, mei afe daí omoi íllamona cai Ocuíraima ióbide. <sup>21</sup>Móotiai, omoi úruiaína ícidoñeno omoi iri, afémaci jacínaillamona minícana finónide daí íaioí íñeillena. <sup>22</sup>Ocuífiregano, biníemo ite omoi ocuídina nágafuiaimo ñue omoi cacáreiri. Daa afémaci ñue ómoimo comécillaena afémaci fia eroína llezica ñue cacáreíñeno, mei íadi jiái daje izói afémaci éroiñena llezica ñuera comécido omoi cacáreiri, mei Juzínamuina ñúefuedo jacíruiticaiza. <sup>23</sup>Daje izói nana omoi finóacaiga raa, ñúefuedo finori. Comini díbénedo izói táijñeno, Juzínamuimo o táijina izói omoi finori. <sup>24</sup>Mei ja onódiomoiiza, Juzínamui ómoimo lloga omoi jirídolle zínona illifue afémie ómoimo fécaíteza. Mei uáfueza Cristo ocuicamacina maméidiomoiiza. Afémie omoi ua Ocuíraima. <sup>25</sup>Mei íadi fieni finódimie afe íbana ie fieni finua díeze duere finóbite. Mei Juzínamui jaca dáamie oni énenorie maméñede. Nana daje díeze jaícina duere fínoite.

## 4

<sup>1</sup>Ocuíraíni, omoi anamo ite ocuífireganomo ñue jaícina omoi eroiri. Afémaci jitaica raamo uibóicana omoi ocuífireiri. Mei monamo omoi Ocuíraima ítena onórediomoiiza.

<sup>2</sup>Mai fáicaiñeno Juzínamuimo omoi úrífireiri. Jaca afémiemo cáoína izói úriri. Afe llezica “Figora” Juzínamuina omoi daíifireiri. <sup>3</sup>Daje izói cáiena Juzínamuimo omoi jicáfíreiri, cai Ocuíraima uailai ñue cai llócaillena. Juzínamui bie izói caina itátallena omoi jicari. Daje izói nauí comini figo ónoñega Cristo díbénedo uai, uáfori cue llófuellena omoi jicari, mei daí llófuere diceza. Nauí afefue cue llua jira ja birui llavébidicue. <sup>4</sup>Mai omoi Juzínamuimo jicari, bie ñúefue cuemo dúina izói, onóreocana jino cue llóllena.

<sup>5</sup>Crístomo ínoñedino cígimo jaca ñue onódimie izói omoi ífireiri. Nágarui Cristo illafue afémacimo raire omoi ácatáfíreiri. <sup>6</sup>Nágarui cáimafuiaído úrredio. Daje izói jaca ñue oíacanado o úriri, illa dígamie uai ñue o óllena.

*Iraícaíño* uáiduafue

<sup>7</sup>Cai izíruiuga ama Tíquico, cuemo birui itífue ómoimo llujáite. Afémie fáicanocaiñeno iere cue canófredimie. Daje izói afémie cai Ocuíraima cue diga ocuífiregamiena ite. <sup>8</sup>Ie jira afémiena ómoimo óreitícue, birui cai illafue ómoína onótallena; íemo jiái omoi comeci náiretallena. <sup>9</sup>Afe llezica jiáimie Onésimo mámeciredimie Tíquico diga jáite. Afémie cai izíruiuga ama, íemo jiái iere ínofiregamie. Afémie ómoimaci ie. Afe faillinoi nana benomo ífiredifuiari ómoimo llóitaiillinoi.



<sup>10</sup>Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jiáie lluáfuiái ja onódiomoiza. Afémie omoi méiñuadi, caimare íena omoi uáidori. <sup>11</sup>Iemo jiái Jesús ómoína uáidote. Afémie jiái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crísto mo íñotino cue canódino. Afémaci iere daa cue ióbitadino. <sup>12</sup>Iemo jiái Epafras uaillai ómoimo orede. Afémie ómoimaci ie. Daje izói Crísto ocufiregamie. Afémie ómoiena jaca izire Juzíñamuimo jicáfiredé, fáicanocaiñeno Juzíñamuimo omoi íñollena. Daje izói Juzíñamui dibénedo ñue omoi móonaillena íemo jiái nana Juzíñamui comeci jítaina izói jaícina ñue omoi íñóllena, afémie Juzíñamuimo jicáfiredé. <sup>13</sup>Afémie iere ómoimo comécíillana uaina nabáifiredicue. Daje izói afémie jiái Laodicea jofue comínimo iere comécíifiredé, naa Hierápolis jofue comíniri. <sup>14</sup>Iemo jiái izíruiga manóriraima Lucas uai orede, daje izói Demas.

<sup>15</sup>Iemo jiái Laodicea jófuemo ite ámatiai uáidori. Daje izói Ninfas dainámie omoi uáidori, naa ie jofomo gairífiredé íñotino díga. <sup>16</sup>Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi díne dúciadi, nana omoi facádori. <sup>17</sup>Jiái Arquípomo lloiri: “Mai cacai, Juzíñamui omo jóonega ie táijina mai ñue jaícina o fuitari,” daíri.

<sup>18</sup>Cue Páblodicue. Afena uafue daíllena, bie uáidua uai dama cue ónoído ómoimo cueticue. Onóitiomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daítadeza. Jae ñie.

## NANOIDE SAN PABLO TESALONICA IMÁCIMO ORÉCABE

### *Primera Carta del Apóstol San Pablo a los Tesalonicenses*

*Tesalónicamo ite ñnotimacimo Pablo ie nabáñiairi rabe cuetíaioi*

<sup>1</sup> Cue Páblodicue. Bie rabe Tesalónica jófuego ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafuego caimare omoi iri. Daje izói Juzíñamui fecaca comeci ñue uái illáfuemo omoi iri. Afe izói ie jító cai Ocuíraima Jesucristo comeci ñue uái illáfuemo omoi iri.

*Tesalónica imaci íaioi Jesumo ñnuafue ñue jino ácatatiaioi*

<sup>2</sup> Nana ómoiri Juzíñamuina “Figora” daiífiredicai. Daje llezica Juzíñamuimo cai úrillamo nana ómoína uibíoidicai. <sup>3</sup> Cai Moo Juzíñamui uíécomo ómoína uibíoidicai, jamánomo ñnuafuedo omoi tájijina jira. Afe llezica aillo izíruillafuedo comínina canócana tájijirediomoi. Ie emódomo cai Ocuíraimamo omoi úíñuafue jaca fáicanocaiñediomoi. <sup>4</sup> Cai ámatiai, Juzíñamui ómoína izíruite. Afe Juzíñamui nizécamacidiomoiiza onódicai. <sup>5</sup> Meita naui jíllonafue ómoímo cai lluaíbillaruido aféfuena fia daína uáillaído lloñédicai, mei íadi Ñuera Joreño ríinodo lloticai. Daje izói afefue uáfuena ñue cue onóigamona áfena uai jizíñeno jino ómoímo lloticai. Omoi cígido cai ñue illáfuena, áfedo omoi comeci ñúeillena onódiomoi.

<sup>6</sup> Omoímo cai jino ciótaga illafue izói ja dani ñue macáidiomoi. Daje izói cai Ocuíraima Jesucristo maca izói macáidiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi. <sup>7</sup> Iemona ñuera illafue jino ciótatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi. <sup>8</sup> Mei jira Ocuíraima Jesucristo llogáuai ómoímona nana Macedóniamo énie Acaya énie diga jica jalleide. Ie mei afe baímo Juzíñamuimo omoi ñnogafue jae náganiiamo jica jalleide. Ie jira jae cai jíáífodo daiíllifue íñede. <sup>9</sup> Mei afeno imaci omoi ñue caina llíñuafue llotíaioi. Ie emódomo jánaraimo omoi ñnuafue fáicanocailano caade Juzíñamuimo omoi ñnollena llotíaioi. Afe ua caade Juzíñamuimo omoi como fueñe tájijnafuedo úritiaioi. <sup>10</sup> Ie baímo tíillanomona Juzíñamui cáataga Jitó, monámona meine bíllena ie omoi úíñuafue llotíaioi. Afe meine abido cáataga Jesús, cai jíllotaraima; ua uire biite cai iere duere finóllifueмона, aféme caina jíllotaite.

## 2

*Pablo Tesalónicamo tájijnafue*

<sup>1</sup> Amatiai, naui ómoído cue illafue fia táinomo baiíñede, dani áfena ñue onódiomoiiza. <sup>2</sup> Afe cue billa úcodo Filipos jofue comini caina baíñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoímo jino lloticue, jíáimaci caina uáitaoidiaioi íadi. Afena onódiomoi. <sup>3</sup> Cai comeci jífueinamona ómoímo cai llogáfuai lloñédicai. Daje izói fiene ómoína maméñedicai. Daje izói ómoína jífueacañedicai. <sup>4</sup> Omoímo cai llogafue jíáífodo joide. Cai fígomiellena Juzíñamui facátagamacídicaí. Nue jíllonafue uai Juzíñamui ómoímo caina llotátate. Mei jira daií ómoímo jino lloticai. Comini baímo Juzíñamuina íóbitadicai, aféme cai comeci ífuiai eroille jira. <sup>5</sup> Ebírede uáillaído ómoína fia bífueñedicai. Afena onódiomoiiza. Iemo fia úcube cai óllena táínofuiaina lloñédicai. Juzíñamui bífuemo uai nabáiraímana afefue uáfuellena. <sup>6</sup> Comínina ñúefuiaina caímo nitátañedicai. Mei íadi omoi onódiomoiiza; daje izói jíáimaci

onode, cai Cristo orécamacidicai. Afemona ocuilla ríino caimo ite, omoi cai ocuállena. Aféfuemo ómoína izire cacáreitaredicai. Mei íadi afe izói ómoína ocuñnedicai. <sup>7</sup>Jiáifodo ómoína icíñeno fíaicana omoi cígimo llófueticai. Ua úrue ei úruiai comuítaja úiñua izói, ómoína dúecaillano izíruticai. <sup>8</sup>Omoína jamánomo izíruticai. Iemona Juzíñamui lloga ñúefue ómoímo llóllena ñue ja finóbicidicai. Afe baimo nana cai comeci ífuiai ómoímo fecáacadicai, ómoína iere cai izírullamona. <sup>9</sup>Amatiai, naui cai jitaica raa cai óllena izire cai táijina, uibídiomoi. Ua daí riire cai níciduana áfemo uibíodiomoi. Mona naio diga táijifiredicai ómoímona bu abina jafue fínoñeillena. Mei afe llezica Juzíñamui lloga ñuera uai ómoímo jino lloticai. Afe uaina jai íñotimacidiomoi.

<sup>10</sup>Jaca omoi uíecomo íaifuenino macádicai. Daje izói buna jífueñeno macádicai. Nana omoi Juzíñamui diga áfemo uai nabáifirediomoi. Daí buna caimo nífuenta nitánidiaioi. <sup>11</sup>Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. <sup>12</sup>Juzíñamui íeiena omoi maméinamona omoi jaícina nágarui ñue macállifue jitáirede. Afefue naui ómoímo ocuídícue. Juzíñamui ie náamataganona jírre ie illáimana illánomo omoi jáillena, afe llezica Juzíñamui ebírenafuena omoi onóillena.

<sup>13</sup>Bífuerei iere Juzíñamuina “Figora” daífiredicai. Cáimona omoi cacana Juzíñamui uai dibénedo, “Afe uai jiba come uai” daíñnediomoi. Mei íadi aféuai illa izói, dama Juzíñamui nahí uai jeire otíomoi. Afe Juzíñamui uai ja omoi íñotino comécimo ñúefuiaiña déioicaide. <sup>14</sup>Amatiai, cácarei. Omoi comínimona duere omoi finóbicadi, jae judéamo ite Juzíñamuimo gairídino izói íficaidiomoi. Afémaci Jesucristomo daje izói jaináidiaioi; mei íadi íaioi éniemo ite judúaimona daje duere finóinafuemo duere zefuídiaioi omoi zefuilla izói. <sup>15</sup>Afe judúuai duere finódino cai Ocuíraíma Jesuna fatíai. Jaiái ninomo dani íaioi Juzíñamui uai jino llóraini fatíai. Afe judúuai dáarie jófuemona caina jino jiúdiaioi. Afémaci Juzíñamuina íóbitañediaioi. Daje izói nana comínina uáitaoidiaioi. <sup>16</sup>Mei judíoñedinomo bifue cai llóiacaniadi caina rairuíacadiaioi. Daje izói aféfuemona afe judíoñedino jílloillena, cai lloi daí caina rairuíacadiaioi. Afe ícoínia íaioi fíénidífuiai aillo offoicaide. Mei íadi birui ícoímo aféfuiai ícoínia Juzíñamui íaioina jamánomo duere finode.

*Pablo meine Tesalónica comini eróizaiacade*

<sup>17</sup>Amatiai, ómoímona nano nié dino oni jáidicai. Mei conímna ciónnedicai íadi ómoímo comeci facáoidicai. Afe jira izire ómoína cíozaiabicadicai. <sup>18</sup>Omoi illánomo cai jáillena mamériticai. Cue dama diga ícaíño iere jáiacadícue. Mei íadi naga cai jáiacanaruillaido Taífe llótaidogacai. <sup>19</sup>Mei ie jira ¿Minica mei cai úiñoigafuena? ¿Minica cai íobillafuena? ¿Minícamona cai caimátaillafue comuide? ¿Minícamona cai comeci zuitáinafue comuide? Mei cue llófuega Juzíñamui uaina ñue íñotíomoiza. Ie jira cai Ocuíraíma Jesucristo billíruimo dani omoi, daa bie cai comeci íobillafuena. <sup>20</sup>Uáfuena, omoi cai comeci zuitáinafue, cai cáimafue diga.

### 3

<sup>1</sup>Mei jira afe baimo are cue úiñonidícue. Ie jira benó Aténasmo dama cue illífuena mamériticue. <sup>2</sup>Afe llezica cai ama Timoteo ómoína eróizaitadícue. Afémie Juzíñamui ñue táijitagamie. Afémie cai diga Jesucristo ñúefue jino llúamo táijide. Omoi íñogafuemo ómoína ñue riire naire itátaite. <sup>3</sup>Iemona ómoímona buna baie duere omoi finóinamona omoi íñogafuena féitañede. Mei afe bie zúfuiaido duere cai finóbille jitáirede. Afena onódiomoiza. <sup>4</sup>Afe emódomo naui ómoiri cai illa llezica afe duere cai zefuillífué ómoímo lloticai. Afe daí ómoímo ja íficaide. Ja onódiomoiza. <sup>5</sup>Ie jira áfena ja iere cue ocuñenamona, omoi íñogafuedo mácajana jicánotadícue. Mei Taífe ómoína fíénidífuemo baítate izóinamona cue comeci jacíruiode. Daí cai táijina táinomo jifánofide izoide.

<sup>6</sup> Mei íadi ja birui Timoteo Tesalónicamona meine dúcide. Afémie ñue omoi íñuafue izíruillafue diga cai lluaíbite. Caina izíruillano caimo omoi uibfoinafue Timoteo lluaíbite. Ie mei ómoína cai cióacana izóí caina iere cióacadiomoi; daíí Timoteo caimo lluaíbite. <sup>7</sup> Iemona aillo duere cai finóinafue illa llezica omoi íñogafuedo ñue jaícina omoi mácajana fidídícue. Aferi cai comeci iere ñue íírazite. <sup>8</sup> Cai Ocuíraimamo ja birui ñue jaináidiomoi. Afena cai onónamona caimo cómofuena comuide. <sup>9</sup> Ua ómoiri iere ióbídícaí. Juzíñamui uiecomo caina iere ióbítadiomoi. Afe aillo cáimafueri Juzíñamuina íbana “tere figora” fáicanocaiñeno daííredícaí. <sup>10</sup> Mona naio diga conima uiecomo eróicana ómoimo cai úrillena Juzíñamuimo izire jicádícaí. Afe llezica omoi íñogafuemona nai fiébide uai jaícina cai fuitállena Juzíñamuimo jicádícaí.

<sup>11</sup> Omoi cai eróizaillena daa cai Moo Juzíñamui naa cai Ocuíraima Jesucrístori cai canóllena jitáídícaí. <sup>12</sup> Omoi íñogafue oni móonaillena cai Ocuíraimamo jicádícue. Afe izóí conímana omoi izíruillena jicádícue; daje izóí naa jíáimaciáiri. Omoína cai izíruilla izóí mai nana jíáimacína omoi izírui. <sup>13</sup> Omoi comeci jaícina jóonellena jicádícue. Daje izóí cai Moo Juzíñamui uiecomo omoi nífuenillena ñue finócafue jicádícue. Iemona cai Ocuíraima Jesús billíruimo méairuineítomoi. Aféruimo nana íemo jaináidíno afémie diga bené biite.

#### 4

##### *Juzíñamui ióbítade illafue*

<sup>1</sup> Cue ámatíai, omoi cácarei. Birui cai Ocuíraima Jesús mámecido izire ómoimo jicádícue. Daje izóí izire ómoína llétaitícue; nauí ómoimo cai lloga Juzíñamui ióbilla illafue daíí omoi iri. Aféfuena afe emódomo aillo omoi móonaitaóicairi.

<sup>2</sup> Cai Ocuíraima Jesús ríifuedo ómoimo lloga llétafuena onódiomoi. <sup>3</sup> Juzíñamui dama ie nabaina finócamacína omoi jáillena afémie jítaide. Ie jira nana omoi jiruñeño iri. Dama nahí ai diga illa figona. <sup>4</sup> Ua Juzíñamui eróicana áireri. Afengo ua mei íena jámairuñeño íena o izírui. <sup>5</sup> Juzíñamui onóñedíno fia íaioí comeci fiéni óíacanafuedo áírenaza, mei íadi afe izóí omoi íñeno iri. <sup>6</sup> Daje izóí izire ómoína dáitícue, o abi come ie áina jífueta baíróño o iri. Daje izóí o abi come ie ínina jífueta meríño o iri. Afe bie izóí itínona cai Ocuíraima Jesús, afémacína iere duere fínoite, ómoimo cai llua izóí. <sup>7</sup> Juzíñamui íaífuénidíno mágarui cai íllena caina ocuide. Afe daíí ie nabaina finócamacína cai íllena ocuide. <sup>8</sup> Ie jira bie llogafue jámairuítimie jiba cómena jámairuñedeza; mei íadi Juzíñamuina jámairuite. Daje Juzíñamui ie Ñuera Joreño caimo fecaca. Afe bie Ñuera Joreñodo Juzíñamui íeiena caina ñue finode. (Afémie íena ñue finódogacai.)

<sup>9</sup> Juzíñamui ómoína llófuete conímana omoi izíruillena. Ie jira jíáie ámatíaina omoi izíruille cue llóllena jitáínide. <sup>10</sup> Mei jíí, afe daíí nana Macedonia éniemo ite ámatíaina ñue izíruiomoi. Mei íadi omoi izíruillafue aillo móonaiocaillena izire jicádícue. <sup>11</sup> Cáimare ñue illáfueo mai ríire omoi iri. Daje izóí dani omoi nícidogafuíaí izire omoi llíimori. Nauí omoi cai llua izóí mai ñue izire omoi tájíiri. <sup>12</sup> Afemona onínemaci omoi uáillaímo ñue cacáritiaíoi. Afe llezica omoi ñue tájíinamona mínícana jítaíneítomoi.

##### *Cai Ocuíraima billafue*

<sup>13</sup> Amatíai, tíidíno íficaillafuena omoi onóñenana jitáínedícue. Aféfuena omoi fidíadi zúucaíneítomoi. Jíáie cáallífuemo comécíñedíno zuure jáítiaíoi. <sup>14</sup> Afe Jesús tíillano meine abido cáanafueo cai íñua izóí, afe daje izóí Juzíñamuimo íñotíno tíidíaiíoi íadi, Jesucrístodo Juzíñamui íaíoi cáatallífuemo íñotícaí.

<sup>15</sup> Ie jira cai Ocuíraima cai llófueinafue ómoimo llóitícue. Afémie billíruimo cáimona cáadímaci tíidímacímoma úcuficaiñeítícaí. <sup>16</sup> Mei dama cai Ocuíraima ríire ocuille uaido úricana monámoma ana biite. Afe llezica Juzíñamui abi imaci illaíma uai cácacaiite. Daje llezica Juzíñamui ficírede vudugoi cácacaiite. Iemona Jesucrístomo íñotíno tíidímaci nano

fueñe cáaitaioi. <sup>17</sup> Afe mei aféruimo caade ínotino afe cáataga tíidino diga daane úillie cígimo itábicaíticai. Ua dinomo nana dánomo itábicaíticai, cai Ocuíraíma Jesucristo diga caifo táifomo cai cóizaillena. Afemona cai Ocuíraíma diga jaca ua ninomo zíñona íiticaí. <sup>18</sup> Ie jira búaido conímama caímare omoi fírari.

## 5

<sup>1</sup> Mei fadi afe fíraíruillaido cue ómoimo cuelle jítáinide. <sup>2</sup> Afe afémie billíruina ñue onódiomoiza. Omoi due jiza úiñoillíruimo cai Ocuíraíma dúcite onódiomoiza. Ua merírizaíbitímie naio billa izói biite. <sup>3</sup> “Comecí ñue uái illafue nana caimo ite. Cai jacíruillafue íñede,” comíni daína llezica niné íaioi táinocaíllifue ónonino íaioimo raire zúite. Ua ringo úrue jocóacana llezica ero izírena izói, afe táinocaíllifue íaioimo zúite. Afemona jaca buna oni jíllonide.

<sup>4</sup> Mei íadi, ámatiai, omoi cácarei. Jítifomo inédiomoiza, cai Ocuíraíma bíllemo jácicaíñeítiomoiza. Ua, meríriraíma jacínailla izói jácicaíñeítiomoiza. <sup>5</sup> Mei nana omoi úzefomo jaináidinodiomoí. Daje izói monánemacidiomoí. Naio imáciñedicaí; daje izói jítífo imáciñedicaí. <sup>6</sup> Ie jira jaca íninidimacídicaí jíáimaci ínia izói. Afe jira cai abina ñue onónafuedo cáaoiredicaí. <sup>7</sup> Ínídino jaca naio inídiaioi. Jífaífiredino jaca naio jífaífirediaioi. <sup>8</sup> Mei íadi monánemacina cai íllamona abina ñue cai onónafuedo cai íllana jítáirede. Jesumo cai ínuafuedo abina daní ríidoredicaí. Daje izói jíáimana cai izíruillafuedo abina daní ríidoredicaí. Ua fuíríraíma ie jogóbemo jítaca llojécodo ie abi ríidua izói, afe izói bífuaido daní cai abina ríidoredicaí. Afe jíáfue, cai jíllollellemo cai úiñoínafue ua ífomo jítaca ríidua llojeco izoide. Afedo fuíríraíma ie ífona ríidote. <sup>9</sup> Mei cai duere fínóbillaena Juzíñamui caína maméñede. Mei íadi cai Ocuíraíma Jesucristodo jíllonafuemo cai dúcinana Juzíñamui caína mamede. <sup>10</sup> Jesucristo cairi tíide daane afémie diga cai íllena; ua daje izói cai caadi cai tíadi, afémie diga iticaí. <sup>11</sup> Ie jira uáillaido conímama omoi náíretari. Afe izói mai daní omoi comeci rííretari. Ja birui afe bifue omoi fínua izói, baímo omoi fínóicaíri.

*Pablo ámatiai cáimafuedo lletade*

<sup>12</sup> Amatai, omoi cígimo Juzíñamui uáillaido táijidino mai uaimo ñue omoi cacáreiri. Daí izire jicádícue. Mei afémaci cai Ocuíraíma Jesucristo uai ómoína jeire otátatiaioi. Jesucristo mámedido ómoína lletádiaioi. <sup>13</sup> Íaioi caimo táijinamona, íaioi dánana ñue cai cacáreíllena jítáirede. Daje izói íaioína cai izíruíllena jítáirede. Conima comécina omoi jacíruíñeno iri.

<sup>14</sup> Daje izói, ámatiai, ómoimo jíáie uai jóonenocaidícue: Afe uailai daí bie izói ite. Táijiacañedinomo íaioi táijilleza riire omoi lloíri. Comécina náinidinona mai omoi náíretari. Juzíñamui uai como jabo ínotinona mai omoi canori iere íaioi íñollena. Naga cómemo o comeci járidoñeno mai omoi úriri.

<sup>15</sup> Dámie fieni omoi fínóadi afe íba úamona abi omoi rairuiri. Mei abido dájeicana jíáfodo ñue omoi fínori. Conímamo ñue omoi fínori. Afe omoi fínóllifue izire omoi jenori. Daje izói nana jíáimíiaido ñue omoi fínori.

<sup>16</sup> Jaca caímare omoi iri. <sup>17</sup> Fáinocaiñeno Juzíñamuimo úriri. <sup>18</sup> Nágarui ómoimo íficaide raana, mai Juzíñamuina “Figora” omoi daíri. Mei Jesucristomo ínotímacina cai íllamona, afe izói cai daíífírenana Juzíñamui óiacade.

<sup>19</sup> Juzíñamui Ñuera Joreño cómemo úritallífueña rairuíñeno omoi iri. <sup>20</sup> Juzíñamui úritagamíiaí llogáfueña jámairuíñeno omoi iri. <sup>21</sup> Nana daínáfuaí omoi facátari Juzíñamui llogafue íeniadi onóíllena. Facátajamona ñúefueña jeire omoi óri. <sup>22</sup> Nana figóñedífueñona mai oni omoi iri.

<sup>23</sup> Ja birui Juzíñamuimo jicádícue. Juzíñamui cai comeci ñue uái illafue caimo fecáfírede. Daje Juzíñamuimo, nana omoi ñue íeiena maméíllena íemo jicádícue. Daje izói benómona cai Ocuíraíma Jesucristo bíllemo, Juzíñamui omoi joreño, omoi comeci, omoi abi diga,

nana jaca íaidoñeno ñue úiñollena jicádicue. <sup>24</sup> Omoi Ocuíraíma Jesús dáinana jaca oni jáiúaimo úinide. Afémie nana bífuiaina dúcitaite.

*Iraícaíño uáiduanó ézicite*

<sup>25</sup> Amataí, mai Juzíñamuido caimo omoi jicáfireiri.

<sup>26</sup> Ñue cáimaduano nana ámatiaí omoi uáidori.

<sup>27</sup> Cai Ocuíraíma riifuedo ómoimo uai jóonenocaidicue bie ciegabe nana ámatiaímo jino omoi facádollena.

<sup>28</sup> Cai Ocuíraíma Jesucristo ómoína ñue éziciiteza. Jae ñie. Mai, daítadeza.

## MÉIFODO SAN PABLO TESALONICA IMÁCIMO ORÉCABE

### *Segunda Carta del Apóstol San Pablo a los Tesalonicenses*

*Tesalónicamo ite Juzíñamuimo íñnotimacimo Pablo ie nabáíñiairi rabe cuetíaioi*

<sup>1</sup> Cue Páblodicue. Bie rabe Tesalónica jófue mo ite Juzíñamuimo gairide ámatiaimo cuetícue. Benó cue diga ite cue nabai faillinoi Silvano Timoteo diga dáabemo cai uai cuetícue. Cai Moo Juzíñamuimo jaináidiomoi. Daje izói cai Ocuíraíma Jesucristomo jaináidiomoi. <sup>2</sup> Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfue mo omoi iri. Cai Ocuíraíma Jesucristo fecaca ézicigafue mo daje izói caimare omoi iri, ie comeci ñue uái illafue diga.

*Jesucristo billa llezica, Juzíñamui éniemo ite fiénidinona duere fínoite*

<sup>3</sup> Amatiaí, ómoiri Juzíñamuina “tere figora” daífiredicai. Dai ómoína cai daíllifue ñue jaícina jóide, omoi íñnogafue oni aillo mónaioicailla jira. Dani conímaiaína jamánomo ñue izíruioicaidiomoi. Iemona áferi Juzíñamuina “Aillo figora” daífiredicai. <sup>4</sup> Ua omoi iere íñnogafue jaíe Juzíñamuimo gairíndinomo aféfuerei ióbioicana úriticai. Jiáimaci, Jesumo íñoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreíñenafue jino cíotatiomoi naa ñue omoi íñnogafuiairi. <sup>5</sup> Ja duere finótagamacidiomoi, mei íadi Juzíñamui ómoimo ñue comeciide ie illáimana illíruimo ñue ñífuenino omoi dúciillena. Bífue mona Juzíñamui jicánuafue ñue jaícina jóinana jino náiraímo cíotate. Afe Juzíñamui illáimana illíruido duere finócaomoi.

<sup>6</sup> Mei Juzíñamui ñue jaícina finódimie, omoi duere finódino ibana duere íaioína finótallena. <sup>7</sup> Ua cai izói duere finócamacidiomoi, mei íadi Juzíñamui cai izói ómoína caimare ocózinaitate. Ua cai Ocuíraíma Jesucristo bíniemo cíocallíruimo, afémie caina caimare ocózinaitate. Aféruimo afémie ie jamánomo riírede abi imáciri monámona cíocaite; ua réiciai izoide cígido cíocaitiaioi. <sup>8</sup> Juzíñamuina onóacañedino Jesucristo íaioína duere finótaíbite. Daje izói cai Ocuíraíma Jesucristo ñúefuena jeire óiacañedino duere finótaíbite. <sup>9</sup> Nana afe fiénidimacina jaca ninomo jilloñeno duere íaioína finótaíte. Ua cai Ocuíraíma uiecomona jica ninomo dótaíte. Afémie ebire illánomona jica ninomo íitiaioi. Ie ríinona ónoñeitiaioi. <sup>10</sup> Aféruído Jesucristomo jaináidino íena “tere figomie” dáíitiaioi. Daje izói nana ie uaimo íñnotino íena caimare ióbitaíte. Ja ómoimo cai llogáfueña ñue íñnotiomoiza.

<sup>11</sup> Bífue jira ómoiri Juzíñamuimo comeci úrifiredicai. Omoi ñífuenino illafue Juzíñamuimo jicáfiredicai, Jesucristo jíirigamacina omoi illa jira. Daje izói nana omoi comeci jítaina ñue illifue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádicaí. <sup>12</sup> Bífue mona cai Ocuíraíma Jesucristo mámece omoi nícidogafuedo ñue caimare úibcaitaíte. Afe ibana cai Moo Juzíñamui cai Ocuíraíma Jesucristo diga ómoína izíruillamona ñúefuaí ómoimo nítaíte.

## 2

*Iere fiénidifuaína orúdimie billifue*

<sup>1-2</sup> Amatiaí, birui jae cai Ocuíraíma Jesucristo billífueña ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoimo llóiacadicue. Dáarie taino llotino cai Ocuíraíma billirui ja dúcidez daidiaioi.

Afemona omoi comécinafuena raire jiáifodo méidoñeillena izire jicádicaí. Daje izói jiáie taino llogafue ite. Afe taino llotino dáifirediaioi:

—Cai llogafue Juzíñamui Joréñomona oga. Cristo ja bíteza, —daidíaiói; mei íadi aféfuerei jacinañeno omoi iri. Afe izói omoi cacana fia júfidogafuerei jacinañeno omoi iri. Ie emódomo nie rabe omoi llínoia cai úrilla izóidibe, aféberi jacinañeno omoi iri. <sup>3</sup>Niémona táinofuemo jífueñeno abi omoi rairuiri. Ua Jesucristo billa úcodo, Juzíñamuina comíni uáitallífue úcomo cómuite. Aféruillaido iere fiénidifuiaina oruídimie cíocaité. Afémie dama nine táinocaille. Daií Juzíñamui íena mamede. <sup>4</sup>Bímie Juzíñamuina bacáuiredimie. Nana Juzíñamuido mameca ráaniaina bímie uáitano niné táinocaitabite; daje izói nana Juzíñamuimo caimátaidinona anáfenuabite naa jiáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaibite. Dámie “Cue bie Juzíñamuidicue” daíille.

<sup>5</sup>¿Nauí omoi diga cue illa llezica bifue ómoimo lloticue, íadi aféfuemo úbicaiñediomoi? <sup>6</sup>Afe fiénidifuiairedimie nai bíñeillena jizilla raana onódiomoi. Afémie billíruí raire cíocaiñellena Ñuera Joreño nai rairuide. <sup>7</sup>Afe jiáinomo lloñega fieni illa maméinafue bie éniemo ja comuide. Aféfuena rairuídimie cai cígimona oni ógana fiénidifuiái jamánomo jebuíoicaité. <sup>8</sup>Aféfuena rairuídimie oni ollíruimo afe jamánamo íáibadímie cíocaité. Iemo cai Ocuíraíma Jesús ana billano, ie fuemo ite faidórafuedo afe íáibadímiena títaite. Ua ie billa meáirenado afémiena niné táinocaitaite. <sup>9</sup>Afe jamánomo fiénidímie Taífe táijinafuedo bite. Aillo íemo ite riíno ácataite. Afedo aillo cíorainina uaido finoca ráaniaido táinona jífueite naa jiáie taino onótate ráaniai diga. <sup>10</sup>Iemona afe íáiba naga fiénidifuiáido niné táinocaitallimacina jífueite. Jae niné táinocaitallimací, Juzíñamui ua ñúfuena jeire óiacañéino jaca jílloneítiaioi. <sup>11</sup>Afe jira Juzíñamui íaiói fiénidífue ínuamona íaioína íáibado jífuetáite. Daje izói táinofuiaina íaioína ínotaite. <sup>12</sup>Mei fiénidifuiái Juzíñamuina ñúfue baímo íaioi gáinamona, Juzíñamui íaioína duere finótáite.

### *Jilloillena nizécano*

<sup>13</sup>Mei cai benómona jaca ómoiri Juzíñamuina “íere figura” daífiredicaí. Jae cai Ocuíraíma izíruíga daje ámatiaídicaí. Jaca jae nanómona Juzíñamui jíllloillena nizécamacídiomoi. Mei ua ñúfue omoi jeire úamona Juzíñamui ómoína nizede. Daje izói caina ñúeitate Joréñodo Juzíñamui ómoína nizede. <sup>14</sup>Afe jira cai ómoimo lloga ñuera jíllona uaido Juzíñamui ómoína jíirite, cai Ocuíraíma Jesucristo illa ebíredífue dibénemo omoi íllena.

<sup>15</sup>Amatíai, mai bífuemo jaícina omoi comécíiri. Omoi cígiri dama cue llogáfuiaina, ie emódomo nana rabedo ómoimo cue cuezáuaína féitañeno omoi iri. <sup>16-17</sup>Mai birui cai Ocuíraíma Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cáimafuedo caina izíruite. Afe llezica afémie cai comeci zúurenafue cáimafuena méidofirede jaca ninomo caimare cai íllena. Daje izói Juzíñamuido ñue cai illífue cai úiñoillena afémie caimo jino llote. Afe izói omoi comeci jaícina Juzíñamuimo jóillena jicádícue. Afemona bie nana ñúefuíaí daífredíomoi. Daje llezica afe ñúefuíaí jino comínimo ácataredíomoi.

## 3

### “Cairi Juzíñamuimo omoi jicari”

<sup>1</sup>Amatíai, íraírfue ómoimo llotícueza. Cairi Juzíñamuimo omoi jicari, cai Ocuíraíma llogáuái náagobiaido raire dúciíteza. Afe emodo aféuai omoi jeire ua izói, afémaci jeire ólleza. <sup>2</sup>Juzíñamuimo mai jiáifodo omoi jicari. Bie íáirede fiénidíno cígimona cai zúítailleza, mai Juzíñamuimo omoi jicari. Mei nana comínimona nai nana íñoñediaioíza. <sup>3</sup>Mei íadi cai Ocuíraíma jaícina uafue llotímie. Afémie jiáino fiénidífue omoi báíñeillena ómoína riire jaícina mozóide. Daje izói íaífuíaímona ómoína rairuíoide.



<sup>4</sup> Cai Ocuíraima ñue íinogamie ícoina, naui ómoimo cai ocuícafuiai jeire omoi úana ñue onódicai. Iemona daje izói aféfuiaina uire nágaruillaído jeire omoi óllena ñue onódicai.

<sup>5</sup> Mai cai Ocuíraima ómoina cánoiteza, Juzínamui ómoina izíruillaфуena omoi onóillena. Daje izói Cristo comeci járidoñenafue ómoimo íllena jicádicue.

*Naga come dani íaioi tájinamo tájirede*

<sup>6</sup> Amatai, birui cai Ocuíraima Jesucristo mámeçido ómoina ocuídicai. Naga tájjicañede ámamona oni omoi iri, mei afémie ómoimo cai llogáfuiái afe dibéfuemo íacañedeza. <sup>7</sup> Mei naui omoi cígiri ómoimo cai cíotaga tájjina izói, afe izói omoi íllena onódiomoi. Cai omoi cígiri fia tájjineno inédicai. <sup>8</sup> Daje izói omoi güíllena íbáñeno fia güíñédicai. Mei jíáfodo mona naio diga ocózinaíñeno tájjifiredicai, ómoimona daa cómena cai llégitañeíllena.

<sup>9</sup> Ua afe omoi caina canolle daí cai jicalle ríino caimo ite, mei íadi tájjifiredicai ñue illáfuaena ómoimo fidítallena, bie ómoimo cue cíotagafue izói omoi íllena. <sup>10</sup> Naui omoi cígiri cai illa llezica, bie lletara uai ómoimo lloticai: Tájjicañedimie jaca güíñeiteza. <sup>11</sup> Mei jíáimaci caimo llotíaioi ómoimona dáarie tájjinédiaioi. Tájjineno fia illa llezica jíáie comini illáfuaímo afémaci gágutajifrediaioi. <sup>12</sup> Afe daí ite comínina cai Ocuíraima Jesucristo ríinodo ocuídicai. Afe llezica íaioina riire daidicai: Mai ñifue lloñeno omoi tájjiiri dani omoi jitaica ráaniai omoi ólleza, daidicai.

<sup>13</sup> Amatai, omoi jetaca ñuera raana zefuíruíñeno omoi ñedóocairi. <sup>14</sup> Ninó dámie bie rabedo cai daináuaina jeire oñeniadi, bu mei afe uaina ínoñedimienaza mai mei omoi eróiri íena onóillena. Ie mei afe cómemona ífo oni omoi fáinocairi, ie meáidailleza. <sup>15</sup> Mei íadi afémiena uáiogai ímiena maméñeno omoi iri. Afémie ama izói ñue omoi llófuerei.

*Iiraicaiño Pablo afémaci caimare uáidonocaillafue*

<sup>16</sup> Mai cai comeci ñue uái illafue llófirede Jesús, nágaruillaído, íemo náganuiaído afe comeci ñue uái illáfuaena ómoimo llóiteza. Afe izói cai Ocuíraima ómoina nabáifireiteza.

<sup>17</sup> Mai, cue Páblodicue. Bie uáidua uai dama cue ónoído cueticue; bie cueticue cue mámeçi diga. Nana cue cuezábiaímo daí jónefiredicue. Bie izói cúefiredicue. <sup>18</sup> Cai Ocuíraima Jesucristo ézicigafuemo íitiomoiza. Jae ñie. Ja daíítadeza.

## NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

*Pablo Timotéomo cuete*

<sup>1</sup> Páblodicue. Jesucristo ocuícamiedicue. Cai Jíllotaraima Juzíñamui cai Ocuíraima Jesucristo diga faillinoi daina uaido orécacue. Afe Jesucristodo cai ñue illifue abi úiñoticue.

<sup>2</sup> Juzíñamui uai coco ñnogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraima Jesucristo diga o ézicillena iere jitáidicue. Daje izóí afe faillinoi omo dúecaillena jitáidicue. Iemona afe faillinoi o comeci ñue uái íllena óiacadicue.

Jiáimaci faioi taino lluáfuiaido o jífueñeillena abí o rairuiri

<sup>3</sup> Naui Macedóniamo cue jailla llezica Efeso jófue o fiébilla izire jicádicue. Aféruido afénomo o fiénocaidicue, afénomo itínuiamona dáarie taino llófuiana íaioina o rairuíllena. <sup>4</sup> Daje llezica íaioi jaiái ninomo lloga ráfuiái naa jagai diga, áfena íaioina júfidotañeítioza. Íaioi jaiáigima lloga fuiñede ráfuiái llúana ráiruitioza. Nana bífuiái taino lluáfuiáimo cai comécina uite. Mei íadi nana bífuiái Juzíñamui caimo jónega íemo cai ñnogafuena ñue ícoimo fuitáañede.

<sup>5</sup> Juzíñamui caimo jónega llujáillifue bie izóí joide: Illa dígamie conímána ñue izíruiédicái. Afe bie izíruiilla íainide comécimona comuide. Daje izóí afe izíruiilla comeci ñue úrillamona comuide; bie izíruiilla afe izóí jiáimana jífueñede Juzíñamuimo ñnogafuemonona comuide. <sup>6</sup> Bie ñue izíruiillafue dibénemona dáarie oni táifodo jáidiaioi. Afe taino llua ínota oni jiáifodo féiraitiaioi. <sup>7</sup> Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Tocire llófuetiaioi íadi íaioi llócaiga uaina ñue baitáñediaioi.

<sup>8</sup> Juzíñamui lloga lletara uai ñueraza onódicái. Bfuiaido Juzíñamui naga come lletállena mamérite. Dámie Juzíñamui mamérilla izóí afe uaimo coméciaidi ñuera. <sup>9</sup> Afe lletara uai ja ñúefuiái finófiredinomo llóñega. Afena ñue onódicái. Mei jiáifodo fiénide comínimo mameca. Bie izoide comínimo Juzíñamui lletara uai dúide. Afe comini illaima lloga uaina uáitafirediaioi. Ocuícana náfueñediaioi. Fiénidífueña finófirediaioi. Daje izóí fiéniruidinona itíaioi. Afe izóí Juzíñamuina jacíruiñediaioi. Daje izóí Juzíñamuimo ñnogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izóí comínina titáfiredinomo dúide. <sup>10</sup> Afémaci naga ringomo fiéni comeci fácajano íáire finófirediaioi, afémaci áirediaioi íadi. Daje izóí jiáie íimana íáire finódiaioi. Juzíñamui lletara uai nana bie izoide comínimo dúide. Daje izóí cómena llaitádinomo dúide. Táinona úrifiredinomo dúide. Daje izóí uafue daíllena táinomo Juzíñamui mámece líínotinomo dúide. Iemo Juzíñamui lletara uai nana jiáifodo jífueñede llófuiafuena uáitafiredinomo dúide. <sup>11</sup> Afe bie jiáimacina jífueñede llófueinafue Juzíñamui cuemo llogafue daje izóí jóide. Juzíñamui cuemo lloga uai nana comini ñue jíllona uai. Afe uai oni comínimo cue llujáillena, iere ñuera Juzíñamui jónegacue.

*Juzíñamui cuena dúecaillari iere figura daidicue*

<sup>12</sup> Cai Ocuíraima Jesucristona “Figura” daidicue, mei afémie ie uai jino cue llujáille ríinona cuemo ígaza. Juzíñamui cuemo comécido facade: O táijinana fáicanocaiñeno ñue fuitáfiredio, daide. Jira bie uai llujáille tájillena Juzíñamui cuemo jónete. <sup>13</sup> Jaiái uíecodo Juzíñamuina íáire daiífiredicue. Daje izóí íemo ínotinona duere finóllena racáfiredicue. Afe llezica cue uaido Juzíñamuina icídícue. Bífuiaido Juzíñamuina duere finódicue íadi, ja birui afe Juzíñamui nana bie ñúefuiái cuemo jónete. Jaiái aféruillaido ie uaimo cue íñoñena jira Juzíñamui iere cuemo dúecaide. Daje izóí cue finuafue cue onóñena jira

cuemo dúecaide. <sup>14</sup>Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo íinogafue naa ie izíruillafue diga caimo comuide.

<sup>15</sup>Bie izóidífue iere uafue. Nana áfemo íinoredicai. Bifue bie izói daide: Cristo Jesús fiénidino jllotallena ana biniemo bite. Afe fiénidinomona cue iere jamánomoina. <sup>16</sup>Mei daí íticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraimo Jesucristo ie ñue comeci mánainafue cuedo jino íaioimo cíotote. Iemona comínimo ñúefuiai ja cíotatimiena jáidicue, mei fiénidífuiairede Páblodicuemo Juzíñamui iere dúecaideza. Jesumo cue íinuamona cue comeci ífuena méidotícue. Afena onóillamona nana zíñona íllífue óiacadino, cue comeci ífue méidua izói, afe izói afémaci afémiemo íinota íaioi comeci ífue ñúefuena méidoitiaioi. <sup>17</sup>Ie jira jaca tíñede buna cíóñena Juzíñamuina íóbitaacadicaí. Afémie daade Juzíñamui, daje izói nana ráfuiaina onódimie. Afe zíñona Jamánomoidillaimamo ñue ebírede uai jaca nágarui íemo jóneticaí. Daí jóoide.

<sup>18</sup>Cue jító Timoteo, bifue omo jónetícue. Riire fuirídímie izói o iri. Naui Juzíñamui mámedico odo úritino, ñue o íllífue llotíaioi. Afémaci daina izói mai birui o íñori. O comeci úrillafue ñue o jóneri. <sup>19</sup>Dámierie íaioi comeci úrillafuena náfuéienamona nocáe buíllamona táinocailla izói, íaioi íinogafuemono oni táinocaidiaioi. <sup>20</sup>Himenéomo Alejandro diga afe izói comuide. Ie jira afe íaillínoí Taífemo izájidícue, Taife anamo íaillínoí daí zefuíllena. Dinomo Juzíñamui jánana úriñeíllena ónoitíallínoí.

## 2

### *Juzíñamuimo cai úrilla lluafulue*

<sup>1</sup>Fueñe ona dáitícue: Mai nana comini íena Juzíñamuimo o jicáfíreiri. Afena Juzíñamuimo ínotínona o lloiri. Iemo jíái, izire comínimo ie dúecailleza mai jicari. Daí nana comini íena Juzíñamuimo o úrifíreiri. Afe llezica nana comínido afémiena iere figura o daíífíreiri. Daí féitañeno nana comínido Juzíñamuimo ñue úrifíreiri. <sup>2</sup>Gobierno oreca omoi úínotímie íena Juzíñamuimo jicáredío, naa jíáie jaboide íllaini diga. Afémaci íena izire o jicari, áfedo nífuenino caímare cai íllena. Daje izói comeci ñue uái ílláfuemo íredicai. Afe daí cai jícamona nana cai ílláfuena Juzíñamuimo ñue mámeíticai. Daje izói conima diga comécina núeíticai. <sup>3</sup>Bifue iere ñuera, cai jllotafírede Juzíñamuina ñue íóbitade. <sup>4</sup>Mei afémie comeci jítáinafue nana comínina jílloiri, daide. Daje izói afémacina ua ráfuena onoiri, daide. <sup>5</sup>Cai Juzíñamui jaca dáadeza. Daje izói Juzíñamui eróicana caina ñue finódimie caido úritímie daade. Afémie Jesucristo. Afémie íaífuénidímie íadi, cai izóidímie. <sup>6</sup>Juzíñamui mamécaruimo dúciamona Jesucristo ie abina éeruiñeno nana cai jílloillino íbana izájiga. <sup>7</sup>Iemona nana judíoñedinomo afe Juzíñamuimo íinolle ua ñúefue cue llófuiaíllena orécacue. Daí jíllona uai llúájífredimiena jóonegacue. Crístomo cue íinuamona táinofue lloñédicueza, uafue llotícue.

<sup>8</sup>Ie jira nágaboiáido naga cómena: Juzíñamuimo omoi úrifíreiri, daidícue. Ñue nífuenide comécido omoi jicari. Jáímamo rícaíñeno comécido Juzíñamuimo omoi úriri. Daje izói dani ómoimo jífidoñeno comécido íemo omoi jicáfíreiri. <sup>9</sup>Daje izói ringóniaí iniroi jítállífue llóitícue. Jabóidingo ringo jíta izói, naga ringo jítaiteza. Iima jírúdollena jítaca abina cíotote iníroina, jítáñeno iri. Daje izói comini cíodollena ífótirai jamánomo ebire finóñeno iri. Jabo ífo jua fígona. Daje izói quenírede raana aillo jiróñeno iri, naa jamánomo ráífide iniroi diga. Jámaicuro jítáoiarena. <sup>10</sup>Mei jíáfodo comínimo dúecailla ñúefuíaído naga ringo finóbiri, naa jíáie caímare uáiduaíuiai diga. Mei nana Juzíñamui íeiena ñue finódogango bie izói íteza. <sup>11</sup>Ringóniaí llófuéinamo uai oñeno cacáreítiaioiza. Comeci mánainafuedo afe uaina onóicaitiaioi. <sup>12</sup>Nairai cígiri ringo llófuéllena rairuídícue. Ringo íimana anáfenotañedícue. Mei jíáfodo, ringo iima anamo úriñeno uái iri, daidícue.

<sup>13</sup>Mei Juzíñamui nano fueñe Adán finódeza, afe méífomo Eva finode. <sup>14</sup>Adán jífueñega, mei

íadi ríngo Taife jífuega. Iemo jífuefillamona afengo fiénidífue mo baiíde. <sup>15</sup> Mei íadi naga ríngo Juziñamuimo ñnogafue mo jeire oíadi, íemo ei ocuícáfuiái ñue ícoímo fuitáadi afengo jíllote. Afe llezica afengo naga cómena izíruirede. Iemo comeci ñue fínuafue dibénemo írede. Daje izói ñue jaícina macállifue mo írede.

### 3

*Ocuídillainimo jítáirede ñue illafue Pablo llote*

<sup>1</sup> Ja cue lollífue iere ua rafue. Dámie ocuídillaimana jáiacade ñuera. Afe izói táijiacanafue ñuera. <sup>2</sup> Ie jira afe izoide ócuitillaima mamécamié jaícina ñue írede. Afémie nífuenino macárede. Afe daíí afémie mácafue jíaimie lletánide. Afémie daango ótena figura. Ménango ónide. Afémie comínimo lloga uaido jífanodoínide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémiemo mácaíbitinona afémie jíáfodo comécíñeno ñue caimare uáidorede. Iemo jíaimacina caimare llófuerede. <sup>3</sup> Afémie jaca jífáinide. Daje izói afémie fuírínide. Come jífuiamona oga úcubena, afémie llínonide. Mei jíáfodo jeruíñeno raana fecáfírede. Iemo comeci ñue uái illafue dibénemo írede. “Aillo úcubena cue ollí” daíínide. <sup>4</sup> Dama ie jofo ero comíni ñue ocuírede. Dama ie úrue ñue raire cacáfírellena lletárede. Daje izói ie úrue jíaie eicomínina ñue jacíruiarede. <sup>5</sup> Dámie ie jofona ocuflana ónoñeniadi, ¿mei nie izói Juziñamuimo gairíracona ócuíte? ¡Ocuínide! <sup>6</sup> Ie jira como fueñe Juziñamuimo ñnotímie, Juziñamui ico ocuídillaimana ínide. Como fueñe Juziñamuimo jaináitagamié raire illáimana jóoniamona afémie iere abina ínoite. Iemo fiéni abi ínuamona, Juziñamui Taife ana duere finóllifue mo dótaja izói, afe izói bímie daíí zéfuíte. <sup>7</sup> Afe Juziñamui ico ocuídillaima ñue jacíruiamiéna írede. Afémie daíí lllamona, Crístomo nai ínoñedino ñue íena úritiaíoi; ie jánana fiéni úrinidiaíoi. Afémie afe izói írede, meáifue dibénemo ie íneillena; daje izói Taife uai íena jíitañeillena.

*Jabóidillainimo jítáirede ñue illafue*

<sup>8</sup> Daje izói comíni dínenana nana jabóidillaini ñue jacíruianganona írediaíoi. Daje izói ie úrilla uai jíáfodo méidonide. Iemo afémie jífáinide. Daje izói come jífuiamona oga úcubena llínonide. <sup>9</sup> Afe izói cai ínnollena jino lloga ua ráfuena afémie fáicanocaiñeno jeire órede. Daje llezica afémie comeci úrilla uai nífuenino írede. <sup>10</sup> Afémaci ñuera daííllena facátagamacina írediaíoi. Facata mei íaíoi nífuenia jabóidillainina írediaíoi. <sup>11</sup> Daje izói aféllaini finódogango ñue jacíruianganona írediaíoi. Daje izói aféngotiai jíaimamo fiénidífueña íaíoimo llónidiaíoi. Iemo lloga uaido jíaimamo jífanodoínidiaíoi. Aféngotiai nana ocuica raana fáicanocaiñeno fuitárediaíoi. <sup>12</sup> Afe jabóidillaini dáangona áiredena figura. Ménango ónide. Daje izói íaíoi úruiaína ñue ocuírede, naa íaíoi jofo ero comíniri. <sup>13</sup> Naga jabóidillaima íaíoi táijiana ñue fuitáдино ñúefuena otíaíoi. Comíni iere ñúefue íaíoimo jóoneítiaíoi. Daje llezica íaíoi Cristo Jesumo ñnogafueña jamánomo meáiruíneno llórediaíoi.

*Cai ínnoga jaiái báinino llogafue ja jino uáfodo denode*

<sup>14</sup> Raire o éroizaillena comécídicue. Nai cue bíñena llezica, bibe omo cuetícue. <sup>15</sup> Mei nai are cue bíñena llezica, Juziñamuimo jaináidímie jitaiga ñue illífueña o onóillena llóitícue. Afe Juziñamuimo jaináidino caade Juziñamuimo ñnotino. Afémaci Juziñamui ua ráfuena ñue riire úíñotiaíoi. Jofo riire mozíoide jíaillirai izóidiaíoi. Ie jira afe rafue uaina oní caitánide. <sup>16</sup> Jaiái báinino lloga cai ínnogafue iere jamánomo ebírede; nana comíni ja uáfodo onoga. Be níhuai:

Juziñamui cai cígimo cómena jéiciaíbite. Ñuera Joreño afémiedo úrite; daide: Bímie comécina jaícinaidímie, daide. Afémie Juziñamui abi imácimo ácatagamie. Díga

náiraiáido ie illafue llócaide. Bíníemo aillo comíni íemo ínotiaioi. Afe mei afémie caifo monamo abido uiga.

## 4

*Juzíñamuimo ínogafuena féitaitino ífue*

<sup>1</sup>Ñuera Joreño jino caimo uáfodo llote, írairuillaído dámierie íaioi ínogafuena féitaitiaioi. Féitajano cómena jífueete jóríai jítáinafuiaí jeire ótiaioi. Daje izói Taífemo jainaide fénide jóríaimona onóigafuemo ínoitiaioi. <sup>2</sup>Afe izói, comeci ífuena jíáífo jóidino llógana cacáreitiaioi, naa táinona úrillafuiairi. Afe bie jífuefiredino ja íaioi ífoci úrillafuena ja níné féideza. Uzírede llojedamo uzide onoi cacáíñena izói, bie comíni itíaioi. <sup>3</sup>Bie Juzíñamuimo ínogafuena féitate comíni jíáímaci árenana rairuídiaioi; daje izói ringona: “ínireiri,” daííñediaioi. Daje izói ñuera cai gülllemona dáarie: “Güíñeno,” daidíaioi. Mei íadi afe bie güille Juzíñamui comuítaga, íemo ínotino ecállena, naa ñúefuena onódinori. Afe güilleri íóbillano Juzíñamuina “íere figora” íemo jaináidino daífrediaioi. <sup>4</sup>Mei nana Juzíñamui finoca güille ñúeraza, bácanide. Iemona afémie caimo fecaca raana oni fáinidicai. Mei jíáfodo Juzíñamuina “íere figora” daínano, nana ñue llínnoredicai. <sup>5</sup>Juzíñamui uai afe güillena ñue finode. Daje izói íena figora cai daíífírena afe cai güillena ñue finode.

*Jesucristo ñue ocuícamié bie izói írede*

<sup>6</sup>Bífuiaí cai ámatiaimo o llófuéia Jesucristo ñue Ocuícamiéna ítíto. Afe bie llófuéinafue jeire o oía bie ínnofirega uai dama ñue ona comécina náiretaite. O jeire oga uaido ñue riire ítíto. <sup>7</sup>Mei íadi bie fénide énie ie ráfuiaína náfuéñeno o iri, naa jíáie taíno jagai izóidífuaiairi. Juzíñamui illa izói o íacanamo áfemo nágarui o comeci llícítairi. Afedo riire ítítoza. <sup>8</sup>Cai abí cai riireta, daa bíníe ífuemo caina canode. Mei jíáfodo Juzíñamui illa izói íllena cai nícidoia naga ñúefuemo caina canode. Daíí cai íllemona biruflaído caina canode, íemo daje izói uire bíítífuemo jaca caina cánoite. <sup>9</sup>Bífue iere nahí ua ráfueza, nana áfemo ínnorediaioi nana cáioiri. <sup>10</sup>Afe bífue jira iere comeci fácaíticai. Iemo áfemo zéfuidicai. Ua zegóruioicana ñéfídicai. Mei ñue cai íllena caade Juzíñamuimo ocuúridicaiza. Afe caade Juzíñamui nana comíni jíllotaíbite. Iemo ínotino ja jíllotatímie.

<sup>11</sup>Bífuiaído nana comíni o ocuífíreiri. Daje izói aféfuiaí o llófuéiri. <sup>12</sup>O fia jítócomena jira comíni o llófuiafue jíáímana jámairuitatañeno iri. Mei jíáfodo ñue Juzíñamui izói illafue Juzíñamuimo ínotinomo jino cótaitimíena ítítoza. Ñue o úrillafuedo afémacina onótaitioza. Daje izói comíni eróicana ñue o mácafuedo íaioina onótaitioza. Iemo naga cómena ñue o íziruillado íaioina ñue cánoítioza. Cristo izói o íllamona ñue íaioina llétaitioza. Daje izói Juzíñamuimo izire o ínogafuedo llófuéitioza, naa o comeci íáinidífuaiairi. <sup>13</sup>Nai cue dúcínena llezica, Juzíñamui cuega uailai comínimo o facádoífíreiri. Daje izói cai ámatiaína o íocíretari. Afémacimo ñue o llófuéífíreiri. <sup>14</sup>Juzíñamui omo iga o fíbílafuiaí fáicanocaiñeno o iri, mei nauí Juzíñamuimo gairíífredino ocuúíllainí Nuera Joreño daína izói, íaioi onoi omo bitádiaioza.

<sup>15</sup>Bífuiaína fáicanocaiñeno o fínóífíreiri, o jamánomo jíáíno baímo íaioi onóilleza. <sup>16</sup>O illafue ñue abí o rairuiri, naa jíáíno o llófuiafuéiri. Fáicanocaiñeno riire abí o mameri. Ñue íimana o comuílleza. Bie cue daína izói o íadi, o jíllóitio, naa o uaimo cacáreidinori.

## 5

*Crístomo ínotino uíécomo ñue o illííue*

<sup>1</sup>Eicomemo lléjecaiñeno o iri. Mei jíáfodo o moomo o llófuia izói fíaicana o lloíri. Jíáie jítócomínina nahí o ama izói llófuéiri. <sup>2</sup>Ringóniaína jéengotiaína dama o ei izói llófuéiri. Daje izói jítaíngotiaína nahí o miríngo izói o llófuéiri. Iaoímo ñue comeci o facáífíreiri.

<sup>3</sup> Uáfueña raana jitaide fecíngotiaína ñue o canori. <sup>4</sup> Mei íadi jíáie jítórede daje izói enáizeñorede fecínguái ite. Afe úruiaí íaíoi éitiaína uzúngotiaína fueñe ñue úiñorediaíoi. Daje izói nahí ie enáizeño dani íaíoi uzúngona úicairediaíoi, mei naga jító enáizeño díga íaíoi móotiaína izíruirediaíoi. Afe bie izói illáfueño Juzíñamui ñue ióbideza. <sup>5</sup> Ie mei cómenide ua fecíngo, dango Juzíñamuimo ñue ie finóllifue ocuíríde. Daje izói Juzíñamuimo ie úrillafueña naio mona díga afengo fáicanocaiñede. <sup>6</sup> Dango ie comeci gáina izói fecíngo ite. Caade íadi Juzíñamui díbenemo tíide izoide. <sup>7</sup> Bífuaína íaíoi o ocuiri, lletánidingotiaína íaíoi ílleza. <sup>8</sup> Dámie ie nahí come úicailana ráairuia ie íinogafue táinomo jífanofide. Dama nahí comínimo ite duéredinona úicaicañedímie, Juzíñamuimo íinonédino fiénina baimo, afémie fiénide.

<sup>9</sup> Fecíngotiaí íena mámece illabe fínoítio. Bie izói ñuera fecíngotiaí mámece afébemo cúerena. Sesenta fimona ite fecíngo mámece cúerena. Afe bie fecíngotiaí, daje izói dámiéna íniredíngona írediaíoi. Afe ízoidíngo mámece cúerena. <sup>10</sup> Iemo jíái ie illafue ñueinamona jalléidingo afengo mámece cúerena. Iemo jíái úruiaí ñue comútatíngo mámece cúerena. Jícana jíáima ie jofomo dúcia caimare uáidofiredíngo mámece cúerena. Iemo jíái Juzíñamuimo íinotínomo rairuíñeno comeci mánainado canófredíngo mámece afébemo jóonerena. Mei afengo naga jíáima cánuana idai jócua izóidena caimare finófiredeza. Iemo jíái duere zefuide comini canófredíngo mámece cúerena. Daje izói nana jíáie ñúefuaí finódingo mámece jóonerena. Bie izóidífuaí nana daje fecíngo finórede; íemona afengo mámece cúerena.

<sup>11</sup> Mei íadi sesenta fimona jofófenemo ite fecíngo mámece jóoneñeno iri. Mei afén-gotiaimona dáarie dani íaíoi comeci óiacanamona nibai Crístona zóofeitiaíoi. Zóofiano nane meine ínreiacadiaíoi. <sup>12</sup> Daí íaíoi illa dani íaíoi ícoína daí ite. Mei fueñe íaíoi Jesucrístodo jáillena mamérfillafue ja fáicanocadiaíoi. <sup>13</sup> Afe baimo naga comini jofodo jáicaídiaíoi. Jáicaíllamona, “Fia tájíñeno daí cue illi,” daídíaíoi. Afe llezica jíáimana úridoicana jáidiaíoi. Iaoimo dúíñede jíáimacimo itífuaímo gágutajífirediaíoi. Comínimo ñue ínedífuedo úrioífirediaíoi. <sup>14</sup> Ie jira nai fecínaite jítáingona daídícue: Abido ínreiri. Ínreíllano úruereiri. Daje izói jofó náangona ñue o iri, Taífemo jaináidino ómoína úridoíñeílleza, daídícue. <sup>15</sup> Mei fecíngotiaimona dáarie, Juzíñamuína féítano Taífedo jáidiaíoi.

<sup>16</sup> Crístomo íinotínomona daa cómemo úicaille fecíngo íadi, afe fecíngona dama afémie úicairede. Afe fecíngona Juzíñamuimo gairífiredinona úicaítañeno iri. Mei afe gairífiredino ua cómenide fecíngotiaína úicairediaíoi.

<sup>17</sup> Jesúmo gairídino ñue ocuide éicomini, ñue tájíjidiaíoi ménécaíño íbárediaíoi. Daje izói ñue íaíoi tájíjnamona mai caimare íaíoína omoi jacíruiri. Íere comini ñue llófuetino, íere ñue lletáidino díga jíáie come íba baimo íbárediaíoi. <sup>18</sup> Mei Juzíñamui Cuegáuai daide: “Arroz izoide trigo, juráreto gájirillena záizia llezica, áfemona íaíoi güílleza fue íbáñeno omoi iri.” Iemo jíáinomo jíáfodo daide: “Naga tájíitagamie ie tájíjnado ñue íbárede.”

<sup>19</sup> Fia da come ocuide éicomemo fiénidífue jóoneíadi, áfena náfueñeno o iri. Mei íadi mena nibai daámáni uai nabáidímie afe izói afe cómemo llóíadi, áfemo cacáreiri. <sup>20</sup> Ocuide eicomínimona dáarie fiénidífue finóadi, nana comini eróicana afémieña o áadori, nana jíáie comini ñue abí jacínaíficaíllena. <sup>21</sup> Juzíñamui eróicana, daje izói cai Ocúíraíma Jesucrísto eróicana bifue omo jóoneticue. Daje izói Juzíñamui nizeca ie abí imaci eróicana omo jóoneítícue. Nana bie omo cue lloga lletara uai ñue o náfuere. Nana comínimo dájerize jáícina o lloiri. Dámie oni eneno mámeñeítioza. <sup>22</sup> Dámie ie illafue nai figo onóñena llezica, ocuídíllaimana ie o maméllena raíre femo o onoi bitáñeno o iri. Bie izói o íllado jíáímamo ite fiénidífueña raíre nábaizaíñeítio. Naga íaífuaíaimona oni o iri.

<sup>23</sup> Mei o ero izírefireia daa jainói jiróñeno o iri. Iemo due vínona o jirori.

<sup>24</sup>Nai íaioimo riire jicánoñena llezica, comínimona dáarie íaioimo ite fiénidifuiái uáforo cíoide. Iemo jiáímacimo ite fiénidifuiái íaioi duere finoille mámia méifomo onórede. <sup>25</sup>Daje izói jiáie cómemo ite ñúefuiái uáfodo cíocaide. Iemo jiáímacimo ite ñúefuiái cíóñena íadí, dinó íaioi diga báinino ñínete.

## 6

<sup>1</sup>Tájjitafiregano íaioi ocuídímiiaina ñue jacíruiordiaioi, jiáie comini Juzíñamui mámecido fieni úriñeillena. Daje izói cai llófueinafuena fieni íaioi daiñeillena. <sup>2</sup>Afe izói Crístopo ñnote ocuífiredímiiaina ñue jacíruiordiaioi. Juzíñamuimo ñnogafuemo daje ámana íaioi maméiadi, nai ocuídímie ocuícamié diga conímama caimare jacíruiordiaioi. Mei jiáífodo afe Juzíñamuimo ñnote ámamo, jiáímaci baimo, riire tájjirediaioi. Afe riire tájjina ñnotino, afe ocuídino izíruiga ámatiai. Afémaci dáamaci. Dájena Crístopo ñnotino. Bífue o llófueiri. Daje izói áfedo o lletámairi.

*Juzíñamuimo cai ñnogana, “Figo baite” cai dánana canode*

<sup>3</sup>Afe bie cai Ocuíraíma Jesucristo lloga jaícina jóide llófueinafuemo comécíñedímie, oni jiáífodo táinofuiái llófuete. Daje izói cai ñnoga ñuera uaina afémie figo jeire oñede. <sup>4</sup>Daiítade come nífuena onóñedeza, táínodo abi ñnote. Afémaci fia fiénide uáillaimo júfiduana iere gáidiaioi. Afe júfidogafuemono aillo úradoillafue comuide. Iemo dájena caimare inénafue comuide, íemo jiáímama éoinafue comuide, íemo jiáímama caimare uáidoñenafue comuide. <sup>5</sup>Dáanomona féitañega fuiríllafuiái, jiáífodo oni comécina jóidímacimo comuide. Bie comini ua ráfuena onóñediaioi. “Fia cai ñnogafuemo iere cai ráanailli,” táinona comécíidiaioi. Bie izoide comínimona oni o iri. <sup>6</sup>Ua onóigaza, cai ñnogafue jamánomo ráífide. Juzíñamui caimo fecaca raana “Figo baite” daiídímie, ie ñnogafue ñue ráífide. <sup>7</sup>Mei jii, bíniemo fueñe cai jocoina llezica minícana atíñedicaí. Afe izói uire cai tíia minícana úiñeíticaí. <sup>8</sup>Mei biruimo cai caana llezica caimo ite güílleri, daje izói caimo ite ñiroiri “Figo baite” daiíredicaí. <sup>9</sup>Mei jiáífodo aillo ráanaíacadiño fieni comeci fácafue dibénemo jáidiaioi. Afémaci aillo fieni comeci óiacanafuíaímo raamo jíride izói itíaioi. Bie izoide fieni óiacanafuíaí cómena fieni finode. Daje izói íaioi illafue niné táinocaitate; jofu zabilla méino izói niné táinocaitate. <sup>10</sup>Mei jii, úcubena izíruillafue nana fiénidifuiái comuíllano aféfuiaí jillaci. Dáarie iere izire úcubena óiacanamona, Juzíñamuimo íaioi ñnogafuemono oni niábéfodo jáidiaioi. Afémaci dani íaioi illáfueña táinona iere duere finódiaioi.

*Juzíñamuimo cai ñnogana, fuirilla izói riire íredicaí*

<sup>11</sup>Mei íadi o Juzíñamui nizécamedioza, bie ailli cue lloga izóidifuiáimona oni o iri. Ñue comécina jaícina illáfueño o maméiriri. Juzíñamui illa izói mai o iri. Afémiemo ñue o ñnofíreiri. Jiáie comínina ñue o izíruiri. Comeci járidoñeno o iri. Comécina mánaidímiena o iri. <sup>12</sup>Mai Juzíñamuimo ñnogafuemo fuirilla izói nágaruillaído riire o iri. Juzíñamui omo iga zínona illafue ñue jeire o oíri, mei afemo Juzíñamui uáidogamedioza. Afe Crístopo o ñnogafuena comini cíocana jino llotio. Afe bie o llúamo o uai nabáidínona aillo ite. <sup>13</sup>Ja birui Juzíñamui eróicana ona ñue ócuíticue. Afe Juzíñamui nana bíniemo itínuiaimo íaioi cáananona fecade. Daje izói Jesucristo eróicana ona dáíticue. Afémie daje izói ñúefue jino uáfodo lloste. Ponceo Pilato uómo ie illáfueña jáanoñeno lloste. Daií Moo Juzíñamui, Jesucristo diga íaillnoi uómo ona ócuíticue. <sup>14</sup>Omo cue ocuícana, jiáífodo méidoñeno, ñue jeire o oíri. Aféfuena ñue jeire o oíri, jiáíma ona llétañeiteza. Bífuiái ua Jesucristo billíruimo jeire o ófíreiri. <sup>15</sup>Juzíñamui jaiái uícodo mamécaruimo dúcia, Jesucristo cíocaizaíbeteza. Afémie daade cai iere ñuera ríinorede Juzíñamui. Daje izói afémie nana illáicomini ie illáimaza. Daje izói afémie nana ocuífiredíno Ocuídíllaima. <sup>16</sup>Dama afémie jaca zínnoza, tíñede. Afémie illano jamánomo meáire egáñiteza, buna

áinozinide. Afémiena jaca bu cióñede. Caade come jaca íena ciónide. ¡Jaca ninomo ñúefuiái afe Juzíñamuimo nitácaza! ¡Aillue ñuera ríino jaca ninomo afémiemo dúideza! Aquíe izóí íteza.

<sup>17</sup> Bie éniemo aillo ráaredino abi íaioi íinoñeilleza ñue o lloiri. Daje izóí íaioimo ite raamo ócuiriñeitiaioiza, mei afe ráaniai are íñeitiaioiza. Mei jíáifodo: Dama Juzíñamuimo omoi ocuíriri, o daíri. Mei afe Juzíñamui ua cáadimie. Afémie jeruíñeno nana cai jitailla raana cai cánuano caimo fecade. <sup>18</sup> Afe ráanaitino ñue íaioi ílleza íaioimo ocuiri. “Omoi ñue íñoitífuiái ráanaitiomoiza,” íaioina o daíri. “Omoimo ite ráaniaimona jeruíñeno jítaídinomo jíáifodo coméciiñeno fecari,” daí íaioina o daífireiri. <sup>19</sup> Daí íaioi íllamona, ico cómuitífue nahí raana máíñoitiaioi. Afe maíñóllena comécido ñue onódiaioi. Afe dáaruido zíñona illífuena óitiaioi.

*Iiraicaiño Timotéomo jóonenocaigafue*

<sup>20</sup> Timoteo, nana bie omo cue lloga ñúefuiái ñue o rairuiri. Bíníemo ite táinona úrioinafuiaimo cacáreiñeno o iri. Daje izóí Juzíñamuina uáitafuemo cacáreiñeno o iri. Mei íaioi: “tere baitádicue,” daina uai taino uaiza. <sup>21</sup> Mei bie izóidífuiái íñote comini ja baie Juzíñamuimo ínogafuiaimona oni nibeñfodo jáidiaioiza.

Mai, Juzíñamui ona ñue éziciíteza. Jae ñie. Mai daíftadeza.



## MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

### *Pablo Timotéomo cuete*

<sup>1</sup>Cue Páblodicue. Jesucristo ñúefue llujjillena orécamiedicue. Juzíñamui comeci jítaina izói orécamiedicue. Daje izói uícodo lloga zíñona cai cáailífue llujjitagacue. Cristo Jesumo dájena cai jaináinamona afe cáailífueña óiticaí. <sup>2</sup>Cue izíruiga jító Timotéomo bibe cuetícueza, ona Juzíñamui ñue éziciiteza, daíacadicue. Daje izói: Juzíñamui omo dúecaiteza daidícue. Iemo: Cai Moo Juzíñamuimona oga comeci ñue uái illáfueño ítíoza, daidícue. Nana bie ñúefuiai cai Ocuíraima Jesucristodo óredio.

### *Pablo Crísto uai nabáiacadé*

<sup>3</sup>Juzíñamuimo nágarui comécido úrifiredícue. Mona naio diga Juzíñamuimo cue úrilla llezica omo comeci uibífredícue. Omo cue úbicaillano Juzíñamuina: tere figura, daidícue. Cue uzútiái Juzíñamui ióbitallena ie ocuífregana ñue íñua izói, afe izói íáinide comeci úrillafuedo ie ocuífregana ñue íñofiredícue. <sup>4</sup>O comeci zúucaifrenamo uiboídícue; femona ona iere jaca cíoiacadicue, áfemona caimare cue íllena. <sup>5</sup>Taino lloñeno ñue Juzíñamuimo o íñuafueño uiboídícue. Afe birui Juzíñamuimo o íñogafue nano fueñe o uzungo Loida íñoga. Daje izói o ei Eunice íñoga. Iemo bífueña o jaca ñue íñofiredíoza, ñue onódicue.

<sup>6</sup>Ie jira bie izóidena o ócuitícue. Naui omo onói cue bítajamona Juzíñamui omo lloga llófuelle ríino féitañeno o iri. Niné ona féiza afefue nágarui meine riire o uiboicairi. Irai dúizaide meine boota izói o uiboicairi. Afemona jamánomo o llófuelleza. <sup>7</sup>Mei Juzíñamui comeci jacíruillafueña caimo fecáñede. Mei jíáífodo comeci meáiruíñenafue Juzíñamui caimo fecade; íemo jíáimana cai izíruillafue, íemo abina ñue cai onónafue diga, caimo fecade.

<sup>8</sup>Ie jira cai Ocuíraima, Crísto uai nabáillana meáiruíñeno o iri. Daje izói ie uai ícoinia llavécacueza, cuena meáiruíñeno o iri. Mei jíáífodo ñuera jíllona uai ícoinia comuide duere zefuillafueña ruifíruíñeno o iri. Omo cómuite duere zefuillafueña rairuíñeno o llíñori. Mei Juzíñamuimo ite ríinodo cai comécina caimare fíraiteza. <sup>9</sup>Juzíñamuimo cai jaináillena aféme ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui fena índicai. Mei jíáífodo dama Juzíñamui jaiái uícodo mamérillado íeiena iticai. Daje izói Jesucristomo cai jaináillado Juzíñamui caina izíruite. Daí caina ie izíruillado íeiena iticai. Mei jaiái ninomo nai énie comuíñena llezica, Juzíñamui caina izíruite. <sup>10</sup>Mei bie caina ie izíruillafue, cai Jíllotaraíma Jesucristo ana biníemo bíllado, afefue caimo jino onótate. Afe Cristo cai tíillafueña ja jacínitate. Daje izói jíllona uai llúado, zíñona cai illafue jino uáfomo cíotate. Ua, íemo íñotino zíñona itátallena afe Juzíñamui uáfodo caimo onótate. Afe bie zíñona cai illafue buna jaca niné táinocaitainide.

<sup>11</sup>Bie ñuera uai llujjillena Juzíñamui jóonegamiedícue. Judíoñedino llófuellena, Juzíñamui orécamiedicue. <sup>12</sup>Iemo afe bíedo nana bífuiai duere zefuídícue. Mej íadi áfena meáiruíñedicue. Cue íñoga Juzíñamui comeci ífueña ñue cue onónamona, jacíruíñedicue. Mei aféme cuemo jóonenocaíafue jaca féíñeiteza. Afe bifue Juzíñamui dama Cristo bíllíruimo ñue úínoite, mei aféme iere ríinoredeza. Afena onódicue.

<sup>13</sup>Naui jácína joide llófueinafue o cue llófuia izói, áfena o llófuefíreiri. Juzíñamuimo cai íñogafueña jeire o oíri. Daje izói Jesucristomo dájena cai jaináinamona caina ie izíruillafueño o iri. <sup>14</sup>Cai diga ite Ñuera Joreño canócaza Juzíñamui omo lloga ñuera rafue féitañeno o iri.

<sup>15</sup>Ja onódioza: Nana Asia énie comini ja cuena zóofetiaioi. Afémacimona bie mena iima faillinoi: Figelo, íemo Hermógenes. <sup>16</sup>Mei íadi bie afe jíaimie Onesíforo dibénedo nana ie comini diga, mei cai Ocuíraima afémacimo caimare dúecaiteza. Mei afémie diga ícaíño cue jitaica raana atífirede. Llavécacue íadi jaca meáruiniño cuemo atífirede. Iemona Juzíñamui afémie comécina náicaitaiteza. <sup>17</sup>Uafue, Rómamo afémie illa llezica cuena are jénua ícoinia baite. <sup>18</sup>Cai Ocuíraima cai comeci ífue riire jicánolliruiimo afe Onesíforomo dúecairi, Juzíñamuina daídícue. Ja ñue onódioza, Efésomo cai illa llezica, afe Onesíforo diga ícaíño caina canode.

## 2

*Jesucristo dibénemo itímie ñue fuirídimie izoide*

<sup>1</sup>Cue jító Timoteo, Jesucristomo dájena cai jaináinamona Juzíñamuimo ite ñúefuiaimo iticai. Afedo ñue o náireiri. <sup>2</sup>Cúemona o cacánafuemo cue uai nabáidinona aillo íteza. Iemona afefue mai oni jíáie ñue ínofíredimíaimo o jóneri. Afémaci daje izói oni jíaimacimo llófuaiilleza.

<sup>3</sup>Duere zefuillafue omo comuíadi, Jesucristo dibénemo ñuera fuiríraima izói abí riire o mameri. <sup>4</sup>Naga jíáimiena anáfenocade fuiríraima fuiríllena maméridoie. Iemona uícodu nana jetácaigafue fáicanocaita; afémie jae náamatagaza. Fáicanocailano daa ie ocuidíllaima anamo itábicaite, afe ie jíiritíllaima íóbitallena. <sup>5</sup>Daje izói naga jífanora raamo jífanotímie ñue jaícina jífanorede. Jífanua ocuide uai daína izói jífanorede. Afémie fieni jífanóa, minícana jíridoñeite. Táonomo jífanoteza. <sup>6</sup>Jacafai rillamo izire táijidímie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite. <sup>7</sup>Omo cue llógamo ñue comeci o facari, íemona cai Ocuíraima ona nana ñue fibítaiteza.

<sup>8</sup>Mai tíllanomona meine abído caade Jesucristomo o úibicairi. Daje izói afe Cristo cai jaiái illaíma David úicoidígimamona comuídimie. Afémie mo ñue o comécíiri. Cue lloga ñue jíllona uai aci bie izói joide. <sup>9</sup>Bie ñúefue ícoinia duere zefuítacacue. Jíi, fienídí fue finódíno izói maíano duere finócacue. Mei íadi Juzíñamui lloga ñuera uai jaca buna llavénide. <sup>10</sup>Ie jira Juzíñamui nizécamací cue cánua ícoinia duere zefuídícue, mei íadi áferi zúucaino jaca caimare itícue. Afémaci ñue jíllobicaillena duere finócacue. Afe Jesucristomo dájena cai jaináinamona comuide jíllonafue íere ebírede. Iemo jaca zííñona fúíñeite.

<sup>11</sup>Bífue táinoñedeza, íere uafue:

Afe Cristo tílla izói cai tíadi, afémie meine abído cáadímiena jailla izói, afe izói dani cai meine cáailano afémieoíri ííticai.

<sup>12</sup>Afémie ícoinia duere cai zefuítadi íe illáimana illánomo jáinaiticai. Afémiena cai jáanoíadi, afémie jíái caina jáanoite.

<sup>13</sup>Afémie mo cai íinoñeniadi, afémie jaca íe daína izói nai finófirede; Mei Juzíñamui dama íe abína jáanonideza.

*Ñuera daíllena facaca táijiraíma*

<sup>14</sup>Bífuiaimo jíaimacina ñue o comécíitari. Daje izói bífuíai cai Ocuíraima eróicana íaíoimo jóneri. Íaíoí ráííñede júfidofirega uáillaimo mai afémacina júfidotañeno o iri. Afe bie izoide júfidofirenafue ráííñedeza, buna canóñede. Afemo cacáreidinona jíáfodo oni comécina jóítate. Daje izói íaíoí íñoga ua uaina níné féítateza. <sup>15</sup>Juzíñamui uícomo figura daíllena facaca táijiraíma izói o iri. Iemo afe llezica jíáfodo lloñeno daje izói o illáfueña ñue jaícina o jóonefíreiri. Daí ñue facácámie íe meáicaillafue íñede. Daítate come Juzíñamui ua ráfueña jaícina comínimo llófue. <sup>16</sup>Bíniemo ite táinona úrioinafuemoña oni o iri. Daí táinona úrifíredíno jamánomo fienídífuiaimo baíídiaíoíza. Anábaitagano izói ífícaídiaíoí. <sup>17</sup>Fieni íaíoí llófueína uai raire jíca jalleide. Come abímo comuide fieníde ñozagí jarire oni móonaíoicailla izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidíailinoi. <sup>18</sup>Afe íaillinoi

Juzíñamui ua uáimona oni nibéfodo jáidiaillinoi. Juzíñamui tíidino meine abido cáaillifue dibébedo llotíiaillinoi. Ja záide, daidíiaillinoi. Daií jiáie comini Juzíñamuimo ínogafuena uáitacana jáidiaillinoi. <sup>19</sup> Mei íadi cai íinoga uai oni cáitañeillena, Juzíñamui áfemo jiáie riírede uaina nabaide. Iemona féitañeno afe Juzíñamuimo ínoicaidicai. Afemona cai bie riire mozóiga jáiaillirai izóidicai. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jiáifodo bie izói daide: Nana “Cristomo jaináidicue,” daidino fiénidifuena féitano, aféfuemona ja oni írediaioi. (Bie ie nabaica uaido, Juzíñamuimo cai ínogafuena afémie riire finode.)

<sup>20</sup> Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifíñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jiáie figo jinoñede jiróracuaido jalleide illáimana ecáñedicai. <sup>21</sup> Afe izói naga jiáimaci canóllena Juzíñamui nizécemie, jaca comécina íafuenino írede. Afémie jaca íafuemona oni írede. Iemona afe cómena Juzíñamui íeiena ñue finóbitade. Ebena ñuera tájjanonomo Juzíñamui raire íena óreite. Mei afémie íáinide ráifide oro finoina jiróraco izóidímieza.

<sup>22</sup> Jitócomena llezica comeci fienu íacana fuaiaimona oni o iri. Mei jiáifodo come ñue jaícina illáfuedo o jairi. Daje izói Juzíñamuimo o ínofireiri, íemo jiáimana o izíruifireiri, íemo comeci máninafuedo naga cómena o uáidofireiri. Iemo, nana comeci íafuenino Juzíñamuimo úrifiredino diga o nabáiriri. <sup>23</sup> Daje izói táinomo comécilla uáillaina náfueneño o iri. Mei ja onódioza, bie izoide úrillafuai íúrienailafue comúrate.

<sup>24</sup> Juzíñamui ocuífregemie jaca jiáima diga ícínide, íemo jiáí fuirínide. Mei jiáifodo afémie nana comini diga caimare írede. Daje izói jiáimacina caimare llófuere. Iemo afémie jiáimamo jarire úriñeno, íaicana úrerede. <sup>25</sup> Daje izói Juzíñamui ocuífregemie naga ie llófueinana náfuecañedínona comeci manai fínuano, íaioina lletárede. Afémie daií íaioina lletárede, íaioi comeci ífue Juzíñamui méidotalleza. Iemona daje izói ua ráfuena Juzíñamui íaioina onótaiteza. <sup>26</sup> Bie izoide llógana jámairitino Taife írebaimo jiilla izói ítaioi. Iemo afe Taife ie comeci óiacana izói afémacina ócuite. Mei íadi ua ráfuena íaioi onónamona jíllorediaioi. Afénomo jíizaidinona oni bairórede. Afémaci inídimie como cazilla izói, abina onótiaioi; íemona Taife anámona jíllorediaioi.

### 3

#### Comini íirairuillaído illifue

<sup>1</sup> Ja bífuiaína o onótaiticueza. Íirairuillaído jacírediruína caímo mónaite. <sup>2</sup> Aféruimo comini dani íaioi abina fienu izíruítiaioi, íemo úcubena íere duéruítiaioi, íemo íere fienu abí íinoítiaioi. Daje izói “Jamánomoidímiedicue” daínano, cómena canóñede táinofuaímo comécítiaioi. Iemo Juzíñamuimo fienu úritiaioi, íemo íaioi móotiaíai ocuilla uaina náfueneítiaioi. Iemo jiáimana “íere figora” daíñeítiaioi. Daje izói Juzíñamuimo ínogafuena náfueneítiaioi. <sup>3</sup> Afémaci jiáimana izíruíneítiaioi, daje izói féitañeno íaioímo duere finódimiemmo dúecaíneítiaioi, íemo jiáimacimo fienu úritiaioi. Iemo íaioi comeci fienu óiacana fuaína “Dama íte” daíñeítiaioi. Iemo jiáima íaioi ícíaíi ñúfuedo finócañediaioi. Daje izói comínina íere izi cácataitaioi. Nana ñúfuaína bacáuai ífuena mámeítiaioi. <sup>4</sup> Afémaci dani íaioi nahí comínina jiáie comínimo fállena fécajífrediaioi. Iemo “Dama cue íacana izói íredicue,” daíífrediaioi; íemo táinomo comécíllano “íere jamánomoidímiedicue,” daíítiaioi. Daje izói Juzíñamui jenóñeno dani íaioi comeci gáinafuaína jénoítiaioi. <sup>5</sup> Diga jínoífene íuaido “Cue bie ñuera Juzíñamui uaina ínotímiedicue,” daíítiaioi. Mei íadi jofona íaioi comeci ráatailla mei, afe ínogafuemo íte méidolle rínona jáanotiaioi.

Afe bie izoide comini diga nabáiríñeno o iri. <sup>6</sup> Mei bimácimona dáarie, jiáimaci jofomo jaillano comécina riínide ringóniai jífuefirediaioi. Afe ringóniai fiénidífuiaína oruide. Afe

ringóniai nana fieni óiacanafuiaina anáfenogaiaioi. <sup>7</sup> Diga ráfuiyai onóiacadiaioi mei íadi Juzíñamui ua ráfuena baitánidiaioi. <sup>8</sup> Jaiyai Moisés illáruillaído mena aima Janes, Jambres diga, Moisés daina uai uáitaitaillinoi. Afe íaillinoi uáitaja izói, bie comini úirairuillaído ua uaina uáitaitaioi. Iaioi ifoci úrillafue oni nibéfodo jóoide. Juzíñamuimo ínogafuena fáicanocaidiaioiza; áfemo ínidiaioi, tánofue ínnotiaioi.

<sup>9</sup> Mei íadi bimaci are jiáimacina jífuecana úiñeitiaioi. Mei íanori íllamona nana comini íaioi jífuefírenafuena fídiítiaioi. Jaiyai Moisés uáitate íaillinoi táinona úrilla uaina comini fídia izói, nane afe izói bimaci táinona úrilla uaina nana comini fídiítiaioi.

*Iraícaíño Pablo Timotéomo jóonenocaigafue*

<sup>10</sup> Mei íadi o cue llófuiaina ñue jeire otio. Cue maca izói jaca ñue macádio. Iemo cue mamérilla izói ñue mamerífiredio. Iemo Juzíñamuimo cue ínua izói, afe izói iere ínnoíredio. Cue comeci jarire úriñena izói, afe izói fáicana úritio. Jiáimana cue duéruilla izói duéruitio. Diga juáredífuiai cuemo comuide, íadi fáicanocaiñeno Juzíñamui ñúefue llócadícue. Afe cue ocuilla izói ñue ocuóidío. <sup>11</sup> Comini duere cue finóllena cuena racádiaioi, mei íadi áferi jacínaiñeno caímare iticue. Naui Antioquía jófuemo duere cue zefuillana onódio; daje izói Iconio jofue, Lystra diga cuemo íaioi finócafueña onódio. Nana racada duere cue íaioi fínuafuiaina onódioza. Mei íadi cai Ocuíraíma nana aféfuiaimona ñue cuena jíllotae. <sup>12</sup> Uafue onóigaza, nana Jesucrístomo jaináinamona ñue jaícina illáfuemo íacadino, nai ínnoñedimacido duere zéfuítiaioi. <sup>13</sup> Iemo afe llezica fiénide jiáimana jífuefíredino jamánomo fiénidífuiaimo ana jáítiaioi. Jiáimacina íaioi jífuia llezica, dani jiáimaci íaioina jífueítiaioi.

<sup>14</sup> Mei jiáífodo omo llófuegafuiaimo riire o comécioicairi, mei aféfuiaimo iere ñue ínnotioza. Iemo afe bífuaiaina o llófuetimiena onódio. <sup>15</sup> Daje izói o dúemiediomona Juzíñamui ñuera Cuegáuaina fueñe onóicaidío. Aféuaimona llófuegao, jíllonafue o maiñóllena. Afe jíllonafue Cristo Jesumo o ínua o oga. <sup>16</sup> Nana Juzíñamui Cuegáuai, Juzíñamui afe cueraini comécimo úrilla izói ñue jaícina cuega. Bie uai iere ráfide comini ifoci déllena. Aféuaido comini llófuerega; íemo afe búuaido táinomona lloga uaina uáitarede; íemo áfedo jiáimacina lletárede; daje izói aféuaido jaícina comini ñue illífuena íaioimo llórede. <sup>17</sup> Afe daí Juzíñamui Cuegáuaido Juzíñamui ocuícami ñue baitádimiena írede. Iemona afémie ñue finóbide, nana ñúefuiai ie finóllena.

#### 4

<sup>1</sup> Juzíñamui eróicana, cai Ocuíraíma Jesucrísto diga, Juzíñamui uailai o llófíreillena iere omo llonódacaidícue. Mei Jesucrísto bíniemo illáimana bille llezica, afémie nana caade comínina, naa tíidino diga íaioimo itífuena riire jicánoiteza. <sup>2</sup> Afémie raire bícana jira, riire ona dáitícue: Nágarui Juzíñamui uailai jino o llófíreiri. Afemo riire o maméioiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llófíreiri. Ñue riire llófíreiri Juzíñamuimo nai ínnoñedino aféuaina íaioi jíruillena. Daje izói afémaci illafue figóñedeza, búuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaína, nana comeci járitañenafuedo fáicana o llófuefíreiri. <sup>3</sup> Afe daí llófuefíreiri, mei diga irui íllamona, comini ua llófueinafuemo cacáñeítiaioiza. Mei jiáífodo dani íaioi fieni gaina izói dani íaioi cacáacana izói, íaioi llófueítinona aillo jénoítiaioiza. <sup>4</sup> Juzíñamui ua ráfuena fáicanocaillano, nana jagai izoide táinomona llogáfuaímo náfueítiaioi. <sup>5</sup> Mei jiáífodo o iri. Cáadímie izói ñue abina o onoiri. Zúufue omo comuíadi, áferi jacínaiñeno abi riire o mameri. Iemo jíllona uai o llóllemo maméioiri. Juzíñamui omo jóonega tájina ñue ícoimo o fuitari.

<sup>6</sup> Ja íanori íllamona Juzíñamui íobitallena fatá fecaca rille izói, fécajigacue. Cue titáillirui ja ánozide. <sup>7</sup> Ñuera fuíríraíma izói, fiénidífué anáfenua izói tájina jae riire ñue ícoimo

fuitádicue. Iemo jifánotimacimona riire aizida goal orédimie izói, afe izói cue táijina fuillánomo dúcidicue. Iemo Juziñamui mo cai inogafuena fáicanocaiño, ja ñue ícoimo inotucue. <sup>8</sup> Iemona ja birui cai Ocuíraima cuemo fecalle fia jirídoga raa izóidifue mo ocurídicue. Afe ie billíruimo, Juziñamui anamo ñue nífuenidimacimo dúide ziiñona illáfue na afémie cuemo fécaite; mei afémie comínimo itífue na ñue jaicina jicánitímieza. Dama cuemo fécañeiteza, mei íadi daje izói nana ie billíruimo caimare ocurídinomo jirídorede ziiñona illáfue na afémie fécaite.

*Dama Páblomo dúidifuiái Timotéomo llote*

<sup>9</sup> Timoteo, mai raire cue eróizaibiri; riire áfemo o mamériri. <sup>10</sup> Mei cue nabai Demas, bínie ráiana jamánomo gánamona jae cuena zóofeteza. Zóofiana jae Tesalónica jófue mo jaide. Iemo jiáie cue nabai, Crescénena mámeciredimie, jae Galacia éniemo jaide. Daje izói jiái Tito oni Dalmacia éniemo jae jaide. <sup>11</sup> Dama Lucas cue diga fiébilla. O billíruimo, mai Marcos jenuaillano cue diné ómicoi biri, mei afémie benó cue táijina cuena iere cánoiteza. <sup>12</sup> Cue nabai Tíquico, Efeso jófue mo jae cue oreca. <sup>13</sup> O billíruimo cue fieca emódomo jítároi o atiri. Naui Troas jófue mo ite Carpona mámeciredimie jofomo cue fieca. Daje izói cue rabénicuai o atiri. Iemo jiáie cuega rábiai féitaño o atiri, mei afébiaina iere jitáidicueza.

<sup>14</sup> Naui Alejandro aillo fiénidifuiái cuemo nitade. (Afémie lloéfiai fínuamo táijifiredimie.) Nana fiéni ie úrillafuiái dieze cai Ocuíraima afémiemo iba óite. <sup>15</sup> Afe Alejándromona abí o rairuíocairi, mei afémie cai lloga uaina iere uáitaacadeza.

<sup>16</sup> Nano fueñe cue abi riídollifue, riíllaini uícomo cue llua llezica, bu cuena nabáñede. Nana cuena zóofetiaioi. Juziñamui afefue iba íaioimo óñeillena afémiemo jicádicue. <sup>17</sup> Mei íadi naui abi cue riíduaruimo cai Ocuíraima cuena canode. Afémie cuena ñue riire finode, jillona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daií cai Ocuíraima iere jacíredifue mo ñue cuena jillótate. <sup>18</sup> Daje izói nana jiáie fiénidifuiáimona, afémie cuena jillótate, íemo dama íeiena cuena ráiruite, monamo ite ie illáimana illánomo cue dúcillena. Ñuera ebíredifue jaca ninomo íemo íteza. Daiítadeza.

*Iraícaíño uáiduafuiái naa ézicigafuiái diga*

<sup>19</sup> Mai, Prisca, Aquila diga caimare uáidori, naa Onesíforo comini diga. <sup>20</sup> Erasto Corinto jófue mo fiébide. Cue nabai Trófimo ie irárenamona, Mileto jófue mo cue fieca. <sup>21</sup> Mai raire rozírediruillai nai dúciñena llezica benó o biri. Benómona jiáimaci omo uai orédiaioi, be níimaci: Eubulo, íemo Pudente, íemo Lino, íemo Claudia. Daje izói nana Crísto mo jaínaide ámatiai o uáidotiaioi.

<sup>22</sup> Cai Ocuíraima Jesucristo nágarui ómoimo nabáirifireillena Juziñamui mo jicádicue. Daje izói Juziñamui nana omoi ézicillena jicádicue. Mai daiítadeza; jae nie.

## SAN PABLO TÍTOMO ORÉCABE

### La Carta del Apóstol San Pablo a Tito

#### *Pablo Títomo cuete*

<sup>1</sup> Páblodicue. Juzíñamui táijitagamedicue. Jesucristo orécamiedicue. Juzíñamui nizécanomo íñotalle uai cue llujillena ie orécamiedicue. Daje izói cai íñoga ua uai, íaiói onóillena orécacue. <sup>2</sup> Afe bie cai íñoga ua uai, jaca ninomo ñue cai illínomo cai ocuirinano móirede. Nai énie cómuñenia úcodo, Juzíñamui afe zíñona cai cáaillnona llote. Juzíñamui jaca táinona llóñide. <sup>3</sup> Ja birui ie llóiacaga uaina, ie mamécaruimo cuemo jóonega llófucaillado caina onótate. Uafue, cai Jíllotaraima Juzíñamui afe daje uai cue llófucaillena cue ocuide. <sup>4</sup> Tito, daje izói Juzíñamuimo íñoticoco, íemona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífiredé cai Jíllotaraima Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruido caimare uái ñue o íllena jicádicue.

#### *Tito Crétamo llófuete*

<sup>5</sup> Monáillai cigi idu Crétamo o cue fiénocailaruído, nai figo finóbiñede raa ñue daje dine jaícina o finózillena ona fiédicue. Aféruido naga diga jofue illánuiamo ite Juzíñamuimo jainaide gairidínomo íaiói ócuitimiena o jóoneri daidicue. Ñue ócuíte eicomínina jenoda o jóonetadícue. Afe izói nauí úcodo omo llonódacaidicue. <sup>6</sup> Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue íñorediaíoi. Afe úruiai fiénidífueña jóoneñegazana írediaíoi. Ocuilla uaina náfuñedíno izói ínidiaíoi. <sup>7</sup> Iemo naga ócuitillaíma Juzíñamui díbenemo ocuíaiaíoi. Ie jira afémie nífuenino jaícina ñue írede. Daje izói afémie “Cue bie iere ríimiedicue” daíñide. Daje izói afémie comécina éoicainide. Daje izói afémie jífaifñide. Daje izói afémie illáiredimiena ínide. Daje izói afémie fia Juzíñamuimo táijnado úcube otímiena ínide. <sup>8</sup> Mei jíáfodo, afémie ie jofomo mácaibitínona jíáfodo comécíñeno caimare llíñofiredimiena írede. Afémie ñue caimare finófiñedimiena írena. Afe izói dama ie abina ñue ocuidimiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidimiena írena. Afe izói afémie dama ie abina lletádimiena írena. <sup>9</sup> Afémie ñue íñofírega íemo lloga uaimo iere comécírede, jíáimaci comécina náicaíallena. Iemo jíái afémie daíí írede, nana uáitatínona uafue daííallena.

<sup>10</sup> Mei uafue, aillo ocuícana náfuñedíno ite. Judíuaimo ite nabene. Afémaci táinodo úritiaíoi. Afe llezica comínina jífuetaíoi. <sup>11</sup> Afémaci úrilla líicaitarede, mei dáarie afézie nana íaiói ñue íñogafue dobáíñotadiaíoi. Afe llezica llófueraínina uaido llófuéfiñedíoi, meáírede fíñuado úcube óllena.

<sup>12</sup> Afe Creta énie imácimona daade uai jino lloraíma, ie nabáitaido úrite. Daide: “Creta imaci táinofuerediaíoi, íemo jazici ie ríllenai izóidiaíoi, íemo iere güíllárediaíoi, íemo jaca iere ráiraiediaíoi,” daide. <sup>13</sup> Afémie uafue daide. Ie jira riire íaíoína lletari, Juzíñamuimo íaiói íñogafueña féitañeno ñue jeire íaiói óllena. <sup>14</sup> Iemo daje izói ñue íaíoína lletari, judíuai dani uibica uáillaímo íaiói náfuñeíllena. Iemo jíái, ua uáimona oni jíicaídino comútaga ocuilla uaimo íaiói cácareíñeíllena.

<sup>15</sup> Nana comécina íaífuenidímimo naga raa íaífuenide. Mei jíáfodo íadi nana Juzíñamuimo íñonédíno íaífuairedímimo naga raa íaífuairede. Daje izói íaiói ífoci uibíllafue íáirede, nana íaiói comeci úrilla uai diga. <sup>16</sup> Afémaci “Juzíñamuina onódicaí” daídíaiói, mei íadi íaiói finócado Juzíñamuina jáanotiaíoi. Mei afémaci íaíruigamacina jáidiaíoi. Iemo náfuñedíno izói itíaiói; íemo due jiza ñuera raana finónidiaíoi.

## 2

*Ñuera uafue llófueina uai*

<sup>1</sup>Tito, o daiille uailai ñue uafue llófueina izói jaca jaícina jóirede. <sup>2</sup>Nana éicomini jaca jífaifinidñona írede. Daje izói ñúefuiaido jacíruiregaiaioi. Iemo, abina ñue onódimiaina írediaioi. Daje izói Juzíñamuimo íaioi íinogafuemo íranifinidimie izói írediaioi. Daje izói nágaruillaído ñue izíruicana ífirediaioi, íemo jíái jaca comécina járitaifinidiaioi. <sup>3</sup>Daje izói eiringótiai úrioinide; íemo ñúefuedo jacíruiregaiaioi. Afe izói támona llófinidiaioi. Iemo jíái jaca jífáirado jífaifinidiaioi. <sup>4</sup>Daií ñue íaioi íllana ácatarediaioi, jíáie ringóniai jítaínguai afe izói íllena. Afedo íaioi íntíaina izíruillena lollíai. Daje izói jítaíngo íaioi úruiai gáíllena llófueregaiaioi. <sup>5</sup>Afe izói íaioi abina ñue onóíllena llófueregaiaioi. Daje izói íaifuiainidñona íaioi íllena llófueregaiaioi. Afe izói jofo ero fínoca raa ñue úíñollena llófueregaiaioi. Daje izói ílláinidíngo izói íaioi íllena llófueregaiaioi. Afe izói íaioi íni ocuícana jíruifíreíllena llófueregaiaioi. Be daií írediaioi, buna Juzíñamui lloga fieni úridoíñeíllena.

<sup>6</sup>Daje izói jítoócomini ñue íaioi íocíretari, abina ñue íaioi onóíllena. <sup>7</sup>Iemo jíái, naga o jetáacaga díbénedo o ñue illa izói íaioi íllena ácatari. Íaioina o llófuelle llezica, taino jífueñeno llófuefíreiri. Daje izói jífánodoíñeno lloiri. <sup>8</sup>Daje llezica táinodo úrinidí, buna o jánari úríneíllena. Afe daií o uáitaacadíno meáíruitiaioi, mei ja odo fieni úrinideza.

<sup>9</sup>Iemo jíái, nana ocuícano íaioi ocuídino anamo ñue íllena o llófuefíreiri. Daje izói cáimamacina íaioi íllena lloiri. Iemo uai ófíreíñedinona írediaioi. <sup>10</sup>Afe izói íaioi tájíina llezica íaioi ocuídino ráaie meríñedinona írediaioi; mei jíáífodo naga tájíinana jetátagamie ñue íñofíregamiena írede. Afe izói írediaioi, cai Jíllotaraíma Juzíñamui lloga uai íere ebíredeza, dani afémaci abido onótallena.

<sup>11</sup>Mei jíí, Juzíñamui caimo íe dúecaíllana caimo cíotate. Afe caimo íe dúecaíllado nana éniemo itíno jíllorediaioi. Afe jíllorenafue Juzíñamui jae caina onótate. <sup>12</sup>Afe caimo íe dúecaíllamo cai comécíadi fieni íllafue cai fáicanocaiíllena caina onótate. Afe izói bie énie ímaci óiacaga cai fáicanocaiíllena onótacagai. Iemo jíáífodo biruíllaido cai íllafue ñue úíllena caimo llote. Jaca abí ñue cai ocuífírena caimo llote, íemo cai íllafue ñue jaícina cai jóoneíllena cai llote. Afe izói Juzíñamuimo dúide uaina caimare fínoredícai. <sup>13</sup>Iemo daje izói Juzíñamui uícodo lloga uai, caimare zuíllemo ocuíríoredícai. Mei aferui íere ríñoredímie Juzíñamui, cai Jíllotaraíma Jesucristo caimare bíllíruiza. <sup>14</sup>Afémie cai ícoína tííllinomo uigámie, nana fíénidífuiaímona cai jíllóíllena. Daje izói nana cai íaifuiái muíñóíllena uigámie. Afedo afémie fena caina mamede, ñúefue íere íocire cai fínóíllena.

<sup>15</sup>Be nie o llófuerena uai. Nana náinide comini comécina náicaitari, íemo lletáredíno omo íte ocuille ríino díeze íaioina lletáfíreiri. Buna ona jámairuitaíñeno íri.

## 3

*Juzíñamuimo íñnotino bie izói írediaioi*

<sup>1</sup>Jesucrístomo íñnotino énie íllaiíma anamo íaioi írena uibíñotari, naa ocuídínuiáiri. Daje izói aféllaímai ocuica uai íaioi jíruíllena uibíñotari. Afe llezica ebena ñúefuiaí fínuamo íere jícairediaioi. <sup>2</sup>Daje izói jíáíma jánana fieni úrinide. Afe izói afémaci comécina caimare uái itínona írediaioi, íemo ílláinidñona írediaioi. Iemo daje izói nana comínina omoi uáidua llezica, comécina mánaidímiena o illa jino íaioímo onótari.

<sup>3</sup>Mánaidímiena íredícai. Mei nauí uícodo daje izói cai bie jaca abina onóñedinodícaiza. Juzíñamui lloga uaimo cacáreíñedícai. Aféruimo níne féíraitino izói ífiredícai. Daje izói nana cai comeci fieni gáínafuiaímo ríire ocuícánodícai; íemo jíái cai íóbitade raamo ríire llavécánodícai; jaca nágarui fieni ífiredícai, íemo jíáímamo úradoífiredícai. Iemo comécina éoidícai, daje izói conímána éoicáfiredícai. <sup>4</sup>Mei íadi cai Jíllotaraíma Juzíñamui íemo íte cáimafue jino caimo cíotate, íemo nana náiraíaina íe izíruifíreina díga. <sup>5</sup>Afémie

caina jíllotaacade, mei íadi jaca nanómoma cai daina ñúefuena cai ñnuamona Juzíñamui caina jíllotañede. Mei jíáifodo dama afémie caimo dúecaillado caina jíllotate. Caimo ite íaífuiai dama ie múiñuado caina jíllotate. Afe llezica Juzíñamui Ñuera Joreño afe múiñuado, meine como jéiciganona caina ñnode. Iemona daje izói afe Ñuera Joreño como comuítaga ñúefuedo caina úicaite. <sup>6</sup> Cai jíllotaraima Jesucristodo, Juzíñamui ie Ñuera Joreño jeruñeno caimo fecade. <sup>7</sup> Afe daí Juzíñamui caina dúecaillano, nífuenidinodicaí izói caimo caimare éroide. Afémie daí caina itátate, cai ocuirina zíñona cai illino cai mainóllena.

<sup>8</sup> Bie uallai iere uáfueza. Daje izói nana bífuiai jeire íaioi ólleza ona íaioina iere llotátaiticue. Daí ona llotátaiticue Juzíñamuimo ínotino bie ñúefuiaiimo nágarui íaioi jíeruillena. Comini canóllena bífuiai nana ñuera. <sup>9</sup> Mei íadi abina onóñedino júfidoga-fuemona oni o jíicairi. Daje izói jaiáidígima dibenedo lloga íaioi comuilla táinofuiamona oni o jíicairi. Afe izói jíáimana uáitafirenamona oni o jíicairi. Iemo jíái, Moisés lloga uaimo ite féiredifuiado fuiríñinomona oni jíicairi. Nana bie izóidifuiái cómena canóñede. Daje izói bífuiai ífócina úriñedinomona comuide.

<sup>10</sup> Juzíñamuimo dájena jaináidino cígiri dámie eneno bozíetaiacania, íena uáidota ménacaiño lletari. Daí lletaca cacáacañeniadi, omoi cígimona íena ruifíruiri. <sup>11</sup> Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemona oni nibéfodo fiénidifueño baíidimie. Iemo dama ie ñoca fiénidifuedo duere ñnóbide.

*Pablo naa ie nabáñiairi mamérilla uai*

<sup>12</sup> Artémoma mámeciredimie, nibai Tíquicono mámeciredimie omo cue óreiaí méfomo, Nicópolis jofue illánomo raire cue eróizaíbiri. Afénomo o jáillena raire mamériri, dinomo daánomo conímamo dúciiticozo. Mei afénomo rozírediruillai záitaiacadiceza. <sup>13</sup> Iemo nane jíáifue, Zénana mámeciredimie Apolos díga nana omo ite dieze íaillinoína canori. Afe Zena jíáimado ñue úrifiredimie. Íaillinoi jaille llezica jitaica raana íaillinoimo fecari, minícana íaillinoi jítañellena. <sup>14</sup> Iemo daa cai Juzíñamuimo jaináidino ñue lloíri, ñúefuiaiimo íaioi tájifireilleza; daje izói jíáie come jítaíadi, íaioi jítailla raana fecari. Iemona íaioi illafue ñue ráifiteza.

*Íraícaíño uáiduno ñue íaioi íllena Pablo Juzíñamuimo jícade*

<sup>15</sup> Nana cue díga itino omo uai orédiaioi. Cai izíruiga nabáñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itátateza. Daífateza. Jae ñie.



## SAN PABLO FILEMÓMO ORÉCABE La Carta del Apóstol San Pablo a Filemón

### *Pablo Filemomo cuete*

<sup>1</sup> Cue Páblodícue. Cristo Jesús ícoinia llavécamedícue. Cai ama izóidímie Timoteo cue diga illa llezica, Filemomo bibe cueticue. O coco táíjinamo izíruiga nabáífredimedio. <sup>2</sup> Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáífredimie Arquípomo cueticue. Iemo jíái Filemón jofomo gairífrede Juzíñamuimo jaináidinomo cueticue. <sup>3</sup> Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illí fue ñue ómoimo itátaiteza.

### *Pablo Filemón Jesucristona izíruilla íemo ie ínuana llote*

<sup>4</sup> Juzíñamui diga cue úrilla llezica omo úbicaidícue. Úbicailano, jaca Juzíñamuina “Figora” dáíífredícue. <sup>5</sup> Mei o ñue o finócafue fidídícueza. Cai Ocuíraima Jesuna o izíruillana íemo o ínuana diga, fidídícue. Daje izói nana Juzíñamuimo jaináidinona o izíruillana fidídícue. <sup>6</sup> Juzíñamuimo o ínuado jíáimaci afémie uai jeire o otátallena Juzíñamuimo izire jicádícue. Afémaci o diga nana Cristo Jesúmona comúitaga cai ñue íñofírenafuiai, ñue onóillena jicádícue. <sup>7</sup> Afe daí jicáfíredícue, mei ja o izíruillado íobidícueza, daje izói áfedo cue comeci íocíredeza. Daí ori íobidícue, mei Crístromo ínotino odo comécina fíracaiiaioiza.

### *Ríire ocuícamié Onésimomo Filemón dúecaillena Pablo íemo jicade*

<sup>8</sup> Iemona ja birui, Cristo orécamiéna cue íllado omo dúide finolle raana ríire ocuíredícue. <sup>9</sup> Mei íadi afe izói ócuiñeítícue. Ríire ocuilla baimo caimare jícana gáidícue. Iemo conímána coco izíruillamona omo jícaítícue. Ua ja cue éíromadícue, íemo jíái Cristo Jesús llavécamedícue. <sup>10</sup> Daíí cue íllamona, daa cue onóigamiemo o dúecaillena jicádícue. Benó cue llavéjina llezica afémie cue jító izóidímiena jaide, mei afémie comécina Jesucrístromo ínuua mei afémie jaináítaticueza. Afémie Onésimo. (Jesucrístromo ie ráífidímiena omo íllana jaca comécíñedio.)

<sup>11</sup> Naui Onésimo omo ráííñedímie izoide. Mei íadi birui cue o diga afémie ráífidímie izói táíjirede. <sup>12</sup> Meine abido íena omo orédícue. Afe ie cue ória cue iere izíruiga úrue ória izoide. <sup>13</sup> Nai benomo ñúefue ícoinia cue llavébilla llezica, afémiena “Benó cue diga fiebi” uáfúena daíífadícue, o méífomo afémie cue canóllena. <sup>14</sup> Mei íadi nai o jii dáííñenia mínícana ocuácañedícue. Daíí daídícue, o cue jícajana ocuilla izói íneíllena. Mei jíáífoto dama o comeci jitailla izói cue jícajana o ínuana jítaídícue. <sup>15</sup> Níbai Onésimo naui fia nígarui fidí oni o abímóna jaide, meine billano biruímona o abimo afémie jaca nínomo íllena. <sup>16</sup> Iemona birui ríire ocuícamié izóíñeno, mei jíáífoto izíruiga ama izóidímiena afémie o diga írede. Afe jira naui ríire ocuícamié baimo ñúemiena o diga írede. Afe bímie iere izíruítícue, mei íadi o cue baimo íena izíruiredio. Birui daa afe ñue táíjtallímie izói íena izíruinidío, mei afe baimo cai Ocuíraimamo jainaide ámana o izíruilla izói, afe izói íena izíruiredio.

<sup>17</sup> Iemona uáfúena cue nabáidímie o íadi, cue o líínua izói, afémie o líínori. <sup>18</sup> Níbai nano afémie fíénide raa omo finóadi, íemo jíái níbai mínica omo íbañenia, cuemo jica, cue íbállena. <sup>19</sup> Ona uafue cue daíífallena cue ónoido cueticue: Afena íbaitícue. Cue Páblodícue. Mei jíáífoto cue ona uibíñotaredícue, dama o ñue méídoga abi cuemo dúide, mei Juzíñamuimo ona ínotadícueza. <sup>20</sup> Ua mii, cai Ocuíraimamo o ínuamona, afe bímie o líínua caimare cue itátari. Crístromo dájéna jainaide ama izói cue comeci fírari.

<sup>21</sup> Omo cueticue mei o jíruifirena ñue onódicueza. Jíái onódicue, cue ocuica baïmo ñinóredio. <sup>22</sup> Afe llezica cue ñíllico uieécodo raïre ñinori. Mei bie izóï ocuúridicue; Juzíñamuimo omoi jicállemona, Juzíñamui omoi cue eróizaibillena cuena óreite.

*Iraicaiño uáidua, caïmare ñúefue dibénemo omoi itátallena*

<sup>23</sup> Cristo Jesús ícoïnia cue ñiga llavécamié Epafras uai omo orede. <sup>24</sup> Daje izóï jíáïe cue tájñinamo canódimaci Marcos, Aristarco, Demas, Lucas ñiga omo uai orédiaioi.

<sup>25</sup> Mai mei cai Ocuíraïma Jesucristo ñúefue dibénemo ómoïna itátateza. Daíítadeza. Jae ñiie.

## HEBREO IMÁCIMO CUEGABE

(Daa bimaci jáífodo mameina Judíuai)

La Carta a los Hebreos

Juzíñamui ie Jitodo ja comínimo úrite

<sup>1</sup> Jaiái ninomo cai judíuai jaiáidigimamo Juzíñamui úrite. Ua, ie uai llórainido diga icaiño, diga jáífodo jóoide uáillaído úrite. <sup>2</sup> Mei íadi ja birui írairuillaído Juzíñamui ie Jitodo caímo úrite. Bie Jitó uaido Juzíñamui jaiái bie éniēna naa úcuairi finode. Temo naga raa íeiena náamatallena Juzíñamui íena mamede. <sup>3</sup> Afe Jitó ie Moomo ite ebíredena jino cíotatímie. Daje llezica afémie jino náraímo cíotaga; ua daje Juzíñamui izóidímie. Nana finoca ráaniaina afémie dájena jaináitano ie ñue ríirede uáillaído nágarui ñue jaícina finócana uite. Bímie, cruzmo dama ie die tótajado cai fiénidífuiai ñue múiñua mei, caífo monamo ite Juzíñamui nabezi díbēnemo ráinazaide, dínoóna nahí illáimaillena.

Juzíñamui Jitó Juzíñamui abi imáciai baímo fígómie

<sup>4</sup> Afémie afe jamánomo ríiredíno jáillamona, nana Juzíñamui abi imáciai baímo fígómieña jaide. <sup>5</sup> Juzíñamui ie abi imácimona dáamie jaca “Cue jitódio” daíñede. Ua, “Cue Jitódio, ja birui illáimana o jóoneíticue” jaca daje izóí íaioina daíñede. Mei íadi ie Jitó Jesucristona daí daide. Daje izóí ie abi imácimona dáamiēna “O moona íitícue” daíñede. Dáano “Cue jitóitio” daíñede. Mei íadi Jesuna daí daide. <sup>6</sup> Ua Juzíñamui ie izoide daade Jitona bie éniēmo comúfajano daide:

Mai, nana Juzíñamui abi imaci, bie cue jitona jacíruioicana ñue omoí íóbitari.

<sup>7</sup> Mei íadi abi imácina Juzíñamui daide:

Bimaci cue abi canórainina íllamona, íaioina ocufíredicue. Iemona jairifo raire náidacailla izóí, bimaci cue ocuícana raire jetáfírediaioi.

Afe izóí nana cue canófirede cue abi imaci jacírede boode iraici izóí, íaioina ocufíredicue, —daide.

<sup>8</sup> Mei jáífodo ie Jitona daide:

Juzíñamui o íllamona, o illáimana illirui jaca ninomo zíñona íite.

Ñue comécina jaícinaíafuedo jaca illáimaífireitio.

<sup>9</sup> Ua, comécina jaícinaíafuena izíruitio, mei íadi fiénidífuiaimo éoicana eróidío.

Iemona Juzíñamui, ua o Juzíñamui, jae ona íóbitade.

Nana Juzíñamui uaina jíeruite o nabáíñiai cáimadua baímo, cáimatagao, —daide.

<sup>10</sup> Jáínomo ie Jitona Juzíñamui daide:

O Ocuíraímadío.

Naga ráaniai o táinia mei, bie énie finódio.

Nana monamo ite naga úcuai o ónoído finócana.

<sup>11</sup> Afe énie naa úcuairi niné táinocaitiaioi, mei íadi o jaca zíñona íitio.

Aféniai jácara iníroillaí zabilla izóí zábitiaioi.

<sup>12</sup> Temo inícuíro dócoiano oni jóonia izóí, oni eneno íaioina jóoneítio.

Iemona iniroi jáíroina abímo jita izóí, bínie naa ucúduairi méidoficaitiaioi.

Mei íadi o jaca méidoñellioza, díno nímieitio.

Omo itífue jaca zíñona íite.

<sup>13</sup> ¿Ñie mei ie abi ímieimo Juzíñamui llogámie:

O fairíconí o anamo cue anáfenotalle llezica mai benó cue nabézimo illaíma nabai izóí ráinazaibi?

Daí daínámiena íñede. Dama ie Jitó Jesuna daí daide. <sup>14</sup> Nana afe Juzíñamui abi imaci Juzíñamui ocuica canófirede jóriaiai. Ua Juzíñamui orécaiaioi, afémiedo jíllóitino ñue rairuillena.

## 2

*Cristo caimo lluaíbiga jíllona uaimo ñue úiñoredicai*

<sup>1</sup> Ie jira Juzíñamui Jitó, Jesucristo daíí naga illaima baimo jáidimiena illamona, nana Juzíñamuimona cai cacana uaillai jeire cai olle iere jitáirede; omoi jefóniaí ñue jinéoiri. Aféuaimo ñue omoi cacáreiri, oni nibéfodo fiénidifue mo cai báiiñeillena.

<sup>2</sup> Mei Juzíñamui jaiai ie abi imácido llogáuui jaca oni caitánide. Naga aféuaina jeire onédino naa cacáfinidíñori raire iere duere finócaiaioi. Mei afe fiénidifue finuamona Juzíñamui íaioimo jaícina ibana ote. <sup>3</sup> Mei íadi birui aféuai baimo jamánomo ñue riírede uaina cacádnodicai. Ie jira bie Crístromona cai cacana uaíllaina jeire cai óñenia, ¿ñífuedo jaícina iba uáfueмона jíllotitacai? ¿Jíllonidicai! Afe baimo ñue riírede uai nano fueñe Ocuíraima Jesucristo caimo llogáuui. Ie mei ie daínana cacádnodo aféuai jae cai uafue daííllena llotátaga. <sup>4</sup> Afe íaioi daina uaimo onótate raado Juzíñamui ñue uai nabátate. Iemo jíái jacírede raado, aillo cíórainina raa díga afémie ñue uai nabátate, íaioi daináuaimo ñue cai íinollena. Afe llezica Juzíñamui ie jitáinafue izóí, ie Ñuera Joreño ñúefuiai finolle riino, illa dígamierie íaioimo fecade, daje izóí caimo.

*Jesucristo Juzíñamui Jitó íadi afémie cai illa izóí, fia cómena íficaide*

<sup>5</sup> Cai úrifírena ñuera úreitiruillaido níimie illáimaillena, Juzíñamui ie abi imácina: “Illáinina jáitíomoi” daííñede. <sup>6</sup> Mei jíáífodo comínina illáimaitaacade. Jaiai Juzíñamui Cuegáuaimo David Juzíñamuina daide:

¿Ñi naga come Juzíñamui dibéñedo jamáimíiaina!

¿Ñibái mei íaioimo coméciidio?

¿Ñibái mei íaioi jitótiaimo járitaitio?

<sup>7</sup> Mei uáfueña due jiza o abi imaci jofófenemo comínina comútatío.

Illaima ebírenano naa ñúefue díga íaioimo nitádio.

<sup>8</sup> Naga raa íaioi anamo o itátatio.

Daíí naga raa iima anamo itábicaillamona, jae minica ie anamo itábicaíñedena íñede. Mei íadi ja birui iima dibéñedo naga raana náamatañega. Afe izóíñedeza; afémie nahí náamañede. <sup>9</sup> Mei íadi jíáífodo birui Jesuna cai onónamona íemo coméciidicai. Afémie nana íanori due jiza Juzíñamui abi imaci jofófemo jóonegamie. Aféruído afe Jesús nano cai jíáinona, tilla onóllena facade; mei afe llezica nana comini fiénidifue ícoinia Juzíñamui zóofegamieza. Ie mei tíide meine abido cáanamona jamánomoidimiena jaide. Afe mei afémie, illaima izóí, ñúefueña nitácámie, jae ebire finócamie, mei nauí ie tíillaruímo iere duere ie zefuillamona. Juzíñamui caíri dúecaillano, nana comini niné táinocaitañellena cai ícoinia Jesuna daíí zefuítate.

<sup>10</sup> Juzíñamui daíí ie Jitó duere finoille caimare íemo jóbide. Ie jira Juzíñamui íaioina jíllotaite ífódímie duere zefuíllafuedo nana cai jíllonafueña ñue fuitade. Mei jíí, naga raa Juzíñamui íeiena ie ínuamona ja birui itíaioi. Afémie nana comínimona aillo jitótiaí jíllocade ie caimare ebírenanomo daánomo íaioi dúcízaillena. <sup>11</sup> Mei Juzíñamui dibéñemo oni jóonetímie Jesús, nana Juzíñamui dibéñemo oni jóonegamaci díga daje Juzíñamuina móorediaioi. Iemona, cai baimo jamánomoidímie íadi, Jesús “Cue ámatiaidiomoi” daíí daínana meáiruñede. <sup>12</sup> Afémie Juzíñamuina daide:

O mámece cue ámatiaimo jino llóitícue.

Nana omo gairídino cígiri rocana ñúefue omo nítaitícue.

<sup>13</sup> Jíáinomo Cuegáuaimo daide:

Cue Juzíñamuídio. Omo íinoitícue.

Ie mei jíáinomo daide:

Be, benó itícue, Juzíñamui cuemo iga naa úruiaíri.

<sup>14</sup> Onódiomoiza, nana cai jae cómena comútagacai. Daíí cai íllamona, daje izóí Jesús dama cómena comúbicaide. (Ua, fia come izóí jécíga.) Afe mei come abi íemo íllamona,

ie tíllado cai títaite Taifena ríinitade. <sup>15</sup>Jaiáimona nana tílle jágiedo Taifemo rairuícacacídicaí. Mei íadi Jesús jae cai jacíruiñeillena nane ñue cai finode. Ja ráiruñeganona afémie daíí cai ñue orede, nana nauí cai caana llezica tíllena jacíruiticaí íadi. <sup>16</sup>Mei uáfodo onóigaza: Jesús ie bíllado Juzíñamui abí imácina cánuaíbiñedeza, mei íadi cómena íficaillano nana Abrahámona comuídigimana cánuaíbite naa jíáie Juzíñamuimo íínotinori. <sup>17</sup>Afémie cai cánuaíbillemona íe ámatiaí nana íaioí illa izóí afémie íficaillana iere jítáiredeza, mei dúecaífirede nahí comínimona Juzíñamuimo comínido úritillaímana jáideza. Ua íínofírega Juzíñamuimo úriraimana jáiacade, afe daíí ie tíllado comínimo íte ííenidífuaí oni muiñóllena. <sup>18</sup>Mei Jesucristo íaífue íieni íacátafuaímona duere zefuide, aféfuemo baííñede íadi; íemona ja biruí íieni Taífe íacátagamacina cánua ríino Crístomo íteza, ja caína ñue canórede.

### 3

#### *Jesús Moisés baimo jamánomoidímie*

<sup>1</sup>Ie jira, cue ñue ámatiaí, Juzíñamui uáidogamací díbénemo jaináídiomoíza, Jesumo izire comecí omoí facari; ua cai jeire oga ñúefue lluaíbitagamiemo ñue comecí omoí facari. Iemo nane Juzíñamui díbénemo caído ñue úritimiemo, maí íemo comecí omoí facari. <sup>2</sup>Bie Jesús íena daíí mamédímie ocuica uaina jaca nágaruillai íínofírede; ua, jaiáídimie Moisés nana íemo llogáuaina jeire ófírena izóí, afe izóí bímie nana íemo ocuica uaina jeire ófírede. <sup>3-4</sup>Jae onódiomoíza naga jofe come niga; dama abina niñédeza. Mei íadi naga ráaniaí íinódimie Juzíñamui. Iemo daje izóí ja onódiomoíza, naga jofe niraima afe nigaco baimo ñúemieza. Afémiemo jamánomo ñúefue jónerede. Ie izóí afe bie Jesús Moisés baimo ñúefuena nitáregamie, mei naga raa afémie comuítagaza; íemo jíáí daje izóí Juzíñamuimo cai jaináinana Jesús comuítateza. <sup>5</sup>Ua, afe Moisés nana Juzíñamui íemo llogáuai, Juzíñamui díbénemo tájjiacadímie izóí, aféuaina ñue jáícina Juzíñamui eneno nízeza Israel náiraímo llotátate. Afe daíí afémie íe méífodo bite llófuellífueemo uai nabáítate. <sup>6</sup>Mei íadi Cristo, jofona náamataga Jitó izóí, nana íe anamo ítínona ñue jáícina ocuíoide. (Afe daíí Cristo Moisés baífene ímienaza onódicai, mei naga jító, jofe ero tájiraima baimo ítímiénaza.) Iemona Cristo dáinana, cai ínuafue ñue riire ítifuedo are illa ícoímo jeire cai oadí, Juzíñamui comínidicaí. Afe llezica afémiemo caimare cai úíuana jítáirede.

#### *Juzíñamui comíni comecí caimare uái illafue*

<sup>7</sup>Ie jira Juzíñamui Ñuera Joreño jaiái Cuegáuaido daide:

Biruí Juzíñamui daínauai omoí cacana llezica omoí coméciaí rííretañoeno iri.

<sup>8</sup>Jaiái énie zaféredínodo Israel comíni íacátaruimo afémací íaioí comecí riire íínuano

Juzíñamuina uáitatiaioí.

Jíí, afe izóí omoí íñeno iri, daide.

<sup>9</sup>Iemo nane Juzíñamui daide:

Aféruillaído jaiái omoí uzútiaí Judíuai cuemo íínoñoeno íieni íacátafuedo cuena íacátatiaioí.

Cuarenta díga íimónado nana íaioímo cue íinócaífuaina cíódiaioí íadi, cuemo íieni comécíidiaioí.

<sup>10</sup>Ie jira afe bigima cuena ríicaitade.

Afémacído daídícu: “Íaioí comecí cuemo íígo jaináíñenamona, cue lloga ío onóñoeno oni níbéfodo jáídnona ítíaioí.”

<sup>11</sup>Iemona áferí ícírillano ríírede uaido daídícu: “Jaca cue lloga caimare comécina uái ocózinaíllana óñeítiaioí,” daídícu.

<sup>12</sup>Amatiaí, daje izóí íígoñede, ñúefuena íáíruíga íínoñede comécimona maí abí omoí rairuíri, afe izóí omoí íñeillena. Mei afe izóídimie cai caade Juzíñamuimona oni eneno jíca íteza. <sup>13</sup>Mei íadi nágaruillaído, Juzíñamui ómoína naí uáídua llezica, Juzíñamui díbénemo ñue riire jainairi. Iemo daní ómoímona ñue lletari. Daíí ñue omoí llóiri, ííenidífue

ie abi jífuiafuedo buna ómoimona dáamie comécina riíreñellena. <sup>14</sup> Mei nanóidemona caimo ite izire ínogafue, riire fáicanocaiñeno uáfuena cai onóadi, jae Cristo dibénemo jaináidimodicaí. Aféuemo rairuíñeno ñue omoi jíeruíri.

<sup>15</sup> Juzíñamui Cuegáuai daí daide:

Birui Juzíñamui daináuaina omoi cacana llezica, jaii Israel Juzíñamuina uáitaruimo comeci riírena izói, omoi comeci riíretaneño iri.

<sup>16</sup> ¿Bu mei afe Juzíñamui uai cacáidino íadi, nane dáanomo íena uáitate? Mei nana Egíptomona Moisés bairócamaci Juzíñamuina uáitate. <sup>17</sup> ¿Mei nímaci cuarenta diga fimona Juzíñamuina icíritate? Mei nana afe Juzíñamui uai íñoñeno fienu finódino; níí afémaci ícuruai énie zaféredinomo fiénocaiga. <sup>18</sup> ¿Níí náiraina riírede uaido Juzíñamui daide: “Jaca cue lloga caimare comécina uái ocózinaillinomo dúciñeitiomoi?” Mei nana afe ie uaina cacáidnona íadi aféuaina jeire oñédinona daí daide. <sup>19</sup> Daí íaioina dánana íaioi íñoñenado jofó cáimanomo dúcinidiaíoi. Ua daí ñúenomo íaioi dúciñenana onódicaí.

#### 4

<sup>1</sup> Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daífadífuemona mai abi omoi rairuíri. <sup>2</sup> Mei uafue cai bie níuefuena llogámacidicaí. Ua afe jaii Egíptomona bairócana níuefuena llóina izói níuefuena llogámacidicaí. Mei íadi íaioi cacana uai figo íaioina canóñede; mei íñoñediaíoi fia táinona cacádiaíoi. <sup>3-4</sup> Mei íadi Juzíñamui lloga caimare comécina uái ocózinaillinomo nahí jofó jáidimodicaí, mei ie uaina ñue cai íñoñenado. Birui Jesumo cai ínuamona, caimare comeci jacíruiñenafue dibénemo jónegacai. Jira ocózinairanomo táijjñeno cai illa izói, jae caimare uái iticaí. Ie mei uire Juzíñamui illánomo ñue afémie diga caimare uái íiticaí. Jaii íñoñedimona Juzíñamui daide:

Íaióimo cue rícaillano ñue riírede uaido daidícue, “Afe cue lloga caimare comécina uái ocózinaillinomo jaca dúciñeitiaíoi,” daidícue.

Daí Juzíñamui íaioina daide. Mei íadi ua íaioi caimare illííue Juzíñamui are uícomo mamécaza; mei jae are énie ie comuítajaruimona, nana Juzíñamui ie finócafuiaí, naa caimare cai illíífuaiiri, jae fuitádeza. Mei Juzíñamui jáinomo ie Cuegáuaimo afe ie ocózinaillaruido úrite; daide:

Juzíñamui seis dígarui táijjde; ie táijjna mei siete iruimo nana ie finócafuiaimona caimare uái ocózinaide.

<sup>5</sup> Afe mei jáíruido ie Cuegáuaimo Juzíñamui daide:

Cue lloga caimare comécina uái ocózinaillinomo dúciñeitiaíoi.

<sup>6</sup> Iemo níuefuena nanoide cacáidino íñoñenamona afénomo jofó íaioi jáinina méífomo, áfeo nai jáímaci jáillena túide. <sup>7</sup> Ie jira Juzíñamui diga fimona jaii mei, David roránicuaido comíni uáiduano meine jíáie billíruí íaióimo llote. Afécuaimo, due jiza íllamona cue lloga izói, Juzíñamui daide:

Birui Juzíñamui daináuaina cacáidimoiiza omoi comécina riíretañeno iri, daide.

<sup>8</sup> Mei íadi Josué afe jáíáidnona nahí caimare come comeci jacíruiñenanomo uíñede. Ie jira diga fimona illa mei Juzíñamui meine abido comíni caimare illíruina úrite. <sup>9</sup> Iemona afe nahí caimare come comécina uái ocózinaillafue nai ite, Juzíñamuimo jaináidimacina daní íaióiena maiñóllena. Afe ñue caimare cai illííue ocózinaillaruiimo cai ocózinailla izoide. <sup>10</sup> Mei naga afe Juzíñamuimona oga caimare illííuena maiñódimie, dama ie jíllóille naa ie ócídogano fáicanocaillano, caimare uái ite. Ua Juzíñamui naga ráaniai ie fínua fuilla mei, ocózinaillano caimare uái ite. Afémie uái illa izói caimare uái iticaí. <sup>11</sup> Ie jira afe caimare cai illííuena mai ñue omoi maiñori. Mai benómona daí omoi ífireiri, ómoimona buna jáíairagíma bífuena íaioi íñoñenado íaifuemo baiílla izói omoi báíñeillena.

<sup>12</sup> Nana Juzíñamui lloga uai, jaca íocire cáadimie izoide. Afe uai jaca ninomo riíredeza, buna oni caitánide uai. Aféuai comíni ífóciaimo déíírede; ua íaioi comécina zuitáfírede.

Mei jii, jaíre jicaica lloéfaido abi ñeta iere jofu ícurumo raíre dúcizailla izói, afe izói Juzíñamui uai nana cai comeci ífuiai onótate. Uáfueña cai comeci facáduana naa cai comeci jítallafuiai rífidano ñue uáfodo jaícina jino caímo onótate. <sup>13</sup> Nana Juzíñamui finócafuiái íemona oni retáidonide. Ua, daa Juzíñamui ciónenamiena íñede. Nana cai comeciíllafuiai cai finócafuiái diga, uáfori cai nahí Jicánoraíma ui anamo ite.

*Jesús Juzíñamui dibénemo caído ñue úrifiredillaíma*

<sup>14</sup> Jae Juzíñamui Jitó, Jesús, mona úillie íllano iere caífofenemo jaillano, Juzíñamui íllánomo dúcide. Dúciíllano Juzíñamuímo dibénemo caído ñue raíre úriraímana jaide; ua afémie caído úrifiredillaímana jónega. Afe bie úriraíma caímo íllaza, mai nana afémiemo cai comeciílli; afémiedo cai íñogafuiai fáicanocaiñeno jaícina riire ñue íemo cai íñoilli. <sup>15</sup> Afe caído Juzíñamuímo úrifiredillaíma nana cai abi ríidolle ríino íñénana onode. Ua afe cai ríino íñénamona cai féiraífirenana afémie onode. Ie onónamona caímo dúecaífrede; mei afémie cai izoide cómena íficaíllamona, nana fieni facátafuíaína cai cacana izói cacade íadí afe fienidífuíaímo baííñede. Iemona Juzíñamui ðinena jáíredicai.

<sup>16</sup> Ie jira Juzíñamui ílláímana íllánomo cai úrizaiíli; mai omoi jacíruiñeno afe caído úrifiredillaímado Juzíñamuímo raíre úrifireiri. Daí íemo úrredicai caína ie dúecaíllano cai fieni finócafuiái íba caímo óñeíllena; daje izói afémie cai jítáíllíruido cai canóllena, afémiemo úrredicai.

## 5

<sup>1</sup> Naga come dibéfodo Juzíñamuímo úritillaíma comínímona nízedá oga. Uano Juzíñamuímo comínido úrillena mamécamié. Daje izói afémie comíni dibéfodo Juzíñamui íóbitalle ráfuiai finófireíllena mamécamié. Íaíoi Juzíñamuímo fía íga ráanaí afémie izájíte. Daje izói íaíoi fienidífuie íba otátañelle fía fállena fecaca tóíca rílleníaí afémie Juzíñamuímo izájíte. <sup>2</sup> Afémie ríinide cómena íllamona, íaíoi ílla izói abina onóñedímacina fáicana comeci járitañenado caímare fíraízaitaite. Daje izói oni níbéfomo baííðinona comeci járitaño llétaite. <sup>3</sup> Mei afe nízécamié cai izói ríinidímie. Iemona dama ie íaífuiai muíñolle tóíca rille jáímaci fécajilla izói, afémie jáí fécajirede. Ua nana comíni dibéfodo izáíbilla izói, dama íeíena afémie izáíbirede.

<sup>4</sup> Afe iere ñuera Juzíñamuímo úriraímana íllena, buna dama ie comeci jítaina izói íñide; dama Juzíñamui jónegamié daí írena. Afémie caímare jacíruijamié. Jáííðiruímo daí Juzíñamui Aarona uáíðote. Uáíduano, Juzíñamui íena nízedá úritillaímana jónete. <sup>5</sup> Afe izói Jesucristo Juzíñamuímo comínido úriraímana íllena raíre dama uícofcaíñede. Mei íadí Juzíñamui daí úritillaímana ie jóñiacana llezica íena daíde: Cue jítóðio; ja birui ílláímana o jóñeíticue, daíde.

<sup>6</sup> Ie mei daí ðainámiena Juzíñamui jáíónimo nane daíde:

Jaca nínomo Juzíñamuímo comíni dibéfodo úriraímadio. Ua jaíai nínomo Juzíñamuímo úriraíma Melquisedec izói jaca nínomo Juzíñamuímo comíni dibéfodo zííñona úriraímana íitío.

Aquíe izói Juzíñamui íe Jitó Jesuna daíde. <sup>7</sup> Cristo cai come izói bie éñiedo jáícaíllaruíllaido, izire écana Juzíñamuímo comeci facade. Iemo dáaruído Juzíñamuímo izire jícade. Afémie daí íena jíllotaredímie mo comécido úrite; daíde: “Bie cue tíacanaíuemona maí cue jíllota” daíde. Iemo Moo Juzíñamui anamo afémie ñue ítábicaíllamona comécido Juzíñamuímo íe jícajana Juzíñamui cacade. <sup>8</sup> Daí Jesucristo Juzíñamui Jitó íadí, íe ðuere zefuíllafuíaído ocuilla uai anamo ítábicaíllana fíbide. <sup>9</sup> Afemona afémie daí nana cai jíllóíllífué ñue fuitállena jamánomo jaícina fíbítagamiena jaide. Ie jira nana íemo íñotímaci dibénemo Jesús zííñona jíllotaraímana jaide. Ua zííñona jíllonafue taínédímiena jaide.

<sup>10</sup> Mei jira Melquisedec izóíðímie Juzíñamuímo comíni dibéfodo zííño úrifireítímiena, Jesús jae Juzíñamui mamécamié.

*Cai íñogafue meine abido cai jáanolle iere jacírede*

<sup>11</sup> Bífuiaido aillo úriacadicue, mei íadi iere cacáacañediomoi. Iemona nai figo baitañedino izói itíomoi. Daí omoi íllamona, bífuiái ómoimo jino cue lolle iere féirede. <sup>12</sup> Naui nano Crístomo omoi ínuaruimona jae diga fímona jaide. Iemona jae oni jíáimacimo omoi llófuerizaille iere jitáirede. Mei jíáifodo ja birui meine abido Juzíñamui llogáuai tainéinafuiaina ómoimo jíáima llófuelle jitáirede. Nai monoi jirode úrue izói meine abido úruetaidiomoi; nai figo baitañedino izói itíomoi. Ua llíciaina nai rínide izóidinona abido jáidiomoi. <sup>13</sup> Mei jíi, naga monoi jirófiredino, móonaiñena llezica nai dúetiru. Daje izói naga Juzíñamui anamo ñue jaícina caina móonaitade llófueinafue dibénemo baitañedimie nai úrue izoide. Mei afémaci nai móonaiñeno úruiai izói baitañediaoiza. <sup>14</sup> Mei jíáifodo dama móonaite éicomini llíciaina rírena. Afe izói Juárezde llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue fiénidifue baímo ñue onónana fibídiaoiza.

## 6

<sup>1</sup> Ie jira afe nánoide Cristo dibéfodo llogáfuiái ómoimo llúana ja mozíñocadicue, jíáie cómfue ómoimo jino cue llóllena. Ómoimo cue lolle bie cómfue, Juzíñamui llogáuailaido ómoína ñue jaícina móonaitaite. Aféfuiai mai jeire cai olli. Nano úicodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izói daide: “Ómoína jíllotañeite omoi nícidogafuiái fáicanocaillano ñúefuena méidori. Méiduano, mai Juzíñamuimo omoi íñori,” daide. <sup>2</sup> Iemo afe nanóidifuiái báutizaafuedo úrite. Iemo dáanomo onoi cómomo bítafuedo úrite. Daje izói come tílle mei, afe tíidinomona meine abido cáallifue llote. Afe emódomo, íruaruimo Juzíñamui nana comínimo jícánolle mei zíiñona duere finótallifuedo úrite. <sup>3</sup> Nana bie nanoide llogáfuiaina meine abido llófueñeiticue. Mei íadi, Juzíñamui comeci jíitaina izói, afémie cue canóllodo, ñue móonaitadifuiaina omoi llófueiticue.

<sup>4</sup> Daí birui ómoimo llófueacadicueza, mei nanóidifuiaina uáitajano oni jíáifodo féiraitimíai íaioi illafue nano ñue íinogafuena jaca méidonide; mei afe ñúefuena nai náfueñediaoiza. ¡Mai, abí omoi rairuiri! Afe daítadimaci naui dáaruina Juzíñamui llófuegamaci izóidiaioi; uia Juzíñamui dibénedo ífócina déitaganona itíaiioi. Daje izói, monamo ite Juzíñamui daina caimátallifueña facádiaioi. Iemo daje izói afémaci Juzíñamui Ñuera Joreño úcaillana jae facádiaioi. Afe llezica Juzíñamui ebírede daináuai cómena ñúetatifueña afe íaioi fácamona, ñúerana onódiaioi. Afe emódomo, Juzíñamui Jitó uire illáimana illirui llezica, femo ite comini cáimadolle ríinodo jae bimaci canócaiaioi. Jae nana bie núefuiaina fibídiaioi. Mei íadi afe mei Juzíñamui ífuiaina móonaitaioiñeno, aféfuiaiana íaioi uáitaiadi ñúefuena méidofinidinona jáidiaioi; mei daí afémaci íllamona Juzíñamui Jitona cruzmo fatátatimaci illa izói afémaci dani itíaiioiza. Ua nairai uíecori íena jífanodoia izói íena meáidaitadiaioi. <sup>7</sup> Bie izoide comini comue jacafai aiñena izoide. Juzíñamui bíitaga noci naga éniemo diga ícaíño bíide. Iemona afe éniemona ñue ria aite, afe éniemo tájjidino güíllena. Aféniena Juzíñamui ézicite. <sup>8</sup> Íadi jíáinomo noci bíilla mei, daa figóñede éegíai ailla, naa zaie diga. Afe izóidinie ráifíñedeza; nibai íanori íllamona Juzíñamui fáidoite. Íirainomo afénie jobáillamo dúide, naa afénomo zicódinuairi mei figóñedeza.

Cai úñoigafue caina riire nabaide cai íinogafue féíñellena

<sup>9</sup> Mei íadi cue izíruiga ámatiaidiomoi. Jae cue lloga faidórafue baímo jamánomo ñúefuiái dibénemo jaináidiomoi. Ua omoi jíllonafuemona comuide cáimaduafuiái mainófirediomoiza. Aféfuena ñue onódicue. <sup>10</sup> Juzíñamui comécina jaícina jóidimie. Iemona nana íena omoi izíruillamona omoi fínoca Juzíñamui comini cánua ráaniaina, afémie féitañede. Daje izói aféfuiaimo nai birui jíeruitiomoi. Ua Juzíñamui jaináidinona izíruillano, ñue afémacina riire canófirediomoi. <sup>11</sup> Ie mei birui afe izire omoi nícidua izói, daje izói ómoimona illa dígamierena Juzíñamuimo ocúriri daidicue. Iemona



omoi únogafuiai jeire ómoína otátaacadícue, omoi úiñoigafue táinomo fáifñeillena, mei jiáifodo ñue jaícina omoi fuitállena. Afemo ómoína nágarui izire comécíiri daidícue. <sup>12</sup> Daí izire omoi comécíioillamona ráiraiedino illa izói ñneitíomoiza. Mei omoi ñue comécíioillamona, jiáifodo daade Juzíñamui lloga ua caimare illafue díbenemo itino illa izói ítiímoiza. Afémaci íaíoi únogafuedo íaíoi abina ñue finóinafuenta Juzíñamuimona otíaiíoi. Ua comeci járitaiñeno are illa ícoímo Juzíñamui uícodo íaíoi lloga ñuefuenta maiñóroidiaíoi. Íaíoi illáfue moí omoi comécíiri, íaíoi illa izói omoi íllena.

<sup>13</sup> Mei jii, Juzíñamui iere ínofiregamíe. Jaíai Abraham illáruimo Juzíñamui uafue uai Abrahamo llote. “Aillo comini jebuítaitio” jaíai uícodo íemo llote. Llua llezica uafue daííllena Juzíñamui dama ie mámeicina líínote, aféfuena Abraham ñue ínollena. Ua Juzíñamui dama ie mámeicina líínote, mei jíáie baímo jamánomoidímiena íñédeza. <sup>14</sup> Daí Juzíñamui Abrahamo daíde: “Uafue iere ona ñue caimátaitaitícue. Jae cue o jítoíretallemona, o erófene ígímána jamánomo iere jebuítaitícue,” daíde. <sup>15</sup> Iemona Abraham comeci ráire járitaiñeno, díga fimona áfemo úiñoíde. Daí ie ocuírina mei, afe Juzíñamui lloga caimare ie nairai jebuíllifuenta Abraham ñue maiñódeza. <sup>16</sup> Bíníe comini cígímóna dáamie uáfuenta daíacana llezica, afémíe baímo ríredímie mámeído uafue daíítate. Daí lloga uaina buna oni caítáíñede. Nana dani íaíoi júfidogana záítate. <sup>17</sup> Daje izói Juzíñamui ie lloga finóllífue, jíáie ñue rírede uaido, aféfuena iere uafue daíde. Afémíe daí daídeza, mei ie uícodo lloga ñuefuenta máínoítinomo, afefue ua jiáifodo méidonídina jino íaíoi uáfodo llóíacadeza. <sup>18</sup> Daí Juzíñamui mena caítáíñede uáílláido íaíoi lloté. Afe ménacaiño ie dáina díbenemo Juzíñamui táinóna llónide. Afémíe daí daíde, áfemona caí comécína ñue íocíretallena. Iemona caímo ie lloga ñue caí jíllonafuemo fáicanocaiñeno ínofíredícaí. Mei jii, caí jíllotaráima Jesucrístomo jarire jaíllano caína ie úiñotaga comeci íaífue dóllena ráire íemo jícáícaí, caímo íte fíenídífue íba óñeíllena. <sup>19</sup> Afémíe caí jíllotallena caimare úiñoídicaí. Iemona afémíe caína daínáuai caí comeci nífuenina ñue mozíotade. Ua caí úiñoigafue caína ríire nabaíde caí únogafuiai féíñellena. Daí comeci docáíñeno ñue ríire nabáítaga jacírúíñedinodícaí. Mei caí jíllotaíte caí úiñoogamíe Jesús, caífo monamo Juzíñamui nahí ie íránomo íteza. <sup>20</sup> Afe Jesús, caí jáíllío ífódmíena afénomo jae jaíde. Daí íllamona afémíe jae comínido Juzíñamuímo zííñona úríttíllamána jaíde. Ua, jaíai Juzíñamuímo úríraíma Melquisedec izóínado, Jesús jaca nínomo caído úríte.

## 7

*Jesús, jaíai Melquisedec illa izói comínido Juzíñamuímo úríraíma*

<sup>1</sup> Afe Melquisedec Salem jofue ílláima. Afe llezica afémíe comini díbéfodo jamánomíde daade Juzíñamuímo úrífíredímie. Jaíai illáruimo Abraham jíáie aféníemo íte íllánina anáfenuaíde. Íaíoi anáfenuano Abraham meíne bítemo, afe Melquisedec ío anamo Abrahamo dúcízaíde. Dúcíllano Melquisedec, Abraham abí ñue finóllena Juzíñamuímo jícaí. <sup>2</sup> Afe llezica Abraham nana ie baíroca ínuera ráaniámóna, Juzíñamui íena eneno mameca ráaniáina, Melquisedécimo raíñóñeno ía íecade. Melquisedec nanoíde dáina mámecí “Comécína jaícínadílláima” fueñe daííacade. Íe mei afémíe nane jíáíci ote: “Salem ílláima.” Afeci “Comini comécína caimare uáí ítatílláima,” daííacade. <sup>3</sup> Afe Melquisedec moo mámecí jaca onónide, naa íe íe mámecí díga. Daje izói íe emódoídígíma jíáí óñoñega. Daje izói afémíe jocóinarui óñoñega, íe tííllarui díga. Iemona afémíena comíni “Zííñona ítímíe” daíde. Afe Melquisedec comíni cígírí ílláfuedo Juzíñamui Jító zííñona caí díbéfodo úríraímana ílláfuenta caína fídítate.

<sup>4</sup> Maí bífue moí omoi comécíiri, Melquisedécimo íte jamánomídfuena omoi onóíllena. Ua Melquisedec, caí nanoíde jáíairagíma Abraham baímo jamánomídmíe. Mei Abraham íe baíroca ráamóna Melquisedécimo íecádeza.

Abraham enaíze Jacob doce dígade jítoírede. Íemo afe jítoníai cígímóna Leví comúídeza. Afémíe comíni díbéfodo Juzíñamuímo úríllena Juzíñamui nízedá ogámíe. Íe jíra nana

judíuái Juzíñamuimo úriraini Leví úicoidígimamona comútagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jíáie judíuái nairai imácimona Juzíñamuimo dúide ráaniaina órediomoí,” daide. Ua Leví náiraimo íbarede, nana jíáie Israel nairai daa Abrahámona comuídino íadi. Ie jira Leví comíni nana afe Juzíñamuimo dúide ráaniaina líínofirediaioi. <sup>6</sup> Mei íadi afe Melquisedec, Leví nairai izíe íeñede. Mei íadi afémie áfena líínoñeniadi afe Melquisedec, Leví emódooidígima Abrahámona Juzíñamuimo dúide ráaniaina uáfueña líínote. Iemona Melquisedec Leví baimo jamánomoidímieza onódicai.

Afe ráaniai ie líínua llezica, Melquisedec Abrahamo úrite. Abraham Juzíñamui íemo ñue finóllífue, uieécodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. <sup>7</sup> ¿Níbémie mei jamánomoidímiena? ¿Ezicitímie mei níbai ézicígamié? Ua, ézicitímie baimo jamánomoina. Afefue buna jáanoñega. <sup>8</sup> Nane jíáífue llóitícue. Cai cígimona eneno nizeca Leví comíni, Juzíñamui íena nano mameca ráaniaina líínofiredino. Mei íadi afémaci fia comíniza tíífirediaioi. Mei jíáífodo afe jíáie líínotímie Melquisedécina mámecciredímie Juzíñamui Cuegáuai daina izóí, tííñeno caade izóidímie. Ie jira Melquisedec jamánomo báimoidímie. Leví imaci nai Melquisedec jofófeneidino. <sup>9</sup> Iemo jíáífue Levído daírede. Leví Abraham erófene ígima. Mei íadi afe Juzíñamui íena eneno mameca raana líínofiredímie jaiái uécodo Melquisedécimo ie uzuma Abrahamdo Juzíñamuimo dúide raana íbade. Daí Leví comíni, jaiái uieécodo Juzíñamuimo dúide raana Melquisedécimo íbádiaioi. <sup>10</sup> Mei Leví nai jocóñena llezica ie comúllino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo íte. <sup>11</sup> Israel náiraimona eneno nizecázíe Leví comíni. Aféziemona nizeca nanoide Juzíñamuimo úriraima Aarón. Afémie naa ie erófene ígímairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáíllaina llogáiaioi. Mei íadi nana afe Juzíñamuimo úriraini finócafuiái comíni ua zííñona jíllóillena figo jínoíñede. Comíni comécina Juzíñamui jítaina izóí nahí jáicína jóoítañede. Aarón naa ie erófene ígímairi finócafuiái figo jínoñena jira, jíáie afémie izóíñede baimo jamánomoidímiena jítaídicaí, afémaci méífomo jóonellena. Ua Melquisedec zííñona illa izóidímiena jítaídicaí. (Ie jira afe Aarón comíni meífo méidoitímiena Juzíñamui jae jino náiraimo cíotate. Afémie mámeccíe Jesucristo. Ua Aarón comíni méífomo jóonegamie Melquisedec izóidímie Jesús; afémie Aarón dibéfomo jáináíñede.) <sup>12</sup> Jae afe jaiái uícomo íte Juzíñamuimo úriraini nana dáanomo jíáiena íaioi méidua llezica, afe Moisés íaioimo ocuica uaíllai daje izóí jíáífodo méidorede. <sup>13</sup> Juzíñamui Cuegáuai daí daínámie cai Ocuíraima Jesucristo. Afe como jóonega Juzíñamuimo caído úriraima Jesús, Leví nairai ímieñede. Jáízíemona comuídímie. Ie nairai ímíiaina jaca nizeñega, Juzíñamuimo comínido úrillena. Ua comíni fia fecaca tóica rílleniai naa ráaniai díga Juzíñamuimo izájíllena, nízeñegaiaioi. <sup>14</sup> Ñue onóígaza cai Ocuíraima Jesús Judá náiraimona comuídímie. Moisés afe náiraimo Juzíñamuimo úrirainina íllena, jaca lloñede.

<sup>15</sup> Afe jíáie como jóonega comínido Juzíñamuimo úriraima Jesús, jino cíóíllamona, bífuiaina jino uáfodo baimo onódicai; mei dama afémie Melquisedec izóinaza. <sup>16</sup> Bímie dama íe ñue zííñona ífrenamona comínido Juzíñamuimo úriraimana jaiide. Mei jíáífodo Leví náiraimona jaiái nizeca Juzíñamuimo úriraini ocuica uai daínado úrirainina jáidiaioi. Afe uai níie náiraimona nizeíllena lloite. <sup>17</sup> Mei íadi como jóonegamie Jesuna Juzíñamui ñue rírede nabáitaja uaido daide:

“Melquisedec izóí jaca nínomo Juzíñamuimo comínido zííñona úriraimana ja birui ítíoza,” daide.

<sup>18</sup> Iemona afe uécodo íte ocuica uai jae oni caitaca, mei afe uai rííndeza. Iemo jíái, aféuai comíni comeci nahí duáfueña figo jínotanideza. <sup>19</sup> Afe Moisés ocuica uai buna comécina nahí jáicína finóñede. Mei jíáífodo jíáie aféuai baimo, ñuera cai jíllotaíte úínoigamie

Jesucristo jae caïmo cïotaga. Afémiedo Juzíñamuïmo áinozifiredicai, uáfodo Juzíñamuïmo cai úrillena.

<sup>20</sup> Afe Jesucristo Juzíñamui riire nabáirede uaido jónega. <sup>21</sup> Ie uícodo Juzíñamuïmo úrirainina jáidino, riirede uaido jóneñegaiaioi. Mei íadi Jesús comínido Juzíñamuïmo úriraimana jáïllaruïmo, Juzíñamui riire nabaica uaido ja daí mameca. Mei Juzíñamui ie Cuegáuaimo Jesudo úrite, daïde:

“Cue Juzíñamuidicue. Bifue riire cue nabaica uaido daidicue. Cue comeci faca uai jaca jáíuaina méidoñeiticue.

O zíñona comínido Juzíñamuïmo úriraimana itio;  
Ua Melquisedec izóidimiedio,” daïde.

<sup>22</sup> Ie jira Jesucristo, Juzíñamui jamánomo ñuera caïmo comue finóllifue caina ñue onótate. Ua Jesucristo aféfuemo iere uafue daïde. Afe finóllifue Moisés lloga nanoide finóllifue baïmo ñuera. <sup>23</sup> Jesucristo uícoidiruïllaïmo ite Leví náiraïmona nizeca Juzíñamuïmo úriraini ua aillo ite; mei íaioi tícoizifirenamona jaca jáíamiena méidofregaiaioi. <sup>24</sup> Mei íadi Jesús cai dibéfodo Juzíñamuïmo úrillana, jaca jáíamiena méidonide; mei afémie jaca ninomo zíñona itímieza. <sup>25</sup> Iemona Jesús nana íedo Juzíñamuïmo úrizabitinona, jaca ninomo jáícina ñue jíllotarede, mei afe Jesús, íaioiri Juzíñamuïmo zíñona úriraimana ñlaza.

<sup>26</sup> Ua, afémie izoide Juzíñamuïmo comínido úritillaïmana jaii ninómona jitáidicai. Ñue cai jíllloillifue afémie caïmo ñue zúitaitimie, mei afémie nahí ñuera nífuenidimieza. Afe llezica afémie nana fiénidimaci íaïfuemona oni eneno rairuícamié. Ie mei afémie mona ero úcuai illa caïfomo, Juzíñamui nahí illánomo uigámie. <sup>27</sup> Jaii uómo ite Juzíñamuïmo úritillaïni nágaruillaïdo tóica rílleniaina fatá Juzíñamuïmo izájifrediaioi. Nano fueñe dani íaioïmo ite íaïfue ícoïnïa áfeniaina izájidiaioi. Afe mei comínimo ite íaïfue ícoïnïa áfeniaina izájifrediaioi. Mei íadi Jesús afe izóí fñuana jitáñede. Afémie dácaïño nana comini íaïfue ícoïnïa dama ie abi Juzíñamuïmo fecade. Ua cruzmo ie duere zefuida tíllado abi fecade.

<sup>28</sup> Afe Cristo uíécodo lloga ocuñlafuedo llotino, jáíe jamai figo nahí jáícina finótañede comínimona Juzíñamuïmo úritillaïnina mamédiaioi. Mei jáífodo, afémaci méifomo jónega úritillaïma Jesucristo, Juzíñamui ñue riire nabaica uaido jónega. Afémie jaca ninomo nahí jáícinaïtaga Juzíñamui Jitó.

## 8

*Juzíñamui caïmo cómuena finóllifue, Jesús caïmo jino denódimie*

<sup>1</sup> Nana cai daináfuaïmona llógana bie ñue nahífuena ómoïmo llóiticue: Como lloga caïmo ñue jóobide caïdo Juzíñamuïmo úriraima birui ja caïmo ite. Afémie caïfo monamo ite Juzíñamui nabézimo ráinazaïde. <sup>2</sup> Dinomo Juzíñamui nahí illánomo Jesús ñlmona, jamánomo ñuera Juzíñamui uíécomo Jesús caïdo úricabite, cai jíllloillifue ñue caïmo zúïllena. Afe Juzíñamuïmo cai nahí ánozirano comini fñoñega. Jaii bñiemo ite Juzíñamuïmo ánoziraco comini niga. <sup>3</sup> Naga Juzíñamuïmo úritillaïma, fia iga ráaniai, tóica rílleniái diga Juzíñamuïmo fecáfíreitimiïna mameca. Ie jira cai dibéfodo Juzíñamuïmo úriraima Jesús, daje izóí dama ie fécajille raa jitáirede. <sup>4</sup> Bñiemo afémie nibai abido ie bia, afémie caïdo Juzíñamuïmo due jiza úriraimañeite, mei Moisés ocuícuaï daïna izóí Juzíñamuïmo caïdo úriraini bñiemo nai íteza. Daje izóí bimaci nai benó Juzíñamuïmo fia fecaca raana íemo izájifrediaioïza. (Ie jira caïdo ziiño úriraima Jesús, caïfo monamo Juzíñamuïmo cai ie canóllido úricabite.) <sup>5</sup> Bñiemo ite Juzíñamuïmo úriraini aillo ráfuiaïdo nícidotiaioi. Nana íaioi nícidogafuaï jánana mameide. Íaioi finócafuaï caïfo monamo ite Juzíñamui nahífuiaïna caina fidítate. Daje izóí bñiemo ite jaii Juzíñamuïmo ánoziraco, Juzíñamui nahífuena cai fidítaraco. Afena onódicaïza, mei Moisés afeco nitátaacanaruïmo, Juzíñamui íena daïde:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

<sup>6</sup>Mei íadi bñiemo ite Juzíñamuimo úriraini nícidogafue iere afe baimo, cai caifo monamo ite úritillaíma Jesús caído jamánomo ñúefuena nícidote. Mei jii, afe Jesucristo caimo zuitaca Juzíñamui ñuera cairi comue finóllifue, jaiái Moisés lloga finóllifue baimo ñuera. Mei Moisés ocuica uai baimo, Juzíñamui uícodo lloga cómfue jamánomo ñuera uáimona comuídeza. <sup>7</sup>Afe Moisés lloga nanoide finóllifue, comini jilloillena ñue jinoiadi, jiáie uire iite ñue finolle uai jítaiñeitiaioi. Mei íadi afe naonide uai íaioi jilloillena figo jñoñede.

<sup>8</sup>Afe nano ocuica uai jeire otino nahí jaícinaidifue mo figo dúciñediaioi. Dúciñediaioimona, Juzíñamui ie Cuegáuaimo íaioina daide:

“Uire jiáiruido nana Israel náiraímo comue ñue cue finóllifue ócuticue, naa Judá náiraíri.

<sup>9</sup>Jaiái íaioi uzútiáimo cue daina ocuica uai izói, ócuiñeíticue.

Jaiái aféruillaído Egipto éniemona afémaci billa llezica íaioina ífódicue:

Ua afémacina izire úicaidicue.

Mei íadi cue lloga ocuica uaina nano íanori fáicanocaillano, áfena figo náfuñediaioi.

Afe jira íaioina zóofeticue,” Juzíñamui daide.

<sup>10</sup>Nai nane íaioina lluno Juzíñamui daide:

“Ufretiruillaído Israel imácimo bie izói cue ñue comue finóllifue ócuticue.

Aféruillaído cue ocuica uáillaina íaioi ífócimo jaícina déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máñoititue.

Afe llezica íaioi nahí Juzíñamuina íititue.

Iemo cue náiraina íitíai.

<sup>11</sup>Aféruillaído nana afémaci uáfodo ñue cuena ónodiaioiza, cuena íaioi onóillena abí diné jiáima llónide.

Iemona ie abí ímíaimo buna Juzíñamuina onótanide. Daje izói dámie ie ámamo Juzíñamuina onóillena llóñeite; mei nana cuena ónodiaioiza.

Naga jamáimie, íemo jiái naga jamánomoide riiredillaíma, nana daje izói cuena ónoitiaioi.

<sup>12</sup>Nana íaioimo cue dúecaillamona íaioi fiñi finócafuiái ibana óñeíticue.

Nana íaioi comeci íaífuaiaina jaca nñonomo féitaiticue.

Aféfuaiaina úibiñoñeíticue,” dinó Juzíñamui daide.

<sup>13</sup>Bie méifodo lloga Juzíñamui finóllifue, cómfuena méidumona, afe uícodo Moisés lloga finóllifue jae jaiáza feide. Afena Juzíñamui daíí uáfodo llote. Iemo naga jaiái raa zabízaillamona raire oni dotánocaiga; oni dotánocailleza cíóñelle.

## 9

Bñiemo ite Juzíñamuimo áinozirano, jana izói jiáie monamo ite Juzíñamuimo áinozirano cai fidítate

<sup>1</sup>Afe nauí nana lloga finóllifue llua llezica, Juzíñamui íemo áinoziraco nitátate. Afe nitátaja dáaruido, comini Juzíñamuina ióbitalle uailái afémacimo daje izói lloga. <sup>2</sup>Afe lloga Juzíñamuimo áinoziraco Moisés nitátaga. Afeco ere niñeno jédaciede iníroina íbaícaco. Afe áreco ero ménaco titaca. Jinóidico Juzíñamui Núeco daina. Afeco eromo áillue mechera izoide egáñora ite. Siete díga dájemona boode raa ite. Dáanomo Juzíñamui díbenemo oni enénorie rairuica pan jóonerabani ite, naa afe páaniairi. <sup>3</sup>Afe áinoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona íbaica. Jédaciede jígaroi izóidena fetaca. <sup>4</sup>Afe fetaca jédaciroi abimo uguci jobáirabani ite. Bibani llíaide órona jinófene aífítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aífítaga. Afe éenoraco eromo Juzíñamui nofici íbícimo cuega ocuica uailái ite. Ie jira afeco nofíbícimo cuega Juzíñamui cai ocuilla éenuacona mameina. Iemo afénomo daa oro finoina nogo ite. Afégomo ite Juzíñamui monámona cocítaga güille. Afe güille mámece maná. Daa afe éenoracomo Aarón jigüida izoide radozi ite. Afe idozi jamai jazici radozi ónaza

dúididozi. (Zícorede juzítofe izóiñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate. <sup>5</sup> Afe éenoraco ibáirabici emódomo mena oro finoia Juzíñamui abi imácina eroide jana naidáide. Mei íadi afe íaillinoi íaicorede. (Afe íaillinoi mámece ráimona “Querubines.”) Afe íaillinoi conima uiécomo eróidiaillinoi. Íaillinoi naidaina cígimo Juzíñamui cíocafírede. Afe Juzíñamuina cíóñenaza; dama ie abi egáñuana cíóñirena. Afénomo faga tóñiai díena recuífírediaioi. Daí recuífírediaioi, Juzíñamui meine abido comínimo dúecaillano, íaioimo ite fiénidífue iba íaioimo óñeillena, ua afe ícoinia íaioina duere fñoñeillena. Nana afe dibénemo ite duera nícidogafuaina ja birui benomo llónide.

<sup>6</sup> Afe ocuica ánozíraco nilla mei, íemo naa ie jofo ero ráaniairi fñua mei, comínido Juzíñamuimo úriraini jinóidicomo jáifírediaioi. Afénomo íaioimo ocuica comínido Juzíñamui íóbítalle ráaniai finófírediaioi. <sup>7</sup> Mei íadi afe jofóidicomo, dama Juzíñamuimo úritillaima jáifírena. Aféllaima naga fimónaiaido dácaíño afeco jofo eromo jáirede. Faga tóñiai díena jaca jofo úifírede. Dama íemo ite onóñeno finoca fiénidífue ícoinia daí díena Juzíñamuimo izájide. Ie mei nane nana comíni íaífue ícoinia jíáie díena Juzíñamuimo izájide. <sup>8</sup> Bífuaído Juzíñamui Ñuera Joreño daa jíáifuena cai fidítaiacade. Afefue daide: “Baie jinóidico nai illa llezica, jofóidicomo jiba comíni jaille nai rairuírede. Ua aféruillaído jofo dama Juzíñamui illánomo jáinidiaioi. <sup>9</sup> Nana bie Moisés illágimado nícidogafuiai birui cai onóillena canode. Ua comínimo ácatafírega raa izoide, aféruído Juzíñamuimo ánozillena nigaco, naa afe eromo íaioi nícidogafuiai, ñue jáicína caina onótate. Birúllaído judúai aillo faga tóñiai jíáie fia fecaca raa diga, Juzíñamuimo nai izájifírediaioi. Mei íadi afe bíedo íaioi comeci Juzíñamuimo ñue jáicína jóitanide, mei íaioi comécimo ite fiénidífuii nai féitañegaza, fia ibaica izói íteza. <sup>10</sup> Nana afe íaioi nícidogafuiai fia jinófene ífuii. Ñie izói íítiaioi daide. Dárie íaioi güille, jirole diga fímaírillafueño úrite. Afe izói fia emódoide múíñuafueño úrite. Nana bífuii fia nano nie díno comínimo ocuica, mei Juzíñamui jíáifuena méidollíruimo nai dúcíñedeza. Ie jira aféfuiai daa aféruillai íena ráífide.

<sup>11</sup> Mei íadi caído Juzíñamuimo úrifíreitillaimo Jesucristo, jae caimo dúcide. Afémiedo ñuera cáimafuiai caimo zúide, mei ua nahí Juzíñamuimo ánozíracomó afémie jáinaídeza. Afe jáiai bñiemo ite comíni niga Juzíñamuimo ánozíraco jaboide. Afécomona cai íóbíllafue baimo, Jesucristo jamánomo ñuera jllonafue, caífo monámona ana caimo zúítaibite. Afémie afe nahí Juzíñamuimo ánozíracomó dúide; afeco bñie comíni nñega. Dama ie nahico monamo ite. <sup>12</sup> Nana comíni íena, dácaíño afeco eromo ite jofóidicomo afémie jaide. Ie jaiilla llezica chivo die, juráreto jiza die diga uíñede; mei jíáifodo dama ie die uite. Mei jíi, afémie íaífuenidimíena íllamona, cruzmo cai ífomo tíllano, ie die tótado zíñona cai jllonafue ote. <sup>13</sup> Jáiai Moisés daína izói, íaicaíllamie íemo ite íaífue bie izói múiñórede. Múíñoñegamie Juzíñamuimo dúide comíni cígido macánide. Daje izói afémie Juzíñamuimo nabáirinide. Ie jira faga tóñiai die atírede. Iemo jíáie Juzíñamuimo mameca juráreto jiza jobailla afe jízechoma atírede. Ie mei afe íaicaíllamiemo aféchoma júdairede. Iemona afémie íaicaíñegamíena jaide. Mei jínofena múiñócaza. Ja Juzíñamui comínimo meine abido caímare úrerede. <sup>14</sup> Mei jíi, Juzíñamui dánamona afe tóñiai die rírede, come jinóidífueño múiñóllena. Afefue daítania, ua onódicaíza. Mei Jesucristo die jamánomo rírede. Ua dama afémie ñue nífuenidimíenado Juzíñamuimo ie abi dama izáibite. Afe zíño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaífuiaina múiñótate. Ua nana cai jáiáimona nícidogafuiai caina zíñona cáatañede. Mei íadi Jesucristo díedo cai comeci múíñua mei, ua zíñona cáatagacai, afe jaca nahí caade Juzíñamui ocuícáno ráiruíñeno cai jetállena.

<sup>15</sup> Ie jira Jesucristo jae Juzíñamui comue finóllífue caimo jino zúítaitimie. Afémiedo nana Juzíñamui nízcáno uafue uómo lloga zíñona cáimaduafuena maíñórtiaioi. Juzíñamui

daí nana comini jilloillifue uécodo mamede, mei dama Cristo tíllado comini fiénidifuiuai Juzíñamui dote. Ua jaii uécodo lloga nanoide finóllifue illa llezica, nana aféruimo afémaci fiéni finócafuiai ja birui Cristo tílla jírari, Juzíñamui dote; duano, nana femo ínotinona jíllotate. Daí Juzíñamuimo zíñona caimare nabáirillafue maiñódiaioi. <sup>16-17</sup> Afe maiñórrillafue, come tílla méifomo ítifue izoide. Dámie tíadi ie fiébide feci raa jíámie oni líinoga. Afémie nai tíñenia, feci raa oni líinoitimie minica raana nai líinonide. Ie jira oni líinoitimie femo dúide raa maiñóllena, afe raa naama tílla jíáirede. Daje izói Juzíñamuimo caimare nabáirillafue cai maiñóllena, Cristo tílla jíáirede. <sup>18</sup> Afe jira jaii uécodo lloga Juzíñamui ñue finóllifue tániaruimo díena recuíñorediaioi. <sup>19</sup> Moisés nana afe ocuica uailai nana comínimo jino llua mei, afe uailai cuiábicimo faga tóniai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daína raroci líinote. Líinuano, afécimo jáirede oveja itíraini maite. Iemo jáinoia jaiuca díedo afe rarócina ráitate. Ríaitano, ocuilla uai cuiábici naa comíniri díena cuirínote. <sup>20</sup> Cuirínua llezica Moisés daide: “Juzíñamui ómoiena ocuica ie finóllifue bie die uafue daíftate,” daide. <sup>21</sup> Daje izói aféruillaido Moisés íaioi iniroi finoia Juzíñamuimo ánoziracomo díena cuirínote. Daje izói nana afeco eromo ite Juzíñamui íóbifirena raamo díena cuirínote. <sup>22</sup> Ua, Moisés ocuica uai daína izói jamánomo diga raa, díedo Juzíñamui dibénemo dua izói ñue finoca. Iemona die tótañegana comini comeci íaifuiuai íba jaca órede.

*Cristo dama ie abi* Juzíñamuimo izájille comini fiénidifuiaina muiñode

<sup>23</sup> Afe comini niga Juzíñamuimo ánoziraco Juzíñamui ocuice, naa afeco eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuaiaina jánana cai ciona izói caina onótate. Nana biniemo ite afeco ero ráaniai Juzíñamui illánomo nahí itífuiai jana. Ie jira biniemo ite ráaniai dibénemo figora Juzíñamui daíllena, bie die recuille jíáirede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájífirille raa jíáirede, afémacina Juzíñamui iere figora daíllena. Ua tóniai die baimo Jesucristo jamánomo ñuera die jíáirede. <sup>24</sup> Iemona Cristo tílla llezica, afe Cristo biniemo ite comini niga Juzíñamuimo ánoziracomo eromo jofo jáíñede. Afe bico fia nahico jana. Mei jáíifodo Cristo, Juzíñamui nahí illánomo caido úrillena jae cíocaizaide. <sup>25</sup> Afénomo Cristo dama ie abina, diga icaíño meine nane izájíñede. Mei íadi biniemo ite Juzíñamuimo comínido úritillaima, naga fimónado faga tóniai die uillano, afe Juzíñamuimo jáiraco jofoide iere ñuera rairuiredicomo jaide. <sup>26</sup> Afémaci jáifirena izói Cristo jáifiredena figóñede. Mei nibai afémie daí diga icaíño jáiadi, femo énie fínuaruimona afémie afe izói diga icaíño meine abido tírede; mei íadi afe izóiñedeza. Afémie cai illáruillaido jaii lloga Juzíñamui finóllifue fuilla llezica, dácaíño fia cómena íficaillano caimo cíocaizaibite. Ua afémie biniemo cai jíainona ie tíizaibillado, nana caimo ite fiénidifuiuai niné féillena oni dote. <sup>27</sup> Ja onóigaza, naga come biniemo dácaíño tíide. Tílla mei, íaioi illafue Juzíñamui jáicina jícanoite. Aféfuena daje izói ñue onódicai. <sup>28</sup> Daje izói Jesucristo, comini fiénidifuiuai oni dóllena dácaíño tíizaibite. Ie mei uire jíáiruideo afémie fiénidifuiaina duáibiñeite; mei jaii ie dógaza. Mei íadi afémie uafue meine dánomo cíocaizaibite, nana íena izire úínoidinona jíllotano monamo ie illánomo úllena.

## 10

<sup>1</sup> Mei jaii Moisés ocuica uai naa ie lloga nícduari, íco nirui bite caimare illífuiai jana. Afe ie lloga jáiaifue nahífuñede. Moisés bie íco zúitífuie cai onóillena jana uécodo llote. Iemona naga fimónaiaido faga tóniaina íaioi úifirena, íaioi comécina figo jáicina jóitañede. Mei uáfuenta, afe faga tóniai íaioi úifirena Juzíñamuimo ánozidino nahí íaifuenidinona jáitañedeza. <sup>2</sup> Mei daí uafue íaifuenidinona íaioi jáiadi, nibai afe

tóiniaina izájfirenana fáicanocaidiaioi; mei jiáfodo fáicanocaiñediaioi, nai comécina jaícina jóoneñegaiaioiza. Daje izói áfedo Juzíñamuimo ánozidino comécina íaifuenta nahí nífuenidinona jáiadi, nibai jae íaioi fiénidifue izire íaioimo iñede. Mei íadi íaioi fiénidifue jaca izire íaioimo ite. Iemona onódicai, tóiniaí fecáfirena íaifuenta figo doñede. <sup>3</sup>Mei íadi afe fatá Juzíñamuimo izájitaga tóiniaina cionamona, comini íaioi fiénidifue naga fimónaiaido úbicaitagaiaioi. <sup>4</sup>Mei jii, juráretuai, chívuai die diga, jaca come fiénidifuaí dónide. Mei áfemo ua dolle ríino iñédeza. <sup>5</sup>Ie jira Jesucristo bíniemo bícana llezica ie Moo Juzíñamuina daide:

Omo fia fecaca faga tóiniaina gáñedioza, comínina iere figura o daiíllena. Mei jiáfodo énie cómena ja cuena jécitaitio.

Afemona cue tílledo íaioina óiena nífuenidinona jáitaiticue.

<sup>6</sup>Ua comini íaifue ícoinia jobaica tóiniaí ja birui ona ióbitañede.

<sup>7</sup>Ie jira cuegánico cuedo úrilla izói birui ona daidicue:

“Moo Juzíñamui benó bíniemo o comeci jitáillafue fínuaibiticue,” daide.

<sup>8</sup>Nano fueñe afémie daide, nana afe Juzíñamuimo fia fecaca tóiniaí, íaifue ícoinia jobaica tóiniaí diga Juzíñamui comécina zuitáñede. Ua íena ióbitañede, nana afe nícidogafue jaiái ocuilla uai daína íadi. <sup>9</sup>Afe emódomo Jesús daide: “Moo Juzíñamui, ja o comeci jitáillafue birui benomo fínuaibiticue.” Daí Juzíñamui nana afe jaiái ocuica nícidogafuina zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena. <sup>10</sup>Daí Jesucristo, ie Moo Juzíñamui comeci jítainafue izói finode. Daí ie fínua mona jae dama Juzíñamui nabaina ñue finócamacina jáidicai. Mei jii, Jesucristo dácaño jaícina nana cai fiénidifue oni eneno féitate. Mei ninomo féiñeítana cruzmo dama ie abi Juzíñamuimo izájideza.

<sup>11</sup>Naga judío Juzíñamuimo comínido úrraíma nágaruillaído naidáillano daje izói faga tóiniaina Juzíñamuimo izájifrede; mei íadi afe ríllado comini íaifuaí dónide. <sup>12</sup>Mei jiáfodo Jesucristo dácaño comini fiénidifue ícoinia duere zefuida, tízaibite, afe izói dáanomo íñeillena. Ie tílla mei meine abido cáaillano caifo monamo Juzíñamui nabézimo ráinazaide, nana comini íaifue múñuana fuilla jira. <sup>13</sup>Dinomo, nana ie fairíconi ie anamo íaioi itábicaillena afémie úñoide. <sup>14</sup>Mei jii, Jesucristo, dácaño ie Moo Juzíñamuimo ie abina izájide. Afe izájillafuedo, ñi cruzmo ie tíllamona, nana caina ie nabaina ñue finode. Jae nana cai comeci íaifuenta ñue múñuano jaca ninomo caimo caimare érocaide. <sup>15</sup>Aféfueemo Juzíñamui Ñuera Joreño uaina nabáide, iere uafue cai daiíllena. Ñuera Joreño Cuegáuimo daide:

<sup>16</sup>Juzíñamui daide: “Uire jiáruillaído cue comínimo bie izói jiáie como cue finóllifue llóiticue, naa jiáie cuemo ínotinori.

Aféruillaído cue ocuica uáillana íaioi comécimo jaícina onótaiticue.

Ua afe uaillai íaioi ífócimo ñue jino denótaiticue,” daide.

<sup>17</sup>Ie mei nane emódomo daide:

“Nana íaioi fieni finócafuaí ibana otáñañeiticue.

Daí oñena llezica, íaioi comécimo ite íaifuaína jaca niné féitaredicue.”

Dinori Juzíñamui daide. <sup>18</sup>Nana comini fiénidifuaí daí dua mei, jiái íaifue ícoinia dóllena fatá fecaca tóiniaí jae jítañega.

*Juzíñamuimo cai ánozillena jítáirede*

<sup>19</sup>Iemona, ámatiaí, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruíñeno femo úrizairedicai; mei Jesús cairi tízaibillano caina Juzíñamuina éoitadifue oni muiñócaza. <sup>20</sup>Afémie tuiñoca io ñuera rairuiredico jédaciede íbáiraroido joide. Jira Juzíñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abi izi cácatate,

íemo cruzmo duere zefuífrede. <sup>21</sup> Iemona Jesús nana Juzíñamuimo íñnotinodo Juzíñamuimo Uritíllamana jae jaide. <sup>22</sup> Afémie ja cairi úrioinamona, mai Juzíñamuimo jacíruiñeno omoi ánoziri, mei íemo ñue cai íñnuamona jae meáiruiñedinona mamécacaiza. Ie jira jífuenide comécido, mai omoi ánoziri. Ánozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoide jocoina izói comécina muiñócaí. <sup>23</sup> Afe uáfodo jino comínimo cai lloga Juzíñamuimo caimare cai úrillafuena, mai fáicanocaiñeno afemo izire cai íñnofireilli, mei afefue caimo llotímie Jesús jaca íñnofiregamieza. <sup>24</sup> Daje llezica illa dígamierie, mai conímamo ñue cai coméciilli, conímama cai íziruillino cai jenóllena. Daje izói jíámama ñúefuíaia rairuíñeno jíeruillinona jenóredicaí. <sup>25</sup> Daje izói omoi Juzíñamuimo gairífírenafuena mai féitañeno iri. Dáarie aféfuena féitafírediaíoi. Daí illa fíenide. Mei jíáífodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai íñnogafue féiñellena.

<sup>26</sup> Juzíñamui llogafue daide: Jaca dama Jesús tíllamo cai íñnuamona jílloredicaí. Aféfuena cai ie onótaja mei, mei íadi afe uaina nai cai ruifruioiadi jae abi díne jíáie cai íaífue múinoitena íñede. <sup>27</sup> Daí ruifruioídímácimo jamánomo izire jácifue zúite, mei Juzíñamui duere íaíoi fínóllífue mo jae áinozideza. Afémie iere íaíoimo ríicailano iere boode jíáífodo joide iraimo íaíoina duere zefuítáite. Ua nana Juzíñamuina bacáuáiredinona irai amena cuarita izóidemo, Juzíñamui íaíoina dínomo zúíñona duere zefuítáite. <sup>28</sup> Moisés ocuica uaina ruifruitímiena raire titádiaíoi. Ua, mena nibai daámami uai nabáiraíni daína uáimona, íemo dúecaiñeno íena titádiaíoi. <sup>29</sup> Mei Moisés ocuica uaina ruifruitímiena daí duere fínóbiteza, Juzíñamui Jítana ruifruitímie mo jamánomo izire duere fínóllífue, afémie mo zúiteza. Afémie Jesús díena jámairuitímie. Afe tíllamo totaca díedo, afémie nauí dácaíño Juzíñamui oní eneno nízcamiéna jaide. Mei íadi Jesuna ruifruitímie caimo dúecafírede Ñuera Joréñona íaire daífírediména jaide. Daí íímiena iere Juzíñamui duere fínórede. <sup>30</sup> Ja birui daí íímie fíenidífue iba ófírediména onódicai, níímie cai Moo Juzíñamuina. Afémie daide: “Afe iba ófíredimédicue. Ua nana íaífuaí íbana duere fínótáfíredimédicue,” dáideza. Jáínomo Juzíñamui Cuegáuai daide: “Juzíñamui ie comíni comeci ífuena jaícina jícanoite. Jicánuno íaíoimo dúide duere fínóllífue ócuíte,” daide. <sup>31</sup> Daí íe úrillana cai onónamona, caade Juzíñamuimo duere fínóllena ízájina jamánomo jacírede.

<sup>32</sup> Mei íadi nauí íanori omoi illáfue mo uibóiri. Aféruimo ñúefuena omoi onona mei, aillo duere zefuídíomoi, mei íadi aféruimo omoi íñnogafue fáicanocaiñeno ñue ocuídíomoi. <sup>33</sup> Dáruillaido uáfóri comíni erócana báíñuno duere fínócaomoi. Jíáiruillaido daí fínócamácimo omoi nabáíllamona duere zefuítagaomoi. <sup>34</sup> Afe llezica llaveca ámatáimo dúecafíredíomoi. Afe baímo, ómoimo ite ráaniaína jíámaci báiruana caimare rairuíñediomoi, mei onódiomoiza, bíníemo ite raa baímo, jamánomo ñuera jaca bairónide raa ómoiena monamo íteza. <sup>35</sup> Ie jira nauí izire omoi íñnoga uaina mai birui omoi féitañeno iri. Aféuaina ñue omoi íñnofíreiri, mei ícoimo iere ñuera jírdoga ízoide raa máínoítíomoiza. <sup>36</sup> Juzíñamui jítainafuena omoi jíeruilla llezica raire comeci járidoñeno íredíomoi. Ua, omoi íñnoga ñúefue, omoi are jaícina llocana uille mei, Juzíñamui uícodo lloga caimare jíllonafuena máínoítíomoiza. <sup>37</sup> Mei jíi Juzíñamui Cuegáuimo daide: “Ja íanori íllamona, uícodo lloga bítímie Jesucristo, jíízíñeno raire dúcizábite.

<sup>38</sup> Afémie nai bíñena llezica, níífuenidena cue mamécamié, cuemo íe íñnuado nágaruillaido caimare íe illano, cuena íóbítaite.

Mei íadi afémie afe íe íñnoga uaina meine abido féitaiadi, afémieri íobíneíticue,” díno Juzíñamui daide.

<sup>39</sup> Mei íadi meine abido féitatino díbénemo jáináíñedicai. Afémaci daí íaíoi íñnoñenamona jílloneítiaíoi. Mei jíáífodo cai bie Jesucrístomo íñnotinodicaí, daí dani cai jíllotagacai.



## 11

*Juzíñamuimo cai ĩnuafue*

<sup>1</sup> Mei ĩmĩnica ĩnuafuena? ĩnuafue Juzíñamui daina uaina jeire cai uafue. ĩnuamona cai úiĩnoga cáimafue jeire cai ollĩnona onódicai. Daje izói Juzíñamuimo ĩnuamona, ie lloga cáiena mameca ñuera raa cióñena íadi, afefue ua illana comécido ua onódicai.

<sup>2</sup> Ua, ĩnuafuedo judíuui jaiáidĩgĩmama Juzíñamuimo jaináidĩmĩai, Juzíñamui comeci jítailamacina jáidiaioi.

<sup>3</sup> Juzíñamuimo cai ĩnuamona, Juzíñamui ie úrilla uaido bĩnie ĩnuana onódicai. Daí ie ĩnuado nana bie cai ciona énie, táinomona Juzíñamui comuitate. Ua, minícana inédeza cióñena ráamona naga ráaniai comuibicaide.

<sup>4</sup> Juzíñamuimo ĩnuano Abel, Caĩn fecaca baĩmo, ñuera Juzíñamui ióbitalle raa fécaibite. Iemona Abel Juzíñamui dibénemo jácina itĩmiena jaide. Juzíñamui jíeruigamiēna jaide. Mei Juzíñamui Abel fécaibiga raa llĩnuamona, Juzíñamui comeci Abelná jítainana onódicai. Daí Juzíñamui íena jíeruillafuedo Abel jáicinaidĩfueo Juzíñamui uai nabaide. Afe Abel, jaii ućodo Juzíñamuimo ie ĩnuado ñue illáfuedo jaide. Aféfuena cai fídiamona, afémie titácamié íadi, ie ĩnogafue, úrillauai izói caĩmo úrite. “Juzíñamuimo ñue cai ĩnolli,” caĩna daide.

<sup>5</sup> Iemo Enoc Juzíñamuimo ie ĩnuado tĩĩneno caĩfo monamo uiga. Daí tĩillana ie ónoñeillena, cáanori monamo Juzíñamui uiga. Afe mei afémie bĩniemo cióñenamie, mei afémie Juzíñamui úigaza. Afémie nai úiĩnega Juzíñamui ióbitadĩmie dainámie. <sup>6</sup> Mei jĩ, Juzíñamuimo cai ĩnoñenia jaca íena ióbitanidicai. Dámie Juzíñamuimo ánoziacania, Juzíñamui nahí illánona ućodo ie ĩnolle jítáirede. Nane íemo nana izire íena onóiacadino, ñue ibana dama ie abi ífuena íaioina onótaitē. Aféfuemo ućodo daje izói ĩnorediaioi.

<sup>7</sup> Daje izói Noé, Juzíñamui lloga raire biite nai cióñena duere ĩnollĩfuena fídiano Juzíñamuimo ñue ĩnote. ĩnuano áillue jofóredicāe ĩnode, áfedo nana dama ie comĩni daĩ jĩlloillena. Noé daĩ dama Juzíñamuimo ĩnuado, nana jíáie ĩnoñede comĩnimo duere ĩnótatiuui jino íaioĩmo lloite. Afe izói Juzíñamuimo ĩnuado Juzíñamui comeci jítaina nĩfuenidĩmiena jaide.

<sup>8</sup> Afe mei jaiáidĩruimo Juzíñamui Abrahana jíĩrite, jíáie éniemo jaiánillena, áfeniēna ico jíáĩruido íeiena maiñóllena. Abraham Juzíñamuimo ĩnuamona afe jíĩrilla uaina cacáillano, raire ie illániemona oni jíáĩnomo jáizaide, ie dúciillino nai ónoñega íadi. <sup>9</sup> Abraham nai Juzíñamuimo ĩnuamona, Juzíñamui íemo fecáacaiga éniemo fia jicánemiēna diga ĩmona fia ite. Ua, ĩnroi niina úicaiĩrega jofomo aféniemo are íoide. Daje izói Abraham comuítaga jító Isaac, dinómona Jacob diga afénomo daje izoide ĩnroi nillácuaimo are itíaiillinoi naa ie comĩniri. Juzíñamui daje éniēna fecalle uaina Abrahamo llua izói, afe íaillĩnoimo ućodo lloite. <sup>10</sup> Ua Abraham afe jamai illácuaimo dama íeieñede éniemo caĩmare íoide. Afémie caĩmare ite, mei Juzíñamui dibénemo ite caĩmare táinocaitanide illĩnomo dúciillena afémie úiĩnoideza. Afe caĩmare illico Juzíñamui maméřillano dama ie uaido niga.

<sup>11</sup> Daje izói Abraham ai, Sara, Juzíñamuimo ĩnuamona, jamánomo jónaite íadi, fueñe úruerena rĩno ote. Iemona daa jító jocode, mei Juzíñamui aféngona aféfuena ućodo daina uai, afengo iere ñue ĩnoteza. Afengo bie izói daide: Bĩmie ie daina uaina jíáĩfo méidofĩnidimie. <sup>12</sup> Iemona Abraham iere jónaite íadi, iere aillo erófene igĩmaiaina jebuítate. Ua jamánomo diga nairai jebuide; nĩ ja lloga monamo ite facádonide úcuai izói itíaiioi. Nane monáillai fuédamo ite facádonide guamaĩ izói jebuídiaioi.

<sup>13</sup> Nana cai lloga comĩni Juzíñamuimo nai íaioi ĩnoina llezica tĩdiaioi; nana Juzíñamui ućodo lloga ñuefuaiēna nai llĩnoñediaioi, tĩilla. Mei íadi afe lloga ñuefuaiē ico jíáĩruimo

zúillena jícana fidídiaoí. Fídiano caimare aféfuemo ínuano comécidiaoí, mei bíniero ónoñega jicánemacina faioí illa raire méaicaiñeno llotfaioíza. Uáfuenta bíniedo jaiánicana jáidiaoí. <sup>14</sup> Nana daí llotino, dani faioí nahí illínomo faioí jáiacanana llotfaioí. Ua jáíe éniemo jáillana faioí úínoínana caina fidítate. <sup>15</sup> Daí faioí dánamona, mei níbai jaiái faioí illániemo comécidiaoí. Daí faioí comécíadi diga icaíno meine abido afénomo jáirediaioí. Mei íadi abido afénomo jáíñediaioí. <sup>16</sup> Mei jáíñoemo comécidiaoí. Jáíe jamánomo ñuera illánomo, monamo ite Juzíñamui nábáirizaillnomo izire úíñoídiaioí. Daí Juzíñamui faioí ínuamona, Juzíñamui iere íóbite. Bie jaiánicana jáidino Juzíñamuina dáíadi: “O cue Juzíñamuidio,” daí faioí dánari Juzíñamui méaicaiñede. Mei faioí jofue izoide ñuera illino, dinomo Juzíñamui diga zíñona nábáirizaillena, Juzíñamui jae finócaza.

<sup>17-18</sup> Nauí Isaac jocoína llezica Juzíñamui Abrahana daíde:

“O úicoitigima bie jító Isácimona aillo jébutiaioíza,” daíde. Diga iruillai íllamona Juzíñamui dáaruimo Abrahana ínuafue facátate. Iemo Juzíñamui ocuilla izóí, Abraham nai Juzíñamui izire ínuano, ie jító oni uite, titada Juzíñamui fecállena. <sup>19</sup> Mei Abraham Juzíñamui ñue ínuano comeci facade: “Juzíñamui jamánomo ñue ríñoredimie; tíide come meine cáataite ríño íemo ite. Cue jító tíidena Juzíñamui meine íena cáatarede,” daí Abraham comeci anado daíde. Iemo, Abraham ie jítóna fáiacana llezica Juzíñamui afémiemo raire úrillano, ie daade jítóna jíllotata. Abraham ie jítóna fañede. Ie jira jáífodo daírede, tíillanomona Abraham ie jítóna meine abido ote.

<sup>20</sup> Daje izóí Juzíñamui ínuamona Isaac ie jító íaillínoí Jacóbomo Esáu diga uire Juzíñamui orelle caimátaíllifue ua llote.

<sup>21</sup> Daje izóí Juzíñamui ínuamona Jacob, ie tíizaíllruimo José jító íaillínoímo úrite. Urillano ie enaize íaillínoímo uire Juzíñamui orelle caimátaíllifue jino llote. Afe llezica ie macara jígüida llínota ie abí mozíñuano caimare Juzíñamui úrite, ie íóbitallena. <sup>22</sup> Daje izóí Juzíñamui ínuamona José ie tíizaíllruí ánozillano, Israel comíni Egipto éniemona uire oni dani faioí éniemo jáíllifue llote. Afe llezica ie ícuruai aféniemo fiéñeno oni úillena, uícodó uai faioímo jóonete.

<sup>23</sup> Diga fimona jailla mei, Egipto ríllaíma nana Israel como jéiciga jítótiaína fazítate. Mei íadi Moisés jocoína mei, ie moo íaillínoí Juzíñamui ínuamona, illáimana jacíruiño Moísená retáídotiaíllinoí. Dauíamani íena retáídotiaíllinoí, afeza iere ñuezana jira. <sup>24</sup> Aféllaíma jiza Moísená náamataja mei, Moisés móonaílla llezica Moisés aféngomo dúillana ruífruite; mei afémie Juzíñamui dibénemo jáináideza. Ie jira Juzíñamui ínuamona Moisés afe mámeceí oni faíte. <sup>25</sup> Mei jáífodo Juzíñamui jáináidino cígiri íllana, afémie jamánomo gaide, nana duere zefuídiaoí íadi. Daje izóí ie comínina fieni ie zófiamona raire féite jabo íóbillafue dibénemo íllana afémie gáíñede. Moisés Juzíñamui ínuano ñue comécíide.

<sup>26</sup> Biedo afémie comécíide: “Nana Egipto énie ebrede ráaniaí baímo, Juzíñamui dibénemo ie dámie illa jamánomo ráífide, duere afémie zefuide íadi.” Afémie daí comeci facade. Ua Moisés, Cristo ícoína zefuíllano, féitañeno daí comécioífirede; mei Juzíñamui ínuamona baímo ñuera féinide raa izóídifue afe ie jírdollena afémie onódeza. <sup>27</sup> Iemona Moisés Juzíñamui ínuamona, afe Egipto illáímamo ite ríñona jacíruiño Egíptomona botade. Ua jacíruiño afe Moisés oni jaide, mei buna cíóñena Juzíñamui fáicanocaiñeno ñue nágarui comécíifiredeza. Daí ie comécíinamona, uído cíónamíemo ínuua izóí, Moisés Juzíñamui iere ínote.

<sup>28</sup> Daje izóí Moisés Juzíñamui ínuamona, Juzíñamui lloga pascua rafue como fueñe finode. Ua Juzíñamui llua izóí, Moisés faioí jofóniaí naze fuédamo oveja díena jíritate. Daí ínuamona, Juzíñamui oreca títaite abí ímie nana Israel nano fueñe jococa jítótiaíamona buna títañede, aillo Egipto imaci jítótiaí tícoízitiaioí íadi. <sup>29</sup> Daje izóí

Juzíñamuimo ínuamona nana Israel aillo comini “Jáirede” daina monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egíptomona racádino afémaci jailla izói jáidiaioimo, meine io jáinoina íbáibicaillari coróbaitaioi.

<sup>30</sup>Iemo Israel comini Jericó jofue anáfenoacadiaioi. Afe jofue riire naidároga noíñbanina cirínoga. Iemo Juzíñamuimo ínuamona ie daina izói, siete dígarui afe riire ibaica jofue jinófenedo ífoina macáoidiaioi. Iemona icoi iruimo afe caifo nitaca nofici ñinoina jofue jinófene cirínuabani, Juzíñamui ana éniemo caitade. <sup>31</sup>Daje izói Juzíñamuimo ínuamona nauí uícodo fiénidingo, Rahab fañega, nana jíáie afe jófuego ite íñoñedino fazícaicioi íadi; mei Juzíñamui comínimona oreca éniena ñue onóillena méiñoitínona afengo caimare cánuano jofu uáidoteza.

<sup>32</sup>Nai jino lloñega aillo ite jíáie jaiái Juzíñamuimo íñofiredino. Bibedo íaioi illáfuiaina cue llóllena cue abí juánideza, nana llónidícue. Fia íaioi mámeçai jino llóiticue, íaioimo omoi ñue comécioillena. Afémaci Gedeón, Barac, Sansón, Jefté, David, Samuel; daje izói Juzíñamui uai jino llóraini ite. <sup>33</sup>Bimácimona dámierie Juzíñamuimo ínuamona jíáie náiraina anáfenodiaioi. Jíáimaci Juzíñamuimo ínuano Juzíñamui jáicína jóidifuena comínimo ocuide. Dáarie Juzíñamuimo ínuamona ie uícodo llua izói, Juzíñamui canó-caiaioi. Dáarie Juzíñamuimo ínuamona riírede jánallarillai fuenta ibaica izói ñinode, fena íaioi riñeillena. <sup>34</sup>Jíáimaci uzírede iraimo dotácaiaioi ía, nai Juzíñamuimo íaioi ínuado afe iráimona uzíñeno jino bitíiaioi. Dáarie Juzíñamuimo ínuamona fuirílla-fuiaimona otábiñeno jino ñue jíllodiaioi. Iemo jóbairo illa llezica Juzíñamuimo ínuamona dáarie mairíñedimíai ñue máirimíaina jaide. Daí Juzíñamuimo ínuamona onina bite fuirírainina abido rainódiaioi. <sup>35</sup>Daje izói Juzíñamuimo ínuamona dáarie ringóniaimona íaioi úruiai tíide íadi, meine abido íaioimo cáataga.

Mei íadi jíáimaci nai Juzíñamuimo ínuua llezica, íbátarede tíide jíllotafuena lloñediaioi, mei aféfuedo Juzíñamuina jáanotaiticai, daidíaioi, íadi Juzíñamuina jáanotanidiaioi. Ie jira iere duere zefuítano titácaiaioi. Daíitadena lloñediaioi; mei afémaci meine abido caana mei, jamánomo ñuera zlíñona illáfueña méaicaiño mainóacadiaioiza. <sup>36</sup>Nai jíáimaci Juzíñamuimo ínuua llezica, fiénide zánonafuiaimona duere ñinóbidaioi. Jíáimaci riire zechénogaiaioi. Ua dáarie Juzíñamuimo íaioi ínuamona cúinajano llavécaiaioi. <sup>37</sup>Daje izói jíáie Juzíñamuimo ínotino noíñciaina nájicaiaioi; jíáimaci dáafemíiaido amena dera izóidedo ñetácaiaioi; jíáimaci caimare taino uáillaido bífuegaiaioi, íaioi ínuafue facátallena, íemo lloéfaido fagáiaioi. Jíáie Juzíñamuimo ínotino, íaioi ínóiroina jira, tóica rille ígóraina jítaoidiaioi. Daí fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni ñinócaiaioi. <sup>38</sup>Daí ñinócaiaioi íadi, Juzíñamuimo íaioi ínogafuena fáicanocaiñediaioi. Iemona bimaci Juzíñamui dibénemo iere ízíruigano; mei íadi bíniemo ite íñoñedino afe Juzíñamui uaina jeire otínona jámairuitaioi. Ie jira ínotino afe íñoñedimaci cígiri íllena, íñoñedimacimo figo dúíñede, mei íñoñedimaci comeci iere íáiredeza. Ínotínona jámairuillano, íaioina oni jíúñrediaioi. Iemona ínotinomona dáamierie zaféredizicimo jáidiaioi. Jíáimaci caifóneduai íllánomo botádiaioi. Íaioi jaillánomo ite ífuaimo íñrediaioi, naa íduai ana ífuairi. <sup>39</sup>Nana bimaci Juzíñamuimo ínuamona, ñue “figora” daínamacina jáidiaioi. Mei íadi nana Juzíñamui uícodo lloga caimare ñue íllífuaina figo maiñóñediaioi; jabo maiñódiaioi. <sup>40</sup>Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllóillífué. Daí jaiái ua Juzíñamuimo ínotino naa cai díga, birui dáanomo jaiái Juzíñamui mameca nahí jíllóillífuemo dúciiticaí. Ua afémaci naa cai díga, Juzíñamuimo caimare nabáiríllafuena jeire óiticaí.

## 12

*Jesumo ñue jaícina omoi comécioiri*

<sup>1</sup> Ie jira, cue ámatiai, comécido ñue omoi facari. Ua aillo jamánomo Juzíñamuimo izire ínotino bíniemo cai úcodo macáoidiaioi. Afémaci Juzíñamui cai ióbitallifuena caina ifode. Afémaci cai ínogafuemo jaícina ífoite uai nabáiraini. Cai abido ífoina itáioi. Afémacimo cai comécioillamona, nana cai jizítacana uite fiénidifuiái mai oni cai féitalli. Ua, caimo ite fiénidifue, abi llótaidote iniroi izói caimo jíide. Jíinamona jaca caina aruire itátate. Afena fáicanocaillano, Juzíñamui ióbitallifuemo zefuíruiñeno mai izire cai nícidolli. <sup>2</sup> Afe llezica duere cai zefuillano féitano, mai Jesumo comeci cai facalli; mei afémie Juzíñamui ióbitalliodo, ínuafuedo cai jáillena cai ífódímieza. Mei afémie ie Moo Juzíñamuina féitañeno ie fáainaruimo nai íemo izire ínoide. Daí ie ínuua, afémie izói jaícina cai ínollena, afémie cai ifode. Iemona afémie cai ínogafue ñue ícoimo fuitádimie. Ua, Jesús duere zefuide, íadi afe duere zefuilla méifomo íite cáimafuemo, afémie ñue coméciide. Afemo comécioillano uái daíi cruzmo tíizaide; mei áfedo nana íemo ínotino cáimare jílobcaitiaioiza, afémie onode. Iemo afe meáirede tíillana náfuéñeno, abido meine cáadimiena jaide. Afe daí jaillano caífo Juzíñamui nabézimo Jesús ráinazaide.

<sup>3</sup> Ie jira, cai jíáinona duere zefuítagamie Jesumo mai ñue omoi comécioiri, omoi duere finóbicaillamona omoi zefuiruiñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juzíñamuimo ínoicaide, fiénidino íena uáitajano duere íe finódiaioi íadi.

<sup>4</sup> Fiénidifue omoi comécina jíirioide, íadi nágarui áfemona abi ráiruifirediomoí. Afemona abi rairuillano íere juárede. Iemona jabo duere finócaomoí. Mei íadi fiénidifuenta omoi anáfenoacanamona nai tííñediomoí. Dama Jesús ícoínia jabo duere zefuídioí. <sup>5</sup> Afe llezica Juzíñamui cáimare llogáuaina nibai jae féitatiomoí. Aféuaido Juzíñamui íe úruiai izói, ómoína llófuete; ona riire daide:

“Cue jitó, o Ocuíraíma Juzíñamui omo oreca duere zefuítajafuena jámairuiñeno iri, mei áfedo afémie ñue ona rairuillano lletádeza.

Daje izói fieni o fínuamona afémie duere o finóadi, comécina ríinidimie izói íñeno iri.

Mei jíáifodo, abi máimiano, íe llétafuena ñue jeire oíri, núemiena o jáilleza.

<sup>6</sup> Mei Ocuíraíma Juzíñamui nana íe izíruiganona fáicana lletáfíredeza, íáifuenidínona íaioi jáillena.

Afe izói nana íe ua onoiga jítótiaína llorebai mailla izói due ízitate, mei afémaci dama íeieza,” daide.

<sup>7</sup> Omoína izíruillamona Juzíñamui afe daíi ómoína duere zefuítate, ómoímo llófuellena, baímo ñuera íe jítótiaína omoi jáillena. Ie jira duere zefuítagaomoí. Mei onódiomoiza, bíniemo ite moo llétañega jító ñue móonaiñeiteza. Iemona afe moo nana íe jítótiaína llorebai mailla izói ízitate. <sup>8</sup> Ie jira Juzíñamui ízitañegamie nibai íe nahí jítóñedeza, móonidiza; mei nana nahí íe jítótiaí izi cácatagaíaoiza. <sup>9-10</sup> Afe emódomo cai bíniemo ite móotiaí nauí ñue cai móonaillena, ñue comeci íaioi fácamona, izire caína lletádiaioi.

Ua nano íanori illáruillaído caína duere fínuafuedo lletádiaioi. Ua izi cácatagacai. Afe llezica nai cai moona cáimare jacírúiticaí; jacírúioillano ñue íaioi anamo itábicaídicaí. Daje izói cai monamo íte Moo anamo jamánomo cáimare itábicaíredicaí; mei afémiemo cai ínuano, nahí íe jítótiaína comuítagacaíza. Nana afémie duere cai fínuafue cai dibénemo aillo ráífide, afémie ebire ñuera illa izói, daje izói cai íllena. <sup>11</sup> Ua, ja onódiomoiza nana izi cácatafuemo illa llezica, áfena gáíñedicaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacírúíñedinona cáimare jíiticaí.

*Juzíñamui uaina ruifíruilla íere jacírede*

<sup>12</sup> Juziñamui daií omoi llétajana omoi onónamona, mai abí omoi mame. Ja abina náinidino izói omoi iñeno iri. Omoi zúurede comeci náretari. <sup>13</sup> Afe llezica omoi duere zefuillafuemo, mai bñfuemo jaicna comeci facádori. Aféfuemo daiíri “Juziñamui ióbillie jitótiaina móonaitagacai.” Daií o dáinamona, jiáie ómoimona Jesumo ínogana féitaacadino, comécina caimare náretaitio. Daií ie náireillamona afémie meine abido Jesús uaina izire ínocana jeire óite.

<sup>14</sup> Afe emódomo nana comíni cígiri, mai comeci ríicaitañeno cáimafuemo omoi iri. Daje llezica, Juziñamui ebire ñue illa izói, afe dibénemo mai omoi abi ífuiái nágarui méidocana uiri. Bie izóidífue omoi nai inéniadi jaca buna Juziñamuina cíoñeille. Mei íadi comeci íaininafuemo cai íadi, fena cíoiticaí. <sup>15</sup> Juziñamui caimo fecaca cai ie cánuafue aillo ite. Bifue nana jeire omoi ófíreilleza izire omoi comécíiri. Daií íllamona buna fiénidífue oni nibéfodo báíñeiteza. Daa daií oni fiénidífue dibénemo baiídímie nana jiáimaci comécina fiéni finode. Mei jii, duere zefuillamona Cristo dibénemo figo jaináicañedímie, jucúrede juia izoide. Mei afe juia illemo totáa, nana áfeji jucúredijina jaide. Daiítade come nana ie aino comínina daje izói figórúñede. Afemona abí omoi rairuiri. <sup>16</sup> Daje izói nana jiruínrenafuaimona abí omoi rairuiri. Afe llezica ómoimona dámie Esaú illa izói iñeno iri, mei afe Esaú jaca Juziñamui jítainafuemo figo comécíñedeza. Aféfuena jámairuillano, afémie nánoramie íadi, íemo ite maiñórrille ríino, fia due jiza güille íbana fecade. <sup>17</sup> Afe Esaú illáfuena ñue onódiomoiza; mai aféfuemo omoi comécíiiri. Íco íraíruimo ie moo ézicirafuena Esaú maiñócade, íadi ie moo ja fena ruífruite. Afémie comeci ífue méiduano écana ie moomo izire jicade; íadi “Jii” daiíñede. Afe nauí Esaú jámairuillafue jaca méidonide.

<sup>18</sup> Ja birui Juziñamuimo caimare nabáirillanomo dúcidíomoi. Jaiái Juziñamui comíní áillue caifónedumo ánozidiaíoi, Juziñamui dáina uaina cacáillena. Afedu mámeceí Sinaí. Afedu náaduna irai izói boode, aillo úillie diga. Afe llezica iere jacire nairíbicaide. Nairíbicaillano, jairifo riire jaiñode. <sup>19</sup> Aféruimo bainada izoide ficire cácaicaide. Afe llezica áillue come úrilla uai íaíoimo ficire cácaicaide. Afe uai iere jacírede cacaiide. Afemona, áfena cacáidno jiáie emódomo lletara uaina llóñellena izire jicádiaíoi. <sup>20</sup> Afe íaíoi cacana íaíoimo lloga lletara uai jamánomo iere juáredeza. Aféuai daide:

“Bie óode íduna omoi jetáíñeno iri. Nínena daa rille bídumo bíadi, raire noñciaído fáiri. Daje izói nínena bídumo bite come fáiri,” daide.

<sup>21</sup> Uafue, afe cacánafue naa cíocaidífue diga iere jacírenamona, dama Moisés uai ua: “Aferi iere jacínaiticue. Jacíruiillano cuidáriticue,” daide.

<sup>22</sup> Mei íadi, jae jiáífodo Jesucrístomo omoi ínnumona, ja birui Juziñamuimo ite jacínide caimare nabáirillafue dibénemo dúcidíomoi. Ie mei ícoimo monamo ite jaca caade Juziñamui uícomo úrizaitíomoi. Juziñamui illa jofue, “mona ero ie Jerusalén” mámeceírede. Iemo jiáífodo “Sión Caifónedu” dáina. Afémiemo ja omoi caimare nabáirillamona diga íeza facádonide Juziñamui abi imaci Juziñamuina ióbioicana írázitiaíoi. <sup>23</sup> Ua, omoi ínnumona Juziñamui ómoína daide: “Ja cue daade Jitó Jesucristo izóidinodíomoi. Cuemo ie dúina izói, afe izói ja cuemo jaináidíomoi,” daide. Afemona nana Juziñamui fena comútagamacimo jae jaináidíomoi. Nana afe íemo jaináidíno mámeceíai jae monamo cuega. Ie jira nana Moo Juziñamui ie comútaganona, ñue jicánuana fibídímie izói, ñue íaíoína ríidoite, mei afémie nana nairái Mooza. Jaiái ie anamo ñue itino, jae tíidiaíoi, mei íadi íaíoi ñuera joreño nai figo caimare inédiaíoi. Ja biruillaido Cristo cairi tíillano caina jíllotate. Daií nana íemo ínnotinona jíllotano, afe tíidno ñuera joréñuai ñue jaicna caimare itátagaíai. <sup>24</sup> Uafue, Juziñamui comue caimare caimo fecállífue caimo llóiacade. Afefue caimo lluaíbitímie Jesús, mei ie cruzmo ie die tótajado caimare íafíuenidínona finócacaiza. Ie jira ie die, úrilla uai izói jamánomo ñúefue cai ífócimo denode. Mei jiáífodo Abel die tóilla afe izói caimare ñúefuíaí caimo lloñede.

<sup>25</sup> Nana bie caimare Juziñamui caimo llotátagafuiaina jae onódiomoi. Afena omoi onónamona, afefue ómoimo llotímie mai omoi ruifruinieno iri. Afe íena ruifruillamona abí omoi rairuiri. Mei jaiái biniemo Juziñamui jónega lletárama dánana ruifruitino, duere íaioi finóinamona jaca jilloñediaioi. Afe baímo birui monámona caimo llotímie dánana cai ruifruiaí, daje izói ua jilloñeíticai. <sup>26</sup> Jaiái aféruimo ie úrilla uai éniena díga icaíño riire docáitate. Mei íadi birui afémie uafue llote: “Nane afe emódomo dáacaiño éniena riire docáitatie, naa caífo ite monániari,” daide. <sup>27</sup> Afémie daina “Nane afe emódomo éniena dáacaiño docáitatie” Juziñamui írairuillaido finóllífue caina daide. Aféruimo nana ie finoca raa, ranítado izírilla izói níraidoite. Afe níraiduado nana nírairede ráaniaina, afémie oni niné táinocaitate. Mei íadi níraínide ráaniai jaca méidonide; fiebillano zíñona ítiaioi. <sup>28</sup> Ja birui Juziñamui méidonide illámana illánomo jaináitagacai. lemona íena “tere figora” cai daífieilli. Afe llezica caimare úrillafuedo mai íemo cai ióbilli. Ua, ñue jacíruiocana ie uáillaímo mai ñue cai cacáreilli. <sup>29</sup> Mei jíi, cai Juziñamui, irai amena cuarilla izói, nana íaífueredínona jaca zíñona íaioina duere fínoite.

## 13

¿Nie izói Juziñamuina ióbitaredicai?

<sup>1</sup> Amatíai, mai conímana omoi izírufireiri. <sup>2</sup> Daje izói onina bitínona mai dúecaillano ñue caimare uáidori, mei daíí dáríe jíáimana íaioi caimare uáidofirenamona ónonino Juziñamui abí íniiaína jofo llínotiaioi.

<sup>3</sup> Iemo Jesumo ínuamona llavécamacimo ñue omoi úbicairi. Ua dájena llavécano izói, mai íaíoimo comeci omoi facari, íaioina omoi canóllena. Daje izói duere finoca Jesumo jaináidímacimo, mai omoi ñue comécíiri, mei dani omoi abina jíáimaci duere zefuítarede; íemo bimaci díga daíí zéfuitímoíza. (Dáamacíímoíza.)

<sup>4</sup> Daa come daje ringona áreia ñuera. Afémie dama ie ai abina onona ñuera. íima dama ie ai jeta ñuera. Mai bifue íáiñeno ñue omoi fímairi. Mei Juziñamui nana jiruífredínona izire jicánuano íaioina duere fínoíteza, naa dama áreiñeno ringo díga itínori.

<sup>5</sup> Daje izói omoi comeci ífuena ñue onoiri. Ucubena aillo jitailla fieñide. Afemona abí omoi rairuiri. Mei jíáfodo ómoimo due jiza ite ráaniairi júfidoño caimare uái iri, mei Juziñamui uafue dáide: “Ona fáicanocaiñeíticue. Daje izói jaca ona zoófeñeíticue,” daide. <sup>6</sup> Iemona mínícana jízíreñeno daííredicai: “Juziñamui cuena canófidímie; íemona fieñi cue finócadímiena jácíruiñeíticue.”

<sup>7</sup> Iemo mai Juziñamui uai ómoimo nano fueñe jino llófuetínomo ñue omoi uibóiri, mei ñúeodo ómoína ífódiaíza. Íaíoímona comuide ñúefuiaímo, féitañeno mai ñue omoi comécíioiri. Afémaci Jesús ícoína titácaiaioi, mei íadi afémaci fáicanocaiñeno Jesumo ínua izói, afe izói féitañeno mai omoi ínofireiri.

<sup>8</sup> Mei jíi, Jesucristo nanónoma ie illa izói, ja birui jíáfodo méidoño dámieoicaide. Ua afémie jaca zíñona dáamíete. <sup>9</sup> Ja birui díga jíáfodo cacaide onina bite ónoñega fieñi llófueinaíuai ite. Aféfuai ñúeomona oni níbéfodo omoi baítaicadeza; áfemona abí omoi rairuiri. Juziñamui cairi dúecaillano cai cánuano cai comeci náirecáitate. Afe ie cai comeci náiretaja ñuera. Mei íadi afe jicana llúaíbiga güille rairuinaíuina jeire cai óadi, caina ñue canóñeite. Daje izói afe uai jeire otínona canóñede.

<sup>10</sup> Jesucristo cai ífomo fécafue Juziñamuimo caimare cai nabáirillena dani caimo dúide. Nana Judíuaido Juziñamuimo úriraini, ie jaiái gairíracomo aillo Juziñamuimo ánozílle nícidogafuiai finódiaioi. Mei íadi afémaci Jesús díbénemo ite cáimafuiaína llínonidiaioi.

<sup>11</sup> Judíuáimona comínido Juziñamuimo úritillaíma dáacaiño naga fimona afe faga rille díe Juziñamui icomo uite. Afe Juziñamui icomo ite jofoidé ñue rairuícacomo comíní íaífue ícoína díena uite. Mei íadi afe faga rille, comíní illácuai jinomo jobáífrediaioi. <sup>12</sup> Afe izói Jesús Jerusalén jinomo duere zefuide, dama ie díe tóíllado nana comíní fieñidífue oni dóllena. Daíí duano íaioína Juziñamui íena mamede. <sup>13</sup> Ie jira nana Judíuái Juziñamuimo

áinozille nícidogafuiaina féitajano, mai dama Jesumo jaca cai ínolli. Ua, daií íemo caimare cai jaináinamona jílloticaí. Ie meáire duere zéfuilla izóí, duere cai zefuádi, áfena náfuéñeno nai caimare íemo jáinaiticaí. <sup>14</sup>Ja bíniemo ñuera méidoñega illano caimo íñede; mei íadi Juzíñamui finoca monamo ite méidonide cai illínomo izire úiñoidicaí, caimare zíñona ie díga cai nabáirizaillena. <sup>15</sup>Iemo, Jesús caído Juzíñamuimo nahí úriraimana íllamona, mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimáitaredicaí. Cai Ocuíraima Jesús mámeçido cai úriadi, jaca Juzíñamuina ebire ióbitaredicaí. <sup>16</sup>Daje izóí nágarui jíáima canolle ñúefue jeire o úana, mai féitañeno iri. Aféruido jitáidinomo ómoimo ite raana jeruñño fecari; mei aféfuaiaina Juzíñamui iere ióbideza.

<sup>17</sup>Omoi illaini llogáuaimo ñue omoi cacáreiri. Aféuai anamo ñue omoi itábicaíri; mei omoi comeci ñue íllena aféllaini nágarui ómoína rairuífirediaioiza. Ua aféllaini ómoína rairuilla nie izóí íadi, afémaci Juzíñamuimo jino llórediaioi. Ie jira íaioi tájijnana omoi daidóñeno iri; mei jíáífodo ñue íaioi anamo omoi itábicaíri. Afedo aféllaini Juzíñamui ocuica tájijnana caimare fínoite. Mei íadi afémaci afe tájijnana zúurecana finóadi, figo cánoñegaomoi.

<sup>18</sup>Mai birui caído Juzíñamuimo omoi úriri, afe Juzíñamui cai canólleza, mei cai comeci ífue íainideza. Mei jíi, nágaruillai náganuíaímo illa dígamie íaioi eróicana ñue jaícina fígomiena íacadicaí. <sup>19</sup>Ua, cuedo Juzíñamuimo comécido omoi úrillena izire jicádicue, raire meine abido omoi cígimo Juzíñamui cue orélleza.

*Iraícaíño uáidota ñue ézicinocailafue*

<sup>20</sup>Ja birui Juzíñamui ñue omoi ézicillena jicádicue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tíllanomona Juzíñamui meine abido cáatate, mei Jesús ie díe tóillado nana caimo ite fíenidífuiaina muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraima izoide. Afémie ovejai rairuilla izóí, caina úiñofirede, comécina uái cai íllena.

<sup>21</sup>Afe bie Juzíñamuimo omoi comeci náireillena jicádicue. Ua nana ie ñuera ríinodo omoi coméciaína ñue jaícina caimare náireillena jicádicue. Afe bie cue jicácado ie jitáinafuenta ñue comini eróicana fínoitiomoi. Afe llezica Juzíñamui comeci óiacana izóí dani caimo zúillena izire íemo jicádicue. Mei daií jamánomo ebírenafue Jesucrístomo, ninomo fúíñeitena nitáredicaiza. Mai, daií íteza.

<sup>22</sup>Amatiai, nana bie ómoimo cue cuega lletárafuiáimo járitaño fia omoi coméçiri. Afena izire ómoína jicádicue, mei bie ómoimo cue cuegáuai íanorideza. <sup>23</sup>Iemo jíáífuenta ómoimo fidítaacadicaí. Jae cai ama Timoteo llavéinanomona jae jino zuitaca. Omoi dine nai jáíñeíticuemo, afémie cue illánomo raire dúciadi, nibai daane omoi éroizaibiticoco.

<sup>24</sup>Nana omoi llófuete ílláína cuedo ñue uáidori, naa afénomo ite Jesumo ínnotinori. Ítáliamona benomo cai bite amatiai ómoimo uailai orédiaioi.

<sup>25</sup>Juzíñamui nana ñue omoi íllena ñue éziciteza. Mai.

Daiítadeza. Jae ñie.

## SANTIAGO CUEGABE La Carta de Santiago

Ráidozitinomo Santiago cuete

<sup>1</sup> Cue Santiágodicue. Juzíñamui táijitagamedicue. Daje izói cai Ocuíraima Jesucristo táijitagamedicue. Israel náiraímona doce dígazie nana éniedo ráidozitinona uáidotícue.

*Juzíñamuimona oga onónafue*

<sup>2</sup> Cue ámatiai cácarei, niie facátafuaii ómoimo jíriadi iere caimare omoi iri. <sup>3</sup> Mei jii omoi ínuafue facátafucaiaidi áfedo baimo comécina járidoñenafuena onótalliomoi. Mei áfena onódiomoi. <sup>4</sup> Afe comécina járidoñenafue ñue jeire omoi móonaitari. Afedo jaícina jéetagamacina ítiomoi; omoi jitáillifuena íñeite.

<sup>5</sup> Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruñeno nágamíaimo onóillifuena fecáfirede. Afémie icíriñeno comínimo fecáfirede. <sup>6</sup> Mei íadi ínuafuedo o jicari. Daí jítáirede; minícana o comeci anado ígcáiñeno jicari. Naga uaina ígciredimie jorai bagua izói jairifodo dóbaidobaicaide. <sup>7</sup> Daífadimie Ocuíraimamona minícana óllena comécimo facáñeno iri. <sup>8</sup> Aféfuena onóigaza. Níimie birui bie raa óiacade, uire jíáena óiacade, ñue jaícina macánide.

<sup>9</sup> Ráanide ama, caimare o iri! Juzíñamui caifófenemo ona jóonelle jira. <sup>10</sup> Ráaredimie, o anáfefucaiaidi, áfena náfuñeno caimare o iri. Mei ráaredino ráitie záfia izóideza. Afe záfia are íñeite. <sup>11</sup> Jitoma bíllamona íena iere lílirtaite. Caigáíllamona afe záfia ana júide. Daí ie ebírenano fuite. Daje izói ráaredimie ie nícidocaigafuaii cígiri táinocaite.

*Facátafuaii fiénidemo baiítafuaii diga*

<sup>12</sup> Dáamie facátafuaii járitaño Llínoiadi afémie caimare ite. Facátafuemona ñue oni jaillano ícoínia fia iga raa jíridoite, ñue facátaoicailla jira. Afe ícoínia fia iga raa ñuicirai izóidifue. Afe iga raa ua Juzíñamui ie illa zíñona cáataitínona. Ua Juzíñamuina izíruitinomo uícodo lloga zíñona cáataitínona íaioimo fécaite. <sup>13</sup> Dámie íaifuemo baiítafuena cacáadi, afe Juzíñamui orécaza comécina facáñeno o iri, mei jira afe daífadifue Juzíñamui jaca jítáíñede. Daje izói Juzíñamui bumo afe íaifuemo baiítafuena comuítañede. <sup>14</sup> Mei afefue jíáifodo bite. Dáamie dama ie comeci fieni jítainafuiaido comeci óiadi, áfedo íaifuemo báite. Afe izói dáamie ie fieni jítainafuiaido jífueficailla; íemo afe jífuiafuedo afémie meine íaifuemo báite. <sup>15</sup> Afe bie comeci fiénino jítainafuiaimona íaifue comuide. Ie mei afe íaifue jae oruíbicaillamona tíllafue comuide. <sup>16</sup> Cue izíruiga ámatiai jífuefizaíñeno iri. <sup>17</sup> Nana ñuera caimo iga raa, nana caimo jaícina jóbidífuii diga, caifona Juzíñamuimona bite. Afémie nana monamo ite egáíñotínona finode. Juzíñamui jaca dáamie; afémiemo jíáifodo meídogafuena íñede. <sup>18</sup> Afémie uafuena úrilla uaido cáatatinona caina comuítate. Afena finode ie finócafuiamona como fueñe oga llízie izói cai íllena; mei ie comeci jítaina izói finode.

*Uáfuena Juzíñamuimo cai comécinafue*

<sup>19</sup> Ie jira izíruiga ámatiai cacai. Omoimona nágamíiai jaca jefo jínéoiri, mei íadi fíaicana o úriri, daje izói fíaicana ríicairi. <sup>20</sup> Mei jii, ríicaidimie Juzíñamuina íóbítañede. <sup>21</sup> Mei daí nana íáiredífuii omoi fáicanocairi, jamánomo móonaioicaide fiénidífuii diga. Omoi comécimo lloga uai Juzíñamui úrilla uaina comeci mánainafuedo jeire omoi oíri. Mei jii afe úrillauai ríinorede omoi joreño jíllóllena.



<sup>22</sup> Jira úrillauai ómoimo lloga ráfuenta fino. Fia aféfuemo táinona cacáreño. Fia táinona omoi cacáadi dani abi jífueitíomoi. <sup>23</sup> Afe úrillafue fia táinona cacádimie aféfuena iere cacáñenia, afémie acáranimo uíeco ciona izóidimie. <sup>24</sup> Afémie ie izóidena ciode, mei íadi raire jailla llezica, ie izóidena féitate. <sup>25</sup> Cacánafuena féitañedimie jamánomo ñuera ocuífauena jeire ófirede. Afe jamánomo ñuera ocuífaué caímo rairuíñenafuena itátaga. Aféfuemo méidoño afémie íoide. Afe ocuífaué afémie íinota finode. Daí finódimie nana ie finócafuaído caímare ite.

<sup>26</sup> Dámie Juzíñamuimo comécíidimie comeci facáoiadi, mei íadi fuena rairuíño úriadi, afémie dama abi jífueite. Afémie comécíinafue táinobicaide. <sup>27</sup> Nífuenide comécíinafue, Moo Juzíñamuimo erócana íáinidifue bie izói ite; ñue Juzíñamuimo comécíidimie móonidizaiaí íemo éinidizaiaí diga, íaioina duéruillano canófirede. Daje izói fecínguaina íaioi duéruillano canófirede. Afe llezica éniemo ite Juzíñamuina éoidímaci íaífuiaído ñúemie abina íaidoñede.

## 2

### *Conímána énenoruíño iri*

<sup>1</sup> Cue ámatiaí, cai ebíruigamie Ocuíraima Jesucrístomo íinotímacídiomoi. Daí omoi íinua llezica comínimona dáarie enénotaño iri. <sup>2-3</sup> Acatagafuedo dáitícue: Omoi gairíllanomo queníredena onoi icuíforedimie, ráífide incuíro jítáoidimie bíadi, afémiena daííredíomoi: “Bie ñúenomo ráii.” Mei íadi afe llezica dúeredimie tíbaizarodo bíadi, afémiena jíáífodo llíinota nibai dáitío: “Batí naidai,” o nibai dáitío: “Ana benó éniemo ráii.” Daí ráanaitímiena raire ñue llíinotíomoi, mei íadi dúeredimie buna náfueñega. <sup>4</sup> Te jira daí dani ómoimona dáarie énenoruidíomoi. Daí cómemo jícanotímiena dani omoi abi mamédíomoi, mei íadi fíénidemo comécíinafuedo abi mamédíomoi.

<sup>5</sup> Cue izíruiga ámatiaí, bíemo omoi cácarei. Bie éniemo úcubenidínona Juzíñamui nízede, íaioi íinuaíue jamánomo jebuíllena. Daa afe izói íaioina Juzíñamui nízede, feci raa izói ie illáimana illáruina maíñóllena. Juzíñamui ie uícodo lloga uai daina izói afe illáimainanona íena izíruitímacímo fécaite. <sup>6</sup> Mei íadi dúeredímacina meáidaitídiomoi. ¿Uáfueñede, ráaredímaci ómoína llégítáíredíaoí? Jii, uafue. ¿Ríiredímaci uícómo ómoína gugúroicana uitíaoí? Jii, uitíaoí. <sup>7</sup> ¿Ñie afe ráanaitímaci Crístona íáruíoidíno? Jii, ñímaci. Mei íadi afémie ñue izíruiga mámedido Cristo íeídiomoi.

<sup>8</sup> Cuegáuaimona lloga jamánomo ocuífaué omoi jíeruadi ñue finódíomoi. Afefue daide: “O aino cómena izíruiri, dama o abina o izíruilla izói.” <sup>9</sup> Mei íadi conímána dámie omoi énenorua, íaífuemo baíídiomoi. Juzíñamui ocuífauemo omoi ícoínia jae daí ite. <sup>10</sup> Dámie naga ocuífaué iere cacáadi, mei íadi dáallegoi ocuífallegoi nai fuitáñeniadi dama afémie ícoínia daí ite. Uafue nana ocuífauiaí fuitáñedimie zefuille izói dáallegoi fuitáñedimie daí daje izói zéfuite. <sup>11</sup> Mei daje Juzíñamui daide: “Jíruíreño iri,” afémie dánomo daide: “Cóména titáño iri.” Daa come jíruireñenia mei íadi cómena fáiaí, jae ocuífauena iere cacáñede. <sup>12</sup> Jira ñue o úriri; o illafue jaícina o jóneri. Caímo rairuíñenafue itátaite ocuífaué jícanollícaí, ie jira ñue cai íllana jítaírede. <sup>13</sup> Mei jii, nana jíáímacina duéruíñedíno, afe íbana duéruíño, jícanollíaoí. Mei íadi jíáímacina duéruitíno nie izói níbaíñegaza ñue jáite, duéruillafue jícanollífue baimo ñue illa jíraí.

### *Ínuafue níciduafue diga jítaírede*

<sup>14</sup> Cue ámatiaí cacai. Dámie ñúefuena finóñeniadi, mei íadi “ínotícue” daííadi ¿ñíífuena ñuera? ¡Afefue ñúeñeite! ¿Afe daina ínuafue jíllotaite? Jíllotañeite. <sup>15</sup> Acatagafuedo dáitícue. Incuíronide guíllenide ama miríngo izóidíno omoi cígímo íadi, <sup>16</sup> mei íadi ómoimona dámie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abímo jítaica raa o fecáñeniadi, ¿nie izói ñue ite? ¡Ñúeñeite! <sup>17</sup> Cai

ñnuafuemo daje izói ite. Dáamie ie ñnuafuemo níciduafuedo ácatañenia afe ñnuafue jae nine táinocaide, afe ie ñnuafue nabáinina jírari.

<sup>18</sup> Mei nibai, dáamie cuena dáaite: “ñnuafue omo ite mei íadi cue nícidofiredicue.” Mei jira cue uai óiticue: ¡O ñue níciduafue eneno o ñnuafuena cuemo ácatari! Afe llezica cue ñnuafuena cue ñue níciduafuedo omo cíotaiticue. <sup>19</sup> Daade Juzíñamui íllana ínotio. Afe dinomo o ñnuafue ñue baite. Mei íadi aféfuena fiénide janábaiai daje izói ínotiaioi. Iemona afe jácierí cuidíridiaioi. <sup>20</sup> Abina onóñedimiedio. ¿Jaícina jáidifuenta onóacañedio? Dáanomo dáaiticue: Ñue níciduafuedo cíotañega ñnuafue jaca nine táinocaide. <sup>21</sup> Cai jáiáigima ímie Abrahana ie íáifuenidímie izónado Juzíñamui ñue íena jíeruite. Ua Juzíñamui íáifuenidímiena íena ñue llíinote. Mei ie jító Isaac titada Juzíñamuimo fecaca raana izói fecácana jira, daíí íena llíinote. <sup>22</sup> Jira Abraham fínuafuemo bie uáfuenta cíodio. Abraham ie níciduafuedo ie ñnuafuena ñue jino cíotate. Daje llezica afe bie níciduafuedo ie ñnuafue ñue jaícina mónaioicaide. <sup>23</sup> Daíí Cuegáuai dáinana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ñnuafue ñue baite íena íáifuenidímiena cue llíinollena, —daide.” Mei Abraham Juzíñamui nabaina mamécamie.

<sup>24</sup> Mei áfemona come níciduafuedo Juzíñamui íena íáifuenidímiena llíinuafuena ónoitiomoi; dama ie ñnuafuemonna llíinoñedeza. <sup>25</sup> Afe bifue izói Rahábamo daíí íficaide. Afengo jírúiredingo. Mei íadi énie fidítaraini caimare llíinuamona, íaioina canode oni jáigodo ñue íaioi jáillena. Afe íaioimo nícidua jira Juzíñamui aféngona íáifuenidíngona izói ñue llíinote. <sup>26</sup> Mei daíí omoi ónoigafuemonna llóiticue. Naga joréñonide abi tíide, afe izói níciduafuedo nabáinide ñnuafue nine táinocaide.

### 3

#### Cai fue rafue

<sup>1</sup> Cue ámatiai cacai. Omoimona aillo llófueraimana íacadino izói íñeno omoi iri. Mei jíí, nana llófuereidino, cue izóidino baimo izire jícanollícaí. Afena onódiomoi. <sup>2</sup> Nana cai aillo fiénidillegoi finódicai. Dáamie minícana fiénidillegoi ie daínafuemo íñeniadi, afémie ñue comécina fígomie, ñue jaícinaidímie. Afémie nana ie abi rairuillana onode. <sup>3</sup> Mozíñoragai caballo fuemo cai jóoneadi caína iere íaioi ñnollena, ie ífo oni datállena finóredicai. Afemona nana ie abi diga dájade. <sup>4</sup> Daje izói áillue jofóredicaemo comeci omoi faca. Afecae jamánomo áillue íadi, afe llezica rírede jairífodo ñuitaioicaide. Mei íadi datáraima duera jiza datárabeñoode ie jáiacana diné datáioicaide. <sup>5</sup> Afe izói cai fue ite. Cai abi aillona mei íadi fue duera. Mei íadi afe fuedo jamánomo áillue ráfuai finórede. Uafue duera jiza réicimona áillue ícaíena bóotate. <sup>6</sup> Jae come fue irai izoide. Afe fuemo jamánomo facádonide íaifuai ite. Afe bie fue Juzíñamui cai abimo finoca; mei íadi afe fue nana cai abina íaire finode. Fieni comíni duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuiai bóobicaide. <sup>7</sup> Ímado nana riire ríllenai tórede, féedino, jáióniairi, naa buináizairi. Nana áfeniaí fibítagaiaioi. <sup>8</sup> Mei íadi fuena buna fibítanide. Cai fuedo bite íáirede raana jaca buna llíicaitanide. Aillo fieni úritadino, titade juia izói cai fuemo ite. <sup>9</sup> Afe daje fuedo cai Moo Juzíñamuimo caimátaioicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. <sup>10</sup> Daje fuedo caimátaillafue jino bite faidórillaífuai diga. Cue ámatiai, cacai. Bifue izói omoi íñeno iri. <sup>11</sup> ¿Daje jainoi ífómoma toráfomona ñíjeji eríredíji diga jino tórede? ¡Tónide! <sup>12</sup> Cue ámatiai, cacai. ¿Noménamona comáijina órede? ¡Onide! ¡Jíriconamo cineci llizírede, meita áfena? ¡Llízínide! Afe daje izói cúeredíji naíméredíji diga daje jainoi ífómoma toráfomona jaca jino tónide. (Ie jira omoi fue rairuiri, fieni úrillafue o fuedo jino bíneillena. Mei jira Juzíñamui imácidiomoi.)

*Uáfuena ñue onónafue*

<sup>13</sup> Omoïmo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiai cíotari. <sup>14</sup> Mei íadi omoï comécimo izire úradoillafue íadi, afe llezica omoï finoca ráfuiaina járidotiomoï; bie omoï fibilla abi ínuafuemo comeciñeno omoï iri. Afe izóidifuiái táinofuiái, uáfuaena jáanote. <sup>15</sup> Afe izoide fibíllafue Juzíñamuimona biñede, mei íadi afe fibíllafue bínie comíni comeci úrillafue; Juzíñamuina éoidímaci onóigafue; dama Taife ifue. <sup>16</sup> Aillo úradoillafue, jarire uícodo máínuafue díga illánomo, afénomo aillo júdaizitífue ite naa fiénidifuiairi. <sup>17</sup> Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidímaci; riífuedo ocuñíedíaiioi; jíáímiemo uícodo comécíitadiaioi. Afémaci dúecaillafuena oruídino; ñúefuena finóífredíaiioi. Afémaci uáfodo úritimaci; júfueríñedíaiioi. <sup>18</sup> Comeci ñue uái illáfuedo comútatino afefue rigájíai izóí comínido fecádiaioi. Afemona ria llizilla izoide comeci jácína ñúeitaitino llínotíaiioi.

#### 4

*Eniemo ite Juzíñamuina éoidímacimo nabáirillafue*

<sup>1</sup> Omoïmo ite fuiríllafuiái çninena bite, júfiduafuiái díga? Omoï fienu comeci óíacanafuiaimona bite. Aféfuiai omoï comécina jaca éoitade. <sup>2</sup> Omoï daa raana jítaíadi, áfena ómoïmo llínonina jira fatíomoï. Jíáie raamo omoï úradoiadi áfena ónidíomoï, jira fuirillano jóbairitíomoï. Omoï jitaiga raa oñédíomoï, Juzíñamuimo jícáñena jira. <sup>3</sup> Afémiemo omoï jícaádi llínoñedíomoï, íaire jica ícoínia. Mei jíi áfena óiacadíomoï fia omoï caímare íacanafuiaimo dotállena. <sup>4</sup> Jíáífodo fiénidímacídiomoï. Bíníemo ite Juzíñamuina éoidímacimo nabáiriacadíno Juzíñamui fairíconína jáite. ¿Omoï meita bífuena onóñedíomoï? Nímié éoidímacimo nabaina maméidímie Juzíñamui fairícomana dóbaicaide. <sup>5</sup> Cuegáuai taino lloñede. Aféuai daide: “Juzíñamui ie Ñuera Joreño caimo fecade cai díga íllena. Afe Joreño uríoína izóí caína izíruite,” daide. <sup>6</sup> Mei íadi Juzíñamui caína ríiduafuedo baímo caína cánuabite. Mei jíi Cuegáuai daide: “Juzíñamui afe abi íñotinona rairuide; mei íadi comécina mánaidímacina íaíoína ríiduafuedo íaíoína cánuabite.” <sup>7</sup> Juzíñamui anamo mai omoï itábicaíri. Taífemo omoï mameri, íemona ómoimona oni bótaíteza. <sup>8</sup> Mai Juzíñamuimo áinozillano caímare omoï úriri; afe íbana afémié ómoïmo caímare úrite. Íáífueređino, mai omoï comeci íaífuíai doíri. Juzíñamuina izíruíacadíno íemo dáanomo íena éoidímacina izíruíitino, mai omoï comeci íáínitari. <sup>9</sup> Omoï zúurefícaíri; omoï cáíllicaiíli eeri. Omoï zadáilla jeme; jíáífodo meídocaíri. Afe izóí omoï cámafue zúucaíllano méidori. <sup>10</sup> Cai Ocuíraíma Jesucristo uíécomo omoï manánairi, íemona afémié ómoína caífo naídáneíteza.

*Cai ama finócafue fienu jícánuafue*

<sup>11</sup> Amatíai, jíáímana fienu omoï úríñeno iri. Amana fienu úritímie daje izóí ocuífafuemo fienu úrite. Afe izóí ámana fienu jícánótímie, daíí ocuífafuemo fienu fairíote. Mei jira ocuífafuemo fienu o fairíoadí, jira ocuífafuena íere cacáñedímiedio. Jae jícánoraímana ítío. <sup>12</sup> Mei íadi daade ocuífafue llotímie; afe llezica afémié jícánoítímie. Dama afémié caí jíllotaráima, jíáie izóí afémié caí táinocaitaráima. Mei, o, çníimíedio jíáímamo itífuíai o jícánodoíllena?

*Uíreitíruí monaíllíruí onónide*

<sup>13</sup> Mai bfemo omoï cacai, omoï úrilla uaina daídino. Bie izóí daíífredíomoï: “Birui níbai uire jíítiramo jíáie jófuemo jáíticai. Dínomo daa íimona fecárizaiticai, úcube caí óllena,” daídíomoï. <sup>14</sup> Mei íadi due onóñedíomoï uire jíti caímo íítífuena. Mei jíi çmínica mei caí cáatatinona? Cai cáatatino daallu cíocaizaíbite úíllie izóí. Iemona afe úíllie níne táinocaide. <sup>15</sup> Bífue izóí omoï daífrede: “Juzíñamui jítaíadi ííticai. Iemona aféfuena níbai jíáífuena íñoíticai.” <sup>16</sup> Mei íadi afe íbana, o dánana meídoíacañeno naí abi ínocana

úrítíomoi. Nana afe abí ñnuafue fiénide. <sup>17</sup>Ñúefuena ñnuana onódimie afefue finónienia afémie fiénidifuemo báide.

## 5

*Ráaredimaci llétafue*

<sup>1</sup>¡Ráaredimaci, bífuemo omoi cácarei! Cállicaiilli eeri, aillo duere finóbillifuiai ómoimo íteza. Aféfuemo duere zéfuitiomoi. <sup>2</sup>Omoi ebírede ráaie jae rifaide. Omoi ñuera ñiroillai ícuai güiga. <sup>3</sup>Omoi úcube quenírede ráaniai diga jae éezite. Afe éeiafue fiénidífue ómoimo nítaite, ie mei bie éeiafue omoi comeci duere ñnoite; irai amena cuarítaina izói ómoina ñnoite. Afe birui írairuimo omoi ráaienai jae ofítatiomoi. <sup>4</sup>Omoi güillena ónaruillaido táijitagamací úcube jeruídiomoi. Afe jeruica úcube ómoimo riire jiáifodo dájecana úrite. Nana nairai illaima Juzíñamui bie táijitagamací éecana dáinana cacade. <sup>5</sup>Bie éniemo jamánomo ñue ebírede ráaniai ómoimo ífirede. Dani nana omoi comeci jitailla izói ífirediomoi. Fia güillárenamona mero izói farédiomoi. Afe llezica fazílliruimo dúcizaide. <sup>6</sup>Nano fueñe nífuenidimacina titátatiomoi, ie mei afémacina fatíomoi. Afe nífuenidino ómoimo abí zóofetiaoi, mei íadi íaioimo dúcañeno fatíomoi.

*Comeci járidoñenafue*

<sup>7</sup>Ie jira, ámatiai, cai Ocuíraima Jesucristo billíruimo comeci járidoñeno omoi iri. Jacáfaimo táijidimie ráifide llizíllaniaina járidoñeno úiñote. Ua nano fueñeide uáici mei nai úiñoide. Iiraie uáici mei afe llizíllaniaina óite. <sup>8</sup>Daje izói omoi járidoñeno. Omoi comeci mame; cai Ocuíraima billírui jae ánozideza. <sup>9</sup>Amatai, conímamo ríiríñeno omoi iri, jicánollimacina omoi íneillena. Mei jii, Juzíñamui dama Jicánoraima; afémie cai finócafuiiai jicánollirui jae ánozide. <sup>10</sup>Cue ámatiai, uai llórainimo comeci uibóiri. Iaioi nágarui ñue illafue caimo ácataiteza. Juzíñamui mámedido íaioi úrillamona iere duere zefuídiaoi, mei íadi jaca járidoñediaoi. <sup>11</sup>Duere zefuillafuemona zefui cácañedino caimare itíaioi daíífredicai. Jáiaigima Job ie járidoñenafuena cacádiomoi. Afe llezica Juzíñamui íemo íraínomo finócafueña onódiomoi. Mei jii, Juzíñamui cai Ocuíraima caimo dúcaífirede, fiénidifuiai íba are ninomo caimo óñeite.

<sup>12</sup>Cue ámatiai cacai. Jamánomoidífue llóiticue. Juzíñamui mámedí uafue daíllena táinomó llíñoñeno iri; afe daí mona mámedí énie mámedí diga táinomó llíñoñeno iri, ñie jiáie raana táinomó llíñuano uafue daíllena daíñeno iri. “Jii” o daíia nie izói íteza. “Ieñede” o daíia íeñeiteza. Afe izói mai omoi úriri Juzíñamui duere omoi ñnoñeilleza.

<sup>13</sup>Omoimona dáamie duere zéfuia afémie dama Juzíñamuimo úriri. Dáamie caimare íadi afémie ñúefue nitada róiri. <sup>14</sup>Dáamie iráreia, gairíraco imácimona eicomínina jírízairi, afémieri Juzíñamuimo íaioi úrillena. Afe llezica afémiemo Juzíñamui mámedido cáiredijina jóneitiaoi. <sup>15</sup>Ñnuafuedo Juzíñamuimo íaioi úriadi iráredimie jíllobicaite, ie mei Moo Juzíñamui íena náidacaitaite. Íáiredifuiaimo nauí ie baííadi, afe íaífuiai oni dófinamona, ñue nífuenidimiená Juzíñamui íena llíñoite. <sup>16</sup>Ie jira omoi íaífuiai jofó conímamo omoi lloiri. Afena jáanoñeno iri. Afe mei conímamo Juzíñamuimo omoi jícarí, íemona ñue omoi jíllóilleza. Fígomie izire Juzíñamuimo úrillafue iere ríinorede. <sup>17</sup>Uai lloraima Elías jíba cai izóidimie. Juzíñamuimo ie úrillado noci bíñeillena Juzíñamuimo jícade. Jícamona jae daíñmonámani átuédo éniemo nocina bíñede. <sup>18</sup>Ie mei dánomo Juzíñamuimo jícamona meine bízaide; áfemona énie naa llízieri zicode.

<sup>19</sup>Cue ámatiai, ómoimona dáamie ua uáimona oni fiéni nibéfodo jáiadi, jíáimie íena meñe abído atídina ñuera. <sup>20</sup>Bífuena omoi onóilleza. Fiénidimie ie íáirede íomona meine atídímie afe fiénidimie joreño tiíllanomona jíllotaite. Afe llezica aillo íaífuiai oni dóficaite. Jae ñie.

## SAN PEDRO NANOIDE CUEGABE Primera Carta del Apóstol San Pedro

*Jesumo ĩnote ráidozitinomo Pedro cuete*

<sup>1</sup> Cue Pédrodicue; Jesucristo orécamedicue. Bibe Jesumo ĩnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniaido júdaizitagaomoi. <sup>2</sup> Mei íadi Moo Juzíñamui nizécamacidiomoi. Jaiai ie mamérilla izói, ja ie nizécánodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui eróicana omoi jáillena, jae mamécaomoi. Mei Juzíñamui ómoina aillo éziciiteza, íemo comeci caimare uái illafue ómoimo llóiteza.

*Juzíñamui dáina ñue uáfuea zúitífueemo caimare comeciífiredicai*

<sup>3</sup> Cai Ocuíraima Jesucristo Moo Juzíñamuina mai cai ióbioitali. Mei nano fueñe afémie jamánomo caimo dúecaide. Dúecaillano como meine nane caina jécitacade. Ie jira Juzíñamui Jesucrístona tídinuiaimona meine abido cáatate. Afe Jesús meine cáanamona Juzíñamui ua como meine jécigacai. Afe bie cai comue dáanomo jécinafue ñue Juzíñamui caimo fecállifueemo caina nágarui úiñotate. (Afeue cai zíñona illifue.)

<sup>4</sup> Afeue amena záfia izóiñede. Amena záfia jaca llirífiredede, mei íadi afeue zíñona jaca ñinomo lliríñede. Ua, Juzíñamui ómoina dáinafue, monamo ite ñuera feci raa izóidena ómoina onótate. Afena Juzíñamui ómoiena jóoneoide, omoi como meine jéciamona ico jíáiruido omoi maiñóllena. Afe feci raa izóidena, jaca ñiné táinocaitanide. Daje izói afe raa jaca íaidonide. <sup>5</sup> Juzíñamuimo omoi ĩnuado íemo ite ñuera ríinodo ómoina ríidote. Ua ómoina ríidote, íemo ite jíllonafue díbenemo omoi dúciillena. Afe omoi zíñona jíllonafue afémie ñue finode, íirairuillaído jino ñue onótallena.

<sup>6</sup> Bífuiaido omoi jamánomo caimare itíomoi. Mei íadi dáaruirie jíáfodorie duere ze-fuírediomoi. Afeue nibai jabo jitáirede. <sup>7</sup> Omoimo ite Juzíñamuimo ĩnogafue, oro izoide. Naga oro iraimo facaca, bie ua oro daiíllena. Afe izói ómoimo ite Juzíñamuimo ĩnogafue facárede. Caimo íficáifrede facátafuíai oro zia irai izoide. Nana bie facátafuíaimona nibáinino ñue jino bite Juzíñamuimo ĩnogafue, aillo ráifide. Ua afe ñue ĩnogafue oro baímo jamánomo ráifide, mei afe oro fúiteza. Mei jira ja daií facátagamie íemo ite ie ĩnogafue ñuera. Ie ĩnogafue ja nibáinino ñue jino jailla, áfemona ja figura. Jesucristo cíocaizaibilliruimo afémie ñue facátagamiena jáite. Dáaruina Juzíñamuimo ite ebírenafue llíinoite. Daje llezica aféruimo ñuefuea Juzíñamui íemo nitárede.

<sup>8</sup> Jesucrístona cíóñediomoi íadi, íena izíruitiomoi. Afémiena cíóñediomoi íadi íemo ĩnotiomoi. Afe omoi ĩnuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daiíllui ai ñede. <sup>9</sup> Omoi ĩnogafue ícoina omoi comeci jíllona máíñoitiomoi.

<sup>10</sup> Jáíáidígima illáruillaído Juzíñamui uai jino lloraini afe bie jíllonafue riire jícanotíai. Afe dáaruído bie jíllonafuea uáfodo onóillena jícájicanodiaí. Afe uai lloraini Juzíñamui ómoimo finóllifue uícodo llote. Ua uire Juzíñamui ómoimo dúecaillano ómoimo fecállifuíai raire uícodo llotíai. <sup>11</sup> Cristo Joreño afe uai llórainimo Cristo uire duere finóbillifue raire uícodo fidítate. Afe dáaruído Crísto ebire nitállifuea íaioimo daje izói fidítaibite. Afe íaioimo ite Joreño íaioimo lluíbíbigafuíai ñue onóillena, comécido jenódiaí. “Bie lluíbíbigafue ¿bumo dúide?” daídíai. Afe emódomo: “¿Níruído bie llogáfuíai zúite?” daídíai. <sup>12</sup> Iemona Juzíñamui jíáfuea íaioimo fidítate. Afeue daide: “Íaió uícodo llogáuaido aféruído itínuiaina figo canóñediaí. Mei íadi nana caina ñue cánotíai.” Daí Juzíñamui íaioimo llote. Jae biruillaído ómoimo llogáfuíai afe bie jaiai

llogáuai izói jóide. Birui ñue omoi jílloilluaina llotino, Ñuera Joreño ríinodo úritiaioi. Afe Ñuera Joreño monámona ana orea. Afe bífuaiaina Juzíñamui abi imaci dani comécido onócadaiáioi.

*Juzíñamui íaifuenino cai illena ocuide*

<sup>13</sup> Mei jira nana omoi jetáacaga raamo ñue comeci facari. Omoi comeci ñúefuedo omoi úrifíreiri, mei Juzíñamui ico ñírui íeiena ómoína uáidoiteza. Ua Jesucristo cíocailliruido Juzíñamui ómoímo dúecailluaimo daa áfemo izire omoi comécíiri. <sup>14</sup> Ocuillana jéruite úruiaí izói omoi iri. Jaiaí Juzíñamuina omoi ónoñena llezica ómoímo ite comeci jitáillafue izói, omoi iñeno iri. <sup>15</sup> Mei birui jiáfodo ñue omoi iri. Nana omoi jetáacagafuiaímo, jamánomo ñue íaifuenino mai omoi iri, mei ómoína uáidote Juzíñamui íaifuenidímieza. <sup>16</sup> Mei Juzíñamui Cuegáuai daí daide: “Cue íaifuenidímiedicueza, cue izói íaifuenino omoi iri,” daí Juzíñamui daide.

<sup>17</sup> Juzíñamui illa dígamie íaioi illáfuiái riire jicánoite. Ua illáicomínimo, jamáicomínimo dámie fiéñeno daje izói nana riire jicánoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacírui. Ua bie énie omoi ille dínó bie izói omoi iri. <sup>18</sup> Mei Juzíñamui omoi illa táinofuiaímona ja ómoína jílloiteza. Afe ómoímo ite táinofuiaí omoi jaiáidígimamona otíomoi. Afe jílloñafue ráifinana ñue onódiomoi. Bie ráifina órodo íbánide. Daje izói plátado íbánide, naa jiáie úcubetunido.

<sup>19</sup> Afe jílloñafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidímie, Juzíñamuimo fállena fecaca. <sup>20</sup> Jaiaí ninomo bie énie nai cómuítañenia Cristo daí mameca, mei íadi are illa ícoímo, benó cai illa llezica, afémie cíocaizaíbite ñue omoi illena. <sup>21</sup> Afe bie Crístodo Juzíñamuimo ínotiomoi. Tíidímiecomona Juzíñamui bie Cristona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotiomoi. Afe izói ja Juzíñamuimo izire comécíidíomoi.

<sup>22</sup> Ja birui ua llogáuaina Ñuera Joréñodo omoi jíeruillamona omoi comeci íaifuiái muiñódiomoi. Afe omoi comeci íaifue múiñuamona omoi ámatiaína uáfueña nahí izíruirediomoi. Afe daí conímana mai omoi comécido, naa omoi ríinodo izírui. <sup>23</sup> Mei jii, como meine jécigaomoi. Come móomona meine jécíinegaomoi mei tíitiaoíza. Mei íadi Juzíñamui uaido meine jécigaomoi. Afémie uai jaca ninomo féiñeno zíñona ite. <sup>24</sup> Jaiaí Juzíñamui Cuegáuai daje izói llote. Aféuai daide:

Nana bíniemo ite náiraimona illa dígamie jaca ráitíai izoide.

Iaioi jamánomo jalléinafue ráitíai záfia izoide.

Afe ráitíai dúifírede; dúillamona ie záfia uaide.

<sup>25</sup> Mei íadi cai Ocuídímie uai féiñeno jaca zíñona ite.

Afe bie uai, ua ómoímo lloga ñue jílloñuaí.

## 2

<sup>1</sup> Mei jira nana ómoímo ite éoicana finócafuiái fáicanocairi. Daje izói jiáimana o jífueacanafue abido oñeno fáicanocairi. Comeci íáirena mei, emodo ífuedo comínina ñue úritímie izóidífue omoi féitari. Daje izói jiáimamo omoi úradoñeno iri. Afe mei naga jiáimana ebena úacaillafuiái mai omoi féitaziri. <sup>2</sup> Mei afe méifodo como jococa úrue izói comeci náiretaite jirolle jenori. Ua, monoi ii jírúa izói Juzíñamui lloga íainino, juánide uaillai mai izire omoi jenori, nágarui áfemo omoi comécíillena. Afedo ñue riire móonaitímoíza. Daje izói aféuaido nanómona omoi íñoia, jíllóitíomoi. <sup>3</sup> Ua daí omoi jenori, mei cai Ocuíraíma comécina ñuénana onódiomoíza.

*Jesucristo cómena zíñona cáatate nofíci izóidímie*

<sup>4</sup> Ie jira cai Ocuíraímano mai omoi ánoziri; afémie cómena cáatate nofíci izóidímieza. Afémie comínimona fiénide nofíci ruifruillano oni dotaca izóidímie. Mei íadi Juzíñamui díbénedo afémie iere ráifide nízecca nofíci izóidímie. <sup>5</sup> Afe izói omoi cáatate nofíci í izóidímiecomoi. Iemona Juzíñamui ómoína óiacade, ie cíóñena ua ífrenaco ñillena.

Afemona abina omoi rairuíñeno iri. Daje izói Juzíñamui feiena mameca, Juzíñamuimo comínido úrirainina dáaziena ómoina jóonecade. Daí omoi jáillemona, uaido Juzíñamui ióbillena fecácafue íemo Jesucristodo fécaitiomoi. Afena Juzíñamui jeire óiteza. <sup>6</sup> Cai Ocuíraima Jesucristo bie nofici izóidimie. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, nii Sión dainácomo, dámie jóoneticue.

Afémie iere ráifide nizeca ñue riire mozóide nofici izóidimie.

Nana afémiemo ínotino meáidaiñeno táinomo fáifíñeitiaioi, daide.

<sup>7-8</sup> Ja birui afémiemo ñue ínotimacidiomoi. Omoiri bie nofici izóidimie jamánomo ráifide.

Mei íadi afémiemo íñoñeite comini, éicitaila izói, afémiemo baíidiaioi. Ua Cuegáuai benomo dáina izói ja íaioimo zuide. Aféuai daide:

Afémie éicitaitate nofici izói ite.

Ua áillue nofícimo éicitade baíilla izói afémie íemo íñoñedinona baíitate.

Mei afe llogáuai jeire oñenamona, éicitaidimie izói baíidiaioi. Afe íaioi baíille jaiai ninomo daí mamécamací. Daje izói afe ñue riire nofici izóidimie íaioi íñoñenamona nane jáie daínauai íaioimo zuide. Íaioi íñoñegamie dibénedo aféuai daide:

Jofo níraini oni dotaca nofici jae ua riire mozóide nofici izói jaide.

#### *Juzíñamuimo jaináidimacidiomoi*

<sup>9</sup> Mei íadi nizécaciediomoi. Afe izói Jamánomoidíllaíma Juzíñamui iéidiomoi. Juzíñamui ocuífrega afémiemo comínido úrirainidiomoi. Afe emódomo Juzíñamui ñue finoca ie ocuífrega náiraidiomoi. Daje izói dama Juzíñamuimo jainaide comínidiomoi. Bífuiái bie izói jóide, Juzíñamui cai jíllloíllena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebirede úzefomo, ómoina jírite. <sup>10</sup> Jaiai illáruído Juzíñamui ómoina daide: “Cue comíníñediomoi,” mei íadi ja birui Juzíñamuimo jainaide náiraidiomoi. Jaiai ómoimo buna dúecaíñede, mei íadi birui Juzíñamui duéruigamacidiomoi.

#### *Afe jaináidino Juzíñamui táijitaganona itíai*

<sup>11</sup> Izíruiga ámatíai, Juzíñamuimo íñoñedino cígiri itímoíza, jicánemaci izóidiomoi. Ie jira izire jicádcue, bie éniemo ite táinomo come abi jítaílla fiénidifuiáimona mai abí omoi rairuiri, mei afe abi jítaínafuiái omoi comécimo bacáuaina íoideza. <sup>12</sup> Juzíñamuimo íñoñedino cígiri omoi illa dínó ñue illa dibénedo mai omoi iri. Mei birui afémaci fiénidimacidiomoi izói, ómoina uáitaoidiaioi. Mei íadi afe ómoina uáitaoidino, omoi ñue illáfuena íaioi cónamona, níbaí íaioi comécimo ite fiénidifuiái núefuáina méidoitiaioi. Iemona Juzíñamui íaioina dúecaizaíbillíruimo afémaci daje izói Juzíñamui ióbioitaitaioi.

<sup>13</sup> Cai Ocuíraimana ícoínia, nana comini jóonega ríimaci anamo, mai omoi itábicaíri. Daje izói jabóidíllaíma nahíllaíma anamo omoi itábicaíri. Afe nahíllaíma jamánomo ocúidimie. <sup>14</sup> Afe nahíllaíma orea jabóidíllani, fiénidínona duere íñoítiaioi, mei íadi núefue dibénemo itínona ébitaitaioi. Iemona íaioi anamo ífireiri. <sup>15</sup> Mei jira Juzíñamui ñue illáfuemo omoi íllana jitaide, áfedo abina onóñedimaci, comécínino úritimaci díga íaioi táinodo úrillauai omoi fáinocaitallena.

<sup>16</sup> Ráiruíñegamací izói ñue omoi macari. Mei íadi afe omoi rairuíñenafuedo fiénícana abina omoi íñoñeno iri. Dáarie afe rairuíñenafuedo abí ínuamona fiénidífue finóacadiaioi. Afe izói omoi íñeno iri. Mei íadi Juzíñamui izire rairuica táijitagano izói omoi macari. Daí omoi íadi iere ñuera. <sup>17</sup> Dámie jámaíruíñeno nana íaioi íllaze ñue caímare jacíruioiri. Nana ámatiaína daje izói omoi izíruiri. Juzíñamuimo ñue izire omoi jacíruioiri. Daje izói nahíllaímana uáitañeno ñue omoi jacíruioiri.

*Cristo nauí duere zefullafue afe izói caí íllena caímo cíotote*

<sup>18</sup> Tájítagamaci, omoi ocuđimiiaina ñue jacíruioicana íaioi anamo mai omoi itábicaíri. Omoimo dúecaífirede caimare ocuđimíiai, mai íaioi anamo itábicaíri. Daje izói jíáie riire tájítate ocuđimíiai anamo mai omoi itábicaíri. <sup>19</sup> Nágamíai taino abiri duere zefuítadi, mei íadi afe llezica Juzíñamuimo comécina mona afémaci nai caimare ia, afe Juzíñamuina íobítate. Juzíñamui ñue facátinafue afémacimo jóoneite. <sup>20</sup> Mei jíáifodo fiénidífue omoi finóadi, íemona ómoína duere íaioi finolle llezica nai járidoñoeno omoi ia, onóigaza afefue figo jínoñeite. Mei íadi ñúefue omoi fínuamona ómoína duere íaioi zefuítadi nai járidoñoeno omoi ia, ja omoi illafue Juzíñamui eróicana figora. <sup>21</sup> Ua afe daíí omoi íllena Juzíñamui mamécamacidiomoi. Mei jíi omoi ícoínia Cristo iere duere finócaza. Afe ie duere zefuítallafue omoi fidítate, afémie illa izói omoi íllena. <sup>22</sup> Afémie jaca due fiénidífue finóñede. Daje izói jaca buna jífueñede. <sup>23</sup> Fiénidíuailai Jesumo íaioi nita llezica, íba olle fiénidíuailaina afémie lloñede. Izire íena zefuitatiaoimo, Jesús riire íbana ototáñede; mei íadi dama afémie Juzíñamuimo dama ie uai jóonete, mei Juzíñamui ñue jáícina jóonefírede riire jícanoraimanaza. <sup>24</sup> Daje Cristo cruzmo illa llezica, dama ie abido cai fiénidífuiaina abioaiga izói uite. Ua afémie cai fiénidífuiái uiga, aféfuái dibénemo tíidínuaí izói cai íllena. (Daíí aféfuaiaina fínoñeíticai.) Mei afe méifodo, nífunino Moo Juzíñamui io dibénemo ñue jáícina íredicai. Afémie aillo bofécamiena jaiđe ñue jíllotagamacina omoi jáíllena. <sup>25</sup> Naui úiñoñega júdaizite ovejai izói ebena macádiomoi; mei íadi birui Crístomo ja meine abido dúcidiomoi. Ovejai úiñoraíma izói afémie ómoína úiñoñefírede. Afe izói afémie omoi comeci rairuítagamaci.

### 3

Airedino iníredino díga íaioi ñue íllena llétafue

<sup>1</sup> Nana ríimaci anamo cai itábicailla izói, nana ómoimona iníredingotíai dani omoi inítíai anamo ñue omoi itábicaíri. Mei omoi inítíaimona nibai dáríe Juzíñamui llogáuaina nai íñoñediaíoi; mei íadi omoi ñue íllafuena íaioi ciónamona, íaioi comeci ífue nibai ñúefuena méidotáite, jíáie uáíllaina nai omoi llóneniadi. <sup>2</sup> Ua omoi íaioi anamo ñue íáinino itábicaillafue áfena íaioi ciónamona, daje izói Jesumo íñoítíai. <sup>3</sup> Jamáingotíai fiérilla izói mai omoi fiériri. Mei aillo jino abimo jíitaca raa izóidedo fiériñediaíoi. Mei jira fia abí fiédua ráífide oro finoina raana jíitáñeno omoi iri. Afe izói jamánomo féirede ífótíi nllado fiériñoeno iri. Daje izói aillo ráífide iníroina jíitáñeno iri. <sup>4</sup> Mei íadi omoi comécina ebire fiérilla izói ñue omoi fínori. Afe omoi comécina mánainafuena járidoñenafue díga omoi fiéríta afe iere ñuera. Afe bie féíñede ebíredífue Juzíñamui eróicana jamánomo aillo ráífide. <sup>5</sup> Afe daíí jáiáidinomo ite Juzíñamuimo ínofírede íáífuenidingotíai comécina ñue fiéritadiaíoi. Afe llezica íaioi inítíai anamo ñue itábicaídiaíoi. <sup>6</sup> Ua daíí Sara Abraham daínafuena jeire ote. Afe daíí úamona afengo íena: “Cue ocuúaimadio,” uáídoñefírede. Ja birui nífuemo omoi jacínaiñoeno, ñúefue omoi jeire ófa, Sara izóidingotíaina jáítíomoi.

<sup>7</sup> Afe dáanomo nana ómoimona áiredimíiai cácarei. Caimare omoi áítíaimo comécíillano, dani íaíoimo dúíde ñúefuena íaíoimo nitari. Mei ringóníai íima jófófemo jabóicana maírídeza. Daje izói Juzíñamui ómoimo dúecaíllano fecaca zííñoena íllífue, dájeze ringóníaimo fecaca. Afemona cáimafuedo íaíoimo úriredíomoi. Afe izói omoi iri, omoi Juzíñamuimo úrilla uai jíziñeílleza.

Ñue omoi illa ícoínia duere zefuítagaomoi

<sup>8</sup> Nana bífuiaimona daa ráífidíuaido nana ómoimo úriticue. Mai dáafuemo comeci fácano, conímana caimare omoi canori. Daje izói conímana omoi duéruiri. Ua nahí ámatíai izói conímana omoi izíruiri. Come dúecaíllano comécina mánaídímacina omoi iri. <sup>9</sup> Daje izói fiénidífue comuía afe íbana oñoeno iri. Afe izói báíñuafue comuía, íbana báíñoñoeno iri. Mei jíáífo dájecana ñúefue íba íaíoimo oírí; Juzíñamui ómoína ie ñúefue llínollena mamédeza. <sup>10</sup> Mei jíi; Juzíñamui Cugáuai bie izói daíde:



Biruúllaido ñue illáfueña izíruitimie, caimare are íacadimie diga, fieni úrillafuemoná mai íe fue ráiruiteza.

Afe izói dámie caimare íllado are íacade íe fue rairuíredeza.

Iemo daje izói táinofuiaina mai afémie llóñeíteza.

<sup>11</sup> Fiénidifuiái afémie fáicanocailano mai ñúefuemo comécíteza;

Iemo conímána comeci caimare uái illafue jenórede.

Afe mei afémie nágaruí áfeodo jáiredeza.

<sup>12</sup> Mei cai Ocuíraíma comécína jáicína jóidimacína rairuúllano ñue úíñoteza.

Daje izói afémiemo íaíoi úriadi, íaíoi mo cacáreide.

Mei íadi fiénidifue finódinomona íe uíeco oni jíicaide.

<sup>13</sup> Jáímamo ñue finóllino jaca izire omoi jenóadi, íraamo omoi jíritaitimiena íñeíte! <sup>14</sup> Mei

íadi omoi jáicína ñue illáfuedo omoi duere zefuí daíí, caimare ítiomoi. Buna jacíruiñeno

íri; daje izói áfedo comeci llícitaiñeno omoi íri. <sup>15</sup> Mei íadi Cristo omoi comécido nahí

Ocuídillaímána mai omoi mameri. Mai uícomo ñue omoi finóbiri, ómoímo íte úíñogafue

jicánotimaci uai omoi ólleza. Mei íadi jacíruióicána comeci mánainafuedo afe fairóina uai

omoi oíri. <sup>16</sup> Omoi illafue ñue jáicína mameri, omoi comeci úrillafue nífuenino uái íllena.

Ja Crístomo omoi ínuamona, omoi illafue ñuera. Afe omoi ñue illáfuedo fieni úritino íte.

Íe jira ua omoi abí illafue ñue jáicína jóonefíreiri, ómoímo fieni úritino dani íaíoi fieni

úrilla uáíllairi meáidallena. <sup>17</sup> Juzíñamuí jítáíadi ñúefue ícoínia duere omoi zefuíadi afefue

ñuera. Juzíñamuína íóbitade. Mei íadi omoi fieni finócafue ícoínia duere omoi zefuíadi

afefue figo jínoñede. Afefue Juzíñamuína íóbitañede.

<sup>18</sup> Mei dama Cristo cai fiénidifue ícoínia, dama abido tííñellinomo, dácaíño duere

zefuúllano tíide. Afémie íere ífigómie, mei íadi cai fiénina ícoínia cáiconi duere zefuízaíbite,

Juzíñamuí illánomo cai jáíllena. Íe abí íeizi dibénedo titácámie, mei íadi Juzíñamuí

Joreñodo meine abido cáadímie. <sup>19</sup> Íe mei Cristo íe joreñodo, naí meine caífo náídañena

llezica, jíáínomo íbaicoga tíidino joreñuái afémie llétajide. <sup>20</sup> Bimaci jajai ninomo Noé

illáruído llogáuaina jíruíñedino. Aféruúllaido áíllue nocáe Noé fínua llezica, fiénidino

duere finólliruímo Juzíñamuí comeci raire járidoñeno, fáicana áfemo úíñoide. Afe áíllue

nocaedo nana dane ocho dígamie jíllodiaíoi. Ua Juzíñamuí izire comíni duere fínuaamona,

afe aillo jajnoi cígimona jíllodiaíoi. <sup>21</sup> Afe jáínoímo cai uibíllano, íaíoi jílluafue cáina

onótate. Íe jira afe jajnoi báutiza jajnoi izoide; mei báutiza jáínoido fiénidifueomona

cai jílluana onótágacaíza. Bautismo ráífinafue ía abí íaífue duáfueñede. Mei íadi ñue

íainide comeci úrillafue Juzíñamuímo cai jícafue dibénemo bautismo ráífinafue comuide.

Afe íainide comeci úrillafue afémiemo jícáredicái, mei Jesucristo tíide meine cáanafuedo

jíllotágacaíza. <sup>22</sup> Afémie meine cááillano monamo jajde. Jaiillano Juzíñamuí nabézimo íte.

Nana Juzíñamuí abí ímací, jae Jesús anamo ítíaíoi, naa jíaíe ríimaciri. Ua nana máírímaci

baimo afémie ríinorede.

#### 4

*Juzíñamuí caímo fecaca eróicána, come máírie ílla díeze, íemo tájíredicái*

<sup>1</sup> Mei jira, Cristo dama íe abido duere zefuúlla izói, dani omoi abina Crístodo duere

zefuúllena daíí finóbiredíomoi. Afena rairuíñeno omoi íri. Mei Cristo ícoínia abina izi

cácatagámie abido fiénidifuiaina finócañede. <sup>2</sup> Iemona nana íe cáanaruúllaido Juzíñamuí

comeci jítainafue izói íite. Afémie bie éniemo jajnáidino comeci jítaíoinafuiaina fuitállena

jénoíte. <sup>3</sup> Afe Juzíñamuína onóñedino gáínafuíai izói jamánomo jajai ninomo are

omoi ílla ja daíí ítíomoi;z; meine daje izói íñeno omoi íri. Nauí aféruúllaido fiénidifue

diné jajnáidíomoi. Omoi comeci fieni jítainafuíaimo íoidíomoi. Daje izói jamánomo

fiénidíji omoi jíruamona jífáífredíomoi. Omoi dáanomo aillo güíllaruúllaido fiénidifuíari

faíllíñáífredíomoi. Daje izói jánaraimo gairífredíomoi, afe jánarai íóbitallena. Daíí

gairíllano aillo bie izoide íaifuiaí finófrediomoi. <sup>4</sup>Ja birui bie Juzíñamuina onóñedino, ja aillo jamánomo íaifue dibénemo itíaiói. Iemona íaiói omoi fieni nabáñenari, fáigacaidiaí. Iemona ómoimo fieni úritiaí. <sup>5</sup>Mei íadí afe fiénidímaci íaiói comeci ífue jino Juzíñamuimo llórediaí naa íaiói finócafuiaí. Ua cáadino tíidino diga afémie íanori íllamona iere riire jicánoite. <sup>6</sup>Mei jíi, Juzíñamui daina jíllona uai tíidímácimo uímodo llotátaga, afe tíidino joreño dibénedo Juzíñamui illa izói íaiói íllena. Jíái femo baimaci, nana bínie comíni tíilla izói tíitiaí íadí, ja Juzíñamui illa izói cáaitímácina írediaí.

<sup>7</sup>Ja naga ráfuiaí fuizáíllnomo ánozide. Mei jira núefuemo coméciidímácina omoi íri. Afe izói Juzíñamuimo ñue úrillafuemo jífánodoñeno izire omoi facáoiri. <sup>8</sup>Omoi finoca naga jíaie raa baímo, conímana iere omoi izírui; mei izírullafue aillo íaífuiaína eníaitaga izói niné féitateza. <sup>9</sup>Conímaiaína ómoimo mácaibitínona diga, omoi jofomo comécido ruifruíñeno caímare líinofíreiri. <sup>10</sup>Ílla dígamaci Juzíñamui ómoimo iga tájjina ríino daina izói jíáimana canórediomoi. Afe izói omoi íllamona Juzíñamui ómoimo fecaca jíáfodo onóigafuiaína ñue dájerize fecáramácina ítíomoi. <sup>11</sup>Dámie uailai jino llóiacania, comíni llófuellena, Juzíñamui daina uailai jino llórede. Dámie jíáimana canóadí, Juzíñamui fecaca ríinodo canórede. Nana omoi tájjinafuedo núefue Juzíñamuimo nitárediomoi. Jesucristo cai diga íllamona daí Juzíñamuina íóbitaredícaí. Mei afe Crístomo nana ebirede núefue, daje izói ríino diga jaca afémiemo zíñona dúideza. Aqué izói jóideza.

*Jesucristo cai jainaina ícoínia duere finócanodícaí mei íadí meáruíñedícaí*

<sup>12</sup>Izíruiğa ámatiaí, ómoimo cómuite izire facátinafuerei fáigacaiñeno íri. Aféfuiaína jánaídífué daíñeno íri. <sup>13</sup>Mei jíáfodo aféfuemo omoi caimátaíoiri; ja Cristo duere zefuúllafuiaí dibénomo dúiredímoíza. Afe izói íadí, Jesucristo ebire bíllana omoi cóillemona jamánomo íóbicaítíomoi. <sup>14</sup>Cristo ícoínia omoi íaiói báíñoia, cámafue dibénemo ítíomoi; mei Juzíñamui ebírede Joreño úicaígaomoíza. Omoi báíñotino Crístori fieni úritiaí, mei íadí omoi dibénomona núefuedo femo úritíomoi. <sup>15</sup>Omoímona dámie duere zefuúadí, come fáíredímie, mei níbai meríríredímie dibéfuemo duere zefuúñeno íri. Daje izói íaíbadímie, jíaie come ífuemo gágutajidímie dibénemo duere zefuúñeno íri. <sup>16</sup>Mei jíáfodo, Crístomo ínotínona omoi mameína ícoínia, duere omoi zefuúadí, áfena meáruíñeno íri. Ua meáruíñeno aféfuerei Juzíñamuina omoi íóboítari.

<sup>17</sup>Mei ja Juzíñamui cai lletáíllíruimo dúcizaide. Ua daní Juzíñamuimo jaináidínomo jaícina llétafue fueñe táiniaide. Mei afe jaícina llétafue daí caimo tainéiadi, ¿nie izói Juzíñamui llogáuaina jeire onédino, íraíruimo dúcíille llezica, ítíaiói? Afémaci lletáíllífué jamánomo riire zúite. <sup>18</sup>Fígomaci dibénomo jíllóíllífué juare ía, Juzíñamui ñue jacíruiñedino jíllóíllino iere féirede. ¿Nie izói níbaílliaí? ¡Níbaíñeítiaí! <sup>19</sup>Ie jira Juzíñamui comeci jítaílla izói duere zefuúdíno, naga núefuíaína finócaírediaí. Afe llezica íaiói coméciaí Juzíñamuina rairuítarediaí. Mei Juzíñamui méidoñeno íñofíredímieza, íaiói comútatímieza.

## 5

*Crístomo ínotino llóina uai*

<sup>1</sup>Omoi gairífirena cígímo íte ocuide eicomínímo cue llóina uai llóítícué; cue ja afémaci izói eicómedícuéza. Daje izói Cristo duere zefuilla uai nabáidímíedícué. Íco níruí Cristo bílle llezica íe ebíredífué cócaíllíruimo, afe íe ebi omoi cácaílle izói, afe izói íe ebi cácaítícué. <sup>2</sup>Nana omoi uai anamo itínuiaí ñue íaíoína omoi úíñori, oveja úíñoraíma íe ovéjaíai úíñua izói. Ráairuíñeno, Juzíñamui jítaílla izói, omoi comeci fígónamona íaíoína omoi úíñori. Jíáíma izire ocuilla izói íaíoína omoi úíñoñeno íri. Dama úcube óllena úíñua izói íaíoína omoi úíñoñeno íri. Dama omoi comeci óiacana izói caímare omoi tájjíri. <sup>3</sup>Omoi uai anamo itínona ríírerie comécina éoide comíni úíñotímie úíñua izói omoi úíñoñeno

iri. Mei jáífodo omoi illafue ñue jáícina omoi mameri, omoi illa izói íaioi ílleza. Mei daí ñue illafue fueñe íaioimo jino llotímediomoiza. <sup>4</sup> Afe jira Nahí Uiñoraíma Cristo cíocallirui mo ebírede ñúefue ómoimo nítaite. Afefue jaca ñinomo féiñeite. (Comíni díbenemona cómemo fecaca raa, jamánomoidimie daíllena, fia rábiai finoina ifo icuífoi. Afécuífoi etuda niné táinocaita, mei íadi omoi maiñóredifue jaca niné táinocaiñeite.)

<sup>5</sup> Afe daje izói, jitócomini, mai omoi ocuide éinamaci ñuera ríiuai anamo itábicaíri. Ua nana omoi conímána comeci mánainafuedo daje anamo dájena itábicaíredíomoi. Mei jaiaí Juzíñamui Cuegáuai daide:

Juzíñamui, nana fiendi abí íinotínona uáitaoide; ua íaioimona ie uíeco oni jíicaide. Mei íadi nana comécina mánaidínona afémie dúecaífrede.

<sup>6</sup> Mei jira Juzíñamui ñue ríifrede uai anamo ríiriñeno comécina mánaidimíena omoi iri. Afemona ie comeci daílliruido afémie ómoína jamánomoidimíena jóneite. <sup>7</sup> Nana omoi izire comeci lícidífuiaí Juzíñamuimo uáfodo lloíri; mei afémie ómoína iere rairuídeza.

<sup>8</sup> Ñue cáadimie izói abi omoi rairuíoíri; mei cai bacáuai ímie Taife caina jenódeza. Ua jufíruite jánallari rille jénua izói afémie caina jenódeza. Ua jenode caina fiénidífuemo ífóllena. <sup>9</sup> Afémiemo omoi íinogafuedo izire uáitaoicana abí omoi mameri. Mei ná-gagobiaimo ite omoi ámatiaí dáafueri duere zefuídiaioiza onódiomoiza. <sup>10</sup> Mei íadi nano íanori duere omoi zefuilla mei, Juzíñamui meine abido caimare duere zefuíñena díbenomo ómoína itátaite. Afe llezica íaífuemo comécina féitanide cómena ómoína mámeite. Ua dáaruído ómoína ríire ñibáinino nabéfuena náiretataite. Afe daje Juzíñamui fiénidífuemona abí rairuíllafuena cai ite, naa jáíie canóinafuiaíri. Dáamie íemo ite ziiño ebírenafuemo ebi cai cácaillena, afémie áfemo caina mamede; mei Jesucrístomo cai jáinaíllamona, áfemo ebi cácaítaí. <sup>11</sup> Uafue, afe Crístomo nana ebírede ñúefue, ríino diga jaca ziiñona dúide. Aquíe izói íteza.

*Iraífuena facádua uai*

<sup>12</sup> Bie íanori cue cuegabe Silvánodo ómoimo orédicue. Afémie ñue íinofírede ámaza comécido onódicue. Afe bibedo ñúefuemo omoi íllena omoi llófueticue. Ja aillo Juzíñamui ézicigafuiaína jeire otíomoi. Iemona afémie ómoína iere izíruíteza ua onódiomoi. Aféfuendo ríire ñibáinino ómoína mamédicue, uáfodo omoi onóillena. Bífue nágarui jáícina jeire omoi oíri.

<sup>13</sup> Babilonia jófuemo ite Juzíñamuimo gairídino, Juzíñamui omoi izói eneno nizécano, ómoimo uailái orédiaíoi. Daje izói cuedo jáicadimie Marcos ómoína uáidote. <sup>14</sup> Nahí ámána izíruilla izói caimare conímána omoi uáidori. Nana omoi Jesucrístomo jáinaídínodiomoiza, mai caimare uái omoi iri. Mai; jae ñíie.

## SAN PEDRO MÉIFODO CUEGABE Segunda Carta del Apóstol San Pedro

*Jesumo* ñnotinomo Pedro cuete

<sup>1</sup>Cue Simón Pédrodicue. Jesucristo ocuífíregamiedicue. Daje izói ie oréfíregamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatímie Jesucristo Juzíñamui diga comécina ñue jaícina jóidímieza. <sup>2</sup>Cai Ocuíraima Jesús, Juzíñamui diga, omoi onónamona diga éziciafuiai, daje izói comeci caimare uái illáfuiai dibénomo omoi iri.

*Crístomo* jaináidinomo ite nie izóidífuiai

<sup>3</sup>Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama femo ite ñúefuiaido afémie caina íemo ñnotade. Daje izói ie fáigacailla ebire finócafuiaido íemo caina ñnotade. <sup>4</sup>Iemona ie jífueñeno fecalle uai caimo llote. Bie caimo llogáuui iere aillo ráifide uai. Afe uáillaido Juzíñamui illa izói íitíomoiiza. Nana comini íaifue dibénemo fieni comeci jítainafuiaido uigámaci; mei íadi Juzíñamui ómoimo llogáuuido afe íaifuemona jae jíllodiomoi. Iemona Juzíñamui ñue illafue dibénemo íitíomoi. <sup>5</sup>Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; <sup>6</sup>afe caimare fibíllafuemo, dama abina rairuíllifue omoi nabáicana uiri; afe dama abina rairuíllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare coméiillifue dájemo nabáicana uiri; <sup>7</sup>afe Juzíñamuimo caimare coméiillafuemo ámatiaina duéruíllafue dájemo nabáicana uiri; afe ámatiaina duéruíllafuemo nahí izíruíllafue mai izire dájemo nabáicana uiri.

<sup>8</sup>Nana bie izói daináfuijai jeire omoi óiadi, afe llezica aféfuiai ñue omoi mónaitaiadi, omoi illafue táinomo báiiñeite. Daje izói cai Ocuíraima Jesucrístona omoi onónafue táinoñeite. <sup>9</sup>Mei íadi bífuiaina jeire oñédino uínidímie illa izói ite; jica cióneno ánnori cíodímie izói ite. Jaiai ie finoca fíenidífuiai dóinamo ja comécíñede. <sup>10</sup>Mei jira, ámatiaí, Juzíñamui uáidota eneno nizécamacidiomoiiza onódiomoiiza. Iemona jíeredímaci izói omoi iri, aféfuiai omoi comécimo riire amena jáinao izói illena. Afe izói omoi íadi, jaca Cristo íomona oni nibéfodo jáiñeítomoi. <sup>11</sup>Bifue daina izói omoi íadi, cai ocuide Jíllotaraima Jesucristo zíñona illáimana illánomo, rairuíñeno caimare jofo uáidolliomoi.

<sup>12</sup>Mei íemona bífuiaimo omoi coméiioitaiticue; aféfuiai onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comécioitaiticue. <sup>13</sup>Bie ñue llóinafue uáfodo ómoimo cue lletalle nai cue jaícana llezica, cúemona ñue jaícina cíoide. <sup>14</sup>Mei jíi, nauí cai Ocuíraima Jesucristo benó illa llezica, raire cue taíllano bie éniemo cue fíeíllena cuena daíde. Afémie cuemo llua izói ja raire íficaite. <sup>15</sup>Ie jira birui nana cue ríinodo llófuerticue, cue taílla méifomo bífuiaimo jaca ñue omoi coméiillena.

*Pedro Cristo jamánomo* ñuera ébífueña ciónana jino llote

<sup>16</sup>Nauí cue nabáíñiaí cue diga cai Ocuíraima Jesucrístomo ite ñuera ríino ífuena omoi llófueticai, ie meine abido billifue diga. Nana afe llófueinafuiai dani cai comécimo comuídífueneíde. Táínofuena lloñédicai, mei íadi dani cai uído ie jamánomo ñuera ébífueña cíodínodicai. Iemona uafue lloticai. <sup>17</sup>Ie Moo Juzíñamui íemo ñúefue nítana, jíaíe ébífredifue íemo fécana dani cai uído cíódicai. Juzíñamui ebire ie uaido daíde: “Bie cue izíruiga jíto. Afémieri iere íobíoidicue,” daíde. <sup>18</sup>Aquíe izói monámoma Moo dainana dani cai jefodo cacádicai; mei afe ñue eneno nizeca ídumo afe cai Ocuíraimaíoiri jáidicaiza.

<sup>19</sup> Bie como cai llogafue baiño, jáie nahí ua llogafue ite. Bie nahí uafue jaiai úcodo uai jino llóraini lloga cuegáuai. Afe cuegáuai cai llogáuaina nabaide. Bínie nai jítifomo illa llezica bíuaina ráiruñeno iere jeire órediomi. Aféuai mechera naio bóua jítifo egáñua izoide. Ua aféuai nai mona mónañenia, jítifo egáñua izói omoi comécina egáñote. Afe mona monailla llezica monáiracudu izóidimie billano, omoi comécina ñue jaícina détaite. <sup>20</sup> Mei fueñe bífuego omoi coméciri: Cuegáuailaño ite úcodo jino lloga daináfuaí dama afe uai lloráimamona llónega. <sup>21</sup> Mei onódicaiza, uai llóraini jaca dani íaioi comeci jítainafuaído úriñediaioi. Mei jáífodo afe Juziñamui íeiena maiñócamaci afémie dibéfodo úritiaioi; mei Ñuera Joreño ífócaiaioza.

## 2

Táinofuaína llófuefredino  
(Jud 4-13)

<sup>1</sup> Mei íadi afe dáaruillaído Israel comini cígiri táinofuaí jino llóraini ite. Afe izói omoi cígiri táinofuaído llófueritino íite. Afémaci dani fieni finode ífoci úrillafuena báinino omoi llófueitíaoi, comini Juziñamuimo íaioi ínogafue féitallena. Daí aféuaído íaioina jílloaite Ocuíraimana jánoitíaoi. Afemona íaioi niné raire táinocaillífue dani íaioimo zúite. <sup>2</sup> Íaioimo ite fiénidífue dibénedo aillo comini jáitíaoi. Dani afémaci íconia cai ua ñue jaille iori fieni úritiaioi. Bie ñue ua cai jaille io Juziñamui ñúefue. <sup>3</sup> Íaioi aillo úcube llínoiacanamona, táinofuaído omoi íaioi jífuaído úcubena llínoitíaoi. Mei íadi íaioi niné táinocaititímie, íaioi finócafuaína cíollano daí íaioi táinocaillífue fácanocaiñeno maméoi. Mei jaiai ninomo íaioi duere finóllena mamécaiaioza.

<sup>4</sup> Juziñamui abi imácimona dáarie fiénidífuego baíidíaoi. Afémaci íaifuena Juziñamui doñede. Doñeno duere zefuille iraimo íaioina orede. Jítifomo íaioina fiénocaide. Dinomo ico izire jicánollirumo bai óllena cuinácaiaioi.

<sup>5</sup> Daje izói Noé illágima llezica fiénide comini íaifuena Juziñamui doñede. Mei íadi jamánono áillue jánoido afe fiénidínona Juziñamui nana fiéñeno fuitade. Afe fiénide náiraimona dama Noéna naa siete díga ie comíniri Juziñamui jíllotate. Afe Noé jaícina ñúefuedo íaioina lletade íadi jamáiena faitíaoi.

<sup>6</sup> Bífue mei, daje izói Juziñamui Sodoma jofue, Gomorra jofue imaci díga niné táinocaitate. Ua nana íaioi jofue bóua mei, daa ímuícaí fiébilla. Ua daí izire niné táinocaitate, ie méifodo fieni ítino, bífuena cíollano, Juziñamui fiénidino izire duere finófirede daíllena. <sup>7</sup> Afeno bócuamona Lot dainámie comeci ñuénado íena jíllotate. Lot afe íáirede comini fieni illáfueña ie cíonamona ie comeci jamánono zúucaide. <sup>8</sup> Bie comécina ñúemie Lot, nágarui fiénide comini cígiri ie íllari, íaioi fieni finócafuaína ciode; íaioi fieni úrillafuaína cacade. Aféuaí ie ñuera comécina zuure finode. <sup>9</sup> Daí cai Ocuíraima nana íena ñue jacíruitino íaioi comeci fieni facátafuaímona íaioi jíllollena ñue onode. Daje izói afémie nana fiénidino ico íraicaiño iere jicánollirumo duere finóllena oni eneno jóniana ñue onode.

<sup>10</sup> Nana íáire comeci jítainafue jeire óiacadínona Juziñamui iere duere fínoite. Cai Ocuíraima ríinona jámairuitinona daje izói duere zéfuitaitíaoi. Afémaci llétana cacáacaiñedino. Illáimana jacíruñedino. Daje izói monamo ite joríaí izoide ríinoredínona báñuana jacíruñediaioi. <sup>11</sup> Juziñamui abi imaci afe fiénidino baímo ríinorediaioi. Daí íaioi illa íadi, afémaci afe joríaí izoide ríinoredínona fieni daíñediaioi. Ua cai Ocuíraima uécori afémacina báñuafuedo “Duere zéfuitíomi,” daíñediaioi.

<sup>12</sup> Afe fiénidino ríllenai izói abina onóñediaioi. Afe ríllenai da ebena illáfuego itíaoi. Núefue dine comécíñediaioi. Fia llaitada fállena jocócaiaioi. Bie izói itímiaí ónoñegafuedo fieni úritiaioi. Mei íadi afémaci jiba rille izói tíitíaoi. <sup>13</sup> Jáie comini duere íaioi zefuítado duere finóbitiaioi. Ianori camátaillífuedo jáie iere íóbitadínocai,

daífirediaioi. Afémaci meáidaitadimaci. Comeci fieni finode raa izói omoi cígiri itíaiioi. Daje llezica omoi finoca ráfuiaido nabáiriacadiaioi ómoína iaire finóllena. Táinona jífujete caimátailla raado jífanotiaioi.

<sup>14</sup> Afémaci nana ciona ringomo fia érocañeno llaitada jirufue finócadiaioi. Afémaci fiénidifue finuana iere gáidiaioi. Afena fáicanocaiacañediaioi. Comécina náinidinona bífuenta íaifueo uitíaiioi. Naga raana izire máñuana iere fibídiaioi. Afe izoide comini íaire faidócana. <sup>15</sup> Afémaci Moo Juzíñamui ñuera iómona oni fiénidiodo jáidiaioi. Jaiiai uai llóraima Balaam ífuedo jáidiaioi. Afe Balaam Beor jitó. Afe Balaam fiénidifuiái ie finuado aillo úcubena llínoiacade. <sup>16</sup> Mei jíáfodo áfemona uáinide burra Balaam fiénidifuiái diné íena lletade. Afe burra come izói úrillano, Balaana uáiritaidimie úrilla izói rairuillano íena úritañede.

<sup>17</sup> Nana bie táinofuena llófueringo jainoi íñeno jainoi orano zafénailla izóidiaioi. Jairifodo oni niné ñaitaca mona úllie izóidiaioi. Jamánomo jítirede jítinomo zíñona íllena riire faidócaiaioi. <sup>18</sup> Mei aillo abi íñua uáillaido naa táino uallai díga, ññemacina jífuecana uitíaiioi. Iaiioi íaifuiáido, comini abi jítainafuiái díga jíáimacina bífuetiaioi. Ua íaifue dibénemo itínomona uáfuena jíllodinona meine íaifueo nane bífuiadiaioi. <sup>19</sup> Úfcodo raire llotíaiioi: “Uafue ráiruñega comini izói íitíomoi,” daífirediaioi. Mei íadi afe dáina llezica, dani afémaci íaifue dibénemo izire jaináitaganona itíaiioi. Iemona afémaci fiénidifue finuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiña jaide. <sup>20</sup> Mei cai jíllotate Ocuíraima Jesucrístona onódimaci, éniemo ite íaifuiáimona oni jíllodiaioi. Bimácimona dáarie íaiioi jíllua mei nauí íaiioi anáfenogafueo abido íaiioi baííadi, nano íaiioi illa baímo, jamánomo figóñeite. <sup>21</sup> Juzíñamui ñuera iona íaiioi onóñenia afefue afémacimona figóñede. Mei íadi ja Juzíñamui iona onona mei, íaiioimo iga ñuera lletárafuiaina féitaadi, afefue jamánomo fiénide. <sup>22</sup> Jaiiai dáina ua uai como afémacimo zúilla. Aféuai daide: “Jico ie cicúecana abido guíjazide. Daje izói mero abina ñue jococa nane dama ie íaibímo nane jabíjábízaide,” daide.

### 3

#### Cai Ocuíraima billifue

<sup>1</sup> Cue izíruiga ámatiaí, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoína abi jífueñeno bífueo comécitacadicue. Ñue llófueinafuedo ómoína comécitadadicue. <sup>2</sup> Afe jira jaiiai ñuera uai lloraini caimo llogáfuemo omoi uibóiri. Daje izói Cristo orécamací ómoimo lloga jíllotate Ocuíraima lletara uaimo féitañeno áfemo omoi comécíiri.

<sup>3</sup> Nano fueñe bífueo omoi uibóiri: ico íraíruillaido Juzíñamui lloga ññefuiaina zanófredino bíitiaioiza. Afémaci dani íaiioi comeci fieni óiacanafuiáido itíaiioi. <sup>4</sup> Afémaci ómoimo zanoda jícanoitiaioi: “¿Ninomo ite ómoimo lloga meine bite Cristo? ¿Néemei afe? Cai jáiaigima tailla méifomo naga raa daje izói ite. Ua énie comúllaruimona naga rafue daje izói jáioicaide.” <sup>5</sup> Daí llóitiaioi, mei jaiiai ninomo monana Juzíñamui ie uaido finuafueo comécíiacañediaioiza. Afe izói Juzíñamui uaido ocuillamona, zocade raa zocai izói, bínie jáinoimona comuide. Iemo jainoi cígido bínie Juzíñamui ie uaido riire itábicaitate. Aféfuena náfueneño bie zanófredino onóacañediaioi. <sup>6</sup> Afe mei daje izói énie anábaitade áillue noci aféruillaido bie éniemo ite cáadinuiaina niné táinocaitabite. <sup>7</sup> Mei íadi birui ite mona énie díga daje Juzíñamui dáina uaido táinocaitalle irai íena oni jóoneoiga. Afe irai fiénidinuiái niné táinocailiruimo ico íraicañeno iere jícanolliruimo afe bínierna naa mona díga cuarítaite.

<sup>8</sup> Izíruiga ámatiaí, bie emódomo ífuena omoi féitañeno iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. <sup>9</sup> Cai Ocuíraima ie daínafuiái fuitálliruimo dúcia bai jáíruimo dúññoñeite. Dámierie afémiena jíáruimo dúññoite daífirediaioi. Mei íadi afémie cairi járitañede. Afémie buna oni fáicañede, mei

jiáifodo caimo ite fiénidifuiái ñúefuena méidollena afémie iere jitaide. Afémie aféruina bai jiáiruimo dúiñoñeite. Féitañeno ie mamécaruimo zúite.

<sup>10</sup> Cai Ocuíraima billíruí meríriraíma naio billa izóí, nai due ócuiñeítiaioimo déizaibiteza. Afe billíruimo mona naa femo ite ráaniaíri jacire niné táinoficaite; áfena iere ficire cácaite. Nana afe mona fínua ráaniai naa úcuairi iraimo niné táinocaite. Afe llezica bínie naa femo ite itínuiaíri cúarite.

<sup>11</sup> Ja nana daí táinocailífueña omoi fidinamona, nana íaifuemona abí omoi rairuillífue iere jitáirede; benómona afémiena caimare íóbitaredicai. Ua Juzíñamui íeiena omoi illífue iere jitáirede. <sup>12</sup> Mai Juzíñamui ie nahí illáimana cíocaizaibillíruimo omoi úiñori. Uíñua llezica, omoi onóigafuedo aféruina raire mai omoi járidori. Aféruillaído mona ero iraido niné táinocaite. Nana énie fínua ráaniai iraimo niné íbina jáitiaioi. <sup>13</sup> Mei íadi Juzíñamui uícodo caimo lloga comue monamo comue éniemo ocuírídicaí. Afe comue éniemo mona díga, nana raa ñue jaícina jóite. Naga raa ñífuenite.

<sup>14</sup> Izíruíga ámatiai, mei benómona nai bífueño omoi úiñoína llezica, nana ómoimo ite ríinodo omoi illafue jaícina jóoneri. Daí omoi comeci caimare uái illafue díbenemo íllamona Juzíñamui ómoimo eróicaizaibilleza. Afe izóí omoi comeci íaicaiñeno nífuenino Juzíñamui ómoimo cíocaizaibilleza. <sup>15</sup> Nane jiáifuemo omoi comécioiri. Afefue daide: Cai Ocuíraima comínimo járitaiñenafue, ua cai jíllloillífue. Daa bíuai cai izíruíga ama Pablo ómoimo cuete. Juzíñamui femo lloga comeci jaícina fibíllafuedo cúefirede. <sup>16</sup> Nana afémie orécabiaímo daa bífuiái llote. Mei íadi dáarie ie uailai ñue onóíllena iere féirede. Abina onóñedino afe féireduaina jiáifodo mamédaioi. Afe izóí jabo ínotino aféuaina jiáifodo dobáiñotiaioi. Daje izóí jiáie Juzíñamui Cuegáuai lloga uáillaina oni jiáifodo áífedotiaioi. Afemona afémaci dani abí niné táinocaitaitiaioi.

<sup>17</sup> Izíruíga ámatiai, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerrillafuedo meine abído íaifuemo omoi báíiza; omoi jeire oga ñúefuena niné féiza. <sup>18</sup> Mei jiáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafueño, omoi comeci ífue aillo oni móonaitaocairi. Iere ebire ñúefue dama Jesucrístomo mai birui omoi nitari. Daje izóí zíñona ebíredífue afémiemo mai omoi nitáíreiri. Mai. Jae ñie.

## NANOIDE SAN JUAN CUEGABE

### Primera Carta del Apóstol San Juan

#### *Cáatate úrilla uai*

<sup>1</sup> Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiema dani cai ónoído jetádicai. Afémie Juzíñamuimona uailai lluaábitimie. Afémie uai caina cáatate. <sup>2</sup> Afe cáatatena itímie cai onóllena caimo cíocaide. Afémiema cíoillanona íemo uai faiticai. Afémie fecalle zíñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. <sup>3</sup> Jira cai cacánafue cai ciónafue diga uáfueña jino lloticai, daaco comínina omoi cai diga íllena. Ua afe izóí uáfueña Moo Juzíñamuimo dájena jaináidicai. Daje izóí ie Jitó Jesucristomo jaináidicai. <sup>4</sup> Jira aféfuiaína ómoimo cueticai aféuaido jamánomo caimare ñue omoi íllena.

#### *Juzíñamui nairai comeci egáioidimie*

<sup>5</sup> Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidimie. Afémiemo jaca jítinona íñede. <sup>6</sup> Dájena afémiemo jaináidicai cai daíadi, íadi afe llezica jítifodo cai macáadi, taino lloticai. Daje izóí táinona finódicai. <sup>7</sup> Mei íadi Juzíñamui úzefomo illa izóí, daje izóí úzefomo cai macáadi, ua dájena comímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidífuiai dote.

<sup>8</sup> Cai fiénidífue íñede cai daíadi, cai abi jífueticai. Táinofuefiredimacidicai. <sup>9</sup> Mei íadi Juzíñamui ñue jaícina finóllifueño afemo íñoredicai cai fiénidífuiai jino cai llóadi, uáfueña afe fiénidífuiaína afémie dóite. Nana íemo fieni cai finócafue íbana caimo óñeite. <sup>10</sup> Cai fiénidífuiai finóñedicai cai daíadi, Juzíñamui táinofueredena ciotataiticaí. Ie úrilla uaina uáfueña jeire óñedicai.

## 2

#### *Cristo cáiconi ñue úriraíma*

<sup>1</sup> Cue jítótiai, bífuiai ómoimo cueticue, íáiredífuiaímo omoi báííñellena. Mei íadi dámie íáiredífuiai finóadi, Moo uíecomo cáiconi ñue úritimie ite. Afémie Jesucristo. Ñue jaícina itímie. <sup>2</sup> Jesucristo cai fiénidífuiai ícoínia fagámie. Dama cai ícoíniañedeza, mei íadi nana énie comíni fiénidífuiai ícoínia.

<sup>3</sup> Juzíñamui ocuífufuiai iere cai cacáreadi íena onódicaíza fídíticai. <sup>4</sup> Mei íadi dámie “íena onódicue” daíadi ie ocuífufuiai iere cácareñeniadi, afémie taino lloraima, ua táinofuefiredimie. <sup>5</sup> Mei ie íbana Juzíñamui ocuífufueña finódimie, jae Juzíñamuina nabéfuena izíruite. Daíí áfedo íemo cai jaináinana fídídicaí. <sup>6</sup> “Juzíñamuimo jaináidicue” dámie daíadi Cristo maca izóí ie macállino jítáirede.

#### *Comue ocuífufue*

<sup>7</sup> Cue izíruigamací, comue ocuífufue ómoimo cueñédicue. Afefue nanómona ómoimo itífue. Afe jaiai rafue daje omoi cacana úrillafue. <sup>8</sup> Mei íadi ómoimo cue cuegafue comue ocuífufue izóí ómoimo íficaízaíbite. Bie ocuífufue Crístomo nahí ua ráfueña ite. Afe izóí bie ocuífufue ómoimo nahí ua ráfueña íte. Afefue ua nahífue, jítino oni jáioicaideza. Jae ua comécina egáíñollena ñue egáioinaza.

<sup>9</sup> Dámie “úzefomo iticue” daíadi, íadi jáíamana nai éoia, afemíe nai jítífomo ite. <sup>10</sup> Ie ámana izíruitimie úzefomo ite. Afémiemo minícana fiénidífuiaímo baíítaitena íñede. <sup>11</sup> Mei íadi ie ámana éoicaídímie nai jítífomo ite; ua jítífodo macade. Niné jáídeza onóñede, jítino uina cíotañena jira.



<sup>12</sup>Jitótiai, ¡omoi cacai! Juzíñamui Jesucristo titáinanomo omoi fiénidifuiyai ibana ote. Ie jira bifue ómoimo cueticue. <sup>13</sup>Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. <sup>14</sup>Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi riíredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

<sup>15</sup>Bíniemo ite Juzíñamuina bacáuaredino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina izíruiñeite. <sup>16</sup>Nana íaioimona lloga ráfuiyai minícana Juzíñamuimona biñede. Fia dani íaioi cígimona comuide. Comécina íairedemona fienu óiacanafue bite. Cai ui ióbicailla jítaillamona jíaie fienu óiacanafue bite. Caimo ite ráaniaimona fienu abi ínuafue bite. Nana afe billáfuiyai bíniemo ite Juzíñamuina bacáuaredino llóolloga. <sup>17</sup>Afena bacáuaredino fúioicaide, naa íaioimo ite fienu óiacanafuiyai diga. Mei íadi Juzíñamui jítáinafue finódímie jaca ninomo zíiñona ite.

*Uafue táinofue diga dájemo jaináñede*

<sup>18</sup>Jitótiai, jae íirairuimo dúcidezca. Cristo uáitaoidímie bíllana cacádiomoi. Ja birui aillo Cristo uáitaoidino cíocaide. Ie jira birui íirairuina onódicai. <sup>19</sup>Afémaci cáimona jino jáidiaioi. Mei íadi uáfuea cáieñediaioi. Uáfuea cáiena íaioi íadi, cairi fiébite. Ua afémaci cáimona jino jáidiaioi nana cáieñetiaioiza uáfodo daí áfedo onóillena.

<sup>20</sup>Mei íadi Cristo Ñuera Joréñona igáomoi; íemona afémiedo onótagaomoi. <sup>21</sup>Omoimo cueticue mei, uáfuea omoi onona jira. Uáfuea omoi onóñenamona cueñédicue. Uáfueomona jíaie daa táinofuea comuínide. Jae onódiomoiza.

<sup>22</sup>¿Bu táinofueredímie? Jesuna Crístoñede daidímie, afémie dama táinofueredímiena. Níimie Crístona uáitaoidímie. Afémie Moo Juzíñamuina jáanote. Afe izói ie Jitona jáanote. <sup>23</sup>Jitona jáanotímie afémiemo daje izói Moona íñede. Mei íadi Crístona jíeruitímie daje izói Moona onode.

<sup>24</sup>Ie jira, nanómoma omoi cacana úrillafue omoi comécimo ñue omoi jóoneoiri. Jira nanómoma omoi cacánafue ñue omoi comécia Juzíñamui Jitomo dájena íitíomoi. Afe llezica cai Moori dájena íitíomoi. <sup>25</sup>Jesús uáfuea uícodo llote, zíiñona cáananona caimo fecállena.

<sup>26</sup>Omoi jífueiacadínodo bifue ómoimo cueticue. <sup>27</sup>Mei íadi Jesucristo ómoimo fecaca Ñuera Joreño ómoimo ite. Ie jira daí buna ómoimo llófuenidiaioi.

Daje Ñuera Joreño nana ráfuiaina ómoína llófullofuede. Afémie llogafue uafue; táinofueñede. Jira daí Crístono dájena omoi iri, Ñuera Joreño ómoimo llua izói.

<sup>28</sup>Jitótiai, mai birui Crístono dájena jaináicairi, afémie cíocailíruiemo ie dánana ñue cai íinollena. Daí ie bíllemo ie uíeóna méairuiñetícaí. <sup>29</sup>Ja onódiomoiza Jesucristo ñue jaícina finódímie. Afemona daje izói nana jaícina finódino Juzíñamui jítótiaiza ónoitíomoi.

### 3

#### *Juzíñamui jítótiai*

<sup>1</sup>Mai ¡comécimo faca! Níi jamánomo Juzíñamui caína izíruilla. Iemona ie jítótiaína maméidicai. Jae áfedicai. Ie jira éniemo ite Juzíñamuina eoidino cai izói comécíñediaioi, mei Juzíñamuina íaioi onóñena jira. <sup>2</sup>Izíruiga ámatiai, jae Juzíñamui jítódicai. Íirairuimo cai íficailífuea nai caimo ácatañega. Mei íadi onódicai, Jesucristo cíocaia afémie izói íitícaí, ie illa izói námiena cai ciona jira. <sup>3</sup>Nana afémiemo daí comécíidímaci dani dáamaci nana íaífuiaimona ñue dóficaitadiaioi, mei Jesucristo íaífuenidímie illa izói íitícaí.

<sup>4</sup>Mei íadi nana fiénidífue finódímaci Juzíñamui ocuícafue uáitajano jámairuite. Mei jira fiénidífue ocuina ráfuea uáitaoina. <sup>5</sup>Jae Jesucristo bie éniemo cai fiénidífue oni

duái billana onódiomoi. Daje izói afémiemo nífue inénana onódiomoi. <sup>6</sup> Mei jira nana afémiemo dájena jaináioicaidimaci fieni macánidiaioi; mei íadi nana fieni macáfiredimaci afémiena jaca cióñediaioi; éna onóñediaioi. <sup>7</sup> Cue jitótiai cacai. Buna ómoína jífueñellena nane dáitícue; ñúefue finóñiredimie ñúemie, Jesucristo ñúemiena illa izói. <sup>8</sup> Mei íadi fieni macáfiredimie Taifemo jaináidimie, mei nanómona Taife fiénidifuiairedimiena ite. Uafue Juzíñamui Jitó Taife finócafuiái táinocaitaibite.

<sup>9</sup> Juzíñamui jitótiaimona jaca buna figóñieno macáocaiñede, Juzíñamui íemo iga cáanano íemo illa jira. Afémie fiénidifuenta finóñinide, Juzíñamui jitoza. <sup>10</sup> Afedo bu mei Juzíñamui úruiaínaza, bu mei Taife úruiaínaza onódiomoiza. Uafue ñíimierie ñúefuena finóñenia, ie ama iziruiñenia, afémie Juzíñamui dibénemo itímieñede.

#### *Conímána cai izíruillafue jitáirede*

<sup>11</sup> Mei jii nanómona omoi cacana úrilla uai, be nie uai: conímána cai izíruillafue jitáirede.

<sup>12</sup> Caín izói omoi iñeno iri. Afémie Taife díbene ímie, íemona ie ama titade. ¿Nibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

<sup>13</sup> Cue ámatiai, Juzíñamuina bacáuairédino ómoína éoinamona fáigacaiñeno iri. <sup>14</sup> Jae tíizaille iómona zíñona cáaillíomo dóbaicaidicai. Afena onódicai, Jesuna ínotinona cai izíruilla jira. Mei íadi izíruíñedimie tíizailíodo jaide. <sup>15</sup> Nágamie ie abi cómena éoidimie cómena titádimie izói ite. Iemo come titádimie comécimo zíñona cáanano inénana onódiomoi. <sup>16</sup> Jesucristo ie cáanano cáiconi iga; áfedo nana izíruillafuíaína onódicai. Afe izói cai cáananona lloñeno Jesuna ínotinori daí abina zóoferedicai. <sup>17</sup> Dámie ie illínomo jitáirede raa ítemo, ie aino come jitaica raa inénana cióillano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡ñede! <sup>18</sup> Cue jitótiai, ¡fia fuena dáina uaido mai cai izíruíñeno iri! ¡Mei íadi ñue finóllifuiáido uafue izíruillafuedo mai conímána cai izíruiri!

#### *Juzíñamui uiécomo ñue íena ínofírenafue*

<sup>19</sup> Jira daí uáfue mo jaináidimacídicaí onódicaiza; nane aféfuemona Juzíñamui uiécomo ñue íena ínofíredinodicaí. <sup>20</sup> Cai comeci cai ícoínia llóíadi, Juzíñamui cai comeci baímo aillo ñúemienaza onódicaí. Afémie nágafuiái onode. Iemona afe ícoínia caímo íbana óite. <sup>21</sup> Mei jira, izíruíga ámatiai, cai comeci cai ícoínia lloñeniadi Juzíñamui uiécomo ñue íena ínofíredinodicaí. <sup>22</sup> Nana íemo cai jicaca raana fécaite, ie ocuífufuíaína jeire cai úamona; ua íena cai íóbitamona áfeniaína caímo fécaite. <sup>23</sup> Afémie ocuífufue daide: “Ie Jitó Jesucristomo cai ínori. Afe emódomo cai conímána cai izíruiri afémie cai ocuilla izói,” daí daíñocai. <sup>24</sup> Ie ocuífufuíaína iere cacáreidimaci afémieoiri itíai. Daje izói afémie nágaruí íaioiri ite. Afémie jaca caímo íllana onódicaí. Ua áfena afémie caímo iga Ñuera Joréñodo onódicaí.

## 4

#### *Ñuera Joreño Crístona uítafirede jóriaina anáfenoacade*

<sup>1</sup> Bie énie táinofuiái llotínona oruízaideza. Afémaci “Juzíñamuído úriticai,” daídíai. Izíruíga ámatiai, ¡omoi cácare! Naga “Juzíñamui dibéfodo úriticai” daídímiena ínoñeno iri. Mei íadi íaioína facátari, ñie joreño íaioímo íllana onóíllena, Juzíñamui ie, ñibaí feñede. <sup>2</sup> Juzíñamui Joreña itímie omoi onóíllifue llóitícue. Nágamie Jesucristo ua cómena biniemo bite jino onótatímie, afe cómemo Juzíñamui Joreño ite. <sup>3</sup> Mei íadi daí jino onótañedimie Juzíñamui Joreñoñedimie. Afémiemo Crístona uítafirede joría ite. Afe izóidena fiénide joría bíllena ja cacádiomoi. Mei afe jae bie éniemo ite.

<sup>4</sup> Jitótiai, omoi Juzíñamui iédiomoi. Omoiri itímie baímo riinorenamona, afe táinofíredinona jae anáfenodíomoi, mei íaioí daínáfuiái omoi ínoñena jira. Biniemo ite táinofíredinori itímie jabóidimie. <sup>5</sup> Afémaci Juzíñamuina bacáuairédinomo jaináidino,

ie jira Juzíñamuina bacáuaido úritiaioi. Iemona bíniemo ite Juzíñamuina íñnoñedino afémacimo cacáreidiaioi. <sup>6</sup> Mei íadi cai Juzíñamui iédicai. Juzíñamuina onódimie caimo cacáreide. Mei íadi Juzíñamui íenedímie caimo cacáreíne. Afedo uafue uaina llófueinafuea onódicai; daje izói jífuetena llófueinafuea onódicai.

#### *Juzíñamui izíruitímie*

<sup>7</sup> Izíruiga ámatiai, conímána cai izíruilla jitáirede; izíruillafue Juzíñamuimona bíteza. Nana izíruillafuiairedino Juzíñamui jitótiai. Afe llezica Juzíñamuina onódiaioi.

<sup>8</sup> Juzíñamui jamánomo izíruillafuiaína orúdimie, ie jira izíruillafuenidímie Juzíñamuina onóñede. <sup>9</sup> Juzíñamui daade ie Jitó ana éniemo orede afémiedo cáananona caimo íllena. Afedo ie caina izíruillafue caimo ácatate. <sup>10</sup> Afe óriado uáfuea izíruillafuea cai fidítate. Juzíñamuina cai duéria nahí izíruillafueñede. Mei íadi afémie caina dúecaillano cáiconi ie Jitó ória, afe nahí izíruillafue. Ua Juzíñamui cai fiénidifuiái ícoínia cai jáinona duere finóllimiena ie Jitó orede.

<sup>11</sup> Izíruiga ámatiai, Juzíñamui daí caina izíruillamona, afe izói conímána cai izíruillafue jitáirede. <sup>12</sup> Juzíñamuina jaca buna cióñena; mei íadi conímána cai izíruiá Juzíñamui cai comécimo ite. Afe illa dáaruído Juzíñamui izíruillafue caimo ñue riire comufoicaide. <sup>13</sup> Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai. <sup>14</sup> Moo Juzíñamui ie Jitó orede afémiedo comini jíllloillena. Iena daní ciódicai. Afena jino uáfodo lloticai. <sup>15</sup> Nágamierie Jesús Juzíñamui Jitona onótatímie, jaca Juzíñamui díga ite. Daje izói Juzíñamui afémie comécimo ite.

<sup>16</sup> Daí Juzíñamui caina izíruillana fidítagacai. Aféfuena íñnoticai. Juzíñamui jamánomo izíruillafuiaína orúdimie. Izíruillafueo itímie Juzíñamuimo ite. Afe izói Juzíñamui afémie comécimo ite. <sup>17</sup> Daí jamánomo ñuera izíruillafue caimo comufoicaide. Iemona íirairuimo facátallíruído ñue íena íñnofiredinona ííticai. Mei Jesucristo bie éniemo ñue cáimamiena illa izói afe izói iticai. <sup>18</sup> Izíruinafueo jacíruiillafue íñede. Mei jira ñue jaícina izíruillafue jácifuea jino orede. Mei jácifueo duere finótajano ite. Ie jira jacínaitímie ñue jaícina izíruoicaiñede.

<sup>19</sup> Cai Juzíñamuina izírúiticai, nano fueñe caina ie izíruilla jira. <sup>20</sup> Dámie daííadi “Juzíñamuina izírúitícué” mei íadi afe llezica ie daano cómena éoia, afémie táinofueredímie. Uafue dámie ie ciona daano cómena izírúíñede, afe llezica cióñena Juzíñamuina izírúinide. <sup>21</sup> Juzíñamui caimo iga daa ocuífufue. Afe bie ocuífufue daide: “Juzíñamuina izírúitímie daje izói ie aino cómena izírúiri,” daide.

## 5

### *Cai dinena bíniemo ite fiénidifuiaina anáfenoitícaí*

<sup>1</sup> Nágamie Jesús Crístona íñnotímie Juzíñamui jitó. Dámie come moona izírúitímie afe izói afe moo jitótiaína izírúite. <sup>2</sup> Moo Juzíñamuina cai izírúia, afe llezica ie ocuífufuea cai finóadi, Juzíñamui jitótiaína cai izíruillana ja ónoitícaí. <sup>3</sup> ¿Minica Juzíñamuina izíruillafuea? Mei íadi ocuífufuiaína jeire cai ua. Ie ocuífufuiái llégienide; <sup>4</sup> mei naga Juzíñamui jitó éniemo ite fiénidifuiaina anáfenorede. Ua cai íñnuafuedo éniemo ite fiénidifuiaina anáfenodícaí. <sup>5</sup> Dama Jesús Juzíñamui Jitona íñnotímie éniemo ite fiénidifuiaina anáfenorede.

### *Juzíñamui Jitomo uai nabáíllafue*

<sup>6</sup> Jesucristo jainoi díe díga ciócaizaíbitímie. Ie báutizaillaruímo Juzíñamui Jitona comini fidítagaiaioi. Afe izói ie tíizaillaruímo, dama ie abi zóofiano, ie díe toíllamona áfedo comini onótagaiaioi. Fia jáinoíñedeza, íadi jainoi díe díga bite. Jesús Juzíñamui Jitónafueo Ñuera Joreño uai nabáiraíma. Ñuera Joreño llogafue uafue. <sup>7</sup> Afe Jesús Juzíñamui Jitónafueo damiéamani uai nabáiraíma monamo ite: Moo Juzíñamui, Juzíñamuimona Uaillai Lluáíbitímie, Ñuera Joreño díga. Bie daámáni come daínáuai dáamiemo jainaide. <sup>8</sup> Eniemo daje izói daámáni uai nabáiraíma ite: Ñuera Joreño, íemo Jesús báutízaíja jainoi, íemo ie tíillaruímo totaca díe díga. Bie daámanide dane dáamiede.

<sup>9</sup>Comini uai nabáillafue llínofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai ínnolle iere jítáirede. <sup>10</sup>Juzíñamui Jitona ínotímie bie uai nabáillafue dama ie comécido úcade. Juzíñamuimo íñoñedímie Juzíñamui tánofueredena cíotote, Juzíñamui ie Jitori uai nabáillafue dáinana ie íñoñena jira. <sup>11</sup>Afe daínáfuedo Juzíñamui daide: zíñona cáanano afémie caimo iga. Afe cáanano ie Jitodo bite. <sup>12</sup>Juzíñamui Jitona comécido llínotimie mo afe zíñona cáanano ite. Mei íadi Juzíñamui Jitó comécido llíñoñedimie mo afe cáanano íñede.

*Juan íraicaiño lluáfui ai fuizáillafue diga úrite*

<sup>13</sup>Ja Juzíñamui Jitona ínotíomoi. Jira bifue ómoimo cueticue zíñona cáanano ómoimo íllana omoi onóíllena.

<sup>14</sup>Juzíñamui uáfue na caimo cacáfírenana ínofiredicai. Daa minícana cai jicáadi ie comei jítaina izói, afémie cai daína cacana onódicai. <sup>15</sup>Mei jira afémiemo cai úrillana Juzíñamui cacáfírenana onódicai. Afena onónamona cai jicácana afémie caimo fécana daje izói onódicai.

<sup>16</sup>Cómena títañeite fiénidífue ite. Dámie ie aino come afe fiénidífue fínuana cíoadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidífue ite. Afemo Juzíñamuimo omoi jicari daíñedicue. <sup>17</sup>Nana fiénidífui ai íaífue; come comécina titade. Mei íadi jíáie íaífue ite; afefue cómena títañeite.

<sup>18</sup>Juzíñamuina Móoredímie íaífuedo macáñedeza onódicai; mei Juzíñamui Jitó íena úíñoteza. Ie jira Taiíe íena ocuínide.

<sup>19</sup>Juzíñamui íedicaíza onódicai. Afe izói nana bínie comini Taiíe ocuífafue anamo itíaiíoíza onódicai.

<sup>20</sup>Juzíñamui Jitó jaíai bíllana onódicai. Afémiedo ua nahí Juzíñamuina onótagacai. Afe Uámiemo jaínáicana iticai. Afefue daííacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaínáicana cai íadi zíñona caína cáataite. <sup>21</sup>Jitótíai, mai jánaraimo caimátaiñeno omoi iri; daje izói nana jíáie jífujete jóríaimona abi omoi rairuíri. Jae níie.

## MÉIFOIDIBE SAN JUAN CUEGABE

### Segunda Carta de San Juan

*Uafue íemo izíruillafue diga llóiticue*

<sup>1</sup>Ja éicomedicue; ocuíraimadicue. Jae Juzíñamui nizeca cue miríngo izóidingodio. Bie rabe ómoimo cueticue naa o úruiaíri. (Bimaci iglesia daína Juzíñamuimo gairífredino.) Naa o diga afémacina uáfueña izíruiticue, mei dama cúeñedeza. Nana uáfueña onóдино daje izói afémacina naa ori izíruitiaíoi. <sup>2</sup>Ñue uafue ícoína ómoína izíruiticue. Afe uafue cai comécimo ite; ie mei afefue jaca ninomo cairi iite. <sup>3</sup>Moo Juzíñamui ie Jitó cai Ocuíraíma Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuiaína cai onótate.

<sup>4</sup>O jitótiáimona dáarie uafue daína izói mácana fidídicue. Afefue cuena ióbitade, mei Moo Juzíñamui daí cai ocuídeza. <sup>5</sup>Miríngo izóidingo cacai. Ja birui omo izire jicádícue conímána cai izíruillena. Bie omo cuegafue comue ocuícafueñede. Mei íadí afefue nanómona caímo ite. <sup>6</sup>Bie izíruillafue daífacade Juzíñamui ocuilla izói cai finóllena. Ja nanómona omoí cacana izói afe ocuícafue daide: “Izíruillafuedo omoí macari.”

*Jífueriraini ifue*

<sup>7</sup>Mei jii, aillo jífueridino bie éniado macádiaíoi. Afémaci Jesucristo ua come izói bíllana uáitatiaíoi. Daítadímie jífueriraíma. Afémie Crístona uáitaíde. <sup>8</sup>Afémiemona abí omoí rairuíoi o tájjinamona oga comeci ñúefue táinocaiñeíllena. Iemo jíái afémiemona abí omoí rairuíri nana o tájjina iba ñue Crístomona jaícina óllena.

<sup>9</sup>Níimie Cristo llogáfuemo comécíñeno nibéfodo jáidímie, afémie comécimo Juzíñamui íñede. Mei íadí Cristo llogáuaimo comécíidímie comécimo Moo Juzíñamui ite, ie Jitó diga. <sup>10</sup>Dámie ómoína llófuaíbiadí, íemo bie Cristo llogáfuena atíñeniadí, íena uáidoñeno, jofe eromo llíinoñeno omoí iri. <sup>11</sup>Iena uáidotímie, afémie lloga íaífue dáafuena llíinoíteza.

*Fuizájdíduai*

<sup>12</sup>Omoína aillo daífacadícue, mei íadí rabedo cúeíacañedicue. Omoí dani conima uíécomo cue úrizaiíllena úíñoíticue. Afe daí cai cáimafue jaícina íficaite. <sup>13</sup>Omoí ebuño izoide benomo ite iglesia daína Juzíñamuimo jaínáidino daje izói Juzíñamui nizécamací. Afémaci omo uai orédiaíoi. Jae ñie.

## IIRAIIBE SAN JUAN CUEGABE

### Tercera Carta de San Juan

*Gáyodo ñuefuena úritimaci*

<sup>1</sup>Ja éicomedicue, ocuáiramadicue. Cue izíruiga nabaimo bibe cueticue. Bímie mámecí Gayo. Afémiena uáfuena izíruiticue.

<sup>2</sup>Cue izíruiga ama, ori Juzíñamui jicáfiredicue áfedo nana o finócafuiái ñue móon-  
aillena. O abí caimare náireillena jicádicue, o joreño ñue ñífuenina izói. <sup>3</sup>O ñúefuedo  
macáfirenafue dáarie ámatiaimona cue fídiamona, afe cuena iere ióbidade; mei ua  
onódicueza o jaca ñúefuedo macáfiredio. <sup>4</sup>Ua ie baimo cue ióbillena ñede. Afe cue cacana  
cue jitótiái uáfuemo comécidíai; áferi jamánomo ióbídicue.

<sup>5</sup>Izíruiga ama, o illánomo ite ámatiaína o canóllena figora. Ie mei oni jáinomona  
bite ámatiaína o canóllena jamánomo ñuera. <sup>6</sup>Juzíñamui mámecido gairídímaci úcomo  
íaiolina o izíruillafue jino llotíai. Izire daidicue: Mai íaioi cano; íaioi jáillíruimo  
jitaica raana íaioino ine; áfedo caimare íaioi jáilleza. Ua Juzíñamui ióbilla izói íaioi  
cano. <sup>7</sup>Mei jira afémaci Jesucristo táijinafuedo jáizaidíai. Afe cánuana Juzíñamuina  
ónoñegamacimona llínoñediaíoi. <sup>8</sup>Ie jira íaioi jitaica raana cai finóredícai, afémacina cai  
canóredícai. Afedo íaioi uáfueña llúana canódícai.

*Diótrefes fiénino mácafue*

<sup>9</sup>Juzíñamui mámecido gairífiredinomo cuegafue lluae nauí orédicue, mei íadi Diótrefes  
cai ocuilla ríinona óiacañede, íaioi cígimo úicofiacadímie illa jira. <sup>10</sup>Ie jira cue jáiadi ie  
fiéni mácafue jino uáfodo onótaiticue, nana ie fiéni úrioinafue, ie táinofuerena caina  
uáitoinafue díga. Ie mei afe baimo bitino ámatiaína afémie llínoñede. Afe llezica afe  
bitino llínoacadimacina rairuillano, afémie gairídímacimona íaiolina jino jiude. <sup>11</sup>Izíruiga  
ámatiaí, fiéni onótarafuiaido jáiñeno iri. Núefue finori. Núefuena finódimie Juzíñamui  
ímie, mei íadi íaifuiái finódimie Juzíñamuina jaca onóñede.

*Demetrio ñuera onótafue*

<sup>12</sup>Nana comíni Demétríori ñue úritiaíoi, mei afémie ñue mácafue uáfori cióideza. Dani  
cai nane aféfuemo ñue uai nabáiramacídícai. Iemona uáfueña cai daífírenana onódiomoi.

*Uai Fuizájillauai*

<sup>13</sup>Ona aillo daífacadicue, mei íadi rabedo cúeiacañedicue. <sup>14</sup>Ona raire cíoilena úiñoticue.  
Aféruído conima uícomo eróicana úriticoco.

<sup>15</sup>Comeci caimare uái illáfuemo o iri. Benomo ite nabáíñiaí omo uai orédíai. Izire  
daidicue nágamíerie coco nabáíñiaímo conima uícomo o uáidori. Jae ñie.

## SAN JUDAS CUEGABE

### La Carta del Apóstol San Judas Judas Juzíñamui uáidoganomo cuete

<sup>1</sup>Jesucristo táijitagamie Júdadicue. Santiago ámadicue. Bibe Juzíñamui mamécánomo cueticue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucristomo omoi jaináinamona ñue eneno rairuícanodiomoi. <sup>2</sup>Mei Juzíñamui jamánomo aillo caimo ie dúecaillafue, íemo jíái ñue uái omoi illifue, íemo jíái ñue izíruillafue, dígafue ómoimo llóíteza.

Táínofuáiina llófuefiredino  
(2 Pe 2.1-7)

<sup>3</sup>Izíruiga ámatiai, cai comejí jílloillifuedo izire ómoimo cúeiacadicue; mei afe jíllloillena Juzíñamuimo cue íñua izói, afe izói íere íñotiomoiza. Mei íadí ómoína jíáífuedo rabedo llóredicue. Táínofuái lluíáibitino omoi jeire ogáfueña féitaiacadiaioiza; ie jira izire ómoína daidicue: Ríire abí omoi mameri. Íaioi díga fuirilla izói omoi iri, omoi íñogafue íaioi féitañeilleza. Afefue nauí nana Juzíñamuimo jaináidínomo dácaíño iga. <sup>4</sup>Mei omoi cígimo nínena dámerie táínofue lluíáibítiaioi. Afémacina Juzíñamui Cuegáuailai jaiái uícodo íaioi olle duere finóllifueña llote. Afémaci íáibaníai. Afe íñíai daide: “Juzíñamui ñúefueña jeire óíticai;” mei íadí afe dáinado rairuíñeno fiénidífueña íere nícidotiaioi. Afémaci daade cai Naama Juzíñamuina ruifruítiaioi. Daje izói cai Ocuíraima Jesucristo llogáuaina uáítatiaioi.

<sup>5</sup>Mei ja onódiomoi íadí, como cue daííacanafueño ómoína uibóitaacadíe. Juzíñamui Ísrael comínina Egipto éniemona oni orede. Oni uano daí nana íaioína ñue jíllotate. Mei íadí, íaioi cígimona dáarie íñoñena jírrari, Juzíñamui afe íñoñedinona jíáíruido niné táínocaitate.

<sup>6</sup>Afe izói Juzíñamui abí imácimona dáarie Juzíñamui anamo ñue íaioi illáfueña fáicanocaiacadiaioi. Afe mei daní íaioi illánona fáicanocailano oni jíáinomo jáidiaioi. Ie jira Juzíñamui íaioína íco izire íraicaíño íere jícanolliruimo íaioína maitá jae ibaica. Afémaci jae jítinomo íere zábíñede llójejina maigáiaioi.

<sup>7</sup>Daje izói Juzíñamui Sodoma jofue íemo Gomorra jofue díga bóotate, naa afe áinori íte jófueníari. Mei afécuaí comíní Juzíñamui abí imácimona fiénina jira dáarie llavécamací izóidiaioi. Afe bimaci jamánomo daní jofo conímari ébecotafirediaioi. Naga Juzíñamui comínimo mameca ñue illáfueña jíruíreillena uáítafirediaioi. Daí íaioi íllamona zíño iraimo duere finócaiaioi. Afe bifue, afémaci izói cai íñeillena, caimo cíotaga.

<sup>8</sup>Afe emódomo bie taino lluíáibitino íaioi táinomo coméiíllafuíaído daní íaioi abina bácadiaioi. Daje llezica cai Ocuíraima ríinona uáítatiaioi. Caífo monamo íte jóríai ízoide ríinoredinona íaire dáííírediaioi. <sup>9</sup>Mei íadí Juzíñamui abí imácimona illaíma Míguel, Taífe díga fuirizailla llezica ñúefodo úrite. Tíide Moisés abina júfidotiaíllinoi. “¿Buna náamareite?” daíííallinoi. Aféruimo Míguel íáírede uaido íena faidóñede, mei íadí ía íena daide: “Ocuíraima Juzíñamui ona izire llétaíteza,” daide. <sup>10</sup>Mei bie táínodo llotínuaí íaioi ónoñega ráfuedo fiéní úrtiaioi. Mei íadí comécina onóñede rílleníai izói ítaíaoi. Fía íaioi abí jítaina ráfueño comécioidiaioi. Daí coméíllano áfeodo jáíllamona daní íaioi niné táínocaitalliaioi.

<sup>11</sup>Íñí íaioína dúerena! Caín díbéfuedo jáidiaioi. Aillo úcube óiacanamona Balaam izói oni íáífuemo baízaidiaioi. Daje izói jaiái íte Corena mámeçiredímie, Moisés dotáacanamona niné táínocaitate naa íemo jaináidínori. Afe izói biruí omoi cígírí íte fiénidífuaí llotino llícaítiaioi. <sup>12</sup>Omoi finoca conímána izíruilla ráfuaí cígírí meáire finódnona ítaíaoi. Juzíñamuina jacíruiñeno omoi cígírí caímare güíllano jífáizaíbitiaioi. Jáímacina ñue úñoñeno daní íaioi abí úñotiaioi. Jáírifo oni niné ñaitaca mona úllie izóidiaioi.

Ránaiamona daana llizíllaruimo dúcide íadi llizíñede zena izóidiaioi. Afe izói bie comini itíaiói. Afe amena are llizíñenia dúilla llezica aiñoda dotácaza. (Daje izói bimaci ráfiñenamona táinocaitiaioi.) <sup>13</sup> Monáillai jacire bagua izói itíaiói. Iaióimo ite meáire fiénidifuiái bagua mulle izói, comini eróicana jino cíotafírediaioi. Daje izói úcuai íaiói iómona oni jáiómo féiraila izói itíaiói. Jamánomo jíñirede jíñinomo ziiñona íllena riire mamécaiaioi, dinomo duere zefuillena.

<sup>14</sup> Ua bimáciri jaiáidigima Enoc úrite. Adán jító dinómona ie jító, dinómona nane ie jító, siete dígafue daí illa emódomo, bie Enoc mámeciredimie jocoina. Afémie bie taíno llófuetinodo ufcodo úrite. Juzíñamui Joreñodo úrillano daide: “Cai Ocuíraíma jamánomo aillo ie abi náirairi bíllana cíódicue. <sup>15</sup> Afémie nana fiénide comínimo ite fiénidifuiái iere riire jicánuaíbite. Daje izói nana íaiói íáire illáfuiái iere jicánuano duere íaióina finótaite. Fiénidino riire daináuaido cai Ocuíraímana uáitaoidiaioi; bífuemona daje izói duere zéfuitalliaioi.” Daíí Enoc bie fiénidimacido úrite. <sup>16</sup> Afémaci iere fieni cáillírediaioi; ñue caimátaiñediaioi. Dani íaiói comeci fieni jíñinafuiái jino denóllado úritiaioi. Urillano aféfuaiña uáfuenta finódiaioi. Dani abi íaiói íñua uáillaido ficire úritiaioi, “Aillo jácimacídicaí,” daíllena. Daje izói caimare comínimo úritiaioi, íaióina bífuellena.

*Crístomo íñotino ñue llela uailai*

<sup>17</sup> Cue izíruiga ámatiaí, cai Ocuíraíma Jesucristo orécamaci ómoína daináfue mo omoi comécíiri. <sup>18</sup> Afémaci ómoína daide: “Íco íraíruillaido ñúefuíaína zánoitínona íteza. Iaiói comeci íáire óiacanafuíaído íítiaíoiza.” <sup>19</sup> Bimaci dánomo ñue itínomona oni eneno bózietaidiaioi. Dani íaiói abi óiacanafue jeire otíaiói. Mei afémaci Juzíñamui Joreño úicaiñegaíaoiza.

<sup>20</sup> Mei íadi izíruiga ámatiaí, omoi jeire Juzíñamuimona ogáfue mo riire omoi jaináicairi. Daje izói Ñuera Joreño ríinodo Juzíñamuimo omoi úrifreiri. <sup>21</sup> Juzíñamui omoi izíruillafue díbefue mo omoi iri. Cai Ocuíraíma Jesucristo caimo dúceailano ziiñona cai illíruimo omoi úíñoiri.

<sup>22</sup> Nai jabóicana jizire íñotinona jáícina llóiri, ñúefuena jeire íaiói ólleza. <sup>23</sup> Iráimona bairoca izói íaióina jíllotari. Jiáimacimo omoi dúceairi; mei íadi íaióimo ite íaífuemo jíricaiñeno omoi iri. Afe fiénidifue íáirede iniroi izoide. Iaiói abimo jíideza; áfemona iere abí omoi rairuiri.

*Juzíñamuimo íraicaíño cai caimátailafue*

<sup>24-25</sup> Cai daade Juzíñamui jamánomo nágafuiái baitádímie. Afémie Jesucristodo cai jíllotaraima. Iemona cai fiénidifue mo báíñelle rairuilla ríino íemo ite. Daje izói afémie caína íaífuénino caimare dama ie ebírede uíecomo caína izájirede. Afe Juzíñamuimo ebire ñúefuíaí íteza. Jamánomo ñuera ébífue íemo íteza. Daje izói nana ñuera ríino íemo íteza. Daje izói nana riire ocuillafuiái íemo íteza. Nana bífuíaína cai Ocuíraíma Jesucristodo nauí, íemo biruí, íemo jíái uire daí jaca ñinomo, Juzíñamuimo dúcaíteza. Mai. Jae ñie.



**HIRAIRUILLAIDO IITIFUIAI JINO CIOTAINA**  
**Juzíñamui San Juaamo Jino Cíotagafue**  
**EL APOCALIPSIS**  
**O Revelación a San Juan**

*Jesucristo jino onóitagafue*

<sup>1</sup> Bifue uire ítifuiái jino cíotainafue. Juzíñamui bífuiaína Jesucrístomo cíotate, afémie ie ocuífreganomo ácatallena. Daií Cristo uáfueña raire ífcaitifueña jino íaíoimo ácatate. Jesucristo ie ángel daina abí ímiedo bie jino cíotagana ie ocuífregamie Juaamo onóate. <sup>2</sup> Afe Juan nana ie ciónana uáfueña jino llote. Daje izóí afémie Juzíñamui lloga uaina nabáífirede. Afe Juzíñamui lloga uai Jesucrístodo ñue jaícina llócaiga. <sup>3</sup> Bie Juzíñamuimona oga uaina jíáímacimo facáduana cacáđno caimare itaíoí. Daje izóí bie rabénicomo cueba uaina cacáillano ñue náfuetino caimare ióbitaíoí. Mei bie rabénicomo llogáfuiái zúitirui ja áinozideza.

*Siete dígade iglésiai daina Juzíñamuimo gáirífiredinomo Juan cuete*

<sup>4</sup> Asia éniemo ite siete dígade iglésiai daina Juzíñamuimo gáirífiredinomo cuetícue. Cue Juáadicue. Mai Juzíñamui ñúefuiái dibénemo, naa ie caimare uái illafue dibénemo omoi iri. Mei afe Juzíñamui birui itímieza, íemo jaca nanómona jaiaí itímieza, íemo uire jaca ninomo ítímieza. Daje izóí ie ráirano uícomo siete dígade ñuera jóríai ite. Afe jóríai Juzíñamui Ñuera Joreño jana. Afémie ñúefue dibénemo omoi iri. <sup>5</sup> Íemo daje izóí Jesucristo lloga ñúefuiái jeire omoi ofri. Afémie jíáífo méidofinide uai nabáiraíma. Daje izóí afémie nano tñillanomona abido meine tñinellena cáatagamie. Íemo jíáí afémiemo bñie illáícomini ocuilla rñino ite. Afe Cristo caina izíruillano ie totaca díedo cai fñenidifuiaina oni dote. <sup>6</sup> Íemo nane illáícominina caina itátate ie Moo Juzíñamuimo cai jaináillena. Daje izóí comínido Juzíñamuimo úrífiredinona caina jóonete. Afe Juzíñamui íena jóonegacai. Ie jira jaca ninomo áillue ébífue naa ocuilla rñino díga afémie íena íteza. Aqué izóideza.

<sup>7</sup> ¡Ero, Cristo mona uílliedo bite! Nana comini íena cóitíaíoí. Daje izóí ie fatino íena cóitíaíoí. Íemo nana bñie nairaí afémie bíllana cóíllano éenaitíaíoí. Jíí, uafue daítadeza.

<sup>8</sup> Cai jamánomo riire Ocuídímie bie izóí daide: “Nana ráfuiái nai cómuíñenia uícomo itímiedicue. Daje izóí fuizájillanomo itímiedicue. Abecedario A-do tánia izóí nánoramiedicue. Daje izóí abecedario Z-mo fuizailla izóí íraímiedicue,” daide. Afémie birui itímie, íemo jaca nanómona itímie, íemo uire jaca ninomo ítímieza.

*Ebírede Cristo nicáirilla izóí ciona*

<sup>9</sup> Omoi ama Juáadicue. Omoi duere zefuilla izóí daane duere zefuídícue. Daa omoi izóí Juzíñamui illáimana illánomo jaináidícue. Íemo Jesucristo omoi úíñotaja izóí daa omoi díga úíñotagacue. Jesucrístodo fairíotaga Juzíñamui ñuera uai jino cue llócailla jira llavécacue. Pátmosmo mámeçirede monaillai çigi ídumo llavécamiedicue. <sup>10</sup> Íemo afénomo cai Ocuíraíma cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méifomo cacádicue. <sup>11</sup> Afe uai cuena daide:

—Naga ráfuiái uícomo itímiedicue. Daje izóí fuizájillanomo itímiedicue. Abecedario A-do taineca, íemo Z-mo fuilla izóidimiedicue. Mai nana o ciona díga daa rabénicomo cúeiri. Cuiano, Asia éniemo ite siete dígade iglésiai daina Juzíñamuimo gairífiredinomo o oreri. Afe jófueniaí mámeçiaí: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

<sup>12</sup> Bu cuemo úrilla daíllena abido gírecaidícue. Gírecaillano, siete dígade oro finoina mechérana ciódicue. <sup>13</sup> Afe çígimo cómemona comúdimiena eróidena ciódicue. Afémie

jítáoi garoi éiba ícoimo dúcide. Te jogóbemo lláiidife oro finoína. <sup>14</sup> Afémie ífótirai iere úzerede, jaiillici úzerena izói úzerede. Iemo jiái nieve izói úzerede. Te ui irai bóua izói cíoide. <sup>15</sup> Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idái quenírede. Iemo aillo imánillai nofíco tua ficírena izói ie uai ficírede. <sup>16</sup> Afémie onoi nabézimo siete díga ucudu lláide. Te fuémoma iere jáirede llojéfaí izoide raa jino billa; afefai nága fene jáirede. Te uiéco jítoma iere riire egáñueta izói riire egáñote.

<sup>17</sup> Afémiena cíoi llano, ie anamo tíidimie izói baídicue. Mei íadi afémie ie nabezi cuemo bíano cuena daide:

—Jacíruiñeno o iri. Cue bie nanóidimiedicue; dáamiedicue fuizájillanomo íitimidicue.

<sup>18</sup> Birui cáadimiedicue. Mei nauí tíidicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniaí cuemo ite. <sup>19</sup> O ciona díga mai cúeiri; birui itífuaí cúeiri, íemo uire cómutífuaí cúeiri. <sup>20</sup> Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairírdino uai llócaítino jana. Iemo afe siete dígade mechera siete dígaze Juzíñamuimo gairírdino jana, —daí afémie cuena daide.

## 2

*Siete dígade iglésiaí daína Juzíñamuimo gairírdinomo llojúai: Efésomo ite íinotínomo llogáuai*

<sup>1</sup> Cue cíonamie dáanomo cuena daide:

Efésomo ite Juzíñamuimo gairírdino úiñoraímamo búai cúeiri: “Afe nabézido siete dígade ucúduai llíidimie daje izói siete dígade oro finoína mechera cígido macáfírede. (Afémie mechera cígido mácafírena izói, comíni ñue úiñolle jana.) Afémie afe úiñoraímama bie izói daide: <sup>2</sup> Nana o finócafuiaína onódicue. O riíredemo tájjidíoa onódicue, naa o comeci jártaiñedeza. Daje izói fiénidino fiéni illáfuaína iere izire o rairuíllana onódicue. Iemo jiái táinona “Jesucristo orécanodícaí” daídínona facátatíoa onódicue. Afemona afémaci taino llúana baitíoza. <sup>3</sup> Jaca o comeci járidoñedio, íemo iere cuedo o tájjina llezica cue íconia iere duere zefuúdíoa. Afe llezica zefuúruíñeno ñue tájjidí. <sup>4</sup> Mei íadi daa figóñedífuena omo ite. Nano fueñe cue o izíruilla izói birui cuena izíruíñedio. <sup>5</sup> Te jira ninómoma oni níbfodo baídíoa comeci uibi. Mai omo itífue méidori. Fueñe o illa izói o iri. Bífuena o méidoñenia omo raíre bíitíicue, omo ite egáñote raa oni óllena. <sup>6</sup> Mei jiáífodo, daa ñúefuena nai omo ite. Afe nicolaítas fiéni finócafuiaímo naa íaíoi fiéni jiáífodo llogamo éoícana eróidí. Cue daje izói áfena éoídicue. <sup>7</sup> Ñuera Joreño Juzíñamuimo jaináidínona daínamo cacácadimie áfemo cacai. Afe Ñuera Joreño bie izói daífacade: “Fiénidena anáfenodínona jáidímacina Juzíñamui nífuéninanomo ite cáatate amena llizíllana güitátaiticue,” daide.

*Esmírnamo ite íinotínomo llogáuai*

<sup>8</sup> Daje izói Esmírnamo ite Juzíñamuimo gairírdino úiñoraímamo búai cúeiri: “Nanóidimie dáamie íraímiena ómoímo úrite. Nauí bíniemo tíidimie, íemo meine abído nane cáadimiena jaide. Afémie ona daide: <sup>9</sup> Nana o finócana onódicue. Daje izói o duere zefuúllana onódicue, naa o ráanina díga. Mei íadi uáfueza Cristo dibénedo iere ráaredí. Jáiámaci fiéni omo úrillana onódicue. Afémaci, “Juzíñamui nízeza Judíodícaí” daídífoí, mei íadi íeñediaí. Afémaci dani Taífe dibénemo jaináidíno. <sup>10</sup> Duere o zefuúllamo jacínaiñeno o iri. Mei ómoímona dámierie Taífe llavéracomo llavétaíteza, nana omoí facátallena. Daí omoí comeci ífue onóillena facátallíomíoa. Díez dígarui duere zefuúredíomí. Mei íadi o tíillínomo zóofeñeno íinofíreiri. Daí o íadi zíñona cáallena

o jírřdotaiticue. <sup>11</sup> Ñuera Joreño Juzíñamuimo jaináidínona dáinamo cacáacadimie mai áfemo cacai. Afe Ñuera Joreño bie izóí daiíacade: “Fiénidena anáfenodínona jáidímaci nane méifodo tíllamo raamo jírřñeítiaioi,” daide.

*Pérgamomo ite íñnotinomo llogáuai*

<sup>12</sup> Daje izóí Pérgamomo ite Juzíñamuimo jaináidíno úiñoraimamo búai cúeiri: “Afe nágafene jáirede lloefai llíidimie bie izóí ona daide: <sup>13</sup> Nana o finócana onódicue. Afe izóí Taiíe ocuícano cígimo itíoza onódicue. Afénomo itío íadi zóofeñeno cuemo ñue o íñnuana onódicue. Daje izóí cuemo o íñnuana fáicanocaiñedio. Afe izóí Antipas mámeciredimie cue ñue jáicína cue uai nabáífredimie. Afémie omoi cígiri fatíai. Ie fáinaruido, cuemo omoi íñnuana zóofeñediomoi, Taiíe illánomo itío moi íadi. <sup>14</sup> Mei íadi cue lletárafuiaina ómoimo ite. Omoimona dáarie jádí Pérgamomo Balaam llófuiana fáicanocaiacañediaioi. Afe Balaam jaii Balacna llófujete Israel comini fienni fínuaillena. Afe Balac Balaam llófuiamona Israel comínina jánaraimo fecaca rílleniaina ritátate. Afe dáaruido afémacina iere jírřúretade. <sup>15</sup> Nane jáíe cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue. <sup>16</sup> Ie jira mai omoi comeci ifue méidori; mei íadi omoi méidoñenia, raire omoi díga fuirizaibiticue. Uáfueza cue fuémona bite jáirede lloéfaido omoi fienni fínóidínona fáziaibiticue. <sup>17</sup> Ñuera Joreño Juzíñamuimo jaináidínona dáinamo cacáacadimie, áfemo cacai. Afe Ñuera Joreño bie izóí daiíacade, “Fiénidena anáfenodimiena jáitimie afe báinino ite maná dáina monámana cocide güíllena güítatáiticue. (Bie maná Juzíñamui íaioi comécina náiretaillena jana.) Iemo afémiemo úzere de noítofená fécaíticue. Afe noítofemo buna ónoñega comue mámecci cuelle. Dama afe noítofe llínoitimie áfena onóille.” Aquíe izóí daide.

*Tiatíramo ite íñnotinomo llogáuai*

<sup>18</sup> Daje izóí Tiatíramo ite Juzíñamuimo jaináidíno úiñoraimamo búai cúeiri. “Juzíñamui jító ómoimo úrite. Afémie ui irai búua izoide, íemo ie éiba ñue queníretaga bronce izóí quenírede. Afémie bie izóí ómoína daide. <sup>19</sup> Nana omoi finócana onódicue. Cuena omoi izírřuillana onódicue, naa cuemo omoi íñnu díga. Daje izóí cue díbébedo ñue omoi tájicaillena onódicue, naa omoi comeci járitaiñena díga. Fueñe omoi táinia báimo birui jamánomo fínóicaidiomoi. <sup>20</sup> Mei íadi ómoimo daa cue lletárafuena nai ite. Afe Jezabel mámeciredíngo llógana rairuñediomoi. Afengo, “Juzíñamui díbébedo úriticue,” daiífirede, mei íadi fienni ie llócaigafuedo cue ocufíreganona jífujete. Afe jífua uaido íaioína iere jírřúretade. Daje izóí jánaraimo fecaca rílleniaina íaioína ritátate áfemo caimátaillena. <sup>21</sup> Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jírřufuena fáicanocaiacañede. <sup>22</sup> Mei jira birui afémaci afengo fínócafueña fáicanocaiñenia, aféngona iere izire iráretaiticue. Daje llezica nana afengo díga jírřúredínona duere zefuítaiticue. <sup>23</sup> Afengo úruiaína títaiticue. (Afe úruiaí dáina afengo llógamo jírřúritino.) Afemona naga come ífoci úrřillana, ie comeci ifue díga ñue ícoimo cue onónana, nana Juzíñamuimo gairídino fídítiaioi. Iemo ómoimona illa dígamie fienni omoi fínuaze ómoína duere fínóiticue. <sup>24</sup> Mei íadi ómoimona Tiatíramo ite jáímaci afe Jezabel omoi llófuia fiénide uaina náfueñediomoi. Afe Jezabélmo jaináidíno íaioi llófueinana daidíai, “Cai llófueina uai Taiíe ie, iere báinide nai uáfodo ónonidífuai,” daidíai. Afe llófueinana onótañegaomoi. Iemo ómoimo ite nauí cue lloga báimo jáíena ómoína ócuíñeíticue. <sup>25</sup> Daa bie llóitíicue: Omoimo ite ñúefuiai ñue rairuirí, nai cue bíñeille díno. <sup>26</sup> Fiénidena anáfenodínona jáitínona náraiaí ócuítimacina jóneíticue. Afémaci cue jítainana ñue ícoimo fuitáidino. Ocuille ríino íaioimo jóneíticue, <sup>27</sup> mei daí cue Moo cue ocuille ríinona cuemo jóneteza. Iemona náraiaína rírede lleóbici izóidedo ríire ócuítiaioi. Íaioimo cacáreacañedínona ícírřuai lláia jéeninno llairúngotaila izóí, afe izóí

íaiõina duere fínoítiaõoi. <sup>28</sup> Daje izõí monáiracudu iere ebire egáíñua izõí, afémacina ebire fínoíticue. <sup>29</sup> Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izõí daide.

### 3

#### *Sárdismo ite ínotinomo llogáuai*

<sup>1</sup> Daje izõí Sárdismo ite Juzíñamuimo jaináidino úiñoraímamo búai cúeiri: “Afe siete dígade Juzíñamui jóriairedimie, ñi afe Juzíñamui Ñuera Joréñoredimie Cristo, íemo afe siete dígade ucúduai llíidimie dáamie. Afémie bie izõí ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izõí itio. <sup>2</sup> Come cazilla izõí mai abina onoiri. Nai omo due jiza fiébide ínogafuíaína meine riire finori, mei aféfuiaí jae táinocaiacadeza. Eróidicuemo o finócafuiái cue Juzíñamui eróicana ñue jaícina jóíñedeza. <sup>3</sup> O fueñe ínoga íaioi llófuiamo uibóicairi. Afena jeire o óiri. Afe llezica o comécimo itifue ñúefuena méidori. O abina ñue onóñenia, merírifredimie ónonino billa izõí, duere omo fínuaibiitícueza. Cue billíruina ónoñeíto. <sup>4</sup> Mei íadi ómoimona jadí Sárdismo dáarie comécina ñúemacina ite. Afémaci ínroina íáíñedino izoide. Afémaci úzecuiruai jítada cue díga jáítiaioi, mei afe daí íaioimo dúideza. <sup>5</sup> Fiénidena anáfenodinona jáidino úzecuirona jítaitiaioi. Iemo zíñona cáaitno mámeçi cuiánicomona íaioi mámeçaina dóneíticue. Iemo daje izõí cue Moo Juzíñamui úcomo “Bie cúemaci” dáitícue; daje izõí ie abi imaci ángeles dainámaci úcomo “Bie cúemaci” dáitícue. <sup>6</sup> Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izõí daide.

#### *Filadélfiamo ite ínotinomo llogáuai*

<sup>7</sup> Daje izõí Filadélfiamo ite Juzíñamuimo jaináidino úiñoraímamo búai cúeiri: “Afe ñíñufenidimie omo úrite. Afémie uáfueña úrifredimie. Afémiemo jaiái illaíma David naze tuiñora llave ite. Afémie Juzíñamui illáimana illano tuiñóadi buna íbáinide. Daje izõí afémie íbáia, buna zuitánide. <sup>8</sup> Bímie bie izõí ona daide: Nana o finócana onódicue. Buna íbáinide túide naze o uicóri jóneticue. Mei figo mairíñedio, íadi cue uaina náfueto; cuena jaca jáanofinidío. <sup>9</sup> Iemona Taífemo jaináidinona o anamo caiñícido ana íaioi dújutano óreíticue. Afémaci táinona úrillano bie izõí daiñifrediaioi: “Cai bie Juzíñamui nizeca judúuaídicaí” daídíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi. <sup>10</sup> Cue ocuica uai jeire o úamona aféuai dáina izõí comécina járidoñedio. Ie jira nana bíníemo bite facátalliruimona ona ñue ráiruíticue. Aféruído nana bíníemo ite comini facátalliaioi. <sup>11</sup> Raire biticue. Omo ite ñúefuiai ñue rairuri, o jirídolle raa bu báiroñeilleza. <sup>12</sup> Fiénidena anáfenodinona jáitínona cúeiena máínoíticue. Máíñuano cue Juzíñamui gairíracomo ite mairide jáillirai izõí íaioina óreíticue. Iemona Juzíñamui illánomona jaca jino jáíñeítiaioi. Íaioimo cue Juzíñamui mámeçi cúeíticue. Daje izõí cue Juzíñamui jofue mámeçi íaioimo cúeíticue. Afe jofue mámeçi “Comue Jerusalén.” Afe jofue cue Juzíñamuimona caífo monámona ana bite. Daje izõí afe fiénidena anáfenodinomo cue comue mámeçi cúeíticue. <sup>13</sup> Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izõí daide.

#### *Laodicéamo ite ínotinomo llogáuai*

<sup>14</sup> Daje izõí Laodicéamo ite Juzíñamuimo jaináidino úiñoraímamo búai cúeiri: “Uáfueña llotímie omo úrite. Afémie jaícina uai nabáífredimie; daje izõí jaca méidoñeno uáfueña úrifredimie. Afémie nana Juzíñamui finócana táinéraíma. <sup>15</sup> Afémie bie izõí ona daide: Nana o finócafuiái onódicue. Ráairuillano figo o íñoñenana onódicue. O ínoga ñue uzíredjii izóíñede. Daje izõí o ínoga caímare mánaídjii izóíñede. Ñue o uzírenana jítáidicue, ñibai jíáfodo o mánaínana jítáidicue. <sup>16</sup> Mei íadi jabo uzíredjii izóidío. Iemona jabo uzíredjii jino tua izõí ona jino dótaíticue. <sup>17</sup> Bie izõí daiñifredio: “Ráaredimiedicue,”

daidío. Iemo “Nana cue illafue ñue jóide. Cue jitaica raana ñeude,” daiífiredio. Mei íadi jíáifodo o íllana onóñedio. Juzíñamui eróicana bu cáimadoñegamedio. Iemo daje izói iere duere zefuíttagao, íemo iere dúeredimedio, íemo uina cíoiñedimie izóidío. Iemo jíái incuíronino emuíromade izóidío. Afe bie izói o íllana jaca onóñedio. <sup>18</sup> Mei jira omo llóitícue, “Iraimo ñue finoca órona cúemona iba, uáfueña ráaredimiena o jáillena. Daje izói cúemona úzerede incuírona iba, o meáire emuíromana ibáillena. Daje izói ui manórajina cúemona iba, o uimo jóoniomona ñue o cíoillena. <sup>19</sup> Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o íñofireiri. O comeci ífuiai méidori, ona duere cue fínoiza. <sup>20</sup> Ero cacai, come comeci naze ízoinamo itícue. Dínómona jíritícue. Cue uaimo cacáreitímie ie naze tuiñóadi cue llínollena, afémie illánomo jofo jáitícue. Jaillano dájena afémie díga nabáiritícue. Daje izói conima díga caimare úriticoco. <sup>21</sup> Fíénidena anáfénodinona jáitínona, illáimana cue ráiiranomo afémiena cue díga ráitaitícue. Mei daí fíénidena cue anáfenuamona cue Moo illáimana ráiiranomo ráinazaidícueza. <sup>22</sup> Ñuera Joreño Juzíñamuimo jaináidinona dáinamo cacácadímie, mai áfemo cacai.” Aqué izói daide.

## 4

*Monamo Crístomo lloga cáimafuiai*

<sup>1</sup> Bie méifomo éroidicue, monamo ite naze túinana cíódicue. Fueñe cue cacana uaina meine nane cacádicue. Afe uai vudugoí fíciórena izói cacaide. Afe uai cuena daide:

—Caifo benomo bi. Bífui ai méifomo raire cómutifuiaina omo ácataitícue, —daide.

<sup>2</sup> Afe llezica Ñuera Joreño anamo itábicaidícue. Iemona monamo ite illaíma ráiiranona cíódicue. Afénomo dáamie ráiínana cíódicue. <sup>3</sup> Afémie iere quérede ‘jaspe’ daina ráifide nofíji izói éroide. Aféjina jíáifo daina ‘cornalina.’ Afe ráiirano abido rózígúeo nágafene ífoina ite. Afe rózígúeo ‘esmeralda’ daina ráifide nofíji quenírena izói quenírede. <sup>4</sup> Iemo afe ráiirano abido veinticuatro díga jíáie illaíma ráiiranuaina nágafene ífoina íllana cíódicue. Afénuaímo veinticuatro díga mona ero ocuide éicomini ráiídiaioi. Afémaci úzerede iníroillai jítdiaioi. Íaioi ífomo oro finoina illaíma jítdíregacuifoí jíiena. <sup>5</sup> Afe áillue ráiiranomona aillo boride. Afe llezica afénomona iere fíciere mona gíría cacacaide. Iemo afe ráiirano uícómo siete dígade áillue bobáieniai bóoide. Afe siete díga bóoide bobáieniai Juzíñamui Ñuera Joreño jana. <sup>6</sup> Dáanomo afe ráiirano uícómo, daa monáillaina eroide illa. Afe monáillai anáfenomo ñue cíoide vidrio izoide.

Afe ráiirano abido cuatro díga cáadimíiai ífoina itáioi. Afémaci erófene dibénemo aillo uíjiai ite. Daje izói emodo dibénemo ite. <sup>7</sup> Bimácimona daa jánallarina eroide. Iemo jíáie juráreto íítóna eroide. Iemo jíáie uíeco, come uíeconona eroide. Iemo jíáie feede máajaióna eroide. <sup>8</sup> Afe cuatro díga cáadimíiaímo illa dígamiemo seis díga íaicuai ite. Afe íaicuai erófenemo uíjiaína oruide; daje izói emódo dibénemo ite. Afémaci mona naio díga llícaíñeno úritiaioi; Juzíñamuina daífoidiaioi:

¡tere íaífuenidío! ¡tere íaífuenidío! ¡tere íaífuenidío!

tere ñuera cai Ocuíraimadio.

Jamánomo ríinorede Juzíñamuidío.

Jaca nanómona ítímiedío,

Iemo nai birui ítímiedíoza,

Iemo uire jaca ninomo zíñóna ítímiedíoza, —daí daífoífrediaioi.

<sup>9</sup> Illa dígacaiño afe cáadimíaci, ráiiranomo ráide Moo Juzíñamuimo ebíredífue nitáadi, íemo ñúefue jóoneadi, íemo jíái figora íena dáiiadi, <sup>10</sup> afe llezica afe veinticuatro díga ocuide éicomini áillue ráiiranomo ite Juzíñamui anamo dújufrediaioi. Iemo afe jaca ninomo zíñóna ítímiena caimátaidiaioi. Afe llezica íaioi oro finoina illaíma ífo ícuífui ráiirano uícómo jóonefirediaioi. Jóoneta daíífrediaioi:

<sup>11</sup> Cai Ocuíraíma Juzíñamui,

iere ebíredífue omo nitáregaza,  
 Daje izói núefuiai omo jónefiregaza.  
 O jamánomo ríinorenana omo nitáregaza.  
 Nana aféfuiai ona náamaredeza.  
 Mei naga ráaniai o comuítaga.  
 Iemo o comeci jítaina izói itíaiioiza.  
 Daje izói o comeci óiacanamona finócaiaioi.  
 Aqué izói daífirediaioi.

## 5

Ráiidimie llíga rabénicono ciódicue naa Cordero dainámie Cristo diga  
<sup>1</sup>Afe méifomo illaíma ráiiranomo ráiidimie nabézimo ite rabénicono ciódicue. Afénico ferinoga rabe. Erófenemo cuega, daje izói jinófenemo jíái cuega. Afénico siete diga sello daina ñue ibaira raado ibaica. <sup>2</sup>Iemo riírede ángel daina Juzíñamui abi ímiena ciódicue. Afémie fícrede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

<sup>3</sup>Mei íadi afénico tuiñoitimíena íñede. Caífo monamo íñede. Bíníemo íñede, íemo bíníe anamo tíidino illánomo jíái daje izói íñede. Daje izói afénícomo buna eróinide afe facádollena. <sup>4</sup>Afénico tuiñoite comécina ñúemíena baiñénamona iere éedicue. Daje izói afénico facádoitimie íñénamona, íemo jíái afénícomo eróillano ónoitimie íñénamona, iere éedicue. <sup>5</sup>Iemona veinticuatro diga eicomínimona dámie cuena daide:

—Mai benómona éeñeno o iri, mei Judá nairai illaíma Jánallarína mamécámie, fiénidena jae ñue anáfenotateza. Afémie jaiái illaíma David erófene igímamona comuídimie. Afe íe anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

<sup>6</sup>Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táíide, mei íadi Juzíñamuimo ía íecállena íe íaíoi fáina meífo cíoide. Afe Cordero siete diga zícáirede, íemo íe íe siete dígade. Afe siete dígade uíjiaí naga éníaímo oreca Juzíñamui Ñuera Joreño jana.

<sup>7</sup>Afe Cordero illaíma ráiiranomo ráiidimie nabézimo ite rabénicono llínuaijde. <sup>8</sup>Afémie afénico llínuu llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa llíiediaioi. Daje llezica afémaci oro finoina ugúciaina oruide ichecoi llíidíai. Afeniaí Juzíñamuimo jaináidino afémíemo jicara uailai jana. <sup>9</sup>Afe éicomini bie comue rua rotíaioi:

O iere comécina ñúemíenamona bie rabénico llíinota tuiñolle omo dúide.

Mei nauí Juzíñamuimo fatá fecácamiedioza.

Caina o díe tóillado Juzíñamui íena íbádíoza.

Uáfuena nágaziemona,

Iemo nana jíáífo úritinomona,

Iemo naga comini jófuiaimona,

Iemo nana náiraiamona Juzíñamui íena caina íbádíoza.

<sup>10</sup>Cai Juzíñamui íe illáinina caina jáitatio;

Daje izói comínido Juzíñamuimo úrifireitinona caina jónetio;

Iemona énie náiraiaina ócuiticai.

Aqué izói rotíaioi.

<sup>11</sup>Afe mei eródicue. Iemo aillo afe illaíma ráiiranomo ífoina ite ángeles daina Juzíñamui abi ímaci úrilla uaina cacádicue. Daje llezica afe cuatro diga cáadimíai uaina cacádicue. Iemo dáaruído éicomini uaina cacádicue. Afe Juzíñamui abi ímaci iere jamánomo aillo itíai. Ua millones y millones dáinaze itíai. <sup>12</sup>Afémaci fícirerie úritiaioi; daidíaioi:

Fatá Juzíñamuimo fecaca Cordero comécina iere ñúenamona ñuera ríno maiñolle afémiemo dúide.

Daje izói aillo ráifide ráaniai dáamiemo dúide.

Iemo ifoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

<sup>13</sup> Afe llezica nana Juzíñamui comuítaganuiai úrilla uaina cacádícue: nana monamo itínuiái, daje izói éniemo itínuiái, daje izói énie anamo itínuiái, daje izói monáillaimo

itínuiái, naa afénuiaimo itínuiái úrilla uaina cacádícue. Daidíaiói:

Nana caimátaille uailai illaíma ráíiranomo ráide Moo Juzíñamuimo íredeza,

Daje izói jíai Cordéromo íredeza.

Afe izói ñúefue afe íaillinoimo nitáredeza, naa ñuera ébifue diga,

Iemo ñuera ríno íaillinoimo íredeza.

Nana aféfuiai íaillinoimo nana fimónaiaido, jaca ninomo zíñona daí daírenaza.

<sup>14</sup> Iemo afe cuatro diga cáadimíai aíaírilla izói daidíaiói:

—¡Daiítadeza! —daíoiírediaíoi.

Iemo afe veinticuatro dígade éicomini ana dújuillano, jaca ninomo zíñona cáadimíemo caimátaióifrediaíoi.

## 6

*Siete dígade sello daina rabénico ibaira rafue*

<sup>1</sup> Cordero afe siete dígade séllomona nánora tuíñuana ciódícue. Daje llezica cuatro dígade cáadimíaimona dáamie daínana cacádícue. Ie úrilla uai, mona gíría ficírena izói ficírede. Daide:

—Mai eróizaibi, —daide.

<sup>2</sup> Cue eroilla llezica úzerede cabállona ciódícue. Afe emódomo ráiicaidimíe zicuira llícaide. Iemo illaíma ifo icuífoina ie jitádiaíoi. Jita mei afémie naga náiraina anáfenocana jaide. Ie mei nágaruillaído afémie íaioina anáfenofirede.

<sup>3</sup> Méifoide séllona Cordero cuata llezica, tórna éroide cáadimíe úrillana cacádícue. Afémie:

—Mai eróizaibi, —daide.

<sup>4</sup> Afe llezica jáirede caballo jino bíllana ciódícue. Afe emódomo ráiicaidimíemo féitalle ríno afémiemo iga. Afémie nana nairai caimare uái illa féitaité, comini conímana fazítallena. Afe llezica áillue lloébicina afémiemo iga.

<sup>5</sup> Iemo Cordero nane jíaie tercer daina sello cuata llezica, jíaie cáadimíe úrillana cacádícue. Afémie:

—Mai eróizaibi, —daide.

Jira eróidícue. Eróidícuemo daa jítirede cabállona ciódícue. Afe emódomo ráiicaidimíe mérenana onóillena facara raa llícaide. <sup>6</sup> Iemo cáadimíai cígimona dáamie úrilla uai cacádícue. Aféuai daide:

—Daa kilo trigo daa mona tájjina fidi. Iemo daámami kilo cebada daa mona tájjina fidi. Iemo aceite vino diga jaca jerúfuredeza, mei afe íballe úcube íñédeza, —daide.

<sup>7</sup> Afe mei Cordero jíaie ‘cuarto’ daina sello cuata llezica, cáadimíaimona íraimíe úrillana cacádícue. Afémie:

—Mai, eróizaibi, —daide.

<sup>8</sup> Eróidícuemo borárede cabállona ciódícue. Afe emódomo ráiicaidimíe titáfiredimíe daínámie. Afémie ódana tíidino illano jana maméidimíe bite. Enie cuatro diga fecácamona dáanie íemo iga, afénomo riire ocúllena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaído íaioina tícoizitaite. Iemo éniemo ite illárede rílleníai íaioina tícoizitaite.

<sup>9</sup> Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla íconia titacaiaioi. <sup>10</sup> Afe bimaci ficire úritiaioi; daidíaiioi:

—Íaifuenide cai Ocuídímie, uícodo o llógana méidoñeno ñue fuitáfiredio. Eniemo ite cai titádino iere jicánota duere o finóllena, ¿nie díno nai moziñoitio? Cai fatino iba o ollirui, ¿nígarui nai bai dúiñoitio? —daidíaiioi.

<sup>11</sup> Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tñilla izói uire titállino, Juzíñamui mámanomo nai dúcínede. Afe titállino, nau íaioi titaca ámatiai izói, Cristo uaimo tájifirediaioi.

<sup>12</sup> Cordero nane jíáie ‘sexto’ daina sello cuata llezica, eródicuemo, énie iere jacire docaide. Iemo jitoma zúnaillana, jitaca jítiroi izói éroide. Afe llezica fui náauina jíairede die izói méidoficaide. <sup>13</sup> Afe dáaruído mona ero ucúduai cocídiaioi. Ua, higuera daina amena llizilla, jairifo riire begúñuamona cócia izói, afe izói ucúduai ana bíñiemo cocídiaioi. <sup>14</sup> Afe llezica, rabe jofo feríroicailla izói, mona feríroicaide. Iemona cióbicañena. Iemo dáaruído nana caifóneduai naa monáillai cigi íduai íaioi illánomona oni jírecaide. <sup>15</sup> Iemona nairai illaini caifóneduai anamo ite ífuaimo, naa jéerie noficiai cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuirairaini illáicomini, íemo iere riiredínuaia, íemo nana jacire rairuicano, daje izói buna ráiruñegano, nana afénomo retáiritiaioi. <sup>16</sup> Afémaci caifóneduaina jéerie noficiaina daífirediaioi:

—¡Mai caimo baii! Mai caina jiita, baie illaíma ráiiranomo ráiide Juzíñamuimona caina rétaido. Cordero finolle jacire cai duere finóllifuemona caina rétaido, —daífirediaioi.

<sup>17</sup> Mei jii, iere jacire comini duere finóllirui jae dúcidez. ¿Bu mei áfena moziñoena?

## 7

*Israel náiraimona náamana onóillena cuezámaciai*

<sup>1</sup> Bie méifomo bínie fuédaiaimo cuatro dígade ángeles daina Juzíñamui abi ímíai, naidáienana ciódicue. Afémaci nágafeniaimona jairifo jáiñuana moziñoitiaioi. Afe éniemo jairifona jáiñoñañediaioi, daje izói monáillaimo jáiñoñañediaioi, íemo jíai aménaiaimo jáiñoñañediaioi. <sup>2</sup> Iemo jíáie Juzíñamui abi ímíena mona móimona bíllana ciódicue. Afémie caade Juzíñamui íeie daíllena sello daina jóonelle raa llícabite. Afémie ficire úrite. Enie fuédaiaimo cuatro díga naidáidímíiaimo úrite. Afémaci bínie fieni íaioi finolle, naa monáillai díga ríinona igámaci. Afémacina bímie daide:

<sup>3</sup> —Cai Juzíñamui ocúfíreganomo, íaioi ozócimo náamana onóillena mámecei nai jóoneñena llezica, nai bíniena duere finóñeno iri. Daje izói monáillai naa aménaiaia raire duere finóñeno iri.

<sup>4</sup> Jóonia mei, nígamaci náamana onóillena mámeceina jóonegano íaioi númeroa cacádicue. Nana Israel náairaimo itíziaimona afe cuezgano ciento cuarenta y cuatro mil dígade.

<sup>5</sup> Judá izíemona doce mil díga cúefide.

Iemo Rubén izíemona doce mil díga cúefide.

Iemo Gad izíemona doce mil díga cúefide.

<sup>6</sup> Iemo Aser izíemona doce mil díga cúefide.

Iemo Neftalí izíemona doce mil díga cúefide.

Iemo Manasés izíemona doce mil díga cúefide.

<sup>7</sup> Iemo Simeón izíemona doce mil díga cúefide.

Iemo Leví izíemona doce mil díga cúefide.

Iemo Isacar izíemona doce mil díga cúefide.

<sup>8</sup> Iemo Zabulón izíemona doce mil díga cúefide.

Iemo José izíemona doce mil díga cúefide.



Iemo Benjamín izíemona doce mil diga cúefide.

*Aillo dáanomo úzecuiruai jítada gairídino*

<sup>9</sup> Afe méifomo eróillano jamánomo aillo comínina ciódicue. Nana náiraiaimona dáanomo bitíaiói. Daje izói nágaziemona bitíaiói. Iemo daje izói jiáifo úritinuiaimona bitíaiói. Iemo daje izói naga jófuiaimona bitíaiói. Nana bimaci illaíma ráiirano uícomo naidáidiaíói. Daje izói Cordero uícomo naidáidiaíói. Afénomo aillo itíaióiiza buna facádonide. Nana afémaci úzecuiruai jítáoidiaíói. Daje llezica afémaci rafóruai llíiediaíói.

<sup>10</sup> Nana fícererie daidíaíói:

Cai jllonano, illaíma ráiiranomo ráiide cai Juzínamuimona comuide.

Daje izói cai jllonano Cordéromona comuide, daidíaíói.

<sup>11</sup> Afe llezica nana Juzínamui abi imáiciai, illaíma ráiirano onido ífoina naidáiediaíói.

Daje izói veinticuatro dígade éicomini onido ífoina naidáiediaíói. Iemo jiái cuatro diga cáadimíiai onido ífoina naidáidiaíói. Afémaci afe ráiiranomo ráiidimie anamo éniemo fueco diné bíjicaidiaíói. Bíjicaillano Juzínamuimo caimátaidiaíói. <sup>12</sup> Daidíaíói:

¡Bie izóideza! Núfuiiai nitalle cai Juzínamuimo dúide, ñue ebíredifuiiai diga.

Daje izói nana ñue onóigafue íemo dúide, naa figora daiífrena diga.

Daje izói afémiemo nitárede ñúfuef dáamiemo dúide, naa áillue máirie diga.

Nana bífuiiai cai Juzínamuina jaca ñinomo zíñona daíí daiírenaza.

Aquíe izóideza, —daidíaíói.

<sup>13</sup> Afe mei afe eicomínimona dáamie cuemo jicánote:

—¿Baie buoi úzecuiruai jítáoina? ¿Afémaci mei ñinena bitíaiói? —daide.

<sup>14</sup> Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla ícoímo jino bitino. Afémaci comécina iere íaifuenino íaiói íllena ja Cordero díedo muiñócaza. Afémaci iere úzecuiro ínícuiro illa izói itíaiói. <sup>15</sup> Ie jira Juzínamui ráiirano uícomo itíaiói. Afe llezica nágaruillai, mona naio diga, Juzínamui gairíraco ero ie ocuállana finófrediaíói. Iemo afe ráiiranomo ráiide Moo Juzínamui, íaiói diga íllado jácifuemona íaíoina ráiruie. <sup>16</sup> Afémaci jaca júbiemona duere finóbiñeitiaíói. Daje izói jiróacanari duere zéfuiñeitiaíói. Iemo jítoma íaíoina jiái úzitaneite. Daje izói uzíredíruimo mona uzírena íaíoiemo uzire cácañeite. <sup>17</sup> Mei illaíma ráiirano abímo ite Cordero, ovejai uíñua izói íaíoina uíñoiteza. Afe llezica ñuera jainoi jino toránuaído íaíoina ífóicaite. Afe jainoi zíñona cáatatíji. Iemo afémaci éeadí Juzínamui íaíói ui jeme nana oni dóite.

## 8

*Iraie selló cúatajana cioide, oro finoína uguci uillítara diga*

<sup>1</sup> Iemo Cordero llíiga rabénicomo ite íraie selló daína íbaíoiide raa cuata llezica, daa hora átuédo mona tíí daiíñocaide. <sup>2</sup> Afe mei siete dígade Juzínamui abi imaci Juzínamui uícomo naidáienana ciódicue. Afémaci siete diga vudugoi izoide raana igáiaíói. <sup>3</sup> Afe mei jiáie ángel daínámie Juzínamui abi ímie oro finoína uguci uillítara llíicabillana ciódicue. Afémie altar daína Juzínamui caimátairano uícomo naidaide. Iemo aillo ugúciai afémiemo fecácaza, áfena Juzínamuimo uillítallena. Mei nana Juzínamuimo jaináidino afémiemo íaíói jicáfrena uaillai llua llezica, bímie dáanomo afe ugúciai Juzínamuimo uillítateza.

Afe Juzínamui ráiirano uícomo ite oro finoína ie caimátairanomo, bímie afe ugúciai jutade; íemo afe llezica afe Juzínamuimo jaináidino jicáfrena uaillai llócaigaza. <sup>4</sup> Afe uguci uillie, Juzínamui abi ímie áfena altarmo juta mei, Juzínamui uícomo caífo uillíoiacide, nana Juzínamuimo jaináidino jicáfrena uaillai diga. <sup>5</sup> Afe mei Juzínamui abi ímie uguci uillítara raa llíinote. Llínuano altármona oga caade iráiciaína áfena oruíate. Daíí fínuano

ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

*Siete dígade vudúgoína eroide raa*

<sup>6</sup> Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritiaioi.

<sup>7</sup> Nanóidímie fúunua llezica, jéerie nocíjiaí éniemo cocítate. Afe dáaruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiaí boode. Daje izói nana caade ráitiaimona jarífene boode.

<sup>8</sup> Afe meifo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. <sup>9</sup> Afemona nana afénomo ite caade chámuniaimona jarífeniaí aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

<sup>10</sup> Iemo jíáie Juzíñamui abi ímie ie vudugoi fúunua llezica, áillue ucudu monámona éñjemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuaímimo baiílla. <sup>11</sup> Afe ucudu mámece Eríredicudu. Iemona nana imánillaimona jarífemanillaí eríriede. Iemona afe jainoi erire jáillamona aillo comini tíidiaioi.

<sup>12</sup> Ie mei nane jíáie Juzíñamui abi ímie ie vudugoi fúunua llezica, jitómamona jarífetomado jírtirecaide. Daje izói fiuímona jarífeuido jírtirecaide. Iemo jíái ucúduaímona jarífecududo daje izói jírtirecaide. Ie jira nana afémacimona jarífenedo jírtirecaide. Naga mona naio diga jarífemonana egáíñoñediaioi.

<sup>13</sup> Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Eniemo ite comini níi dúerena; mei Juzíñamui abi imácmóna daámami nai fiévide vudugoi fúunollena. Afémaci fúunua llezica énie imaci, ¡Níi duere zéfuitiaioi! —daide.

## 9

<sup>1</sup> Iemo nane jíáie Juzíñamui abi ímie ie vudugoi fúunua llezica, daa ucudu monámona éniemo baiillana ciódicue. Iemo fiénide jóríai íbáirafo zuitara llave afe ucúduimo iga.

<sup>2</sup> Afemona afécudu aféfona tuiñode. Tuñuamona aféfomona jacafai bóua uíllia izói caifo uillide. Aféfomona caifo uillide uíllie jítmána dúitate. Afe llezica mona erona jírtie finode.

<sup>3</sup> Afe uílliemona bíñiedo feede fúuai comuide. Afémaci, éniemo ite acáiduai izói molléroirediaioi. <sup>4</sup> Afémaci ráitie güllena rairuícaiaioi. Daje izói nana amena rábiaina guitátañegaiaioi, naa jíáie mócore zicode ráaniai diga. Daa comini duere finóllena orécaiaioi. Mei íadi dani Juzíñamui ie daiítate mámece ozócimo cúeñeganona, afe fúuai duere fínoitiaioi.

<sup>5</sup> Mei íadi afe fúuai comínina títatañegaiaioi. Mei jíáfodo afémaci cinco diga fiui comínina izi cacataitiaioi. Afe fúuai mailla, acaido come mailla izói izíreite. <sup>6</sup> Iemona aféruillaído comini, “Raire cue tíilli” dáíitiaioi, mei íadi tííñeitiaioi. Iere tíiacaitiaioi íadi, tíáfírede raa afémacimona oni jica jáite.

<sup>7</sup> Afe fúuai jóbairizaillena mamérilla cabállona eróidiaioi. Iaioi ífócimo oro finoina illaíma ífo icuífoína éroide jíina. Iemo íaioi uieco come uiecona éroide. <sup>8</sup> Iaioi ífótíi ringo ífótíina éroide. Iaioi ízie ‘león’ daina jánallari íziena éroide. <sup>9</sup> Iemo llojécuiroi izoide abi ríidote icogí íaioi jogóbmoe jíide. Iaioi féeoína jamánomo ficírede. Uafue, jóbairizailla caballo zonóicaiga ‘cárroniaí’ ficírena izói ficírede. <sup>10</sup> Iemo afémacimo ite ooda acaido ooda izói molléroirede. Afe óodamo cinco diga fiui comini duere finolle ríino ite. <sup>11</sup> Afe fúuai illaíma ite. Afémie fiénide jóríai íbáirafo úíñotímie. Afémie mámece hebreo uaido Abadón; íemo griego uaido Apolión. Afeci daiíacade “Niné táinocaitaimie.”

<sup>12</sup> Nanoide jacire izi cacánafue jae záaide. Mei íadi nai mena fiévide.

<sup>13</sup> Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoína altar daina afémiemo caimátairanomona úrilla uaina cacádicue. Afe uai afe caimátairanomo ite cuatro dígade caifo fáide zicai cigímona cácacaide. <sup>14</sup> Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abímo cuinaca ángeles izóidino mai zuitari, —daide.

<sup>15</sup> Jira zuitácaiaioi, nana comíni jarífenairaido titállena. Mei aféruimo dúcinamona bai óllena eneno mamécaiaioi. Daje izóí biruimo dúcinamona mamécaiaioi. Daje izóí bie fiui íena mamécaiaioi. Iemo daje izóí bie fimona íena mamécaiaioi. <sup>16</sup> Afe cuatro díga ángeles ocuállino aillo ite. Nana afémaci cabálloniai emódomo ráihediaioi. Iemo afémaci dígadiaoí daínana cacádicue. Afémaci doscientos millones dígadiaoí.

<sup>17</sup> Bie izóí éroide cabálluai nicaído ciona izóí ciódicue. Afe cabálluai emódomo ráidino jogóbiaimo llojeco jítaoidiaoí. Afe llojécuiromo jáire, mócore, borare cuega. Iaiói cabálluai ifo ‘leon’ daina jánallari ifona éroide. Afémaci fuémona irai izóí jino bite, íemo uíllie bite, íemo daje fuémona nairai iere uzire cóonaitalle raa jino bite. <sup>18</sup> Afe cabálluai fuémona bite daámami jacire táinocaitate ráamona aillo nairai fuite. Uafue, nana comínimona jarífenairai tíidiaioi. <sup>19</sup> Daje izóí afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

<sup>20</sup> Mei íadi tíidinomona fiébidino, baie daámami jacíredemona tíñnedino, íaioi finófreiga fiénidifuiái féitaacañediaioi. Daje izóí fiénide jóriaímo caimátaitajana fáicanocaiñediaioi, naa jáíforie finoca jánaraiaína. Dáarie afe jánaraiaí oro finoína, jíáie plata finoína, jíáie bronce finoína; íemo jíáie nofici finoína, íemo jíáie amena finoína. Nana bie jánaraiaí jaca cióñede; daje izóí mínícana cacáñede, íemo daje izóí macáñede. <sup>21</sup> Afe fiébidino jíáimaci méiniana fáicanocaiñediaioi. Daje izóí jíáima fue gáiana fáicanocaiñediaioi. Daje izóí íaioi jíruírenana féitañediaioi. Daje izóí íaioi merírifírenana féitañediaioi.

## 10

*Daa ángel daínámie Juzíñamui abi ímie duera rabénico llíide*

<sup>1</sup> Afe méifodo riírede Juzíñamui abi ímie monámona ana bíllana ciódicue. Afémie uíllie cigído bite; íemo afémie ífomo rózígüeo izoide jíina. Ie uíeco jitoma egáíñua izóí quenírede. Iemo ie ídai boode jáíllirai izóí éroide. <sup>2</sup> Afémie daa duera rabénico tuiñoda llíide. Ie ídai nabezi monáillaimo bitade, íemo ie jarífezi éniemo bitade. <sup>3</sup> Iemo jánallari ficire írilla izóí ficire úrite. Afémie úrilla mei, mona siete dígcacaiño gíríde; ie gíría come úrilla izóí cácacaide. <sup>4</sup> Afe siete dígcacaiño mona gíría llíicaiilla mei, íaioi daina uaiíllai cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígcacaiño mona gíría uaiíllai rabemo cueñeno iri; báinino comécimo o jóoneri, —daide.

<sup>5</sup> Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zítáoide. <sup>6</sup> Afe llezica zínóna ite Juzíñamui mámece llíinuano riire úrite. Afe dáaruído énie comútatímie mámece, daje izóí monáillai comútatímie mámece, íemo nana afénoimo ite cáadinuiai comútatímie mámece llíinota riire daide:

—Benómona jaca ja móziñoñelleza. <sup>7</sup> Jabe siete dígademona íiraimie Juzíñamui abi ímie ie vudugoi fúunollíruimo dúcille llezica, Juzíñamui jica ía comécido báinino mamécufue, ñue ícoimo zaite. Daí Juzíñamui íe uai jino llórainimo jaiaí uícodo llote. Afémaci dani íe ocuífíregano, —aqué izóí daide.

<sup>8</sup> Nauí monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llíinuai, —daide.

<sup>9</sup> Jira afe Juzíñamui abi ímiemo afe duera rabénico jícajídídicue. Jicádicuemo afémie cuena daide:

—Llínnota mai güi. Afe duera rabénico o fuemo cǐji naimérena izói cácaite, mei íadi o jébemo erire cácaite, —daide.

<sup>10</sup>Mei jira Juzíñamui abi ímie ónoimona afe duera rabénico llínnota güíticue. Güíticue mo cue fuemo cǐji izói naimere cácaide. Mei íadi afe ja cue güilla méifodo cue jébemo erire cácaide. <sup>11</sup>Afe mei cuena daidíaioi:

—Juzíñamui daina aillo comíni jófuiaimo cómutifuiái, meine dáanomo llóredioza. Daje izói aillo náiraiaina Juzíñamui dáinana llóredioza. Iemo daje izói jíáíforie úritinona Juzíñamui dáinana llóredioza. Iemo jíái aillo illáinina Juzíñamui dáinana llóredioza, —aquíe izói daidíaioi.

## 11

### *Uai nabáífirede íaillinoi*

<sup>1</sup>Afe mei árrera rázina cuemo itíaioi. Afezi jofu facáradozina eroide. Afezi cuemo fécano cuena daidíaioi:

—Mai náidacaillano dama Juzíñamui gairíracu nie dinóride fácaji. Daje izói Juzíñamui mo caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado. <sup>2</sup>Mei íadi afezo jinófebiri facáñeno o iri; mei afeno jícanemacimo dúideza. Afémaci Jerusalén daina íaífuenide jófuenta cuarenta y dos diga fiuido fienu anáfenoitíaioi. <sup>3</sup>Iemo cue dibénedo úrillena uai nabáífirede íaillinoína óreiticue; come zuure ia jíta cu jíticuro, jítaítaillinoi. Afe íaillinoi mil doscientos sesenta dígaruillaí cuedo úritiaillinoi. (Afe mil doscientos sesenta dígarui, cuarenta y dos diga fiui.)

<sup>4</sup>Bie cue uai nabáífirede íaillinoi ménade olivo amena izóidiaillinoi. Daje izói afe íaillinoi bínie comúate Juzíñamui uícomo jónega mena boode áillue lámpara izóidiaillinoi. <sup>5</sup>Dáamie íaillinoína fienu finócaniadi, afe íaillinoi fuémoma irai oréidiaillinoi, afe íaillinoi fáiacadinona náamienua cuarítallena. Nana íaillinoína fienu finócadinona daíi títaiteza. <sup>6</sup>Bie cue uai nabáífirede íaillinoimo monámoma noci bítañede riino ite. Afe íaillinoi Juzíñamui dibénedo úricaille dinó, nocina bítañeítaillinoi. Daje izói jajinoi díena ória riino íaillinoimo ite. Iemo jíái comíni duere fínoite nana jacírede duico comúataja riino afe íaillinoimo ite. Afe íaillinoi comeci óiacana dinori comínina duere finórediaillinoi. <sup>7</sup>Mei íadi afe íaillinoi tájina fuilla mei, iere jacire éroide caade rille afe fiénide jóriaí íbáirafomona jino bite. Jino billano afe íaillinoi diga fúirite. Fuiríllano íaillinoína anáfenote. Anáfenua mei íaillinoína títaite. <sup>8</sup>Iaillinoi tíille mei, caí Ocuíraima coráinanomo, nií afe Jerusalemo, afe áillue jofue cigi iomo, íaillinoi tíide abi fiénocaigaiaillinoi. Afe jofue mámece, fienu íllana onótate uaido Sodoma daina. Daje izói jíái Egípto daina. <sup>9</sup>Iemo daruíamani átuedo diga jófuiái nairai afe íaillinoi abi tíillamo acáritiaoi. Iemo íaillinoi abina raitátañeítaoi. Daje izói dígazie íaillinoi abi bínamo acáritiaoi, naa jíáifodo úritinuiairi. <sup>10</sup>Bíniemo ite comíni afe íaillinoi tíillari iere íóbidiaoi. Daje izói caimare íitiaoi. Afe caimare íaiói íllamona conímamo ráaniaina raiñóñoeno fécaítiaoi. Mei afe íaillinoi Juzíñamui dibénedo úricaille llezica, bimácina iere duere zefuítatiaillinoiza. <sup>11</sup>Mei íadi daruíamani átuedo jailla méifomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoimo acáritino jamánomo jacínaitiaoi. <sup>12</sup>Afe mei afe uai nabáífirede íaillinoi monámoma fícirede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uilliedo monamo jáidiaillinoi. <sup>13</sup>Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comíni tícoizitiaoi. Afemona fiébidino iere jacínaitiaoi. Jacínailano monamo ite Juzíñamuina caimátadiaoi.

<sup>14</sup>Méifoide iere jácifue ja záide, mei íadi íiraie bille ja rairede.

Siete dígade vudugoi fúunotinomona ja íiraimie fúunote

<sup>15</sup>Siete dígade ángeles dainámaci Juzíñamui abi ímíiaimona íiraimie ie vudugoi fúunote. Fúunua llezica, monámona diga ficire úrilla uaillai cácacailla; daidíaioi:

—Nana bínie illaini illáimaillano naa íaioi ocuíanuairi ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuífireite, —daidíaioi.

<sup>16</sup>Iemona Juzíñamui uícomo ráiide veinticuatro dígade éicomíni íaioi illaíma ráiiranomona ana bíjicaidiaioi. Uáfueza, afe úrilla llezica éniemo fueco díne bíjicaillano, Juzíñamuina caimátaitadiaioi. <sup>17</sup>Iena daidíaioi:

Ona figora daidícai.

Jamánomo ocuide Juzíñamuidioza.

Birui itímiedioza, íemo jaii nanómona itímiedioza, íemo jíai jaca ninomo zíñona íitímiedioza.

Figora ona daidícai, mei o áillue ríino maíñódioza.

Máíñuano ja nane como ocúzaidioza.

<sup>18</sup>Náiraii icírinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O díbenedo úrite o ocuífíreganomo íaioiena o mameca núefuíaína íaioiimo fécaítio.

Daje izói o uaina ñue ínofírede ñue finócanomo íaioiimo dúide núefuíaína fécaítio;

íemo daje izói o mámečina jífanodoíñeno ñue llínotinomono íitio.

Uáfueza, jamánomoidímemo,

daje izói jamáimemo íaioiimo dúide raana íaioiimo ífiredio.

Daje izói bínie núemacina fíenirítadino o táinocaitalliruimo ja dúcizaide.

Aquíe izói afe éicomíni daidíaioi.

<sup>19</sup>Iemona monamo ite Juzíñamui gairíraco tújicaide. Afénomo Juzíñamui comíni diga caimare úrira raa uáfori cíocaide. Afe úrira raa emodo órona ibaica caja. Afe eromo Juzíñamui lloga uaillai éenotiaioi. Afe gairíraco tújicailla llezica améuai riire llairide, íemo ficíriede ráinaí cacaide; íemo mona ficire giride; íemo énie iere riire docaide; íemo iere mairide nocíjiai cocide.

## 12

Ringo íemo jacírede zicínaimana eróidímie diga monamo cíocaide

<sup>1</sup>Afe mei monámona jacírede onótate raa cíocaide. Afénomo íníroido ferínua izói, jítoímado ferínoga ringo cíoina. Afengo ídai anamo fíui cíoina, íemo afengo ífomo doce dígade ucudu illácuífoi, illaíma jítaífíregacuífoi izoide jítaoide. <sup>2</sup>Afe ringo úrue jocóacade izínailla. Afe iere izírenari caillícade; mei afengo úrue jíciacana llezica iere duere zefuídeza. <sup>3</sup>Afe méifodo jíaié jacírede onótate raa monamo cíocaide. Afénomo áillue jíairede jacírede zicínaimana eróidímie cíocailla. Afémie siete diga ífórede. Iemo afémie diez diga zícairede. Afe ífóciaímo illa díggacímio illaíma jítaracuífoi jíina. Daa ie mámece Taife. <sup>4</sup>Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daína zicínaimana éroidímie, afe úrue jocóacade ringo uíécomo jóoneoide, afe ie jocóacaga úrue jócuá llezica raíre ríllena. <sup>5</sup>Iemo afe ringo ííza jocode. Afémie uire móonaia nana náiraiaina llojébici izóidedo riire ócuífireite. Afe úrue jócuá méifodo Juzíñamui bairoca. Bairoda ie illáimana ráiiranomono uiga. <sup>6</sup>Afe llezica afe ringo táizicímio botade. Afe dinomo afengo retáiríllino uícodo Juzíñamui finoca. Afénomo mil doscientos sesenta diga mona afengo ecáecaille.

<sup>7</sup>Afe méifodo áillue fuíríacana caífo mona eromo comuide. Afénomo Juzíñamui abi ímáci illaíma Miguel naa jíaié Juzíñamui abi ímáciari afe dragón diga fuírídíaioi. Daje izói afe dragón naa ie abi ímáciari fuírídíaioi, <sup>8</sup>mei íadi afémáci Miguel náiraina

anáfenonidiaioi. Iemona dragón imaci illino monamo iñede. <sup>9</sup> Afe ie illino iñena jira afe riirede dragón monámona ja jino dotaca. Afe jaiai ninomo ite jaio dainámie jiáifodo mameina Taife, íemo Satanás, íemo dáamie nana náiraina jífuefiredimie. Afémie naa ie abi imáciri ana éniemo dotácaiaioi.

<sup>10</sup> Afe méifomo monámona fícrede uaina cacádícu. Afe uai daide:

—Cai Juzíñamui bínie comini jíllloillena mámiarui mo ja dúcide. Daje izói íemo ite ríino facálliruimo ja dúcide. Iemo daje izói illáimana ie illíruimo ja dúcide. Daje izói ie jíto Cristo riire ocuálliruimo ja dúcide. Mei cai ámatiaimo fiénidífue nitáfiredimie ja jino dotácaza. Afémie nágaruillai, mona naio diga cai Juzíñamui uíecori afémacimo fiénidífue nitáfírede.

<sup>11</sup> Cai ámatiai Cordero díedo fiénidífue ana anáfenodiaioi. Daje izói íaioi jino meáruiniño lloga Juzíñamui uáillaido caifófecaidiaioi, mei jaca tíllana jacíruiniñediaioiza; mei jiáifodo jaca tíllemo ñue finóbidaioiza. <sup>12</sup> Iemona, mona naa aféno mo ite cáadinuiai mai omoi íobiri. Mei íadi éniemo itino ní dúerena, naa monáillamo itínuiari, mei Taife ómoimo ana iere icírrillano jáideza. Afémie nano íanori ie íllena onódeza.

<sup>13</sup> Afe dragón ana éniemo ie dótajana onóillano, nau íza jocódingo racade. <sup>14</sup> Mei íadi afe ringo mena áillue máajaiño íaícona iga, áfede afe jaio dainámie dragómona jica táizicimo afengo féllena. Aféno mo daámani fimona átuedo afengo ecácaiga. <sup>15</sup> Iemo jaio dainámie áillue jainoi ie fuémoma orede, imánina comuillena, mei afe imánido afe ringo coróbaitallena. <sup>16</sup> Mei íadi énie ringona ríidote, mei afe dáaruído énie bócocaillano, afe dragón fuémoma oreca imánina naítateza. <sup>17-18</sup> Afe bíemona afe dragón ringomo iere ríicaide. Ríicaillano aféngomona fiébide ie erófene ígímaiai diga fuirízaide. Afémaci Juzíñamui ocuica uallai jeire otaíoi. Daje izói afémaci Jesucristo lloga ua ráfuena fáicanocaiñeno nágarui jeire ófirediaioi.

## 13

### *Mena áillue jacire eroide rille cíocaide*

<sup>1</sup> Monáillai fuédamo cue naidáillano monáillaimona iere jacire eroide rille caifo bíllana cíodícu. Afémie ífo siete dígade, daje izói afémie diez diga zícairede. Afe illa diga zícaimo illama jítaracuífoi jíina. Afémie ífóciaimo Juzíñamuina fiéni daina mámece cúeina. <sup>2</sup> Afe cue ciona jacírede rille jánallarina eroide. Ie ídaiai oso ídaina eroina, íemo ie fue león fuena eroide. Bímiemo dragón íemo ite ríino naa ie illáimaillano diga afémiemo fecade. Afe llezica riire ocuífírenafue afémiemo lloga. <sup>3</sup> Afe jacírede rille ífóciaimona daaci titade áillue boáfena eroide illa. Mei íadi afe títaacade áillue boafe raire jacaide. Iemona nana énie náiraiái áferi iere jacínaitiaioi. Jacínaillano afémiemo ínotiaioi. <sup>4</sup> Afémaci dragón uícomo éniemo fueco díne bíjicaillano íemo caimátaidiaioi, mei dragón riire ocuille ríino afe jacírede ríllamo ígaza. Iemo daje llezica jacírede ríllamo caimátaidiaioi. Caimátaillano daidíaoi:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidíaoi.

<sup>5</sup> Afe llezica afe jacírede rille afémie úrilla bu llétañega. Iemona Juzíñamuina íaire daina uaina llote, naa fiéni abi ínuafuiai. Afe izói cuarenta y dos diga fiui, daí ie ocuilla buna ráruiniñega. <sup>6</sup> Iemona afémie bie izói finode; Juzíñamuina uáitano, ie mámeceina íaire daífoide. Daje izói Juzíñamuimo úriranona íaire daífoide. Iemo monamo itínuiaina daje izói íaire daífoide. <sup>7</sup> Iemo jíái daje izói Juzíñamuimo jaináidino diga ie fuirilla buna ráruiniñega. Daje izói afémaci ie anáfenolle buna ráruiniñega. Iemo nágazie ocuille ríino afémiemo fecaca. Daje izói nana comini jófuiai ócuífíreite, íemo daje izói nana jíáifodo úritinuiai ócuífíreite, íemo daje izói nana náiraina ócuite. <sup>8</sup> Nana bíniemo itino afe jacírede ríllamo caimátaidiaioi. Afémaci mámeceiai zíñona ítino rabénicommo cúeñega.

Ua énie taineina llezica baimaci mámeiciai afénicocomo cúeñega, mei afémaci ññoñena jira. Afénico naui titaca Cordero ie.

<sup>9</sup> Bifueмо cacácadimie mai bíemo cácarei. <sup>10</sup> Jiáimacina maitá uitino méifodo nane maitá uille. Iemo jiái lloéfaido jiáimacina titádino méifodo afémie daje izói lloéfaido titalle. Mei jira Juzíñamuimo jaináidino comécina járdonidiaioi; daje izói jiái ñue ññorediaioi.

<sup>11</sup> Afe méifodo jiáie jacire eroide rille éniemona caifo billana ciódicue. Afémiemo mena zicai ite; cordero zicaina eroide. Mei íadi afémie dragón úrilla izói úrite. <sup>12</sup> Naui monáillaimona bite nanoide jacire éroide rillemo ite riire ocuille ríino, daje izói bie méifoidimie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiaí, nanoide jacírede rillemo caimátaillena ocuide. Afe nanóidimie ífomo ite áillue boafe raire jacáidimie. <sup>13</sup> Iemo afe méifoidimie daje izói iere jácimie daiítate raana cíotate. Mei uafue, afémie nana comini erócana monámona iraiçi ana éniemo cocítate. <sup>14</sup> Iemo afe nanoide jacírede rille uícomo buna ráiruiñega ie finócaigado nana bíniemo itínuiaína jífue. Afémacina jífuiano afe aillo bofédaite jacírede rillena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. <sup>15</sup> Iemo afe méifoide jacírede rillemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. <sup>16</sup> Nana afe baimo, nana náiraiaína bie izói itátate; nana jabóidimaci naa jamánomoidimíiai diga, nana ráaredino naa dúeredino diga, nana ráiruiñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóneñenia íaioi ozócimo jónerede. <sup>17</sup> Naga afe onótate númerona cúeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámeçi daiíacade. <sup>18</sup> Bifue onóillena iere báitajamo dúide. Afena onóidimie, mai afe jacire eroide rille número faca. Afémie número iima ie. Afe número seiscientos sesenta y seis.

## 14

*144,000 dígadino roga rua*

<sup>1</sup> Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámeçi naa ie Moo mámeçi diga cúeina. <sup>2</sup> Iemo monámona ficírede raana cacádicue. Afe ficírena aillo imánillai nofico tua ficírena izoide. Jiái riire mona gíría ficírena izoide. Iemo jiái aillo arpa daína, rua roia taiga ráaniai ficírena izoide. <sup>3</sup> Afe llezica illaíma ráirano uícomo afémaci comue rua rotíai. Daje izói cuatro diga cáadimíiai, íemo éicomini uícomo rotíai. Afe rúana jaca buna ónide. Dani afe ciento cuarenta y cuatro mil diga éniemona jíllode comini afe rúana onona. <sup>4</sup> Afe bimaci ringomo jíriñedino, mei afémaci jaca íaifuenidino; dani íaioi abi ráiruídíai. Daje izói afémaci Cordéromo jaináitagamací. Afémaci comínimona jíllotagamaci, Juzíñamuimo nanóidino ie dúidimacina íaioi íllena. Daje izói Cordéromo nanoide dúidino itíai. <sup>5</sup> Afémaci jaca táinona úriñediaioi, mei afémaci Juzíñamui illáimana ráirano uícori íaifuenino itínoza.

*Daámami ángeles daínamací Juzíñamui abi ímíiai llócaiga uai*

<sup>6</sup> Afe mei jiáie Juzíñamui abi ímie mona dáafenedo féiana ciódicue. Afémiemo ziiñona jíllolluiai illa, bíniemo itínomo llóllena. Nana énie náiraíaimo llórede, íemo nana jíáiziemo. Daje izói nana jíáfodo úritinomo llórede, íemo daje izói nana comini jófuiaido. <sup>7</sup> Afémie ficírede uaido daide:

—Juzíñamuina ñue omoi jacíruiri; ñúefuíaína afémiemo omoi nitari, mei afémie iere riire jicánollruimo ja dúcidea. Mai mona finóidimie, daje izói énie finóidimie,

femo monáillai finódimie, femo éniemona jainoi jino torano finódimie; afémiemo omoi caimátaifireiri, —daide.

<sup>8</sup> Iemo nane jíáie Juzíñamui abi ímie méifodo cíocaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruiffuiai izoide íaifuiai omoi finófrenado, nana nairai jífáidino izói itátatiomoiza, —daide.

<sup>9</sup> Afe méifodo íraie Juzíñamui abi ímie ficire daífoicaide:

—Dámie jacírede ríllemo caimátaidi, femo jíái afe jánaraimo caimátaidi, femo daje izói afe rille mámece ozócimo ninena ónoimo cuetátaidi, <sup>10</sup> afe izóidino Juzíñamui lloga jamánomo duere finóllinomo orélliaioi. Mei afe izóidinomo afémie iere rícaide; rícaillano afémie duere íaioi finolle, féiñellena riire íaioimo mamécaza. Iemo Juzíñamui abi imaci uicomo, daje izói Cordero uicomo, iraido íaioina iere izi cácatalliaioi. Iemo daje izói nairai iere uzire cóonaitalle raado afe izóidinona iere izi cácatalliaioi. <sup>11</sup> Duere íaioi zefuítate irai uillie jaca ninomo llícañeno caifo uillíode. Afe jacírede ríllemo caimátaíno mona naio diga afe duere finóinamona jaca ócozinaiñeítiaioi. Afémaci naa afe ríllena eroide jánaraimo caimátaídnori, femo jíái ie mámece onótate número otino diga nana jaca ócozinaiñeítiaioi. <sup>12</sup> Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaioi.

<sup>13</sup> Nane afe méifomo monámona daa uai cuemo úrillana cacádicue; daide:

—Bie cúeiri: “Benómona cai Ocuíraimamo ínote túitino caimare ítiaioi.” Afena Juzíñamui Ñuera Joreño “Jii” dáideza, mei afémaci íaioi tájijnamona ocózinaitiaioiza. Daje izói íaioi finócano, jíáima diga nabáirilla izói féitañegaza, —daí daide.

*Ria llizilla óina izói, énie comini jofo ollíruimo dúcide, Juzíñamui duere íaioi finóllena*

<sup>14</sup> Afe mei eróillano úzerede mona ero uílliena cíodícue. Afe uíllie emódomo Nanoide tima Jitona Jesuna éroidímie ráiina. Ie ífomo oro finoina illaíma jítaracuifoí jina. Daje izói hozna mámeceirede arroz izoide llízíe ñetara llíide. (Afe raa jofo icuífoina néfide jáirede lloefai izoide.) <sup>15</sup> Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidímiena daide:

—O llíiga llízíe ñetara raado tájjiiri. Ja jeede diga mai jofo ono. Ja jofo ollíruimo dúcideza. Énie comini finócafuijai ja jeede ríaniai izói fiénidífuenta iere oruídeza, —daide.

<sup>16</sup> Afe mei uíllie emódomo ráiidímie ie llíiga llízíe ñetara raado énie comínimo tájizaide. Afedo fiénidífuenta oruídino jofo ote.

<sup>17</sup> Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízíe ñetara raa llíicabite. <sup>18</sup> Afe llezica jíáie Juzíñamui abi ímie Juzíñamuimo caimátaíranomona jino bite. Afémiemo jobáitalle rínona ite. Iemo afémie, jáirede ñetara raa llíidímiena ficire jíurillano daide:

—Mai omo ite jáirede ñetara raado tájjiiri; éniemo ite jíricoillai ollíruimo ja dúcideza. (Afe jíricoillai fiénide comini jana.) Mai jofo ono, mei afe jíricoillai ja iere jiduúdeza, —daide.

<sup>19</sup> Iemo afe jíáie Juzíñamui abi ímie, ie jáirede ñetara raado énie comínimo tájizaide. Afedo éniemo ite jeede jíricoillai izoide fiénidino jofo ote. Uano áillue iduíraco izóidinomo jofo dite, afénomo riire idúllena. Bie iduilla Juzíñamui bie izói duere afémacina finolle jana. <sup>20</sup> Afe jíricoillai izoide fiénidino áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dnori afórede. Daje izói áfeji trescientos kilómetros dnó tote.



<sup>1</sup> Iemo monámona jíáie jacínaitade áillue raa jánana ciódicue. Siete dígade Juzíñamui abi imaci firaie siete dígade jacírede duere finóllifuiái lluíbitiaioi. Afedo Juzíñamui rícaillana zááite.

<sup>2</sup> Daje izói, vídriona finóinana eroide monáillajina ciódicue. Afeji réici díga taméricaide; daí eroide. Jacírede ríllena anáfenodino afe fuédamo naidáiediaioi; daje izói ie jánaraina anáfenodino; íemo jíái afe ie número mámecina ozócimo cúeñegano díga. Nana dáanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ daina rua roia taiga raa llíiediaioi. <sup>3</sup> Afémaci Juzíñamui jaiai ocuífregamie Moisés rua rotíaioi. Daje izói jíái Cordero rua rotíaioi. Aférua bie izói daide: Ocuíraima, nana o finócanuiai iere ebíriede.

Jamánomo ríinorede Juzíñamuidio.

Náiraiai lláima, nana o jáifirena io uáfuenta jáicina jóide.

<sup>4</sup> Ocuíraima, ona ñue jáciruíñeitimiena íñede.

Daje izói omo ñúefuenta jóoneñeitimiena íñede.

Mei dama o íaifuenidimienaza.

Naga náiraiai omo caimátaizaibitiaioi, mei o jáicina finófregafuiaina ciódiaioiza.

Aquíe izói rotíaioi.

<sup>5</sup> Bie méifodo, monamo ite Juzíñamui gairíraco tújijcaillana ciódicue. Afeco nofíbicimo cuega Juzíñamui ocuica uailai éenorano. <sup>6</sup> Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jitáoidiaioi. Íaioi láitáoi ga oro finoina cirai gí ife jogóbemo dúcide. <sup>7</sup> Ie mei cuatro dígade cáadimíaimona dáamie afe siete dígade Juzíñamui abi imácimona illa dígamie oro finoina ichecoí fecade. Aféhecoí jaca ninomo zíñona ite Juzíñamui ocuica duere finóllifuenta oruide. <sup>8</sup> Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere ríinorenamona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

## 16

*Juzíñamui duere finóllifuenta oruide ichécuai*

<sup>1</sup> Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuiimona bite siete dígade duere fínuana oruídichecuai ana éniemo tótaji, — daide.

<sup>2</sup> Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacírede rille mámecina cuezánomo jacírede duico comuide. Afémacimo izírede jíllotañede ñozagí izoide duico comuide, daje izói afe rille jánaraimo caimátaifredinomo.

<sup>3</sup> Iemo méifoide Juzíñamui abi ímie afémiemo itíchecoí monáillaimo totade. Tótamona afe monaillai jáinoi tídimie die izói jaide. Iemona nana monáillaimo ite cáadinuiai tícoizite.

<sup>4</sup> Iemo nane jíáie Juzíñamui abi ímie afémiemo itíchecoí imánillaímo, daje izói éniemona jáinoi jino toránuaímo totade. Iemona afeno jáinoillai díena jaide. <sup>5</sup> Afe mei jáinoi fieni finótate Juzíñamui abi ímie dáinana cacádicue; daide:

—Ocuíraima, íaifuenide Juzíñamuidio. Bie izói comini duere o finóllena iere comécina jáicina jóidimiedio. <sup>6</sup> Mei omo jáináidinona títano íaioi díena nau totádiaioiza. Daje izói o dibébedo úritino díena totádiaioiza. Iemo birui afe íbana o afémacina díena jirótatio, mei daí afémacimo dúideza.

<sup>7</sup> Afe mei nane Juzíñamuiimo caimátairanomona dámie dáinana cacádicue; daide:

—Jii, uáfueza, cai Ocuíraima, o jamánomo riírede Juzíñamuidio. Uáfueña ñue jaícina iere riire jicánotio, —daide.

<sup>8</sup>Le mei nane jiáie Juzíñamui abi ímie afémiemo itíchechoi jítómamo totade. Afemona afe jítoma comini cóonaitalle riino iga. <sup>9</sup>Iemona nana comini jamánomo cóonaizítiaioi. Mei íadi íaioi comeci itífuiaina méidoñediaioi. Daje izói Juzíñamuimo caimátaiñediaioi. Mei jiáifodo afe jacírede duere finóllifuiái ocuídímiena faidófrediaioi.

<sup>10</sup>Iemo nane jiáie Juzíñamui abi ímie afémiemo itíchechoi jacire eroide rille illáimana ráiiranomo totade. Afe llezica afémie náamataga illano jítirecaide. Iemona nana comini afe uícodo íaioimo comuide duícuaí izírenari dani abi aimízítiaioi. <sup>11</sup>Mei daí ítíaioi íadi, íaioi finoca fiénidífuiái fáicanocaiñediaioi. Mei jiáifodo, izi íaioi cácana ícoinia, daje izói jacire íaioi ñozánaillamona, monamo ite Juzíñamuina íaire daidíaioi.

<sup>12</sup>Iemo nane jiáie Juzíñamui abi ímie afémiemo itíchechoi áillue Eufrates mámeçirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuirírainiri jítoma caífo biránomona bitíaioi.

<sup>13</sup>Afe mei dragón dainámie fuémoma, daje izói jacire eroide rille fuémoma, daje izói taino uai jino llófrédímie fuémoma daámanide cúuraicina eroide fiénide jóríai jino bíllana ciódícue. <sup>14</sup>Afe daámanidino Taiíe jóríai. Afémaci ciórainina raana cíotafíredino. Bie damieámanidino nana énie illaini naa íaioi fuirírainiri dáonomo gairítate, jamánomo riínorede Juzíñamui diga fuiríllena. Aferui Juzíñamui aillo iba ollirui.

<sup>15</sup>Aferuido monámona Cristo úrillana cacádícue; daide:

—Ero, cacai. Meríriizaíbitímie billa izói, comini nai cuemo coméçíñediaioimo déizaíbitícue. Cue bille llezica iníñeno cuemo comeci facáoidímie caimare íite. Daje izói emuíroma mácañellena iníroina ñue úiñotímie izói, íaífueмона abina ráiruitímie méairuíñeite, —daide.

<sup>16</sup>Iemo afe daámanide fiénide jóríai, nana illáinina dáonomo gairítate. Afeno mámeçi hebreo uaido daína Armagedón.

<sup>17</sup>Iemo siete dígademona íraie Juzíñamui abi ímie afémiemo itíchechoi caífo táífomo totade. Tota llezica monamo ite gairíracomona ficírede uai cácaçaide. Afe uai illaíma ráiiranomona jino bite; daide:

—Ja fuite, —daide.

<sup>18</sup>Afe méifodo, améuai llairilla. Mona gíría naa ficíriede ráaniai diga cácaçaide. Afe llezica énie iere riire docaide. Nanómona bñiemo comini ía docáífírena baímo, jamánomo riire docaide. <sup>19</sup>Iemona afe áillue comini jofue daámani díeze bójjicaide. Jiáie bñiemo ite jofue jáicoizite. Afe llezica Juzíñamui áillue Babilonia jófueмо úibicaide, duere íaioina finóllena. Afe duere finóllífue comini títaite ríjji júrua izói íite. Afémie rícaíllano daí íaioina fñoite. <sup>20</sup>Afe dáaruido nana monáíllaji cígi íduai naa jiáie caífoneduári niné táinocaide. <sup>21</sup>Afe llezica aillo jéerie nocíjjaina monámona comínimo cocide. Aféjjaiímona dáarie cuarenta kilos méereде. Iemona afénomo ite comini afe áillue nocíjjai cóciari Juzíñamuina íaire daidíaioi, mei afe bimaci duere fñua iere jamánomoideza.

## 17

*Jamánomo jiruíredingo duere finóinafue*

<sup>1</sup>Afe méifomo siete dígachecoí lláide Juzíñamui abi imácimona dáamie cuemo úriizaíbite. Cúena daide:

—Eróizaíbi. Jamánomo jiruírede izoide íaífueredingo duere finóinana omo ácataitícue. Afengo monáíllajillaimo ite. Afe bie izói daífacade aillo nairai afengo anamo itíaioi.

<sup>2</sup>Bínie illaini afengo diga aillo fiénide íaífuiái finófrédiaioi. Iemo bínie comini afengo íaífuerenamona jifáífredino izói íaire jáidiaioi, —daide.

<sup>3</sup> Afe mei Juziñamui Ñuera Joreño nicáirilla izói cuemo ácataja llezica, daa Juziñamui abi ímie táizicimo cue uite. Aféno mo daa ringo jáirede jacire eroide rille emódomo ráinana ciódicue. Afe rillemo diga Juziñamui jáire daña uailai cúeina. Afe rille siete diga ifócirede, daje izói afémie zicai diez dígade. <sup>4</sup> Afe ringo jitáoi gacuiro jáirede, íemo morádon a eroide. Afengo oro finoína íena ebire finóbide, íemo ráifide ñue finoca noficiaína, íemo ‘perla’ daña zíriona finóbide. Iemo afengo oro finoína ichecoí llíide. Aféhecoí jáirede raana oruide, íemo jíái afengo jiruífrena llezica finoca íaifuiaina oruide. <sup>5</sup> Afengo ozócimo cuetá jónega ónonide mámece illa. Afeci bie izói daide: “Aillue Babilonia jofue, nana fiénidifuiái jillaci, aféfuíai ei daña izói mameide. Iemo nana bíniemo ite éoigafuiái ei daña izói mameide.” <sup>6</sup> Iemo diga Juziñamuimo jaináidino afe ringo ícoína fazícaiaioi. Afémaci Jesús uai llócaína jira afengo titácaiaioi. Iaiói fazícanori afengo, come jífaífrena izói, iere ióbide. Afena cíoilano iere jacire fáigacaidicue. <sup>7</sup> Ie jira Juziñamui abi ímie cuena daide:

—¿Mínicari jacínaitio? Afe ringo ónonino daífacanafue jino omo onótaiticue. Daje izói afengo úfírede jacírede rille maméinafuena omo onótaiticue. Afe rille ifo siete dígade, íemo diez diga zicairede. <sup>8</sup> Afe o ciona jacírede rille jaiái nino itímie, mei íadi ie tíilla mei jae íñede. Mei íadi afémie íraicaíño ie tíille uícodo meine abido fiénide jóríai íbárafomona caífo bíite. Mei íadi billano zíñona ie duere finóllinomo orelle. Eniemo ite comínimona zíñona ille rabénicomo énie taineína llezica mámeceína cúeñegano, afe rillena cíoilano iere jacínaifcaítiaioi, mei afémie jaiái íteza, íemo birui jae íñédeza, íemo meine abido uire bíiteza.

<sup>9</sup> Birui cai uaina féiruñínedinomo nai benó jíái lloílfuena ite: Cácarei. Afe siete dígade ifócíai baie ringo ráina siete dígade caifóneduai jana. <sup>10</sup> Iemo afe llezica afe siete dígade ifoci daje izói siete dígade illaini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jíámie nai illáimaizaibíñede. Afémacimona íraíllaíma bíadi are íñeno táinocaite. <sup>11</sup> Naui caade íocírede rille, tíide íadi, nane birui caade illaíma. Afémie siete dígademona afémaci emódoídillaíma. Mei íadi afémie siete dígademona dáamie. Afe mei afémie íraicaíño ie tíillinomo jáite.

<sup>12</sup> Afe o ciona diez dígade zicai, diez dígade nai illáinina jáíñedino jana. Mei íadi jacírede rille diga dáaruído afémaci nano íanori dieze illáini ocuífrena ríino llínoítiaioi. <sup>13</sup> Bie diez dígade illáini confímamo daje izói comécidiaioi. Iemo íaioímo ite ocuille ríino jacírede rillemo fécaítiaioi. <sup>14</sup> Iemona Cordero daña Jesucristo diga fúiritiaioi; mei íadi Cordero íaioína anáfenoite. Mei afémie nana ocuídínomona Jamánomo Ocuídímieza. Daje izói afémie nana illáinimona Jamánomoidillaímaza. Afémie diga jáicadino Juziñamui nizeda jíirigano. Daje izói afémaci fáicanocaiñeno Juziñamuimo ñue ínofíredino, —daí afémie cuena daide.

<sup>15</sup> Juziñamui abi ímie nane dáanom cuena daide:

—O ciona monáillajillai, níi afe íaífueredíngoo illano, afe monáillajillai aillo jófueniaí jana. Daje izói aillo comíni jana, íemo jíáíforie úritino jana, íemo aillo náíraíai jana. <sup>16</sup> Jacire eroide rillemo o ciona zicáiníai jíái illáimaíai jana. Afémaci bie jiruífredíngona éoitiaioi. Eoilano aféngona zóofeítiaioi, íemo jíái aféngona emuírogi óreitíai. Afe mei afengo íeizina ríítiaioi. Iemo jíái aféngona íraimo cónaitaitiaioi. <sup>17</sup> Juziñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécidiaioi íaioímo ite jacire ocuille ríino jacírede rillemo fecállena. Iemona afémie jamánomo ríirede. Daí Juziñamui daña uáíllaína fuillíruímo dúcia llezica finófírediaioi. Iemona afémie daña uaina ñue ícoímo záítiaioi. <sup>18</sup> Afe naui o ciona jiruífredíngoo, nana énie jamánomo ocuífredillaíma íllágoe jana, —aquíe izói daide.

## 18

*Babilonia jofue táinoicailla*

<sup>1</sup> Bie méifodo monámona jáie ángel dainámie, Juziñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote. <sup>2</sup> Afe llezica afémie ficire úrite; daide:

—Aillue Babilonia jofue ja jáicoizite, ja táinoacaide. Taife ocufíregano illánona jaide. Daje izói nana jáíforiede íáirede jóríai uñíoracona jaide. Afe izói nana íáire féedino jilláíllinona jaide, naa jáí cai éoiga féedinuairi. <sup>3</sup> Mei aillo fiénide íaifuiai afengo finófirenado, nana nairai jífáidino izói itíaoiza. Iemo naga énie illáini afengo diga aillo jiruífue izoide íaifuaiina finófirediaioi. Bíníemo ráaniai fecáfiredino iere úcuberedinona jáidiaioi. Mei uafue, afe áillue jofue comíni izire jíaca táinomo faitátate ráaniai íaioi jícafírenamona bimaci aillo úcubenaidiaioi.

<sup>4</sup> Afe mei monámona jáie uaina cacádicue; daide:

—Omoí cúeiediomoiza bie jófueмона oni omoí jai; íaioi finoca fiénidífue afémaci fínua izói omoí fínoñeilleza. Daje izói íaioimo zúite jacíredífuiai ómoimo jíriñeilleza. <sup>5</sup> Mei afémacimo ite fiénidífuiai ofilla ja monamo dúcidez. Iaioi finoca fiénidífuiaimo Juziñamui ja ubicaideza. <sup>6</sup> Iemo Juziñamuina daide:

—Jíáímacimo íaioi feca izói, afe izói íaioimo fecari. Iaioi fieni fínua izói, afe baímo ménacaíno afémacimo finori. Afémaci núemacimo eríredena jóneta jirota izói duere íaioina finódiaioi. Afe íaioi fínua izói, afe íbana ménacaíno afémacimo riire duere íaioina finori. <sup>7</sup> Aillo táinodo abi íaioi ínua dieze, íemo cómena canóñedemo fáifífirena dieze, áfeze afémacina duere finori; afe izói íaioina duere zefuítari. Mei bie ringo izoide jofue comíni afengo ie comécido daiífírezeza: “Benomo illáingona ráidicue. Jaca fécinaiñeíticue; jaca dúeníticue.”—afengo daide. <sup>8</sup> Ie jira bie izói úrillamona, dáaruído omo dúide jacíredífuiai cómuíte: tíilla íemo duere zefuilla, íemo júbie. Iemo iraimo cóonaitio. Mei o duere finótate Juziñamui jamánomo ríinoredeza. Afémie jaca cai Ocuíraíma.

<sup>9</sup> Afengo diga jiruírede bínie illáicomíni, daje izói afengo diga cómena canóñedemo fáifidino aféngori iere éenaitiaioi. Mei uafue, afengo cóonaila ulliena cióillamona aféngori cáillicailli éeítiaioi. <sup>10</sup> Afengo iere duere finóinari jacínaillamona oni jica íítiaioi. Afemona dáítiaioi:

—¡Aii, níi o dúerena! Jamánomo ríirede Babilonia jófuedio, ¡níi duere o zefuilla! ¡Mei raire dáaruído o duere finoína comúbicaide! —dáítiaioi.

<sup>11</sup> Bínie ráaniai fecáfiredino aféngori cáillicailli éenaitiaioi, mei ja íaioi atica ráaie íbaitino íñede. <sup>12</sup> Iaioi atífirega ráaniai, be níie: Oro, plata, ráifide nofíciai, ‘perla’ daina ráifide zírío, ráifide úzecuiro, íemo jáirede ‘sédacuiro,’ morádonna eroide seda diga, íemo jáí diga jáífodo zióriede aménaiai, íemo ebírede ‘marfil’ daina elefante zicai finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofíci finoína raa. <sup>13</sup> Daje izói ‘canela’ daina guíllemo faiga raa, íemo jáíforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jíróraji, íemo cáiredíji, íemo ñuera pan finófirena harina, íemo trigo, íemo daje izói abífirede cáadino, íemo ovejaiai, íemo cabálluai, íemo ‘carros’ daina arínellaiai, daje izói jacire rairuica comínina fecádiaioi. Bie izói daina cáadino iima ringo diga jáímacimo fecádiaioi riire íaioi ocuflena. <sup>14</sup> Afe jofue comínina dáítiaioi:

—¡Baie omoí gaiga caimárede amena llizíllaniai izoide ráaie jae íñede. Nana omoí ofítaga ebíriede ráaniai ja táinoacaide! —dáítiaioi.

<sup>15</sup> Afe ráaniai fécajano íba úcube ófiredino bie áillue jofue comínimona otíaoi. Uano aillo úcuberediaioi. Mei íadi aféruído afe jofue iere duere finóinari jacínaillamona oni jica íítiaioi. Afénomona aféngori cáillicailli éeítiaioi. <sup>16</sup> Iemo dáítiaioi:

—¡Aii. Aillue jófuedio nii dúerena! Naui ñuera ráifide úzecuiro jitádingo izóidío. Daje izói o comini jáirede ráifide iniroi, íemo morádona eroide ráifide iniroi jitáfirediaioi. Afe llezica oro íena finóritiaioi; daje izói ráifide nofici finoina raana finóritiaioi, íemo jiái ‘perla’ daina zíriona jitáfirediaioi. <sup>17</sup> Iemo dáaruído naado aillo ráaniai niné táinocaide.

Daje izói nana ‘barco’ daina áillue nocáe ocuidillaini, naa afécaedo jáidino diga, áfena jacíruillano oni jícarie itíaioi; daje izói afécaedo táijidinori naa jiáifodo monáillajimo táijide comíniri oni jícarie itíaioi. <sup>18</sup> Iemo afe jofue bóua úlliana cióillano caillídiaioi:

—Bie izoide naui áillue jófueña, ¿Ninomo cóiticaí? Bie izoide jofue jaca íñeite, —daidíaioi.

<sup>19</sup> Iere zúucaillano íaioi ífomo énie júdaidiaioi. Daií ñiano cáillícailli éediaioi. Daidíaioi:

—¡Aii! ¡Aillue jofue nii dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. ¡Mei íadi dáaruído afe áillue comini jofue ja niné táinocailla! —daidíaioi.

<sup>20</sup> Afe mei áfena ciódímie daide:

—Monamo itínuaí, mai afe áillue jofue táinocallari omoi íóbiri. Uáfueza, Jesucristo orécano, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

<sup>21</sup> Afe mei riírede Juzíñamui abi ímie áillue nofici caífo raiñode. Afeci áillue ‘molina’ daina trigo llaira mérede nofici finoina eroide. Caífo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cóñoille.

<sup>22</sup> Benómoma jaca o cígido joide iomo ‘arpa’ daina rua roia taiga raa rúaniaina meine cácaíñeille. Daje izói totíbacui uai naa bainada uai diga ja meine cácaíñeille. Afe izói nana jiáiforie táijiana baitádinomona buna fiébiñena. Iemo daje izói dobérilla ficírena izói ‘molina’ daina nofici uaina cácaíñeille. <sup>23</sup> Afe daje llezica o jófuaí eromo bóofirede mechera izói boode ráaniai abído bóoñeite. Iemo aféruimo áirena llezica irázie caimare ficírerie íaioi úrilla uáillaina meine jaca cácaíñeille. Mei naui omo ite ráaniai fecáfiredino bínie comínimona jamánomoidiaioi íadi, ja birui afe caimárede uailai cácaíñeille. Naui aféruimo aima bífuefirena uai izóidedo náiraiaina jífuefiredio; mei íadi afe jífuefirena ona nabáiñede.

<sup>24</sup> Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jiáie biniemo fagano díena afénomo ciona. Afe ciona die, afe jofue comini jiáimaci títaja ícoinia daií illa jana, —daide.

## 19

<sup>1</sup> Afe bie méifomo monamo ite aillo comini ficírede uáillaina cacádicue. Daidíaioi: ¡Aleluya! Cai jíllonano cai Juzíñamuimo dúide.

Daje izói iere ebíredifue afémiemo mamérede, íemo naa ñuera ríino diga.

<sup>2</sup> Mei afémie ñue jaícina ua uaido iere riire jicánofiredeza.

Afe iere jiruíredingona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tílla iba aféngomo oga, daidíaioi.

<sup>3</sup> Nane dáanomo daidíaioi:

—¡Aleluya! mei afengo jobailla uíllie jaca ninomo llíicaiñeno uillíioite, —daidíaioi.

<sup>4</sup> Afe llezica veinticuatro dígade éicomini, íemo jiái cuatro diga cáadímiaí diga, ana éniemo bíjicaillano, Juzíñamuimo caimátaidiaioi. Illaíma ráiiranomo ráiide Juzíñamuimo caimátaillano daidíaioi:

—¡Daiítadeza! ¡Aleluya! —daidíaioi.

<sup>5</sup> Nane afe mei illaíma ráiiranomona jiáie uaina cacádicue; aféuai daide:

—Cai Juzíñamuimo nana afémie ocuícano afémiemo ñúefuiai omoi mameri. Daje izói íena caimare jacíruintino, illáicomini naa jiba comíniri, ñúefuiai afémiemo jóonefireiri.

*Cordero daina Cristo áirena rafue*

<sup>6</sup>Nane daje izói aillo comini uaillai izóidena cacádicue. Afe uaillai aillo imánillai ficírena izói ficírede, íemo jíái afe uaillai ficire mona gíria ficírena izói ficírede. Afe uaillai daide: ¡Aleluya! Jamánomo rírede cai ocuicide Juzíñamui nane meine como ócuite.

<sup>7</sup>Mai cai íóbilli; daje izói iere caimare cai illi.

Afémiemo ebíredífue cai mamelli.

Mei Cordero áirena izóidiruimo ja dúcidez.

Afémie ai izóidinona jáitino ja ñue finóbidaioi. Afémaci Crístomo ua íínotimaci.

<sup>8</sup>Ráífide úzecuirona jítárediaioi.

Mei uafue, íáinino quenírediroi Juzíñamui afémacina jítátaga.

Mei afe ñuera ráífide úzecuiro Juzíñamuimo jáináidino comécina jácína jóoina jánaza.

<sup>9</sup>Iemo Juzíñamui abi ímie cuena daide:

—Mai cúeiri: Cordero áirena ráfuemo uáidogano ja caimare itíai, —daide.

Nane cuena daide:

—Bíuai Juzíñamui lloga ua uai, —daide.

<sup>10</sup>Iemona afe Juzíñamui abi ímiemo cue caimátaille na ie anamo dújudicue. Mei íadi afémie cuena daide:

—Cuemo daí íñeno, mei o izói cue Juzíñamui ocuícamedicueza. Jii, Jesús llócaiga ua uaimo féitañeno íinote o ámatiai izóidicue. ¡Cuemo caimátañeno; Juzíñamuimo cáimatai! —daide.

Mei afe Jesús llócaiga ua uai, Juzíñamui díbenedo lloga uaillai jino llotino comeci úritade.

*Úzerede cabállomo ráiicaidimie*

<sup>11</sup>Nane afe méfimo mona tuíñuana ciódicue. Afénomo úzerede caballo cíocaide. Afe emódomo ráiicaidimie mámecei “Fiel” íemo jíái “Verdadero” dainámie. Mei afémie ñue jácína illáfuede ocuúdeza; daje izói áfedo fiénidino diga fuirítateza. <sup>12</sup>Ie ui irai bóua izói quere cióide. Ie ífócono diga illaíma jítáracuífoi jítáoi. Daje izói afénomo dama ie onoiga mámecei cúeina. <sup>13</sup>Afémie jítáacuero díemo mutácaroi. Afémie mámecei Juzíñamui Uai.

<sup>14</sup>Afe llezica nana monamo ite Juzíñamui ocuica fuirídino afémie ódana jáidiaioi. Afémaci ráífide úzecuiro jítáoidiaioi. Aferoi jaca íáinide. Baie nana afémiedo jáidino úzerede cabállomo ráiicaidiaioi.

<sup>15</sup>Afémaci ífódimie fuémoma jáirede lloefai jino bite, áfedo nana nairai boféllena. Afe llezica afémie lloébici izóidedo náiraiaina ócuite. Vino finócanomo úvaiai iduállena riire záizia izói, afe izói afémie afémacimo iere riire jicánoite. Iemo jamánomo ríinorede Juzíñamui ráicailmona cómuite iere duere finóillífue, vino jirótaja izói afémacina duere finótateza. <sup>16</sup>Ie incuiro emódomo jítáacuero cuela mámecei illa. Daje izói ie riázimo cuela. Afeci daide: “Nana illáinimona Jamánomoidilláima,” íemo jíái “Nana Ocuídinomona Jamánomo Ocuídime.” Afémie ñii cai Ocuíraíma Cristo.

<sup>17</sup>Afe mei Juzíñamui abi ímie jítoma riire egáíñuanomo naidáinana ciódicue. Afémie nana mona erodo féedinuai ficire jírrite; daide:

—Juzíñamui finoca áillue güille nana dáonomo omoi riáibi, <sup>18</sup>mei benomo illaini íeizi ríitiomoiza, naa fuiríraini illáicomini íeizi diga. Dáonomo íocirede fuiríredino íeizi ríitiomoi, naa caballo íeizi diga. Daje izói afe emódodo ráiicaidino íeizi ríitiomoi. Iemo nana fiébidino íeizi ríitiomoi. Buna ráiruñegano, daje izói jacire rairuícano, íemo jíái jamáimaci íeizi, naa jamánomoidimaci diga daje izói ríitiomoiza, —daide.

<sup>19</sup>Afe mei afe jacire eroide ríllena ciódicue naa bínie illáicomini naa íaioi fuirírainiai diga. Nana bimaci fuiríllena dáonomo ofidiaioi. Afémaci afe úzerede cabállomo ráiicaidimie diga fuirízaibitiaioi. Afémie “Juzíñamui Uai” dainámie. Daje izói afémie

canode fuiríraini diga fuiríllena maméritiaioi. <sup>20</sup> Afe mei afe jacírede rille, taino uai jino llócaidimie diga ja llaveca. Afe taino uai jino llotímie, jacírede rille eróicana, jacínaitade ciórainina raa ciótate. Aféfuiaido afe taino uai jino llotímie, nana afe jacírede rille mámecina cuetátaganona jífuete. Daje izói afe jacírede rille jánaraimo caimátaidinona afémie jífuete. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode. <sup>21</sup> Nana áfemona fiébidino úzerede cabállomo ráiicaidimie fuémoma bite lloéfaido titácaiaioi. Iemona nana féedinuai bie titácano riáibillano íaioi íeiziri jírediaioi.

## 20

*Mil diga fimona dino comini caimare íitiaioi*

<sup>1</sup> Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide jóríai ibáirafo zuitara llave naa áillue llójeo diga líicabite. <sup>2</sup> Afe bie Juzíñamui abi ímie ‘dragón’ daina jáiaira áillue jao lláitano anáfenode. Afe jao jíáfodo mameina Taife, dáamie Satanás. Anáfenuano afémiena mil diga fimona llaveca. <sup>3</sup> Ana fiénide jóríai ibáirafo óriano íena llavede. Lláviano afe nazemo ‘sello’ daina “buna zuitánide” daide raa jóonete. Daí finoca náiraiaina mil diga fimona dinori jífueneíllena. Afe mil diga fimona jaille méifomo, afémie nano íanori zuitalle.

<sup>4</sup> Afe mei illaini ráiiranuaina ciódicue. Afénomo ráiiedino iere riire jicánolle riinona ígaíaioi. Afe dáaruido ífóciaina jáicoicano coméciaina ciódicue. Afémaci Jesús jáicína lloga Juzíñamui uai íaioi llócailla ícoina ífócina jaitácaiaioi. Afémaci afe jacire eroide ríllemo caimátaínediaioi; daje izói afe jánaraimo caimátaínediaioi. Daje izói afémaci ozóximo ie mámece cuetátánediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illámaitiaioi. <sup>5</sup> Afe bie meine abido cáadino, nanóidino meine cáaillirumo abido cáaitiaioi, jae cai daina Cristo diga illámaitillena. (Mei íadi jíáie tíidino mil diga fimona záíñena dino meine abido cáaiíneítiaioi.) <sup>6</sup> Nana afe nanoide cáaillirumo meine abido cáaitino caimare íitiaioi. Daje izói afémaci Juzíñamui ñue finócano. Afe meífoide tíille afémacimo jaca jíriíte. Mei íadi afémaci comínido Juzíñamuimo úrifreitínona íitiaioi; daje izói Cristo íeíena zííñona íitiaioi. Iemona mil fimona dino afe Cristo diga illámaitiaioi.

<sup>7</sup> Afe mil diga fimona záilla méifomo, Taife ie llavéinafomona zuitalle. <sup>8</sup> Jáillano nana énie náiraiaina jífuete. Aféruido “Gogna” mámeceírede náiraína jífuiaite, “Magog” daina náiraína diga. Afe náiraiaíi fúiritínuaína Taife dáanomo jofó óite, íiraicaíño fuiríllena. Afémaci monáillajimo íte guamai dígadeza facádonidiaioi. <sup>9</sup> Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui ízíruiga Jerusalén daina jofue; áfena cirínotiaioi. Mei íadi Juzíñamui monámona irai afémacimo orede. Afe iraido fiébiñeno cóonaitiaioi. <sup>10</sup> Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidimie nauí dotaca. Afénomo mona naio diga jaca ninomo zííñona iere duere finócaiaioi.

*Aillue úzerede ráiirano illaíma íe, íemo afe uícomo iere riire jicánollino cioina*

<sup>11</sup> Afe méifodo áillue úzerede ráiirano illaíma íena ciódicue. Iemo afénomo ráiídímiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. <sup>12</sup> Daje llezica Juzíñamui uícomo nauí Juzíñamuimo íñoñeno tíidino naídáienana ciódicue. Afeno jamánomoidinori naa jamáimacírri dáanomo naídáiediaioi. Afe llezica comini finócaíuaíi cuiánicuaíi túide. Daje izói afénomo jíáie zííñona íitino mámece cuiánico túide. Bie tíidino íaioi finócaíuaíi illaze riire jicánogaiaioi, mei afe íaioi finócaíuaíi cuiánicomo cúeina díeze riire jicánogaiaioi. <sup>13</sup> Afe

llezica monáillajimo bááide tíidino meine abido Juzíñamui uícomo caifo náidacaitagaiaioi. Daje izói nana jíáiforie tíidinuiaí íaioi tíillanomona meine abido Juzíñamui uícomo caifo náidacaitagaiaioi. Afe nana náidacaitagano íaioi finócafuaí íllaze afémacimo riire jicánogaiaioi. <sup>14</sup> Afe mei 'muerte' daina cominí tíillafue boode jóraimo dotaca, ie mei niné táinoacáide. Daje izói dáanomo nauí tíidino íbáinaco afénomo dotaca. Dotaca mei niné táinoacáide. Afe bie boode jorai, íraie tíillana mameide. <sup>15</sup> Iemo afe zííñona itino mámecei cuiánicomo mámeceina cúeñegano afe boode jóraimo dotácaiaioi.

## 21

### *Comue mona comue énie diga*

<sup>1</sup> Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaillai jae íñede. <sup>2</sup> Afe llezica comue Jerusalén daina íaifuenide jofue, Juzíñamui uícomona monámona ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cíoide. <sup>3</sup> Iemo monámona ficire dáinana cacádícue. Afe uai daíde:

—Ero, cominí cígiri birui Juzíñamui illa. Afémaci diga ífireite, íemo afémaci afémie comínina íítiaioi. Ja birui dama afémie afémaci cígiri íite, afémaci Juzíñamuina ie íllena. <sup>4</sup> Juzíñamui afémaci ui jémene zafénaitaite. Aféruimo tíille íñeite. Daje izói eia íñeite, íemo jíái duere zefuíllamona eia íñeite. Daje izói cominí abí izírena íñeite, mei jaiái ítífuaí jae zaaideza.

<sup>5</sup> Iemo illaíma ráíiranomo ráíidímie cuena daíde:

—Ero. Nana cómuena méidotícue.

Iemo nane daíde:

—Bie uai íere ua uaíza, maí cúeiri. Daje izói bie uai íere íínofíregaza, —daíde.

<sup>6</sup> Nane afe mei cuena daíde:

—Ja ñue ícoímo finócaza. Cue bie naga ráfuaína naí cómuíñenia uícodo ítímiedicue.

Daje izói dáamiedicue fuillínomo ítímiedicue. Abecedario A-mona táinia izóidímiedicue. Daje izói abecedario Z-mo fuizajilla izóidímiedicue. Jáinoína jirócadímie ñúejina jirótaja izói, afe izói ñúefuaí díbenemo íacadímieo raínóñeno afémieo zííñona ílláfueña ífireítícue. <sup>7</sup> Fíénidena anáfenodímie nana bíena feci raa fia maíñua izói, maíñoite. Afe llezica afémie Juzíñamuitícue, íemo daje llezica afémie cue jítóite.

<sup>8</sup> Mei íadí nana íñoñedino díbéfodo duere zefuille afémacimo dúide. Uáfueza, ñúefueña jacírúitino daje izói íñoñedino, íemo jíáimana éoidino, íemo jíáimana tíitádino, íemo jíái jírúífuena finófiredino, íemo jíáima fue gáiana fibídino, íemo jíái jánaráimo caimáitadino, íemo nana táinona úritino; nana bie izóidino boode jóraimo dotárediaioi. Afe jorai íere uzire boode. Afe bie boode jorai íraie tíillana mameide, mei afénomo dotácana jaca ninomo Juzíñamuimona oni eneno duere finócanona íítiaioiza.

### *Comue Jerusalén*

<sup>9</sup> Afe mei siete dígade ángeles daínamaci Juzíñamui abí imácimona daa cuemo úrízaíbite. Afémie nauí Juzíñamui ocuica siete dígade íraie jacírede duere fínuaña oruide íchecoí uitímie. Afémie cuena daíde:

—Ero, Cordero aí izóidena jáítinona o ácatatícue, —daíde.

<sup>10</sup> Iemo Juzíñamui Ñuera Joreño bie izóidena nícaí anado cuena cíotote. Afe Juzíñamui abí ímie áillue caifónedumo cue uite. Afénomo monámona Juzíñamui uícomona ana bite jamánomo ñuera Jerusalén jofue cuemo ácatate. <sup>11</sup> Juzíñamui abí ebire quenírena izói afe jofue quenírie cíoide. Daje izói íere ráífide nofíci quenírena izói queníriede. 'Jaspe' daina nofíci vidrio enéfecomo cíoina izói cíoide. <sup>12</sup> Afe jofue jinófenodo nágafene áillue cirínuaírao raa íte. Afe cirínogamo doce dígaze naze íte. Iemo illa diga nazemo Juzíñamui abí ímie naidaina. Iemo afe náziaimo doce dígade Israel nairai mámecei cúeina.



<sup>13</sup> Afe jofue náziaimona, fuirífenemo dazeámami ite. Iemo jiáie dazeámami onífenemo ite; íemo jiáie dazeámami féífenemo ite; íemo jiáie dazeámami afáífenemo ite. <sup>14</sup> Afe jofue jinófene cirínua anamo nofici finoina mozioidibani doce dígade. Illa dígabanimó Cordero nágagobaiamo orécana ‘apóstoles’ dainámaci mámeiciai cúeina.

<sup>15</sup> Afe cue diga úrite Juzíñamui abi ímie, oro finoina facáradozi llíide, afe jofue facállena. Daje izói ie náziai facállena, íemo jiái afe jinófene cirínua facállena. <sup>16</sup> Afe jofue fueda nagaámariede; nágafene daje dinóriede. Ie ápera díbene daje dinóriede; íemo ie ruica díbene daje dinóriede. Afe Juzíñamui abi ímie ie llíiga radózido jofue facade. Facádemo dos mil doscientos kilómetros ápera. Daje izói ruica diné eróicana dos mil doscientos kilómetros. Iemo caifo diné eróicana jiái daje izói dos mil doscientos kilómetros. Nágafeniai daje dinóriede. <sup>17</sup> Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abi ímie come facáfírena izói facade.

<sup>18</sup> Afe jinófene cirínuabani ‘jaspe’ daina nofici finoina. Afe jofue íáinide oro niina. Ñue enéfecomo cíoide vídriona eroide. <sup>19</sup> Jinófene cirínua anamo mozioidibanillai nana jiáíforiede ráífide noficiáido ebire ñue finoca. Nanóidibani ‘jaspe’ daina noficiáido ebire ñue finoca, íemo jiáíbani ‘zafiro’ daina noficiáido ebire ñue finoca, íemo jiáíbani ‘ágata’ daina noficiáido ebire ñue finoca, íemo jiáíbani ‘esmeralda’ daina noficiáido ebire ñue finoca, <sup>20</sup> íemo jiáíbani ‘ónice’ daina noficiáido ebire ñue finoca, íemo jiáíbani ‘cornalina’ daina noficiáido ebire ñue finoca, íemo jiáíbani ‘crisolito’ daina noficiáido ebire ñue finoca, íemo jiáíbani ‘berilo’ daina noficiáido ebire ñue finoca, íemo jiáíbani ‘topacio’ daina noficiáido ebire ñue finoca, íemo jiáíbani ‘crisoprasa’ daina noficiáido ebire ñue finoca, íemo jiáíbani ‘jacinto’ daina noficiáido ebire ñue finoca, íemo jiáíbani ‘amatista’ daina noficiáido ebire ñue finoca. <sup>21</sup> Afe doce dígade naze íbáirabici áillue perla. Illa dígaze daa perla ie finoina. Afe jofue cígido joide áillue macárao íáinide oro finoina. Afe macárao enéfecomo ñue cioide vídriona eroide.

<sup>22</sup> Afe jofue eromo Juzíñamuimo gairíracó jaca ninó daa cíofnedicue; mei jamánomo ríinorede Juzíñamuimo ebena nágafenaiamo caimátaidiaioiza. Afémiéna jiáífodo daina cai Ocuíraíma. (Afe jofue gairíracó Juzíñamui abiza. Daje izói jiái Cordero abiza.)

<sup>23</sup> Afe jofue jitómado egáínuamo dúíñede; daje izói fúido egáíñonide. Mei afe jofue Juzíñamui abímo ite ebírede quenírededo egáíñogaza. Daje izói jiái Juzíñamui Cordero afe jofue egáíñogaza. <sup>24</sup> Nana jíllotaga nairai afe jofue egáínuado mácaítiaioi. Bínie nairai illáini afe jófuego íaioimo ite aillo ebíriede illáima daíllena ráaniaina átiítiaioi. Atiano Juzíñamuimo, íemo jiái Crístomo izájítiaioi. Daje llezica afe jofue ocuídímie íaillinoímo aillo núefuena mámeítiaioi. <sup>25</sup> Afe jofue naze jaca monari íbainelle. Iemo afénomo jaca mona náuíñeite. Jira náziai íbáíllirui íñeite. <sup>26</sup> Enie náraiaí íaioimo ite ebíriede ráaniaina afénomo átiítiaioi. Daje izói afénomo aillo núefuiai mámeítiaioi. <sup>27</sup> Mei íadi comécina íáiredino jaca afénomo jofo jáinide. Daje izói comécina éoidino dinomo jofo jáinide, naa taino llotínori. Dama zíñona íitino mámeeci cueránicomo mámeicina cuegámaci daní afénomo jofu jaílle. Afénico Cordero daina Jesucrístomo ite.

## 22

<sup>1</sup> Afe mei Juzíñamui abi ímie íáinide imánina cue ácatate. Afémani jáinoi cómena zíñona cáatate. Afeji vídrío enéfenemo uáfori cioina izói cíoide. Afe imani Juzíñamui illáimana ráíiranomona tote. Afe ráíirano daje izói Cordero ie. <sup>2</sup> Afe jofue cígido áillue macárao illa. Afe macárao dáafenedo comínina zíñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fíui llízífírede. Iemo jiái afe aménaiai íbiai nairai ñue manóllena ite. <sup>3</sup> Aféruíllaído afénomo faidórafuena jae íñeite. Juzíñamui illáimana ráíirano afe jófuego ite; daje izói Cordero ráíirano afénomo ite. Ie ocuífíregano daa afémiémo caimátaitiaioi. <sup>4</sup> Afe llezica

afémaci Juzíñamuimo, meáiruñeno jofo conímamo éroitiaioi. Afémaci ozócimo afémie mámecei cúeina. <sup>5</sup> Afénomo mona jaca náuiñeite. Afénomo itino mechera izoide egáñuana jítañeitiaioi. Daje izói jitoma egáñuana jítañeitiaioi, mei cai Ocuide Juzíñamui íaioina egáioite. Iemo afémaci jaca ninomo zíñona illáimaitiaioi.

*Jesucristo billirui ja áinozide*

<sup>6</sup> Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere íñofiregaza. Afe cai Ocuíraíma nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómutifuiaina onótallena, —daide.

<sup>7</sup> Iemo Jesucristo daide:

—¡Raíre biticue! Binícómo cuega Juzíñamui uáillaina jíruítimie caimare ite, —daide.

<sup>8</sup> Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémieimo caimátaillena. <sup>9</sup> Mei íadi afémie cuena daide:

—Jadíe izói cuemo íñeno. O izói Juzíñamui ocuícamiédicue. Daje izói Juzíñamui díbénedo úrifrede o ámatiai izóidicue. Iemo jíái binícómo cuega uáillaina náfuetino izóidicue. Cuemo caimátañeno; dama Juzíñamuimo caimátaífireiri, —daide.

<sup>10</sup> Nane dáanomo cuena daide:

—Binícómo cuega Juzíñamui uaina báinino o comécimo jóoneño o iri. Mei bífuiái ícoimo ñue fuizájillirui ja áinozideza. <sup>11</sup> Nai bie fuiñena llezica, fíenídímacei íaioi fínófirega fíenídífueña dama íaioi fínócaza. Fia eroi, mei afe izói íaioi íllado jamánomo duere fínólliaioza. Daje izói comécina íáiredino dama comécina íáireoicaideza. Fia eroi, mei áfedo duere fínólliaioza. Mei íadi ñue itino íaioi illa baímo ñue iri. Daje izói Juzíñamui íena ñue fínócamie fáicanocaiñeno afémie íena ífireiri, —daide.

<sup>12</sup> Iemo Jesucristo daide:

—Jíí, raíre biticue. Illa dígamiemo cue fecalle fia jírdoga izoide raa atídicue. Illa dígamiemo afémie fínoca dieze fécaíticue. <sup>13</sup> Nanóidímiedicue. Iemo jíái íiraímiedicue. Daje izói naga ráfuiái uícodo itímiedicue. Daje izói fuizájillanomo itímiedicue. Iemo jíái abecedario A-mona táinia izóidímiedicue. Daje izói abecedario Z-mo fuizájilla izóidímiedicue.

<sup>14</sup> Íaioi íñiroina jocófirefino izói, comeci ífue ñuérana méidotino caimare itíai. Íemona cáatate amena llizíllana güirediaioi. Afe bie izói daííacade zíñona íaioi íllena. Daje izói íaioi íñiroi ñue jócuamona, afe jofue nazedo Juzíñamui illánomo jofo jáirediaioi.

<sup>15</sup> Mei íadi comécina íáiredino afénomo jofo jáinidiaioi. Iemo daje izói jíáima fue gáiana fíbídino, íemo daje izói nana jíáíforiede jíruífue fínóidino, daje izói cómena méínetino, daje izói jánaraimo caimátaidino, daje izói jíáie comínina iere jífuefiredino, naa afe izoide fíbídinori; nana bie izoide comíni afe jófueimo jofo jáinidiaioi; jáíñeno jino fíébitiaioi.

<sup>16</sup> Cue Jesúdicue. Juzíñamuimo ua jáináidinomo nana bífuiái jino llóllena cue abi ímie ja cue oreca. Jáiai íllaima David comuilla moi ímiedicue; daje izói afémieimo jebuídino comuítagamiedicue. Iemo iere egáñnote monáíracudu izóidímiedicue, —daide.

<sup>17</sup> Iemona Juzíñamui Ñuera Joreño daide:

—Mai bí, —daide.

Daje izói Cordero ai daina afémieimo ua jáináidino íena daide:

—Mai bí, —daide.

Daje izói búuáillaina cacáidino afémieina:

—Mai bí, —omoi daííri.

Iemo Cristo daide:

—Jiróacaitímie zíñona cáataite jáinoina íbáñeno mai fia júruaíbiri. Afe bie izói daííacade zíñona ílláfuena óiacadímie mai cuemo bí; raíñóñeno omo fécaíticueza.

<sup>18</sup> Nana binícómo cuega Juzíñamui uaimo cacáreidínona bie izói llétaiticueza, cacai: Dáamie bie ráfuena baímo zotáadi, Juzíñamui binícómo cuega jacírede duere fínuaniaína afémieimo jóoneite. <sup>19</sup> Daje izói binícómo cuega Juzíñamui uáimona dáamie daa uai oni

óiadí, Juzíñamui afe zíñona cáaitino mámecei cuiánicomo cuega afémie mámecina oni óite. Daje izói binícomo lloga nífuenide jófuemo Juzíñamui afémiena jofo jáitañeite. <sup>20</sup>Bifue jino llotímie nane daánomo llote:

—Jii, raire biticue, —daide.

Afemona Juan daide:

—Aquie izóideza. ¡Cai Ocuíraima Jesús, mai bi!

<sup>21</sup> Cai Ocuíraima Jesucristo nana ómoína ñue fínoíteza. Daiítadeza. Jae ñie.